



M





MEDVLLA THEOLOGICA

EX SACRIS SCRIPTVRIS,

Conciliorum Pontificumque Decretis,
ET SANCTORVM PATRV

ac Doctorum placitis expressa.

IN QVA QVIDQVID, TVM AD FIDEI MYSTERIA
sanè ac rectè intelligenda, & ab erroribus quibusvis secernenda,
sum ad Sacramenta debite consicienda & ministranda, sum ad
actiones humanas iuxta diuina legis normam dirigendas, spectare
potest, facili ac compendiaria methode explicatur.

A V T H O R E

LVDOVICO ABELLY

Episcopo Ruthenensi.

Editio nona, & postrema, ab ipso autore emendata, & quamplurimis
Capitibus & Sectionibus aucta: adiunctis etiam varijs Indicibus,
nec non Methodica catechesi, ex ipsius Medulla

Theologica effatis concinnata.

P A R S S E C V N D A.

Complectens ea qua ad Sacramenta & mores pertinent.

BIBLIOTECA NAZ.
ROMA
VITTORIO EMANUELE



V E N E T I I S, M D C L X X X.

Sumptibus Combi & LaNouij.

SUPERIORVM PERMISSV, AC PRIVILEGIO.



P R Æ F A T I O

In posteriorem Medullæ Theologicæ partem .

POST explicatas in priori huius operis parte, veritates illas , quæ myſteriorum fidei notitiam præſertim ſpectant , reliqua Theologicæ doctrinæ capita , quæ magis ad praxim accedunt, hac poſteriori exhibentur: atque in primis, ea quæ ad Sacramentorum rationem ac diſciplinam pertinent ; quæ cùm ſint media quædam ad Chriſti Domini gratiam in nos vberri- mē deriuandam diuinitus inſtituta , conuenienter poſt ipſius gratiæ doctrinam, ultimo prioris Partis tractatu traditum, ſub- iungitur Theologiæ Sacramentalis expli- catio, in qua de ipſis Sacramentis tum gene- ratim, tum ſpeciati- m, diſſeritur: vt nouerint illi , quibus myſteriorum tantorum diſpen- ſatio credita eſt , quomodo ſe in ſacra illa œconomia gerere debeant , & qua ratione populus fidelis dignè iſdem participare, ple- nioresque ac vberiores illorum fructus in ſe percipere poſſit.

P R Æ F A T I O.

Quoniam verò terra super te venientem, bibens imbrem, proferens autem spinas ac tribulos, maledicto proxima est, (ut testatur Apostolus) qui præterea monet, ne in vacuum gratiam Dei recipiamus, hortaturque, ut exhibeamus nos, sicut Dei ministros in omni opere bono fructificantes; idcirco in secundo posterioris huius Partis tractatu, agitur de ipsis actibus humanis, quibus unusquisque Deo vel morti fructificare potest (ut loquitur idem Apostolus) inuestigaturque, ex quibus fontibus bonitas eorum vel malitia profluat, ac præsertim prima & præcipua illorum actuum regula, lex scilicet diuina, Decalogi præceptis contenta, paulo attentius consideratur: cui subiungitur notitia Ecclesiasticarum legum ac censurarum; ac demum pro totius operis veluti coronide apponitur brevis quædam Appendix eorum, quæ ad statum Clericalem & Ecclesiasticæ Hierarchiæ disciplinam spectant, quæ in alijs tractatibus explicari commodè non potuerunt.

Cùm autem vniuersa hæc Theologia Moralis & practica, duobus præsertim fundamentis innitatur, ratione scilicet ac authori-

tate

P R Æ F A T I O.

tate, rationem quidem , optimam ducem ,
 author huius operis arbitratus est, sed in tā-
 ta rerum caligine, quæ nos vndique circum-
 dat, solam haud satis tutam ; ideòque autho-
 ritatem tanquam certiozem, & fidei amicam
 illi adiunxit; imò plerumque solam sequutus
 est; ac in primis diuinam sacræ Scripturæ fa-
 cem vbicumque Deus illam allucere voluit
 tanquam certum & infallibile medium ad
 dignoscendum verum à falso , & prauum à
 recto, in ijs quæ ad Sacramenta & mores per-
 tinent, adhibuit iuxta Propheticum dictum,
*Lucerna pedibus meis verbum tuum , & lu-
 men semitis meis.* Exinde Conciliorum, sum-
 morumque Pontificum decreta , nec non
 Sanctorum Patrum effata , tum in proprijs
 fontibus , tum in ipso iure canonico solerter
 inquisiuit , denique Doctorum maximè pro-
 batorum responsa consuluit , ac præ cæteris
 ipsum Sanctum Theologiæ totius apicem
 obseruauit, eiusque doctrinæ sæper adhæsit .

Et in ijs quidem , quæ nullam aut perexi-
 guam difficultatem recipiunt , vnus tan-
 tum aut alterius probati Doctoris calculum
 adiecit : in grauioribus verò difficultatibus

P R Æ F A T I O.

maximorum & nominatissimorum Theologorum sensa euoluit, eorumque authoritate stabiliiuit ea , quæ probabilissima & quoad praxim tutissima ipsi visa sunt : hæcque omnia quanta potuit breuitate, facilitate, ac perspicuitate præstitit, aut certè præstare voluit.

Cæterùm si quid in hac Theologiæ moralis & practicæ Synopsi , lectori minus arrideat , hoc ab illo suppliciter postulatur , vt apud se perpendat , difficillimum esse , imò vix possibile vniuscuiusq; mentem assequi, aut votis obsecundare , in tanta rerum adeò implexarum & arduarum varietate ac multitudine , quæ in hoc opusculo tractari debuerunt, eiusque angustis limitibus arctari: prætereà consideret authorem nihil ex proprio ingenio , cui maximè diffidere debuit , sed omnia & singula vel ex Scripturis sanctis , vel ex ipso iure canonico , vel ex probatissimis authoribus protulisse, eaque insuper non nisi doctissimorum virorum iudicio examinata & probata in lucem edidisse, ac demum sanctæ Catholicæ , Apostolicæ ac Romanæ Ecclesiæ arbitrio & censuræ , quanta potest animi demissione, submittere.

INDEX

I N D E X

TRACTATVVM, CAPITVM, & Sanctionum huius posterioris Partis.

TRACTATVS I.

De Sacramentis .

C A V T P I.

De Sacramentis in genere ,

Sect. I.	Q uid sit Sacramentum	fol. 12.
II.	Verum Sacramenta noua legis consistant rebus & verbis tanquam materia & forma.	3
III.	Verum ad conficienda Sacramenta determinata res ac determinata verba requirantur.	5
IV.	Verum, & quatenus Sacramenta noua legis gratiam conferant.	7
V.	Quam gratiam Sacramenta noua legis conferant.	10
VI.	Verum per Sacramenta imprimatur character.	13
VII.	Quis sit numerus, & qua necessitas Sacramentorum nouae legis.	14
VIII.	Quis sit minister Sacramentorum nouae legis, & qua in illo requirantur ad validam illorum administrationem.	16

C A P V T II.

De Sacramento Baptismi.

Sect. I.	Q uid sit Baptismus, & qua eius necessitas	fol. 21
II.	Qua sit materia Baptismi.	23
III.	Qua sit forma Baptismi.	25
IV.	Quis possit Baptismum conferre.	27
V.	Quis Baptismum suscipere possit, & qua dispositiones ad id requirantur.	29

a 4 IV. Qua-

I N D E X.

<u>VI.</u>	<u>Quinam sint effectus Baptismi.</u>	32
<u>VII.</u>	<u>Quanam sint caeremonia in collatione Baptismi seruanda.</u>	34

C A P V T. III.

De Sacramento Confirmationis.

Señt. I.	V trum Confirmatio sit Sacramentum.	38
II.	Quanam sit materia & forma Sacramenti Confirmationis.	39
III.	Quinam sint huius Sacramenti effectus.	41
IV.	Quanam dispositiones necessariae sint ad Sacramentum Confirmationis valide & fructuose recipiendum, & qua sit illius recipiendi obligatio.	43
V.	Quis Sacramentum Confirmationis ministrare possit, & quo ritu ministrari debeat.	44

C A P V T IV.

De Sanctissimo Eucharistiae Sacramento.

Señt. I.	Q uo nomine sanctissimum hoc Sacramentum nuncupetur.	fol. 46
II.	In quo proprie consistat Eucharistia Sacramentum.	47
III.	Quanam sit materia Eucharistia conficienda.	49
IV.	Qua sit forma ad consecrandam Eucharistiam, & quis verus & proprius verborum illius sensus.	52
V.	Quid in hoc Sacramento per verba consecrationis efficiatur.	55
§. I.	De vera & reali praesentia corporis & sanguinis Christi Domini in Sacramento Eucharistia.	56
§. II.	De transsubstantiatione seu conuersione totius substantiae panis & vini in substantiam corporis & sanguinis Christi Domini.	60
§. III.	Explicantur quaedam difficultates circa transsubstantiationem panis & vini in Christi Domini corpus & sanguinem.	62
VI.	Quinam sint effectus Sacramenti Eucharistiae.	65
VII.	De dispositionibus ad huius Sacramenti dignam perceptionem necessarijs.	69
§. I.	Quanam dispositiones requirantur ex parte animae.	70
§. II.	Quanam dispositiones requirantur ex parte corporis.	72
	§. III.	

I N D E X.

§ III.	<i>An sit ex precepto aliquo necessarium, ut quis pœnitentiam seu satisfactionem sibi à Sacerdote iniunctam, ante sumptionem Eucharistia impleat.</i>	74
§. IV.	<i>An ad dignam Eucharistia perceptionem, requiratur excellens atque puritatis ac sanctitatis gradus.</i>	76
VIII.	<i>Qua sit huius Sacramenti percipiendi necessitas.</i>	78
IX.	<i>Soluntur quædam dubia circa doctrinam præcedenti sectione traditam.</i>	82
X.	<i>Quis sit legitimus huius Sacramenti minister.</i>	83
XI.	<i>De sanctissimo Missæ Sacrificio.</i>	85
§. I.	<i>Verum in Missa verum & proprie dictum sacrificium offeratur.</i>	ibid.
§. II.	<i>Quanam partes Missæ ad rationem sacrificij pertineant.</i>	88
§. III.	<i>Quinam sint huius Sacramenti effectus.</i>	90
§. IV.	<i>Quibus personis profit Missæ sacrificium, seu pro quibus licite & valide offerri possit.</i>	93
§. V.	<i>Quanam applicatio requiratur ex parte Sacerdotis celebrantis, ut Missæ fructus in alios deriuetur.</i>	96
§. VI.	<i>An Missæ sacrificium pro pluribus oblatum tantum singulis profit, quantum si pro uno solam offerretur.</i>	98
§. VII.	<i>Applicationis à Sacerdote celebrante faciendæ facilis & optima praxis proponitur.</i>	101
§. VIII.	<i>Explicantur reliqua, quæ ad debitam huius sacrificij celebrationem requirantur.</i>	103

C A P V T V.

De Sacramento Pœnitentiæ.

Seçt. I.	Q <i>uid nomine Pœnitentiæ intelligatur.</i>	110
II.	<i>Pœnitentiæ esse verum & proprie dictum novæ legis Sacramentum contra hæreticos demonstratur.</i>	111
III.	<i>Qua sit materia Sacramenti Pœnitentiæ.</i>	114
IV.	<i>Qua sit forma Sacramenti Pœnitentiæ.</i>	116
V.	<i>Quinam sint effectus huius Sacramenti.</i>	119
VI.	<i>Verum per pœnitentiæ Sacramentum merita bonorum operum reuiviscant.</i>	122
VII.	<i>Quid sit contritio in genere.</i>	124
VIII.	<i>Quid sit contritio perfecta, & quo pœto ab attritione distinguatur.</i>	126
IX.	<i>Verum contritio perfecta necessaria sit ad Sacramentum Pœnitentiæ digne & fructuose recipiendum? an vero</i>	
	<i>attritio</i>	

I N D E X

	<i>attritio ad id sufficiat .</i>	129
X.	<i>Qualis debeat esse attritio illa , qua ad Sacramentum debite suscipiendum necessaria est .</i>	133
XL	<i>Vtrum Confessio sacramentalis ad peccatorum remissionem consequendam , ex Christi Domini institutione sit necessaria .</i>	138
XII.	<i>Qua persona , & quo tempore obligentur ad confessionem sacramentalem faciendam .</i>	141
XIII.	<i>Quanam sint conditiones ad confessionem debite faciendam requisita .</i>	144
XIV.	<i>Qua sit integritas confessionis ad validitatem & fructum eius necessaria .</i>	145
XV.	<i>An integritas confessionis ita necessaria sit , ut in nullo casu licitum sit peccatum aliquod mortale in confessione recitare .</i>	148
XVI.	<i>Quis sit legitimus Sacramenti Pœnitentia minister .</i>	151
XVII.	<i>De casuum reservatione .</i>	154
*XVIII.	<i>Quis possit à casibus reservatis absolvere .</i>	137
XIX.	<i>Quanam conditiones requirantur in Confessario , ut debite ministerio fungatur .</i>	139
XX.	<i>Qua sit prudentia in Confessario requisita .</i>	179
XXI.	<i>Qua sit obligatio sigilli seu secreti in confessione servandi .</i>	162
XXII.	<i>In quibus casibus confessio nulla sit , & ideo iteranda .</i>	165
XXIII.	<i>Quid sit satisfactio Sacramentalis .</i>	167
XXIV.	<i>Quibus operibus Deo satisfieri possit .</i>	170
XXV.	<i>Quomodo se gerere debeat Confessarius in imponenda satisfactione .</i>	171
XXVI.	<i>Qua sit obligatio pœnitentia circa pœnitentiam accipiendam & adimplendam .</i>	

A P P E N D I X .

De Indulgentijs & Purgatorio .

§. I.	<i>Vid sit , & quotuplex indulgentia .</i>	177
§. II.	<i>Quis possit concedere indulgentias , & quam causam id requirantur .</i>	180
§. III.	<i>Quanam conditiones requirantur in eo , qui indulgentiarum fructum percipere intendit .</i>	183
§. IV.	<i>Quid de Purgatorio sentiendum sit .</i>	185

I N D E X.

C A P V T V I.

De Sacramento Extremæ vnctionis.

Seçt. I.	V trum Extrema vnctio sit Sacramentum, & quis sit eius minister.	189
II.	Qua sit materia & forma huius Sacramenti.	191
III.	Quinam sint huius Sacramenti effectus.	195
IV.	Quis suscipere possit aut debeat Sacramentum Extrema vnctionis, & qua in eo dispositiones requirantur.	196

C A P V T V I I.

De Sacramento Ordinis.

Seçt. I.	V trum Ordo sit Sacramentum.	198
II.	Qua sit materia & forma Sacramenti Ordinis.	202
III.	Quis Sacramentum Ordinis conferre, quis item illud suscipere possit.	205
IV.	Quanam qualitates seu dispositiones requirantur in illis, qui ad Ordinem sunt promouendi.	208
V.	Quinam sint huius Sacramenti effectus.	212

C A P V T V I I I.

De Sacramento Matrimonij.

Seçt. I.	V trum Matrimonium sit Sacramentum.	214
II.	Quanam requirantur ad hoc vt Matrimonium valide contrahatur.	218
III.	Quanam requirantur vt Matrimonium non modo valide, sed etiam licite contrahatur.	221
IV.	Quinam sint Matrimonij effectus.	222
V.	Quanam sint Matrimonij impedimenta.	225
VI.	De sponsalibus.	231

T R A C T A T V S I I.

De actibus humanis iuxta diuinæ legis normam dirigendis.

C A P V T I.

De actibus humanis in genere.

Seçt. I.	Q uid sit actus humanus proprie dictus.	234
II.	Quis actus vere & proprie sit liber.	236
	III.	

I N D E X.

III.	<i>Vndenam actus humanus bonitatem suam vel malitiam desumat.</i>	239
IV.	<i>An detur aliquis actus indifferens, seu qui nec bonus, nec malus sit.</i>	243
V.	<i>Verum ad hoc ut quis bene operetur, semeatur sequi conscientia dictamen.</i>	245
§. I.	<i>Quid sit conscientia, & quotuplex.</i>	ibid.
§. II.	<i>Qua sit obligatio conscientia recta.</i>	246
§. III.	<i>Qua sit obligatio conscientia errantis.</i>	247
§. IV.	<i>Quid de conscientia scrupulosa sentiendum sit.</i>	248
§. V.	<i>Quid de conscientia dubia, & in dubijs quid agendum sit.</i>	250
* VI.	<i>De opinione probabili.</i>	252
* §. I.	<i>Quid opinionis probabilis nomine intelligendum sit.</i>	252
* §. II.	<i>An licitum sit operari ex quacunque opinione probabili.</i>	252
* §. III.	<i>Verum ex duabus opinionibus probabilibus, licitum sit sequi minus tutam, & minus probabilem.</i>	256

C A P V T II.

De peccatis.

Sect. I.	Q <i>uid sit peccatum.</i>	260
II.	<i>Vtrum dentur quadam peccata mortalia & venialia.</i>	262
III.	<i>Qua ratione peccata mortalia & venialia inter se distinguantur.</i>	264
IV.	<i>Vndenam specifica vel numerica peccatorum distinctio petenda sit.</i>	268
V.	<i>De peccatis commissionis & omissionis, eorumque varijs gradibus.</i>	269
VI.	<i>Quanam sint causa peccatorum.</i>	271
VII.	<i>Qua ratione ignorantia sit causa peccati, vel ab illo excuset.</i>	274
VIII.	<i>Quanam sint effectus peccati.</i>	277
Digressio.	<i>De loco inferni, & damnatorum supplicijs.</i>	279

C A P V T III.

De Legibus.

Sect. I.	Q <i>uid nomine legis intelligatur, & quotuplex sit lex.</i>	281
II.	<i>Quid sit lex humana, & circa quam materiam versari possit.</i>	285
III.		

I N D E X.

III.	<i>Vtrum lex humana in conscientia obliget .</i>	287
IV.	<i>Vndenam dignosci possit vtrum lex humana sub mortali culpa obliget.</i>	291
V.	<i>In quibus personis resideat legum ferendarum potestas .</i>	294
§. I.	<i>De Romano Pontifice .</i>	295
§. II.	<i>De Concilijs .</i>	297
§. III.	<i>De Episcopis alijsque Ecclesia Pralatis .</i>	299
VI.	<i>Quibus modis cessare possit obligatio seruanda legis humana.</i>	300
VII.	<i>An, & quaratione consuetudo vim legis obtineat .</i>	303
VIII.	<i>De lege diuina positina .</i>	305

C A P V T IV.

De Legis diuinę seu Decalogi præceptis .

Sect. I.	E xplicatur primum Decalogi præceptum .	309
§. I.	<i>Quid circa fidem hoc primo Decalogi præcepto præcipiatur, aut prohibeatur .</i>	309
§. II.	<i>De virtute spei, & peccatis illi oppositis .</i>	313
* §. III.	<i>De Oratione .</i>	314
* Digressiuncula.	<i>Breuem Dominica orationis explicationem continens iuxta mentem Sanctorum Patrum .</i>	319
§. IV.	<i>De virtute charitatis, peccatisque illi oppositis .</i>	322
§. V.	<i>De virtute Religionis, peccatisque illi oppositis .</i>	326
§. VI.	<i>Quot modis peccetur in primum Decalogi præceptum .</i>	344
II.	<i>Explicatur secundum Decalogi præceptum .</i>	346
§. I.	<i>De iuramento .</i>	ibid.
§. II.	<i>De blasphemia .</i>	349
§. III.	<i>De voto .</i>	340
§. IV.	<i>Quanta sit voti obligatio, & quibus modis cessare possit .</i>	342
§. V.	<i>Quot modis peccetur in secundum Decalogi præceptum .</i>	347
III.	<i>Explicatur tertium Decalogi præceptum .</i>	348
§. I.	<i>Quanam requirantur ad festorum dierum sanctificationem .</i>	349
§. II.	<i>Quot modis peccetur in tertium Decalogi præceptum .</i>	353
IV.	<i>Explicatur quartum decalogi præceptum .</i>	354
§. I.	<i>Quanam persona sint ex charitate diligenda .</i>	355
§. II.	<i>Quis ordo in charitate seruandus sit .</i>	357
§. III.	<i>De actibus charitatis erga proximum, ac præsertim de elemosyna corporali .</i>	359
§. IV.	<i>De elemosyna spiritali & correctione fraterna .</i>	362
§. V.	<i>Quanam peccata charitati aduersentur .</i>	365

I N D E X.

§. VI.	<i>Quanam sint obligationes filiorum erga parentes, & parentum erga filios.</i>	370
§. VII.	<i>Quot modis peccetur in quartum decalogi praeceptum.</i>	372
V.	<i>Explicatur quintum Decalogi praeceptum.</i>	373
§. I.	<i>Quomodo quintum Decalogi praeceptum intelligi debeat.</i>	374
§. II.	<i>De homicidio & mutilatione sui ipsius.</i>	375
§. III.	<i>De homicidio & mutilatione alterius.</i>	377
§. IV.	<i>Quot modis peccetur in quintum Decalogi praeceptum.</i>	380
§. V.	<i>De restitutione ob alterius occisionem vel mutilationem facienda.</i>	381
VI.	<i>Explicatur sextum Decalogi praeceptum.</i>	382
§. I.	<i>Quid hoc sexto praecepto prohibeatur.</i>	383
§. II.	<i>Quot modis peccetur in sextum decalogi praeceptum.</i>	387
§. III.	<i>Quanam restitutiones ob huius praecepti transgressionem faciendae sint.</i>	387
VII.	<i>Explicatur septimum decalogi praeceptum.</i>	389
§. I.	<i>Quid iuris, quid iustitiae nomine intelligendum sit.</i>	390
§. II.	<i>Quid sit ius ad rem, & ius in re.</i>	391
§. III.	<i>Quid sit dominium, & quibus personis competat.</i>	392
§. IV.	<i>Quibus modis dominium proprietatis acquiratur.</i>	393
§. V.	<i>De praescriptione.</i>	395
§. VI.	<i>De contractibus in genere.</i>	396
§. VII.	<i>De promissionibus, donationibus, & testamentis.</i>	397
§. VIII.	<i>De emptione & venditione.</i>	400
§. IX.	<i>De mutuo, commodato, deposito, & locato.</i>	401
§. X.	<i>Quid hoc septimo decalogi praecepto prohibeatur.</i>	402
§. XI.	<i>Quot modis peccetur contra hoc septimum Decalogi praeceptum.</i>	406
§. XII.	<i>Quibus modis usura peccatum committatur.</i>	408
§. XIII.	<i>Soluntur quaedam dubia circa usura materiam frequentius occurrentia.</i>	411
§. XIV.	<i>De restitutione ob violationem huius septimi praecepti faciendam.</i>	414
	<i>Quaestio I. Quisnam restituere teneatur.</i>	415
	<i>Quaest. II. Cui sit restituendum.</i>	417
	<i>Quaest. III. Quid, quando, & quo ordine sit restituendum.</i>	417
	<i>Quaest. IV. Quanam causa à restitutione excuset.</i>	419
§. VIII.	<i>Explicatur octavum decalogi praeceptum.</i>	420
§. I.	<i>De mendacio.</i>	ibid.
§. II.	<i>De ijs quae ad processum iudiciale[m] spectant, ac primo de iudice.</i>	421
§. III.	<i>De Accusatore.</i>	424
§. IV.	<i>De Testibus.</i>	426

I N D E X.

§. V.	<i>De Reo .</i>	429
§. VI.	<i>De Aduocato & Procuratore .</i>	430
§. VII.	<i>De iniurijs honoris & fama per detractionem , & contumeliam .</i>	430
§. VIII.	<i>Soluuntur dubia quadam circa peccatum detractionis .</i>	432
§. IX.	<i>De iudicio temerario .</i>	435
§. X.	<i>Quot modis peccetur in octauum hoc decalogi præceptum .</i>	438
§. XI.	<i>De restitutione ob huius octauæ præcepti violationem faciendam .</i>	439
§. XII.	<i>Explicantur nouum & decimum decalogi præceptum .</i>	442

De præceptis Ecclesiæ .

S E C T I O V N I C A .

Explicatur tertium præceptum , quod est de ieiunio .

§. I.	Q uid ad debitam ieiunij observationem requiratur .	444
§. II.	Qua sit obligatio ieiunij .	446
§. III.	Quot modis peccetur in hoc Ecclesiæ præceptum .	449

C A P V T V I .

De censuris Ecclesiasticis & Irregularitate .

Sect. I.	D e censuris in communi .	(fol. 450
§. I.	In quibus personis resideat ferendarum censurarum potestas .	451
§. II.	In quasnam personas censura ferri possint .	451
§. III.	Ob quam causam censura infligantur .	452
§. IV.	Qua forma in ferendis censuris obseruanda .	453
§. V.	Quanam causa ab incurrendis censuris excusent .	454
§. VI.	Quis absolvere possit à censura , & qua requirantur dispositiones in eo , qui absoluitur .	456
§. VII.	Quornplex sit censura Ecclesiastica .	457
Sect. II.	De censuris in particulari :	457
§. I.	De excommunicatione .	458
§. II.	De suspensione .	464
§. III.	De interdicto .	467
Sect. III.	De Irregularitate .	469
§. I.	De Irregularitate qua oritur ex defectu .	469
§. II.	De Irregularitate , qua oritur ex delicto .	471
§. III.	Qua ratione tollatur Irregularitas .	473

A P .

I N D E X.

A P P E N D I X.

De statu Clericali , & Ecclesiasticæ disciplinæ Hierarchia .

Art. I.	D <i>E</i> primo ad statum Clericalem ingressu .	474
II.	<i>De habitu & tonsura Clericali .</i>	476
III.	<i>De beneficijs Ecclesiasticis .</i>	478
Quæstiuncula 1.	<i>Quot modis beneficia Ecclesiastica licitè obtineri possint .</i>	479
Quæst. 2.	<i>Quibus modis simonia , tum in alijs casibus , tum præsertim in obtinendis beneficijs committi possit .</i>	480
Quæst. 3.	<i>Quanam sint pœna contra simoniacos constituta .</i>	485
Quæst. 4.	<i>Verum licitum sit plura simul beneficia possidere .</i>	486
Quæst. 5.	<i>Qualiter se beneficiarij gerere debeant in expediendis beneficiorum suorum redditibus .</i>	488
Quæst. 6.	<i>Qua sit obligatio beneficiariorum ad residentiam .</i>	490
Quæst. 7.	<i>Quanam requirantur dispositiones , ut quis censeatur idoneus esse ad beneficium aliquod Ecclesiasticum .</i>	492
IV.	<i>De Horarum Canonicarum recitatione .</i>	493
Quæst. 1.	<i>Quanam persona obligentur ad recitandas horas canonicas .</i>	494
Quæst. 2.	<i>Quomodo Canonica Hora recitari debeant .</i>	495
Quæst. 3.	<i>Quibus pœnis subiaceant ij , qui horas canonicas recitare omittunt .</i>	499
Quæst. 4.	<i>Quanam causa ab horarum canonicarum recitatione excusent .</i>	500
V.	<i>Explicantur reliqua iuxta canonicas sanctiones ad clericalis vitæ disciplinam spectantia .</i>	502

A P P R O B A T I O D O C T O R V M .

N O s in Sacra Theologiæ Facultate Parisiensi Doctores Sorbonici, fidem facimus lectum esse , examinatumque à nobis librum, cui titulus est , *Medulla Theologica , &c. pars altera , Authore Magistro LUDOVICO ABELLY , Doctore Theologo , & Sancti Iudoci Parisijs Rectore* , nihilque repertum in eo , quod sit Catholicæ , Apostolicæ & Romanæ Fidei , ac Doctrinæ , bonisque moribus contrarium . Datum Parisijs die trigesima Septembris , anno Domini 1651.

M. GRANDIN.

R. D V. VAL.

M E.

MEDVLLA THEOLOGICA

PARS POSTERIOR,

*Complectens ea quæ ad Sacramenta & mores
pertinent.*

TRACTATVS PRIMVS,

DE SACRAMENTIS.



QUOD olim per Prophetam pollicitus fuerat Deus Ezech. 36. effusurum se super seruos suos & ancillas suas aquam mundam, qua emundarentur ab omnibus inquinamentis suis, hoc præsertim in Sacramentis à Christo Domino postmodum institutis adimpleuit: hæc si quidem sunt veluti vasa quædam sacra, quæ vt declarat Concilium Tridentinum sess. 7. can. 6. diuinum illum gratiæ sanantis & sanctificantis liquorem in se continent, & ex se diffundunt: hi sunt fontes illi Saluatoris, ex quibus haurire possumus ingaudio aquam viuam, quæ fiat in nobis fons aquæ salientis in vitam æternam. Certè si bonorum illorum, quæ desursum sunt, quæque à Patre luminum descendunt, iusti sumus æstimatores, inter alia innumera nobis cælitus collata, Sacramentorum illorum institutionem, & in ipsis Sacramentis diuinæ charitatis exuberantiam, religioso in primis cultu suspicere, & grato quantum possumus animo suscipere debemus, nec non peculiari studio, diligentia & affectu perdiscendæ huic cælesti de Sacramentis doctrinæ incumbere decet, quos ministros suos, ac mysteriorum dispensatores Christus Dominus constituere voluit, & a quibus dispensationis illius rationem se aliquando exacturum esse contestatus est.

Dei ipsis igitur Sacramentis primum in genere: tum postea in particulari, secundum ordinem à S. Doctore præscriptum, nobis deinceps agendum est.

Pars II.

A CA-

2 DE SACRAMENTIS

CAPVT PRIMVM

De Sacramentis in genere

SECTIO I.

Quid sit Sacramentum.

NOMEN Sacramenti duobus præsertim modis apud sacros scriptores acceptum reperitur. 1. pro re occulta & latente; quo sensu Ephes. 2. dicitur, *Vt notum nobis faceret Sacramentum voluntatis suæ.* Et Sap. 2. *Nescierunt Sacramenta Dei.* 2. pro ipsius rei latentis & occultæ signo, vt Eph. 5. *Sacramentum hoc magnum est: Ego autem dico in Christo & in Ecclesia: vbi matrimoniū ab Apostolo Sacramentū magnū appellatur, quia est signū magū alicuius rei latentis & occulte, nempe coniunctionis Christi cū Ecclesia.*

In hac autem posteriori acceptione nomen Sacramenti communiter à SS. Patribus & ab ipsa Ecclesia vsurpatum est, ad exprimendas sacras quasdam ceremonias ad nostram sanctificationem diuinitus institutas; vt ex infra dicendis patebit.

Hoc igitur sensu Sacramentum in Catechismo Conc. Trid. Part. 2. c. 10. definitur: *Res sensibus subiecta, quæ ex Dei institutione sanctitatis & instruitum significande, tum efficiende vim habet.*

Dicitur 1. *Res sensibus subiecta*, seu, vt loquitur S. Doctor. q. 6. art. 2. ad 4. *signum sensibile*: quia ad suauem Dei providentiam pertinuit, vt per res exteriores, & signa quasdam sensibilia ad cognitionem & perceptionem rerum spiritualium & diuinarum veluti manu duceremur: *Si enim incorporeus esses* (vt ait Crysolomus) *Hom. 38. in sanct. Matth. nudè ipsa dona incorporeatibi tradidisset: sed quia corpori coniuncta est anima tua, ideo rebus sensibilibus tibi intelligenda traduntur*

Dicitur 2. *Ex Dei institutione*: Sacramentum enim non est signum naturale aut physicum, sed ex sola Dei voluntate & institutione, cuius solus est instituere signa illa; quæ iustitiam & sanctitatem significare & conferre possint, sicut illius solius est sanctitatem ipsam & iustitiam efficere, vt docet S. Th. quod tamen non obstat, quin (vt idem S. Doctor asserit p. 3. q. 64. 2. 2. a. 3.) Christus Dominus etiam in quantum homo fuerit causa ministerialis & principalis ipsorum Sacramentorum ad eorumque interiores effectus non solum meritorie, sed etiam efficienter in ratione causæ instrumentalis operetur.

Dici-

Dicitur denique, *Sanctitatis & iustitiae signum*, tum efficienda vim habere, quibus verbis indicatur Sacramentum esse signum quoddam practicum, cuius usu seu applicatione fideles interiorius ex opere operato sanctificentur, & exteriorius veluti Symbolo, seu nota quadam ab aliis Gentibus discernantur: quæ omnia ex dicendis plenius & facilius poterunt intelligi.

2 Est autem observandum hac ultima definitionis particula, Sacramenta legis gratiæ presertim distingui a Sacramentis legis naturæ & Mosaicæ: quamvis enim essent signa quædam sensibilia ad sanctitatem & iustitiam significandam divinitus instituta, unde Apostolus dicit Rom. 4. Circumcisionem fuisse *signaculum iustitiæ fidei*: non tamen illius efficiendæ, & ex opere operato conferendæ vim habebant, ut docet S. Th. q. 62. a. 6. unde idem Apostolus Gal. 4. illa vocat *infima & egena elementa*; & S. Aug. lib. 19. contra Faust. cap. 18. *Vetera (inquit) Sacramenta promittebant gratiam, nostræ vero eam exhibent*.

* Porro ut recte observat Layman, lib. 5. tract. 1. cap. 2. Mæratius tr. de Sacram. disp. 1. sect. 1. & alij, ad rationem quoque Sacramenti propriè dicti requiritur, ut perpetuam seu stabilem institutionem ac usum habeat pro statu durantis Ecclesiæ. Ea de causa linguæ igneæ, quæ in die Pentecostes apparuerunt, item insufflatio Christi in Apostolos Ioan. 20. licet signa fuerint gratiæ inuisibilis ad hominis sanctificationem, tamen propriè Sacramenta censeri non debent.

S E C T I O I I.

*Verum Sacramenta novæ legis consistunt rebus & verbis
tanquam materia & forma.*

1 **A**DIVVANDAM humanæ mentis imbecillitatem in percipiendis iis quæ ad Sacramentorum rationem spectant, Ecclesia divinitus inspirata certos loquendi modos adinvenit, & ex rerum naturalium similitudine deduxit, per quos ideam quandam, licet aliquatenus imperfectam, veram tamen & certam mysteriorum illorum supernaturalium conciperemus. Sicut igitur cernimus substantias omnes corporeas constare duobus principiis componentibus, materia scilicet & formâ; sic ad percipiendam naturam Sacramentorum, duas veluti partes in unoquoque illorum distinguendas esse docuit: unam quæ materiæ: alteram quæ formæ rationem obtineret. Ita expressè declaratur in Conc. Flor. in Decreto Eugenii Papæ, ubi post enumerationem septem Sacramentorum novæ legis, hæc verba subiunguntur: *Hæc omnia Sacramenta tribus perficiuntur,*

A 2

vide-

4 DE SACRAMENTIS

videlicet rebus tanquam materia, verbis tanquam forma, & persona ministri.

Est autem obseruandum nomine rerum, qui dicuntur esse instar materiæ, intelligi id omne quod in Sacramentis indeterminatam habet significationem; nomine verò verborum id, per quod illud determinatur: e. g. in Baptismo aqua naturalis se habet instar materiæ: quia (vt docet S. Th. qu. 60. art. 6.) *Significare potest & ablutio- nem propter suam humiditatem, & refrigerium propter suam frigiditatem: sed cum dicitur (ego te baptizo) manifestatur, quòd aqua utimur in Baptismo ad significandam emundationem spiritualem.*

2 Quæres an materia formæ coniungi debeat, & simul tempore cum illa existere, vt Sacramentum validè conficiatur? Respondetur id ex cuiusque Sacramenti natura esse dignoscendum. Nam in confectio- ne Sacramenti Eucharistiæ requiritur: vt eo ipso tempore, quo verba formæ proferuntur, materia præsens sit, hanc enim vt præsentè signi- ficat pronomen demonstratiuum (*hoc vel hic*) quod in forma ponitur. In Sacramento autem Pœnitentiæ, cum forma non significet applicationem materiæ, sed proferatur per modum iudicii, nec in iu- dicio requiratur vt sententia iudicis cum rei accusatione tempore coniuncta sit; hinc fit vt in hoc Sacramento non requiratur, vt absolu- tionis forma cum confessione & aliis actibus pœnitentis, qui materiæ locum tenent, tempore coniungatur. In alijs verò Sacramentis quæ in actione aliqua transeunte consistunt, & quorum forma applicatio- nem ipsius materiæ significat: quamuis aliqui Doctores arbitrentur ad illorum validitatem satis esse, vt moralis aliqua coniunctio inter materiam & formam reperiatur, ideoque validum, v. g. fore baptis- mum, si statim post ablutio- nem verba formæ proferantur, aut post formæ prolationem ablutio sequatur; certior tamen & tutior in pra- xi est aliorum omnium Doctorum sententia, qui asserunt materiam ac formam simul re ipsa debere coniungi, itaut simul tempore, ma- teria Sacramenti applicetur & verba formæ proferantur; aut saltem priusquam materiæ applicatio finiatur, formæ prolatio inchoetur, vel vice versa. Itaglossa in cap. (*decrabet*) causa 1. q. 1. Ioan. Maior, Richardus, Scotus, Paludanus, Syluester, Nauarrus, & alii, quos citat & quibus subscribit Vvaldus in Candelabro aureo 1. part. tit. 1. num. 15:

3 Cæterum ad faciliorem intelligentiam eorum, quæ de vnoquo- que Sacramento in particulari dicenda sunt, Theologi communiter duplicem distinguere solent materiam in Sacramentis, saltem in iis quæ in usu seu in actione transeunte consistunt (qualia sunt omnia nouæ legis Sacramenta, præter sanctissimam Eucharistiam, vt suo lo- co explicabitur) remotam scilicet & propinquam. Materia remota dicitur res illa, circa quam actio Sacramenti exercetur, vt aqua natu-
ralis

calis in Baptismo, oleum balsamo mixtum in Confirmatione, &c. Materia verò propinqua dicitur ipse actus, seu vsus illius rei sensibilis, puta ablutio.

S E C T I O III.

Verùm ad conficienda Sacramenta determinata res ac determinata verba requirantur.

AD propositam quæstionem communis Theologorum responsio est affirmatiua, nimirum, supposita institutione Sacramentorum nouæ legis diuinæ facta, ad validam illorum consecrationem, res easdem & eadem verba requiri determinare, secundum ipsius Christi Domini instituentis voluntatem Ratio est; quia cum Sacramentum confici nequeat, nisi rebus illis & verbis quæ ex instituto Dei gratiam sanctificantem significare ac efficere possunt (vt constat ex dictis sectione prima) si Deus significationem illam & efficaciam certis tantum & determinatis rebus, certis item & determinatis verbis imposuit, sequitur quod non nisi rebus & verbis illis à Deo determinatis Sacramentum confici possit. Ita argumentatur S. Doctor q. 60. art. 5. & 7.

Quod confirmari potest ex eo quod Concil. Trid. sess. 21. c. 2. declarat Ecclesiam posse circa Sacramentorum dispensationem statuere vel mutare ea quæ suscipientium vtilitati & ipsorum Sacramentorum venerationi, pro rerum, temporum ac locorum varietate magis expedire iudicauerit, *Saluatamen illorum substantia*. Quibus verbis significat non esse in Ecclesia potestatem immutandi ea, quæ ad Sacramentorum substantiâ pertinent; sed esse prorsus necessarium retinere omnia illa, quæ ex diuina institutione determinata sunt: vnde etiam S. August. lib. 8. cont. Don. capite 25. *Certa sunt*, inquit, *Verba Evangelica, sine quibus non potest Baptismus consecrari*. & li. 20. cont. Faust. capite 13. *Noster calix & panis certa consecratione mysticus, sit nobis corpus Christi*.

2. Est autem obseruandum, determinationem illam materiæ & formæ, seu rerum & verborum, non esse æqualem & eiusdem rationis in omnibus Sacramentis nouæ legis. Quo denique spectat ad materiam, determinatio illius petenda est præsertim ex aptitudine ad usum ipsius Sacramenti secundum institutionem diuinam; vnde fit vt aqua congelata, quamuis eiusdem speciei sit cum liquida, non est tamen materia Baptismi sufficiens; quia non est apta ad corporalem ablutionem. E contrariò in Sacramento Pœnitentiæ quilibet dolor de peccatis ex supernaturali aliquo motu elicitus, licet non eiusdem speciei, sufficit ad illius Sacramenti validitatem: quia

6 DE SACRAMENTIS

sci licet dolor ille quocunque in motivo supernali elicitus: ac proinde cuiuscunque sit speciei, est dispositio sufficiens ex parte potentis contentis ad absolutionem peccatorum recipiendam, ut infra suo loco explicabitur.

Quod verò spectat ad formam; cum in reliquis sex Sacramentis certa quædam & determinata verba ore prolata requirantur, in Matrimonio signa vel natus ad consensum de præsentis exprimendum verborum loco substitui possunt, ut suo loco dicetur.

In alijs etiam Sacramentis, quæ certa verba ore prolata requirunt, determinatio verborum illorum desumenda non ex ex qualitate soni syllabarumque quibus illa constant, sed ex significatione; ita ut eadem determinatè verba censeantur, quorum eadem est significatio, ut docet S. Thom. citato art. 7. in resp. ad 1.

3 Quæres 1. Undenam scire possimus quænam sint illæ res determinatæ; verba item determinata, quæ ad validam Sacramentorum confectionem ex diuinâ institutione necessario requiruntur? Respondetur id constare partim ex sacris Scripturis, partim ex traditione diuina, quam ex ipsius Ecclesiæ vel expressa declaratione, vel continua praxi discimus; unde S. Dionysius lib. de Eccle. Hier. capite. 1. sic loquitur: *Primi duces Sacendotalis muneris visibilibus signis cælestia Sacramenta texuerunt, & partim scriptis, partim non scriptis institutionibus nobis tradiderunt.* Quid autem Scriptura vel traditio de propria ipsorum Sacramentorum materia & forma doceat explicabitur, cum de vnoquoque illorum in particulari agetur.

Quæres 2. quænam mutatio in rebus illis & verbis diuinitus determinatis Sacramentorum validitatem impediât. Respondetur mutationem quamcumque in rebus illis, aut verbis, seu in materia aut forma, si substantialis sit, Sacramentum irritum & invalidum reddere; sin verò tantum accidentalis, validè quidem, sed tamen illicitè confici Sacramentum, nisi necessitas aut alia legitima causa excuset. Ita S. Thom. citata q. 6. art. 8. & communiter alii.

Tunc autem materiæ Sacramentorum mutatio substantialis censetur, quando tanta est, ut secundum communem usum & æstimationem hominum, differat ratione & appellatione à materia, quam Christus præscripsit, & Ecclesia usurpat; siue differentia illa sit specifica, siue non sit, ut rectè docet Suarez disp. 2. de Sacra. ser. 4. exempli gratia, farinacea massa nondum pista & igne cocta, non est apta materia ad conficiendum Eucharistiæ Sacramentum; quia, secundum communem usum & æstimationem hominum, non est panis; siue eandem speciem formam physicam cum ipso pane habeat, siue non.

4 Contraria ratione, mutatio illa materiæ censetur accidentalis si materia secundum communem usum & æstimationem eadem sit, licet

licet qualitas fortasse aliqua illi desit, quæ ex præcepti Ecclesiastici necessitate aliàs requiratur, puta si panis ille sit ater fermentatus, &c.

Similiter formæ Sacramentorum mutatio illa substantialis censeri debet, cum tanta est, ut communi hominum iudicio non retineat eum sensum, quem habet forma à Christo præscripta; quod si sensum illum retineat, qualiscumque mutatio fiat, accidentalis tantum est. Ita S. Thom. citato art. 8.

Ex quo intelligitur mutationem formæ fore tantum accidentalem: exempli gratia, si sit solius idiomatis, ut si quis baptizet vel consecret lingua vulgari vel græca: Si fiat aliqua verborum transpositio, oratione eundem sensum retinente: si vox aliqua detrahatur, quæ non pertineat ad substantiam formæ: Aut si verbum aliquod addatur, quod tamen illius sensum non evertat: Item si consueta formæ verba mutantur in alia synonyma, dicuntur autem synonyma, quæ idem non quomodocumque, sed eodem modo, idque tam explicitè & distinctè significant: si denique verba formæ corruptè proferantur, ita nihilominus ut tota illa oratio corruptis dictionibus constans habita ratione materiæ, cui applicatur, & aliarum circumstantiarum iuxta communem hominum concipiendi modum, eundem audientium animis sensum generet. In his omnibus & similibus casibus mutatio formæ censetur esse tantummodo accidentalis, ut docet S. Thom. quæst. 60. art. 7. ad 3. & post illum Paludanus, Scotus, & alii, quos citat & sequitur Laymanus & tractat. 1. de Sacram. in communi cap. 4. Hæc autem mutatio accidentalis, quantumvis si advertenter, & sine vlla rationabili causa fiat, ministrum peccati rerum efficiat, ipsius tamen Sacramenti validitatem non impedit.

S E C T I O I V.

*Utrum, & qua ratione Sacramenta nouæ legis
gratiam conferant*

QUOD spectat ad primam quæstionis propositæ partem, certum est ex fide nouæ legis Sacramenta gratiam conferre, quocumque modo illam conferant. Huic veritati oppositus olim fuit error Massalianorum, qui teste S. Epiphonio hæres. 80. & S. Aug. lib. de hæres. ca. 57. vim sanctificandi non tribuebant Sacramentis, sed solis precibus: à quo errore non longè absunt nostri temporis hæretici, qui (ut observat Bellarminus com. 3. lib. 2. cap. 1.) gratiam, quæ in Sacramentorum susceptione recipitur, non eorum efficaciæ aut virtuti, sed soli susipientium fidei ascribunt.

8 DE SACRAMENTIS

Refellitur hic error, & veritas nostræ fidei probatur 1. ex Scriptura, cuius testimoniis variis expressè constat Baptismum, Pœnitentiam, Eucharistiam, Ordinem, & Extremam-Vnctionem gratiam conferre: Vnde sequitur & alia Sacramenta eundem effectum habere, cum horum & illorum sit par ratio.

De Baptismo constat ex his verbis sancti Ioan. 2. *Nisi quis renatus fuerit ex aqua & Spiritu sancto, &c.* Quibus regeneratio spiritalis, quæ per gratiam fit, aquæ Baptismali tanquam causæ tribuitur.

De Pœnitentia S. Ioan. 20. *quorum remisistis peccata, remittuntur eis*: quibus significatur (vt declarat Concil. Trident. sess. 14. cap. 3. & 9.) Sacerdotes in Sacramento Pœnitentiæ per absolutionem verè peccata remittere, ac proinde gratiam conferre.

De Eucharistia S. Ioan. 6. *Qui manducat me, & ipse vivet propter me*, vita scilicet gratiæ.

De Ordine 2. ad Timoth. 1. *Admonco te vt resuscites gratiam, qua est in te, per impositionem manuum mearum.*

De Extrema-Vnctione deniq; S. Iacob. 5. *Vngentes eum oleo in nomine Domini, &c. si in peccatis sit, remittentur ei*: Vbi declaratur vis huius Sacramenti ad peccata remittenda, proindeque ad gratiam conferendam.

2. Probatur 2. ex Concil. Florent. in decreto Eugenii, & Tridentino sess. 7. cap. 6. vbi expressè definitur *Gratiam conferri per noua legis Sacramenta semper & omnibus: quantum est ex parte Dei, si ritè ea suscipiant.*

Probatur 3. ex S. August. in Psal. 37. expressè asserente *Sacramenta noui testamenti dare salutem.* Et S. Chrys. dicente hom. 60. ad pop. *Deum per visibilia signa (Sacramenta scilicet) inuisibilem largiri virtutem.*

Quod spectat ad secundam partem propositæ quæstionis, certum est etiam ex fide Sacramenta nouæ legis gratiam producere & conferre, non solum in quantum suscipientes ad aliquem actum fidei, aut alium primum affectum obiectiuè excitant, vt dicunt hæretici; sed propria virtute & efficacia; non quidem principaliter (quod solius Dei proprium est) sed instrumentahter, & (vt loquuntur Doctores) ex opere operato.

Vt hæc veritas faciliùs intelligatur, obseruandum est gratiam conferri ex opere operantis in aliquo Sacramento idem esse, atque conferri intuitu meriti ipsius operantis, seu illius qui est conficiens, vel administrans Sacramentum, aut illud suscipiens. Ex opere autem operato gratiam conferri idem esse, ac conferri gratiam præcisè vi ipsius operis operati, id est facti, prout iuxta diuinam institutionem faciendum est.

His

His observatis, veritas nostræ assertionis probatur, & error oppositus refellitur 1. autoritate scripturarum, quæ suprà relatæ sunt, ex quibus satis apertè colligitur Sacramenta efficacia aliqua & virtute sibi propria, proindeque ex opere operato remissionem peccatorum & gratiam conferre.

1. Probatur 2. autoritate Concil. Trident. sess. 7. cap. 8. *Si quis dixerit, non per novæ legis Sacramentum non conferri gratiâ ex opere operato, anathema sit.*

3. Probatur 3. autoritate S. August. l. 19. cont. Faust. c. 11. vbi dicitur Sacramentorum esse inenarrabilem, & cap. 16. *Sacramenta novæ legis plurimum à legalibus distare, & esse virtute maiora, utilitate potiora.* Atqui virtus Sacramentorum novæ legis nec esset inenarrabilis, nec maior aut potior virtute Sacramentorum antiquæ legis, si eo tantum modo gratiam conferrent quo afferunt hæretici. Item S. Cypriani serm. de Cœna Dom. vbi dicit *Sacramentis inesse aterna vitæ effectum.* Et Bernardi in ser. de eadem Cœna Dom. *Si quis vestrum (inquit) non tam sapè modo, nec tam acerbos sentit iracundia motus, invidia, luxuria, aut caeterorû huiusmodi, gratias agat corpori & sanguini Domini, quoniâ virtus Sacramenti operatur in eo.*

Addimus Innocentium III. summum Pontificem, qui lib. 3. de mysteriis Missæ c. 5. dicit *Missæ sacrificium conferre gratiam, licet per malos ministros, quia etiam si opus operans fortasse sit immundum ex parte ministri, attamen opus operatum est semper mundum respectu Dei.*

4. Quærent Theologi, utrùm Sacramenta novæ legis moraliter tantum, an etiam physice gratiam producant?

Respondetur 1. certum esse Sacramenta novæ legis semper esse causas morales gratiæ, quæ ex opere operato confertur dignè suscipientibus; siquidem ad gratiam illam producendam & suscipientibus largiendam mouent ipsum Deum gratiæ omnis authorem & largiorem; qui ideò gratiam illam tunc vult conferre, quia Sacramentum rectè perfectum & debite susceptum est. Sunt autem causæ morales non quidem principales, sed tantum instrumentales; tùm quia sic vocantur à Concil. Trid. sess. 6. c. 7. tùm quia causa moralis principalis ipsius gratiæ est Passio Christi Domini (ut ibidem dicitur) in cuius solummodo virtute Sacramenta hunc suum effectum attingunt.

Respondetur 2. probabilissimum esse Sacramenta novæ legis non tantum moraliter, sed etiam physice gratiam producere. Ita Caietanus, Alanus Cardinalis, & plures alii, quos citat & sequitur Suarez disp. 9. de Sacram. serm. 2. Quibus etiam favere videtur S. Doctor, quæst. 61. art. 1. 2. & 3. Et SS. Patres id satis apertè innuere videntur, cùm modum illum, quo Sacramenta gratiam producant, admirabilem aut inexplicabilem esse dicunt; ut S. Cyrill. Alexand. lib. 4. in Solomon. vbi de Sacramentorum effectu loquens; *Quomodo*

10 DE SACRAMENTIS

do autem (inquit) id fiat, nec mente intelligere, nec lingua dicere possumus, sed silentio atque firma fide suscipimus: Et S. Aug. tract. 80. in S. Ioan. Vnde (inquit) tanta virtus aqua, ut corpus tangat, & cor abluat? Atqui virtus illa Sacramentorum nec tanta esset, nec ineffabilis, aut incôprehensibilis dici deberet, si moraliter tantam gratiam produceret, cùm hæc moralis efficientia facile intelligi & explicari posset. S. item Leo Papa serm. 5. de Natiuit. asserit: Virtutem Altissimi, qua fecit ut Maria pareret Saluatorem, facere quaque ut regnaret vnda credentem. Atqui Beatissima Virgo non solum moraliter, sed etiam physicè ad Incarnationem Christi Domini concurrit. Ergo, &c.

Hinc obiter colliges quanta sit Sacramentorum nouæ legis excellentia & dignitas, quanta virtus & efficacia illis insit; proindeque quanti à nobis illa æstimari, qua reuerentia tractari & suscipi oporteat, & quantæ Deo optimo maximo, illorum auctori & largitori gratiæ debeantur.

SECTIO V.

Quam gratiam Sacramenta noua legis conferant.

DICENDVM I. certum esse, vt ex antedictis patet Sacramenta omnia nouæ legis conferre gratiam sanctificantem, siue primam, vt Baptismus & Pœnitentia, siue illius augmentum; vt reliqua Sacramenta: de quibus suis locis fusius agetur.

2 Dicendum 2. Sacramenta nouæ legis præter gratiam sanctificantem, conferre quoque virtutum supernaturalium habitus & dona Spiritus sancti siue illorum habituum & donorum augmentum. Id constat tùm ex Concil. Trident. sess. 6. cap. 7. asserente iustificationem non esse solùm peccatorum remissionem, sed sanctificationem & renouationem interioris hominis per susceptionem gratiæ & donorum; & in ipsa iustificatione cum remissione peccatorum simul infundi fidem, spem & charitatem, cuius quidem iustificationis causam instrumentalem dicit esse Baptismi Sacramentum: tùm etiam ex eo quòd iuxta communem & certam Theologorum doctrinam, gratiæ sanctificantis infusionem perpetuò comitatur habituum illorum & donorum infusio, vt in priori huius operis parte, tractatu de gratia explicatum est.

Dicendum 3. præter gratiam sanctificantem, dona, & virtutes, Sacramenta nouæ legis conferre quædam actualis gratiæ auxilia, conducentia ad consequendos proprios fines, ob quos ipsa Sacramenta instituta sunt. Ita S. Thom. quæst. 62. art. 2. vbi exp. essis verbis dicit: *Gratiam sacramentalem addere supragratiam communiter dictam;*

Etiam, & super virtutes & dona, quoddam diuinum auxilium ad consequendum Sacramenti finem.

Et certè nisi hoc verum esset, frustra tot Sacramenta instituta forent, eundem siquidem effectum haberent, ad quem vnum illorum abundè sufficeret.

1 Quæres 1. quænam sint illa specialia gratiæ auxilia, quæ à Sacramentis nouæ legis conferuntur.

Respondetur illa esse, quæ in Concilio Flor. sess. 7. can. 7. in decreto Eugenij Papæ enumerantur his verbis: *Per Baptismum spiritualiter renascimur: Per Confirmationem augemur in gratia, & roboramur in fide: renati autem & roborati nutrimur diuina Eucharistia alimonia: Quod si per peccatum aegritudinem incurrimus animæ, per Pœnitentiam spiritualiter sanamur. spiritualiter & corporaliter, prout anima expedit per extremam Vnctionem: per Ordinem verò Ecclesia gubernatur & multiplicatur spiritualiter: per Matrimonium augetur.* Quæ quidem omnia distinctius & facilius intelliguntur ex iis, quæ infra de vnoquoque Sacramento in particulari dicenda sunt.

Quæres 2. vtrùm Sacramenta gratiam sanctificantem & prædicta auxilia conferant omnibus suscipientibus.

Respondetur certum esse ex fide ac in Concilio Tridentino definitum, sess. 7. can. 7. gratiam sanctificantem per Sacramenta nouæ legis, quantum ex parte Dei, semper & omnibus ea dignè suscipientibus conferri. Quod autem spectat ad illa specialia auxilia, dicendum est illa tribui omnibus, qui gratiam ipsam sanctificantem ex Sacramentis dignè susceptis recipiunt: dispositio enim illa quæ sufficit ad recipiendum primarium Sacramenti effectum, qui est gratia ipsa sanctificans, sufficit etiam ad secundarium, qui in istis actualibus auxiliis consistit. Tribuuntur autem specialia illa auxilia non statim atque Sacramentum recipitur, sed iis temporibus & occasionibus quibus aptum & conueniens videtur illi, qui est (vt ait Propheta) Psalmi. 9. *Adiutor in opportunitatibus in tribulatione*, vt fusius explicat Gammachæus ad quæst. 62. cap. 2. Ex quâ doctrina sequitur (quod valdè notandum est) nulla eiusmodi auxilia ex opere operato vnquam illis tribui, qui ob defectum dispositionis ex Sacramento indignè suscepto gratiam sanctificantem nunquam recipiunt: cum gratia illa sit primarius Sacramenti effectus, in quo reliqui veluti radicantur.

3 Quæres 3. vtrùm Sacramenta nouæ legis æqualem semper gratiam conferant.

Respondetur quæstionem illam in duplici sensu accipi posse: 1. an diuersa Sacramenta, verbi gratia Baptismus & Eucharistia, æqualem conferant gratiam: & dicendum est conferre inæqualem, cum pro-

12 DE SACRAMENTIS

probabilissimum sit Deum voluisse per Sacramenta perfectiora & digniora cæteris paribus, maiorem & vberiore gratiam conferre: est autem de fide, & in Concilio Tridentino definitum, sess. 7. can. 7. Sacramenta omnia non esse inter se æqualia, sed alia aliis digniora esse & excellentiora; Vnde infertur Sanctissimæ Eucharistiæ Sacramentum maiorem & vberiore præ aliis Sacramentis conferre gratiam: cum omnium dignissimum & præstantissimum sit ut satis indicat Concilium Tridentinum, sess. 13. capite 1. & seq. & multiplici ratione probat Sanctus Doctor quæst. 65. art. 3. Vbi etiam secundum dignitatis locum tribuit Ordini, tertium Confirmationi, quartum Baptismo, quintum Extremæ Vnctioni, sextum Pœnitentiæ, & septimum Matrimonio.

2. Proposita quæstio intelligi potest, verum vnum & idem Sacramentum æqualem omnibus illud suscipientibus conferat gratiam: Et dicendum est eò maiorem conferre, non modò ex opere operantis, sed etiam ex opere operato, quo perfectiùs ad illud disponuntur. Quòd constat tum ex Conc. Trident. sess. 6. c. 7. Vbi loquens de adulterorum iustificatione, cuius instrumentalem causam dicit esse Baptismum, expressè asserit illos iustitiam recipere, *Secundum propriam cuiusq; dispositionem & cooperationem*. Tum ex auctoritate S. Doctoris, ad quæst. 62. ca. 2. Sancti Bonaventuræ, & aliorum, quos citat & quibus subscribit Gammachæus: Tum etiam ex eo quòd ad suam Dei providentiam pertinere videatur, ut meliùs & perfectiùs dispositis maiora & vberiora gratiæ suæ munera largiatur.

4. Hæc autem melior & perfectior dispositio consistit præsertim in maiori perfectione, intensione, continuatione, & multiplicatione actuum fidei, spei, charitatis, religionis, &c. qui in ordinem ad Sacramenti susceptionem eliciuntur; siue tunc eliciantur cum Sacramentum suscipitur, siue antea in ordine ad illud eliciti fuerint. Ex quibus tamen videntur cæteris paribus meliùs disponere actus illi, qui eo tempore exercentur, quo Sacramentum actu suscipitur.

Dices inde sequi gratiam illam vberiore quæ meliùs dispositis tribuitur, fore ex opere operantis, cum detur intuitu meriti ipsius suscipientis.

Respondetur actus illos, per quos homo ad Sacramentum aliquod suscipiendum disponitur, spectari posse duobus modis. 1. propterea sunt ex se alicuius gratiæ meritorii: 2. propterea passivè disponunt subiectum suum, & magis aptum reddunt ad effectum Sacramenti recipiendum. Et sic duplex illis respondet gratia: si spectentur priori modo, gratiam merentur ex opere operantis; si posteriori, reddunt hominem aptum ad maiorem gratiam Sacramentalem ex opere operato recipiendam.

Instabis, Sacramenta agere necessariò, ergo æqualiter.

Re-

IN G E N E R E.

Respondetur verum esse, si subiecta sint æqualiter disposita; sal-
sum verò, si inæqualiter: sicut sol æqualiter vndeque lumen
suum diffundit, quod tamen maxime inæqualiter in corporibus in-
ferioribus recipitur; aliter siquidem in diaphano, aliter in opaco, ali-
ter in stellis, aliter in luto & lapidibus impolitis.

S E C T I O V I.

Verum per aliqua Sacramenta imprimatur character.

NOMINE characteris intelligitur signum quoddam spiritua-
le, quod animæ per quædam Sacramenta imprimitur,
de quo

Dicendum 1. eiusmodi characterem verè imprimi animæ per fu-
sceptionem quorundam Sacramentorum. Ita sanctus Thomas &
communiter omnes, estque de fide, ac in Concil. Florent. & Trident.
definitum, ut infra dicetur.

Probatur 1. ex cap. 1. ad Ephes. *In quo & credentes signati estis,*
vbi Apostolus loquitur de signaculo spirituali quod accipitur. In
Baptismo, prout hunc locum exponunt SS. Chrysost. Hieron. & alii
apud Bellarminum tom. 5. lib. 2. cap. 20. Item 2. Corinth. 1. vbi Apo-
stolus de Confirmationis Sacramento loquens, Vnctioni illi signa-
culum coniungit: *Vnxit nos Deus, & signavit nos.*

Probatur 2. ex sancto Ambrosio. lib. 1. de Spiritu sancto: *Spiritu si-
gnamur, inquit, ut splendorum atque imaginem eius tenere possimus,
quod est vtrique spirituale signaculum:* Et sanctus August. serm. de
gestis cum Emerito cap. 6. vbi loquens de Baptismo: *Iste, inquit, est
character Imperatoris mei: de isto caractere militibus suis, vel potius
comitibus suis, ut hunc imprimere ois, quos congregabant castris
eius, præcepit dicens: Ite, baptizate omnes in nomine Patris &c.*

2. Dicendum 2. Characterem illum esse indelebilem, nec ullis
peccatis posse obliterari; ac proinde Sacramenta quæ illum impi-
munt, iterari non posse. Ita sanctus Thom. art. 5. Et expressè defi-
nitum est in Concil. Florent. in decreto Eugenij, & in Trident. sess. 7.
can. 9. Et antè præfata Concilia id ipsum docuerunt SS. Patres, ut
S. Cyril. Hierosol. præfat. in catecheses, vbi Baptismi Sacramentum
per effectus definiens dicit esse *signaculum sanctum & indelebile,* &
S. August. lib. 2. cap. 13. cont. Epist. Parmeniani, loquens de Baptis-
mo & Ordine, dicit Sacramenta illa non minùs inharere apostat-
is, quàm corporalem notam Imperatoris militibus fugitiuis: ideoq;
illa non esse iteranda, dum Apostatæ redeunt ad Ecclesiam.

Docet autem S. Thom. in resp. 3. characterem illum manere etiàm
post hanc vitam, non solum in animabus beatorum, sed etiam
dam-

14 DE SACRAMENTIS

damnatorum, in illis quidem ad maiorem ornatum & splendorem, in istis verò ad maiorem ignominiam & confusionem.

Dicendum 3. tria tantum Sacramenta imprimere characterem, Baptismum scilicet, Confirmationem, & Ordinem. Ita S. Doctor, & constat ex Concilio Florent. in citato decreto Eug. & Trident. sess. 7. can. 9. & etiam ex praxi continua totius Ecclesiæ, quæ tria illa Sacramenta iterari non posse, alia verò quatuor iterari posse apertè demonstrat; cuius quidem discriminis alia sufficiens causa afferri non potest, nisi quod tria illa imprimant characterem, reliqua verò non imprimant, ut fusè explicat Bellarminus lib. 2. de Sacram. cap. 22.

Quærent Theologi, quid sit propriè character ille Sacramentalis? Omnis varijs super hac re Doctorum sententijs, omnium probabilissimè loquuntur illi, qui iuxta doctrinam S. Thomæ quæst. 63. 22. & 3. asserunt characterem illum esse qualitatem quandam spirituales supernaturalem; quæ tria præsertim efficit in anima, cui imprimitur. Primum est, quod conferat quandam potestatem spirituales ad ea peragenda quæ ad cultum diuinum spectant: quæ quidem potestas est vel passiva ut in Baptismo, per cuius characterem redditur homo idoneus ad alia sacramentalicè & valide suscipienda; vel actiua, ut in Ordine & Confirmatione: per Ordinem enim efficitur homo idoneus ad Sacramenta alijs ministranda, per Confirmationem verò ad fidem profitendam. Secundum est, quod hominem Christo Domino configuret, à quo tanquam summo sacerdote derivatur omnis potestas spiritualis, & ideo, qui caractere aliquo Sacramentali insigniti sunt, Christo Domino similiores efficiuntur præ alijs, qui simili caractere non sunt insigniti. Tertium denique est, quod consignet hominem, eumque ab alijs secernat, qui eiusmodi characterem non receperunt; ita ut (verbi gratia) illi qui caractere sacerdotali præditi sunt, quouis in loco vel statu reperiantur, per totam æternitatem ut tales agnosci poterunt & ab alijs distingui, quæ omnia fusius explicata apud eundem Bellarminum ca. 19. videri possunt.

SECTIO VII.

Quis sit numerus, & qua necessitas Sacramentorum nouæ legis.

1 CERTUM est ex fide septem esse Sacramenta nouæ legis, nec plura, nec pauciora: scilicet Baptismum, Confirmationem, Eucharistiam, Pœnitentiam, Extremam Vnctionem, Ordinem, & Matrimonium. Ita expressè definitum habetur in Concilio Florent. in decret. Eug. & in Conc. Trident. 7. sess. can. 1.

Plura

Plura nullus vnquam hæreticus agnouit, pauciora multi, præsertim recentiores, qui cum in eo solummodo inter se conueniant, quod veritati aduersentur, circa ipsorum tamen Sacramentorum numerum maximè ab inuicem discrepant, & distrahuntur in varios & multiplices errores: Alii siquidem vnum tantummodo Sacramentum esse contendunt: alii duo, alii tria recipiunt: nec tamen eodem modo: Quidam enim Baptismum, Eucharistiam, & Pœnitentiam inter Sacramenta solummodo numerant. Alii Pœnitentiæ loco Matrimonium; alij Ordinationem substituunt: quæ omnia fusiùs apud Bellarminum lib. 2. de Sacr. cap. 23. explicata reperiuntur. Verùm falsitas istorum dogmatum hæreticorum, & nostræ fidei veritas constat ex supradictorum Conciliorum, adeoque totius Ecclesiæ auctoritate, quæ hunc septenarium Sacramentorum numerum definiuit, erroresque omnes oppositos proscripsit: & plenius adhuc constabit ex iis quæ dicenda sunt, cum de vnoquoque Sacramento in particulari agetur.

2. Quod spectat ad necessitatem Sacramentorum nouæ legis, certum est absolutè loquendo, illorum institutionem ad salutem hominum non fuisse necessariam, cum Deus sine vllis Sacramentis, siue in statu naturæ lapsæ, siue in quocunque alio potuerit per alia media homines ad salutem consequendam efficaciter iuuare. At verò supposita institutione Sacramentorum in statu naturæ lapsæ diuinitus facta, dicendum est quædam Sacramenta necessaria esse necessitate mediij: quædam solummodo necessitate præcepti, in quibus neutram reperiri necessitatem, in aliis vtramque.

In primis enim Baptismi Sacramentum respectu infantium solæ necessitate mediij necessarium est, cum nullum aliud ad salutem consequendam medium ipsis suppetat: Idem etiam Baptismi sicut & Pœnitentiæ Sacramentum in re vel in voto susceptum, necessitate mediij, tum præcepti necessarium est respectu adultorum, qui vel peccatum originale contraxerunt, vel post illud in Baptismo remissum, mortale aliquod actuale peccatum commiserunt.

Eucharistia quoad realem susceptionem, solius præcepti necessitate necessaria est. Ordo & Matrimonium quamuis ad bonum commune totius Ecclesiæ maximè requirantur, ad salutem tamen vniuscuiusque fidelium nullam, neque mediij, neque præcepti necessitatem inferunt.

Quomodo autem ista intelligi debeant, & quæ sit etiam Confirmationis & Extremæ Vnctionis necessitas, infra suis locis explicabitur.

16 DE SACRAMENTIS

SECTIO VIII.

*Qui sit minister Sacramentorum nouæ legis, & quæ in illo
requirantur ad validam illorum admini-
strationem.*

I **S**UPPONIMVS ex S. Doctore quæst. 64. art. 3. Christum Dominum in Sacramentis dupliciter operari : 1. quatenus Deus est, per potestatem supremæ & omnimodæ autoritatis. 2. quatenus homo est, per potestatem ministerij principalis, ratione cuius Sacramenta ipsa instituit, & ad eorum effectus concurret, tum vt causa moralis meritoria principalis, tum vt causa instrumentalis diuinitati per vnionem hypostaticam coniuncta: sicque primarius & præcipuus cuiusque Sacramenti minister est ipse Christus Dominus; vnde sancti Ioannis c. 1. de illo dicitur, *Hic est qui baptizat.* Hoc præsupposito,

Dicendum 2. Christum Dominum alios sub se Sacramentorum suorum ministros instituisse, qui quidem secundum legem ordinariam debent esse homines viatores. Ita S. Thom. art. 7. Et conitat ex variis Scripturæ testimoniis 1. Corinth. 4. *Sic nos existimet homo vt ministros Christi, & dispensatores mysteriorum, &c.* Ephes. 4. *Ipse dedit quosdam quidem Apostolos, quosdam autem Prophetas, quosdam Pastores & Doctores.* Hebræor. 10. *Omnis Pontifex ex hominibus assumptus pro hominibus constituitur in ijs qua sunt ad Deum, &c. qui condolere possit ijs, qui ignorant & errant; quoniam & ipse circumdatus est infirmitate.*

Diximus secundum legem ordinariam: fatemur enim cum S. Doctore supra, Angelos posse extraordinariè Sacramenta ministrare: Vnde S. Augustinus lib. 2. contra Parmenianum: cap. 15. *Quod attinet, inquit, ad Baptismum, adest Deus qui dat, siue per seipsum, siue per hominem, siue per Angelum.*

2. Dicendum 2. in ministro, ad hoc vt validè Sacramentum aliquod administret, duo præsertim requiri.

Primum est sufficiens & legitima potestas; cum enim Sacramenta non nisi supernaturali modo agant, nec validè confici possint, nisi iuxta præscriptum diuinæ institutionis, hinc apertè constat neminem ad illa conficienda esse idoneum, qui secundum rationem institutionis cuiusque Sacramenti, sufficientem à Deo non acceperit potestatem.

Hæc autem potestas respectu Baptismi, secundum diuinam institutionem, in omnibus quibuscumque viatoribus etiam infidelibus sufficiens reperitur; respectu Matrimonij, in omnibus fidelibus baptizatis nullo impedimento canonico obstrictis; respectu aliorum quin-

que Sacramentorum, in iis solummodo qui sacerdotali, aut Episcopali charactere sunt præditi : quæ omnia suis locis fusius explicabuntur.

Secundum est intentio conficiendi Sacramentum, & ad eius effectum cooperandi, vel saltem in genere faciendi id, quod Christus faciendum instituit, vel quod ipsa Ecclesia facit. Ita S. Thomas q. 64. art. 8. & expressè definitum habetur in Concil. Florent. in decret. Eug. & in Trident. sess. 7. can. 11. Vbi anathema profertur in eum qui dixerit, *in ministro dum Sacramentum conficit, non requiri intentionem faciendi quod facit Ecclesia*. Ratio peti debet ex institutione ipsius Christi, qui ministros Sacramentorum suorum humano & rationabili modo ea conficere & ministrare voluit; Vnde & Apostolus vocat illos dispensatores, ut significet consideratè & cum certa intentione illos operari debere : aliàs dissipatores potius dicendi essent.

3 Est autem obseruandum intentionem illam triplicem esse posse, habitualem scilicet, actuaalem, & virtualem. Habituaalis intentio nihil aliud est quam propensio & facilitas concipiendi aliquam actuaalem intentionem, quæ quidem propensio & facilitas ex iterata sæpius Sacramentorum administratione oritur: Et hæc habitualis intentio est insufficiens ad Sacramentum validè conficiendum, ut docent Scotus, Gabriel, Richardus, & alij apud Suarez disp. 13. sect. 2. estque communis Doctorum sententia, & in praxi tenenda.

Actualis intentio ea est, qua aliquis Sacramentum conficiens, actu & de facto intendit conficere, seu facere quod facit Ecclesia; estque optima, & ad Sacramenti validitatem sufficientissima, non tamen absolurè necessaria: quia sufficere potest virtualis, eà scilicet, quæ cum paulò ante actu extiterit, nec reuocata fuerit, ex illius vi minister actionem Sacramenti perficit: exempli gratia, cum quis ex intentione actuali celebrandi Missam & conficiendi Sacramentum Eucharistiæ, sumit velles sacras, & ad altare accedit: quod si postea in ipso consecrationis actu ex humana fragilitate distrahat, dummodo verba consecrationis super materiam aptam debitè proferat, nec primam illam intentionem reuocet, validè conficit Sacramentum: quia id facere censetur vi actualis illius intentionis quæ præcessit, & quæ causa extitit, cur sumperit velles sacras, ad altare accesserit, & alia egerit, cum quibus consecratio habuit connexionem. Ita expressè Sanctus Doctor art. 8. in resp. ad 3. ubi dicit quod *si in ipso exercitio actus, cogitatio ministri ad alia rapiatur, virtute prima intentionis perficitur Sacramentum*: cui subscribunt Scotus, Durandus, Paludanus, Gabriel, & alij communiter omnes apud eundem Suarez supra sect. 3.

Obseruat autem rectè Gammachæus ad quæst. 64. capite 5. non
Pars II. B requiri

18 DE SACRAMENTIS

requiri in ministro necessitate absoluta explicitam & formalem intentionem faciendi, quod Christus instituit, vel quod facit Ecclesia; sed sufficere quamcunque aliam æquivalentem: exempli gratia, ut minister apud se velit hic & nunc fungi officio suo, vel id facere quod solent alii sacerdotes, & quod aliquis ab illo petit, scilicet ut Sacramentaliter absoluat, &c. omnia enim ista & alia similia equipollenter includunt intentionem Christi & Ecclesiæ, ut per se liquet.

Dices, si Sacramentorum validitas pendet ab intentione ministri, inde consequens fore, ut nullus securo & tranquillo animo esse possit, nec certò scire utrum vere absolutionem Sacramentalem receperit, vel Baptismi Sacramento fuerit initiatus; cum certò sciri non possit, an minister sufficientem intentionem habuerit. Respondetur ad securitatem illam & tranquillitatem animi sufficere debere, quod spectatis omnibus circumstantiis, nulla occurrat rationabilis causa dubitandi de Sacramenti suscepti validitate; imò rectè monet Gammachæus suprà, quod, sicut ex precepto charitatis unusquisque iudicia omnia temeraria & suspensiones contra proximum, ac proinde contra quemcunque Sacramentorum ministrum abiicere debet; sic etiam dubitationes omnes, quæ de illius legitima & sufficienti intentione suboriri possent, repudiare tenetur: Vbi etiam subiungit probabilem esse Alexandri Alensis, Durandi, Gabrielis, & aliorum Doctor. sententiam, qui existimant in eo casu, in quo ex malitia vel ignorantia aut inaduerterentia ministri, intentio sufficiens in collatione sacramenti alicuius non esset adhibita, Christum Dominum tanquam summum sacerdotem, & præcipuum, ac primarium ministrum, qui nusquam deest in necessariis, defectum illius Sacramenti suppleturum esse eo modo, qui infinitæ eius in nos charitati magis congruit; quod etiam docet S. Thom. art. 8. in resp. ad 2.

§ * Est autem hic observandum priuatum ministri errorem non obstat validitati Sacramenti, dummodo veram materiam adhibeat, & substantialem verborum formam debitè proferat, cum intentione faciendi quod facit Ecclesia, ut supr. explicatum est, etiamsi error in quo versatur, & cui pertinaciter adhiæret, sit contra veritatem ipsius Sacramenti. Ita docet S. August. lib. 4. de baptismo contra Donatist. cap. 15. & refertur cap. 48. dist. 4. de consecrat. vbi sic loquitur: *Satis ostendimus ad Baptismum, qui verbis Evangelicis consecratur, non pertinere cuiusque vel dantis vel accipientis errorem, siue de Patre, siue de Filio, siue de Spiritu sancto aliter sentiat quàm celestis doctrina insinuat.* Vnde etiam Baptizati ab Arrianis, qui in fide circa mysterium SS. Trinitatis maximè errabant, cum ad Ecclesiam redibant non rebaptizabantur, ut in Concilio Arelatensi primo, can. 8. edicitur; *Si ad Ecclesiam aliqui de hæresi (Ariana) venerint, interrogant eos, nostra fidei Sacerdotes Symbolum; & si peruiderint in Pa-*

in Patre & Filio & Spiritu sancto eos baptizatos, manus tantum eis imponant ut accipiant Spiritum sanctum.

Si tamen minister erroneum contra veritatem Sacramenti in forma exprimeret, vel in intentione sua ita conciperet, ut nollet Sacramentum conficere aut ministrare, nisi cum suppositione illius erroris, v.g. si Arianus nollet baptismum cum invocatione Patris & Filii & Spiritus sancti valere, nisi supposito quod Pater sit maior Filius, aut quod Filius non sit illi consubstantialis, tunc Sacramentum irritum esset, ob defectum formæ vel intentionis, ut ex antedictis manifestum est.

6 Quæres utrum in ministro præter legitimam potestatem & sufficientem intentionem, requiratur insuper fides & gratia sanctificans.

Respondetur 1. neutram requiri ad Sacramenti validitatem, ut expressè definitum est in Conc. Trid. sess. 7. can. 11. de Sacramentis in genere, & can. 4. de Baptismo, & olim definitum fuerat in Concil. Nicæn. 1. canon. 19. Carthagin. 1. can. 1. & à summis Pontificib. Leone Magno Ep. 77. ad Nicetam, & Gregor. Magno lib. 9. registri Ep. 61.

Respondetur 2. ad hoc ut Minister non modo validè, sed etiam licite Sacramentum conficiat, fidem & gratiæ sanctificantis statum in eo requiri. Ita S. Doctor, & constat ex S. Dionysio cap. 1. de Ecclesiæ Hierarch. ubi dicit quod *Malis non est fas tangere Symbola*, id est Sacramenta; & ex S. August. lib. 2. cap. 10. contra Parmenianum, *Omnia Sacramenta, cum obsint indignè tractantibus, prosunt tamen per eos dignè sumentibus.*

Idipsum confirmat S. Doctor ex sanctitate Christi Domini principalis Sacramentorum Ministri, cui in actione Sacramentali, sicut inferiores Ministri per cooperationem suam coniunguntur, sic & per sanctitatem conformari debent, iuxta illud Levit. 19. *Sancti eritis, quoniam ego sanctus sum.*

Ex dictis colliges, quotiescunque aliquod Sacramentum conficiendum est, illius Ministrum antè omnia inspicere debere, an peccati alicuius mortalis sibi conscius sit, & si ita esse deprehendat, vel dubiter, illud priùs Sacramentali confessione, si fieri possit, sin minus saltem perfectæ contritionis actu expiare, aliàs grave sacrilegium committeret, si lethalis alicuius culpæ reus sacra illa Mysteria tractaret.

7 Excipitur tamen casus necessitatis urgentis, verbi gratia Baptismi puero moribundo conferendi; tunc enim quamprimum illius saluti, omnis quibuscunque aliis consulendum est; nec peccaret qui Baptismum tunc, licet in peccato mortali, ministraret, si contritionis eliciendæ tempus non suppeteret, ut docet S. Tho. quæst. 64. art. 6. ad 3. & post illum Isambertus ad quæst. 64. disp. 14. art. 7. Vbi etiam addit non esse peccatum mortale ex se & ex genere suo, si

quis in statu peccati mortalis Eucharistiam alteri sumendam porrigat; sicut nec si parochus, vel alius sacerdos ab eo delegatus in tali statu adfistat celebrationi Matrimonij: in illa siquidem actione non ministri, sed testis honorarij personam sustinet, ut infra suo loco dicitur: nec etiam si Diaconus vel Subdiaconus in statu peccati mortalis solemniter ministrent: quod etiam ante illum docuit Sotus, Valentia, Suarez, Henriquez, Vasquez, & alij apud Laymanum cap. 5. de Sacram. Angelus tamen Syluester, Victoria, Nauarrus & alij apud eundem existimant Diaconum & Subdiaconum tunc mortaliter peccare quod confirmari posse videtur ex eo quod dixit S. Doctor. in 4. dist. 5. q. 2. art. 2. quod *quicumque in peccato mortali existens exhibet se ministrum Ecclesie in quocunque spiritali, peccat*. Quamvis autem prior sententia sit maximè probabilis in praxi tamen tutius est, ut antè quamlibet functionem solemnem cuiuscunque ordinis sacri, minister, si noxæ alicuius lethalis conscius sibi sit, actum perfectæ contritionis semper præmittat.

8 Quæres utrùm à malis ministris liceat Sacramenta recipere. Respondetur cum distinctione: vel enim ministri illi sunt ii, quibus incumbit ex officio Sacramenta ministrare, ut Parochus, Episcopus, aut ii, quibus id non ex officio, sed ex delegatione tantùm incumbit. Rursus hi vel sunt expositi ad Sacramenta ministranda, ut quando confessarius aliquis sedet in loco ubi audire solet confessiones: vel non sunt expositi. Hac distinctione supposita, Dicimus 1. nullum Sacramentum, solo baptismo excepto, licitè recipi posse ab iis ministris, qui ab Ecclesia non tolerantur, quales sunt nominatim excommunicati, degradati, &c. dicunt tamen aliqui in articulo mortis absolutionem Sacramentalem licitè recipi posse à Sacerdotibus etiam non toleratis. Ita Canus in relect. de Pœnit. part. 5. Azor. instit. moral. part. 1. lib. 8. cap. 11. quæst. 12. & habetur in declaratione Cardinalium ex collect. Ioann. Galem. in cap. 7. sess. 14. Concil. Trident.

Dicimus 2. ab ijs, quibus ex officio Sacramenta administrare incumbit, quamvis mali sint, quandiu tamen ab Ecclesia tolerantur, licitum esse, etiam nulla urgente necessitate, Sacramenta petere ac recipere: neque enim subditus, qui tale ius habet, ob Superioris malitiam illud amittere censetur.

Dicimus 3. ab iis quibus ex officio Sacramenta ministrare non incumbit, si sint expositi & ab Ecclesia tolerantur, licitum esse Sacramenta recipere, & ipsi administrantes illa sibi solis nocent, ut habetur can. *sciſcitantibus*, 15. quæst. 8.

Dicimus 4. à malis ministris, qui nec expositi sunt nec Sacramenta ex officio ministrare tenentur, non licere illa petere, si nulla urgeat necessitas, nomine autem malorum ministrorum intelliguntur illi,

illi, qui notoriè in peccato aliquo mortali existunt, verbi gratia concubinarij publici: de peccatis enim occultis nemo iudicare debet. Ratio huius dicti est, quia hoc esset verè ad peccandum eos inducere. Videri potest Toletus lib. 1. cap. 92.

CAPVT SECVNDVM.

De Sacramento Baptismi.

S E C T I O I.

Quid sit Baptismus, & quæ eius necessitas.

BAPTISMI nomen, quod à græca voce deriuatum est significatque ablutionem, seu immersionem, ex Christi Domini instituto, ab Apostolis, & deinceps ab vniuersa Ecclesia vsurpatum est (vt declarat Catechismus Concil. Trident. part. 3. c. 11.) ad significandum illud Sacramentum, in quo per exteriorem corporis ablutionem aqua naturali factam, sub præscripta verborum forma, confertur gratia.

Docet autem S. Thom. quæst. 66. art. 32. institutum fuisse hoc Sacramentum à Christo Domino, eo tempore, quo à S. Ioanne in Iordane baptizatus est: quod etiam docet S. Ambr. lib. 2. in Luc. *Baptizatus, inquit, Dominus, non mundari volens, sed mundare aquas; ut abluta per Christi carnem, qua peccatum non cognouit, Baptismatis ins haberent.*

Est autem hic obiter obseruandum Baptismum illum à S. Ioanne collatum, à Sacramento Baptismi longè diuersum esse, vt expresse definitum est in Concil. Trident. sess. 7. can. 1. quod vel ex ipsius S. Ioannis verbis satis liquet: S. Matth. 3. *Ego baptizo vos in aqua in pœnitentiam; qui autem post me venturus est, ipse vos baptizabit in Spiritu sancto:* Vbi manifestam exprimit differentiam inter suum & Christi Baptismum quod ipse in aqua solum, id est in cæremonia quadam externa ad pœnitentiã exterius disponente; Christus vero in Spiritu sancto baptizaret; id est quod per exteriorem ablutionem quam instituit, Spiritum sanctum seu gratiam sanctificantem conferret. Huic veritati subscribunt vnanimiter sancti Patres, quos fuisse refert Coccius tom. 2. Thesauri Catholic. lib. 5. de Baptismo art. 5. Iam quod spectat ad ipsius baptismi necessitatem, certum est ex fide, Sacramentum baptismi omnibus cuiuscumque ætatis, sexus &

conditionis hominibus, non tantum præcepti, sed etiam medii necessitate necessarium esse :

Probatur 1. ex Christi Domini verbis S. Ioan. 3. *Nisi quis renatus fuerit ex aqua & Spiritu sancto, non potest introire in regnum Dei*, quæ verba Sanctus Ambrosius explicans lib. 2. de Ap. cap. vii. *Utrique, inquit, nullam excepit, non infantem, non aliqua præuentum necessitate, &c.*

Probatur 2. auctoritate Conciliorum Carthag. & Milevit. apud S. August. Epist. 90. & 92. in quibus proscriptus est error Pelagianorum, qui censebant paruulos sine baptismo salutem posse consequi, & Concil. i Constantiensis ; ubi denuo condemnatus est idem error à Vvicleffo renouatus, & denique Trident. sess. 7. can. 5. de bapt. ubi anathema profertur in eum, qui dixerit baptismum ad salutem necessarium non esse .

Probatur 1. ex S. August. lib. 3. de orig. animæ, cap. 9. & lib. 1. de peccat. meritis & remiss. cap. 18. & ex S. Hieronym. lib. 3. contra Pelag. & aliis SS. Patribus à Bellarmino fusè relatis lib. 1. de bapt. cap. 4. ex quibus Constat baptismum ita esse omnibus siue paruulis, siue adultis necessarium, ut sine illo nullus ab originali peccato mundari, æternamque salutem consequi possit .

Hæc est autem differentia inter paruulos & adultos : quod illis ad salutem necessarius sit baptismus re ipsa susceptus ; his verò vel in re, vel in voto : quod expressè declarauit Concil. Trid. sess. 6. cap. 4. ubi dicit iustificationem à peccatis, *post Euangelium promulgatum sine lauacro regenerationis, aut eius voto fieri non posse* .

3 Per votum autem Baptismi intelligitur illius suscipiendi desiderium & propositum, non nudum aut simplex, sed fidei & perfectæ contritioni coniunctum ; quia sine illis virtutibus nullus adultus extra Sacramentum iustificari potest, ut constat ex ijs, quæ in priori huius operis parte diximus. Quod confirmari potest ex eo quod dixit S. August. lib. 4. contra Donat. cap. 22. *fidem, conuersionemque cordis, id quod ex baptismo deerit, posse supplere : si fortè ad celebrandum Mysterium baptismi in angustijs temporum succurri non potest* : quod ostendit exemplo Cornelii centurionis ante realem baptismi susceptionem ; iustificati .

Neque dicas superfluum fore postea realem Baptismi susceptionem . Ut enim idem S. Pater cap. 21. de eodem Cornelio dixerat (quod & de quolibet alio dici potest) *Si etiam Spiritu sancto iam accepto baptizari nolisset, contempti tanti Sacramenti reus extitisset*.

Docet etiam S. Thomas quæst. 66. art. 11. & 12. Martyrium pro Christo perpeffum posse vicem baptismi supplere ; & ad salutem consequendam sufficere, quod etiam constat ex eo quod Christus Dominus dixit S. Matth. 16. *Qui perdiderit animam suam propter me,*

mo, inueniet eam, quibus verbis S. August. asserit lib. 2. de orig. an. cap. 12. *Martyres, quibus contigerit ante pro Christi nomine occidi, quàm Christi baptismo dilui, exceptos esse ab hac sententia: nisi quis renatus fuerit ex aqua & Spiritu sancto, &c.* & lib. 3. de Symb. ad Catechumenos cap. 4. dicit sanctos Innocentes, *Ab originali peccato fuisse dilutos*: Vnde sequitur secundum eius mentem (quod & plurimi Theologi asserunt) martyrium singulari Dei dispensatione, non modo ex opere operantis, sed etiam ex opere operato gratiam conferre.

Ex his facile est intelligere quid S. Doctor art. 11. & cum eo communiter Theologi significare velint, cum triplicem baptismum, fluminis, flaminis, & sanguinis distinguunt: baptismus enim fluminis est baptismus in re susceptus; baptismus flaminis est baptismus in voto: baptismus denique sanguinis est martyrium, quod morte pro Christo perpassa consummatum est.

SECTIO II.

Qua sit materia baptismi.

DICENDVM. I. aquam naturalem esse remotam baptismi materiam. Id constat ex his Christi Domini verbis S. Ioan. 3. *Nisi quis renatus fuerit ex aqua, &c.* quæ de Sacramento baptismi per aquam naturalem conferendo intelligenda esse declarauit Concil. Trident. sess. 7. can. 2. de bapt. Vbi & aquam naturalem materiam baptismi esse definiuit. quod & in Concilio Florent. in decret. Eug. & in Concil. Lateran. cap. *Firmiter* de summa Trinitate antea definitum fuerat. Nomine autem aquæ naturalis intelligitur illa, quæ est elementaris & simplex, siue sit ex mari, siue ex flumine, aut fonte, aut palude, aut etiam ex pluuia, vt docet S. Thom. quest. 66. art. 3. & 4. in quo singularis prorsus elucet diuinæ in homines misericordiæ benignitas, quod ad Sacramentum tantæ necessitatis & vtilitatis conficiendum, vt obseruat Catehc. Trid. p. 2. cap. 2. materiam illam delegit, quæ semper præstò est, atque ab omnibus vbique facile parari potest.

Hinc colliges aquas omnes artificiales & alios humores mixtos, e.g. aquam quæ ex rosis, aut aliis floribus vel herbis elicitur, item quæ ex sale resoluitur, lacrymas etiam, saliuam, & similes liquores qui ab aqua naturali specie differunt, non esse idoneam & sufficientem baptismi materiam: è contra vero baptismum validè confici posse ex quacumq; aqua naturali, quamuis accidentaliter immutata, dummodo veram aquæ naturalis formam, secundum communem hominum æstimationem retineat; nihilq; proinde ad huius Sacramenti validitatē con-

ferre, si aqua calida sit aut frigida, pura, vel impura, vel ex glacie, niue, grandine expressa, aut aliquo liquore alieno in modica quantitate permixta, omni enim eiusmodi aqua, communis est Theologorum sensus, & expressa S. Thomæ doctrina art. 4. posse Baptismi Sacramentum validè confici: validè inquam; nam vt licitè administretur, aqua pura, quantum fieri poterit, adhibenda est.

2. Dicendum 2. materiam proximam baptismi esse abluionem ex aqua naturali, vt constat ex illis Christi Domini verbis S. Mat. ult. *Baptizantes eos in nomine Patris, &c.* & ex communi doctrina & praxi totius Ecclesiæ: cum enim aqua sit materia remota baptismi, oportet materiam eiusdem proximam in applicatione ipsius materie remotæ, quæ per abluionem fit, consistere, vt constat ex dictis capite præcedenti: Vnde S. Doctor quæst. 66. art. 1. ad 3. dicit fieri Sacramentorum, non ipso elemento, sed in homine cui adhibetur elementum per vsum abluionis.

Quæres 1. qualis ablutio ad baptismum requiratur. Respondetur quod quamvis olim baptismus, vtpurimum fieret per immersionem, certum est tamen per effusionem quoque aut asperisionem aquæ validè conferri posse, vt docet S. Thom. art. 7. & vsus communis Ecclesiæ declarat, qui & ab ipsis Apostolis incæpit; Act. 2. & 4. Vbi dicuntur vno die tria hominum millia baptizasse quod non nisi per asperisionem factum fuisse probat Isambert. ad cit. q. disp. 2.

2. 1.

Cæterum nihil ad, validitatem Sacramenti refert, vtrum vnica vel trina ablutio aut immersio fiat, vt obseruat Catech. Rom. & olim declarauit S. Gregor. lib. 2. Epist. 41. ad Leandrum: retinendus est tamen vsus, qui in vnaquaque Ecclesia particulari receptus est, sicut monet idem Catechismus p. 2. cap. 2.

3. Quæres quanta ablutio sit ad baptismum necessaria. Respondetur tantam requiri, quæ secūdum communem loquendi morem verè ablutio dici possit, ad quod vnica gutta sufficere non censetur; sed ea quantitate aquæ opus est, vt is qui baptizatur, verè dicatur ablui. Ita docent Sotus, Suarez & alii apud Layman. cap. 3. de baptismo. Obseruat tamen Isambertus ad baptismi validitatem sufficere posse guttas aliquot, quæ corpus cum aliqua sua diuisione & Partium successione, quod ad scrupulos tantum amouendos hic adnotamus, non vero vt ex aliquo humano respectu. Sacramenti huius Minister, in illius collatione aliquot tantum guttas adhibeat, ne verbi gratia infantuli alicuius nobilis corpus ex aquæ frigore tantillum lædatur, cum in Sacramento tantæ necessitatis ea semper aquæ quantitas adhibenda sit, quæ ad eius validitatem citra quodcunque dubium sufficere possit.

Quæres 3. quænam corporis pars ablui debeat, vt validus sit baptismus.

ptifatus. Respondetur baptismum haud dubie validum fore, si caput hominis abluatur: quod docet S. Thom. qu. 65. art. 11. ad 4. & Ecclesiae praecepto faciendum esse constat ex cap. *postquam vos*, de consecrat. dist. 4. & ex Catech. Rom. p. 2. cap. 2. Validum quoque fore existimant Sotus, Suarez & alii apud Laymannum citat. cap. 3. & etiam Isambertus ad quæst. 66. disp. 3. art. ult. Si scapulæ, pectus, aut alia eiusmodi notabilis pars abluatur.

2 Cæterum si alia pars minùs notabilis verbi gratia manus, pes, &c. tantummodo ablueretur: ut si infans in egressu ex utero materno manum vel pedem proferret: tunc si immineat aliquod vitæ periculum, baptizandus quidem esset; sed cum dissentiant inter se Doctores, utrùm valeat eiusmodi Baptismus, docet S. Th. loco citato & post illum Alexander Aenus p. 4. quæst. 17. memb. 1. & alii communiter, remoto postea infantis periculo baptismum esse sub conditione repetendum. Addit Laymannus suprà, sentiendum idem esse, si infans pelle ad huc illa, quam vocant secundinam, circumdatus propter periculum baptizetur; cum à quibusdam dubitetur an sit pars infantis; quod etiam similiter dici debet, si soli capilli aqua perfunderentur: quamvis enim Sotus, Henriquez, Toletus, Vasquez, & alii apud eundem Layman. suprà existiment ad baptismi validitatem id sufficere: quia tamen id certum non est, & alii Doctores contrarium sentiunt, idcirco tutius est in re tanti momenti, baptismum sub conditione repetere: cum numquam satis tuto æternæ animarum salutis, quæ ex hoc Sacramento pendet, consuli possit.

SECTIO III.

Qua sit forma Baptismi.

4 **B**APTISMI forma hæc est: *Ego te baptizo in nomine Patris, & Filii, & Spiritus sancti.* Quod constat ex Conciliis Lateranensi cap. *firmiter* de summa Trinit. Florentino in decret. Eugen. & Tridentino sess. 7. can. 4. de baptismo; additurque in Romano Catechismo parte 2. cap. 2. formam illam à Christo Domino Apostolis ac toti Ecclesiae traditam fuisse Matth. 28. his verbis *Euntes docete omnes gentes, baptizantes eos in nomine Patris, & Filii, & Spiritus sancti.*

In qua quidem forma exprimi debet primo actio ipsius ministri, ut docet S. Thom. quæst. 66. art. 5. Vnde Alexander tertius cap. 1. de Baptismo & eius effectu dicit, quod, *Si quis puerum ter in aquam immerferit in nomine Patris, & Filii, & Spiritus sancti, & non dixerit (Ego te baptizo) non est puer baptizatus.* Et in decreto sæpius citato Eugenij post relatâ formâ, qua Græci in Baptismi collatione
vtun-

utuntur, quæ est eiusmodi; *Baptizetur vel Baptizatus servus Christi N. in nomine Patris, & Filii, & Spiritus sancti.* Dicitur Baptismum sub tali forma collatum esse validum; quoniam in illa exprimitur actus qui per ipsum exercetur ministerium, cum invocatione Sanctæ Trinitatis.

Exprimi 2. debet persona baptizanda, ut significat idem S. Doctor supra; & constat tum ex citato cap. *si quis*, tum ex præfato Catechismo Romano, & etiam ex ipso usu & praxi totius Ecclesiæ, quæ in forma Baptismi personam baptizandam semper exprimit, solet; tum denique ut ostendatur inter baptizantem & baptizatum esse debere distinctionem, aliumque esse qui baptizatur, & alium qui baptizat, ut habetur cap. *Debitum* extra de Bapt. & eius effectu; proindeque neminem posse seipsum baptizare.

Exprimi 3. debet unitas divinitatis; ut asserit S. Doctor supra; in resp. ad 6. Vnde S. Hieronymus super cap. 4. ad Ephes. *Non baptizamus*, inquit, *in nominibus Patris, &c. sed in uno nomine quo Deus*, & S. Augustinus lib. 3. contra Max. Art. cap. 32. dicit conferri Baptismum, *in nomine, non in nominibus quia hi tres unum sunt*.

Exprimi denique debet explicita & distincta prolatio, & invocatio trium personarum sanctissimæ Trinitatis, Patris, & Filii, & Spiritus sancti, ut docet S. Thom. Et constat tum ex citatis Christi Domini verbis, *Baptizantes eos in nomine Patris, & Filii, & Spiritus sancti*; tum ex Concilio Lateranensi cap. *firmiter* tum ex epistola Zachariæ ad Bonifacium Episcopum quæ refertur c. *in Synodo* de consecr. dist. 4. ubi dicitur quod *si locus in fonte Baptismatis quis fuerit, sine invocatione Trinitatis, perfectus Christianus non est, nisi in nomine Patris, & Filii, & Spiritus sancti baptizatus*. Quod similiter ante illum docuerant sanctus Cyprianus Epist. 63. ad Iubaianum, sanctus Leo Epist. 4. sanctus Augustinus loco proxime citato contra Maximinum, & plures alii.

Observat autem S. Doctor art. 5. ad 7. expressam Patris, & Filii, & Spiritus sancti mentionem & invocationem in forma Baptismi esse ita necessariam, ut si quis alias voces quamvis idem significantes adhiberet, ut si diceret in nomine Genitoris, & Geniti, & ab utroque procedentis, Baptismum tamen minimè perficeret: quod etiam post illum docent plures alij quos citat Suarez disp. 2. l. 4.

Dices Act. 8. referri quod in nomine Christi baptizabantur viri & mulieres; non ergo in nomine Patris & Filii, & Spiritus sancti. Respondentur 1. probabile esse, quod docet S. Thomas art. 6. ad 1. Apostolos id ex speciali revelatione & dispensatione initio nascentis Ecclesiæ aliquando fecisse, ut nomen Christi, quod erat odiosum Iudæis atque Gentilibus, honorabile redderetur.

4 Respondetur 2. probabiliter ad huc videri Apostolos nunquam in solius Christi nomine baptizasse, cum nullus antiquorum Patrum (vt obseruat Vasquez disp. 143. cap. 2.) qui Apostolis aut eorum discipulis contemporanei fuerunt. illius reuelationis aut dispensationis mentionem fecerit: imo S. Clemens lib. 2. const. Apost. cap. 23. S. Dionysius cap. 3. Eccles. Hierarch S. Iustinus apolog. 2. pro forma Baptismi, trium personarum Sanctissimæ Trinitatis expressionem diuino præcepto seruandam esse declarant: quod etiam in can. 48. & 49. Apostolorum præscribitur.

Quare quod dicitur Apostolos baptizasse in nomine Christi, intelligendum est baptizasse autoritate ac potestate ipsius Christi, quo sensu de credentibus in se dixit idem Christus: *In nomine meo Daemonia eiicient. Matth. vlt. cap.* Vel baptizasse in nomine Christi: quia baptizantes exprimebant nomen Filii simul cum nomine Patris & Spiritus sancti, vt intelligit S. Cyprian. Epist. 73. vbi explicans S. Petri verba Actor. 2. *Baptizetur unusquisque vestrum in nomine Iesu;* sic ait: *Iesu Christi mentionem facit Petrus, non quasi Pater omitteretur, sed ut Patris quoque Filius adiungeretur.*

SECTIO IV.

Quis possit Baptismum conferre.

DICENDUM I. quemlibet hominem viatorem, siue virum siue mulierem, siue fidelem, siue infidelem posse validè baptismum conferre. Id constat ex Conciliis Lateranensi & Florentino sect. præced. citatis, & etiam ex cap. *Ad limina* 30. q. 2. & cap. *Romanus* de consecrat. dist. 4. idque ita institutum à Christo Domino fuisse docet S. Thom. quæst. 67. art. 3. vt Sacramentum ad salutem necessarium à quocunque homine in casu necessitatis validè conferri posset.

Dicendum 2. quemlibet hominem non modo validè, sed etiam licitè baptismum absque solemnitate (in solotamen casu necessitatis) conferre posse. Id constat tum ex Conciliis & canonibus supra citatis, tum ex antiquis Patribus qui id expressè docent: vt Tertullianus lib. de baptismo cap. 16. Vbi dicit in casu necessitatis *Laicis esse ius baptizandi*: quod etiam docet sanctus Hieron. dialog. contra Luciferanos paulo antè medium, idque affirmat suo tempore ubique receptum & vñctum fuisse. Diximus (absque solemnitate) id est absque ceremoniis illis quæ in collatione baptismi ex Ecclesiæ præcepto adhibentur, nam si laicus ceremonias illas usurparet, peccaret moraliter, fieretque irregularis, vt habetur cap. *si quis*, extra de non ordinato ministrante.

2. Obseruat autem S. Doctor. quæst. 67. art. 4. & post illum Paschodanus,

danus, Sotus, Syluester, Nauarrus, & alii apud Laymannum cap. 7. de bapt. in casu necessitatis hunc ordinem esse seruandum, vt præse-
 sente proprio Pastore, non baptizet Diaconus, præse-
 sente item Dia-
 cono, non baptizet Clericus inferior aut laicus, imo etiam præse-
 nte Clerico non esse conueniens laicum baptizare, sicut nec præse-
 nte viro, mulierem: Additque idem Author fore peccatum mortale, si
 præse-
 nte Sacerdote, laicus aut inferior Clericus baptizare præ-
 sumeret, veniale vero solummodo, si inter alios Clericos inferiores
 & laicos, vel inter virum ac mulierem præfatus ordo inuertatur;
 imo nullam fore culpam, si ordinis illius inuertiendi causa aliqua
 subsit, vt quia obstetrix melius & certius nouit modum baptizandi
 vel quia virum non decet accedere ad baptizandum puerum non-
 dum omninò ex utero matris editum.

3 Dicendum 3. Episcopum in Diœcesi, Presbyterum curatum in
 parœcia sua, esse ordinarium baptismi Ministrum. De Episcopo aper-
 te constat, cum sit in Diœcesi sua primus & ordinarius Pastor: Vn-
 de Tertulianus lib. de Bapt. *Dandi baptismum*, inquit, *habet ius*
summus Sacerdos qui est Episcopus, dehinc Presbyteri, &c.

De Sacerdote curato etiam similiter constat ex vsu & praxi totius
 Ecclesiæ, & ex Rituali Romano tit. de Bapt. vbi dicitur quòd *Le-*
gitimus baptismi minister est Parochus, vel alius Sacerdos à Parochò
vel ab Ordinario loci delegatus; Vnde etiam (vt obseruat Ioan. Filsa-
 cus Opusc. de Parœc. & Parœc. orig. cap. 7.) Ecclesiæ Parœciales
 olim vocabantur *Ecclesiæ baptismales*.

4 Id præterea confirmat Isambertus ad quæst. 67. disp. 1. art. 5.
 ex eo quod actus baptizandi solemniter (vt ibidem probat) sit actus
 Pastoris ordinarii proprius: Vbi etiam addit Parœcum præse-
 nte
 Episcopo suo, citra illius consensum, quem honoris & reuerentiæ
 causa postulare debet, licet baptizare non posse: quod colligit ex
 Epist. 80. S. Leonis ad Episcopos Galliæ.

Dicendum 4. quemlibet alium Sacerdotem, qui nec Episcopus
 est, nec Parœcus, non nisi ex eius vel illius delegatione seu licen-
 tia Sacramentum baptismi posse licet administrare. Ita S. Thomas
 quæst. 67. art. 4. ad 2. cui subscribunt Suarez disp. 3. sect. 4. Vasquez,
 Valentia, Henriquez, & alii apud Laymannum cap. 7. de bapt. Vn-
 de sequitur sacerdotem illum peccaturum mortaliter, qui absque
 proprii Sacerdotis licentia expressa, aut saltem rationabiliter præ-
 sumpta, solemniter baptizaret: quod etiam docet Gammachæus ad
 citatam quæst. 67. cap. 1. & Isambertus ad eandem qu. disp. 1. art. 5.

Est autem obseruandum non modo Sacerdotes, sed etiam Dia-
 conos ex Episcopi vel Parœci commissione posse solemniter bapti-
 zare, vt Doctores suprâ citati asserunt; cum hac tamen differen-
 tia, quod Sacerdoti tanquam legitimo ministro committi possit

prohibito proprii sacerdotis; Diacono verò non nisi urgente aliqua necessitate: & præterea Diaconus absque Ordinarii licentia solemniter baptizans non modò peccet mortaliter, sed etiam fiat irregulâris, vt habetur cap. *Si quis*, extra de non ordinato ministrante. Sacerdos verò idem faciens peccat quidem, sed nullam irregularitatem contrahit.

SECTIO V.

Quis Baptismum suscipere possit; & quæ dispositiones ad id requirantur.

CERTUM est quemlibet hominem in statu viæ capacem esse baptismi percipiendi, cum Christus Dominus dixerit S. Matth. ult. *Euntes docete omnes gentes baptizantes eos &c.* Et de adultis quidem nulla est difficultas; cum sicut ad doctrinam Evangelicam audiendam, sic etiam percipiendum baptismum sint idonei: De infantibus verò rationis vsum nondum assecutis negant huius temporis Anabaptistæ, qui (vt refert Bellarminus) lib. 1. de bapt. c. 8. contendunt non nisi adultis conferendum esse baptismum; ideoque infantes iam baptizatos, cum ad ætatem adultam peruenerunt; iterum rebaptizant; Vnde & Anabaptistarum nomen sortiti sunt: contra quos fides Catholica docet paruulos etiam nondum rationis vsum assecutos, siue à parentibus Catholicis: siue ab hæreticis aut infidelibus prognati sint, baptismi suscipiendi esse capaces.

Probatur hæc veritas & error oppositus refellitur, tum ex his Christi Domini verbis, Matth. 19. *Sinite paruulos venire ad me, talium est enim regnum cælorum*: tum ex Concil. Mileuitano can. 2. vbi hæc habentur: *Placuit, vt quicumq; paruulos recentes ab uteris matrum, baptizandos negat, anathema sit*: tum etiam ex Concil. Vienneſi sub Clement. V. Clementina I. de sum. Trinit. & fide Cathol. & Concil. Trident. sess. 5. can. 4. vbi eadem veritas definita est: denique ex S. Augustino qui lib. 10. de Gen. ad litter. cap. 23 dicit hanc baptizandorum puerorum in Ecclesia consuetudinem esse traditionem Apostolicam.

Cum igitur hoc certum sit ex fide, queritur an infantes illi sint inuitis parentibus baptizandi.

Respondetur 1. infantes infidelium nondum rationis vsum assecutos, inuitis eorum parentibus, non esse baptizandos, si sub illorum cura & potestate remaneant, aut periculum sit, ne ad eorum curam & potestatem redeant, aut ab illis peruertantur: Si autem ab illorum cura & potestate iuste abstrahi possint, ita vt nullum sit periculum ne ad illos redeant, aut ab illis peruertantur, tunc licet

licet infantes illos, etiam inuitis parentibus, baptizare, quod similiter licitum est, in præsentipericulo mortis ipsorum infantium: imò etiam inuitis eorum parentibus fieri debet: quæ omnia fuse explicat & probat Gregorius à Valentia disp. 4. quæst. de bapt. p. 3.

Respondetur. 2. licitum esse inuitis parentibus hæreticis, filios illorum, secundum ritum Ecclesiæ baptizare. Ita habetur. *In c. Indais* dist. 45. cum enim hæretici, utpotè & ipsi baptizati, Ecclesiæ sint subditi, iuste ab illa compelli possunt, ut filios suos baptismi Sacramento secundum ritum Catholicum initiandos & in vera fide ac religione instruendos deferant, & si præstare id recusant, etiam inuitis illis id fieri potest.

Iam quod spectat ad dispositiones in suscipientibus baptismum necessarias, de adultis solum quæstio intelligenda est; in paruulis enim fidem, intentionem, aut aliam similem dispositionem requirere, aliud non est (ut dicit S. August. Epist. 57. ad Dard.) quam ipsis sensibus & evidentissimæ veritati velle contradicere.

3 Prima igitur dispositio ad baptismum in adulto requisita, est eius consensus, Ita S. Doctor quæst. 68. art. 7. & constat ex cap. *Maiores* extra de baptismo dist. 4. & eius effectu & cap. *agrotantes*; de consecrat. dist. 4. & etiam ex ipso usu & praxi Ecclesiæ, quæ ante ipsius baptismi collationem interrogat baptizandum, utrum velit baptizari. Non requiritur autem consensus actualis expressus, sed sufficit, virtualis aut interpretatiuus, seu ut adultus actualem suscipiendi baptismi aliquando habuerit voluntatem, eamque minimè retractauerit.

Secunda dispositio, ad suscipiendum baptismum necessaria, est fides sufficiensque doctrinæ Catholicæ notitia. Id constat tum ex Script. S. Marc. ult. *Qui crediderit & baptizatus fuerit, salus erit.* Et Act. 8. Eunuchus baptismum postulanti S. Philippus respondit: *Si credis ex toto corde, licet:* Vnde Ecclesia baptizandum super præcipuis fidei nostræ articulis interrogat, illiusque publicam professionem ab eo exigit.

Tertia dispositio est dolor de peccatis cum proposito seruandæ legis diuinæ. Id etiam constat ex his S. Petri verbis Act. 2. *Pœnitentiam agite, & baptizetur unusquisque vestrum* & ex Concilio Trident. sess. 6. capite 6.

4 Qualis vero esse debeat ille dolor, & ex quo motiuo elicitus, quale item seruandæ legis propositum, plenius constabit ex his quæ dicentur infra cap. 5. de Sacramento Pœnitentiæ: ut enim docet & probat Isambertus ad q. 68. disp. 6. art. 4. dolor qui ad Sacramentum Pœnitentiæ sufficit, ad Sacramentum etiam Baptismi sufficiens esse censetur.

Porrò cum hæ tres dispositiones ad Baptismum fructuosè recipien-

endum in adulto requiratur, ad illius tamen validitatem solummodo prima necessaria est, ut constat ex cap. *Maiores* & can. *de In-*
uis dist. 54. & ex S. August. lib. 2. contra Petilian. cap. 35. & lib. de
Catechiz. rud. cap. 7. unde, quando quis serio vult Baptismum per-
cipere, quamvis neque fidem, neque de peccatis dolorem habeat,
erit ipsius Baptismi characterem recipit; non tamen gratiam san-
tificantem, neque alios effectus qui ab ipsa pendent, de quibus
agitur sed. seq.

Quæres 1. utrum infans in utero materno baptizari possit. Re-
spondet S. Doctor ibid. a. 11. non posse, cum eius corpus in eo statu
inqua tingi & ablui non possit; proindeque (ut ibidem docet) ad
Baptismum conferendum expectanda est totalis egressio pueri ex
utero: si tamen periculum aliquod imminet, caputque primo
egredietur, in eo baptizari debet; nec est postea rebaptizandus, si
eum perfecte nasci contigerit: quod si manum, vel pedem, aut aliam
similem partem exerat, in illa similiter, periculo imminente, debet
baptizari: quia tamen incertum est, an eiusmodi Baptismus validus
sit, erit postea sub conditione iterum baptizandus.

Quæres 2. utrum monstra baptizari debeant. Respondetur
monstra illa, de quibus dubitatur verum animam rationalem ha-
beant, nihil certi dignosci possit, imminetque mortis periculum,
sub hac conditione baptizari debere: *Si tu es capax Baptismi, ego*
te baptizo, &c. Si verò nullum sit in mora periculum, consuli po-
terunt medici & alii experti; imò tutius erit rem ad Episcopum de-
ferre, ordinemque ab illo præscriptum sequi, ut declaratur in Ri-
tuali Romano, titulo de Baptismo.

Quod si monstrum tale sit de quo dubitetur an sit unus homo
vel plures, baptizari non debet donec id discernatur: discerni au-
tem poterit, si unum vel plura capita, unum vel plura pectora in
eo sint; tunc enim totidem erunt corda & animæ, hominesque di-
stincti, & in eo casu seorsim singuli erunt baptizandi: si verò distin-
ctio illa personarum non possit certò deprehendi, ut si duo quidem
capita, non vero duo pectora habeat; tunc in vno absolute bapti-
zari debet, in altero sub conditione, ut in eodem Rituali præ-
scribitur.

Quæres 3. an adulti amentes sint baptizandi. Respondetur cum
distinctione: vel enim fuerunt perpetuò amentes, nec speratur eos
rationis compotes aliquando futuros esse; & talibus Baptismus con-
ferri debet, sicut & aliis infantibus; vel aliquando usum rationis ha-
buerunt, & postea in amentiam lapsi sunt; & si quidem constet il-
los, dum mentis compotes essent, Baptismum petisse aut exoptasse;
nec voluntatem illam mutasse, Baptismus illis erit conferendus; si
verò id non constet, à Baptismi administratione abstinendum est.

Ita

Ita habetur in Catechismo Trid. part. 2. cap. 2.

Dices videri tutius esse illos baptizare, cum in illis interpreta-
tiua Baptismi suscipiendi voluntas præsumi possit: id est illos esse
ita dispositos, ut si statum suum agnoscerent, & Baptismi neces-
sitate scirent, haud dubiè illud suscipere vellent.

Respondetur voluntatem illam interpretatiuam ad baptismum
minimè sufficere, ut docet & probat Isambertus ad citatam q. 68
disp. 6. art. 2. additque art. 3. quod si quis Baptismum adulto con-
ferret, in quo dispositi ones ad Baptismum necessariò requisitæ
non deprehenderet, peccati mortalis reatum incurreret.

SECTIO IV.

Quinam sint effectus Baptismi.

QUINQUE sunt præcipui huius Sacramenti effectus. Primus
est remissio quo ad culpam peccati originalis, & peccato-
rum omnium actualium, si quæ ante Baptismi susceptionem commis-
sa sunt. Ita S. Doctor quæst. 66. art. 1. & expressè definitum habe-
tur in Concil. Florent. in decret. Eug. & in Trident. sess. 5. can. 5. &
longe antea in Concil. Carthag. 4. can. 1. inter præcipua fidei dog-
mata, quæ Episcopus consecrandus profiteri debeat, reponitur illud
de remissione peccatorum per Baptismum: & S. Greg. Epist. 39.
infideles illos vocat, *Qui dicunt peccata in Baptismate non verè
sed superficite tendis dimitti.*

Secundus effectus, est remissio totius pœnæ peccatis debitæ. Ita
S. Doctor art. 2. & constat ex eodem Eugenij decreto, & ex Concil.
Trident. sess. 6. cap. 14. Vbi dicitur in Sacramento Pœnitentiæ tem-
poralem pœnam non totam semper, *ut in Baptismo fit*, dimitti.

Id etiam confirmari potest ex vniuersali Ecclesiæ praxi; quæ nul-
la vnquam satisfactionis opera imponere solet baptizatis, sicut im-
ponit sacramentaliter confessis: imo Catechismus Rom. suprà docet,
Id sine maxima Sacramenti iniuria fieri non posse.

Tertius effectus est gratia sanctificans simul cum donis & virtuti-
bus infusis quæ illam comitantur; *Huius siquidem Sacramenti vir-
tute* (ut loquitur Catech. Rom. suprà) *non solum à malis, quæ
verè mala dicenda sunt, liberamur; verum etiam eximijis donis &
muneribus augemur, animus enim noster diuina gratia reple-
tur, quæ iusti & filij Dei effecti aeterna quoque salutis hæres institui-
mur, &c. est autem gratia non solum per quam peccatorum fit remis-
sio, sed diuina qualitas in animam inhaerens, ac veluti splendor quidam
& lux, quæ animas nostras pulchriores & splendidiore reddis: huic
vobis gratia additur nobilissimus virtutum comitatus quæ in ani-
mam cum gratia diuinâ infunduntur.*

2. Quartus, est ipsa gratia Sacramentalis Baptismi quæ quidem (vt docet idem Catechismus) procedit ex ærissima illa vnione, qua per Baptismum Christo Domino baptizati, tanquam capiti suo membra copulantur & connectuntur; quæque illos speciali modo ad seruandam diuinam legem, Sacramenta dignè suscipienda, aliaque religionis & pietatis officia debitè exequenda habiles reddit.

Quintus denique, est character qui per Baptismum indelebiter animæ imprimitur, vt definitum est in Concil. Trident. sess. 7. can. 9. vnde (vt ibidem declarat) hoc Sacramentum iterari non potest.

Ex his & alijs Baptismi effectibus, quos Sanctus Doctor quæst. 69. & alij SS. Patres passim enumerant, colligi potest quanta sit huius Sacramenti excellentia & dignitas, quanta etiam eiusdem utilitas & necessitas, ac proinde quam iusta ratione præceperit Ecclesia in Ritual. Rom. tit. de Bapt. vt paruuli recenter nati quàm primùm ad Ecclesiam Baptismi suscipiendi causa deferantur, & quàm grauiter peccent parentes, qui ob inanes causas & vanos quosdam respectus plures dies huius Sacramenti subsidio infantes priuant, eosque beatitudinis æternæ amittendæ periculo exponunt.

Est autem obseruandum quod quamuis adultus, qui fide Baptismum recipit, id est sine fide aut sine vilo dolore de peccatis, characterem quidem illius, non vero gratiam recipiat; sit tamen postea fictionem illam per penitentiam remoueat, tunc Baptismus omnem effectum suum consequetur, vt docet S. Thom. art. 9. & 10. & ante illum docuit S. Cyprianus serm. de Pass. Dom. paulo ante finem, & Sanct. Augustinus lib. 1. de bapt. cont. Donat. cap. 12.

2. Quærant hic Theologi an Circumcisio, quæ olim apud populum Iudæum diuinitus instituta fuerat, peccatorum remissionem & gratiam sanctificantem ex opere operato contulerit.

Respondetur negatiuè cum Sancto Doctore quæst. 70. art. 4. Et constat ex Concil. Florent. in decreto Eugenij, vbi dicitur, *Sacramenta legis antiquæ non causasse gratiam, sed eam solum per Passionem Christi dandam figurasse.*

Quamuis autem per Circumcisionem non conferretur ex opere operato gratia & remissio peccatorum; conferebatur tamen ex opere operantis in adultis quidem per actum perfectæ contritionis, quo solo iustificari posse peccatores extrâ Sacramenta nouæ legis supponimus ex dicendis infrâ cap. 5. In paruulis autem per applicationem fidei parentum vel aliorum cuius quidem fidei signum erat Circumcisio; idque in virtute futuræ Passionis ipsius Christi Domini. At verò ante institutionem Circumcisionis docet idem S. Thomas in resp. ad 2. Probabile esse, quod parentes fideles pro paruulis natis & maxime in periculo existentibus, aliquas preces Deo funderent, vel aliquâ benedictione eis adhiberent (quod erat quoddam signaculū

fides) sicut adulti pro seipsis preces & Sacrificia offerebant: qua ratione speciali Dei misericordia virtus Passionis Christi ipsis paruuli applicabatur, sicque à peccato originali emundabantur: Quod & similiter post Circumcisionem institutam, & de foeminis quæ illius capaces non erant, & de maribus ante octauum diem (quo tantum eos circumcidere licitum erat) decedentibus dici debet.

SECTIO VII.

Quanam sint ceremonia in collatione Baptismi seruanda.

I C E R T V M est ceremonias quasdam religiosas ab Ecclesia in solemnī Sacramentorum administratione ad maiorem Christiani populi deuotionem excitandam, salua illorum substantia, institui potuisse, & de facto piè ac sanctè institutas esse: proindeque sine peccato contemni, aut ab ipsorum Sacramentorum ministris omitti pro libito non posse, vt expressè definitum est in Conc. Trid. sess. 7. can. 13.

Quod igitur spectat ad ipsius Baptismi ceremonias, docet Catechismus Romanus eas ad tria capita reuocari posse: quædam enim Baptismi collationem antecedunt; quædam comitantur: quædam subsequuntur. Præcipuas hic eo ordine, quo ab Ecclesia adhibentur, discutiemus.

Ac in primis ante Baptismi collationem aqua præparari debet, qua sola in illius administratione vti licitum est. Consecratur autem baptismalis fons variis precibus & exorcismis ab Ecclesia institutis, addito Catechumenorum oleo & sacro Chrismate iuxta priscum Ecclesiæ morem, cuius testis est S. Cyprianus Epist. 70. & S. Basilus lib. de Spiritu sancto cap. 27. quam benedictionem seu consecrationem aquæ baptismalis in vigilijs duntaxat Paschæ ac Pentecostes, faciendam esse docet Catechismus Rom. & habetur cap. in Sabbato de consecr. dist. 4.

Hac benedictione aquæ supposita, qui Baptismo initiandi sunt, ad ducuntur ad Ecclesiæ fores, atque ab eius introitu tamquam indigni vtpotè qui adhuc potestati dæmonis per peccatum mancipati sunt, excluduntur.

2 Et primò sacerdos trinam insufflationem & varios exorcismos adhibet ad expellendum dæmonem, eoque ritu (qui in Ecclesia antiquissimus est) *Non exorcizatur aut exsufflatur creatura Dei in infantibus* (vt ait sanctus Augustinus lib. 1. de Symb. ad Catech. cap. 1.) *sed ille, sub quo sunt omnes qui cum peccato nascuntur.*

Eadem etiam ratione signum crucis efformatur in baptizandi fronte alijsque partibus, vt per illud dæmon compescatur, omnesque eius

ejus machinæ dissoluantur: quod obseruat S. Augustinus lib. de Catech. rud. cap. 20. & S. Athanasius lib. de Incarn.

Fit præterea impositio manus à sacerdote; variazque super baptizandum orationes ab ipso proferuntur: huius ceremoniæ meminisse Concil. Carthag. 5. can. 83. & S. August. lib. de pecc. merit. & remiss. cap. 2. 6. *Catechumenos*, inquit, *secundum quendam modum per signum Christi, & orationem manus impositionis puto sanctificari.*

Exinde sacerdos salem prius à se benedictum in os baptizandi imponit, ad significandum Baptismi gratiam, per quam homo à peccatorum putredine liberatur, & cælesti quadam ac supernaturali prudentia donatur. Huius ceremoniæ mentio fit in Conc. Carthag. 3. can. 11. & apud Sanctum Augustinum li. 1. Confess. cap. 11.

Postea idem sacerdos salua aures & nares baptizandi tingit; aures quidem, ut eas ad Christi sermones percipiendos aperiat: nares vero, ut virtutis ac pietatis bonum odorem hauriat, ut explicatur cap. postea, de consecr. dist. 4. & docet etiam S. Ambrosius lib. de Sacram. cap. 1.

3 Sequitur abrenunciatio, qua ad interrogationem sacerdotis baptizandus diabolo & omnibus operibus & pompis eius abrenuntiat: cuius ceremoniæ mentionem facit S. Dionysius lib. de Eccles. Hier. cap. 2. & S. Ambros. lib. 1. de Sacrament. cap. 2. ubi hunc ritum expendens sic loquitur: *Quando te Sacerdos interrogavit: abrenuncias diabolo & pompis eius? quid respondisti? abrenuntio. Abrenuncias seculo, & voluptatibus eius? quid respondisti? abrenuntio. Memor esto sermonis tui, & nunquam tibi excidat series cautionis tuae, &c. Chirographum tuum tenetur non in terra, sed in calo, &c.*

Per illam abrenunciationem bello veluti demonibus indicto baptizandus in scapulis & in pectore inungitur. *Quasi athleta Christi* (inquit S. Ambrosius supra) *quasi luctamen huius sæculi luctaturus, & (loquitur S. Chrysost. homil. 6. in Epist. ad Colossenses) stadium iam iam ingressurus.*

Post primam illam unctionem baptizandus iterum à Sacerdote interrogatus super præcipuis fidei articulis, illius publicam professionem emittit: & de hac fidei professione loquitur Sanctus Ambrosius libro de Sacramentis, capite ultimo: & Sanctus Augustinus libro 8. Confessionum, cap. 2. ubi dicit hanc fidei professionem: *Verbis certis conceptis, retentisque memoriter de loco aminentiore in conspectu populi fidelis reddi solere ab ijs qui ad gratiam Baptismi accessurifunt.* Hæc autem professio fidei supponebat ipsius baptizandi instructionem per Catechismum iam factam; unde adulti qui Baptismum olim petebant, priusquam ad illum admitterentur, notabili aliquo temporis spatio recensebantur inter Catechumenos: de quorum instructione per Cathéchismum frequens habetur mentio apud

Sanctos Patres ; præsertim apud S. August. lib. de fide & operibus cap. 8. & alibi passim.

4 Tandem iterum elcito libero & publico baptizandi consensu , confertur illi Baptismus , siue per immersionem , siue per aquæ infusionem trinam vel vnā , in quo Ecclesiæ cuiusque approbata consuetudo seruanda est.

Posteà baptizatus in vertice capitis sacro Chrismate vngitur , vt habetur capite *si quis de aliò* , de consecrat. distinct. 4. vbi dicitur Chrisma recens esse oportere , id est eodem anno in die Cœnæ Domini ab Episcopo consecratum . Quamvis autem primis Ecclesiæ sæculis omnis Vnctio Chrismatis à solis Episcopis fieri soleret ; posteà tamen concessum fuit , vt hæc Baptismalis vnctio in vertice à Presbyteris fieri posset , vt constat ex Concil. Carthaginens. 4. can. 36. & Tolet. in can. 20. Quæ autem in fronte sit & propria est Sacramenti Confirmationis , solis Episcopis semper reseruata fuit , vt suo loco dicetur . Significat autem hæc Chrismatio baptismalis in vertice Baptizati , illum *ab eodem Christo capiti* (vt loquitur Catechismus Rom. suprâ) *tanquam membrum coniunctum esse , atque eius corpori insertum ; & eare Christianum à Christo , Christum verò à Chrismate appellari.*

Vestis deinde candida , seu album sudariolum profertur ; & baptizato imponitur , tum in Symbolum innocentie per Baptismum rellitutæ , & per totam vitam seruandæ , tum etiam in signum futuræ resurrectionis & gloriæ , ad cuius spem baptizatus renascitur , vt explicat Catech. Roman. suprâ. De hac veste candida baptizatis imponi solita loquitur Sanctus Ambrosius libro de initiandis cap. 7. & Sanct. August. sermone 157. de Temp.

5 Denum traditur Baptizato cereus accensus : vt ostendatur illum translatum esse à potestate tenebrarum in lucem & sortem Sanctorum , fidemque illam charitate ardentem , quam per Baptismum accepit , vsque ad finem vitæ seruandam esse , ac studio bonorum operum augendam , vt in eodem Catech. Roman. dicitur . Meminit huius cæremoniæ S. Greg. Nazianz. orat. 40. in Sanctum lauacrum , & S. Augustin. enarrat. in Psal. 69.

Præter supradictas cæremonias duo sunt adhuc ritus in Baptismo seruandi. Primus est vt hoc Sacramentum extra casum necessitatis non in domibus vel in locis priuatis , sed in Ecclesiâ , in qua sacri Fontes huic ministerio destinati sunt , conferatur , vt habetur Clementina vnica de Baptismo : vbi ab hac lege tantummodo excipiuntur Regum & Principum filii , qui tamen non in loco prophano , sed in Oratorio aut Sacello baptizari debent .

Secundus , vt patrinus vnus pro puero è sacro Fonte suscipiendo , & matrina vna pro puella , aut ad summum vnus & vna pro hac

hac vel illo adhibeantur. Ita constitutum est capite *Non plures*, de consecrat. dist. 4. & cap. *quamuis*, de cognatione spirit. in 6. & nouissimè in Concilio Trident. sess. 24. cap. 2. De reform. Matrimon. inter quos & baptizantem ex vna parte, & baptizatum, patrèmque ac matrem illius ex altera, contrahitur cognatio spiritualis, non solum matrimonium contrahendum impediens, sed & contractum dirimens 3. vt suo loco dicetur.

Quando autem Baptismus confertur sine solemnitate in casu necessitatis, obseruat Laymannus cap. 9. de bapt. post Sotum, Suarez & alios quos citat, nullum extare præceptum Ecclesiæ, vt in tali casu patrinus vel matrinx adhibeatur.

Qualis verò sit obligatio Patrini & Matrinx erga infantem, quem de sacro Fonte susceperunt, declaratur capite *Vos autem*, de consecrat. distinctione quarta, vbi dicitur eos esse fideiussores apud Deum pro illis, quos proinde monere tenentur, vt promissiones suo nomine factas seruent, & ad hunc finem obligantur Symbolum, Orationemque Dominicam & Decalogum, aliaque Christianæ fidei rudimenta eos docere aut doceri curare; à qua tamen obligatione S. Doctor quæst. 67. art. 8. docet patrinum & matrinam vt plurimum liberari, quando illi, quos de Fonte susceperunt, inter fideles educantur, in iis præsertim locis in quibus Pastores de instructione animarum sibi commissarum sunt solliciti.

Porrò ex praxi Ecclesiæ constat, quando aliquis in casu necessitatis Baptismum suscepit sine solemnitate, cæremonias illius esse supplendas eo modo qui præscribitur in Rituali. Excipitur tamen quando aliquis adultus ab hæreticis in infantia baptizatus, ad fidem Catholicam reuertitur; in illo enim casu (vt obseruat Layman. loc. cit.) plurimis in locis & præsertim in Gallia, & Germania, non solent Baptismi cæremoniæ suppleri (nisi ex deuotione) qui ab hæreticis baptizati sunt, id postulent) fortasse ne rudis populus opinetur nos Baptismum Hæreticorum improbare, & ab illis baptizatos iterum baptizare.

38 DE CONFIRMATIONE. CAPVT TERTIVM.

De Sacramento Confirmationis.

SECTIO I.

Utrum Confirmatio sit Sacramentum.

CONFIRMATIONIS nomine intelligitur ritus ille, quo Episcopus baptizati frontem sub certa verborum forma sacro Chrismate ungit; qui ritus à S. Clemente Epist. 4. vocatur *Consignatio*; à S. Cypriano Epist. 73. ad Iubaianum, *Signaculum Dominicum*; à S. Augult. lib. 2. contra Petilianum cap. 104. *Sacramentum Chrismatis*; & aliter ab aliis: communi tamen nomine & magis usitato in Ecclesia vocari solet *Confirmatio*; quod nomen ante 1200. annos usurpatum reperitur à S. Melchiade Pontifice in Epist. sua decret. ad Episcopos Hispaniæ, ubi ait quod *Confirmatio armat & instruit nos ad agonem vite istius*.

Verum quidquid sit de nomine, certum est Confirmationem esse Sacramentum nouæ legis à Christo Domino institutum. Hanc veritatem quæ de fide est, negant hæretici huius temporis, & olim negauit etiam Nouarus, vt refert Euseb. lib. 6. cap. 35. Contra quos

Probamus illam primò ex Script. Act. 8. ubi dicitur Samaritanos quosdam post Baptismum susceptum accepisse Spiritum sanctum, per manuum impositionem Sanctorum Petri & Ioannis: ex quo quidem loco constat Spiritum sanctum, id est gratiam, collatam fuisse per ritum quendam externum, qui (vt dicitur in Concil. Senon. decret. 10. *tunc impositionis manuum, nunc Confirmationis appellatum est Sacramentum*: & eodem sensu hunc locum explicat S. Cyprian. Ep. 73. ad Iubaianum, & Sanct. Hieron. in Dialog. aduersus Luciferian.

Probatur 2. ex Concil. Constantinop. 1. can. 7. ubi dicitur eos qui ab Hæreticis baptizati ad Ecclesiam veniunt, *Signandos esse signaculo Spiritus sancti* & ex Concil. Florent. in decret. Eug. & Trid. sess. 7. can. 1. de Confirm. in quibus definitum est Confirmationem esse verum nouæ legis Sacramentum.

Probatur 3. ex S. Dionys. cap. 4. de Eccl. Hier. ubi dicit quod illi qui diuinæ regenerationis Sacramento initiati sunt diuini Spiritus aduentum largitur unguenti consummatrix unctio: & S. Augult. lib. 2. cont. lit. Petil. cap. 104. *Sacramentum Chrismatis in genere visibilibus signaculorum sacrosanctum est, sicut ipse Baptismus*.

DE CONFIRMATIONE. 39

Quæres quo tempore Hoc Sacramentum a Christo Domino fuit institutum. Respondetur probabilissimum esse (sicut docet Suar. disp. 12. sect. 2.) præcipuè & perfectè fuisse institutum post Christi Domini resurrectionem; cum Apostolis plenitudinem Episcopalis potestatis in corpus mysticum Ecclesiæ suæ contulit, dicens illis S. Ioan. 6. *Sicut misit me pater & ego mitto vos* : quod tamen non obstat quin verum sit quod S. Fabianus Papa Epist. 2. dixit ipsum Christum in vltima Cœna Discipulos suos Crismatis conficiendi rationem docuisse; vnde promanauit consuetudo sacrum Chrisma conficiendi in die Cœnæ Domini : quæ quidem semper in Ecclesia seruata est, & adhuc seruatur.

S E C T I O I I.

Quanam sit materia & forma Sacramenti Confirmationis.

MA T E R I A remota huius Sacramenti est Chrisma ex oleo oliuarum & balsamo confectum, & ab Episcopo benedictum : proxima vero est ipsius Crismatis vntio in fronte susipientis ab Episcopo in crucis figuram facta. Forma autem consistit in his verbis, quæ ab Episcopo proferuntur : *Signo te signo crucis ; & confirmo te Chrismate salutis, in nomine Patris, & Filij, & Spiritus sancti*. Ita S. Doctor, q. 72. a 2. & 4. & constat tum ex Conc. Flor. in decret. Bug. tum ex Catechismo Rom. p. 2. c. 3. tum etiam ex ipso vsu & praxi Ecclesiæ.

Sunt autem quædam hic obseruanda ad clariorem, & certiore huius veritatis intelligentiam.

Primum est, ad substantiam huius Sacramenti necessariò requiri Chrisma compositum ex oleo oliuarum & balsamo. Ita docet S. Tomas supra, nec satis probabilis videtur sententia Caietani & quorundam aliorum, qui dixerunt ad validitatem Confirmationis solum oleum posse sufficere, nec mixturem balsami requiri, ex Ecclesiæ præcepto sic (vt habetur in Catech. Rom. supra) Concilia & Patres perpetuo docuerint hoc Sacramentum per Chrisma seu vnguentum ex oleo & balsamo confici oportere, quod expressis verbis declarauit Conc. Flor.

Secundum est, ad substantiam quoque huius Sacramenti requiri, vt Chrisma sit ab Episcopo benedictum, vt docet S. Th. a. 3. & constat tum ex cit. decret. Bug. tum ex Innocentio I. Epist. 29. ad Decentium, tum etiam ex vniuersali & perpetua Ecclesiæ praxi.

Ratio autem, cur materia huius Sacramenti sicut & Excreta Vntionis debeat necessariò esse benedicta, vt Sacramentum valide conficiatur, cum ad validitatem Baptismi quævis aqua naturalis

40 DE CONFIRMATIONE.

sufficiat; est quia (vt docet S. Thom. sup.) Sacramentorum illorum, quibus Christus Dominus vsus est, vt Baptismi & Eucharistiæ materia per ipsummet Christi vsum accepit aptitudinem ad perfectionem Sacramenti; vnde dicitur cap. *nunquam*, de consecr. dist. 4. *Quod aqua Baptismi purgare credentium peccata nunquam possent, nisi tactu Domini corporis sanctificata fuissent*: quare non est de illorum Sacramentorum necessitate, vt illorum materia benedicatur; & si quæ benedictio ex Ecclesiæ institutione adhibetur, non ad necessitatem, sed ad maiorem reuerentiam Sacramenti pertinet: cum verò neque ex Script. neque ex Traditione constet Christum Dominum vnctionibus visibilibus, quæ in Sacramento Confirmationis & Extremæ Vnctionis adhibentur, aliquando vsum fuisse; ea de causa benedictio Episcopi, qui Christum in Ecclesia sua perfectissimè repræsentat necessario requiritur, vt materia illa idonea & apta efficiatur.

Obseruat autem Isambertus ad quæst. 72. disp. 2. a. 5. nullam certam benedictionis formulam à Christo Domino fuisse determinatam, illumque solummodo decreuisse vt Chrisma benediceretur, modum verò benedicendi Ecclesiæ arbitrio reliquisse: vnde quælibet ipsius Chrismatis benedictio ab Episcopo. facta cum debita intentione & inuocatione Spiritus sancti, ad validitatem Confirmationis sufficere potest; quamuis graue alioquin esset peccatum formam benedictionis ab Ecclesia præscriptam omittere aut immutare.

3 Tertium est, vnctionem Chrismatis in fronte confirmandi esse faciendam in Crucis figura, vt constat ex Conc. Hispal. 2. can. 7. & ex decret. Eug. vbi dicitur: *Confirmandum idè in fronte, vbi veracundia sedes est, inungi; ne Christi nomen confiteri erubescat, & præcipuè crucem eius, qua Iudæis est scandalum, gentibus autem stultitia, propter quod signo crucis signatur*: Vnde S. Ambrosius lib. 7. de Sacram. c. 2. sup. a. 6. de ipsius Confirmationis Sacramento sic loquitur: *Vixit te Deus, signauit te Christus. Quomodo? Quia Crucis ipse signatus es forma*.

Docet autem Isambertus de necessitate huius Sacramenti esse, quòd vnctio Chrismatis manu seu digito Episcopi, non verò mediante vllò alio instrumento fiat: quod verò fiat pollice dexteræ manus, id non nisi ex præcepto Ecclesiæ esse ad maiorem decen-
tiam & commoditatem.

Quartum denique est, formam huius Sacramenti à Christo Domino, sicut & materiam eius institutam esse: quod tamen non aliunde quàm ex traditione, & perpetua totius Ecclesiæ praxi probari potest.

Nec obstat quòd apud quosdam antiquos authores eadem verba non reperiuntur, satis est enim, vt ait Bellarm. lib. 2. c. 10 quod habea-

DE CONFIRMATIONE. 41

habeatur idem sensus: cum vis formæ sacramentalis posita sit non in sono, aut numero syllabarum, sed in verborum sensu: ubi etiam rectè monet nemini mirum videri debere, quod apud SS. Patres neque huius, neque aliorum Sacramentorum formas expressas legamus; quia scilicet nostræ Religionis Mysteria infidelibus patefacere volebant, ne illis blasphemiarum alicuius aut impietatis occasionem præberent: vnde Innocent. I. de hoc Confirmationis Sacramento loquens Epist. 1. ad Decentium. *Verba, inquit, dicere non possum, ne magis prodere videar, quàm ad consultationem respondere.*

Obiiciet aliquis Apostolos Act. 8. hoc Sacramentum administrantes neque Chrismate, neque vñctione usus fuisse, sed tantummodo manus imposuisse: vnde sequitur neque Chrisma, neque vñctionem ad Sacramenti huius rationem pertinere. Respondet S. Doctor suprà, Apostolos ex singulari Christi priuilegio sola manuum impositione Sacramentum hoc extraordinariè aliquando administrasse, Spiritu sancto tunc visibilibus & miraculosis quibusdam signis super fideles descendente, & plenitudinem gratiæ conferente; communiter tamen in exhibitione huius Sacramenti Chrismate usus fuisse.

Aliam affert responsionem Bellarm. lib. 2. de Confirm. cap. 9. ex Th. Valdensi. Hugone & alijs, qui dicunt impositionem manuum, cuius in Actis Apostolorum mentio fit, aliam non fuisse quàm vñctionem Chrismalem, cum Apostoli non vngerent nisi imponendo manus: & S. Lucam (vt sæpè fit in alijs Script. locis) ex parte una rem totam significare voluisse; quod etiam frequens est apud SS. Patres, quoties de hoc Sacramento loquuntur, vt apud S. Cyprian. qui Epist. ult. lib. 1. solius vñctionis meminit: & Epist. 1. lib. 2. solius manuum impositionis: & Epist. 73 ad Iubaianum, impositionis manuum simul & signaculi Domini in fronte mentionem facit.

S E C T I O I I I.

Quinam sint huius Sacramenti effectus.

TRAS sunt Confirmationis effectus: Primus illi cum alijs Sacramentis communis est, nempe augmentum gratiæ sanctificantis: quod satis constat ex iis quæ cap. 1. dicta sunt.

Secundus effectus huius Sacramenti proprius & peculiaris, est complementum & perfectio gratiæ baptismalis, & auxilium quoddam speciale actualis gratiæ tempore opportuno conferendum, ad Christi fidem interius fideliter contra quaslibet tentationes retinendam, & exterius in quibusvis casibus etiam cum discrimine vitæ, (si ita necessarium sit) fortiter proficendam. Ita Sanctus Thomas
art. 1.

42 DE CONFIRMATIONE.

art. 1. & 7. & constat tùm ex decreto Eugen. tùm ex Catechismo Rom. suprà quod etiam explicauit S. Melchisedes Papa in Epist. suprà cit. ad Episc. Hispaniæ, vbi sic loquitur : *Spiritus sanctus super aquas Baptismi salutifero descendit illapsu: in Fronte plenitudinem tribuit ad innocentiam: in Confirmatione augmentum præstat ad gratiam: & quia in hoc mundo atate tota victuri inter hostes & pericula gradiendum est, in Baptismo regeneramur ad vitam, post Baptismum confirmamur ad pugnam, in Baptismo abluimur, post Baptismum roboramur.*

Est autem obseruatione dignum id quod habetur in Epist. S. Cornelii Papæ ad Fabium Episcopum Antiochenum, quæ extat apud Euseb. lib. 6. hist. Eccl. cap. 35. vbi S. ille Pontifex idè Nouatum in heresim lapsum esse dicit, *quia post Baptismum sigillo Domini ab Episcopo obsignatus non fuit.*

2. Tertius denique effectus, est character spiritualis, qui per hoc Sacramentum indelebiter animæ imprimitur, vt expressè definitum est in decret. Eug. & in Concil. Trident. sess. 7. can. 6. & antea definitum fuerat in Concil. Tolet. 8. & canon. 7. in quo habetur *Sanctum Chrisma collatum & altaris honorem euelli non posse; id est Confirmationis & Ordinis characterem non posse deleri: ex quo sequitur Sacramentum hoc semel susceptum nunquam posse iterari, vt in iisdem Conciliis declaratur, & etiam in Concilio Cabilonensi 2. can. 27.*

Hinc colligitur quanta reuerentia, & animi deuotione Sacramentum istud recipi debeat, & quæ cura sit adhibenda, ne præparationis defectu obex aliquis ponatur eius gratiæ, inter tot pericula & hostes adèd necessariæ, quæ tamen nunquam fortassis recuperari poterit. Certè Dominicus Sotus in 4. dist. 6. quæst. 1. art. 8. & post illum Vasquez disp. 161. cap. 2. & plures alii Theologi docent solius Baptismi id proprium esse, vt si id est indignè susceptus, sublata postea per veram pœnitentiam fictione, Sacramentalem nihilominus gratiam conferre possit; de aliis verò Sacramentis id negant: neque vlla auctoritate aut ratione euinci potest, Sacramentum Confirmationis aut quodcumque aliud (solo baptismo excèpto) indignè receptum villam vnquam gratiam ex opere operato producere in eo qui indignè recepit, quantumcumque de indigna illa receptione pœniteat.

SECTIO VI.

*Quanam dispositiones necessariae sint ad Sacramentum Confirmationis valide & fructuose recipiendum ;
& qua sit illius recipiendi obligatio .*

CERTUM est in primis Confirmationis Sacramentum solis baptizatis valide conferri posse . Ita S. Thom. quæst. 72. art. 6. qui dicit characterem Confirmationis ita supponere baptismi characterem : ut si quis non baptizatus confirmaretur , nihil reciperet & hæc est communissima & indubitata Theologorum omnium doctrina , non modo Confirmationem ; sed & alia novæ legis Sacramenta solis baptizatis validdè conferri posse .

Certum est præterea omnibus baptizatis Confirmationem validdè conferri posse . Ita S. Doctor supra : & constat ex praxi Ecclesiæ primitivæ , in qua etiam infantibus simul cum Baptismo conferebatur , ut habetur ex S. Dionysio c. 2. Eccles. Hierarch. ex S. August. tract. 5. in Epist. 1. S. Ioann. & ex lib. de Eccles. dogm. capite 52. Quod quavis verum sit , monet tamen Catechismus Rom. part. 2. cap. 30. Minus expedire ut hoc fiat , antequam pueri usum rationis habeant ; quare si duodecimus annus expectandus non videtur , usque ad septimum certe hoc Sacramentum differre maxime convenit : neque enim Confirmatio ad salutis necessitatem instituta est , sed ut eius virtute optime instructi & parati inveniremur , cum nobis pro Christi fide pugnandum esset : ad quod sane pugnagenui pueros , qui adhuc usu rationis carent , nemo aptos iudicabit .

Cum hæc certa sint , quæritur quænam dispositiones in adultis baptizatis necessariae sint , ut Confirmationis Sacramentum digne ac fructuose recipiant . Respondetur duas præsertim requiri , fidem scilicet & charitatem , seu gratiæ sanctificantis statum . Ita S. Doctor art. 7. ad 1. & constat ex Catechismo Rom. suprâ , ubi dicitur , Debere adultos , qui huius Sacramenti gratiam & dona consequi cupiunt , non solum fidem & pietatem asserre : sed etiam graviora peccata quæ admiserunt ex animo delere , imò elaborandum esse ut peccata confiteantur , & Pastorum cohortatione ad ieiunia & alia pietatis opera suscipienda incitentur , admoneanturque laudabilem illam antiqua Ecclesiâ consuetudinem renovandam esse , ut non nisi ieiuni hoc Sacramentum suscipiant : quod & similiter edicitur in Concil. Aurelian. cap. 1. ieiuni , de consecr. dist. 5.

Monet autem Isambertus disp. 5. art. 2. illi , qui peccati alicuius mortalis sibi conscius esset , ad Sacramentum hoc dignè suscipiendum præmittendam esse confessionem Sacramentalem , aut saltem

perso-

44 DE CONFIRMATIONE.

perfectam de tali peccato contritionem esse concipiendam, nec attritionem, aut quemvis alium dolorem charitate minimè informatum sufficere.

2 Quod spectat ad obligationem huius Sacramenti suscipiendi certum est (sicut docet S. Thom. art. 8. ad 4. grauissimum fore peccatum, si quis ex contemptu illud recipere nolle: imò Tolet. lib. 2. cap. 24. Syluester verbo (Confirmatio) & alii quos citat Layman, cap. 5. de Confirm. existimant proximè ad contemptum accedere; si quis non curaret suscipere hoc Sacramentum, oblata illius suscipiendi opportunitate: quam in posterum non adfuturam præuideret: equidem Hugo de sancto Victore lib. 2. de Sacram. part. 7. cap. 3. dicit omnino periculosum esse, si quem ab hac vita migrare contingat, Sacramenta Confirmationis minimè suscepto, quod culpabiliter suscipere neglexit: & Isambertus disp. 7. art. 1. asserit in iis locis, ubi vrget aut imminet persecutio contra Ecclesiam, teneri quemlibet adultum, si Episcopum commodè adire possit, hoc Sacramentum suscipere, vt ex illo robur & vires ad fidem constanter profitendam hauriat; sicut & illum, qui graues contra fidem experiretur tentationes, quas per huius Sacramenti virtutem se posse tantummodo superare existimaret.

Optimè Catechismus Roman. suprà monet, *In hoc Sacramento suscipiendo neque prae propera festinatione, neque dissoluta negligentia & cunctatione utendum esse, &c. & quamuis eiusmodi necessitatem non habeat, vt sine eo saluus quis esse non possit, illud tamen a nemine pratermitti debere: sed potius maximè cauendum esse, ne in re sanctitatis plena, per quam nobis diuina munera tam largè impertiantur, aliqua negligentia committatur: quod enim omnibus communiter ad sanctificationem Deus proposuit, ab omnibus etià summo studio expetendum est.*

SECTIO V.

Quis Sacramentum Confirmationis ministrare possit, & quo ritu ministrari debeat.

1 CERTUM est ex fide ordinarium Cõfirmationis Ministrum esse solum Episc. Ita expressè definitum est in decret. Eug. & in Conc. Trid. sess. 7. can. 1. de Confirmatione; & iam antea in Conc. Constantiensi sess. 8. error huic veritati oppositus inter Viclefii articulos damnatus est: & confirmari potest ex c. 8. Act. ubi dicitur sanctos Petrum & Ioannem Samariam venisse, vt baptizatis manus imponerent: quo ex loco Innocentius I. Ep. 29. ad Decentiũ insert non ab alio quam ab Episcopo Confirmationis Sacramentũ esse conferendũ.

Do.

DE CONFIRMATIONE. 45

Docet tamen S. Thom. 2. 2. ad 1. ex committione seu delegatione summi Pontificis, Confirmationis Sacramentum posse à simplici sacerdote ministrari; quod etiam probat ex facto S. Gregorii Magni, qui cum accepisset Sardiniae Presbyteros solere baptizatis dare Confirmationem, id eos in posterum facere prohibuit, ut habetur lib. 3. registri, Epist. 9. at cum ex hac prohibitione sua comperisset scandalum aliquod in populo exortum fuisse; ut id facerent postea concessit, ut constat ex Epist. 27. eiusdem libri: & in decret. Eug. expressè dicitur: *Per Apostolica sedis dispensationem ex rationabili & urgenti a. modum causa simplice. sacerdotem chrismate per Episcopum confecto hoc Sacramentum Confirmationis aliquando administrasse:*

Ex quibus Concilii verbis colligitur, quod quamvis simplex sacerdos ex dispensatione summi Pontificis possit, extraordinariè Confirmationis Sacramentum conferre; non potest tamen sacrum Chrisma conficere, sed hoc semper ex perpetua Ecclesiæ praxi Episcopo soli reservatum fuit, ut docet & probat Isambertus dis. 2. a. 6.

2. Quod spectat ad ritum huius Sacramenti; præter ea quæ illi ex institutione diuina essentialia sunt, Ecclesia ad maiorem suscipientium deuotionem excitandam quasdam præscripsit cæremonias in eius administratione ac susceptione obseruandas,

Prima est: ut ad sit susceptor seu patrinus, qui confirmandum offerat Episcopo; ratione cuius susceptionis contrahitur spiritualis affinitas similis illi, de qua in baptismo dictum est. Est autem hæc cæremonia antiquissima, ut constat ex variis Conciliorum Pontificumque decretis quæ citantur à Gratiano, ac præsertim ex can. *Si quis*, dist. 30. quæst. 1. in quo præcipitur ut viri, qui filios proprios in Confirmatione tenuerint, quoad usum thori, separentur ab uxoribus propter affinitatem scilicet spirituales, quam contraxerunt: & diuersa ratione can. *Dictum est* ibi. quibusdam feminis quæ fraudulenter filios proprios in Confirmatione tenuerant; ut eo prætextu à viris separentur, iniungitur quidem pœnitentia: prohibetur tamen ne à viris separentur.

Secunda cæremonia est; ut preces quædam solennes ab Episcopo super confirmandis recitentur, idque ut diuini auxilium in actione tanti momenti tum pro se, tum pro illis inuocet, eosque ad mentem in Deum eleuandam, pietatisque ac deuotionis sensum aliquem concipiendum excitet.

3. Tertia est, ut Episcopus genam cuiusque confirmati percussat, eique alapam leuiter infligat; ut is intelligat se ad probra; verbera & quæcumque alia pro Christo patienter perferenda, paratum esse debere, & ad hoc specialem gratiam vi & efficacia huius Sacramenti accepisse.

Quar-

46 DE CONFIRMATIONE.

Quarta in eo consistit, quod Confirmatio pax ab Episcopo detur: ut agnoscat hunc esse Christianæ patientiæ fructum; & post fidem in bellis ac certaminibus huius vitæ servatam, æternam illi ac beatam pacem in cœlo esse repositam.

Quinta denique in eo consistit, ut Confirmati frons fascia ligetur; tum ne sacrum Chrisma casu aliquo profanetur, tum etiam ut significetur gratiam in Confirmatione acceptam sollicitè ac sedulo affectu esse custodiendam.

4. Monet autem Bellarminus lib. 2. de Confirm. c. 13. morem cuiusque Ecclesiæ in hac cæremonia servandum esse, quibusdam enim in locis ad septem dies fascia illa in fronte retinetur; in aliis ad tres tantum, aliquando etiam frons confirmati confestim post susceptam Confirmationem à sacerdotibus extergitur.

Observat etiam Gammachæus capite 10. de Confirm. quod, si quis nomen prophanum aut ridiculum gerat, possit illud mutare in Confirmatione, quæ scilicet est complementum & perfectio baptismi. Addit etiam Episcopos non debere alienis diocesanis absque proprii Episcopi consensu, Confirmationis Sacramentum administrare: nisi fortè inualuerit contraria consuetudo, de qua nullus Episcopus conqueratur.

CAPVT QVARTVM.

De SS. Eucharistiæ Sacramento.

SECTIO I.

Quo nomine sanctissimum hoc Sacramentum nuncupetur.

CVM in sanctissimo hoc Sacramento mirabilium suorum memoriam fecerit Dominus (ut olim pronuntiavit Propheta regius Psalm. 110.) illicque non modo sapientiæ ac scientiæ, sed & potestatis, misericordiæ, charitatis, ac reliquarum diuinarum perfectionum thesauros omnes recondiderit; minimè mirum est, si nullum singulare nomen excogitare potuit, quod excellentiam illius infinitam exprimeret: sed varia & diuersa vocabula passim à SS. Patribus adhibita repariantur, quibus tanti mysterii dignitas utcumque adumbraretur.

Aliquando enim vocatur *Sacramentum corporis & sanguinis Christi* S. August. lib. de Trinit. cap. 4. ab ipsa re quam in se continet:

ali-

aliquando *Sacramentum altaris*, à loco in quo conficitur *ex eodem* S. Augustino Epistol. 30. Aliquando *Sacramentum fidelium*, ab ijs quorum gratia institutum est, ex sancto Augustino serm. 2. de verb. Apostoli: cap. 1. Aliquando *Panis supersubstantialis*, ex S. Cypr. hb. de Coena Domini; *Panis*, ob accidentia exteriora quibus tegitur, *supersubstantialis*, propter Diuinam viuificamque virtutem quæ ipsi inest: Aliquando *Communio*, propter vnionem perfectam & ineffabilem, quam inter Christum Dominum vt caput, & Ecclesiæ fideles, vt eius membra, efficit ex S. Damasc. lib. 4. Orthod. fidei c. 14. Aliquando *Sacra Synaxis*, propter religiosum fidelium conuentum in solemni huius Sacramenti celebratione fieri solitum, *ex eodem* S. Damasc. ibid. Aliquando *viaticum*, eo quod illius virtute in huius vitæ peregrinatione, & præsertim in ultimo ad æternitatem transitu sustentamur, vt in Concil. Nicæn. r. can. 13:

2 Sed præ cæteris usitatissimum in Ecclesia est nomen *Eucharistia*, quod significat bonam gratiam, vel gratiarum actionem, idque aptissimum ad designandum nos in hoc Sacramento gratias vberrimas imò ipsum gratiarum fontem in nobis recipere, & per idem Sacramentum acceptissimas Deo gratias posse referre, vt dicitur in Catechismo Rom. part. 2. cap. 4.

Siue igitur Eucharistia, siue quouis alio nomine ex iis quæ suprà explicata sunt, appelletur, intelligitur Sacramentum illud, quod à Christo Domino in cœna vltima institutum est, in quo sub speciebus panis & vini verè, realiter, ac substantialiter eiusdem Christi corpus & sanguinis continetur, vt in Concil. Trident. sess. 13. cap. 1. & 2. expresse definitum est, quod plenius constabit ex iis quæ sect. seqq. dicenda sunt.

SECTIO II.

In quo propriè consistat Eucharistia Sacramentum.

1 **S**VFFONIMVS tanquam certum ex fide, Eucharistiam esse vere & propriè dictum Sacramentum à Christo Domino institutum: quod nullus negauit hæreticorum, qui Sacramenta aliqua nouæ legis agnouerunt. Et hæc veritas non modò in Concil. Trident. sup. sed etiam in Concil. Carthag. 3. can. 29. in Concil. Lateran. cap. *firmiter* de Sum. Trinit. & in Concil. Florent. in decret. Bug. definita est.

Hoc præsupposito, queritur in quo propriè consistat hoc Eucharistiæ Sacramentum? Cum verò quatuor præsertim in illo spectari possint: scilicet consecratio, corpus & sanguis Christi, species consecratæ, & vsus, siue sumptio Sacramenti, ex quibus primum, &

quar-

quartum in actione aliqua transeunte consistunt; secundum verò & tertium in re permanente: hæretici huius temporis contendunt hoc Sacramentum non in re permanente, sed in actione transeunte consistere; Calvinus quidem in solo illius usu & sumptione, Kemnitius autem tum in sumptione, tum etiam in consecratione ipsius, ut videri potest apud Bellarminum. lib. 4. de Euch.

Huius errori opposita est Catholicæ fidei veritas, quæ docet Sanctissimū Eucharistiæ Sacramentum in re aliqua permanente consistere, & sic corpus Christi Domini post verba consecrationis prolata realiter existens sub speciebus panis, esse vere & propriè Sacramentum, siue sumatur, siue in sacrario seruetur; siue ad ægros, aut alia de causa publicè deferatur. Ita expressè definitum est in Concil. Trident. sess. 13. cap. 5. & 9. & can. 4. & 7. probatur fusè à Bellarmino lib. 4. de Euch. cap. 4. ex antiquissimo ritu seruandi Sacram Eucharistiæ, eamq; cum honore & reuerentia ad ægrotos deferendi, qui semper in Ecclesia fuit religiosissimè obseruatus.

Cum igitur ex fide constet Sacramentum hoc in re permanēti consistere; dubitatur inter Doctores, num in solo Christi corpore sub speciebus contento, num in solis speciebus, num in utroque simul Sacramenti huius ratio propriè consistat.

2 Vera & ab omnibus communiter recepta est illorum sententia, qui dicunt consistere, tam in speciebus consecratis, quam in Christi corpore sub iis existente; proindeque Sacramentum Eucharistiæ esse veluti quid compositum ex speciebus consecratis, & corpore ac sanguine Christi Domini. Ita S. Doctor in 4. dist. 8. qu. 1. art. 1. cui communiter alii Theologi subscribunt: & probatur ex cap. *Hoc est*, de consecrat. dist. 2. ubi dicitur hoc Sacramentum *constare duobus; visibili elementorum specie, & inuisibili Christi carne & sanguine; veluti persona Christi constat ex Deo & homine*. Deinde ex eo quod Concil. Trident. sess. 13. cap. 1. dicit in Eucharistiæ Sacramento verè contineri Corpus & sanguinem Christi: Vnde infertur aliquid aliud ab ipso Christi corpore & sanguine ad rationem Sacramenti pertinere, nimirum species & accidentia sub quibus continetur.

Ex dictis colligitur Sacramentū Eucharistiæ ab alijs sex Sacramentis in eo præsertim differre; quod alia Sacramenta in actione aliqua transeunte consistant, scilicet in applicatione formæ ad materiam; nec proinde existant, nisi cum actu conferuntur & suscipiuntur: at vero Sacramentum Eucharistiæ in re aliqua permanenti consistit, ut explicatum est:

Sunt & aliæ inter Eucharistiæ & alia Sacramenta differentiæ, quæ ex infra dicendis facilius intelligentur, inter quas hæc minimè prætermittenda est, quod Eucharistiæ Sacramentum sit omnium alio-

aliorum Sacramentorum nobilissimum & excellentissimum; Vnde sanctus Dionysius cap. 3. de Eccl. Hier. dicit, *Ad hoc Sacramentum tanquam ad suum finem Sacramenta alia omnia ordinari: & in Catech. Rom. aliteritur. Hoc Sacramentum quantum ad bonorum affluentiam, se habere ad reliqua, sicut se habet fons ad riuulos.*

SECTIO III.

Quanam sit materia Eucharistia conficienda.

IN OMINE materiæ in Sacramento Eucharistiæ intelligitur id ex quo secundum Christi Domini institutionem, constituitur ipsum Sacramentum; seu res illa, quæ per verba consecrationis in ipsius Christi Domini corpus conuertenda est.

Est autem certum ex fide, solum verum panem, & solum verum vinum ex vite, esse aptam & idoneam huius Sacramenti materiam. Id constat ex sanctis Euangelistis S. Matth. 26. Marc. 14. S. Luc. 22. qui vnanimiter dicunt Christum Dominum, in instituendo hoc Sacramento, verum panem & verum vinum adhibuisse, & postea præcepisse discipulis suis vt hoc facerent quod ipse fecerat, proinde vt verum panem & verum vinum de vite ad Sacramentum hoc conficiendum assumerent. Id præterea definitum habetur in Conc. Later. cap. *firmiter*. in Concil. Flor. in decr. Eug. & in pluribus alijs Concilijs, quorum canones fusè citantur à Gratiano dist. 2. de consecr.

Cum igitur id certum sit; ad maiorem tamen huius veritatis elucidationem obseruationes hic aliquæ faciendæ sunt.

1. Prima est, solum panem ex frumento seu tritico coniectum esse sufficientem & aptam huius Sacramenti materiam. Ita S. Doctor quæst. 74. art. 3. & constat ex decr. Eug. in quo expressis verbis habetur, *Eucharistia materiam esse panem triticeum, & vinum de vite*: Ex quo sequitur panem ex hordeo, auena, aut alijs similibus granis à tritico specie diuersis, non esse idoneam huius Sacramenti materiam: imo rectè monet Isambertus ad quæst. 74. disp. 1. art. 4. panem ex siligine confectum (vulgo *pain de seigle*) non esse adhibendum ad conficiendam Eucharistiam; quamuis enim aliqui existiment siliginem specie non differre à tritico, quia tamen alij contrarium sentiunt, aut saltem de eare dubitant, rectè docet pro consecratione huius Sacramenti assumendam non esse materiam dubiam, sed tantum certam, qualis est panis purè triticeus.

Quod si panis fiat partim ex tritico partim ex siligine, hordeo, vel alijs eiusmodi granis, tunc videndum erit an grana illa specie à tritico diuersa in tam modica quantitate adhibita sint, vt panis secundum communem assimilationem triticeus censerì possit; vel in tam

magna, vt talis minimè censeatur, in primo casu erit materia sufficiens consecrationis, in secundo non erit, est tamen semper opusculum & reuerentiæ huic Sacramento debitæ convenientissimum, vt panis consecrandus ex puro tritico, sine vlla granorum quorum vis admixtione, conficiatur.

3 Secunda est, ad consecrationis validitatem requiri, vt panis ille triticeus sit coagmentatus ex aqua elementari, & calore ignis concoctus, non verò frixus aut lixus: Vnde neque massa farinæ nondum igne cocta, neque panis ille qui ex melle aut butyro esset coagmentatus, aut frixus vel elixus (qui non iam panis, sed potius placenta dici deberet) sufficiens huius Sacramenti materia esse censetur, vt pluribus probat Isambertus art. 6.

Tertia est, panem fermentatum ad validitatem huius Sacramenti sufficere: in decreto tamen Eugenii constitutum fuisse, vt quilibet sacerdos Eucharistiam in pane siue fermentato, siue azymo conficiat, iuxta consuetudinem Ecclesiæ suæ: vnde sequitur sacerdotem Græcum in Græca Ecclesia pane fermentato, Latinum verò in Ecclesia Latina, non nisi azymo vti debere: quod quidem præceptum de pane azymo tantummodò ad conficiendam Eucharistiam in tota Ecclesia Latina adhibendo adeò strictè obligare asserit idem Isambertus 2. 5. vt ne quidem in casu necessitatis existimet sacerdotem Latinum in pane fermentato consecrare licitè posse, quod probat ex capite *finali* extra de celebrat. Missarum, vbi sacerdos qui in pane fermentato consecrauerat, punitur officii depositione & amissione beneficii, quamuis excusationem necessitatis prætexeret.

4 Quarta est in vino adhuc contento in vuis aut in vino seu liquore ex vuis nondum maturis expresso (quod agresta seu omphaciunt vocatur) consecrationem Dominici sanguinis validè fieri non posse, sicut nec in aceto, aut vino decocto quod defrutum dicitur. Ita S. Thom. art. 5. ad 2. & 3. & ratio est, quia hæc omnia propriam vini rationem non habent, vt per se patet, & expressè declaratur in rubricis Missalis: vbi etiam dicitur quod, quamuis consecratio validè fiat in multo seu vino recenter ex vuis cum facibus expresso, aut in vino acescente non tamen penitus acidosis tamen reuerentiæ Sanctissimo huic Sacramento debitæ repugnare, proindeque sine graui peccato fieri non posse, quod etiam affirmat S. Doctor loco citato.

De vino autem congelato quamuis quidam Theologi existiment, quandiu congelatum remanet, non esse idoneam consecrationis materiam; Syluester tamen, Sotus & alii, quos citat & sequitur Suarez disp. 25. sect. 1. affirmant eiusmodi vinum congelatum validè consecrari posse; quamvis ad maiorem decentiam & scrupulos evitandos sit consultius (vt ibidem monet Suarez) vel aliud vinum adhibere, vel vinum congelatum adhibitis pannis calidis, aut admo-

igne liquefacere, vt sic conuenientius possit consecrari; quod quidem rubricæ Missalis faciendum esse præscribunt, si post consecrationem vinum congeletur, vt à sacerdote celebrante sumi possit.

Quinta est, aquam vino permiscendam esse ante consecrationem; quod semper in Ecclesia obseruatum fuisse testantur SS. Patres, qui fusi à Gratiano citantur dist. 2. de consecrat. idque ex professo probat S. Cyr. Epist. 63. ad Cæciliū: & præterea definitum habetur in decret. Eugen. & in Concil. Trident. sess. 22. can. 9.

Monet autem S. Doctor art. 8. aquam illam in modica quantitate vino permiscendam esse ita vt species vini non soluatur, sed potius vt ipsa aqua in vinum conuertatur, & sic in vinum conuersa consecratur.

5 Quæres an hæc permixtio aquæ sit de essentia consecrationis. Respondetur non esse, sicut docet expressè Catechismus, Rom. cap. 4. vbi dicit sine tali permixtione Sacramentum constare posse: & in Concil. Trident. sess. 22. cap. 7. dicitur id ab Ecclesia præceptum esse sacerdotibus; vnde sequitur non esse ex institutione diuina necessarium.

Sexta denique est materiam illam siue panis, siue vini sacerdoti celebranti moraliter debere esse præsentem, ita vt aliquo sensu, puta visu vel tactu deprehendi possit, vt valide ab ipso consecratur. Ita ex communi Theologorum consensu Isambertus ad quæst. 74. disp. 5. art. 1. & constat ex verbis ipsius consecrationis, quæ materiam illam sacerdoti consecranti præsentem esse significant, vt ex dicendis sequenti sectione facilius intelligetur.

Hinc sequitur (vt idem Isambertus obseruat) quod, quando cumulus aliquis formularum seu hostiarum coram sacerdote in altari exponitur, possint omnes ab illo validdè consecrari; quamuis nec videat, nec tangat singulas: quia singulæ censentur illi moraliter præsentēs eo ipso, quo continentur in cumulo illo quem videt aut tangit: & similiter dicendum, si formulæ illæ consecrandæ, sint quidem sacerdoti proximæ, sed velo aliquo coopertæ, aut paxide inclusæ quia ratione sui continentis moraliter censentur esse præsentēs.

9 Requiritur præterea vt materia non solum sit moraliter præsens, sed etiam vt per intentionem consecrantis sit determinata, id est vt formam consecrationis proferendo, intendat facere quod facit Ecclesia circa hanc determinatam materiam. Ita ex communi Doctorum consensu docet Isambertus art. 2. ex quo sequitur vt si sacerdos coram se centum formulas habens, intendat solum consecrare quinquaginta, eas nullatenus designando aut determinando, tunc nullam illarum consecrare censeatur; secus est si putans solummodò esse quinquaginta super cumulum illarum verba consecrationis proferat; tunc enim cum nullas excludat, censetur omnes velle conse-

trare: & quamuis in æstimatione numeri decipiatur, non tamen in intentione quæ (vt supponimus) super cumulum illum sibi præsentem fertur.

Quare ad scrupulos deuitandos tutius est, vt semper sacerdos consecrare intendat formulas omnes sibi appositæ, quamuis earum numerum nesciat; illius enim primæ intentionis virtute consecratur omnes, etiam si quando ipsius formæ verba proferat, de illis actu non cogitet; sed ad eam quam præ manibus habet solummodo attendat, monet idem Isambertus supra.

SECTIO IV.

Quæ sit forma ad consecrandam Eucharistiam requisita, & quis verus & proprius verborum illius sensus.

DOCEt S. Thomas q. 78. a. 1. formam ad Sacramentum hoc conficiendum requisitam in eo consistere, vt sacerdos eadem verba super materia panis ac vini proferat, quæ à Christo Domino illud instituyente, panemque in corpus suum ac vinum in sanguinem conuertente prolata sunt; nimirum super pane: *Hoc est corpus meum*, & super vino *Hic est calix sanguinis mei*, &c. Quibus verbis, ex Ecclesiæ Romanæ consuetudine à S. Petro Apostolo deriuata (vt obseruat idem S. Doctor a. 2. ad 5.) interferitur hæc coniunctio enim, quæ non est de formæ huius necessitate, sed tantum vt verba ipsius consecrationis faciliiori sensu cum antecedentibus cohæreant.

Hæc autem doctrina expressis verbis traditur in decret. Eng. & in Catechismo Rom. part. 2. cap. 4. & huic etiam subscripserunt vnanimiter SS. Patres, vt S. Greg. Nissen. orat. catech. capite 37. vbi dicit quod *Panis sanctificatur à verbo (sicut dictum est) transmutatus nempe ab isto, hoc est corpus meum*: Tertul. libro 4. contra Marcionem, *Panem, inquit; acceptum Christus facit corpus suum, dicendo; hoc est corpus meum*: Et S. Ambrosius lib. 4. de Sacrament. capite 4. *Consecratio, inquit, fit verbis Domini: & ubi ventum est vt conficiatur venerabile Sacramentum, iam non suis sermonibus sacerdos, sed Christi sermonibus utitur.*

2. Confirmari potest eadem doctrina ex antiquâ vniuersali Ecclesiæ praxi, quæ statim post prolationem supradictorum verborum ostendit venerabile Sacramentum populo adorandum, vt videre est in Canone Missæ, quem multis ante sæculis ab ipsa Ecclesia institutum esse declarat Concil. Tridentinum sess. 22. cap. 4. Vnde sequi docet Gámachæus ad quæst. 78. capite 1. hanc doctrinam esse de fide, nec sine hæresi negari posse; qui etiam cap. 2. obseruat non omnia verba, quæ in consecratione sanguinis proferri solent, ad for-

formæ substantiam pertinere, sed tantummodo ista: *Hic est calix sanguinis mei*; alia verò quæ sequuntur, esse tantum de necessitate præcepti: proindèque absque graui peccato omitti non posse: quamuis si omitterentur, nihilominus consecratio ipsius sanguinis validè conficeretur: quod etiam ante illum docuerunt Magister sentent. S. Bonauent. Albertus, Alensis, Ioannes Maior, & alii quos ibidem citat.

Quod spectat ad verum & proprium illorum consecrationis verborum sensum, Quæres 1. an debeant intelligi recitatiue tantum seu materialiter, an verò significatiue seu formaliter, seu an Sacerdos verba illa proferat animo solum referendi verba ab ipso Christo in huius Sacramenti institutione vsurpata: an etiam animo exercendi significationem illorum, & consecrandi, seu conuertendi panem & vinum in corpus & sanguinem eiusdem Christi.

Respondetur cum S. Doctore utroque modo proferri: recitatiue quidem, vt constat ex his verbis canonis: *Qui pridie quàm pateretur accepit, &c.* quibus Sacerdos narrat quid Christus Dominus in huius Sacramenti institutione fecerit & dixerit: Proferri verò etiam significatiue præter Sanctum Thomam docent Alensis, S. Bonauent. Sotus & alii apud Suarez disp. 58. sect. 4. & colligitur ex eo quod in decret. Eug. declaratur Sacerdotem in persona Christi loquentem hoc conficere Sacramentum; non loqueretur autem in persona Christi, si tantum narraret, & recitaret id quod dixit Christus.

3 Quæres 2. quid in illis verbis consecrationis propriè significet pronomen. *Hoc & hic*.

Longum & superfluum esset referre omnes Hæreticorum opiniones, de significatione pronominis illius: nam, vt obseruat Greg. à Valentia, octoginta & amplius interpretationes absurdissimæ & falsissimæ in eorum libris reperiuntur: Variæ quoque sunt Doctorum Catholicorum explicationes, qui tamen in eo ab Hæreticis differunt, quod hi licet inter sediuersi & malè coherentes, conueniât nihilominus in reiicienda & deneganda transsubstantiatione panis & vini in Christi corpus & sanguinem; illi verò eam constanter asserant, inuò tanquam fide credendam supponant. Omissis igitur etiam variis illis Catholicorum interpretationibus, omnium certissima videtur esse illa quam asserit S. Doctor, nimirum per pronomen, *Hoc* vel *hic*, nihil demonstrari quod sit eo tempore quo profertur, sed id quod est in fine prolationis ipsius formæ, *prædictamque locutionem intelligendam esse secundum vltimū instans prolationis verborū.*

Hæc autem S. Doctoris explicatio duplici modo intelligi potest: prior est, vt pronomen illud accipiatur substantiue saltem in forma consecrationis panis, & per illud significetur substantia corporis Christi (quæ erit sub speciebus panis in fine prolationis formæ) con-

fusè tamen eo pronomine designata; & per prædicarum huius enunciationis distinctius expressa. Posterior modus quem tuentur Ioannes Maior in 4. dist. 8. quæst. vnic. & Maldonat. in cap. 26. S. Matth. est; ut prædictum pronomen sumatur adiectiuè, ac proinde ut eodem modo hæc Christi verba intelligantur: *Hoc est corpus meum*; atque si quis diceret: *Hic est thesaurus meus*: & sicut etiam Pater cœlestis de eodẽ Christo Domino dixit, *Hic est Filius meus dilectus*: quo posteriori sensu præsertim intelligi debet forma consecrationis sanguinis, cuius verba transtulit Interpres noster per nomen adiectiuum demonstratiuum: *Hic est calix sanguinis mei*.

4 Quæres 3. quo sensu in verbis illis consecrationis accipienda sit copula, *est*: Hæretici enim contendunt eo loco accipiendam esse pro *significat*: quam ad rem varia ex Scripturis exempla proferunt, in quibuseo sensu accipi videtur, ut 1. Cor. 10. *Petra erat Christus*, id est (ut inquirunt) petra significabat Christum.

Respondetur 1. quamuis verum esset aliquando in scripturis verbum substantiuum sic accipi: inde tamen nullomodo sequi illud in verbis consecrationis eo sensu esse accipiendum: cum neque a SS. Patribus, neque ab Ecclesia vniuersa vnuquam sic acceptum fuerit, ut constabit ex iis quæ sectione sequenti dicentur.

Respondetur 2. falsum esse, illud verbum substantiuum, *est*, in sacris aut etiam prophanis litteris vnuquam accipi pro verbo *significat*: in omnibus enim allegoricis aut metaphoricis locutionibus quæ afferri possunt, ut rectè obseruat & probat Maldonatus suprà, si quæ figura est, nõ hæret in verbo, *est*, sed vel in subiecto enunciationis, vel in prædicato; verbum enim *est*, semper aut substantiam, aut solam extremorum vniõnem significat, ut docuit Aristoteles lib. de interpret. cap. 3.

5 Quæres 4. quomodo hæc consecrationis forma vera esse possit; prius enim requiritur rem aliquam esse, quam veram esse propositionem quæ affirmat illam esse; forma autem consecrationis, cum efficiat illam rem quam enunciat, est illa prior, & ex consequenti falsa; cum significet id esse quod nondum est.

Respondetur ex S. Doctore hanc esse differentiam locutionum, quæ vim significatiuam solummodo habent, & earum quæ habent vim effectiuam; quod illæ supponant rem quam enuntiant iam esse: illæ verò illam efficiant: vnde ad veritatem formæ consecrationis, per quam verbi gratia corpus Christi ponitur sub speciebus panis, sufficit quod eadem duratione reali quâ significatio eius completur, res per eam significata & enunciata talis à parte rei sit, qualis esse significatur & enunciat: quod cum in forma illa reperiatur, ut constabit ex dicendis sectione sequenti, hinc sequitur illam veram esse.

Quæ-

Quæres 5. & ultimo quo sensu intelligi debeant verba, quæ ad consecrationem sanguinis Christi Domini adhibentur: *Hic est calix sanguinis mei novi & æterni testamenti, Mysterium fidei, qui pro vobis & pro multis effundetur in remissionem peccatorum.*

6. Iam diximus non omnia illa verba esse de essentia consecrationis, sed hæc tantum, *Hic est calix sanguinis mei*: ea vero quæ sequuntur, per traditionem a S. Petro Apost. qui Romanæ liturgiæ author fuit, accepta esse docet Leo IX. in Epist. ad Michaellem Imperatorem cap. 9. & S. Thom. art. 3. fuisseque addita verbis essentialibus formæ ad expressius significandam virtutem ipsius sanguinis Christi, qui quidem, ut explicat S. Doctor, pro nobis effusus est, primò ad conferendum nobis ius hæreditatis, iuxta illud Hebr. 10. *Habentes fiduciam in introitu Sanctorum in sanguine Christi*; & ad hoc exprimendum, dicitur *novi, & æterni testamenti*: Ius enim ad hæreditatem per testamentum acquiritur. Secundò ad iustificationem, & sanctitatem conferendam, cuius initium, fundamentum, & radix est fides, ut loquitur Concil. Trid. sess. 6 cap. 8. & ideo subditur: *Mysterium fidei*. Tertiò ad amouenda ipsius gloriæ & iustificationis impedimenta, scilicet peccata, iuxta illud Hebr. 9. *Sanguis Christi emundabit conscientiam nostram ab operibus mortuis*: & quantum ad hoc subiungitur: *qui pro vobis, & pro multis effundetur in remissionem peccatorum*: *Pro multis*, id est pro omnibus, quantum est ex parte ipsius Christi, ut explicant Euthymius & Theophylactus apud Maldonatum supra; vel, *Pro multis* id est pro solis prædestinatis quantum ad fructum & efficaciam, prout à nobis explicatum est priori huius operis parte tract. 5. cap. 1. sect. 6. *Effundetur*, vox Græca, in tribus Evangelistis Matthæo, Luca, & Marco est præsentis temporis, significatque effundi sanguinem; id est, offerri seu libari in ipso Mille Sacrificio; versio tamen communis quæ est futuri temporis, refertur ad effusionem illam sanguinis quæ in cruce futura erat, quando hæc verba Christus protulit, & hæc Ecclesia retinuit, ut significaret Sacrificium istud quod in Altari offertur, & illud quod in Cruce oblatum est, vnum & idem esse, *Sola*, ut loquitur Concil. Trident. sess. 12. cap. 2. *offerendi ratione diuersa*.

SECTIO V.

Quid in hoc Sacramento per verba consecrationis efficiatur.

TRIA sunt præsertim, eaque maximè admiranda atque suspicienda, ut loquitur Catechismus Rom. part. 2. cap. 4. quæ per verba consecrationis efficiuntur. Primum est, quod verum & proprium Christi Domini corpus, & illud idem quod ex sanctis-

simā Virgine natum ad dexteram Patris sedet, & verus ac proprius eiusdem sanguis qui pro nobis effusus est, in hoc Sacramento realiter & substantialiter continetur.

Secundum est, quod nulla in Sacramento illo remanet panis aut vini substantia, quantumvis id à sensibus maximè alienum videatur, sed tota ipsius panis & vini substantia conuertitur in substantiam corporis, ac sanguinis Christi Domini.

Tertium denique est, quod in eo Sacramento accidentia panis ac vini, quæ oculis alijsque sensibus percipiuntur, sine villo subiecto mirabili quadam atque inexplicabili ratione remanent & operantur: de quibus in Paragraphis sequentibus agendum erit.

§. I.

De vera & reali præsentia corporis & sanguinis Christi Domini in Sacramento Eucharistia.

NON hoc tempore solum, sed iam olim à primis Ecclesiæ sæculis hæc veritas (nimirum Christi Domini corpus & sanguinem verè ac realiter in Eucharistiæ Sacramento adesse) que inter reliqua fidei Catholicæ dogmata quasi principem locum obtinet, ab Hæreticis impugnata est, quorum antesignanus fuit Iudas Iscariotes, qui primus huic veritati incredulus fuit, ut habetur S. Ioan. 6. quem postea secuti sunt Simoniani & Menandriani, ut refert Belarminus libro 1. de Sacram. Euchar. capite 1. qui realem corporis Christi Domini præsentiam in Eucharistia negauerunt. Post illos Iconomachi, ut constat ex 6. Synodo generali act. 6. dixerunt Eucharistiam esse tantum figuram seu imaginem corporis Christi. Secutus est deinde Berengarius, qui eandem veritatem circa annum 1050. impugnauit, quam tamen contumacia omni deposita in Conc. Rom. sub Greg. 7. postea professus est. Exorti sunt postmodum Albigenes, qui (ut testatur S. Antoninus part. 4. tit. 11. cap. 7. §. 5.) in Sacramento Eucharistiæ Christi Domini corpus verè & realiter esse negauerunt: quibus aliquot post annis subscripserunt Hæretici illi qui Flagellantes dicti sunt, ut refert Bernardus Luxemburgensis in catalogo Hæreticorum: Demum Ioannes Zuinglius, Oecolampadius, Bullingerus, aliique recentiores Sectarij, quorum agmem clausit Calvinus, cum suis adhaerentibus; qui omnes licet inter se discordes, in eo tamen conueniunt, quod Christi Domini corpus realiter in Eucharistiæ Sacramento esse negent.

2. Probatur igitur nostræ fidei veritas, & simul errores oppositi refelluntur 1. autoritate script. S. Ioan. 6. ubi Christus Dominus de institutione huius Sacramenti à se facienda sic loquitur: *Panis quem*

ego dabo, caro mea est pro mundi vita: Deinde SS. Mat. 26. Marc. 14. & Luc. 22. Christus Dominus hoc Sacramentum instituens, apertis & expressis verbis dixit: *Hoc est corpus meum: hic est sanguis meus:* Unde sic argumentari possumus: Christus Dominus Eucharistiæ Sacramentum instituens, dedit in cibum id quod se daturum antè promiserat: atqui in citato S. Ioannis loco promiserat se daturum in cibum, non figuram corporis sui, sed ipsummet corpus: Ergo dicendum est verè corpus suum dedisse, proindeque ipsum Christi Domini corpus verè & realiter in Sacramento Eucharistiæ existere. Quod autem verba illa ex S. Ioan. relata de corpore Christi non figuratè, sed verè ac realiter in cibum dando intelligenda sint, constat ex unanimi SS. Patrum consensu: ita enim hunc locum de vera & reali corporis Christi Domini sumptione in Sacramento Eucharistiæ interpretati sunt SS. Basilii, Gregorius Nyden, Chrysostomus, Cyrillus, Epiphanius, Cyprianus, Hilarius, Ambrosius, Hieronymus, Auguilinus, Prosper, Leo, Damascenus, Bernardus, & alij quorum testimonia fusè refert Maldonatus in cap. 6. S. Ioannis.

Probatur 2. Auth. duorum Conciliorum generalium, primi scilicet & ultimi, scilicet Nicæni & Trident. in illius siquidem actis (ve refert Bellarm. lib. 2. de Eucharist. cap. 10.) hæc habentur: *Fide intelligamus situm in sacra illa mensa agnum illum Dei tollentem peccata mundi, iacruentè à Sacerdotibus immolatum; & pretiosum ipsius corpus & sanguinem vere nos sumentes, credere hac esse nostræ resurrectionis Symbola.* In Tridentino autem sess. 13. cap. 1. *Docet sancta Synodus & aperte ac simpliciter profitetur, in almo Sancta Eucharistia Sacramento, post panis & vini consecrationem, Dominum nostrum Iesum Christum verum Deum atque hominem, vere, realiter ac substantialiter sub specie illarum rerum sensibilium contineri: nec enim hac inter se pugnant, ut ipse Salvator noster semper ad dexteram Patris in cælis assident, iuxta modum existendi naturalem, & ut multis nihilominus alijs in locis sacramentaliter presens, sua substantia nobis adsit ex existendi ratione, quam atsi verbis exprimere vix possumus, possibile tamen esse Deo, cogitatione per fidem illustrata, assequi possumus, & constanter credere debemus.*

3. Probatur 3. ex SS. Patribus qui fusè citantur à Bellarmino toto lib. 2. de Euchar. vbi consentientem illorum per omnes Ecclesiæ aetates doctrinam ostendit: illustriora aliquot testimonia hic proferemus.

S. Cyprian. serm. de Cœnà Dom. *Panis iste, inquit, non effigie, sed natura mutatus, omnipotentia verbi, factus est caro.*

S. Hilarius lib. 8. de Trinit. *De veritate, inquit, carnis & sanguinis nō est relictus ambigendi locus: nūc enim & ipsius Domini professione, & fide*

¶ *fide nostra vere caro est & vere sanguis est, &c. an hoc veritas non est, contingat plane his verum non esse, qui Christum Iesum verum esse Deum negant.*

S. Ambros. lib. 4. de Sacram. Panis isto, inquit, panis est ante verba Sacramentorum; ubi accesserit consecratio, de pane fit caro Christi.

Probat 4. ex antiqua & perpetua Ecclesie praxi adorandi hoc Sacramentum, quod testatur S. Ambros. lib. 3. de Spiritu sancto cap. 12. *Perterram, inquit, intelligitur caro Christi, quam hodie quoque in mysteriis adoramus.* & S. Aug. in Psal. 98. *Nemo, inquit, carnem Christi manducat, quin prius adoret; adorari autem in hoc Sacramento Christi caro non posset; si in eo verè ac realiter non existeret.*

4. Obiiciunt Hæretici 1. hæc Christi Domini verba S. Ioann. 6. *Spiritus est qui vivificat, caro non prodest quidquam.* Vnde inferunt carnem Christi realiter in sumptione Eucharistie non comedi, cum ex se nihil profutura sit.

Respondet S. Augustinus tract. 27. in Ioann. *Caro non prodest quidquam: sed quomodo illi (Carphanaitæ scilicet) intellexerunt, carnem, quippe sic intellexerunt quomodo in cadavere dilaniatur, aut in macello venditur:* Vnde S. Chrysost. hom. 46. in Ioan. Cyrilus Catechesi 4. Mytag. & alii SS. Patres per hæc Christi Domini verba & alia subsequencia dicunt admoneri fideles, ut huius Sacramenti veritatem non carnaliter, id est secundum sensum humanum, qui nihil prodest, imo in percipiendis Mysteriis divinis multum obest: sed spiritualiter, id est secundum veræ fidei spiritum intelligant, secundum quem caro Christi Domini in hoc Sacramento non ut simplex & nuda caro consideratur, qua ratione nihil prodest, sed ut caro divino spiritu plena & divino Verbo personaliter unita; quo pacto vivificare & maxime prodesse potest.

Obiiciunt 2. S. Augustinum lib. cont. Adimantium cap. 12. sic loquentem: *Non dubitavit Christus dicere: Hoc est corpus meum, dum signum daret corporis sui:* Vnde inferunt hoc Sacramentum non continere corpus Christi realiter, cum illius signum sit. Item tract. 25. in S. Ioan. *Ut quid paras ventrem & dentes? crede & manducasti:* Vnde sequitur non ore, sed fide percipi corpus Christi, proindeque in hoc Sacramento realiter non existere.

Respondetur ad primum locum, falsò ab Hæreticis inferri corpus Christi realiter in hoc Sacramento non existere, ex eo quod dicitur esse signum corporis Christi; sicut ex eo quod idem Christus vocatur ab Apostolo Heb. 1. figura substantiæ Patris, falsa inferretur substantiam Patris in illo realiter non esse: quare dicendum est idè Eucharistiam vocari signum corporis Christi, non quod Christi corpus ibi

realiter non sit; sed quia ibi modo quodam inuisibili sub speciebus tamen sensibilibus panis tanquam sub signo visibili existit.

Ad 2. respondetur S. Augustinum verbis in obiectione citatis metaphorice loqui de manducatione spiritali doctrinæ divinæ, quæ fit per fidem, ut ex toto eius contextu facile colligi potest: vel si de eius Sacramenti manducatione loquatur: docere tantum illum voluisse realem corporis Christi in hoc Sacramento manducationem tunc solummodo esse fructuosam, quando spiritali per fidem manducationi coniuncta est.

Obiiciunt 3. possibile non esse Christum totum in tam parua hostia, imò in illius minutissima particula realiter contineri: simul in celo & in tot locis super terram realiter adesse; eius maiestatem dedecere dentibus manducantium frangi & conteri, imò à bestiis posse deuorari, ab igne comburi, pedibus conculcari, &c.

Ad hæc & similia argumenta breuiter respondetur, ista videri posse impossibilia & indecentia iis qui Dei potestatem incomprehensibilem, & inexhaustam bonitatem, ac (ut Apostoli verbis utamur Ephes. 2.) *nimiam charitatem* ignorant: Fideles verò, qui firmiter credunt S. Luc. *non esse impossibile apud Deum omne verbum*, ut testatus est Angelus, firmissimè etiam sibi persuadent realem illam Christi præsentiam in hoc Sacramento tam expressis diuinæ veritatis testimoniis assertam, Deo possibilem esse, licet possibilitatis illius modum ignorent: Credunt etiam nihil in illo Sacramento infinitæ eius bonitatem dedecere, neque manducatione aut quauis alia huius Sacramenti attrectatione corpus Christi gloriosum dehonestari; sicut nec Solis radius inficitur ex cœno in quod illabitur, nec ex speculi aut cristalli ab eo illustrati fractione violatur.

6 Porro ad has similes Hæreticorum obiectiones soluendas, obseruandum est huius Sacramenti veritatem, non ratione humana, sed sola Dei autoritate inniti: proindeque ut certo cognoscatur non ratiocinium humanum, sed diuinum oraculum esse tantummodo consulendum: videndum quid asserat sacra Scriptura, non ut ab hæreticis in contrarias falsas interpretationes distorquetur, sed ut ab Ecclesia vniuersa & à SS. Patrib. vnanimi consensu intelligitur. Præterea notandū est SS. Patres aliquando non aperte & clarè, sed ambigüe & obscurè de hoc Sacramēto locutos fuisse, ac religiosa quadā præcautione illius notitiā occultare voluisse tum Catechumenis, ne ex ea scandalum aliquod paterentur; tum infidelibus inter quos dogebant, ne tam pretiosā margaritā ante porcos proijcerent; præsertim cum inter fideles nulla tunc circa huius Mysterii veritatē difficultas aut dubitatio suborta esset: vnde S. Athanas. in 1. Apol. de fuga sua: *Non est, inquit fas mysteria non initiatis prodere, ne Ethnici non intelligentes derideant, aut Catechumeni curiosiores facti scandalizentur.*

§. II.

*De Transsubstantiatione, seu conuersione totius substantia
panis & vini substantiam corporis & sanguinis
Christi Domini.*

IDES Catholica docet non modò corpus & sanguinem Christi Domini realiter in Sacramento Eucharistie sub speciebus panis aut vini existere, vt suprà probatum est, sed præterea nihil substantiæ panis aut vini in eo remanere, totamque panis ac vini substantiam transmutari & converti in substantiam corporis & sanguinis Christi Domini: quod Conc. Trid. explicauit simul & definiuit his verbis: *Persuasum semper in Ecclesia Dei fuit, idque nunc denuò sancta hac Synodus declarat, per consecrationem panis & vini, conuersionem fieri totius substantia panis in substantiam corporis Christi Domini nostri, & totius substantia vini in substantiam sanguinis eius, quæ conuersio conuenientes & propriè à S. Catholica Ecclesia Transsubstantiatio est appellata.*

Huic veritati multiplices opponuntur errores, quos hic breuiter recensere non erit inutile, vt euidentius fiat, quid in hoc Myſterio credi, quid verè repudiari debeat.

Quidam igitur, vt refert Bellarmin. lib. 3. de Euchar. cap. 11. attendentes ad modum transmutationum substantialium quæ naturaliter fiunt, in quibus vna tantum pars substantialis compositi, nempe forma trāsmutatur, materia prima immutabili permanente; similiter opinati sunt in hoc Sacramento solam panis substantialem formam per consecrationis verba mutari; materiam verò panis remanere, & ab anima Christi informari. Alii è contrario existimaue-
runt solam panis materiam mutari in corpus Christi, remanente forma substantiali eiusdem panis. Alii arbitrati sunt panem in Eucharistia hypostaticè assumi à Verbo diuino eodem prorsus modo, quo natura humana ab illo assumpta est. Alii censuerunt substantiam corporis Christi & substantiam panis simul in Eucharistia commisceri. Luther denique libr. de captiuit. Babyl. cap. de Eucharistia, docuit non esse articulum fidei, quod substantia panis maneat, vel non maneat simul cum Christi corpore in Eucharistia, ac vtrumque sine hæresis periculo posse defendi; sibi tamen videris probabilius & Scripturis conformius, quod in hoc Sacramento panis substantia maneat simul cum ipso Christi corpore.

Refelluntur hi errores, & Catholica fidei veritas de trāsubstantiatione panis & vini in Christi Domini corpus & sanguinem. Probatum 1. ex autoritate Ecclesiæ; quæ id expressè & apertè declarauit

uit tùm in Concil. Trident. suprà relato, tùm etiam antea in Conc. Later. sub Innoc. III. cap. *firmiter*, de Sum. Trin. vbi definitum habetur: *In Sacramento altaris corpus & sanguinem Christi sub speciebus panis & vini veraciter contineri, transsubstantiatis pane & vino in corpus & sanguinem*: Et in Conc. Rom. sub Nicolao II. vbi Berengarius iterùm hæresim suam abiurans, proficensque fidem Catholicam, sic loquitur: *Corde credo & ore confiteor panem & vinum, &c. substantialiter conuerti in veram ac propriam & vini-
ficatricem carnem & sanguinem Christi Domini*.

Probatur 2. ex SS. Patribus qui id vnanimi consensu asserunt: vt S. Gregor. Nissen. orat. Catech. cap. 17. *Dei verbo*, inquit, *sanctificatum panem in Dei verbi corpus credo transmutari*: ibidemque subdit naturam panis & vini *transselementari in corpus & sanguinem Christi*. S. Cyril. Alexand. Epist. ad Calosyrium dicit panem in altari oblatum, *in veritatem propria carnis à Christo conuerti*. S. Damasc. lib. 4. de Fide cap. 14. asserit in hoc Sacramento panem & vinum *modo mirabili in Christi corpus & sanguinem conuerti*. S. denique Ambr. lib. de initiandis cap. 9. ipsam panis & vini transmutationem in corpus & sanguinẽ Christi Domini fusè explicat, & varijs tùm rationibus, tùm exemplis probat, quæ apud illum vtiliter legi possunt.

Obiiciunt 1. hæretici Eucharistiam vocari in Scripturis panem, vt 1. Cor. 10. vnde inferunt panis substantiam simul cum Christi corpore in Eucharistia remanere, alijs falsò panis diceretur.

Respondetur vocari panem, vel quia exteriorem figuram & alia panis accidentia retinet, sicut Gen. 18. Angeli vocantur viri, quia exteriùs tales esse videbantur, licet realiter tales non essent; vel quia ante consecrationem verè panis fuit, ideoque panis dicitur, quamvis ampliùs non sit; sicut in Scripturis res quædam post mutationem in ipsis factam eodem plerumque nomine vocantur, quo antea vocabantur, vt Exod. 7. virga Moylis in serpentem substantialiter mutata, adhuc tamen appellatur virga.

Obiiciunt 2. verbum (transsubstantiationis) non reperiri in Scriptura.

Respondetur neque etiam in illa reperiri verbum *Consubstantialis*, quod Concilium Nicæn. 1. ad Christi Domini naturam diuinam explicandam vsurpauit: neque vllum tamen Catholicum de veritate per verbum illud significata dubitare: si igitur Ecclesia in Concilio illo sanctissimè ac summam rationem ad fecit, cur eadem Ecclesia in Concilio Later. Florent. & Trident. ad Eucharistie veritatem expressiùs significandam, ab erroribus vindicandam, idem præstare non potuit?

S. III.

Explicantur quædam difficultates circa transsubstantiationem panis & vini in Christi Domini corpus & sanguinem.

PRIMA est, quid sit propriè illa transsubstantiatio, & quomodo intelligi debeat. Omissis variis & prolixis super hac difficultate Theologorum disputationibus, breuiter dicimus transsubstantiationem panis in corpus Christi, non esse ipsius corporis Christi substantialem productionem aut mutationem, id est, Christi Domini corpus per illam transsubstantiationem de nouo non produci, nec substantialiter mutari, aut localiter moueri; sed per vim & efficaciam consecrationis fieri, vt desinente tota panis substantia, corpus Christi, quod est in Cælo, sine vlllo motu locali, aut mutatione sui substantiali, iam esse incipiat sub speciebus ipsius panis; nequè solum sub illis sit per simplicem præsentiam siue coexistentiam, sed etiam per vnionem quandam, qualis erat inter substantiam panis & accidentia eiusdem panis, sublata tamen inhærentia.

Quod si cui explicatio ista minimè satisfaciat, meminerit SS. Patres (vt testatur Catechismus Rom. cap. 4. part. 2.) sæpè admonere fideles, *ne curiosius inquirent, quo pacto ea mutatio fieri possit*: nec enim à nobis percipi potest, nec in naturalibus mutationibus, aut in ipsa rerum creatione huius rei exemplum aliquod habemus, verùm quod sola fide percipi debet, id quomodo fiat, non est curiosius inquirendum.

2 Secunda difficultas est, quid in illa transsubstantiatione ponatur sub speciebus panis & vini tam vi verborum consecrationis, quàm per naturalem concomitantiam. Nihil aptius ad huius difficultatis solutionem afferri potest, quàm id quod habetur in Concil. Trident. sess. 13. cap. 3. vbi dicitur, *Verum Christi corpus verumque eius sanguinem sub panis & vini specie, vnà cum ipsius anima & diuinitate existere, sed corpus quidem sub specie panis & sanguinem sub specie vini ex vi verborum: ipsum autem corpus sub specie vini, & sanguinem sub specie panis, animamque sub vtraque vi naturalis illius connexionis & concomitantia, qua partes Christi Domini qui iam ex mortuis resurrexit non amplius moriturus, inter se copulantur, diuinitatem quoque propter admirabilem illam eius cum corpore & anima hypostatiscam unionem: quapropter verissimum est tantumdem sub alterutra specie, atque sub vtraque contineri; totus enim & integer Christus sub panis specie, & sub quauis eius speciei partes totus item sub vini specie, & sub eius partibus existit.*

Ex

Ex quibus Concilij verbis colligitur 1. quod, sicut sub specie panis totum corpus, sic etiam sub specie vini totus Christi Domini sanguis, vi verborum ponitur, cum nulla sit ratio cur vna eius pars per altera ponatur, sicque totus ille diuinus sanguis, ne vnica quidem guttula excepta, vi verborum consecrationis in sanctissimo Missæ sacrificio (quod maxime perpendi debet) pro vnoquoque nostrum quotidie effunditur.

2. Colligitur 2. ea omnia, quæ Christo Domino extra Sacramentum nunc in cælo esistenti sunt intrinseca, per concomitantiam quoque poni sub speciebus consecratis, & sic corporis eius gloriosæ dotes, qualitates item naturales ac supernaturales eius animæ inexistens omnes denique diuinitatis eius perfectiones in illo Sacramento contineri: ita vt aliqua ratione de vnoquoque fidelium dignè Sacramentum hoc percipiente dici possit, quod tunc cum illud percipit, in eo sint omnes Thesauri sapientiæ & scientiæ Dei. Per eandem quoque concomitantiam persona Patris & persona Spiritus sancti, propter identitatem naturæ cū ipsius Filii persona, sub illis panis ac vini speciebus ita simul adsunt, vt si per immensitatem suam ibique non essent, ratione tamen illius identitatis in illo Sacramento adessent.

3. Tertia pars difficultatis, an Christi Domini corpus, quod in Eucharistiæ Sacramento inextensè & indiuisibiliter existit (vt constat ex suprâ relatis Concil. Trident. verbis) retineat in eodem Sacramento propriam quantitatem. Respondetur affirmatiuè cum S. Doctore qu. 76. a. 6. ratio est, quia omnia quæ naturalem plusquam localem connexionem habent cum substantia corporis Christi, ponuntur per concomitantiam in hoc Sacramento, vt ex antè dictis patet; vnde sequitur, vt quantitas, quæ corpori glorioso Christi naturaliter connexa est, sub huius Sacramenti speciebus reperiri debeat: quæ quidem doctrina ita certa est, vt quamuis ab Ecclesia expressè definita non sit tanquam de fide: contrarium tamen sentire erroneum existimet Alexander Alenus p. 1. q. 40. mem. 3. a. 4.

Dicit aliquis, si corpus Christi retineret propriam quantitatem in Eucharistia, deberet esse extensum & diuisibile, & figuram etiam aliquam habere, cum figura sic intrinsecus terminus quantitat:.

Respondetur duplicem esse quantitat: extensionem, seu corpus quantum duplici modo esse extensum; primò in ordine ad se, secundò in ordine ad locum. Prior extensio est de essentia ipsius quantitat:; posterior vero est tantum proprietates virtute diuina ab ea separabilis: vnde fit vt quantitas hac extensione locali destituta, quantæcumque sit magnitudinis in ordine ad se, possit tamen per diuinam Omnipotentiam intra spatium quantumvis exiguum concludi.

cludi. Similiter duplex est figura, una organica, quæ pendet ab extensione quantitatis in ordine ad se; altera localis seu (ut ita loquamur) situalis, quæ ab extensione locali ipsius quantitatis pendet: cum igitur corpus Christi Domini in Eucharistia Sacramento sit solummodo extensum in ordine ad se, non verò in ordine ad locum, habet tantum figuram organicam, non verè localem: unde intelligitur qua ratione fieri possit ut retinens propriam quantitatem & figuram, in quantumvis exiguo spatio & sub quantalibet specierum Sacramentalium particula totum contineri possit.

3 Quarta difficultas est; quid de speciebus panis & vini in hoc Sacramento remanentibus sentiendum sit. Respondetur species illas seu accidentia panis & vini, puta figuram, colorem, saporem, &c. post consecrationem manere sine ullo subiecto. Ita definitum est in Concilio Trident. sess. 13. can. 2. & hæc Vvicesimè propositio tanquam falsa & hæretica damnata est in Concil. Constant. sess. 8. *Accidentia panis non manent sine subiecto in Sacramento, &c.* Id tamen de omnibus accidentibus coniunctim sumptis est intelligendum: vera siquidem est S. Thomæ doctrina quæst. 77. art. 1. & 2. asserentis quantitatem panis & vini ab omni subiecto separatam divina virtute in hoc Sacramento existere; reliqua verò accidentia esse in ipsa quantitate tanquam in subiecto. Qui etiam a. 3. docet, species illas panis & vini posse sic separatas agere, quidquid poterant, dum ipsius panis & vini substantiæ tanquam proprio subiecto inhærebant; cum semper eandem essentiam, & agendi virtutem retineant. Et a. 4. species illas posse corrumpi, ut experientia satis compertum est. Art. item 6. ex speciebus illis fieri posse nutritionem substantialem: siue nutritio illa ex sola specierum quantitate divina virtute fiat, siue (quod probabilius est) ex materia quæ à Deo creatur eo instanti quo species illæ Sacrament. ita alterantur, ut ipsa substantia panis, si adesset, sub illis esse naturaliter desineret. Denique q. 76. art. 6. ad 3. tradit Christi Domini corpus & sanguinem desinere esse sub illis panis ac vini speciebus, quando ita mutantur aut alterantur, ut hæc mutatio seu alteratio ad defitionem substantiæ panis ac vini sufficeret; remanere verò sub illis Christi corpus ac sanguinem, quamdiu mutatio illa seu alteratio tanta non est, ut ad defitionem substantiæ panis aut vini satis esset: quod ex ipsius etiam Ecclesiæ praxi satis constat, quæ tandiù adorat in hoc Christum Sacramento, quamdiù in illo species panis ac vini remanere cognoscit.

Quinta difficultas est, an Christi corpus sub speciebus sacramentalibus existens videri possit ab oculo corporeo, vel ab intellectu creato cognosci.

Respon-

Respondet S. Doctor quæst. 76. art. 7. nullum corporeum oculum pertingere posse ad visionem corporis Christi, prout est in hoc Sacramento; cum in illo sit per modum substantiæ, quæ per se non est visibilis: ab intellectu autem creato posse clarè cognosci, dummodo lumine gloriæ illustretur, quo deficiente nonnisi obscurè, ac per fidem percipi posse Christi existentiam sacramentalem: unde (vt ait idem S. Doctor) nequidem ipsi dæmones Christum in hoc Sacramento existentem cognoscere possunt, nisi per fidem, cui non assentiuntur voluntariè; sed ad eam euidentiâ signorum conuincuntur, pro vt dicitur S. Iacob. 2. quòd *dæmones credunt, & contremiscunt.*

6 Sexta denique difficultas est, quid de miraculosis apparitionibus sentiendum sit, quæ aliquando in hoc Sacramento contigerunt, & adhuc contingere Deo ita volente possunt; vt quando puer, vel caro in manibus Sacerdotis aut super altari, vel sanguis in calice cernitur. Respondet S. Doctor art. 8. Christum tunc semper manere in hoc Sacramento; nec carnem illam aut sanguinem miraculosè apparentem esse carnem vel sanguinem ipsius Christi, sed esse aliquid miraculosè productum, quo tùm caro & sanguis ipsius Christi, tùm etiam sacramentales species teguntur. Monet autem rectè idem S. Doctor in 4. dist. 10. q. 4. a. 1. q. 3. non licere eiusmodi carnem, aut sanguinem miraculosè sic apparentem ore sumere: quia hæc signa miraculosa non habent modum convenientem, quo possint pro ratione huius Sacramenti comedi ac bibi: quare in illo casu deberet Sacerdos (vt docet Valentia disp. 6. quæst. 4. de Euch. part. 1.) alium panem & vinum consecrare, & sumere vt sacrificium ea ratione perficeretur.

SECTIO VI.

Quinam sint effectus Sacramenti Eucharistia.

VARIi sunt iique saluberrimi huius diuini Sacramenti effectus, de quo vere dici potest, quod olim de manna dictum est, omnem in illo reperiri saporis suauitatem: præcipuos hic & obseruatione maxime dignos adnotabimus.

Atque in primis certum est hoc Sacramentum ritè dispositis gratiæ sanctificantis augmentum conferre, vt in Decr. Eug. expresse definitum habetur, & satis constat ex iis quæ cap. 1. de Sacram. in genere dicta sunt. Quod quidem gratiæ augmentum cæteris paribus longe vberius & plenius in isto Sacramento, quàm in aliis percipitur; cum in eo fons ipse gratiarum, & omnium charismatum, ac donorum cœlestium contineatur, vt dicit Catechismus Romanus. Do-

cet autem S. Thom. q. 80. art. 8. ad 6 effectum illum in ipsa Sacramenti sumptione percipi, ideòque præcipuam tunc & maximam in suscipiente requiri deuotionem.

Querunt Theologian Sacramentum hoc conferat etiam aliquando primam gratiam à peccatis iustificantem. Respondetur certum esse (sicut docet S. Thom. q. 79. a. 3.) Sacramentum hoc nullomodo profuturum, sed potius maxime obfuturum ei, qui cum affectu vel conscientia peccati mortalis illud susciperet, quod verò spectat ad illum qui in peccato mort. existens, illius tamen nec affectum, nec conscientiam haberet, si bona fide ad hoc Sacramentum accederet, quidam Theologi, vt Ricardus, Scotus, & alii quos citat & sequitur Suarez. disp. 63. sect. 1. existimant in illo casu Sacramentum Eucharistia ex opere operato iustificare, ac primam gratiam conferre: Melius tamen S. Bonaventura, Gabriel, Maior, & alii, quibus subscribit Vasquez disp. 205. cap. 4. negant: cum hoc Sacramentum per se ad remissionem peccati mortalis non sit institutum: *Constat enim* (vt loquitur Catechismus Rom. sup. c. 4.) *quemadmodum mortuis corporibus naturale alimentum nihil prodest, ita etiam anima, qua spiritu non uiuit, sacra mysteria non prodesse: ac propterea panis & vini speciem habent, vt significetur non quidem reuocanda ad vitam anima, sed in vita conseruanda causa instituta esse.* Docet tamen S. Thom. sup. illuq., qui bona fide ignorans se in peccato mortali esse, deuotè ac reuerenter hoc Sacramentum perciperet, ex Dei bonitate per illud gratiam aliquam actualem consecraturum, qua excitabitur ad actum charitatis seu perfectæ contritionis eliciendum, & sic ab ipso peccato mortali illum liberari posse.

2 Secundus huius Sacramenti effectus complectitur quædam specialia gratiæ actualis auxilia oportuno tempore, vi huius Sacramenti digne suscepti conferenda, per quæ charitas conseruatur, roboratur, perficitur, idque spiritualiter animæ confertur, quod panis & vinum corpori cõferre solent, vt expresse declaratur in Decr. Eug. vbi dicitur, *Omnem effectum, quem cibus & potus materialis quoad vitam operantur corporalem, substantando, augendo, reparando, & delectando; Sacramentum hoc quoad vitam operari spiritualem; in quo* (vt explicat S. Chrysost. hom. 6. ad pop. Antioch. Christus Dominus maximam erga nos charitatem euidentissimè testatur: cum enim sæpenumero parentes liberos suos alijs nutriendos tradant, ipse nos alere propria sua substantia voluit, carnemque suam à nobis tangi, manducari illique dentes nostras insigi permisit.

Tertius effectus consistit in eo, quod Christus Dominus se in hoc Sacramento sumendum nobis exhibet, non modò tanquam cibum, quo nutriamur, sed etiam tanquam salutare medicamentum, quo naturæ nostræ infirmitates, id est prauæ inclinationes, immoderati affectus,

affectus, &c. curentur. Id passim docuerunt SS. Patres. S. Gregor. Nyssenus Orat. Catech. cap. 37. dicit Eucharistiam esse *Salutare medicamentum, veneni damnum quod corpori fuerit inditum, per contrariam repellens affectionem*. Sanctus Cyrillus lib. 4. in S. Ioan. cap. 17. *Sedat, cum in nobis manet Christus, sauientem membrorum nostrorum legem, pietatem corroborat, perturbationes animi exstinguit, agrotos curat, collisos redintegrat, &c.* S. Ambr. lib. 5. de Sacram. c. 4. *Iste panis quotidianus sumitur in remedium quotidiana infirmitatis*. S. denique Bernardus in Serm. de Cœna Domini postquam dixit Sacramentum Dominici corporis & sanguinis efferatis moribus & pruritibus concupiscentiæ mederi, subiungit: *Si quis vestrum non tam sape modo, nec tam acerbos sentis iracundia motus, inuidia, luxuria, aut caterorum huiusmodi, gratias agat corpori & sanguini Domini: quoniam virtus Sacramenti operatur in eo, & gaudeat quod pessimum ulcus accedat ad sanitatem.*

Quartus effectus est remissio peccatorum venialium ut docet S. Doctor art. 4. & ante illum docuerat S. Ambrosius lib. 4. de Sacram. cap. 6. & lib. 5. cap. 4. & habetur cap. *Litterarum* de Consecr. dist. 2. cap. 110. ibid. Remittuntur autem peccata venialia in hoc Sacramento, siue per infusionem gratiæ sanctificantis, præsupposita de illis attritione, siue per charitatis & perfectæ contritionis feruorem quem hoc Sacramentum excitat, ut ex mente S. Doctoris explicat Isambertus ad q. 79. 1. q. 1. a. 6.

3 Quintus effectus est præservatio à peccatis mortalibus, ut docet S. Th. art. 6. & S. Bernardus Serm. de Cœna Domini, ubi dicit; *Duo in nobis hoc Sacramentum operari, ut & sensum minuat in minimis; & in grauioribus tollat omnino consensum*. Hunc autem effectum præstat tribus præsertim modis, ut docet Isambertus suprà; primò suggerendo vires, & robur addendo, per augmentum scilicet habituum supernaturalium quod efficit: secundo amouendo peccandi occasiones, iuxta illud Psalm. 22. *Parasti in conspectu meo mensam aduersus eos qui tribulant me*: Tertiò denique protegendo nos à dæmonum impugnationibus, ipsosque dæmones arcendo; Vnde S. Ignatius Epist. ad Ephes. dicit per huius Sacramenti frequentem & dignam susceptionem: *Expelli potestates Satana, &c. panemq; illum esse antidotum non moriendi*: & S. Chrysost. Homil. 61. ad pop. Antioch. *Tanquam leones, inquit, ignem spirantes ab illa mensa recedamus, facti diabolo terribiles*.

Sextus effectus, est animæ gloria seu vita æterna. Ita S. Thom. 2. 2. & constat ex his Christi Domini verbis S. Ioan. 6. *Qui manducat hunc panem, vivet in æternum*. Conferit autem hunc effectum Eucharistia, non tantum quia tribuit gratiam sanctificantem, in qua fundaturus & dignatus ad ipsius vitæ æternæ consecutionem; quod

& reliqua Sacramenta præstant : sed etiam quia speciali modo confert dignè suscipientibus finalem perseverantiam, in quantum per specialia gratiæ auxilia charitatem roborat ac perficit, & à peccatis mortalibus præservat, ut suprà dictum est.

4 Septimus effectus, est corporis resurrectio & glorificatio, quæ speciali modo tribuitur participationi huius Sacramenti, quod Christus declaravit his verbis S. Ioan. 6. *Qui manducat meam carnem & bibit meum sanguinem, habet vitam æternam, & ego resuscitabo eum in novissimo die:* quod fusè explicat & probat Sanctus Cyrillus Alexandrin. libro 4. in Sanct. Ioan. cap. 14. ubi observat quòd Christus Dominus, in exsuscitandis mortuis non solum verbo & imperio, ut Deus utebatur, verum etiam carnem suam quasi cooperatricem nunquam adhibebat, ut re ipsa ostenderet carnem quoque suam, quoniam sibi coniuncta est, vivificam esse: nam quando principis filiolum suscitavit, manum eius apprehendit, &c. Vnde concludit quòd, *reformabit omninò ad immortalitatem participes sui.*

Octavus denique, est singularis quædam & inexplicabilis unio Christi Domini cum eo qui Sacramentum istud dignè suscipit: iuxta quod ipse Dominus Christus dixit. S. Ioan. 6. *Qui manducat meam carnem, & bibit meum sanguinem, in me manet, & ego in eo:* & de hac mirabili unione sæpè cum pietatis sensu loquuntur SS. Patres, ac præ cæteris sanctus Chrysostomus hom. 61. ad pop. Antioch. ubi postquam dixit nos per huius Sacramenti participationem unum corpus cum Christo fieri, subiungit, *ut itaque non tantum per charitatem hoc fiamus, verum & ipsa re in illam misceamur carnem, hoc per escam efficitur, quam largitus est nobis, volens ostendere desiderium, quod erga nos habet: propterea semetipsum nobis immiscuit, & corpus suum in nos contemperavit, ut unum quid efficiamur tanquam corpus capiti coagmentatum: ardentem enimantium hoc est.* Et Sanct. Cyrillus Alexandrinus to. in Sanctum Ioan. cap. 13. supra relata Christi Domini verba explicans: *Sicut, inquit, si quis ceram igne liquefactam alteri cera similiter liquefacta ita miscuerit, ut unum quid ex utrisque factum videatur: sic communicatione corporis & sanguinis Christi ipse in nobis est, & nos in ipso.*

Hos omnes effectus, paucis, sed efficacibus verbis declaravit Concilium Trident. sess. 13. cap. 2. ubi dixit Christum Dominum hoc Sacramentum à fidelibus sumi voluisse, *tanquam spirituales animarum cibum, quo alantur & confortentur viuentes vita illius qui dixit: qui manducat me, & ipse vivet propter me: & tanquam antidotum quo liberemur à culpis quotidianis, & à peccatis mortalibus præservemur: pignus prætereà id esse voluit futura nostra gloria & perpetua felicitatis, adeoque Symbolum unius illius corporis, cuius ipse caput existet, cuique nos tanquam membra ætissima fidei, spei,*

& cha-

Charitatis connexionē astrictos esse voluit.

Monet autem sapienter Isambertus ad quæst. 79. disp. 1. art. 1. ad hos effectus per totam vitam obtinendos, Sacramenti illius participationem sæpè repetendam esse, adeò vt existimet vix fieri posse, vt quis propria sponte ac deliberatè ab hoc Sacramento per longum tempus abtineat, quin in nouum aliquod mortale peccatū dilabarur.

Porro circa hanc frequentem Eucharistiæ perceptionem, obseruanda est Doctrina sancti Thomæ & in 4. dist. 12. quæst. 4. art. 3. vbi dicit: *In perceptione huius Sacramenti duo requiri: desiderium coniunctionis ad Christum, & reuerentiam Sacramenti: quorum primum inclinatur ad sumendum, secundum ad abstinendum: sed quia amor timori præponderat, ceteris paribus laudabilius est sumere, quàm abstinere: dum tamen ex frequenti sumptione amor intendantur, & reuerentia non minuat.*

6 Addimus præterea ex libello verè aureo Introductionis ad vitam deuotam, Diui Francisci Salesii Episcopi Gebnueuensis part. 2. cap. 22. super hoc fræquenti communionis vsu iudicium communi Ecclesiæ consensu & praxi approbatum: *Duo, inquit, genera hominum frequenti huius Sacramenti participatione indigent: perfecti quidem, cum enim sint optimè dispositi, vituperio ipsis verteretur, si ad perfectionis fontem non accederent: imperfecti autem, vt ad perfectionem possint aliquando pertingere: fortes, ne debilitentur, debiles, vt roborentur: infirmi, vt sanitatem recuperent; sani ne in morbum incidant. Subiungit postea, eos qui multis secularibus negotijs sunt impliciti, sacram Eucharistiam frequenter percipere debere, eo quod eius virtute ac praesidio indigeant: sicut illi qui plurimis laboribus exterioribus attenuantur, vires solis cibis crebro rescere opus habent: denique sanctissimum hoc Sacramentum sæpè percipiendum esse; vt quomodo digne percipi debeat, experientia ipsa discatur: minus si quidem recte illud sit quod raro fit.*

Hæc autem & similia, quæ de frequenti communionis vsu apud SS. Patres & alios probatos auctores dicta reperiuntur, semper intelligi debent cum hac conditione, vt scilicet quoties hoc Sacramentum sumitur, dignè & cum debitis dispositionibus sumatur, de quibus dispositionibus nunc agendum nobis est.

SECTIO VII.

De dispositionibus ad huius Sacramenti dignam perceptionem necessarijs.

DE dispositionibus ad dignum Eucharistiæ perceptionem ex præcepto aliquo seu diuino, seu Ecclesiastico necessarijs.

E 3 agen-

agendum nobis est, & inquirendum, quænam dispositiones ad Sacramentum hoc sumendum ita prærequirantur, ut si vel vnica ex iis desit, in illius perceptione, peccati alicuius reatus incurrat.

§. I.

Quanam dispositiones requirantur ex parte anima.

I PRIMA dispositio ad dignam Eucharistiæ sumptionem necessaria, est sana & recta de illius veritate fides; *impossibile enim est* (ut ait Apost. Hebr. 10. *sine fide placere Deo, accedentem quippe ad Deum credere oportet*; & ideo, ut rectè obseruauit S. Doctor, q. 77. a. 3. & anteillum Yuo Carnotensis Epist. 264. ex peculiari Ecclesiæ instituto, formæ huius Sacramenti consecratoriae, interposita sunt verba illa: *Mysteriū fidei*; ut accedentes ad illud monerentur, fidē præsertim ipsis esse necessariam. Quod & confirmari potest ex antiqua Ecclesiæ praxi, in illius administratione olim seruari solita, teste Sanct. Ambr. lib. 4. de Sacram. c. 4. ubi refert moris suo tempore fuisse, ut Sacerdos Eucharistiam sumendam porrigens clara voce diceret; *Corpus Christi*, cui suscipiens respondebat, *Amen*; hac voce, suæ erga huius Sacramenti veritatem fidei veluti professionem emittens.

Secunda dispositio est ab omni peccati mortalis macula mundities, & gratiæ sanctificantis in suscipiente status: cum enim, ut docet sanctus Thomas quæst. 79. art. 2. hoc Sacramentum se habeat instar spiritalis cuiusdam alimenti; vitam necessariò supponere debet in suscipiente; & quæst. 80. art. 5. dicit eos qui cum conscientia peccati mortalis corpus Christi Domini sumunt, grauissimum haud dubiè peccatum committere; quod quidem peccatum indignè communicantium sanctus August. tract. 62. in S. Ioan. cum peccato Iudæ proditoris comparat; S. vero Chrysostomus hom. 6. ad pop. Antioch. cum peccato eorum qui ipsum Christum Dominum occiderunt. Certè Apostolus 2. Cor. 1. apertè declarat indignè manducantem & bibentem *Reum esse corporis & sanguinis Christi*: quare, ut monet Concil. Trid. sess. 13. cap. 7. *communicare volenti reuocandum est in memoriam Apostoli præceptum: probet seipsum homo*; Ecclesiastica autem consuetudo declarat eam probationem necessariam esse, ut nullus sibi conscius peccati mortalis, quantumuis sibi contritus videatur, absque præmissa confessione sacramentali ad sacram Eucharistiam accedere debeat: quod à Christianis omnibus, etiam ab ijs Sacerdotibus quibus ex officio incumbit celebrare, hac Sancta Synodus perpetuò seruandum esse decreuit, modo non desit illis copia

Con-

Confessoris: quod si necessitate urgente, Sacerdos absque prauia confessione celebrauerit, quam primum confiteatur.

2 Ex qua Concilii doctrina obiter colligitur, quàm periculosa sit quorundam Theologorum sententia, qui asserunt olim iis, quibus ob peccata mortalia imposita fuerat pœnitentia publica, concessam nihilominus ab Ecclesia interdùm fuisse Eucharistiæ participationem, quamuis sacramentalem peccatorum absolutionem nondum recepissent: eandem etiam Eucharistiam ab Ecclesia non fuisse denegatam ob peccata quædam mortalia non ita grauiâ, licet nulla sacramentali pœnitentia expiata forent.

Hæc enim manifestè pugnant cum iis quæ à Tridētino Concilio, ex praxi & consuetudine totius Ecclesiæ; ad dignam Eucharistiæ perceptionem faciendâ esse præscribuntur, imo quæ ex ipsiusmet Apostoli verbis in vero & proprio sensu ab ipsa Ecclesia explicatis tanquam absolutè necessaria declarantur.

Diximus ad dignam sacræ Eucharistiæ perceptionem requiri munditiem à quouis peccato mortali, non vero à peccato veniali: cum per illud sanctificantis gratiæ status non destruat, ut ex fide certum est; quinquam si quis ita erga venialia aliqua peccata prauæ affectus esset, ut iis expressa & deliberata voluntate inhærere vellet, maxima esset ratio dubitandi, ut nihil hîc temerè definiamus, an is ad sumendâ Eucharistiam sufficiēter esset dispositus; cum enim Eucharistia sit ex diuina institutione *Antidotum, quo liberamur à culpis quotidianis*, ut ex Concil. Trid. suprâ relatum est, qui fieri posset ut is dignè illam reciperet, qui peccata illa quotidiana seu venialia deliberatè in animo fouere vellet?

3 Tertia dispositio est, ut nulla Ecclesiæ prohibitio huius Sacramenti perceptionem impediât: quantumvis enim quis iustus & sanctus existat, si tamen Ecclesia Sacramenti huius sumptioni conditionem aliquam apponat, qua deficiente illud sumi prohibeat, parendum necessariò; nec contempto aut neglecto illius præcepto dignè potest quis ad sacram illam mensam accedere. Exemplum hoc affert S. Doctor quæst. 80. art. 8. si quis à media nocte aliquid cibi vel potus sumpserit; cum secundùm Ecclesiæ leges non nisi à ieiunis Sacramentum hoc extra morbum periculosum sumi debeat. Item si quis excommunicationis alicuius sententia fuerit Superioris autoritate percussus; quantumuis alias coram Deo innocens, & ab omni crimine immunis existat, nihilominus ab Eucharistiæ perceptione abstinere tenetur, donec vel innocentiam suam superiori probauerit, vel absolutionem ab excommunicatione acceperit: ut enim rectè monet S. Greg. hom. 26. in Euang. *Pastoris sententia iusta vel iniusta semper gregi timenda est, &c. & is qui sub manu Pastoris est, timeat ligari, vel iniusto, nec Pastoris sui iudicium temerè reprehendat; ne si iniu-*

ste ligatus est, ex ipsa tumida reprehensionis superbia, culpa, qua non erat fiat.

4 Quarta denique dispositio ad dignam Eucharistiæ perceptionem necessaria, in illis qui sunt rationis compotes, est pius aliquis reuerentiæ ac deuotionis affectus. Quod satis expresse declarat Concil. Trid. sess. 13. cap. 7. vbi dicit cuique fidelium cauendum esse, *Ne absque magna reuerentia & sanctitate ad hoc Sacramentum percipiendum accedat*: & cap. 8. explicans qua ratione spiritualiter sumatur, dicit id fieri, *Fide viua qua per dilectionem operatur* id est per actus aliquos fidei & charitatis, quibus Christo Domino quilibet fidelis spiritualiter vnitur; atqui frustra quis Christum sacramentaliter tantum in Eucharistia sumeret, nisi eidem spiritualiter coniungeretur; quod tamen sine aliquibus piis & religiosis affectibus fieri non posse, ex relatis Concilii verbis aperte constat.

Et certè quis non merito reprehensibilem iudicaret & peccati damnaret illum, qui licet à peccato mortali per absolutionem sacramentalem factus immunis, sine vllò tamen reuerentiæ aut pietatis sensu, animoque deliberatè vanis cogitationibus distracto, ad tremendam hanc mensam accederet? Piorum equidem omnium sensus est, vt si in Sacramenti huius perceptione minus afferant deuotionis ac reuerentiæ quàm par esse arbitrentur, de illo defectu tanquam de peccato sese in confessione sacramentali accusent, vnde patet eos tanquam indubitatum tenere; diuinum hoc Sacramentum nonnisi cum singulari religionis ac pietatis affectu esse suscipiendum.

§. I I.

Quanam dispositiones requirantur ex parte corporis.

1 **D**Væ presertim ad hoc Sacramentum suscipiendum dispositiones ex parte corporis requiruntur. Prima est, vt qui Eucharistiam cupit percipere, sit ieiunus; id est vt nihil cibi vel potus à media nocte sumpserit. Ita S. Doctor quæst. 10. art. 8. idque in variis Conciliis decretum est vt in Carthagin. 3. cap. 29. & Tolet. 7. can. 2. *vt in honorem tanti Sacramenti*: quod dixit S. Aug. Epist. 118. *prius in os Christiani corpus Dominicum intraret quàm reliqui cibi*: ex quibus verbis intelligitur quale debeat esse illud ieiunium, perfectum scilicet ac naturale; ita vt omnem prorsus cibi, potus, medicinæ, aut cuiusvis alterius rei in quantumlibet parua quantitate sumptionem excludat, vt etiam docet S. Thomas cit. art. 8. ad 4. & cum illo communiter omnes.

Cæterum si quis sanguinem, aliūve humorem ex capite defluentem, aut os eluendo, aquæ guttulas cum salina mixtas, aut cibi

reliquias dentibus adhærentes casualiter transglutiat: non censetur violare ieiunium, nec ob id a communione abstinere tenetur, vt explicat idem S. Doctor loco citato.

2. Sunt tamen aliqui casus, in quibus, secundum communem Doctorum sententiam & Ecclesiæ praxim, etiam à non ieiunis Eucharistia sumi potest. Primus est, quando in periculo mortis per modum viatici sumenda est, vt docet idem S. Thomas suprâ. Secundus, quâdo, nisi statim sumatur Eucharistia, vel incendio absumenda est, vel infidelium aut impiorum manibus profananda: tunc enim à Sacerdote, vel à quouis alio etiam non ieiuno cum reuerentia sumi debet. Tertius, quando Sacrificii perficiendi necessitas incumbit, vt si Sacerdos celebrans, post consecrationem, sed antè Sacramenti sumptionem moriatur, tunc enim debet alius etiam non ieiunus, Sacrificium inchoatum perficere. Item si quis post consecrationem & corporis Christi sumptionem animaduertat aquam pro vino fuisse in calice appositam: tunc enim licet illam hauserit, debet tamen (pro vt in rubricis Missalis annotatur) panem & vinum de nouo offerre & consecrare, incipiendo ab illis verbis *qui pridie quàm pateretur, &c.* ac postea sumere. Monet tamen rectè Laimannus cap. 7. de Sacrificio Missæ, nullum ibi præceptum imponi, adeoque Sacerdotem, præsertim si publicè celebret, sequi posse sententiam Scoti, Gabrielis Adriani, Nauarri & aliorum, quos ibidem citat, quibus etiam subscribit Toletus lib. 2. cap. 9. qui omnes docent in eo casu satius esse ad euitandum scandalum, vt solummodo sacerdos aliud in calice vinum cum pauxillo aquæ infundat, & tacitè offerat, atque consecret, incipiendo ab illis verbis *Simili modo postquam, &c.* Quartus denique casus est, quando post sumptam ablutionem animaduertit sacerdos superesse aliquas hostiarum à se cōsecratarum particulas; illas enim tunc licitè absumere poterit, vt docent Scotus, Nauarrus, Suarez, & alii apud eundem Laymannum suprâ: vbi etiam monet id intelligendum esse, non tantum de particulis minutis in patena vel corporali hærentibus, sed etiam de grandioribus, si facile asseruari non possint, dummodo tamen sacerdos nondum ab Altari recesserit, aut vestes sacras exuerit.

3. Secunda dispositio ex parte corporis, est mundities, seu ab omni immunditia corporali puritas: ad reuerentiam quippe huic diuino Sacramento debitam pertinet, vt si quis immunditiei alicui seu pollutioni causam culpabilem dederit, quamuis peccatum in Penitentiae Sacramento expiauerit, à perceptione tamen Eucharistiæ abstinere illo die, vt fusè declarat Sanctus Thomas articulo 7. vbi S. Gregorium tanquam illius doctrinæ assertorem citat in Epist. ad Augustinum Anglorum Episcopum, responsione 10. & 11. additque, quod quamuis nulla culpabilis causa intercederet, ex quadam

con-

congruitate tamen & decentia consultius videretur illo die abstinere; quod tamen liberum cuique est, imo si necessitas aliqua urgeat, aut diaboli fraus timeatur; tunc S. Doctor communionem censet non ideo esse relinquendam.

Quod autem de hac peccati specie, & de plerisque alijs grauioribus dicendum videtur; quis enim asserere audeat hominem, qui immane aliquod flagitium, puta homicidium aut adulterium recenter perpetraverit, eodem die mente adhuc commota, & turbata conscientia, quamuis peccatum cum ingenti cordis dolore confessus sit; illiusque remissionem fuerit consecutus, posse tamen cum debita reuerentia huic Sacramento participare, imò quis non iudicet eiusmodi hominem saltem illo die à sacra Communione abstinere debere, eique Confessarium hoc præcipere posse? Excipitur tamen casus necessitatis, aut alterius causæ rationabilis, quæ Confessarij iudicio discutienda relinquitur.

Cùm igitur de supradictarum dispositionum ad dignam Eucharistiæ perceptionem necessitate omnes conueniant, de duabus alijs aliqua est hodie inter Theologos difficultas, quæ duobus Paragraphis sequentibus explanabitur.

§. III.

An sit ex precepto aliquo necessarium, ut quis pœnitentiam seu satisfactionem sibi à Sacerdote iniunctam ante summptionem Eucharistia impleat.

QUÆSTIO proposita intelligenda est de satisfactione seu pœnitentia secreta, id est secretò in confessione sacramentali imposita, & secretò à pœnitente implenda, non vero de publica & canonica pœnitentia, quæ ob peccata quedam grauiora & publica olim imponebatur; est enim in confesso apud omnes secundum antiquam Ecclesiæ praxim, publicos pœnitentes fuisse à sacra communione exclusos, ipsamque à corpore Christi separationem publicæ illius pœnitentiæ partem fuisse; nec proinde uisi peracta illa pœnitentia ad sacram Mensam licitè accedere potuisse; quanquam verum sit etiam aliquando ante perfectam publicam illam pœnitentiam, ipsos pœnitentes prius secretò & sacramentaliter à peccatorum reatu absolutos, ad sacram Synaxim in quibusdam casibus admissos fuisse; ut fusè & eruditè explicat & probat Ioannes Bagotius è Societate Iesu in dissertationibus Theologicis de Pœnitentia dissert. 2. c. 8. sect. 2. & seq.

Querimus igitur hic an pœnitens, sacramentaliter confessus & absolutus, impositam sibi à Confessario satisfactionem prius implere

tenea-

teneatur, quàm Eucharistiam percipiat. Et respondendum est nullo præcepto neque diuino, neque Ecclesiastico ad id teneri. Quod ut facilius probari possit, præsupponimus ex doctrina Concilij Tridentini & còuni Ecclesiæ praxi, absolutionem sacramentalem posse validè ac fructuosè conferri pœnitenti etiam peccata mortalia confitenti, antequam impleuerit impositam sibi à Sacerdote satisfactionem; imo, cum ipsa satisfactio, siue consideretur quatenus exolvitur pro pœnis, quæ ut plurimum peccato quoad culpam remisso luendæ supersunt, siue sub quavis alia ratione, non possit esse Deo grata & accepta, nisi ab eo impleatur qui iustus sit & Deo gratus: hinc sequitur satisfactionem illam longè meliùs ac perfectiùs effectum suum sortiri, si priùs pœnitens per absolutionem sacramentalem Deo reconcilietur.

Hoc igitur præsupposito, dicimus nullum extare præceptum diuinum aut Ecclesiasticum, quo homo per sacramentalem absolutionem iustificatus ad implendam satisfactionem sibi à Sacerdote impositam obligetur, antequam ad sacram Communionem accedat: neque enim diuinæ aut Ecclesiasticæ leges quidquam aliud requirunt in eo qui còmunicaturus est, nisi ut sit in gratiæ sanctificantis statu, easque habeat dispositiones, quas paragrapho præcedenti explicauimus; potest autem illas habere, quamuis satisfactionem nondum impleuerit. Certè Concil. Trident. sess. 1. cap. 7. ex professo declarans, quænam præparatio ad hoc Sacramentum dignè suscipiendum requiratur, nihil de illa satisfactionis adimplentione dicit, sed tantummodo proponit probationem illam quæ ab Apostolo præscribitur, ratione cuius is, qui peccati alicuius mortalis sibi conscius est, ad sacram Communionem non nisi præmissa Confessione sacramentali perceptaque absolutione, accedere debet.

Cui Concilij doctrinæ suffragatur S. Greg. Exp. in lib. reg. 2. cap. 11. *Quid est, inquit, hoc loco probare, nisi enacuatam peccatorum nequitia se probatum ad dominicam mensam & purum exhibere?*

Quod confirmari potest ex eo quod S. Thomas art. 2. dicit, quod quilibet in gratia sanctificante existens, est membrum viuum corporis Christi, proindeque filius Dei adoptiuus ac hæres; atqui membrum viuum debet sustentari de alimento ipsius corporis, & is, qui diuina illa esca in cælestis gloriæ fruitione reuelata facie pasci ac repleri dignus est, eandem sub velo Sacramenti dignè recipere potest.

Dices saltem posse Sacerdotem pro arbitrio pœnitentem obligare, ut adimpleat satisfactionem à se impositam, priusquam corporis Christi particeps fiat.

Respondetur posse quidem, sed non pro arbitrio; neque enim cælestis illius thesauri dominus est, sed tantum dispensator, proindeque sicut Margaritam illam diuinam projicere non debet ante porcos,

eos, sic nec iustis & filiis panē vitæ sine maxima & grauissima causa denegare: imo SS. Patres nimium illum rigorem quorundam sacerdotum prorsus improbant. Vnde S. Leo Papa Epist. 80. in fin. *Nulli Christianorum, inquit, facile communio denegetur, nec ad indignantis arbitrium Sacerdotis hoc fiat: & paucis interiectis, conqueritur leuibus de causis quosdam à gratia communionis exclusos & animam, pro qua Christi sanguis effusus est, irrogatione tam sani supplicij sauciatam, & inermem quodammodo exutamque omni munimine, diabolicis incursum, ut facile capiatur obiectam.*

§. IV.

An ad dignam Eucharistia perceptionem requiratur excellens aliquis puritatis ac sanctitatis gradus.

1 **S**ensus quæstionis est, an ad dignam corporis Christi participationem minimè sufficiat, ut quis per confessionem & absolutionem sacramentalem à peccatis mortalibus mundatus sit; sed requiratur insuper, ut per diuturna poenitentiae bonorumque operum exercitia gradum aliquem excellentiorem puritatis ac sanctitatis acquisierit; ita ut, si quis recens à peccatis mortalibus per Sacramentum Poenitentiae purgatus, in se nihilominus adhuc experiatur vitiosos aliquos motus, prauas inclinationes, infirmam & languidam voluntatem, & alias eiusmodi peccatorum reliquias, is sufficienter dispositus ad Eucharistiam dignè percipiendam non censeatur, nisi prius in persanandis illis animi ægritudinibus, & eiusmodi peccatorum veluti radicibus penitus extirpandis, ac virtutum oppositarum acquirendis habitibus sedulo ac diu laborauerit. Procius resolutione,

2 Dicendum, quod quamuis nulla creaturae puritas aut sanctitas, quantacumque sit, infinitæ huius diuini Sacramenti excellentiæ ac dignitati pro merito respondere valeat; ea tamen fuit diuinæ in nos clementiæ benignitas, ut nullum certum puritatis aut sanctitatis gradum ad dignam illius participationem præscripserit; sed id vniuscuiusque liberæ voluntati permiserit; ita ut, dummodo quis vere à peccato mortali emundatus & per gratiam sanctificatus existat, quascumque animæ ægritudines aut prauos affectus in se persentiat, modo iis non consentiat, licitè ac fructuose ad sacram Eucharistiam possit accedere.

Id satis apertè colligitur ex his Christi Domini verbis S. Matth. 11. & 9. *Venite ad me omnes qui laboratis & onerati estis, & ego reficiam vos: & non est opus valentibus Medicus, sed male habentibus: Item ex eo quod vniuersa Ecclesia in publicis Collectis profi-*

proficetur ac postulat, *ut hoc diuinum Sacramentum sit ablutio scelerum, sit fortitudo fragilium, &c.*

Idipsum etiam afferunt SS. Patres, cum docent vnum ex huius Sacramenti effectibus esse, animæ ægritudines sanare, prauorum affectuum motus sedare, peccati fomitem comprimere, & alia similia in nobis operari, ut ex eorum testimonijs suprà relatis sect. 6. constat, quibus tria adhuc subiungimus.

Primum est sancti Thomæ in opuscul. 58. cap. 1. de Sacramento Altaris, ubi docet corpus Christi in Eucharistia instar medicinæ nobis exhiberi; illudque comparat massæ ficuum, qua Isaias Ezechix Regis vlus sanauit, dicitque huius Sacramenti perceptione vlus concupiscentiæ sanari.

Secundum est S. Bonauenturæ in compendio Theologicæ veritatis libro 5. cap. 16. ubi dicit corpus Christi in Eucharistia esse, *Ægris medicinam, peregrinantibus viam, debiles confortare, valentes delectare, languorem sanare, &c.*

Tertium est insignis Ecclesiæ Parisiensis Cancellarij Ioannis Gersonis, qui tractat. 9. super *Magnificat*, postquam hortatus est animam Christianam ut frequenter ad sacram Eucharistiam accedat: *Audito, inquit, quid respondeas: frigida sum, dispersa sum, carnalis sum, exagitor curis, scrupulis inquietor, mordeor concupiscētijs, fides imbecillis est, nutat spes, charitas refriguit: quæ mihi comento cum Hospite tanto? Si te sanam iudicares, opus Medico non haberes, iure à te illum repelleres. Exemplum Petri non approbamus in hac parte: stupuit ad capturam piscium, subintulit tremens; exi à me Domine, quia peccator ego sum: tantò magis à Petre, si peccator es, retinendus est Medicus sanctificans & peccata tollens à te: quantò sapientius peccator Zachæus, qui festinus & gaudens suscepit Iesum ad se: denique quàm prudenter hoc fecerit, data salus ostendit.*

Cæterum quantò propensior erga nos Christi clementia & benignitas in hoc Sacramento effulget, tantò maiorem haud dubiè reuerentiam ac deuotionem à nobis exigit: tantumque abest, ut inde quis occasionem neglectus aut torporis accipiat, quin potius, quo sapius accedit ad hanc diuinam mensam, quod tamen sine sapientis viri consilio facere periculosum est, eo attentius sibi ipsi inuigilare debet, ne tot cælestibus gratiis tam frequenter irroratus, vitiorum tribulos, aut labruscas, sed potius vberes virtutum fructus referat: Hebr. 6. *Terra enim super se venientem bibens imbrem, proferens autem spinas ac tribulos, reproba est, & maledictio proxima, cuius consummatio in combustionem.*

SECTIO VIII.

Qua sit huius Sacramenti percipiendi necessitas.

DE duplici necessitate medij vel præcepti, quæstio intelligi potest, de qua in priori sensu.

Dicendum 1. Sacramentum Eucharistiæ in re susceptum, nec adultis nec paruulis ad salutem necessarium esse necessitate medij. Ita S. Doctor quæst. 73. art. 3. Et de adultis quidem constat, tùm ex communij Ecclesiæ consensu, tùm ex illis Christi Domini verbis sanct. Marc. ult. *Qui crediderit, & baptizatus fuerit, saluus erit*: Vbi æterna salus adultorum (de quibus loquitur) fidei ac baptismo solum adscribitur, nulla Eucharistiæ facta mentione. De paruulis vero vsu rationis carentibus; Concilium Trident. sess. 21. cap. 4. expressè declarauit illos *Nulla obligari necessitate ad Sacramentum a' em Eucharistia communionem, siquidem per Baptismi lauacrum regenerati, Christo Domino incorporati, adeptam iam filiorum Dei gratiam in illa ætate amittere non possunt*.

Dicet aliquis SS. Patres Eucharistiam paruulis baptizatis administrasse, vt constat ex S. Cypriano serm. de lapsis, S. Augustino Epist. 170. ad Vitalem: & alijs. Vnde sequitur illos existimasse, Eucharistiam esse necessitate medij necessariam.

Respondetur morem illum communicandi paruulos aliquibus tantum in locis fuisse seruatum: neque SS. Patres vnquam censuisse realem Eucharistiæ susceptionem necessitate medij esse paruulis necessariam; cum S. Melchades Papa, qui circa annum 312. rexit Ecclesiam, in Epist. Decret. ad Episcopos Hispaniæ dicat, *Regenerationem (Baptismi scilicet) per se saluare nos in pace beati sæculi recipiendos*: Vnde Concilium Tridentinum docet: *Non esse damnandam antiquitatem, si eum morem in aliquibus locis aliquando seruauit: vt enim sanctissimi illi Patres sui probabilem causam facti pro illius temporis ratione habuerunt, ita certè eos nulla salutis necessitate id fecisse sine controuersia credendum est*.

Dicendum 2. Sacramentum Eucharistiæ in voto susceptum; eatenus tam adultis, quàm paruulis esse ad salutem necessarium necessitate medij, quatenus votum illud in baptismi susceptione continetur, tùm ratione gratiæ baptismalis, quæ baptizatum ad Eucharistiæ perceptionem idoneum efficit; tùm etiam ratione propensionis, quam is qui vitam spiritualement gratiæ per baptismum accepit, censetur habere ad vitam illam per alimentum Eucharistiæ conseruandam, vt docet S. Thomas supra, & post illum communiter alij
Theo-

Theologi, vt videre est apud Valentianum disp. 6, quaest. 1, de Eucharist. punct. 5.

Ex qua doctrina sic explicata intelligi potest, quo sensu dixerit sanct. Augustinus lib. 1. contra duas Epist. Pelag. *eos vitam habere non posse, qui fuerint expertes corporis & sanguinis Christi*: Id enim intelligendum est de sumptione corporis Christi quæ censetur fieri in voto, cum baptisumus suscipitur: quod idem S. Pater declarauit, vt refertur cap. *Nulli* de consec. dist. 4. vbi dicit: *Vnumquemque fidelium tunc corporis & sanguinis Domini participem fieri, quando in Baptismo membrum corporis Christi efficitur.*

Quod si de necessitate præcepti quaestio intelligatur,

2. Dicendum 3. varia olim de hac re extitisse Ecclesiæ præcepta: Initio siquidem nascentis Ecclesiæ fideles sæpissimè imò ferè quotidie Sacramentum hoc sumebant: quæ consuetudo cum paulatim intermitteri videretur, sanct. Anacletus aliqua ex parte renouauit, Epist. 2. præcipiens vt saltem ministri qui Missæ sacrificio inseruirent, Eucharistiæ participarent. Charitate postmodum refrigerante, sanctus Fabianus Papa Epist. 1. quæ refertur cap. *et si* de consecrat. dist. 2. edixit vt ter saltem quot annis, scilicet in festis Natalis Domini, Resurrectionis, ac Pentecostes, omnes Christi fideles Eucharistiam sumerent: Quod postea in pluribus Concilijs similiter decretum est, ac præsertim Agathensi. Deum cum sancta illa & salubris præceptio in desuetudinem abiisset, & maximo animarum damno in plures etiam annos corporis Christi communio differretur, constitutum est in Concilio Lateranensi sub Innocentio III. capite *omnis utriusque sexus*, vt singuli fideles, cum ad annos discretionis peruenerint, Sacramentum hoc saltem semel in anno tempore Paschatis percipiant, nisi ex licentia proprii sacerdotis, in plures aliquot dies ex causa aliqua rationabili differendum esse censeatur.

3. Sunt autem quædam hic obseruanda circa Ecclesiasticum istud de sumenda Eucharistia præceptum.

Primum est, tempore Paschatis intelligi totum illud tempus, quod effluit à Dominica Palmarum vsque ad Dominicam in Albis inclusiue, vt ab Eugenio IV. declaratum fuisse refert Nauarrus c. 21. n. 45 imò, vbi consuetudo legitimè præscripta vrget de satisfaciendo huic præcepto per communionem quolibet Quadragesimæ die factam, idem Nauarrus docet satis esse ad transgressionem præcepti euitandam, vt quis eiusmodi consuetudini se conformet.

Secundum est ex probabilissima & in praxi magis recepta sententia, illum, qui tempore Paschatis ex causa aliqua iusta vel iniusta sacram Eucharistiam accipere intermisit, postea quamprimum non commodè potest, ad sumendam illam obligari. Ita docent

Nauarrus, Azor, Suarez, & alii apud Laymannum cap. 5. de Euchar. quibus subscribit Isambertus ad quæst. 80. disput. 6. art. 2. vbi etiam addit illum, qui præuidet defuturam sibi tempore Paschatis communicandi occasionem, ad præueniendum illud tempus obligari: quod tamen aliqui rectè limitant, si intra eum annum iam semel non communicauerit; aut si præuideat quod intra eundem annum communicare non possit; quia Ecclesiæ intentio præcipua est, vt communio vltra annum non differatur, sicut rectè obseruat & probat Laymannus suprà.

Tertium est, pœnam illam in supradicto decreto Concilii Lateran. contra huius præcepti transgressores constitutam; scilicet vt viuentes ab Ecclesia arceantur, & mortui Ecclesiastica sepultura priuentur; non esse latæ sententiæ, sed ferendæ, vt ipsius decreti verba indicant: quapropter parochi, aliique sacerdotes qui iurisdictionem in foro exteriori non obtinent, pœnam illam non nisi consulto ac iubente Ordinario inferre non debent, nisi specialibus Diocesæ constitutionibus, aut consuetudinibus aliquid expressius declararetur.

4 Dicendum 4. non modò Ecclesiasticum, sed etiam diuinum de sumenda Eucharistia extare præceptum: Ita S. Thom. qu. 8. art. 11. & constat tum ex his Christi Domini verbis S. Ioan. 6. *Nisi manducaueritis carnem filij hominis, non habebitis vitam in vobis*; tum etiam ex Concil. Trident. sess. 13. cap. 2. vbi sic loquitur: *Saluator noster discessurus ex hoc mundo ad Patrem, Sacramentum hoc instituit; & in illius sumptione colere nos sui memoriam præcepit, &c.*

Quæres quo tempore diuinum illud præceptum obliget? Respondetur 1. obligare saltem in articulo mortis, vt docet & pluribus probat Suarez disput. 69. sect. 3. & Valentia disp. 6. quæst. 8. de Eucharist. punct. 4. colligiturque ex perpetua Ecclesiæ praxi, quæ peculiari cura semper cauit, ne infirmi sine illius sumptione ex hac vita decederent: Vnde in Concilio Nicæno 1. can. 13. Eucharistia in fine vitæ sumenda vocatur *viaticum necessarium*: idem habetur in Concilio Carthagin. 4. can. 77. & in aliis Conciliis quæ referuntur in Decreto, causa 27. quæst. 1. & 9.

Respondetur 2. valde probabilem esse sententiam Soti lect. 9. de Euchar. Aegidii Coninck. quæst. 68. art. . . . & aliorum Doctorum, qui asserunt ex præcepto diuino vnumquemque fidelem adultum, etiam citra mortis periculum ad sumendum aliquoties in vita Eucharistiam obligari, Christumque Dominum nullum tempus certum præscribere voluisse, sed Ecclesiæ suæ reliquisse determinandum.

Est autem obseruandum, quando Eucharistia in periculo mortis per modum viatici sumitur, etiam à non ieiunis illam sumi posse, quando sine graui damno aut periculo ieiuniū ab illis vsque ad tempus

pus huius Sacramenti suscipiendi seruari non potest, vt ex communi Doctorum consensu docet Toletus lib. 4. cap. 15. & habetur in Rituali Romano, titulo de communione infirmorum: si tamen nullum probabile mortis periculum immineret, & ex deuotione sola communicare vellet infirmus (quod illi haud dubiè saluberrimum est, ideoque consulendum) tunc non nisi ieiunus Eucharistiam suscipere deberet: quod si infirmus in mortis periculo diutius versetur, potest iterum & sæpius Eucharistiam per modum viatici etiam non ieiunus sumere, vt docet idem Toletus supra; dummodo tempus aliquod ab vltima viatici sumptione intercefferit. quod quidem tempus in Rituali tit. de comm. infir. decem dierum spatio præfinitur.

Quærent aliqui, an is, qui paulò antequam incideret in periculum mortis, communicauit, teneatur iterum periculo illo adueniente Eucharistiam recipere. Quidam Theologi, vt Sotus, Paludanus, & alij quos citat & sequitur Laymānus c. 5. de Euchar. existimant illum qui Eucharistiam recipit octo vel decem diebus antequam in periculum mortis incideret, non teneri sub peccato iterum communicare; quorum sententia quamuis probabilis videatur, verior tamen & in praxi tenenda est ea, quæ asserit, talem ex præcepto diuino iterum obligari ad communicandum, etiam si pridie quàm incideret in mortis periculum, iam communicasset. Ita Isambertus ad quæst. 80. disput. 5. art. 2. vbi etiam contendit illum qui nihil de periculo mortis cogitans communicasset aut celebrasset; si eodem die in tale periculum incidat, iterum ad Eucharistiam sumendam per modum viatici obligari: cui tamen sententiæ ne subscribamus, obstat Ecclesiæ lex & consuetudo prohibens ne quis eodem die bis communicet, exceptis aliquot casibus in iure expressis, vt Natalis Domini; Parochi duas aut plures Ecclesias Parociales distinctas legitimè possidentes, &c. inter quos tamen propositus hic casus nusquam reperitur.

Optimum super hac re consilium esset id præstare quod à sanctissimis viris, & nuper etiam ab eminentissimo & de vniuersa Ecclesia optimè merito Cardinali Baronio aliquot annis ante mortem factum legimus, qui quoties communicabant, aut Missæ sacrificium celebrabant, toties sacram Eucharistiam per modum viatici ex peculiari intentione sumebant, ea scilicet mente, vt si mors ex improviso accideret, diuino præcepto de Eucharistia intali casu sumenda ab ipsis satisfactum esset.

SECTIO IX.

Soluntur quadam dubia circa doctrinam precedenti sectione traditam.

PRIMUM est, vtrum amentibus baptizatis administranda sit Eucharistia. Respondet S. Doctor q. 80. art. 9. cum distinctione: vel enim semper caruerunt usu rationis, & talibus dicit Sacramentum hoc non esse administrandum; vel non semper caruerunt, & tunc si prius cum essent rationis compotes, apparuit in eis Sacramenti huius aliqua deuotio, debet ipsis in articulo mortis exhiberi (vt ibidem docet confirmatque auctoritate Concilij 4. Carthagin. can. 76. nisi forte timeatur periculum vomitus vel expulsionis). is autem qui non omnino amentes sunt, sed debilem tantum habent rationis usum, non est hoc Sacramentum omnino denegandum, sed pro ratione dispositionis & deuotionis administrandum.

Secundum est, qua ætate pueris Sacramentum hoc administrari debeat? Respondetur, nihil super hac re generatim posse definiri, sed cuiusque pueri indolem esse considerandam, in alijs siquidem tardius, in alijs citius rationis usus exoritur: neque tamen requiritur vt puer pleno ac perfecto iudicio polliceat, sed satis est, secundum mentem S. Doctoris sup. in resp. ad 3. vt talem usum rationis habere incipiat, quo possit actum fidei circa hoc Sacramentum elicere, & deuotum aliquem affectum circa illud concipere.

Vnde grauiter aliquando peccant parentes, pastores, & Confessarij, qui ex incuria primam puerorum communionem nimis diu differunt, quos Sanctus Franciscus Salesius Episcopus Geneuensis in ipso rationis crepusculo ad Christum Dominum volebat in huius Sacramenti participatione adduci, vt illius gratijs irrorati tanquam nouellæ oliuarum in circuitu mensæ Domini adolescerent, eoque confortante, baptismalem innocentiam facilius & constantius custodirent.

Tertium est, vtrum reis ad mortem damnatis Eucharistia licite denegari possit? Respondetur cum Isamberto ad quæst. 80. disp. 4. Ecclesiam posse speciali aliquo decreto, vel ratione alicuius consuetudinis, eiusmodi reos ad mortem damnatos Sacramentali Eucharistia perceptione priuare: quod presertim probat ex eo quod Ecclesia olim in quibusdam Concilijs ac nominatim in Concilio Biberitano, quosdam peccatores publicos, licet pœnitentes & sacramentaliter absolutos, sacræ viatici sumptione etiam in articulo mortis priuauit: ergo idem etiam nunc in similibus casibus ad horrorem quorundam criminum alius animis imprimendum facere.

poterit : cū in dispensatione sacramentorum salua illorum substantia plenariam à Christo Domino potestatem accepit.

4 Quantum est, utrū sicut sacerdotes celebrantes, sic etiam laici communicantes Sacramentum hoc sub utraque specie sumere debeant? Respondetur iuxta definitionem Concil. Trid. sess. 21. cap. 1. *Laicos & Clericos non conscientibus, nullo præcepto diuino ad Eucharistia Sacramentum sub utraque specie sumendum obligari, neque vilo pacto salua fide dubitari posse, quin illis alterius speciei communicatio ad salutem sufficiat.* Et postea subdit cap. 2. quod licet ab initio Christiana Religio non infrequens utriusque speciei usus fuisset, tamen progressu temporis iam mutata illa consuetudine, sancta mater Ecclesia grauibz & iustis de causis adducta, hanc consuetudinem sub altera specie communicandi approbauit, & pro lege habendam decreuit, quam reprobare aut sine ipsius Ecclesie auctoritate pro libito mutare non licet. Addit denique cap. 3. fatendum esse etiam sub altera tantū specie totum atque integrum Christum sumi, ac propterea, quod ad fructum attinet nulla gratia necessaria ad salutem eos defraudari, qui vnā specie solum recipiunt. Certē in Scripturis Act. 2. 20. & 22. fit mentio solius fractionis panis, in cuius communicatione dicuntur fideles fuisse perseverantes: & olim in Ecclesia Sacramentum hoc sub sola specie panis ad communionem infirmorum asseruatum, ipsisque infirmis ministratum fuisse constat ex Concilio Nicæno can. 12. & 14. & ex Eusebio lib. Histor. Eccles. cap. 35. & etiam ex S. Gregorio Nazianz. in orat. de Gorgonia sorore, ex quibus patet, quantum a veritate alienum sit, quod hæretici dicunt vnumquemque fidelium præcepto diuino ad communionem sub utraque specie sumendum obligari.

SECTIO X.

Quis sit legitimus huius Sacramenti minister.

1 QVÆSTIO proposita dupliciter intelligi potest: primo quis hoc Sacramentum conficere, secundo, quis illud legitime administrare possit. Pro illius in utroque sensu resolutione,

Dicendum 1. solum nouæ legis sacerdotem, ritè ordinatum, esse proprium & legitimum Eucharistiæ conficiendæ ministrum. Hæc veritas, quæ de fide est, constat tum ex his Christi Domini verbis S. Matth. 26. & S. Luc. 22. *Hoc facite, &c.* quibus solis Apostolis eorumque in sacerdotio successoribus hanc Eucharistiæ conficiendæ potestatem concessit, quo sensu verba illa intelligenda esse docet S. Thomas quest. 82. art. 1. & constat ex Concilio Lateran. sub

Innocentio III. cap. *firmiter*, in quo statuitur *neminem nisi sacerdotem rite secundum claves Ecclesie ordinatum Sacramentum hoc posse conficere*: quod etiam expresse definitum est in Conc. Trid. sess. 2. cap. 1. Huic quoque veritati subscripserunt SS. Patres ut S. Chrysostomus passim in libris de sacerdotio, præsertimque lib. 3. cap. 3. & S. Hieronymus dialogo cont. Luciferianos post medium, ubi contendit Hilarium quendam Schismaticum non potuisse Eucharistiam conficere, eo quod fuisset tantum in Diaconum ordinatus.

2. Dicendum 2. solum sacerdotem esse ordinarium dispensationis & administrationis huius Sacramenti ministrum. Ita S. Th. q. 82. art. 3. & constat ex cap. *peruenit*, de consec. dist. 2. in quo reprehenduntur sacerdotes, qui laicis Eucharistiam dabant ad infirmos deferendam & in Conc. Trid. sess. 13. c. 8. dicitur: *Hunc semper in Ecclesia morem fuisse, ut laici à sacerdotibus communionem acciperent*.

Diximus (ordinarium) primis enim Ecclesie temporibus ob penuriam sacerdotum extraordinarie hanc Eucharistie dispensationem, Diaconis commissam fuisse constat ex S. Iustino Apolog. 2. in fine, & ex S. Ambrosio lib. 1. Offic. cap. 41. quod tamen tempore consequenti ad solum casum necessitatis redactum fuit, ut declaratur in Concilio Carthag. 4. can. 38 ad demum prorsus exolevit.

3. Quanquam Suarez disp. 72. sect. 1. & alij Doctores quos ibidem citat, existiment etiam nunc in casu necessitatis (ut si infirmus in mortis articulo postulare viaticum, nec adesset sacerdos) posse Diaconum illi administrare: quod similiter docet Toletus lib. 2. cap. 8. Imo idem Suarez, Valentia, Koninck, & alij apud Bonacinam disp. 4. q. 5. pñct. 1. asserunt in extremæ necessitatis casu, ut in articulo mortis, si nullus adsit Sacerdos aut Diaconus, laicum posse Eucharistiam per se ipsum sumere, aut alteri sumendam præbere; quod tamen intelligendum est secluso quouis scandalo: quamvis autem Bonacina hanc sententiam minùs probabili existimet; alijs attamen non improbanda videtur: cum olim vsitatum fuerit, ut constat ex Eusebio lib. 6. cap. 36. & nuper etiam in Maria Scotiæ Regina factum laudatur.

Dicendum 3. nullum sacerdotem posse licitè alteri Eucharistiam administrare, nisi sit eius proprius Pastor, vel ex proprij Pastoris, id est summi Pontificis, Episcopi, vel Parochi commissione seu licentia expressa vel rationabiliter præsumpta id faciat. Ita Suarez suprà sect. 2. Vasquez disp. 219. cap. 2. Laymannus lib. 5. tractat. 4. cap. 7. de Euchar. qui hanc affert rationem; quod dispensatio Sacramentorum, ac præsertim huius quo fideles spiritualiter pascuntur, sit proprium munus Pastoris, quod proinde nemo alius usurpare debet.

SECTIO XI.

De sanctissimo Missæ sacrificio.

§. I.

Verum in Missa verum & propriè dictum sacrificium offeratur.

MISSÆ nomen plurimi ab Hebraica voce, quæ oblationem spontaneam significat, deriuare contendunt: alij tamen probabilius (vt Bellarmino videtur lib. 1. de Miss. c. 1.) dictionem esse Latinam existimant à mittendo deriuatam; quia per illam oblationes & preces ad Deum mittuntur: vel quia in illius fine Diaconi vel sacerdotis voce fit remissio seu dimissio populi: Patres liquidem Græci nusquam nomen Missæ, se *μυστήριον* vsurpasse reperiuntur, quos tamen aliàs voces Hebraicas, vt *Pascha*, *Sabbatum*, *Alleluia*, &c. passim retinuisse videmus.

Quidquid sit de illius nominis deriuatione, certum est illud in Ecclesia antiquissimū & vsitatissimum fuisse, vt satis demonstrat eius frequens mentio tum in Concilijs antiquis, tum apud SS. Patres quos fusè refert Bellarminus loco proximè citato. Et eo nomine, secundum communissimam ac vsitatissimam illius acceptionem, significatur actio illa Religiosa diuinitus instituta, per quam Christi Domini corpus & sanguis cum sacris quibusdam ritibus ab Ecclesia præscriptis consecratur, offertur, ac sumitur. Et de Missa eo sensu intellecta quæritur an sit verum & propriè dictum sacrificium: pro cuius quæstionis faciliori resolutione,

Supponimus ex Doctrina S. Thomæ 2. 2. q. 83. & aliorum communiter Theologorum, sacrificium propriè dictum esse oblationem externam soli Deo factam, qua in testificationem supremi dominij, quod in omnes creaturas earumque vitam & existentiam obtinet (cuius proinde nutu sicut creatæ sunt & conseruantur, sic etiam destrui & annihilari possunt) à legitimo ministro res aliqua sensibilibus & permanens ritu mystico consecratur & transmutatur.

Dicitur 1. oblatio externa, vt ab internis religionis actibus discernatur.

Dicitur 2. (soli Deo facta) *quis enim*, inquit, S. Aug. lib. 10. de ciuit. c. 4. *sacrificandum censuit, nisi ei quem Deum aut sciuit, aut putauit, aut finxit?*

Dicitur 3. in testificationem supremi dominij, &c. vt explicetur in quem finem sacrificium offeratur.

86 DE SACRIFICIO MISSÆ.

Dicitur 4. à legitimo ministro: non enim cuiusvis est offerre sacrificium. Nec, ut ait Apostolus, *quisquam sumit sibi honorem, sed qui vocatur à Deo tanquam Aaron.*

Dicitur 5. res aliqua sensibilis & permanens, ut à ratione sacrificij propriè dicti excludantur actiones transeuntes, quales sunt psalmodiæ, preces, &c.

Dicitur 6 (ritu mystico consecratur) id est diuino cultui & honori dedicatur: sacrificare enim, ut ait S. Doctor sup. a. 3. est aliquid sacrum facere.

Dicitur 7. (& transmutatur) ad verum enim & propriè dictum sacrificium requiritur, ut id quod sacrificatur ita transmutetur, ut definat esse id quod ante erat, cum enim (ut supra dictum est) sacrificium offeratur in protestationem, quod Deus sit summus vitæ ac necis arbiter, ad hoc requiritur ut non solum usus rei, sed eius etiam substantia Deo offeratur, & in eius honorem consumatur.

3 Hoc præsupposito, dicendum est in Missa verum & propriè dictum sacrificium Deo offerri. Hæc veritas, quæ à Concil. Trident. definita est, tanquam fide credenda, quam hæretici hodierni præsertim impugnant, probatur 1. ex Malachia cap. i. sic Iudæos alloquente; *Non est mihi voluntas in vobis, dicit Dominus exercituum: & munus non suscipiam de manu vestra: abortus enim usque ad occasum magnum est nomen meum in gentibus, & in omni loco sacrificatur & offertur nomini meo oblatio munda: quibus verbis prædicit Propheta, ut explicat S. Augustinus lib. 91. de Civ. cap. 23. cessaturas victimas quas in umbra futurorum offerebant Iudæi, & unum sacrificium gentes à solis ortu usque ad occasum, sicut iam fieri cernimus, oblaturas.*

Probatur 2. ex eo quod Apostolus Heb. 6. dixit, quod Christus Dominus factus est Pontifex in æternum secundum ordinem Melchisedech, id est, quod sicut Melchisedech panem & vinum in sacrificium obtulit, sic etiam Christus Dominus corpus & sanguinem suum sub specie panis & vini in sacrificium obtulit, & discipulis suis eorumque in sacerdotio successoribus offerendum tradidit: ita enim hunc Apostoli locum explicant Sancti Cyprianus, Ambrosius, Hieronymus, & alij quos refert Bellarminus libro 1. de Missa cap. 6.

Probatur 3. ex Concil. Nicæno 1. can. 14. vbi statuitur *Diaconos non habere potestatem offerendi sacrificium, sed solos Sacerdotes*: & Nicæno 2. act. 6. vbi fit expressa mentio incruenti sacrificij quod in memoriam Passionis Christi a Sacerdote offertur; diciturque in eo non imaginem, sed ipsummet Christi corpus offerri.

4 Probatur 4. ex sancto Ambrosio capite 1. in sanctum Lucam. *Cum sacrificamus, inquit, Christus adest, Christus immolatur*; sancto Gregorio Nysseno orat. 1. de festo Paschæ: *Christus non expectat Pilat à iudi-*

iudicium, sed ineffabilis sacrificij modo præoccupat violentum impetum Iudarum, ac seipsum offert oblationem pro nobis, Sacerdos simul & agnus: quando verò id accidit? cum nempe corpus suum ad manducandum; & sanguinem familiaribus exhibuit ad bibendum. Et sancto Augustino libro 4. de Trinitate capite 14. Quid gratius offerri aut suscipi potest, quàm caro sacrificij nostri, corpus effectum Sacerdotis nostri?

Probatur 5. hac ratione: vbiunque reperiuntur Altaria & Sacerdotes, ibi sacrificium etiam reperiri necesse est. cum non nisi ad sacrificia offerenda vsui esse possint: Atqui in Ecclesia Catholica semper fuerunt Altaria & Sacerdotes, vt constat ex antiquissimis Concilijs, Chalcedonensi act. 1. vbi dicitur Patres Concilij consedisse in Ecclesia, *Ante cancellos sanctissimi Altaris: & Laodicensi can. 19. vbi statuitur Solis sacratis licere ad Altare accedere; & can. 44. prohibetur Ne mulier ingrediatur ad Altare: item ex S. Cypriano lib. 1. Epist. 9. vbi prohibet ne offeratur sacrificiũ pro Christiano quodam defuncto, qui testamento suo rerum aliquarum temporalium procurator nem Sacerdoti mandauerat; Quia, inquit, non est dignus vt pro illa sacrificetur, qui Sacerdotem Dei ab Altari abstraxit.*

Obijciunt 1. Hæretici, Christum Dominum in Scripturis vocari, & re vera esse Sacerdotem in æternum: vnde inserunt nullos in terris Sacerdotes illi esse substituendos, nec vlla proinde sacrificia ab ipsis posse offerri.

Respondetur Sacerdotes non substitui Christo Domino: nec illorum multiplicationem repugnare vnitati & æternitati sacerdotij ipsius Christi, sed operari & sacrificare in illius virtute tanquam eius Vicarios: sicut quàmuis ipse Christus de seipso loquens dixerit: *unus est magister vester Christus*, hoc non obstat quin sub illo sint etiam alij Doctores & magistri: vnde Apostolus 2. Timoth. 1. vocat se *Magistrum & Doctorem gentium*.

Obijciunt 2. Apostolum Hebr. 10. dixisse Christum vna sui oblatione consummatum in æternum sanctificatos: vnde sequitur nos nullo alio sacrificio indigere, cum vnum Christi in cruce sacrificium infinitam & æternam vim habuerit.

Respondetur verum esse quod Christus Dominus vnica sui oblatione æternam humani generis redemptionem perfecit; quod tamen non obstat, quin vt loquitur Conc. Trid. sess. 21. c. 1. *Ecclesia sua visibile, sicut hominum natura exigit, reliquerit Sacrificium, quo crucentum illud semel in cruce peractum repræsenteretur, eiusque memoria in finem vsque saculi permaneret: atque illius salutaris virtus in remissionem eorum, quæ à nobis quotidie committuntur, peccatorum applicaretur.*

Quanam partes Missæ ad rationem Sacrificij pertineant.

IN duobus præsertim ipsis Missæ partibus controuersia est apud Theologos, consecratione scilicet & communione; an vtraque vel vna solummodò illarum ad rationem seu essentiam sacrificij pertineat; de alijs enim quæ in Missa sunt, conueniunt omnes, quòd ad essentiam sacrificij minimè pertineant; sed quòd sint tantum ceremoniæ quædam ab Ecclesia institutæ, quarum aliæ sunt præparatoriæ ad sacrificium, aliæ repræsentatiuæ eorum quæ in Passione Christi Domini gesta sunt, aliæ demum significatiuè fructus qui ex illo sacrificio super fideles deriuatur.

Sunt autem duæ celebriores Theologorum super hac quæstione sententiæ: Prior eorum qui existimant rationem seu essentiam sacrificij Missæ in sola consecratione consistere Ita Suarez disputatione 75. & plures alij quos ibidem citat, quorum præcipuæ rationes hæ sunt.

Prima, quod sacri Euangelistæ institutionem huius sacrificij referentes solius consecrationis meminerint, nec dicant Christum Dominum corpus & sanguinem suum in illa institutione sumpsisse, quod quamuis Sanctus Thomas quæst. 81. art. 1. & plurimi alij tum Sancti Patres, tum Doctores asserant, non est tamen verissimile sacros Euangelistas omisiuros fuisse, si ad huius sacrificij rationem & essentiam pertinere existimassent.

Secunda, quod huius sacrificij essentia consistat in ea actione, quæ est expressissima Passionis & mortis Christi Domini repræsentatio; atqui consecratio est eiusmodi, cum in illa vi verborum corpus seorsim à sanguine ponatur, & sic fiat mystica quædā separatio sanguinis ab ipso corpore, in qua quidem separatione realiter in cruce facta, posita fuit vera & propria ratio sacrificij in ipsa cruce peracti, ergo, &c.

Tertia, quod huius sacrificij propria & essentialis ratio constituenda sit in actione illa, in qua Sacerdos fungitur vice Christi Domini principalis offerentis, & illius nomine aliquid Deo offert: atqui in sola consecratione id reperitur; tunc enim solummodò Sacerdos in persona ipsius Christi loquitur, & virtute verborum consecrationis victimam illam diuinam veluti sistit in Altari, sicque eam Deo offert: omnes enim reliquæ oblationes, quæ ipsam consecrationem antecedunt aut subsequuntur, ab Ecclesia institutæ sunt; cum S. Gregorius lib 7. Epist. 63. Apostolos primis Ecclesiæ temporibus ad verba consecrationis solant orationem Dominicam addere solitos fuisse tolletur.

2 Posterior sententia est eorum, qui asserunt ad rationem & essentiam huius sacrificij pertinere quidem consecrationem corporis & sanguinis Christi Domini, quatenus est veluti positio seu adductio victimæ ad Altare, illiusque oblatio, sed solam non sufficere de facto realis immutationis in sacrificio requisitæ, proindeque ad rationem & essentiam huius sacrificij pertinere quoque Sacerdotis communionem, per quam huius sacrificij victima in honorem Dei veluti destruitur atque consumitur, in quantum per illam Sacerdotis communionem corpus & sanguis Christi sub speciebus sacramentalibus esse desinit.

Cuius sententiæ assertores sunt Canus, Sotus, Bellarminus, & alij, quibus subscribit Isambertus ad q. 81. disp. 3. art. 4. qui etiam pro ea citat S. Doctorem præfatæ quæstionis art. 2. & fundamenta illius posterioris sententiæ præcipua sunt hæc:

Primum, quod Christus Dominus sacrificium hoc instituens simul & offerens dixit S. Luc. 12. & 2. Cor. 11. *Hoc est corpus meum quod pro vobis datur: frangitur, iuxta Græcam editionem: & de calice sanguinis sui: qui pro vobis fundetur in remissionem peccatorum;* quæ quidem verba de fractione & effusione; quæ in ipso sacrificio fit, intelligenda esse ex mente S. Chrysostomi & plurium SS. Patrum probat Maldonatus ad cap. 16. S. Matth. unde rectè colligitur sumptionem corporis & sanguinis Christi Domini à sacerdote factam, quæ per fractionem & effusionem illam significatur, ad sacrificij rationem & essentiam pertinere, cum illius fractionis & effusionis virtute peccata remittenda esse dicantur, qui quidem effectus huius sacrificij proprius est, ut infra explicabitur.

Secundum est, quod ad rationem sacrificij pertineat realis quædam immutatio, seu destructio rei oblatæ, per consecrationem autem nulla fiat corporis & sanguinis Christi destructio, sed potius nova ipsius sub speciebus sacramentalibus positio, quæ per communionem destruitur, per quam proinde fit ut corpus Christi amittat esse sacramentale, & sic realiter immutetur.

Tertium est quod Ecclesia præcepit, ut, si contingat sacerdotem celebrantem facta consecratione mori ante communionem, alius sacerdos etiam non ieiunus perficiat Missam, consumendo totam victimam, ne scilicet sacrificium imperfectum relinquatur: *quale enim est sacrificium, ut dicitur cap. Relatum de consecrat. distinctione 2. cui nec ipse sacrificans participasse cognoscitur?*

3 Quamvis autem hæc duæ sententiæ maxime videantur probabiles, & ex utraque illarum possint varij & eximii pietatis ac religionis affectus elici; posterior tamen magis nobis arridet tum ob fundamenta illa quibus innititur, tum etiam quia rationes pro priori alate non ita firmæ sunt, quin everti posse videantur.

90 DE SS. EVCHARISTIA.

Ad primam siquidem respondetur satis expressam in Evangelio fieri mentionem, non solum consecrationis, sed etiam cōmunionis, seu cōsumptionis victimæ huius sacrificii verbis illis Christi Domini, quæ in primo posterioris sententiæ fundamento relata sunt.

Ad secundam, respondetur mysticam illam separationem sanguinis à corpore Christi Domini non sufficere ad rationem sacrificii, ad quam, ut dictum est, realis aliqua immutatio rei sacrificatæ requiritur, quæ cum in sola consecratione non reperiatur, hinc sequitur in illa sola perfectam & completam rationem sacrificii minime reperiri.

Ad tertiam denique respondetur Sacerdotem vi suæ ordinationis habere potestatem non modò consecrandi & offerendi victimam, sed etiam illam consumendi; cum hæc consumptio æque ac consecratio & oblatio pertineat ad rationem sacrificii, quod perficere debet tanquam Minister Christi, in cuius persona æque dici debet victimam consumere, cum id Christus Dominus fecerit; sicut in eius persona dicitur ipsam victimam consecrare.

§. III.

Quinam sint huius Sacrificij effectus.

SUPPONIMUS ex veriori sententia, quam Bellarminus libro 2. de Missa capite 4. communem esse Theologorum affirmat, sacrificium Missæ ad effectus suos producendos vim habere, non solum ex opere operantis, ratione scilicet bonitatis & deuotionis eius qui illud offert, quod illi cum omnibus aliis piis operibus commune est, sed etiam ex opere operato, id est virtute ipsius sacrificii quod offertur, idque independenter à bonitate vel malitia seu indignitate Ministri offerentis: vnde Concilium Tridentinum sess. 22. cap. 20. dicit *huius sacrificij oblationem ita esse mundam, ut nulla indignitate aut malitia offerentium inquinari possit*: posset autem inquinari, si ex sola bonitate morali ac merito operis, quod exercet offerens, valorem ac effectum haberet. Accedit communis totius Ecclesiæ sensus, qui est, sacrificium hoc pro aliquo siue viuentis siue mortuo oblatum posse ipsi esse fructuosum, etli offerendi ratio ex parte ipsius operantis nihil habeat bonitatis moralis: nec vilo statuto aut lege obligat saltem, qui in peccato mortali ex aliqua obligatione celebravit, iterum celebrare, tanquam obligationi illi minime satisfecerit.

Hoc præsupposito: pro resolutione quæstionis propositæ dicendum est Missæ Sacrificium esse ex opere operato, non modo Latreuticum & Eucharisticum, seu *Sacrificium laudis & gratiarum actionis*,
ut lo-

DE SACRIFICIO MISSÆ. 91.

vt loquitur Concilium Tridentinum sess. 22. cap. 2. & can. 3. Se id prætereà esse etiam propitiatorium & impetratorium; vt in eodem Concilio definitum est. Atque in primis quod sit Latreuticum & Eucharisticum; seu quod offerri possit in laudem & honorem Dei, & in gratiarum actionem pro acceptis beneficiis, consentiunt omnes, & inde constat, quod (vt docet S. Aug. in Psalm. 29. & S. Leo sermone tertio de Passione) in se contineat modo quodam longe perfectiori & eminentiori differentias omnes & proprietates sacrificiorum antiquæ legis; Atqui inter sacrificia illa antiquæ legis, vt obseruat S. Doctor 1. 2. q. 102. a. 3. quædam offerebantur purè in honorem & laudem Dei, quæ *holocausta* dicebantur: quædam in gratiarum actionem, quæ vocabantur *hostiæ pacificæ*: Ergo à fortiori Missæ sacrificium idem præstare poterit, & proinde in Dei laudem & gratiarum actionem offerri.

2. Quod verò sit etiam propitiatorium, seu expiatorium peccatorum, quod hæretici presertim negant, probatur 1. ex eo quod Christus Dominus hoc sacrificium instituens & offerens dixit SS. Matth. 22. Marc. *Hic est sanguis meus noui Testamenti, qui pro vobis & pro multis effundetur in remissionem peccatorum*: quibus verbis, vt explicat sanctus Alexander Papa & Martyr. qui anno 119. Ecclesiæ præfuit in Epistola decretali ad omnes Orthodoxos, *ipsa veritas nos instruit, &c. crimina atque peccata oblati his Domino sacrificijs deleri, &c. & talibus hostijs placari Deum, & peccata ingentia dimittere*.

Probatur 2. ex Sanctis Patribus qui hanc veritatem vnanimiter asserunt; vt Sanctus Cyprianus, qui sermone de Cœna Domini hoc sacrificium esse dicit: *Medicamentum simul & holocaustum ad sanandas infirmitates & purgandas iniquitates*: Sanctus Augustinus quæst. 57. in Leviticum asserit in illo sacrificio *veram fieri remissionem peccatorum*; & sermone vndecimo de Sanctis dicit, *in altari sanguinem effundit pro peccatoribus*. Plura Sanctorum Patrum testimonia videri possunt apud Gregorium à Valentia disp. 16. quæst. 11. de ritu & oblatione Eucharistiæ puncto 1.

Est autem obseruandum id quod docet Bellarminus libro 1. de Missa cap. 4. Suarez disputatione 79. sect. 3. & communiter alij Theologi, remissionem peccatorum quoad culpam esse huius Sacrificij effectum, non ad eum modum, quo in Baptismo & poenitentia per infusionem gratiæ habitualis iustificantis remitti solent; sed ea solum ratione, quod huius sacrificii intuitu, Deus conferat donum poenitentiae, id est, gratiæ alicuius actualis auxilium, quo peccator ad actum perfectæ contritionis eliciendum, vel ad absolutionem in Sacramento poenitentiae dignè & fructuosè recipiendam excitetur & adiuvetur: quod expressè declarauit Concilium Tridentinum.

typum sessione 22. capite 2. ubi de hoc sacrificio loquens: *Huius* inquit, *oblatione placatus Dominus gratiam & donum penitentia concedens crimina etiam ingentia dimittit.*

3 Quod verò spectat ad remissionem pœnæ peccatis quoad culpam remissis debitæ, communis & vera Theologorum sententia quam fusè explicat & probat Suarez disp. 79. sect. 6. est, illam per Missæ sacrificium immediate fieri, Deo scilicet ob illius oblationem relaxante pœnam ei pro quo oblatum est: quod etiam docet S. Thomas quæst. 79. art. 5. ubi dicit Missæ sacrificium habere directè ex institutione sua vim pro peccatis satisfactiuam.

Denique quod Missæ sacrificium sit etiam impetratorium, præter auctoritatem Concilii Tridentini sess. 22. cap. 2. & can. 3. id expressè definiens, constat; tum ex Apostolo 1. ad Timoth. capite 2. præcipiente fieri *Obsecrationes*, id est, ut S. Chrysostomus, Theophylactus & Oecumenius explicant, sacrificia, *pro Regibus, &c. ut quietam & tranquillam vitam agamus*: tum ex perpetua & vniuersali Ecclesiæ praxi, quæ hoc sacrificium offerre consuevit pro quibuscunque bonis spiritualibus, imò temporalibus à Deo impetrandis, & pro quibuscunque malis deprecandis & auertendis, ut satis constat ex orationibus, quibus in Canone & aliis partibus Missæ olim vsa est, sicut ex antiquis Liturgiis patet, & nunc etiam vitur. Cuius quidem rei insigne exemplum profert S. Augustinus lib. 22. de ciuit. cap. 8. ubi loquens de viro quodam tribunitio nomine Hesperio, qui cum domum suam à malignis spiritibus infestari comperisset, seruosque & animalia vim illorum noxiam periret, *Rogauit nostros*, inquit, *me absente Presbyteros, ut aliquis eorum illò pergeret, cuius orationibus cederent: perrexit vnus, obtulit ibi Sacrificium corporis Christi, orans quantum potuit, ut cessaret illa vexatio, Deoque protinus miserante cessauit.*

Neque dicas minùs conueniens videri rem infinitè excellentem, qualis est victima illa diuina quæ in Missa offertur, ad rem aliquam temporalem & caducam ordinare: Respondetur enim minimè conueniens fore, si res illa temporalis & caduca propter se solummodò expeteretur; non esse autem, si expetatur tanquam medium ad Deum in bonis honorandum, & salutem æternam per rectum & legitimum illorum vsum consequendam; ex qua sola intentione decet Christianos, non modò in sacrificio Missæ, sed etiam in aliis orationibus à Deo bona temporalia postulare.

4 Quæres 1. an Missæ sacrificium effectus suos infallibiliter producat? Respondetur cum distinctione: si enim consideretur ut est Latreuticum & Eucharisticum, infallibiliter haud dubiè consequitur effectum suum respectu Dei, ad quem honor & laus ex hoc sacrificio, quod illi non potest non esse acceptissimum, semper redundat:

dat: si ut satisfactorium, habet etiam infallibiliter suum effectum in illis pro quibus offertur, idque secundum modum & mensuram tum institutionis ipsius Christi, tum deuotionis & bonæ dispositionis illorum pro quibus offertur, dummodo nullum ponant obicem, id est dummodo, quando illis huiusmodi fructus applicatur, sint in gratia sanctificante constituti: nunquam enim poena peccati relaxatur, nisi simul remittatur, vel antè remissa sit culpa, ut ex dicendis capite sequenti intelligitur; si autem spectetur ut impetratorium, habet etiam infallibilem efficaciam ad bona spiritualia vel temporalia in generali à Deo impetranda, non verò ad hæc vel illa in particulari: cum ex parte Dei nulla intercedat promissio absoluta de his aut illis specialibus bonis Sacrificii huius intuitu conferendis; sed tantum conditionata, si nimirum bona illa hic & nunc conducant ad maiorem Dei gloriam, & illius, pro quo postulantur, salutem.

Quæres 2. An Missæ sacrificium æqualis sit efficacæ, siue à bono siue à malo Ministro offeratur. Respondetur, si spectetur illius effectus, pro ut est ex opere operato, æqualem prorsus esse illius efficaciam; cum nullomodo pendeat à dispositione bona vel mala Ministri, ut docet S. Thomas quæst. 82. art. 6. si verò spectetur pro ut est ex opere operantis, tunc certum est illius fructum pendere à dispositione Sacerdotis, quæ quò melior est, eò magis illi & aliis prodest.

§. I V.

Quibus personis profit Missæ sacrificium, seu pro quibus licitè & validè offerri possit.

QUÆSTIO proposita intelligenda est non de eo Missæ fructu qui ex opere operantis prouenit: certum est enim eiusmodi fructum applicari posse à quolibet Sacerdote iis omnibus uiuis & defunctis, pro quibus orationes suas particulares ad Deum dirigere potest, cum sit utrobique par ratio; sed de fructu illo qui est ex opere operato.

Circa huius verò quæstionis resolutionem conueniunt in quibusdam Theologi; in quibusdam verò non conueniunt. Atque in primis conueniunt omnes in eo, quod sacrificium Missæ valide & licitè offerri possit pro omnibus & quibuslibet fidelibus baptizatis non excommunicatis siue uiuis, siue defunctis in Purgatorio existentibus. Id constat ex ipsius Ecclesiæ perpetua & vniuersali praxi, quæ tum in antiquis Liturgiis; ut videre est apud Pamelium tomo 1. Liturgicon; tum in ritu illo, quo nunc in Missæ celebratione utitur, Sacrificium hoc offerre consuevit. *Pro omnibus Orthodoxis, atque Catholica & Apostolica fidei cultoribus, &c. Et pro omnibus in Christo* quie-

quiescentibus, qui nos precesserunt cum signo fidei, & dormiunt in somno pacis.

Conueniunt etiam omnes in eo, quod Missæ Sacrificium nec licitè, nec validè offerri possit pro damnatis, siue cum peccato aliquo actuali mortali, siue cum solo originali decesserint. Quod expressè docuit S. August. lib. 3. de origine animæ cap. 11. *Noli credere, inquit, nec docere, nec dicere Sacrificium Christianorum pro ijs qui non baptizati de corpore exierunt, offerendum si vis esse Catholicus.*

Conueniunt item omnes Sacrificium Missæ posse validè ac licitè offerri in honorem & memoriam Sanctorum, ut habetur in Concil. Trident. sess. 22. cap. 3. *Non quod illis offeratur Sacrificium, ut ibidem declarat, sed Deo soli qui illos coronauit: unde nec Sacerdos dicere solet: Offero tibi Sacrificium Petre & Paule; sed Deo de illorum victorijs gratias agens, eorum patrocinia implorat, ut ipsi pro nobis intercedere dignentur in calis, quorum memoriam facimus in terris.*

2. Non conueniunt autem omnes, an & qua ratione hoc Missæ sacrificium licitè offerri possit pro infidelibus non baptizatis, & pro excommunicatis baptizatis. Quidam enim Doctores existimant Missæ sacrificium directè pro infidelibus non baptizatis offerri licitè posse: probabilius tamen alii docent indirectè quidem posse pro infidelibus non baptizatis, sicut & pro excommunicatis baptizatis sacrificium illud licitè offerri; quatenus scilicet pro incremento & exaltatione Ecclesiæ, & quouis schismate ab ea tollendo offertur; quæ duo per conuersionem infidelium, & resipiscentiam excommunicatorum maximè fiunt; Directè autem nec pro excommunicatis, nec pro infidelibus non baptizatis posse licitè offerri.

2. Atque in primis quod spectat ad excommunicatos quo nomine intelligimus hic tantum nominati excommunicatos vel notorios Clericorum percussores iuxta Extrauagantem Martini III. quæ incipit *Ad cuiusmodi* extat prohibitio Ecclesiæ cap. *A nobis*, & c. *Sacra*, extra de sententia excommunicationis: ubi vetatur pro illis Missæ sacrificium offerri: quam tamen prohibitionem Richardus & Nauarrus apud Isanbertum ad quæst. 81. disp. 7. art. 2. docent non extendi ad excommunicatos per veram poenitentiam iam contritos, licet nondum ab excommunicatione absolutos, pro quibus existimant Missæ sacrificium licitè posse offerri.

Quod autem neque etiam pro infidelibus non baptizatis offerri licitè possit, constat ex ipsius Ecclesiæ praxi; quæ quamuis summo affectu illorum conuersionem & salutem exoptet; nullam tamen eorum mentionem in Missa fieri voluit, neque pro eis orationes illas in illa offerri; quod tamen haud dubiè fecisset, si eis sacrificium hoc offerri voluisset: *quis enim*, inquit S. August. lib. 1. de an. c. 1. o. c. *erat corpus Christi, nisi pro eis qui sunt membra Christi?*

Quæ.

3 Quæres an Missæ sacrificium ex opere operato proficiat, nō solum illis pro quibus offertur, sed etiam ipsi sacerdoti offerenti; quatenus præcisè est offerens. Suarez disp. 79. sect. 5. & quidam alii cum illo affirmatiuè respondent: alii tamen cum Gabriele Vasquez disput. 232. capite 3. probabilius negant, docentque nullum in sacrificio Missæ fructum ex opere operato prouenire Sacerdoti offerenti, quatenus est offerens: quod probari potest ex eo quod Apostolus Hebr. 3. dicit Pontificem seu Sacerdotem constitui pro hominibus in iis, quæ sunt ad Deum, ut offerat dona & sacrificia pro peccatis: unde concludit quod *Debet quemadmodum pro populo, ita etiam & pro semetipso offerre, &c.* ex quibus verbis sequitur, quod rectè docet S. Thomas 3. p. quæst. 22. art. 4. ad 1. Sacerdotem sui sacrificij effectum participare, non in quantum sacerdotem; sed in quantum peccatorem; proindeque ut effectum aliquem sacrificij sui accipiat, requiri necessario ut habeat se passiuè ad illud, id est ut illud offerat pro se sicut & pro alijs, ad quos ex eius applicatione fructus Missæ derivatur. Quod præterea confirmari posse videtur ex verbis, quibus per Episcopum Sacerdos consecratur: *Accipe potestatem offerendi sacrificium, tam pro uiuis quàm pro defunctis*; hæc enim verba significant potestatem illi conferri qua proficiat iis, pro quibus Missæ sacrificium oblaturus est; unde sequitur Sacerdotem præcisè eatenus sibi ipsi prodesse, non quatenus offert Missæ sacrificium, sed quatenus pro seipso illud offert.

§. V.

Quanam applicatio requiratur ex parte Sacerdotis celebrantis ut Missæ fructus in alios deriuetur.

1 **A**D facilitiorem & certiori quæstionis propositæ resolutionem quædam hic ex communi & recepta Theologorum doctrina obseruanda sunt.

Primum est Sacerdotem celebrantem multiplici nomine Missæ sacrificium offerre: in primis quidem nomine Christi, ut principalis offerentis, & ex cuius meritis procedit ipsius sacrificij valor; proinde ex cuius voluntate præsertim pendet illius applicatio; ut enim habetur in Concilio Tridentino sess. 22. c. 2. *Idem est nunc offerens Sacerdotum ministerio: qui seipsum in cruce obtulit*: Deinde nomine Ecclesiæ, cui meritorum suorum & satisfactionum dispensationem Christus Dominus commisit: præterea nomine proprio quatenus ex libera sua voluntate Missæ Sacrificium offert: illiusque fructum alijs vel sibi applicat: Denique nomine aliorum qui simul cum eo sacrificium illud offerunt, quales sunt ij qui Missæ inseruiunt aut

96 DE SACRIFICIO MISSÆ.

efficiunt, vel pro illa celebranda elemosynam ad ipsius Sacerdotis victum erogant: qui quidem quamvis laici existant, dicuntur tamen ipsum Missæ sacrificium suo modo per ipsum Sacerdotem offerre, præsertim quando interno affectu illius actioni iunguntur, ut docet S. Leo Epist. 8. & apertè colligitur ex ipsis Sacerdotis celebrantis verbis, dum in Missæ canone de assistantibus dicit: *qui tibi offerunt hoc sacrificium laudis.*

2. Secundum est, inter illos omnes offerentes Christum Dominum primum & principalem locum tenere, ita ut ex eius præsertim voluntate pendeat fructuum huius sacrificij applicatio, quorum quidem voluit omnes & singulos fideles esse participes, quoties illud sacrificium offertur: dummodo tamen illius participationis capaces sint, nullusque, ex illorum parte, obex reperiatur: quod explicat Sanctus Cyrillus Hierosolym. Catech. 5. Mystag. ubi hoc Missæ sacrificium dicit esse *hostiam propitiationis pro communi Ecclesiarum pace, &c. pro Regibus, pro militibus, pro socijs, pro agrotis, pro afflictis, & in summa pro omnibus qui egent auxilio, &c. deinde pro defunctis sanctis Patribus & Episcopis, denique pro omnibus qui inter nos vita sancti sunt.* Unde quoad communem hunc fructum Missæ, qui ex Christi Domini voluntate in omnes fideles diffunditur, nulla specialis ipsius Sacerdotis celebrantis applicatio requiritur: imò dummodo valide illud offerat, nullum ex fidelibus ab illius participatione potest excludere, ut rectè monet Isambertus; sed velit nolit, unusquisque illorum portionem, quæ ipsum contingit, recipit.

Simili ratione Ecclesia, quæ est intentionum ipsius Christi Domini fidelis interpres, vult etiam fructuum eiusdem sacrificij participationem omnibus fidelibus baptizatis ab unitate sua non præcisi, & nullum obicemponentibus communicari; ideoque in Canone præscripsit hoc sacrificium offerendum esse *Pro omnibus Orthodoxis atque Catholicis & Apostolica fidei cultoribus; & etiam pro omnibus in Christo quiescentibus.*

3. Porro ex hac fructuum Missæ generalitate, certum est Christo Domino ita volente & disponente, notabilem aliquam partem relictam esse liberæ applicationi & determinationi tam ipsius Sacerdotis celebrantis tanquam Ministri & Mysteriorum eius dispensatoris, quàm aliorum simul cum eo offerentium: quod constat ex communi sensu ipsius Ecclesiæ; quæ approbat morem fidelium, quæ expectant pro se Sacrificium illud peculiariter offerri, quod frustra facerent si omnis eius fructus iam ex Christi Domini & Ecclesiæ intentione applicatus esset, nullusque superesset per Sacerdotis intentionem applicandus.

Sicut autem Sacerdos in huius sacrificij actione superior existit alius cum ipso offerentibus, sic etiam fructuum illorum applicatio ab eius

DE SACRIFICIO MISSÆ. 97

eius intentione præfertim pendet; ita ut siue licite, siue illicite applicet, de qua re mox dicetur, valida tamen & rata semper sit hæc illius applicatio: cum sit actus à potestate Ordinis pendens, qui proinde eius voluntati subiacet, ut rectè docet Isambertus supra art. 13.

Tertium est determinari certo à nobis non posse quantus sit fructus Missæ, quem Christus Dominus voluit, siue generatim ad omnes fideles viuos & defunctos, siue speciatim ad hos vel illos secundum intentionem particularem sacerdotis celebrantis deriuari: cum nec sacra Scriptura, nec Ecclesiæ Traditio, nec Cõcilia aut Patres quidquam de eiusmodi quantitate definierint aut tradiderint; ideoque satis esse, ut sacerdos celebrans saltem tacite & interpretatiue tantum de huius sacrificij fructu his aut illis secundum propriam deuotionem aut obligationem applicare velit, quantum Christus Dominus ipsi applicandum concessit.

His obseruatis, pro quæstionis initio huius Paragraphi propositiæ resolutione dicendum est, quædam requiri ex parte sacerdotis celebrantis, ut eius applicatio valida sit; quædam verò, ut sit licita.

Ad hoc enim ut valide fructum huius sacrificij applicet, requiritur in primis eius intentio eodem prorsus modo, quo antea dictum est requiri, ut Sacramentum aliquod valide conficiat: etenim utrobique par ratio, ut docet Isambertus citato art. 13. Vnde sicut ad validam Sacramenti cuiuslibet confectionem, sic etiam ad validam huius sacrificij applicationem habitualis intentio minime sufficiens est: actualis optima, sed non necessaria; virtualis vero sufficiens est, & actuali deficiente, necessaria.

Requiritur 2. ad eandem applicationis validitatem, ut intentio illa siue actualis siue virtualis concomiteretur ipsam sacrificij actionem, sicut comitari debet Sacramenti confectionem: aliàs si post Sacramentum peractum, verbi gratia, post consecrationem factam, præfertim secundum sententiam illorum, qui existimant sacrificij rationem & essentiam in illa sola consistere, Sacerdos applicare incipiat, hæc eius applicatio nullum effectum sortietur: quia cum sacrificium esse desierit, illius effectus ex opere operato non amplius subiacet liberæ applicationi Sacerdotis.

Requiritur 3. ut applicatio illa specialis à Sacerdote facienda, sit determinata & certa, ne effectum huius sacrificij suspensum relinquat: qua ratione docet idem Isambertus cit. art. 13. Sacerdotem, verbi gratia, qui à nullo rogatus hodie celebrat Missam, non posse istius Missæ fructum ex opere operato applicare illi, qui die crastino rogaturus est eum, ut dato honorario pro se offerat; ita ut hac prior Missæ celebratione satisfaciat obligationi,

98 DE SACRIFICIO MISSÆ.

quam honorario illo accepto contraxit ; quia sicut Sacramentorum , sic etiam sacrificij effectus à futura conditione pendere non potest.

§ Neque dicas Deum prope nosse futurum esse , ut talis crastina die roget Sacerdotem , ipsique eleemosynam largiatur , ut pro se offerat ; quamvis enim hoc verum sit ; sicut tamen Deus nullum punit , nec remunerat ob ea quæ futura prævidet : sic etiam effectum huius sacrificij non confert propter prævisam aliquam actionem : unde sequeretur effectum sacrificij manere suspensum ; quod nulatenus dici debet .

¶ Iam ad hoc ut applicatio Sacerdotis non modo valida sit ; sed etiam licita , debet ipse Sacerdos præsertim attendere , ut per illam obligationibus suis , si quæ sint , satisfaciat . Circa illas autem obligationes præcipua difficultas est , an possit Sacerdos una Missæ celebratione & applicatione pluribus obligationibus particularibus satisfacere , an verbi gratia qui pro Missæ sacrificio celebrando accepit duo stipendia seu honoraria , quorum quodlibet secundum receptam consuetudinem sufficiens censeatur , possit una Missæ celebratione utriusque satisfacere : cuius quidem difficultatis solutio pendere videtur ex solutione alterius quæstionis , quam §. sequenti discutiemus .

§. VI.

An Missa Sacrificium pro pluribus oblatum , tantum singulis prosit , quantum si pro uno solum offerretur .

¶ **S**UPPONENDUM est ex communi Theologorum doctrina , quod quamvis sacrificium Missæ sit in se valoris infiniti , tam ratione rei oblatæ , quam principalis offerentis , cuius dignitas & excellentia infinita est , nihilominus efficientia & influxus ipsius sacrificij est solummodo finitus , ut docet S. Thomas in 4. dist. 45. qu. 2. art. 4. & post illum Nauarrus , Bellarminus , Toletus , Suarez , & plures alij quos citat & sequitur Laymann. tract. 5. de sacrificio Missæ cap. 1. Idque constat , tum ex eo quod Ecclesia Missæ sacrificium pro eadem re sæpius iterat , ut satis manifestum est ex eius praxi ; unde sequitur quod influxum actuale illius finitum esse iudicet , tum etiam ex eo quod Eucharistia non sit maioris efficientiæ in ratione sacrificij quam in ratione Sacramenti : atqui licet in ratione Sacramenti sit infiniti valoris & excellentiæ , nonnisi limitatos tamen producit effectus : ergo à pari in ratione sacrificij nonnisi finitos producet .

¶ Hoc præsupposito , pro quæstionis propositæ resolutione dicendum

DE SACRIFICIO MISSÆ. 99

dum 1. quando plures sunt Missæ sacrificium simul offerentes, tunc illud non minus prodesse singulis pro ratione dispositionis cuiusque illorum, quàm si vnus tantum esset offerens: exempli gratia, quando multi Missæ celebrationi adstant, illudque cum Sacerdote offerunt, tantum singulis prodest illud sacrificium, quantum si vnus solus adesset & offerret. Ita Cordubensis lib. 1. quæstionarii quæst. 3. opin. 5. conclus. 3. vbi dicit hanc esse communem Doctorum sententiam, & pro illa plurimos citat, quibus subscribit Isambertus ad quæst. 83. disput. 7. artic. 8. Ratio est, quia ad multiplicationem oblationis, eius quoque fructus multiplicatur: atqui quando plures adstant Sacerdoti celebranti, censentur cum illo moraliter simul offerre, proindeque tot sunt oblationes quot sunt offerentes: Vnde sequitur quod sacrificium illud tantum singulis prodest, quantum vni prodesset si solus offerret; imo si spectetur fructus Missæ, prout respondet non tantum operi operato, sed etiam operi operantis, quò numerus adstantium est maior; etiam fructus ille copiosior est: tum quia sicut maior est virtus vnita quàm diuisa, sic etiam multorum preces in illo sacrificio simul vnitæ magis efficaces sunt apud Deum, quàm separatim oblatæ; tum etiam quia quoniam numerosior est offerentium multitudo, eo maior honor Deo exhibetur, sicut Princeps multitudine adstantium & sibi deseruientium honorari censetur: qua ratione Sancti Patres & Concilia Missam parochialem commendant, propter maiorem in illa fidelium simul offerentium vnionem, & vberiores quæ inde profluunt benedictiones.

2. Dicendum. 2. Missæ sacrificium non æquè prodesse iis pro quibus offertur tantum generatim, ac illis pro quibus speciatim & nominatim offertur, id satis constat ex ipsius Ecclesiæ praxi: si enim non magis prodesset iis pro quibus speciatim offertur quàm aliis, frustra Ecclesia illud offerret pro certis & determinatis quibusdam personis, vt pro muliere prægnante, pro infirmo, pro hoc vel illo defuncto, &c.

Dicendum 3. sacrificium Missæ oblatum speciatim pro pluribus, non tantum prodesse illis singulis, quantum vni eorum, si pro illo solum offerretur; proindeque Sacerdotem, qui pluribus personis ratione stipendij seu honorarij à singulis accepti, aut alia quauis de causa obligatus est ad sacrificandum, non satisfacere vnicum pro illis offerendo sacrificium. Ita Sanctus Bonauentura, Richardus, Maior, Sotus, & alij quos citat & quibus subscribit Suarez disp. 69. sect. 2. quæ sententia communis est, & in praxi tenenda, probaturque ex communi ipsius Ecclesiæ sensu & quotidiana praxi, qua tam multæ singulares Missæ pro singularibus personis, nullo etiam accepto ab eis stipendio, offeruntur: cum saltem ex charitate illa,

G 2 singulas

singulas offerri pro pluribus, imò pro omnibus par esset, si pro illis pluribus vel omnibus oblata æque illis ex opere operato prodesse, ac si pro singulis offerrentur. Et sanè cum Missæ sacrificium pro defunctis oblatum iis aliter prodesse non possit, nisi ad relaxationem pœnæ temporalis in Purgatorio ab ipsis luendæ, si Missa vna pro pluribus oblata tantum pœnæ singulis relaxat, quantum relaxaret vni, si pro eo solo offerretur; cur tam multæ Missæ pro vno duntaxat & nò pro omnibus, aut saltem pro pluribus speciatim offerrentur? cur Concilium Tridentinum sess. 25. cap. 4. de reform. cum tanta cautela solis Episcopis & Abbatibus ac Generalibus Ordinum reductionem missarum ad minorem numerum permisit, idque tantum in certis casibus ibidem expressis; quod etiam circumspectè & prudenter ab ipsis fieri vult, ne fortè conscientiam suam in discrimen adducant: cur inquam hoc ita statuerit, si Missam pro pluribus oblatam tantum prodesse existimaret, quantum si pro vno duntaxat offerretur?

3. Hoc autem quod in hac tertiâ assertionè dictum est, intelligi debet, vt rectè obseruat Isambertus ad q. 83. disp. 7. a. 12. de sacrificio Missæ, pro vt est satisfactorium; qua ratione quando pro pluribus speciatim offertur, minus singulis prodest, minusque pœnæ per illud remittitur respectu singulorum, quam si pro vno tantum offerretur: quia vt sic, se habet per modum cuiusdam solutionis, quæ cum sit finita, vt ex antè dictis patet, minuitur haud dubiè si in plures diuidatur: At verò quatenus est impetratorium, tantum potest prodesse multis quantum vni: cum enim vis illius impetratoria infinitam Dei misericordiam & liberalitatem respiciat, nihil obstat quin Deus oblatione illius sacrificii ad beneficia sua conferenda exoretur æquè pro multis ac pro vno.

Quæres utrùm, sicut Sacerdos intentioni eorum pro quibus obligatur satisfacere debet quoad numerum Missarum; ita etiam teneatur, quoad alias huius sacrificii circumstantias: verbi gratia, utrùm quando quis postulauit de tali Sancto, in tali loco vel tempore celebrari, Sacerdos ad id præstandum teneatur? Respondetur Sacerdotem celebrantem quantum potest intentionem illius à quo stipendium accepit, exequi debere, proindèque talem pro illo Missam celebrare qualem postulauit: non tamen peccare si ex iusta aliqua causa Missam celebret aliam ab illa; exempli gratiâ si postulauit vt celebraret pro defunctis, & illo die incidat festum alicuius Sancti duplex, vel semiduplex, aut etiam simplex, poterit Sacerdos Missam illius festi celebrare, quamuis enim Missa propria defunctorum aliqua ratione ipsis defunctis magis prosit, propter orationes, & preces ad hunc finem ab Ecclesia institutas, si tamen consideretur, vt sacrificium æqualiter prodest; imò illarum orationum defectus

DE SACRIFICIO MISSÆ. 101

defectus satis suppleri censetur deuotione celebrantis, & intercessionem illius Sancti cuius Missa celebratur. Ita Nauarrus, Suarez, Tole- tus & plures alii, quos citat & sequitur Bonacina dis. 4. quæst. ult. de sacrificio Missæ punct. 9. §. 3.

Quod verò ad locum spectat, debet Sacerdos in eo celebrare, quem designauit is qui stipendium dedit, nisi necessitas aliqua aut rationabilis causa excuset: & similiter quoad tempus, debet quam- primùm potest obligationi suæ satisfacere. Vnde Bonacina suprà §. 5. dicit peccare Sacerdotes qui sunt notabiliter in mora celebrandi; præsertim quando ex mora illa sequitur alteri præiudicium, vt si Missa quæ pro infirmo dicenda erat, ob nimiam dilationem non ni- si defuncto illo celebretur: quare cauere debent Sacerdotes, ne sti- pendia Missarum dicendarum nimis cupidè congerant, ex quarum dilatione conscientia ipsorum oneretur: In iis tamen locis in qui- bus sit populi concursus ob festum alicuius Sancti, vel aliquam de- uotionem, censentur illi qui postulant Missas, & stipendia offerunt, tacitè consentire in dilationem illam, quæ vt plurimum necessaria est, vt illorum & aliorum intentioni satisfiat: in quo tamen, qui eiusmodi stipendia recipiunt, curare debent, vt nihil ab ipsis fiat, quod iustitiæ, vel charitati repugnet.

§. VII.

*Applicationis à Sacerdote celebrante faciendæ facilis & optima
praxis proponitur.*

QUONIAM non rarò contingit Sacerdotes quosdam ex in- consideratione, aut alia de causa minus conuenienter huius diuini sacrificii vim & efficaciam applicare; ex qua tamen applica- tione, vt ex ante dictis constat, tanquam ex conditione necessaria vberiorum fructuum illius participatio maximè pendet, idcirco illis nec inutile nec ingratum fore existimauius, si ex iis quæ in superioribus Paragraphis dicta sunt, breuem aliquam & facilem huius applicationis faciendæ methodum seu praxim colligamus.

Cùm igitur diuinum hoc Sacrificium omnes quorumcumq; sacri- feriorum proprietates modo quodam excellentissimo in se complectatur; sitque Latreuticum, Eucharisticum, propitiatorium & impetra- torium, vt suprà explicauius, Sacerdos celebrans, illud secundùm has omnes eius proprietates applicare poterit, & ad hoc attentionem & intentionem suam dirigere.

Atque in primis illud offerre intendet ad supremum cultum & honorem condignum diuinæ Maiestati deferendū, offerendo ipsius- met Christi veri & naturalis Filii Dei demissionē, humilitatē, deuo-

tionem, adorationem, & alia similia religionis officia, quæ in hoc victimæ statu modo quodam inexplicabili Summæ Trinitati exhibet.

1. Secundò illud offerret ad gratias diuinæ Maiestati exhibendas pro tot & tantis beneficiis, siue in natura, siue in gratia. ingratissicet & immerentibus tempore præterito collatis, & in futurum præparatis & promissis, ac præcipuè pro inæstimabili Redemptionis humana per diuini Verbi Incarnationem & eius in carnè assumpta Passionem & mortem beneficio, cuius memoriam præsertim in hoc sacrificio recolit voluit ipse Christus Dominus; & expressis verbis in eius institutione præcepit.

Tertiò ad placandum diuinum numen tot & tantis sceleribus & peccatis quotidie & vbique offensum, ab eoquæ misericordiam ac pœnitentiæ gratiam pro eluendis ipsorum peccatorum maculis exorandam, nec non ad satisfactionem condignam pro iisdem peccatis eius iustitiæ exhibendam.

Quartò denique ad postulanda quæcumque beneficia tum spiritualia tum etiam temporalia, quatenus ad eius gloriam & salutem nostram conducere possunt; ad deprecanda quæcumque mala siue, præsentis tempore vexantia, siue in futurum impendentia.

Hæc autem præstabit Sacerdos primùm nomine ipsius summi Sacerdotis Christi Domini, intentionem suam illius intentioni perfectè conformando & submittendo: deinde totius Ecclesiæ nomine, omnimodam vim & efficaciam huius diuini sacrificii vniuersis illius membris applicando: tum Sanctis & beatis in cœlo, ad gratias de illorum victoriis & præmiis Deo exhibendas, præsertim quando in illorum honorem Missa celebratur, tum animabus in Purgatorio, ad pœnas eorum per satisfactoriam huius sacrificii vim subleuandas tum cunctis fidelibus viatoribus in terra, præsertimque illis quorum memoriam in Canone nominatim fieri præcipit, vt Summo Pontifici, Episcopo, Regi, adstantibus, &c. ad fructum huius Sacrificii participationem illis communicandam: Demum vt ipsius Christi & Ecclesiæ Minister: cui notabilis fructum illorum pars pro arbitrio dispensanda relicta est, applicabit eos in particulari tum sibi tum personis aliis siue viuis, siue defunctis, quibus ex obligatione tenetur, vel ex charitate & deuotione hoc pietatis officium impendere cupit, idque vt suo ac illorum nomine supremum patriæ ac religionis cultum Deo per Christum deferat, gratias pro omnibus beneficiis ac nominatim pro his vel illis exhibeat, veniam & gratiam pro omnibus peccatis ac peculiariter pro his aut illis exoret, ac denique vt bonâ quæcumque sibi necessaria aut vtilia impetret, præsertimque hæc vel illa, quatenus ad diuinam gloriam conducere possunt.

3 Ad euitandos autem scrupulos, qui circa huius particularis applicationis obligationem, vel modum suboriri possent, optimum aliquibus visum est, si post debitam applicationem iis factam, erga quos aliqua incumbit obligatio, Sacerdos illius sacrificii fructus aliis personis sibi charitate aut alia ratione peculiariter coniunctis aut commendatis communicare cupiens, intentioni suæ conditionem eiusmodi apponat, ut scilicet hanc illis communicationem velit & à Deo postulet, in quantum licitè, & secundum iustitiæ ac charitatis leges velle & postulare potest: sic enim tuta conscientia; & sine cuiusquam præiudicio poterit ex infinito illo & nunquam exhauriendo meritorum ac satisfactionum Christi Domini thesauro, cuius dispensator constitutus est, in alias personas partem aliquam deriuare, quæ ex summa & ineffabili Dei charitate ac misericordia nonnisi maxima & vberissima sperari potest.

§ VIII.

Explicantur reliqua quæ ad debitam huius sacrificij celebrationem requiruntur.

NON repetemus ea quæ variis sectionibus huius capituli dicta sunt de materia, forma, intentione, aliisque ad validam & licitam Eucharistiæ confectionem requisitis, nec non de dispositionibus ad ipsius dignam receptionem necessariis, quæque maximè quidem à Sacerdotibus exiguntur, ut diuinum hoc sacrificium debitè offerant; sed illis suppositis, subiungemus tantùm ea, quæ ex ipsius Ecclesiæ instituto ad conuenientem Missæ celebrationem requiruntur.

Dicendum igitur 1. ad debitam huius sacrificij celebrationem requiri tempus aptum, totum illud scilicet quod à primo auroræ crepusculo vsque ad meridiem excurrit, ut habetur cap. *Noſte*, & cap. *Es hoc*, de consecr. dist. 1. quare excepta festiuitate Natalis Domini, in cuius nocte sacrificatur, illicitum est aliis temporibus ante auroræ initium Missam celebrare, ut docet S. Thomas quæst. 83. art. 2. & cum illo communiter omnes: quod tamen Suarez disp. 80. sect. 4. & quidam alii Doctores, quos citat & sequitur Layman. tract. 5. de sacrif. Missæ cap. 4. ita explicant, ut ad euitandam culpam satis fore existiment, si Missa priuata ad initium auroræ finiatur.

Potest autem Episcopus in causa particulari dispensare, ut ante auroram celebrare liceat, multoque magis ipsemet tali facultate uti, sicut ex communi Theologorum consensu docet Ægidius Konink. quæst. 8. art. 2. dub. 4. vbi addit consuetudinem, quæ in quibusdam Galliæ, Belgii, ac Germaniæ locis viget, ut hiemis tempore aliquot

horis ante Solis ortum Missa inchoetur in gratiam operariorum & famulorum, reprehendi non debere, quando non contradicit Episcopus: quod etiam docet Nauarrus cap. 25. can. 85.

2. Simili ratione illicitum est Missam celebrare post meridiem, quæ est doctrina communis fundata in praxi & consuetudine ipsius Ecclesiæ, & roborata speciali constitutione Pij V. quæ incipit, *Sanctissimus*: Suarez tamen & alij, quos citat & sequitur idem Layman, supra, existimant ad culpam evitandam satis esse, si Missa inchoetur ante meridiem, vel saltem in ipso meridie.

3. Potest verò Episcopus ob iustam aliquam causam dispensare ut post meridiem celebretur, ut supra de anticipatione dictum est: imò in casu necessitatis etiam non petita Episcopi licentia, si ad illum facilis non detur recursus, celebrari poterit post meridiem: v. g. si infirmus viatico indigeat: si festo die publica Concio usque ad meridiem & ultra producta sit, licebit postea Missam priuatam inchoare, præsertim quando aliqui ex populo Missam non audierunt: item, si Sacerdos festo die ratione itineris impeditus fuerit ne ante meridiem celebraret, poterit post meridiem celebrare, ut docet Henriquez, Miranda, Suarez, & alij apud eundem Laymannum supra.

4. Dicendum 2. requiri locum idoneum, id est, ab Episcopo consecratum seu dedicatum, vel ab eodem aut alio ex eius licentia & facultate benedictum. Ita S. Thom. quæst. 83. art. 5. & habetur cap. *sicut*, & cap. *nullus* de consecr. dist. 1. ubi tamen excipitur casus necessitatis, exempli gratia in bello, quando Missa in castris pro exercitu dicenda est: in longa peregrinatione per loca infidelium; in maximo aliquo populi concursu quem Ecclesiâ capere non potest; & similibus casibus, in quibus tamen semper Episcopi licentia obtinenda est, si commodè ad illum recurri possit.

Ipsis autem Episcopis speciali privilegio indultum est, ut super Altari portatili ubiuis sacrificare vel sacrificanti adstare possint, non solum in casu necessitatis sed & ob solam deuotionem: quod etiam docet Suarez disp. 86. sect. 3. ex eorum tamen prudentia pendet prospicere, ut tales locos ad id eligant, in quibus nihil quod tanti mysterij sanctitati ac reuerentiæ minùs conueniens factum sit, aut faciendum videatur.

5. Monentur tamen iidem Episcopi in Conc. Trid. sess. 22. decret. de obseruandis in celebratione Missæ: *Ne patiantur priuatis in domibus, atque omnino extra Ecclesiâ & Oratoria ad diuinum tantum cultum dicata, ab iisdem Ordinarijs designanda & visitanda, sanctum hoc sacrificium à secularibus aut regularibus peragi.*

Porro neque etiam in Ecclesiâ consecrata celebrare licet, si violata aut polluta fuerit, nisi priùs reconcilietur, ex communi Ecclesiæ praxi

praxi constat. Tribus verò modis censetur Ecclesia pollui : Primo per homicidium aut violentam aliquam sanguinis humani effusionem , ex graui & notoria percussione facta in Ecclesia , vt habetur cap. *Proposuisti* , & cap. vlt. de consecr. Ecclesiæ : Secundo per illicitam & notoriam seminis humani intra Ecclesiam effusionem , vt habetur eodem cap. vlt. & cap. *Ecclesijs* de consecr. dist. 1. Tertio per sepulturam hominis nominatim excommunicati aut notorij Clericorum percussoris , item infidelis aut alicuius hominis non baptizati , etiamsi solummodo infans sit , vt habetur citato capite *Proposuisti* , & capite *Sacris* de sepulturis , & capite *Ecclesiam* de consecratione .

Est autem obseruandum discrimen inter Ecclesiam ab Episcopo consecratam , & illam quæ Episcopali autoritate tantum benedicta est illam enim solus Episcopus , hanc vero quilibet Sacerdos ex Episcopi commissione reconciliare potest , vt habetur c. *Aquam* , & c. vltim. de consecr. Ecclesiæ .

Si autem Ecclesia secundum maiorem sui partem destruat , quod Episcopus diiudicare debet ; ex. gr. si eius parietes ex maiori parte corruerint , non amplius in ea celebrare licet ; eaque reedificata non simplici reconciliatione , sed iterata consecratione seu dedicatione , aut saltem benedictione opus est , vt habetur c. *Ecclesijs* , de consecr. dist. 1. & c. *Ligneis* , de consecr. Ecclesiæ : vbi tamen declaratur consecrationem non amitti , si tecta solummodo aliaque opera lignea combusta sint illæis parietibus ; eo quod consecratio in ipsis præsertim parietibus fiat , quamuis in eiusmodi Ecclesia , quæ omni prorsus tecto careret , Missam celebrari non conueniat ob varios casus , qui aeris iniuria & ventorum agitatione accidere possent : tecto tamen illius instaurato , nulla neque consecratione , neque reconciliatione opuserit .

Dicendum 3. requiri Altare , quod lapideum esse debet & ab Episcopo consecratum , vt habetur c. *Altaria* , de consecr. dist. 1. Est autem duplex Altare ; vnum portatile , alterum fixum & stabile , inter quæ hoc discrimen intercedit , quod illud per se consecratur , hoc vero non nisi quatenus basi affixum est : Vnde sequitur quod Altare portatile quocumque deferatur , non amittat consecrationem , fixum verò amittat , si ab interiori structura & basi amoveatur , vt habetur cap. *Simorum* , de consecr. dist. 1. & c. *Ligneis* , de consecr. Ecclesiæ . Illud vero vtrique Altari commune est , quod notabili fractione consecrationem amittat ; quando scilicet talis est , vt in illo calix cum patena amplius consistere non possit : item violatione sigilli seu loculi quo reliquiæ Sanctorum conditæ sunt ; quod quamuis aliqui Theologi negent , asserantque reliquias illas ad consecra-

tionem Altaris non esse absolutè necessariam; spectata tamen consuetudine ipsius Ecclesiæ, quæ initio Missæ hanc orationem à Sacerdote ad altare ascendente, illudque osculante recitari voluit: *Oramus te Domine per merita Sanctorum tuorum, quorum reliquie hic sunt, &c.* probabilius est, & in praxi tenendum eiusmodi sigilli violatione consecrationem altaris amitti; proindeque iterùm esse consecrandum; quod apertè colligitur ex cap. 1. de consecrat. Eccl. ubi dicitur quod, *Si lapis ille qui sigillum continet, confractus fuerit aut etiam diminutus, debet Altare denud consecrari*; & ita docet Durandus in Rationali lib. 1. c. 6. Angelus verbo *Altare*, §. 2. & alij communiter.

9 Dicendum 4 in Altari dum Missa peragitur, necessaria esse quædam ornamenta, quæ in Rubricis Missalis enumerantur: in primis tres, aut saltem duas mappas, aut ad minùs vnâ duplicatam, vt tradit Suarez disp. 31. sect. 6. & Tolet. lib. 2. cap. 2.

Secundò corporale, quod equidem non sericum, aut auro aliave materia intertextum, sed purè lineum ac simplex esse debet: Similiter & pallam, quæ Calici superponitur, & pars quædam corporalis esse censetur, sicuti colligitur ex antiqua consuetudine, secundùm quam corporale etiam calicem cooperiebat, vt obseruat Scotus lib. 1. de sacrificio cap. 5. quæ palla etiam lineæ & simplex esse debet, saltem ex ea parte qua calicem contingit: & vtrumque ab Episcopo aut alio facultatem habente benedictum esse oportet. Ita docet S. Thom. q. 83. a. 3. ad 7. & 8. & habetur cap. *Consulto* de consecrat. dist. 1. Quamuis autem de mapparum benedictione nihil in iure decretum reperiatur, Ecclesiæ tamen consuetudo id etiam exigit, vt docet Azor. lib. 10. cap. 28. qu. 8.

Tertiò calicem & patenam ex materia aurea vel argentea, aut saltem stannea, non verò lignea, lapidea, ferrea, aut vitrea, vt docet S. Thom. q. 83. art. 3. ad 6. & habetur cap. *Vasa* & cap. *ut calix* de consecr. dist. 1. debent autem calix & patena esse ab Episcopo consecrata, vt habetur cap. *unico* de sacrâ vñctione, & constat ex vsu & consuetudine ipsius Ecclesiæ. Adiungitur purificatorium lineum & mundum ad ipsum calicem abstergendum; velum item sericum, quo calix & pars anterior corporalis tegi solet.

Quartò Missale approbatum, secundùm vsu quem in celebrando quisque sequi tenetur: communis enim Doctorum sententia est, ac præsertim Nauarri cap. 35. num. 84. Syluestri verbo *Missæ*, Azorij, cap. 28. qu. 4. Tolet. lib. 2. c. 2. Sacerdotem illum peccaturum mortaliter, qui celebraret absque libro, in quo saltem canon Missæ contineretur, quamuis quæ dicenda essent memoriter teneret.

Quintò lumen, vt constat ex cap. *ultimo* de celebratione Missarum;

rum;

rum : dicit autem Tolet. loco citato duas candelas accensas aut saltem vnam requiri : ita vt sine lumine celebrare existimet esse peccatum mortale : quamuis autem absolute loquendo necessarium non sit ex præcepto vt candelæ illæ sint ceræ, possitque lumen ex oleo, ita postulante necessitate, adhiberi, vt docet Suarez dist. 81. sect. 6. standum est tamen communi Ecclesiæ consuetudini, nec nisi candelis ex tera communiter vtendum est.

Sextò imaginem Crucifixi, quæ secundum regulas Missalis Altari superponi debet, ad cuius pedes reponi solet tabella secretorum, quam vulgò canonem vocant.

7 Dicendum 5. requiri præterea vestes sacras, quibus Sacerdos celebrans indutus esse debet : sunt autem sex, amictus scilicet, alba, cingulum, manipulus, stola, & casula : quas quidem vestes mundas & integras, atque ab Episcopo aut alio facultatem habente benedictas esse oportet. Ita vt Toletus loco citato & plures alij æstiment esse peccatum mortale, cum vestibus minimè benedictis aut notabiliter immundis, vel laceris celebrare : quod & similiter de corporalibus intelligendum est.

Quæres 1. quandiù vasa & lintheamina sacra consecrationem vel benedictionem retineant ? Respondetur de vasis, tamdiu consecrationem retinere, quandiu integra perseverant : amittere verò si notabiliter fragantur aut diuidantur : ita vt formam & quantitatem, quæ ad conuenientem & proportionatum eorum vsum necessaria est, ampliùs non retineant. Ita Ledesma tract. de Sacram. Euchar. cap. 2. vbi addit calicem & patenam, quamuis pristina formam retineant, amittere tamen consecrationem, si de nouo deurentur ex ea parte qua corpus & sanguinem Christi contingūt, proindeque de nouo consecrari debere. De vestimentis autem aut lintheaminibus sacris docet Azorius libro 10. capite 28. quæst. 9. illa tunc amittere benedictionem, quando ita franguntur aut dissoluntur : vt ad id ampliùs apta non sint, ad quod Ecclesiæ benedictione destinata fuerant.

8 Quæres 2. an liceat omnibus sacra vasa & vestes contingere. Respondetur 1. vasa & lintheamina sacra, calicem scilicet, patenam, corporale & ciborium, dum in illis continetur corpus & sanguis Christi à nemine præterquam à Sacerdote vel Diacono sine graui culpa tangi non posse. Ita Suarez, Paludanus, & alij apud Laymannum tr. 5. de Sacrif. Missæ, c. 6. & habetur ex c. *Non oportet*, dist. 23.

Respondetur 2. eadem lintheamina & vasa sacra : etsi vacua sint contrectari aut tangi non debere ab ijs qui sacris Ordinibus non sunt initiati, vt habetur cap. *In sancta*, de consecrat. dist. 1. huius tamen præcepti Ecclesiastici transgressionem (si contemptus absit.) culpam venialem non excedere docet Suarez, Azorius, Sotus, & alij apud

apud Laymann, *suprà* : imò si rationabilis causa suadeat, nulla erit culpa, ut ibidem docet.

Vbi autem consuetudo viget, ut corporalia & pallæ ac purificatoria à personis laicis, præsertimque sæminis Deo sacris munden-
tur, priùs à Sacerdote vel Diacono in pelui lauari debent, & aqua
lotionis in piscinam effundi, vel in ignem proiici.

Porrò alias vestes benedictas & reliqua Altaris ornamenta, quæ
neque chrismate vincta sunt, neque corpus Domini aut sanguinem
immediatè attingunt, cum reuerentia tangere omnibus etiam laicis
cõcessum est; verùm ad prophanos vsus adhibenda non sunt, quamuis
vetustate consumpta sint; sed potiùs igni absumenda, ut dicitur ca-
pite *Ligna*, & capite *Altaris de consecr. dist. 1.*

9 Dicendum 6. requiri Ministrum qui Sacerdoti celebranti infer-
uiat, ut habetur cap. *Hoc autem*, de consecr. dist. 1. & cap. *Proposuit*,
de filiis Presbyterorum. Hic autem Minister debet esse vir, non fœ-
mina, ut habetur cap. 1. de cohabitatione Clericorum ac mulierum :
imo Suarez disp. 87. sect. 1. & Sotus disput. 13. quæst. 2. art. 5. arg. 12.
fatius esse arbitrantur, si vrgeat necessitas; & Missam absque Mini-
stro celebrare, quàm fœminam ad Altare respondentem, aut vrceo-
los porrigentem adhiberi; nihil tamen obitare videtur quominùs
fœminæ præsertim sanctimoniales, ex loco remoto sacrificanti res-
pondeant, ut ibidem dicit Suarez, & vsus Ecclesiæ in Monasterijs
declarat.

Est autem obseruandum, Sacerdotis celebrantis pedes calceatos
esse debere, ob maiorem honestatem & decentiam, ut docent Syl-
uester, Ricardus, & alij apud Petrum Ledesma tract. de Euchar.
capite 10. caput vero apertum & nudum, ut habetur cap. *Nullus*, de
consecrat. dist. 1. Azorius tamen, & alij quos citat Laymannus c. 5. de
sacrificio Missæ, cap. 6. existimant Episcopum posse ob causam ali-
quam rationabilem, v.g. infirmitatis, dare licentiam sacrificandi ca-
pite aperto amictu vel pileolo, præsertim vsque ad Canonem : imò
si causa ita celebrandi manifesta sit, tali dispensatione non esse opus
docent Nauarrus, Syluester, & Henriquez apud eundem Layman.
dummodo nullum inde scandalum oriatur, & necessitas celebrantis,
v.g. ob infirmitatem, senectutem, loci frigus, &c. ab vnoquoque
adstantium faciliè dignosci possit.

Supereſt vna difficultas hic soluenda, nimirum quoties Sacerdos
Missam celebrare teneatur. Respondetur cum distinctione: si enim
de Parocho aut alio beneficiato sermo sit, toties celebrare tenetur,
vel per se, vel saltem per alium, quoties requiritur ut officio suo
vel obligationi satisficiat : Si vero de Sacerdote generatim hoc
queratur, abſtrahendo ab alijs obligationibus specialibus; nihil
apertius responderi potest quàm id, quod habetur in Concilio Tri-
den-

dentino sess. 23. capite 14. ubi dicit Episcopum curare debere, *ut Sacerdotes saltem* (quod verbum notandum est) *diebus Dominicis & festis solemnibus: si autem curam animarum habuerunt, tam frequenter ut suo muneri satisfaciant, Missas celebrent:* ex quibus Concilij verbis merito infertur maximè congruum esse ac decens, ut Sacerdos quantum fieri potest, quotidie sanctissimum illud Sacrificium offerat: quam quidem praxim ut piam & religiosam laudant SS. Patres, ac præsertim S. Cyprianus libro 1. Epist. 2. S. Ambrosius, orat. in funere fratris, S. Hieronymus, lib. 1. aduersus Iovinian. S. Syricius Papa in Epist. ad Himerium cap. 7. S. Innocentius in Epist. ad Exuperium, S. Chrysostomus homil. 17. in Epist. ad Hebræos: quibus addere possumus Ioannem Gersonem part. 2. operum tract. de præparatione ad Missam.

II Monet tamen idem Concilium sess. 22. in decret. de obseruandis ac euitandis in celebratione Missæ, *Omnam operam & diligentiam in eo ponendam esse, ut quanta maxima fieri potest interiori cordis munditia & puritate atque exteriori deuotionis ac pietatis specie, hoc diuinum atque tremendum Mysterium peragatur:* Ideoque decernit, ut Episcopi ea omnia prohibere atque à medio tollere sedulo curent ac teneantur, quæ vel auaritia, Idolorum seruitus; vel irreuerentia, quæ ab impietate vix seiuncta esse potest; vel superstitio vera pietatis falsa imitatrix inluxit.

Atque ut multa paucis comprehendantur, in primis quod ad auaritiam pertinet, cuiusvis generis mercedum condiciones, pætae & quidquid pro Missis nouis celebrandis datur, nec non importunes atque illiberales elemosynarum exactiones potius quam postulationes, aliæque huiusmodi, quæ à simoniaca labe, vel certè à turpi quaestione non longè absunt omnino prohibeant:

Deinde ut irreuerentia vitetur, singuli in suis Diocæsi-bus interdicant, ne cui uago & ignoto Sacerdoti Missas celebrare liceat: neminem præterea, qui publicè & notorie criminosus sit, aut sancto Altari ministrare, aut sacris interesse permittant; neve patiantur priuatis in domibus atque omnino extrà Ecclesiam & Oratoria ad diuinum tantum cultum dedicata, ab iisdem Ordinarijs designanda & visitanda, sanctum hoc Sacrificium à secularibus aut regularibus quibuscumque peragi; ac nisi prius qui interfuit, decenter composito corporis habitu declarauerint se mæte etiam ac deuoto cordis affectu, non solum corpore adesse. Ab Ecclesijs verò masculinis, ubi sine organo, sine cantu lasciuum aut impurum aliquid miscetur; item saculares omnes actiones, vana atque ated prophana colloquia, deambulationes, strepitus, clamores arceant: ut domus Dei verè domus orationis esse videatur ac dici possit.

Postremo ne superstitioni locus aliquis detur, edicto & poenitentia pro po-

110 DE SACRIFICIO MISSÆ.

propositis caueant, ne Sacerdotes alijs quàm debitis horis celebrent, nenerint alios aut alias ceremonias, & preces inter Missarum solennia adhibeant, præter eas quæ ab Ecclesia probata ac frequentè & laudabili usu receptæ fuerint: quarundam verò Missarum & candelarum numerum, qui magis à superstitioso cultu quàm à vera religione inuentus est, omnino ab Ecclesia remoueant, doceantque populum quis sit, & à quo potissimum proueniat sanctissimè huius Sacrificij tam pretiosus ac celestis fructus: moneant etiam eundem populum ut frequenter ad suas Parochias saltem diebus Dominicis & maioribus festis accedant.

CAPVT QVINTVM.

De Sacramento Pœnitentiæ.

SECTIO I.

Quid nomine Pœnitentiæ intelligatur.

PŒNITENTIÆ nomen in duplici sensu à Theologis sumi solet: primò pro virtute morali infusa, cuius proprius actus est detestari peccatum, ac de illo commisso dolere, non modò quatenus rectæ rationi aduersatur, sed præsertim quatenus est offensæ quædam & iniuria Deo illata; cum proposito emendandi ac reparandi offensam illam & iniuriam, ipsique Deo satisfaciendi. Ita S. Doctor 3. part. quæst. 85. art. 1. 2. & 3. de hac pœnitentiæ virtute frequens mentio reperitur in scripturis, fuitque, ut loquitur Concil. Trident. sess. 14. cap. 1. *uniuersis hominibus, qui se mortali aliquo peccato inquinassent, quouis tempore ad gratiam & iustitiam assequendam necessaria.*

Secundò, nomen Pœnitentiæ sumitur pro vno ex Sacramentis nouæ Legis; id est pro ritu aliquo externo sensibili diuinitus instituto quosdam hominis pœnitentis & Ministri absoluentis actus complectente, quo ab hoc ille Deo reconciliatur, & à peccatis post Baptismum commissis absoluitur.

2 Primus, qui huius Sacramenti veritatem impugnauit, fuit Nouatus Episcopus Africanus, qui exinde Romam veniens Nouatianum Presbyterum & alios quosdam seduxit, & in suas partes traxit, ut fufius declarat Baronius ad annum Christi 254. num. 66. vb
refert

refert ipsum Nouatum eiusque gregales primū in Africa aduersus sanctum Cyprianum schisma conlatis, eo quod in lapsis Ecclesie reconciliandis nimis rigidum se præberet. Postea mutata facie (quod recte obseruat idem Baronius, peculiare esse omnium Hæreticorum atque Schismaticorum, nunquam scilicet perflare in eadem sententia, sed pro loco & tempore nouas induere formas) in Sanctissimum Pontificem Cornelium turbas Romæ concitasse, eo quod lapsos poenitentes in Ecclesiam reciperet, eisque beneficium absolutionis impertiret, ut eum prætextu illo à Sede Romana deturbarent, & Nouatum fasu & ambitione tuentem in illam, per fas nefasque intruderent; eoque tandem deuenit ipse Nouatus, ut negaret ullam Sacerdotibus nouæ legis ad remittenda peccata post Baptismum commissæ traditam esse à Christo potestatem: verum ipsius Nouati sectatores postmodum ab eo desceuerunt (quod Lutheranis, Calvinistis & alijs à veritate dissidentibus familiare est, nimirum ut ab Authoribus & Patriarchis sectarum suarum, ubi fraus illorum patefcere incipit, paulatim se subducant, & alia dogmata profiteri subinde incipiant, donec ab illis etiam ad alia transfugere veritatis armis oppressi cogantur) cum enim ipsius Nouati asseclæ præfatam magistri sui hæresim propugnare non possent, illam temperare voluerunt, admittentes quidem aliquod remedium, quo virtute clauium Ecclesia remittere posset leuiora peccata, non tamen grauiora & atrociora, quod testatur S. Ambr. lib. de Poenit. c. 3. ubi de illis Hæreticis sic loquitur; *Aiunt se exceptis grauioribus criminibus, relaxare veniam lenioribus, non hoc quidem authore erroris Nouatus, qui nemini dandam poenitentiam putauit.*

Errorem illum ab Ecclesia proscriptum, ut testatur Cyprianus Ep. 52. & 54. & iam obsoletum recentiores Hæretici denuo renouare conati sunt, ut videre est apud Bellarminum lib. 1. de Poenit. cap. 9. negantes sacrum illum ritum, quo Ecclesia Catholica in reconciliandis poenitentibus post Baptismum lapsis utitur, esse Sacramentum à Christo Domino institutum, aut ullam inesse Sacerdotibus ad peccata remittenda iudiciariam potestatem: cuius quidem erroris falsitas & simul Catholici dogmatis veritas plenius constabit ex ijs quæ sequenti sectione dicentur.

SECTION II.

Poenitentiam esse verum & propriè dictum nouæ legis Sacramentum contra Hæreticos demonstratur.

PRAETER autoritatem vniuersæ Ecclesiæ, quæ tum in Concilio Florentino, in decreto Eugenij, tum in Trident. sess. 14.

sess. 14. can. 1. hoc dogma tanquam certissimum ac fide credendum definiuit, erroremque oppositum anathemate percussit; probari potest eiusdem dogmatis veritas varijs testimonijs SS. Patrum fusè relatis à Iudoco Cocci. tomo 2. thesauri lib. 7. art. 1. & seq. duo vel tria hic illustriora proferemus. Primum est S. Ambrosij lib. 1. de Pœnitent. cap. 7. *Cur baptizatis, inquit, si per hominem peccata dimitti non licet? &c. quid interest utrum per Pœnitentiam aut per Lavacrum hoc ius sibi datum Sacerdotes sibi vindicent?* quibus verbis æqualem vim ad peccata remittenda Sacerdotibus, siue Baptismum conferendo, siue Pœnitentiæ sacramentum administrando tribuit. Secundum est sancti Chrysostomi libro 3. de sacerdotio, ubi postquam potestatem ad peccata remittenda quæ sacerdotibus collata est, contulit cum potestate eorundem ad conficiendam Eucharistiam: postea conferens eandem cum potestate baptizandi: *Neque enim, inquit, solum cum nos regenerant, sed etiam postea à condonandorum nobis peccatorum potestatem obtinent.* Tertium S. Petri Chrysologi serm. 84. *Ubi sunt, inquit, qui per homines non posse peccata remitti præscribunt? &c. remittit Petrus peccata, & toto cum gaudio suscipit pœnitentes, atque omnibus Sacerdotibus hanc à Deo concessam amplectitur potestatem.*

2. Probari præterea potest eadem veritas ex his Christi Domini verbis S. Ioan. 20. *quorum remisistis peccata remittuntur eis, & quorum retinueritis retenta sunt*, ex quibus duo colliguntur, primum est, ritum aliquem externum à Christo Domino institutum esse, quo Apostoli eorumque in sacerdotio successores de peccatis iuridicè cognoscerent, eaque sic cognita vel remitterent, vel retinerent, idque (ut fit in iudicijs humanis) verbo aliquo manifestarent. Secundum est, huic ritui divinitus instituto adiunctam esse promissionem gratiæ sanctificantis: quod satis indicant verba illa *Remittuntur eis*; eum hæc peccatorum remissio nonnisi per gratiæ sanctificantis infusionem fiat, ut constat ex ijs quæ in priori huius operis parte in tractatu de Gratia dicta sunt: unde patet Pœnitentiam esse ritum externum à Christo Domino institutum, quo gratia confertur: ac proinde esse Sacramentum: & eo sensu verba illa Christi Domini intellexerunt sanctus Cyprianus in sermone de lapsis, sanctus Basilius in Epist. ad Amphilochem, sanctus Athanasius hom. in illa verba; *Ite in castellum*, & S. Thomas in comment. super c. 16. S. Matth. ubi tres errores super illorum verborum explicatione vitandos esse monet. Primus est eorum qui opinati sunt, Sacerdotes posse quemlibet pro arbitrio solvere aut ligare, peccata remittere aut retinere, quod falsum est: his enim verbis Christus vices sua tantummodo demandavit Sacerdotibus, ut facerent quod ipse factururus fuisset, si visibilis in terra manere voluisset; proinde-
que

que ut peccata emitterent vel retinerent, non pro libito; sed pro ut ipse remisisset aut. retinisset, quod ab Ecclesiæ sensu discere debent.

3 Secundus error est soluere aut ligare nihil esse aliud quam pœnitentem solutum aut ligatum declarare: verum si hoc ita esset, Christus Dominus potius dicere debuisset: *quæcunque soluta erunt in cælis: soluetur super terram*, cum è contratio dixerit: *quæcunque soluetis super terram, soluta erunt in cælis*. Et hîc error proscriptus etiam fuit in Concilio Tridentino sessione 14. canone 9.

Tertius denique error est, Sacerdotem, antequam absolutionis verba proferat, supponere debere pœnitentem per contritionis actum à culpa peccati & æternæ pœnæ reatu iam factum esse liberum; proindeque absoluendo illum tantummodo à pœna temporali, quæ plerumque peccato quoad culpam remisso luenda superest, non tota quidem, sed aliqua eius parte illum eximere. Verum quam falsa & aliena sit à vero & genuino verborum Christi Domini sensu, hæc verborum illorum expositio, satis per se manifestum est: quis enim dicat remittere peccata, nihil aliud esse, quàm ipsa peccata iam remissa supponere, solummodo aliquid de pœna temporali peccatis quoad culpam remissis debita minuere?

4 Obijcies, in Sacramentis nouæ Legis pro materia requiri rem aliquam sensibilem; nullam autem eiusmodi materiam in Pœnitentia reperiri; proindeque non esse Sacramentum.

Respondetur actus penitentis esse materiam Sacramenti Pœnitentiæ, ut infra dicitur; actus autem illos esse sensibiles vel per se, vel per aliquid aliud; confessionem quidem per se, cum Sacerdotis auditu percipitur; contritionem autem per humiliationem externam genuflexionem, lacrymas, & alia eiusmodi signa exteriora, atque etiam per ipsammet confessionem.

Quæres an Pœnitentiæ Sacramentum sit ad salutem necessarium? Respondetur affirmatiuè, idque non modo necessitate præcepti, de qua suo loco agetur, sed etiâ mediæ, quod satis expressè declarauit Conciliū Trident. sess. 14. cap. 2. vbi dixit, *Sacramentum Pœnitentiæ lapsis post Baptismum ad salutem necessarium esse, ut nondum regeneratis ipse Baptismus*. Est autem necessarium vel in re, vel saltem in voto: ita ut, quamuis peccator aliquando per actum perfectæ contritionis Deo reconcilietur, ipsa tamen reconciliatio, ut loquitur idē Concilium, *ipsi contritioni sine Sacramenti voto quod in illa includitur, nō est adscribenda*. Eatenus autē votū huius Sacramenti, in perfectæ contritionis actu includi censetur, quatenus qui perfectè cōteritur, ita dispositus est, ut absolutè velit seruare præcepta omnia sub mortali obligatione, ita nullū sit, de quo si actu cogitaret, illud adimplere nō vellet: atqui datur præceptū diuinū & Ecclesiasticum.

cum, ut infra explicabitur confitendi peccata omnia mortalia post Baptismum commissa, eaque clauibus Ecclesiæ subiiciendi: vnde sequitur peccatorem perfecte contritum ita esse dispositum, ut peccata sua confiteri, & clauibus Ecclesiæ subijcere expressa vel tacita, seu interpretatiua intentione velit.

SECTIO III.

Qua sit materia Sacramenti Pœnitentiæ.

SUPPONIMVS iuxta doctrinam S. Thomæ, q. 84. art. 2. in Sacramento Pœnitentiæ, sicut & in aliis nouæ Legis Sacramentis duplicem materiam esse distinguendam, remotam scilicet & proximam: iuxta quam distinctionem

Dicendū 1. materiam remotam Sacramenti pœnitentiæ esse peccata actualia post actuale Baptismi susceptionem commissa. Ita S. Thomas cit. a. 2. & cum eo communiter omnes. Ratio est, quia Sacramentum Pœnitentiæ versatur circa peccata; vnde sequitur quod eius sint materia: dici autem non potest quod sint materia proxima, cum illa sit pars ipsius Sacramenti, quæ simul cum eius forma ad producendam gratiam suo modo concurrere debet; quod peccatis nullo modo conuenire potest: vnde sequitur quod sint tantum materia remota.

Sunt autem hic aliqua obseruanda circa remotam illam Pœnitentiæ materiam. Primum est, peccata illa eatenus dici huius Sacramenti materiam, quatenus per Pœnitentiam destruuntur & abolentur; sicut lignum dicitur ignis materia, quia per illum consumitur; quo exemplo vtitur Catechismus Romanus Part. 2. cap. 5.

Secundum est, sola peccata post realem Baptismi susceptionem admissa, esse remotam huius Sacramenti materiam: quod satis expressè declarauit Concilium Tridentinum sess. 14. c. 1. & 2. Ratio est, quia sola ea peccata sunt eius Sacramenti materia, quæ ab illis commissa sunt, in quos Sacerdos tanquam iudex potest ferre sententiam: at *Ecclesia*, ut loquitur Conc. Trid. cit. cap. 2. *in neminem iudicium exercet, qui non prius in ipsam per Baptismi ianuam fuit ingressus.*

2. Tertium est, peccata omnia post Baptismum commissa, siue mortalia, siue venialia, esse materiam huius Sacramenti; cum de omnibus confessio fieri possit à pœnitente, & à Sacerdote absolutio conferri, ut satis constat ex generali & illimitata potestate remittendi quæcunque peccata, quam Christus Dominus Apostolis eorumque in sacerdotio successoribus concessit. Et hoc etiam intelligi debet de peccatis iam in confessione declaratis, & per Sacerdotis absolu-

solutionem remisit, ut docet S. Tho. in 4. dist. 17. q. 3. a. 3. qu. 5. ad 4. & dist. 18. qu. 1. a. 3. qu. 2. ad 4. & post illum Paludanus Maior, Medina, Suarez, & alij apud Laymannum tract. 9. c. 3. de Sacram. Pœnitent. & demonstrat usus in Ecclesia receptus & approbatus confessiones generales instituendi, in quibus peccata iam antea confessâ & remissâ declarantur; & clauibus iterum subiiciuntur: & hanc praxim non solum in confessionibus generalibus, sed & in alijs peccata aliqua iam confessâ & remissâ iterum declarandi Nauar. tanquam Sanctam & piam laudat, si deuotionis causa cum conscientia quiescat.

3 Dices, peccata illa iam remissa fuisse, & ex consequenti esse deleta & abolita; proindeque materiam huius Sacramenti esse non posse, cum amplius deleri & aboleri non possint.

Respondetur, peccata illa eatenus esse huius Sacramenti materiam quatenus actus pœnitentis circa illa versari possunt; id est quatenus pœnitens potest illa detestari, confiteri, &c. sicque materiam proximam huius Sacramenti subministrare, quæ simul cum forma illius proprium effectum producat, scilicet gratiam sanctificantem, per quam peccata illa formaliter delerentur & abolerentur, nisi iam deleta & abolita forent.

Quartum est, hanc esse differentiam inter peccata mortalia & venialia, quod peccata mortalia sint materia huius Sacramenti necessaria, id est quod non alia ratione quam per hoc Sacramentum in re vel in voto susceptum remitti possint; peccata autem venialia sint tantum materia sufficiens, id est quod *quanquam rectè & vtiliter*, ut loquitur Concilium Tridentinum sess. 14. cap. 5. *cirraque omnem præsumptionem in confessione dicantur quod piorum hominum usus demonstrat, taceri tamen citra culpam, multisque alijs remedijs expiari possint.* Addit Nauarrus c. 2 l. nu. 3. ijs qui per diuinâ gratiam mortalibus non implicantur, vtile esse sæpius peccata venialia confiteri; quia per id augetur gratia, pœna Puigatorii minuitur, propositum nunquam peccandi mortaliter renouatur, & habitus peccandi venialiter diminuitur.

4 Dicendum 2. materiam proximam huius Sacramenti esse hos tres actus pœnitentis, scilicet contritionem (sumpto generatim hoc nomine, pro ut etiam attritionem complectitur) confessionem, & satisfactionem. Ita S. Doctor quæst. 84. art. 1. & expressè definitum habetur in Concilio Florentino, in decreto Eugenij, & in Trident. sess. 14. cap. 3. his verbis: *Sunt autem quasi materia huius Sacramenti ipsius pœnitentis actus, qui quatenus in pœnitente ad integritatem Sacramenti, ad plenamque & perfectam peccatorum remissionem ex Dei institutione requiruntur, hac ratione Pœnitentia partes dicuntur.*

Ex illis autem tribus Pœnitentiæ partibus S. Doctor cit. art. 2. & cum eo communiter alij Theologi asserunt contritionem & confessionem esse partes essentielles, satisfactionem vero esse tantum partem integram ipsius Sacramenti, quod etiam habetur in Catechismo Roman. part. 2. capite 5. contritionem enim & confessionem esse partes essentielles inde constat, quod sine illis, Pœnitentiæ Sacramentum nec fructuosum nec validum esse possit, ut ex infra dicendis constabit, satisfactionem verò esse tantum integram, quod absque ea, & validum & fructuosum esse possit, ut patet in pœnitente illo, cui in articulo mortis potest aliquando validè & fructuosè conferri absolutio, quamvis nulla pœnitentia iniungatur, & præterea eo quod satisfactio communiter post receptam absolutionem impleatur, ut dicitur infra: ex quibus cum habeatur illam non esse partem huius Sacramenti essentialem, sequitur ut sit solum integrans, id est quod hoc Sacramentum absque illa integrum & completum esse non possit: sicut licet pes vel manus non sit pars essentialis hominis cum absque pede vel manu verus homo esse possit; est tamen pars integrans, quia sine pede vel manu homo integer & completus esse non potest.

S E C T I O IV.

Quæ sit forma Sacramenti Pœnitentiæ.

FORMA Sacramenti Pœnitentiæ consistit in his verbis Sacerdotis pœnitentem absoluentis: *Ego te absolvo à peccatis tuis, in nomine Patris, & Filij, & Spiritus sancti.* Ita definitum habetur in decreto Eugenii, & in Concil. Trident. sess. 14. cap. 3. ubi dicitur *Formam huius Sacramenti in illis Ministri verbis positam esse: Ego te absolvo:* & hoc etiam docet S. Thomas qu. 84. art. 3. ex cuius doctrina quædam observatu digna colligit Isambertus ad cit. quæst. disp. 8. art. 2. & sequent.

Primum ad validitatem huius Sacramenti necessariò requiri ut illa absolutionis verba pronuncientur voce Sacerdotis, neque ad hoc satis esse si scripto tradantur: cuius quidem rei nulla melior ratio afferri potest, quam ipsa Christi Domini institutio, quæ nobis per Ecclesiæ praxim innotescit: Hæc autem verborum prolatio debet à Sacerdote fieri præsentem ipso pœnitente, absolutio enim absenti conferri non potest, ut declaravit Clemens VIII. speciali suo decreto; quod refertur à Laymanno tract. 6. cap. 3. de Sacram. Pœnit.

Secundum est, quod quamvis Sacerdos in huius Sacramenti administratione verba omnia suprà relatâ proferre, imo & alias preces, quæ ex Ecclesiæ instituto ante & post absolutionem recitandæ sunt adiun-

adiungere debeat : nisi fortè aliqua necessitas aut causa rationabilis excuset, vt in Rituali declaratur, nihilominus ad essentiã absolutionis seu formæ huius Sacramenti, ex probabiliori Theologorũ sententia hæc sola verba pertinent, *Ego te absoluo*, vel *Absoluo te* quæ quoad sensum idem significant. Atque in primis quod expressio Sanctissimæ Trinitatis non requiratur essentialiter in hoc Sacramento sicut in Baptismo, docet S. Thomas, & probat ex eo quod Christus Dominus hoc Sacramentum instituens nullam Sanctissimæ Trinitatis sicut in institutione Baptismi mentionem fecit. Quod item hæc verba, à *peccatis tuis* ad eiusdẽ formæ essentiã non pertineant, constat ex eiusdem S. Thomæ doctrina cit. art. 3. ibid. vbi pro legitima huius Sacramenti forma hæc verba tantum ponit : *Ego te absoluo* ; quia tamen Ioannes Maior, Petrus Sotus & aliqui alij graues Theologi existimauerunt verba illa : à *peccatis tuis*, ad essentiã formæ pertinere, nihilque ab Ecclesia super hac re definitum est, ideò tutius erit nunquam illa omittere, præsertim cum ex Ecclesiæ præscripto proferri debent.

Tertium est impositionem manuum in hoc Sacramento, vt docet S. Thomas art. 4. esse tantum ex Ecclesiæ instituto, ad Sacramenti rationem pertinere ; quamuis cæremonia illa, sicut & quæuis alia ex Ecclesiæ vsu aut statuto aliquo in administrandis Sacramentis præscripta non debent omitti.

Quartum est, absolutionis formam modo deprecatorio prolata, esse inuálidam, vt ex eodem S. Doctore a. 3. constat: est enim hoc Pœnitentiæ Sacramentum ad instar iudicij institutum, cuius verba debent esse absoluta, non deprecatoria : non enim dixit Christus Dominus : *Peccata illorum pro quibus oraueritis, remittentur eis*, sed simpliciter & absolute, *Quorum remisistis peccata, remittuntur eis* : Vnde si quis pœnitentem absolueret dicendo : *Absoluat te Deus*, nihil efficeret.

2 Quintum est, conditionem de futuro huius Sacramenti formæ appositam, reddere illam insufficientem & nullam ; quia talis conditio suspenderet ipsius formæ significationem & effectum, proindeque in causa esset cur absolutio illa irrita & nulla existeret. Imo Petrus de Ledesma tract. de Pœnit. cap. 3. dicit grauißimum sacrilegium ab illo Sacerdote committi, qui eiusmodi conditionem de futuro absolutioni apponeret : v.g. si diceret : *Ego te absoluo, dummodo rem ablatam intra decem dies restituas*, aut quid simile.

Quod autem spectat ad alias condiciones de præterito vel præsentī, quamuis non reddant absolutionem inuálidam, cum eius significationem aut effectum non suspendant : nihilominus sine rationabili aliqua causa aut necessitate apponi nõ debent: putã cū Sacerdos

ad moribundum absoluendum accedens, non nisi dubia & incerta contritionis signa in eo deprehendit: tunc enim potest, imo debet absolutionem illi conferre sub hac conditione, tacita vel expressa; *Si tu es absolutionis capax*, vt docet Isambertus disp. 18. de Sacram. Pœnit. art. 10. & Gammachæus cap. 21. de eodem Sacram. Pœnit. §. 1. in fine: similiter quando Sacerdos dubitat, vtrum pœnitens plenum ac perfectum rationis vsum habuerit necne, quando peccata in confessione declarata commisit, v. g. quando puer in primo rationis crepusculo ad Sacramentum Pœnitentiæ accedit: tunc enim secundum communem omnium Doctorum consensum, vt loquitur Ledesma supra, licitè poterit Sacerdos dicere in absolutione: *Si peccasti, ego te absoluo &c.* additque idem de similibus & alijs casibus esse dicendum.

Quæres quis sit verus & proprius sensus illorum verborum: *Ego te absoluo*. Quorundam antiquorum Scholasticorum opinio fuit verborum illorum sensum hunc esse: *Ego declaro peccata tibi à Deo esse remissa*, sicque absolutionem Sacramentalem nihil aliud esse, quàm declarationem remissionis peccatorum ipsi pœnitenti à Deo facta; quam quidem opinionem non satis cum fidei veritate cohærere docet Isambertus disp. 8. de Sacram. Pœnit. art. 12. maximè ob contrariam definitionem Concilij Trident. sess. 14. cap. 6. can. 9. vbi anathema profert in eum qui dixerit *Absolutionem Sacerdotis esse nudum ministerium declarandi peccata esse remissa*. Quare vera & certa responsio ad quæstionem propositam est; Sacerdotem per verba illa absolutionis significare se pœnitentis peccata remittere, illumque à peccati macula, & consequenter à pœna æternæ illi debita Christi Domini authoritate verè absolvere. Ita S. Thomas quæst. 84. art. 3. ad 3. & probatur in primis ex his Christi Domini verbis S. Matth. 18. *Quicumque solueritis super terram, &c.* & S. Ioan. 20. *Quorum remiseritis peccata, &c.* huius siquidem vocis, *Absoluo*, in forma Sacramenti Pœnitentiæ eadem est significatio, quæ est istorum verborum (*solueritis, remiseritis*) cum iis vsus sit Christus Dominus ad Sacramentum hoc instituendum; atqui verba illa veram & effectiuam peccatorum remissionem significant in omnibus alijs Scripturæ locis, quæ frequenter in vtriusque Testamenti libris occurrunt; nusquam autem simplicem illius remissionis declarationem: ergo etiam in illo duplici S. Matth. & S. Ioann. loco idem significare dicenda sunt; & ex consequenti verbum, *Absoluo*, in forma Sacramenti Pœnitentiæ eandem significationem habere dicendum est.

Probatur deinde ex eo quod S. Chrysostomus lib. 3. de Sacerdot. de peccatorum remissione loquens dixit, *Deum Patrem omnifariam potestatem dedisse Filio & eandem ipsam omnifariam potestatem*

statum à Deo Filio, ipsis Sacerdotibus esse traditam: atqui certum est Filium Dei habuisse veram potestatem remittendi peccata, quoad culpam & poenam æternam; ergo eandem potestatem Sacerdotibus dedit.

Denique, ut rectè observavit S. Ambrosius lib. 1. de Pœnitent. cap. 2. potestas remittendi peccata tanta est, quanta potestas eandem retinendi, cum æqualiter utraque à Christo Domino data fuerit: atqui per hanc Sacerdotes vere peccata quoad maculam & æternæ poenæ reatum retinent, denegando absolutionem: ergo per illam eadem, peccata verè quoad maculam & æternæ poenæ reatum, poterunt absolutionem conferendo remittere.

Obijcies, in varijs Scripturæ locis dici solum Deum dimittere peccata, delere iniquitates.

Respondet Sanct. Doctor suprà, ijs locis, nihil aliud significari, quàm Dei solius esse tãquam causæ principalis per propriam auctoritatem peccata remittere, quod non impedit quin Sacerdos eiusdem Dei nomine peccata remittat, per modum causæ ministerialis seu instrumentalis.

S E C T I O V.

Quinam sint effectus eius Sacramenti.

I PRIMVS Sacramenti Pœnitentiæ effectus est remissio omnium & quorumcumq; peccatorum mortaliũ post susceptionem Baptismi commissorum; quantumcumque gravia sunt & enormia; cum potestas peccata remittendi à Christo Domino collata Sacerdotibus S. Ioan. 20. ad omnia, nullo prorsus excepto, se extendat: & hoc definitum habetur in Concilio Lateran. sub Innocentio III. cap. 1. *Firmiter* extra de summa Trinitate, ubi sine ulla exceptione aut restrictione dicitur peccatum quodcumque post Baptismi susceptionem commissum posse per pœnitentiam reparari.

Obijcies Christum Dominum declarasse S. Matth. 12. & S. Mat. 3. peccatum in Spiritum sanctum, neque in hoc sæculo remitti, neque in futuro.

Respondetur 1. per peccatum in Spiritum sanctum intelligi a S. Augustino serm. 12. de verb. Dom. & Ep. 10. ad Bonifacium. Peccatum finalis impœnitentiæ, quod certum est nunquam remitti; cum post illud commissum peccator sit extra statum viæ, nec proinde sit amplius pœnitentiæ aut absolutionis capax.

Respondetur 2. alios SS. Patres per peccatum in Spiritum sanctum intellexisse peccatum illud, quo quis veritatem aliquam à Deo reuelatam, & ut sic cognitam, ex certa malitia, impugnat. Ita SS. Athanasius, Chrysost. Basilius, Ambrosius, Hierô. & alij apud Bellar-

minum lib.2. de Poen. cap. 16. Dici autem irremissibile, non quod absolute remitti non possit, si peccatorem verè de illo pœniteat, illudque clauibus Ecclesiæ subiciat: sed quia ordinariè & vtplurimum, qui tale peccatum commisit, de illo ob propriæ voluntatis peruersitatem non dolet, nec proindè illius remissionem accipit; sicut alia peccata citatis locis dicuntur remitti, non quod semper de facto remittantur, cum multi de illis non doleant, sed quia vtplurimum & ordinariè pœnitentibus condonantur.

2 Secundus huius Sacramenti effectus est remissio peccatorum venialium, quæ sicut quivis potest propriè & salubriter in confessione declarare, ita de illis quoque remissionem, virtute illius Sacramenti, consequi posse certum est, vt ex antè dictis patet.

Est autem difficultas inter Theologos qua ratione peccata illa in Sacramento Pœnitentiæ remittantur. Omissis varijs super hac sententijs, quæ instituti nostri non est hic fusiùs explicare, probabilissimè loqui videntur ij, qui asserunt hanc peccatorum venialium remissionem in Sacramento Pœnitentiæ fieri per gratiam sanctificantem, per hoc Sacramentum ex opere operato productam, non solum secundum se præcisè consideratam; sed præsertim vt datam intuitu præuix de illis attritionis, qua ratione formalem cum illis peccatis habet repugnantiam, cum sit gratia reconciliationis ab ipsis. Ita Vasquez in 1.2. disp. 207. c. 4 ex qua doctrina sequitur ad hoc, vt quis in Sacramento Pœnitentiæ peccatorum venialium remissionem consequatur, necessarium esse, non modò vt nullam actualem circa peccata illa complacentiam habeat; sed præterea requiri vt formalem de ijs vel saltem virtualem contritionem aut attritionem concipiat; ita vt quamvis vnum aut alterum in confessione declaret, si tamen de alijs omnibus generatim verè ex animo doleat, virtute Sacramenti illorum omnium remissionem consequatur; quod ideo hic obiter obseruamus, vt cuique faciliùs & certiùs innotescat, neque necessarium imò neque satis consultum esse omnia & singula peccata venialia sigillatim in confessionibus quotidianis declarare, quod aliqui scrupulosius faciunt; sed vno aut altero grauiori explicato, si nullum mortale subsit, de his & reliquis omnibus verum dolorem & emendationis propositum concipere, & sic beneficium absolutionis recipere.

3 Quæres quando peccata venialia extra Sacramentum Pœnitentiæ remittantur. Respondetur iuxta doctrinam S. Thom. q. 87. art. 1. ad peccatorum venialium remissionem extra Sacramentum Pœnitentiæ non sufficere habitualem displicentiam, quæ in habitu charitatis includitur; alias nullus iustus peccati venialis reatum haberet; sed displicentiam de illis formalem, quæ in actu perfectæ contritionis reperitur, aut saltem virtualem contentam in eo actu dilectionis

Dei,

Dei, quò quis ipsum sic diligit, ut si peccata venialia quæ commisit, menti occurrerent, perfectum de illis dolorem conciperet. Ita Añen-
 sis in 4. p. qu. 15. memb. 3. art. 4. Paludanus in qu. 82. dist. 16. quæst. 1.
 art. 2. & plures alij Theologi : Quamvis etiam probabilis videatur
 sententia Dominici Soti in 4. distinct. 15. quæst. 2. art. 1. Suarez disp.
 11. sect. 3. & quorundam aliorum Doctorum, qui docent, non modò
 per contritionem formalem & virtualementem, sed etiam per attritionem
 de illis ex motu supernaturali elicitam, eiusmodi peccata re-
 mitti : certè S. Bernardus sermone 1. in Cœna Domini de peccatis
 illis venialibus loquens dicit, *Necesse non esse de illis nos nimis sol-
 licitos, Deum facile illa ignoscere, imò & libenter, si tantummodò
 nos agnoscamus : in eiusmodi namque quasi inevitabilibus, & ne-
 gligentiam culpabilem esse, & timorem inordinatum.*

Respondetur 2. remitti quòque peccata venialia, tum per aliorum
 Sacramentorum susceptionem, dummodò suscipiens verè de pecca-
 tis illis doleat, tum etiam per usum sacramentalium, ut docet S.
 Thomas quæst. 87. art. 3. Nomine autem sacramentalium Theologi
 communiter intelligunt res quasdam vel actiones sacras ab Ecclesia,
 eo finè institutas, ut per illarum usum peccatorum venialium remis-
 sio obtineatur.

4 Variè autem à Theologis sacramentalia illa solent enumerari;
 præcipua, & de quibus apud omnes constat, sunt quinque, sci-
 licet *Aqua benedicta*, ut habetur cap. *Aquam*, de consecr. dist. 3.
panis benedictus, c. *Cum omne crimen*, de consecr. dist. 2. *Benedi-
 ctio Episcopalis*, cap. *Dictum est*, dist. 1. quæst. 2. *Oratio de corde ad
 Deum fusa in Ecclesia dedicata* : ut ex ipso ritu dedicationis Eccle-
 siarum intelligitur : & *qualibet Sacramentalis unctio* : ut docet
 S. Thom. cit. art. 3. id est, unctio illa quæ fit in quibusdam Sacramen-
 tis ex solo Ecclesiæ instituto.

Remittuntur autem peccata venialia per sacramentalium illorum
 usum, non quidem ex opere operato, ut quidam Theologi minùs
 probabiliter dixerunt, sed tantum ex opere operantis : quatenus
 per preces Ecclesiæ, quæ in eiusmodi sacramentalium usu nobis
 applicantur, actualia quædam gratiæ auxilia impetrantur, quibus
 excitamur ad actum aliquem formalem aut virtualementem contritionis
 de illis peccatis venialibus concipiendum. Ita S. Thom. cit. art. 3. ad
 3. ubi dicit quod per sacramentalia tolluntur peccata venialia virtute
 charitatis, cuius motus per illa excitatur.

5 Quod si quæstio intelligatur de peccatis venialibus, cum quibus
 iustus ex hac vita decedit, dicendum est cum S. Doctore q. 7. de malo
 art. 1. *Illam remitti post hanc vitam quantum ad culpam, eo modo
 quo remittuntur in hac vita, scilicet per actum charitatis in Deum,
 repugnantem venialibus in vita commissis.*

Neque

Neque dicas nullum esse in altera vita merito locum, nec proinde contritionem tunc peccatorum venialium remissionem posse promereri: respondetur enim peccata illa non remitti vi contritionis illius, quatenus est actus bonus & meritorius; sed quatenus est forma quædam peccato veniali repugnans, illudque ex anima expellens.

Sunt etiam alij huius Sacramenti effectus præter duos supra explicatos, quorum præcipui sunt pax, & serenitas conscientiae cum vehementi Spiritus sancti consolatione, ut declarat Concil. Trident. sess. 14. c. 5. quibus addere possumus reuiuiscenciam bonorum operum per peccatum mortale extinctorum, de qua sectione seq. agendum est.

SECTIO VI.

Vtrum per Pœnitentia Sacramentum merita bonorum operum reuiuiscant.

DE duplici bonorum operum genere quæstio proposita intelligi potest: primo de illis qui in statu peccati mortalis exercentur, & vocantur mortua: secundo de illis quæ in statu quidem gratiæ facta sunt; sed statu illo per peccatum mortale labefactato, vim quoque suam ac meritum amiserunt. De vtrisque igitur quæritur, an per gratiam in Sacramento Pœnitentiæ acceptam, quoad meritum reuiuiscant: Pro cuius resolutione,

Dicendum 1. opera bona facta in statu peccati mortalis nihil unquam homini iustificato ad gloriam consequendam profutura esse. Ita sanctus Thomas quæst. 89. art. 6. & constat ex ijs quæ in priore huius operis parte tr. 6. à nobis dicta sunt de conditionibus operis vitæ æternæ meritorijs, quarum prima & præcipua hæc est, ut fiat ab homine in statu gratiæ sanctificantis: Vnde S. Augustinus tr. 71. in S. Ioan. explicans hæc Christi Domini verba: *Sine me nihil potestis facere*, dicit opera fidelium à Christo Domino in peccato mortali excisorum, nihil illis ad vitam æternam consequendam prodesse: quod quamuis verum sit, rectè nihilominus monet sanctus Doctor in responsione ad 3. non esse prorsus inutilia eiusmodi opera in statu peccati mortalis facta, ut fusiùs explicauimus in citato tract. 6. vnde S. Hieronymus in cap. 1. Aggæi, *Si quando videris, inquit, inter multa mala opera facere peccatorum quemquam aliqua qua iusta sunt: non est tam iniustus Deus, ut propter multa mala obliuiscatur paucorum bonorum.*

Dicendum 2. bona opera in statu gratiæ sanctificantis facta, & per peccatum mortificata, huius Sacramenti virtute reuiuiscere:

ita

cunctantiam ingratitudinis erga Deum, à quo tam misericorditer præcedentia peccata condonata fuerant; & hæc ingratitudo tanto grauior esse censetur, quanto plura & atrociora delicta fuerunt remissa: Quamuis autem hæc ingratitudo nouum peccatum notabiliter aggrauet, non est tamen speciale peccatum ab eo distinctum: vt docet S. Th. nisi in eo casu in quo contra Deum peccaretur ex formali expressoque contemptu beneficij ab eo accepti.

SECTIO VII.

Quid sit contritio in genere,

EXPLICATIS iis, quæ ad naturam effectusque huius Sacramenti pertinent, nunc de singulis illius partibus agendum est, atque in primis de Contritione, quæ in genere secundum mentem Concilij Tridentini sess. 14. cap. 4. definitur: *Animi dolor ac detestatio de peccato commisso, cum proposito non peccandi de cætero.*

Dicitur, *Animi dolor*, vt significetur contritionem, non in appetitu inferiori, sed in voluntate sedem habere; neque in dolore sensibili, sed in dolore spiritali, qui solius voluntatis proprius est, consistere.

Dicitur deinde, *Detestatio*, vt exprimatur odium peccati commissi, ex quo dolor ille solet oriri, vel quod in ipso dolore saltem virtualiter continetur: eo ipso enim quo quis verè de peccato commisso dolet, vellet non peccasse (qui proprius est ipsius contritionis motus, vt docet Nauarrus cap. 1. num. 2.) proindeque ita dispositus est, vt peccatum commissum odisse & detestari censeatur.

Dicitur præterea, *de peccato commisso*: vt intelligatur obiectum doloris illius ac detestationis non esse quodcunque malum, nec etiam quodcunque peccatum: sed quod solum illud vel omissione vel commissione a nobis perpetratum est: non dicitur de hoc vel illo peccato, sed indefinitè de peccato commisso: vt ostendatur contritionem de omnibus peccatis commissis esse concipiendam; qui enim erga aliquod peccatum mortale ita esset affectus, vt de illo commisso non doleret, quantumcunque de alijs sibi dolere videretur, eius contritio vera non esset.

Dicitur denique, *cum proposito non peccandi de cætero*; qui enim amico à se offenso vult reconciliari, vt dicit Catech. Rom. part. 2. cap. 5. oportet vt & doleat, quod in eum iniurius atque contumeliosus fuerit, & de eius amicitia in posterum non amplius lædenda sollicitè provideat; aliàs non agitur poenitentia, sed simulatur.

Quamuis

2 Quamuis autem optimum sit vt propositum illud formaliter & expresse concipiatur, & nonnunquam illud exigendum sit à pœnitentibus, quorum dispositio non satis euidenter Confessario nota foret; absolute tamen loquendo dicendum est sufficere vt propositum illud sit virtuale & implicitum; id est, vt pœnitens de peccatis commissis dolens ita sit dispositus & affectus, vt, si de futuro tempore cogitaret, peccata illa in posterum deuitare firmiter proponeret. Ita Maior, Medina, And. de Vega, Nauarrus, & alij, quos citat & sequitur Suarez, disp. 4. de pœn. sect. 3. Ratio est, quia, vbi est vera auersio à peccato & vera conuersio ad Deum, ibi etiam est vera pœnitentia & vera contritio; potest autem cum solo virtuali proposito non peccandi, concipi vera auersio à peccato & vera conuersio ad Deum: ex. gr. si quis totus defixus sit in perpendendis peccatis, quæ ex intimo cordis affectu dolet in Deum infinitè bonum & diligibilem commississe, ita vt nullo modo de vita in futurum instituenda cogitet; quis dicat illum verè à peccatis non auerti & ad Deum non conuertì? certè vbi Dauid Rex tantummodo dixit 2. Reg. capite 12. *Peccavi Domino*, quibus verbis detestationem & displicentiam peccati à se commissi declarauit; quamuis nullum propositum peccati illius in futurum deuitandi expresse, continuo audiuit, *Dominus quoque transulit peccatum tuum*.

3 Quæres an sicut sufficit propositum virtuale quod includitur in vera & formali contritione, sic etiam sufficiat dolor virtualis de peccatis, qui censetur includi in actu aliquo amoris diuini: an scilicet is qui accederet ad confessionem nihil cogitans de peccatis deffendis, sed totus diuini amoris actibus eliciendis intentus, sufficienter esset dispositus ad Sacramentum Pœnitentiæ.

Respondet Suarez disp. de fide sect. 4. num. 19. hunc amorem sufficere, eo quod ex se voluntatem efficaciter auertat a peccato & conuertat ad Deum, & eo ipso quo quis perfectè diligit Deum, censetur exhorrescere & detestari quamcumque offensam & iniuriam Dei. Hæc autem opinio Suarez, cui fauere videtur D. Thom. part. 3. quæst. 85. art. 1. quamuis valde probabilis sit, tamen in praxi non videtur esse consulenda, & communi doctrine Conciliorum & Patrum magis consentaneum est dicere, dolorem expressum seu displicentiam de peccatis ad Sacramentum Pœnitentiæ necessariam esse; illudque Sacramentum ita esse à Christo institutum, vt habere pro materia necessaria debeat dolorem & displicentiam de peccatis; vnde etiam & nomen pœnitentiæ illi impositum est.

4 Obseruat autem Catech. Roman. suprâ, ad significandum dolorem illum de peccatis, qui ad veram illam Pœnitentiam requiritur, nomen contritionis usurpari, ducta si n. litudine à rebus corporeis quæ minutim confringuntur: significetur; *Corda nostra, quæ peccando*

quando obdurnuerunt, illius doloris vi contundi atque conteri debere: adeoque dolorem illum contritionis debere esse summum appetituum, ut loquuntur Theologi, id est, quod poenitens debet de peccatis commissis plus dolere, eaque magis odisse & auerfari, quam alia quaecumque mala.

Porro quæ huc usque dicta sunt, generatim intelligi debent de contritione illa, quæ, ut loquitur Concil. Trid. citat. c. 4. *Quomodo tempore necessaria fuit ad impetrandum veniam peccatorum: si enim agatur de contritione, quæ fidelium baptizatorum propria est, quæque ad peccatorum remissionem in Sacramento Poenitentiae recipiendam requiritur, præter conditiones suprà explicatas vnâ adhuc exigit Concilium, nimirum ut dolor ille de peccatis, Cum fiducia misericordia, & voto præstandi reliqua coniunctus sit, qua ad suscipiendum Poenitentia Sacramentum requiruntur: id est, ut explicitum aut saltem implicitum propositum includat confitendi Sacramentaliter peccata mortalia commissa, & pro alijs Deo satisfaciendi, seu satisfactionem imponendam acceptandi & adimplendi, ut explicat Catechismus Romanus suprà.*

SECTIO VIII.

Quid sit Contritio perfecta, & quo pacto ab attritione distinguatur.

SUPPONIMVS ex doctrina Concilij Trident. sess. 14. cap. 4. contritionem illam, de qua præcedenti sectione dictum est, diuidi in perfectam quæ simpliciter contritio dici solet, & imperfectam, quæ communiter vocatur attritio. Hoc præsupposito, quaeritur, quid sit illa contritio perfecta, & quomodo ab attritione distinguatur.

Quidam olim dixerunt contritionem in eo tantum distingui ab attritione, quod illius intensio & duratio, huius intensio & duratio maior esset. Alij, quod contritionis actus esset semper gratia sanctificante informatus, attritionis non item. Alij, quod contritio detestaretur peccatum mortale ut summum malum, & super omnia mala detestabile; attritio verò illud quidem detestaretur, sed non super omne detestabile. Alij, quod contritio se extenderet virtualiter super omnia peccata mortalia; attritio verò super omnia illa non se extenderet.

Omissa illarum opinionum refutatione, quæ apud Isambertum videri potest disp. 12. de Sacr. Poen. art. 1. vera sententia & communis hodie inter Theologos est, contritionem in eo præsertim ab attritione distingui, quod contritio sit detestatio & dolor de peccato

com-

commisso, prout est offensa Dei, seu propter Deum summè dilectum; attritio verò sit eiusdem peccati detestatio & dolor propter aliquod aliud motiuum bonum & honestum à perfectæ contritionis motiuo distinctum. Ita Isamber, loc cit.

2. Probatur in primis ex Concilio Tridentino citato c. 4. vbi contritionem ab attritione distinguit, in eo quòd contritio sit *Charitate perfecta*, seu formata: attritio verò non sit; quod quidem intelligi debet de perfectione intrinseca per formale motiuum charitatis, a quo ille contritionis actus specificatur in ratione veræ dilectionis Dei: neque enim intelligi potest de extrinseca perfectione, quæ per habitum charitatis in æt. un. contritionis deriuaretur: cum hoc commune sit cum omnibus alijs virtutum actibus, qui ab homine in statu gratiæ constituto eliciuntur, & etiam ipsi attritioni, si in tali casu eliceretur.

Probatur 2. ex S. August. serm. 7. de temp. vbi dicit: *Odium peccati & amorem Dei efficere veram & perfectam poenitentiam*. Atqui non alia ratione amor Dei cum odio peccati coniungi potest ad veram & perfectam poenitentiam, seu contritionem efficiendam, nisi quando quis odit & detestatur peccatum à se commissum, de eo-que dolet, prout est offensa Dei: id est, prout est malum quoddam ipsius Dei, eiusdem enim charitatis est velle Deo bonum, seu quod illi gratum est acceptum est, & auersari ac detestari malum illius seu peccatum, de illoque dolere: At verò attritio non ex amore Dei, sed ex turpitudine peccati, vel timore gehennæ, aut alio simili motiuo à charitate diuerso concipitur, vt docet Concilium suprà, & sectione sequenti explicabitur,

3. De hac autem perfecta contritione tria præsertim hic à nobis obseruari debent. Primum est, illius tantam & tam admirabilem esse vim & efficaciam ratione charitatis qua informatur & cu us motiuo elicitur, vt peccata quæcunque deleat, peccatoremque Deo perfectè reconciliet, etiam antequam Poenitentiae Sacramentum actu suscipiatur: vt expressè definitum est in Conc. Trid. suprà.

Secundum est, ad rationem perfectæ contritionis, adeoque vt producat effectum illum remissionis peccatorum & reconciliationis cum Deo, non requiri certum aliquem intentionis gradum, aut determinatum voluntatis conatum, infra quem non sit ad effectum illum producendum sufficiens: neque certam aliquam durationis moram neque vt tot eliciantur contritionis actus quot peccata commissa sunt: quamuis enim optimum sit & quam maximè optandum, vt quiuis poenitens quamplurimos eliciat perfectæ contritionis actus, eosque quantum poterit intensos & ex summo voluntatis conatu: ea tamen est diuinæ misericordiæ immensa largitas vt ad peccatorum quorumcunque remissionem, & peccatoris cum Deo reconciliatio-

nem

rem sufficiat vñ eius perfectæ contritionis actus, quantumvis parum intensus, & vel unico tantum momento durans : dummodò ex veræ charitatis & Dei dilectionis motu eliciatur, sitque si non intensè, certè appetitiuè summus ; id est, talis vt per illum voluntas Deum quibuscunque rebus absolutè & sine vlla prorsùs exceptione præponat : proindeque peccatum quatenùs ipsius Dei essentia est, tanquàm summum malum, & suprà omnia alia quæcunque mala detestabile auersetur. Ita Bellarmin. lib. 2. de Sac. Pœn. cap. 2. Gammachæus cap. 7. de Pœn. assert. 3. & plures alij Theologi quos ibidem citat.

Ac in primis quòd contritio, quamvis minimùm intensa, ad remissionem peccatorum sufficiat, patet ex Scriptura, quæ varijs in locis peccatorum condonationem promittit pœnitentibus, seu contritis nulla proposita mensura doloris aut contritionis peccatorum ; vt Ezech. 18. *Conuertimini & agite pœnitentiam ab omnibus iniquitatibus vestris, & non erit vobis in ruinam iniquitas.* Zach. 1. *Conuertimini ad me, & ego conuertar ad vos :* Actor. 3. *Conuertimini & pœnite mini, vt deleantur peccata vestra.* Et certè nulla est ratio, cur potius certus aliquis gradus intensiōis in contritione requiratur ad remissionem peccatorum efficiendam quam alius maior vel minor ; neque etiam dici debet quod summus requiratur : aliàs quis vnquam ne probabiliter quidem sibi persuadere posset, quod ad gradum illum contritionis summe intensum peruenisset ? deinde vt quid pœnitentia S. Magdalene aliorumque Sanctorum pœnitentium tantopere celebraretur, si omnes pœnitentes ad eandem pœnitentiæ perfectionem obligarentur ? Quod vero vnicus de omnibus peccatis perfectæ contritionis actus vel momento elicitus ad illorum remissionem sufficiat, patet ex multis Sanctis vt Sancta Magdalena, S. Matthæo, S. Paulo & alijs quos Scriptura refert breuissimo tempore & quasi momento vnico verè conuersos & iustificatos fuisse.

Huic doctrinæ fauent SS. Patres ; vt S. Cyprianus de serm. in cœna Domini, *Sed & in eodem articulo temporis inquit, cum iam anima festinat ad exitum, & egrediens ad labia expirantis emergerit, Pœnitentiam clementissimi Dei benignitas non aspernatur : & paulò inferius, Nec quantitas criminis, nec breuitas temporis, nec horæ extremitas, nec vitæ enormitas, si vera contritio, si pura fuerit voluntatum mutatio, excludit à venia.* Et S. Ioannes Chrysostomus in priori Epist. ad Theodorum lapsum, de bono Latrone loquens dicit, quòd, *in vnico momento totius vitæ peccata simul absterfit.*

Tertium est, certum esse dari aliquod præceptum diuinum, quò peccator ad actum contritionis eliciendum obligatur aliquando :

Neque

Neque enim (vt rectè dixit S. Augustinus lib. de duabus anim. c. 14.) *in hanc rem scriptura testimoniâ colligere necesse est: vox est etiam ista natura: neminem stultum rei huius notitia deseruit, &c. potest aliquis dicere se non peccare, non autem non esse, si peccauerit, pœnitendum: nulla barbaries hoc dicere audebit.*

Verùm difficultas est quonam tempore præceptum illud obliget: quidam enim dixerunt peccatorem statim à peccato commissio ad perfectæ contritionis actum eliciendum obligari: & tandiu peccare continuè, quandiu ab ipso peccato, vel perfectæ contritionis actu, vel Sacramenti Pœnitentiæ susceptione non purgatur. Alii peccatorem ad id obligari asseruerunt, quoties peccata commissa nec remissa memoriæ occurrunt. Alii peccatorem astringunt ad id, diebus Dominicis vel festiuis, vt illos debitè sanctificare possit. Quæ omnia quamuis optima sint & saluberrima; nullam tamen in illis casibus, ad contritionis perfectæ actum eliciendum, obligationem esse docet & probat Gammachæus c. 8. de Sacram. Pœnit. & Isamber. 13. de eod. Sacram. art. 3. & seq.

Quare cum illis dicendum est, peccatorem ex diuino præcepto in duobus tantum casibus ad actum perfectæ contritionis eliciendum obligari. Primus est, quoties actio aliqua necessariò exercenda est, quæ statum gratiæ requirit in eo, qui huiusmodi actionem exercere debet: nec adest Sacerdos, qui eum à peccato mortali quod commisit, sacramentaliter absoluat, tunc enim ne nouum sacrilegii peccatum incurrat perfectæ contritionis actum elicere tenetur.

Secundus casus est, quoties quis in periculo mortis constitutus, alicuius peccati mortalis se conscius esse deprehendit: tunc enim, si Confessarii copia non suppetat, tenetur perfectæ contritionis actum elicere. Ratio est, quia ex diuinæ legis præscripto quilibet tenetur æternæ damnationis & separationis a Deo certum periculum deuītare, mediumque ad id necessarium adhibere: atqui nullum aliud tunc suppetit damnationis euitandæ medium, quàm actus perfectæ contritionis: ergo peccator tunc ad illum eliciendum obligabitur.

SECTIO IX.

Verùm Contritio perfecta necessaria sit ad Sacramentum Pœnitentiæ aigme & fructuose recipiendum tan verò attritio ad id sufficiat.

PRAESUPPONIMVS alterutram esse necessariam: id est ad fructuosam & dignam Sacramenti Pœnitentiæ susceptionem, requiri contritionem aliquam formalem & expressam, ita vt
Pars II. I aliquis

aliquis verus & actualis dolor à Pœnitente concipiatur de peccatis commissis, quamvis venialia tantummodo forent, cum contritio sit pars essentialis huius Sacramenti, qua deficiente nullum esset Sacramentum: Quare qui tantummodo doleret quod de peccatis non doleat, careret dolore ad fructum huius Sacramenti necessario: quia contritio est dolor de peccato commissio, ut ex Concilio Tridentini doctrina constat; proindeque cuius alius dolor, qui non est de peccato commissio, non est contritio, quanquam si dolor ille sit absolutus & efficax, pariet necessario verum de peccatis dolorem, id est efficiet ut voluntas peccata commissio auerfetur, & doleat ea commissio: quo sensu intelligi debent Theologi illi, qui ad pœnitentiæ Sacramentum sufficere dicunt pœnitentem dolere quod de peccatis non doleat.

2 Hoc præsupposito, dicendum est contritionem perfectam, quavis sit optima & excellentissima dispositio ad Sacramentum Pœnitentiæ dignè & cum uberrimo gratiarum fructu recipiendum, non esse tamen necessariam, sed simpliciter sufficere attritionem. Ita docent Paludanus in 4. dist. 19. quæst. 1. art. 2. Sanctus Antoninus 3. part. tit. 14. cap. 19. Syluester verbo *Confessio*, cap. 1. Rossensis art. 5. contra Lutherum, Ioannes Malderus Episcopus Antuer p. 22. quæst. 19. art. 4. Ruardus Thomas Staple. tom. 2. Prolegom. 1. in lib. 5. Guillelmus Estius in 3. sent. d. 34. §. 7. & in 4. d. 54 §. 13. Canus relect. de Pœnit. p. 5. ad 2. Soto lib. 2. de Nat. & grat. cap. 15. & in 4. dist. 18. quæst. 3. art. 2. & plures alij, quibus superscripserunt Isambertus disp. 4. de Pœnit. art. 4. & Gammacheus cap. 9. de Sacram. Pœnit. ubi etiam dicit esse manifestam sententiam S. Thomæ.

Probatur in primis ex Concilio Tridentino sess. 14. cap. 4. ubi, postquam declarauit contritionem imperfectam, quæ attritio dicitur, *Non solum non facere hominem hypocritam & magis peccatorem, verum etiam donum Dei esse, & Spiritus sancti impulsus, non quidem adhuc inhabitantis, sed tantum mouentis: quo pœnitens viam sibi ad iustitiam parat: hæc immediate subiungit: Et quamvis sine Sacramento Pœnitentia per se ad iustificationem perducere peccatorem nequeat; tamen eum ad Dei gratiam in Sacramento Pœnitentiæ impetrandam disponit:* quibus verbis apertissime declarat attritionem illam, quam ibidem dicit communiter concipi, vel ex consideratione turpitudinis peccati, vel ex gehennæ pœnarumque metu, si voluntatem peccati excludat, cum spe veniæ esse dispositionem sufficientem ad remissionem peccatorum in Sacramento Pœnitentiæ obtinendam. Vnde Catechismus Romanus part. 2. c. 5. mentem Concilii adhuc apertius explicans dicit: *Si quis ita animo affectus sit, ut peccata admissa doleat, simulque in posterum non peccare instituat,*

instituat, et si eiusmodi dolore non afficiatur, qui ad impetrandam veniam satis esse possit, ei tamen, cum peccata Sacerdoti rite confessus fuerit, ut clauium scelera omnia remitti ac condonari.

Probatur 2. ex S. Augustino lib. de Catechizan. rud. c. 17. ubi dicit eos qui volunt fieri Christiani, ne eant in ignem æternum cum diabolo, &c. habere aliquam dispositionem, non omnino perfectam, sufficientem tamen, ut verè Christiani fiant, id est, ut Baptismi Sacramentum recipiant, ac per illud iustificentur: talis autem dispositio non est alia quàm attritio, ut ex eius motiuo patet: ergo si secundum mentem S. Augustini est dispositio sufficiens ad remissionem peccatorum in Baptismo consequendam, erit etiam ad Sacramentum Pœnitentiæ dignè & fructuosè recipiendum, cum par sit utrobique ratio, ut rectè probat Gammachæus cit. cap. 9.

3 Probatur 3. ex fine ob quem Sacramentum Pœnitentiæ à Christo Domino institutum est, qui finis est spiritualis suscitatio peccatoris à morte peccati, & eius cum Deo reconciliatio: Vnde Baptismus & Pœnitentia vocantur Sacramenta mortuorum, & Concilium Trident. sess. 14. cap. 1. dicit hoc Sacramentum institutum esse *Ad reconciliandos Deo fideles post Baptismum lapsos*: huic autem fini repugnat præquiri ad hoc Sacramentum, tanquam dispositionem necessariam, actum aliquem, ut cuius ante realem ipsius susceptionem, peccator à peccati morte suscitetur, & Deo reconcilietur; quia sic Sacramentum nunquam consequeretur finem suum, proindeque ad finem illum frustra institutum fuisse diceretur.

Probatur 4. ex potestate remittendi peccata sacerdotibus à Christo Domino collata, quam ipsi sacerdotes in hoc Sacramento exercent: quæ quidem potestas frustrà illis data fuisset, si ad illius exercitium dispositio aliqua necessario prærequireretur in ipso pœnitente, qua peccatorum suorum remissionem ante Sacerdotis absolutionem consequi deberet. Imo ut argumentatur Gammachæus cit. cap. 9. si contritio perfecta esset ad Sacramentum Pœnitentiæ dispositio necessaria, consequens foret Sacerdotes non habere propriè potestatem Clauium, nec verè peccata remittere, sed solummodo declarare peccata esse remissa: quod dicit esse hæreticum.

4 Confirmatur ex eo quod inde sequeretur contra communem Ecclesiæ & SS. Patrum consensum, legem gratiæ duriorem & rigidiorem esse, quam Mosaica lex fuit, & longè grauius onus Christianis impositum esse quàm Iudæis ad remissionem peccatorum obtinendam: in lege Mos. ica siquidem sola contritio ad id sufficiebat, in lege autem gratiæ præter contritionem, tenentur insuper pœnitentes peccata omnia mortalia etiam occultissima sigillatim Sacer-

dotibus aperire: quod quàm graue & difficile sit plerisque experientia satis testatur.

Porro hæc doctrina ita certa est, vt cum quidam Theologus nuper in libro à se edito scripsisset, *Attritionem de peccatis insufficientem esse, pro accipiendâ remissione peccatorum in Sacramento Pœnitentiæ, contritionemque ex charitate perfectâ esse ad id necessariam: & ex consequenti, Absolutionem Sacramentalem nihil aliud esse, quàm declarationem iuridicam peccati iam remissi: alma Facultas Parisiensis multis præhabitis deliberationibus tam prima Iunii, quàm prima Iulii anni 1638. totum istud hac censura notauit: Quæ tradit de attritionis insufficientia, & contritionis ex perfectâ charitate absoluta necessitate ad recipiendum Pœnitentiæ Sacramentum: & quæ addit de absolutione, quodd nihil aliud sit, quàm declaratio iuridica peccati iam remissi, damnauit Facultas, & censuit has propositiones esse quieris animarum perturbatiuas, communi & omnino rite praxi Ecclesiæ contrarias, efficacia Sacramenti pœnitentiæ immutuiuas, & insuper temerarias & erroneas: Ita refert Isambertus disp. 14. de Sacramento Pœnitentiæ art. 6. qui eidem censuræ interfuit & subscripsit.*

Obiciunt aliqui Concilium Trident. sess. 6. cap. 6. inter dispositiones ad iustificationem adulatorum requisitas hanc recepisse, vt scilicet, *Deum tanquam omnis iustitiæ fontem diligere incipiant; ac propterea moneant aduersus peccata per odium aliquod & detestationem, hoc est per eam pœnitentiâ, quam ante Baptismum agere oportet.*

Respondetur vel Concilium ibi loqui de iustificatione adulti infidelis, quæ sit ante realem Baptismi susceptionem per solum propositum, illius suscipiendi, vt verba ex illo citata explicat Isambertus; & ad hanc iustificationem certum est contritionem perfectam esse necessariam: vel, si loquatur de iustificatione quæ in reali Baptismi susceptione confertur, per dilectionem Dei non intelligi amorem perfectæ charitatis: sed amorem imperfectum qui in virtute spei reperitur; quod satis apertè ex eius verbis antecedentibus colligitur, vbi de infidelibus adultis loquens: *disponuntur, inquit, ad ipsam iustitiâ, dum excitati diuinâ gratia & adiuti, fidem ex auditu concipientes, &c. in spem eriguntur, fidentes Deum sibi propter Christum propitium fore: illumque tanquam omnis iustitiæ fontem diligere incipiunt:* quasi dicat illos incipere Deum diligere, eo quod ab illo tanquam à fonte totius gratiæ & iustitiæ, se peccatorum remissionem impetraturos sperant: Nullus autem dubitat hunc amorem spei, & hanc confidentiam in Deum per Christi merita requiri ad iustificationem peccatoris, siue in Sacramento, siue extrâ Sacramentum, sicut & fidem, timorem aliasque virtutes, quas ibi enumerat

Con-

Concilium, ea ratione quæ à nobis explicata est in priori eius operis parte, tract. 6. de Gratia cap. 4. de iustificatione.

S E C T I O X.

Qualis esse debeat attritio illa, quæ ad Sacramentum Pœnitentiæ debite suscipiendum necessaria est.

I Ad faciliorem quæstionis propositæ solutionem obseruandum est, attritionem seu dolorem de peccatis ex vario & multiplici motiuo concipi posse. Primum ex motiuo malo: verbi gratia, quando quis dolet se in ebrietatem lapsus esse, quia per illud impeditus est ne furtum committeret. Secundò ex motiuo indifferenti; ut si quis de intemperantia doleat; quia sanitati obfuit. Tertiò ex motiuo aliquo humano; si quem latrocinij pœniteat, eo quod illius causa sit apud alios infamatus. Quartò ex motiuo honesto, sed parè naturali; ut si quis pœniteat mendacii vel fraudis, eo quod rectæ rationi naturali aduersetur. Quintò denique ex aliquo motiuo bono supernaturali; id est fidei diuinæ innixò; verbi gratia, quando quis ex impulsu Spiritus sancti se peccatum aliquod mortale commisisse dolet, illudque detestatur quia æternæ damnationis incurrendæ, aut cælestis beatitudinis amittendæ periculo illum exponit; vel quia fidei lumine iudicat turpe esse homini Christiano tale peccatum committere, verbi gratia, quod dixit Apostolus 1. Cor. 6. *Tollere membra Christi, & facere membra meretricis.*

2. Hac obseruatione supposita dicendum est, attritionem quinto modo sumptam, esse ad Sacramentum Pœnitentiæ debite suscipiendum sufficientem; aliis vero quatuor modis esse insufficientem. Ita Suarez disp. 5. de Sacramento Pœnit. sect. 1. Isanibertus disp. 14. de eodem Sacr. art. 4. & alii communiter. Atque in primis quod attritio quatuor illis prioribus modis sumpta, sit insufficientis, ex illorum enumeratione constat: certum est enim dolorem de peccatis ex motiuo aliquo malo, aut indifferenti, aut humano conceptum, non esse virtuosum: nec proinde ad Sacramentum Pœnitentiæ suscipiendum disponere posse. Certum est quoque dolorem de peccatis ex motiuo naturali honesto elicitum non sufficere, ut ex communi Theologorum consensu docet Suarez suprà: & apertè constat ex eo quod Concilium Trident. sess. 14. cap. 4. dicit attritionem illam, quæ ad gratiam huius Sacramenti sufficienter disponit, *Esse donum Dei, & Spiritus sancti impulsam*. Quod vero sufficiat attritio quinto modo sumpta; id est quatenus per auxilium gratiæ cōcipitur ex motiuo aliquo bono supernaturali, quodcūque illud sit,

evidens est, tùm ex verbis Concilii Trident. præcedent. sect. relatis, tùm ex rationibus quibus ibidem probauimus contritionem perfectam ad fructum Sacramenti Pœnitentiæ non esse necessariam; attritionem vero esse sufficientem: si quæ enim attritio sufficiens est, haud dubiè illa quæ talis est, qualem illo quinto modo descripsimus.

3 Obiiciunt hæretici apud Bellarminum libro 2. de Pœnitent. cap. 17. attritionem illam ex metu gehennæ conceptam non posse sufficienter ad Pœnitentiæ Sacramentum disponere, eo quod sit vitiosa & mala, cùm non ex amore Dei, sed ex amore sui oriatur: Vnde Kemnitius in examine Concilii Trident. super sess. 14. attritionem illam ex metu gehennæ conceptam vocat Iudæ Pœnitentiam.

Vt clarius & efficacius hæc obiectio solvatur, & hæreticorum error refellatur, obseruandum est quadruplicem timorem à Theogis assignari. Primus est timor naturalis, quo naturaliter homo refugit malum naturæ suæ contrarium, & hic timor ex se neque bonus neque malus est. Secundus timor, est mundanus, quo quis inordinate temporalia mala timet; adeo vt ad illa deuitanda, in Deum peccare non veretur; & hic timor malus est atque vitiosus, illumque S. Basilus *Hostilem* vocat in Ps. 33. Tertius est timor filialis ex charitate perfecta originem ducens, quo iustus supremam Dei maiestatem cum omni humilitate ac cordis deuotione reueretur, & hoc præsertim metuit, ne in aliquam ei us offensam incurrat, illique quouis modo displiceat, aut ab eo per peccatum separetur; & hic timor proprius est sanctorum, deque illo dixit Ps. 3. *Timete Dominum omnes Sancti eius*. Quartus denique est timor seruilis, quo videlicet peccator Deum comminantem & punientem ita timet, vt ratione timoris illius, & propter pœnam euitandam quam tunc præoculis habet, peccata commissa auersetur, & illis in futurum cauere proponat.

Est autem in confessio dolorem de peccato ex timore mundano vel naturali ortum, esse insufficientem; Ex timore vero filiali, optimum & saluberrimum, cum ad perfectam charitatem pertineat. Totâ igitur difficultas est de timore seruili (vt obseruat Bellarminus sup.) quem hæretici contendunt esse malum ac vitiosum, proindeque insufficientem ad veram Pœnitentiam: nos è contrario asserimus esse bonum & utilem proindeque attritionem ex eius motu elicitam, esse sufficientem dispositionem ad Sacramentum Pœnitentiæ debitè ac fructuosè recipiendum.

Probatur hæc veritas 1. ex scriptura, quæ innumeris propè locis timorem vindictæ diuinæ ac pœnarum æternarum ingerit, & ad illum peccatores vehementer excitat: quin & ipsemet Christus

Domi-

Dominus S. Matth. 10. Nolite, inquit, timere eos, qui occidunt corpus, &c. (en timor mundanus quem reprobatur) sed potius timete eum, qui potest & animam & corpus perdere in gehennam: ita dico vobis hunc timete: en timor gehennæ & servilis ad quem excitat.

Probatur 2. ex Concilio Tridentino sess. 14. cap. 4. vbi dicit timorem illum, *Donum Dei esse & Spiritus sancti impulsus*, &c. Eoque timore utiliter concussos. Nisi uitas ad Iona predicationem plenam terroribus pœnitentiam egisse, &c.

Probatur 3. ex S. Augustino in Psal. 127. vbi super hæc verba: *Beati omnes qui timeant Dominum*; dicit quod quamvis timor ille, quo qui timet pœnas, ac metuit ne mittatur in gehennam, nondum castus sit; est tamen bonus ac utilis, ex sancto Basilio in Psal. 33. vbi, postquam timorem mundanum descripsit, dixitque prorsus esse abiiciendum, subiungit; Imò verò salutaris, & qui sanctitatis operarius est, vis enarrare qualis sit? Si quando te senseris, ac unum aliquod ceteris ac profiliis peccatum; ad mentem reuoca formidabile illud, nec utli mortalium tolerabile iudicium Dei, &c. Vbi pergit in iudicio illo ultimo describendo, & exinde proponit, *Inferni profundum harathrum, tenebras impermeabiles, ignem obscurum, caustificas quidem habentem vires, lucem verò destitutum, vermium innumerabilium genus venenosum ac carinorum*, &c. Additque: *Hæc tu time*; Et eiusmodi timorem eruditus quasi freno quodam animum reprime. Et tandem concludit, *Hunc esse timorem, quem Pater celestis non qualescunque, sed filios de propria salute sollicitos promissit se dociturum*. Et ex S. Chrysostomo hom. 15. ad pop. Antioch *Quid gehenna grauius, sed huius metu nihil utilius: gehenna namque timor regni nobis affert coronam*, &c. Nihil enim tam peccata consumit, & virtutem geminare & crescere facit, quàm timor; propterea qui non uiuit in timore, rectè illum agere non est facile, sicut vicissim impossibile est illum peccare, qui cum timore uiuit.

Ex S. Hieronymo, in cap. 2. Mich. *Qui pudor & verecundia non tenentur, agant pœnitentiam, saltem comminatione pœnarum*.

Ex S. Ambrosio ad Virg. laps. cap. 8. *Pœnitentia sic agitur: si tibi ante oculos ponas de qua gloria cecideris, & de quo libro vita nomen tuum deletum sit, & si te iam credas propè ipsas positam tenebras exteriores*.

Denique ex S. Augustino lib. de grat. & liber. arbit. cap. 18. loquens de timore Dei dicit, quod illius timoris spiritus est haud dubiè magnus donum Dei, &c. non quidem ille timor quo Petrus Christum negauit, sed illius timoris spiritum accepimus, de quo dicit ipse Dominus Christus, *eum timete qui habet potestatem & a. & nam & corpus perdere in gehennam*.

5 Cum igitur constet timorem illum esse donum Dei, ac impulsū Spiritus sancti, atque ex motuō supernaturali diuinæ fidei innixō concipi, hinc sequitur esse bonum ac salutarem; proindeque attritionem quæ ex illo oritur, non esse vitiosam & malam, sed bonam & honestam, quæ oritur quidem ex amore suis (sed benè ordinato, quo nimirum secundum rectam rationem, & diuinæ legis præscriptum refugimus damnationem & mortem æternam; & quamvis amorem Dei perfectum in se non includat; illum tamen non excludit; nec illi vllō modo aduersatur: vnde sequitur attritionem illam esse sufficientem dispositionem ad Sacramentum Pœnitentiæ debitè suscipiendum.

6 Instabit aliquis, attritionem ex solo gehennæ metu ortam nec honestam, nec bonam moraliter esse posse, cum sit odium non peccati; sed pœnæ, ita vt si nulla esset pœna peccato imposita, nulla esset quoque peccati detestatio,

Ad solutionem huius instantiæ obseruandum est duplicem à Theologis distingui morem seruilem, vnum quem vocant seruiliter seruilem, in quo tota ratio tam finalis quàm impulsiva dolendi de peccato, aut ab illo abstinendi, est fuga & odium ipsius pœnæ: ita vt quis peccatum fugiat solummodo ob pœnam quam euitare cupit, finemque suum quasi vltimum in illius pœnæ fuga constituat: alterum verò, quem vocant timorem simpliciter seruilem, in quo pœnæ odium, illiusque fuga, homini à peccato voluntatem suam auertenti non est vltimus finis, sed tantum proximus; ita vt non sistat se in simplici fuga pœnarum æternarum, sed hanc illarum metum, saltem virtualiter & interpretatiuè, ad æternæ vitæ desiderium, & amorem Dei imperfectum referat; quatenus scilicet ex tali metu mouetur ad dolendum de peccato vel ad benè operandum, tum ne pœnam illam æternam patiatur: tum etiam ne bono æterno priuetur, Deumque sibi iratum & infensum habeat, in quo præsertim differt à timore seruiliter seruili, qui nihil prorsus de Deo illiusque fruitione curat. Est etiam alia inter vtrumque illum timorem differentia, quam tradit Bellarminus lib 5. de Pœnit. cap. 8. nimirum quòd metus seruiliter solummodo peccati executionem seu actionem impediatur; timor vero simpliciter seruilis voluntatem ipsam immutet; & non modo à peccato cohibeat, sed etiam ad Deum conuertat.

6 Hac præmissa obseruatione, facilis est ad instantiam responsior: concedit enim attritionem ex timore seruiliter seruili elicitam, nec honestam nec bonam esse moraliter; negatur vero attritionem ex timore simpliciter seruili elicitam, vitiosam esse aut insufficientem, cum habeat omnes conditiones à Concilio Tridentino requisitas, est enim donum Dei & impulsus Spiritus sancti, cum gratiam

tiam excitantem præsupponat, & ex motiuo supernaturali oriatur; & præterea voluntatem peccandi excludat; cum spe veniæ à Deo consequendæ.

Ex dictis facile intelligi potest, in quo conueniant inter se contritio & attritio, & in quo differant. Conueniunt enim & in eo quod vtræque sit supernaturalis; id est quod vtræque per impulsu Spiritus sancti ex motiuo aliquo supernaturali, seu per fidem diuinam cognitio oriatur. Secundò quod vtræque debeat esse interna & spiritalis; nec dolorem aliquem sensibilem necessariò requirat. Tertiò quod ad omnia peccata mortalia commissa, nullo prorsus excepto, vtræque debeat extendi. Quartò, quod vtræque voluntatem peccati excludere, spemque veniæ adiunctam habere debeat. Quintò denique quod vtræque sit dispositio apta & conueniens ad Sacramentum Pœnitentiæ dignè & fructuosè suscipiendum.

Differunt autem præsertim, tum ratione obiecti formalis seu motiui: contritio enim ex motiuo perfectæ charitatis concipitur; attritio verò ex aliquo alio motiuo à charitate diuerso, bono tamen & honesto ac supernaturali lumine fidei cognito; tum ratione effectus, contritio, siquidem peccatorem iustificat ac Deo reconciliat, etiam antequam Pœnitentiæ Sacramentum actu susceperit, attritio vero ad iustificationem in Sacramento Pœnitentiæ consequendam tantummodo disponit.

7 Quod verò aliqui Doctores dicunt attritionem debere aliqua ratione concipi propter amorem ipsius Dei, si de amore perfectæ charitatis intelligitur, negandum est: quia dolor ex illo amore quantumlibet remisso elicitus, ante Sacramenti receptionem iustificaret, ut supra probatum est, proindeque dolor ille non esset attritionis, sed contritionis: si autem de amore Dei imperfecto, id est qui ex motiuo à charitate diuerso elicitur, qualis est ille qui in virtute spei includitur, quo diligimus Deum non prout est in se summè bonus, & propter se diligibilis, sed prout est erga nos beneficus & liberalis, concedendum est, quia attritio debet saltem virtualiter spem veniæ in se includere, ut docet Concilium Trident. suprâ. Videri potest super hac materia Diuus Franciscus Salesius Episcopus Geneuensis in tract. de diuino amore lib. 2. c. 17. vbi optimè explicat; quis & qualis sit amor ille imperfectus, qui in spei virtute reperitur.

Superest vnum hic obseruandum quod monet Layman. tract. 6. de Sacram. Pœnit. cap. 4. nimirum ad valorem Sacramenti Pœnitentiæ requiri, ut dolor internus attritionis seu contritionis aliquo modo intercedat, aut saltem comitetur externam peccatorum confessionem: tum quia contritio, cum sit pars Sacramenti debet aliquo signo exteriori, per confessionem scilicet, fieri sensibilis; tum etiam quia ipsa peccatorum confessio procedere debet ab interna

pœni-

pœnitentia ; cum non sit mera & simplex peccatorum narratio , sed sui ipsius coram Deo accusatio , quæ proinde in spiritu humilitatis & in animo contrito facienda est . Probabilis nihilominus & tuta est sententia Suarez disp. 20. de Sacram. Pœnit. sect. 4. num. 31. (quam hic subiungimus in gratiam eorum, qui frequentius ad tribunal Pœnitentiæ , nec nisi cum culpis venialibus accedunt , quique interdum varijs super hac re scrupulis exagitantur) qui docet actum contritionis fructuosè post confessionem peractam posse elici , dummodo antè absolutionem Sacerdotis eliciatur ; ipsamque confessionem, quamvis ab interna pœnitentia non processerit, tamen quatenus postea veluti informatur per consequentem contritionem, sufficienter perfici in ratione accusationis Sacramentalis ; sed tunc necesse esse, vt interior illa contritio vel attritio exteriori aliquo signo, puta exteriori corporis demissione, humili expectatione ipsius absolutionis, pectoris tusione , &c. se prodar.

S E C T I O X I.

Utrum Confessio Sacramentalis ad peccatorum remissionem consequendam ex Christi Domini institutione sit necessaria.

I C O N F E S S I O N I S Sacramentalis nomine secundùm communem S. Thomæ in 4. disp. 17. q. 3. 2.2. aliorumque Theologorum doctrinam, intelligitur *Accusatio legitima, in Sacramento Pœnitentiæ de proprijs peccatis facta Sacerdoti, ad absolutionem illorum ab eo recipiendam.*

Dicitur 1. *Accusatio* : quia confessio fieri debet per modum accusationis ; *Nec in ea*, vt loquitur Catech. Rom. par. 2. c. 5. *peccata sunt ita enarranda, quasi rem aliquam gestam otiosis auditoribus exprimamus ; verum accusatorio animo ita enumeranda sunt, ut ea etiam in nobis vindicare cupiamus.*

Dicitur 2. *legitima* : quia non quælibet accusatio sufficit ; sed ad eam conditiones quædam diuina lege præscriptæ , infra explicandæ requiruntur .

Dicitur 3. *in Sacramento Pœnitentiæ* : confessio enim quæ fit in foro exteriori coram iudicibus siue secularibus, siue Ecclesiasticis, non est apta huius Sacramenti materia.

Dicitur 4. *de proprijs peccatis* : neque enim aliena peccata, sed propria solummodo in confessione declaranda sunt ; in quo abusus multorum notat Toletus lib. 3. cap. 6. qui, vt aliquod proprium peccatum deregant, simul aliorum peccata enarrant, vir uxoris, vxor viri, domini seruorum, serui dominorum, &c.

qui

qui quidem super hac re ab ipsis Confessorijs admoneri debent.

2. Dicitur 5. *facta Sacerdoti* . quia solus Sacerdos est legitimus huius Sacramenti Minister , ut ex ante dictis constat : nec proinde confessio facta laico , aut clerico non Sacerdoti , vilo modo Sacramentalis est . Debet autem fieri Sacerdoti , præsenti , non absenti , ut in Catechismo Rom. sup. declaratur ; & speciali Clementis VIII. constitutione , quam refert Isambertus disp. 18. art. 4. sententia illa , quæ asserit confessionem Sacramentalem per litteras aut internuncium fieri posse , tanquam falsa & scandalosa prohibita est : tunc enim nec confessio secreta esset , nec certa materia absolutionis ; contingere si quidem posset , ut pœnitens intermedio tempore mutaret animum , aut è viuis excederet : Potest tamen pœnitens aliquando solis nutibus confiteri , ut in mutis contingit & interdum in moribundis . Potest per interpretem , v.g. cum Sacerdoti ipsius pœnitentis idioma seu linguam non intelligenti sit confessio : ad quod tamen nullus obligatur , ut monet Toletus supra , cum alteri reuelare confessionem suam non teneatur . Potest in scripto , ut scilicet peccata sua scribat , & Confessor , annuente ipso pœnitente , legat : quod in mutis aut alijs ex causa aliqua rationabili contingere posse docet Toletus supra.

Dicitur denique *ab obtinendam peccatorum remissionem* : in quo , ut obseruat Catech. Roman. supra , *hoc iudicium longe dissimile est à forensibus capitalium rerum questionibus , in quibus confessioni pœna & supplicium , non verò culpa liberatio & errati venia constituta est.*

3. De confessione igitur Sacramentali eo modo intellecta quaeritur , utrum sit ex Christi Domini institutione ad remissionem peccatorum consequendam necessaria ? Et responsio affirmatiua est de fide : quam tamen negauerunt olim , non modo Nouatiani , sed etiam plures alij Hæretici , ut Messaliani , Iacobitæ , & Armenij , Albigenses , Flagellantes , Valdenses & alij apud Iudocum Coccium , tr. 2. l. 7. a. 3. quibus postea subscripserunt Lutherani & Calvinistæ ; ut videre est apud Bellarminum lib. 3. de Pœn. c. 2. qui omnes , licet maximè inter se circa varia dogmata discrepantes , in eo tamen conveniunt , quod negant confessionis Sacramentalis ex iure diuino necessitatem.

Refellitur illorum error , & veritas opposita probatur 1. ex cap. 20. S. Ioannis , ubi Christus Dominus alloquens Apostolos , eorumque in Sacerdotio successores : *Quorum* , inquit , *remiseritis peccata , remittuntur eis ; & quorum retinueritis , retenta sunt* : ex quibus verbis perspicuum est , ut docet Catechismus Rom. supra ipsos Apostolos & Sacerdotes circa peccata remittenda aut retinenda

nenda iudices esse constitutos. *Et quoniam*, vt Sancta Synodus Tridentina sapienter admonuit, *de qualibet re verum iudicium fieri, atque in repetendis criminum pœnis iustitia modus teneri non potest, nisi planè cognita & perspecta causa fuerit; ex eo sequitur, vt pœnitentium confessione sigillatim peccata omnia Sacerdotibus sint patefacienda.*

Probatur 2. autoritate plurimorum Conciliorum Generalium, ac præsertim Lateranensis sub Innocentio III. cap. 21. Constant. sess. 8. Florent. in decret. Eug. & Trid. sess. 14. c. 5. & can. 6. vbi hæc habentur: *Si quis negauerit Confessionem Sacramentalem, vel institutam, vel ad salutem necessariam esse iure diuino: aut dixerit modum secreti confitendi soli Sacerdoti, quem Ecclesia Catholica ab initio semper obseruauit & obseruat, alienum esse ab institutione & mandato Christi, & inuentum esse humanum, anathema sit.*

4 Probatur 3. ex SS. Patribus qui huic veritati subscripserunt, vt S. Cyprianus term. de lapsis, vbi laudans eps qui de peccatis sola cogitatione commissis se apud Sacerdotem in Sacramento Pœnitentiæ accusant: *Quanto*, inquit, *& fide maiores & timore meliores sunt, qui quamuis nullo sacrificij aut libelli facinore constricti, quoniam tamè de hoc vel cogitarunt, hoc ipsi apud Sacerdotes Dei dolentes, & simpliciter confitentes, exomologesim conscientia faciunt, animi sui pondus exponunt, salutarem medelam paruis licet & modicis vulneribus exquirentes.* S. Basilii in regulis Breuioribus, num. 288. *Necessario*, inquit, *ijs peccata aperiri debent, quibus credita est dispensatio Mysteriorum Dei, siquidem rationem hanc in pœnitentia etiam veteres illos cernimus secutos fuisse.* S. Leo Papa Epist. 80. ad Episcopos Campaniæ prohibens ne peccata secreta publicè recitarentur, hanc affert rationem: *Quia*, inquit, *reatum conscientiarum sufficit solis Sacerdotibus confessione secreta indicari.*

5 Obijciunt Hæretici Nectarium Patriarcham Constantinopolitanum abrogasse Presbyterum pœnitentiarium, confessionemque fustulisse: vnde inferunt illam non esse iuris diuini, cum tale ius ab hominibus abrogari non possit.

Duplex ad hanc obiectionem afferri potest responsio; vt fusio-rem huius facti enarrationem & explicationem omittamus, quæ apud Bellarminum videri potest lib. 3. de pœn. cap. 15. Prima est, abrogationem illam Presbyteri pœnitentiarij à Nectario factam, ad sedandum populi tumultum occasione alicuius scandali exortum, qualitercunque facta sit, benè an malè, hominis particularis factum fuisse, qui nec eruditione, nec experientia pollebat, in his quæ ad regimen Ecclesiæ pertinent, cum iam senex rerumque Ecclesiasticarum expertus ad Patriarchatum euectus fuisset: proindeque ex illo eius facto

facto nullum satis validum argumentum duci posse, contra tot sa-
culorum praxim vniuersæque Ecclesiæ consensum.

Secunda responsio est, Nectarium nusquam confessionem Sacra-
mentalem secretam abrogasse, sed solummodo usum aliquem
particularem occasione Nouatianæ hæresis introductum, quo pœni-
tentes certa peccata Sacerdoti pœnitentiario confiteri tenebantur,
qui eos (prout expedire censebat) ad publicam illorum peccatorum
confessionem obligabat: quem quidem usum ob scandalum inde
securum abrogauit Nectarius, liberumque reliquit, ut vnusquisque
peccata sua secreto posset cuilibet Sacerdoti aperire, ut fufius expli-
cat & probat Bellarminus loco citato.

SECTIO XII.

*Qua persona, & quo tempore obligentur ad confessionem
Sacramentalem faciendam.*

QUOD spectat ad primam, communis & certa Doctorum
sententia est, eas omnes & solas personas ad Sacramenta-
lem confessionem obligari, quæ mortale aliquod peccatum post
realem Baptismi suspensionem commiserunt. Hoc enim manifestè
constat, cum ex cap. *omnis vtriusque sexus* in Concilio Lateran. cum
etiam ex eo quod Conc. Trident. sess. 14. cap. 2. dicit baptizatos, qui se
crimine aliquo contaminauerint, ad Pœnitentiæ tribunal ex Christi
Domini instituto fisci debere, ut ab admisfis peccatis liberentur; &
c. 5. peccata omnia mortalia, etiam si occultissima sint, esse in confes-
sione declaranda: venialia autem, quamuis rectè & vtiliter in confes-
sione dicantur, taceri tamen posse citra culpam.

Quod vero spectat ad secundum, consentiunt omnes Theologi
præceptum diuinum de confessione facienda, obligari illum qui sibi
conscijs est alicuius peccati mortalis, saltem in articulo aut proba-
bili periculo mortis, ut sunt periculosa nauigatio, dimicatio cum
hostibus, partus difficilis, grauis & periculosa infirmitas, &c. Ita
Nauarrus sess. 2. punct. 4. Sorus, Angelus, Reginal. Vasquez; & alij
apud Bonacinam disp. 5. de part. Pœnit. & ea de causa cap. *cum infir-
mitas*, de pœnit. & remiss. iniungitur medicis, ut cum eos ad infirmos
vocari contigerit, ipsos ante omnia moneant atque inducant, ut me-
dicos aduocent spirituales animarum: & Cælestinus Papa Epistola
2. ad Episcopos Galliæ, quæ refertur 26. quæst. 6. cap. *Agnouimus*, im-
probans prauum quendam usum denegandi Sacramentum Pœnitent-
iæ damnatis ad mortem; qui tunc in Gallijs inoluerat, *Quid
hoc*, inquit, aliud est, quàm morienti mortem addere, cuiusque
animam sua crudelitate ne absoluta esse possit, occidere? & paucis
inter-

intellectis, *Salutem ergo homini ademit, quisquis mortis tempore sperantem Pœnitentiam denegauit.*

2 Diximus, saltem in articulo aut probabili periculo mortis: Quidam enim Doctores non improbabiler existimant, præceptum illud diuinum ad confessionem Sacramentalem obligans etiam aliquando extra articulum seu periculum mortis obligare: Quisenim sibi persuadeat, si Ecclesia tempus confessionis faciendæ non determinasset, peccatorem in quibuslibet criminum sordibus toto vitæ tempore torpere, mediumque adeo efficax ad veniam peccatorum obtinendam sine nouo peccato negligere potuisse.

Quo vero tempore præceptum illud diuinum obliget, Christus Dominus expressè determinare noluit, sed Ecclesiæ suæ determinandum reliquit; quæ quidem in Concil. Lateran. sub Innocentio III. cap. 21. hoc decretum edidit: *Omnis utriusque sexus fidelis, postquam ad annos discretionis peruenit, omnia sua solus peccata confiteatur fideliter, saltem semel in anno, proprio Sacerdoti, & iniunctam sibi Pœnitentiam studeat pro viribus adimplere: quo decreto suo velut modificauit & determinauit ipsum præceptum diuinum de confessione faciendâ; & tempus quo implendum esset, præscripsit: Neque enim, ut loquitur Concil. Trident. per Lateranense Concilium Ecclesia statuit, ut Christi fideles confiterentur, quod iure diuino necessarium, & institutum esse intellexerat, sed ut præceptum confessionis saltem semel in anno ab omnibus & singulis, cum ad annos discretionis peruenissent, impleretur.*

Sunt autem quædam hic circa præceptum illud confessionis annuæ obseruanda.

3 Primum est, illud propriè & per se obligare tantum semel in anno ad confessionem Sacramentalem instituendam quauis ratione Paschalis communionis, ad quam fideles tenentur, ipso tempore Paschali præsertim obligare censeatur. Ita Sorus in 4. dist. 18. quæst. 1. art. 4. Valentia qu. 9. de pœn. punct. 4. Vasquez q. 90. art. 5. & plures alij quos ibidem citat.

Secundum est, nullam certam ætatem determinari posse; in qua pueri primum confessionis faciendæ præcepto teneantur; cum alijs citius, alijs tardius orietur usus rationis ad peccatum mortale committendum sufficiens: quare id Confessarius non ex sola ætate, sed multo magis ex ingenij & educationis qualitate discernere debet. Ita Laymannus tract. 6. de Sacrament. Pœnitentiæ cap. 5. ubi etiam monet Confessarium, postquam consideratis circumstantijs iudicauit puerum verè ac deliberatè peccatum mortale quod confiteretur commisisse, illum cura peculiari ad concipiendum dolorem de peccatis ex motiuo aliquo supernaturali excitare & iuuare debe-

re; cum in eo dolore concipiendo frequenter pueri deficere soleant. Quod si vt ibidem subiungit omnibus perpensis de iudicio & discretionem pueri dubius permaneat, num sufficiens extiterit ad aliquod peccatum deliberatè committendum, tunc illum sub conditione absoluerè poterit.

4 Tertiùm est, præcepto confessionis annuæ non obligari nisi eos, qui peccatum aliquod mortale commiserunt, vt constat ex Conc. Trid. suprà, & docuit S. Thomas, Sotus, Maior, & alij apud Suarez disp. 22. sect. 8. quod tamen non obstat quin consultissimum sit ijs, qui nullius peccati mortalis sibi conscij sunt, ad Pœnitentiæ tribunal tempore Paschali accedere & venialia confiteri: imò fieri potest vt is, qui tantùm habet venialia ad confessionem Paschali tempore obligetur non quidem per se, sed per accidens: Primò, ratione scandali quod oriri posset, si tempore Paschali ad confessionem non accederet. Secundò, ad euitandum peccatum præsumptionis. Tertiò, ne seipsum decipiat sibi nimium blandiendo, putans se tantummodo habere venialia, cum fortassis habeat etiam mortalia quorum non recordetur: quæ tamen tunc ei remitterentur indirectè simul cum venialibus quæ confiteretur. Quod potiori adhuc ratione obseruandum esse in articulo mortis rectè docuit Isambertus disp. 14. art. 14.

Quartum est, præter confessionis annuæ præceptum, dari etiam quosdam alios casus, in quibus confessionis faciendæ obligatio incumbit: v.g. cum quis suscepturus est sacram Eucharistiam, estque sibi peccati alicuius mortalis conscius: tunc enim, vt declarauit Conc. Trid. sess. 13. c. 7. *quantumcumque sibi contritus videatur absque premissa confessione sacramentali id sacram Eucharistiam accedere non debet*. Præterea, vt ibidem habetur, quando urgente necessitate Sacerdos lethalis alicuius culpæ sibi conscius absque præuia confessione celebravit, postea debet quamprimum confiteri. Alium adhuc casum adiungit Suarez dis. 31. q. 31. n. 2. part. 2. cap. 5. cum scilicet quis sæpiùs in peccatum aliquod mortale relabatur, nec se illud aliter euitare posse putat, nisi confessionis Sacramentalis auxilio: tunc enim medium illud amplecti tenetur. Addimus ex Catech. Rom. *Nullam rem fidelibus ad id cura esse debere, quàm vt frequenti peccatorum confessione animum studeant expiare, &c. ac turpe esse, cum in eluendis corporis aut vestium sordibus tam diligentes simus, non eadem diligentia curare, ne anima splendor turpissimis peccati maculis obsolescat.*

Quanam sint conditiones ad confessionem debitè faciendam requisita.

QUIDAM Doctores sexdecim eiusmodi conditiones enumerant ; quæ licet alioquin omnes bonæ sint ac vtilis, pleraque tamen illarum minimè necessarias esse monet Tolet. lib. 3. c. 7. qui eodem cap. & seq. quinque præsertim conditiones ad confessionem debitè faciendam requiri docet.

Prima est, ut sit *Diligens* : id est ut pœnitens ad confessionem non accedat, quin prius peccata sua diligenti præmissio examine in memoriam sibi reuocare conetur, aliàs qui nullam eiusmodi diligentiam adhibere vellet, ad confessionem admittendus non esset : imò qui ex culpabili negligentia peccatorum aliquorum mortalium obliuisceretur, quæ idcirco in confessione declarare omitteret, ipsam confessionem ex integro repetere tenetur, ut asserit idem Tôletus cap. 9. ubi rectè obseruat diligentiam illam non æqualiter in omnibus requiri, sed pro diuersa ratione personarum, & status, nec non temporis ex quo vltima confessio facta est determinandum esse ; illumque qui multis & varijs negotijs implicatus est, teneri ad maiorem diligentiam adhibendam, quam is qui ab eiusmodi negotijs vacuus & liber est : similiter qui tempore diuturniori expers confessionis fuit, quàm qui breuiori.

Secunda est, ut sit *fidelis & vera* : id est, ut pœnitens veraciter & sincerè Sacerdoti conscientie suæ statum aperiat, neque negando quæ commisit, neque scienter sibi imponendo quæ non commisit, neque item dubia pro certis, aut certa pro dubijs proponendo : mentiri enim in confessione ut ibidem docet graue peccatum est, quando scilicet hoc sit deliberatè & in materia aliqua graui.

Tertia est, ut sit *Secreta* : id est ut pœnitens non coram alijs & publicè, sed secretò & ad aurem ipsius Sacerdotis peccata explicet : hanc enim esse confessionis sacramentalis conditionem ex ipsius Christi Domini institutione rectè docet & probat Isambertus disp. 15. de pœn. art. 9. Vnde Concil. Trident. sess. 14. can. 6. expressè asserit Ecclesiam semper obseruasse & obseruare modum illum secretè confitendi : & cap. 5. eiusdem sess. dicit, *Quod, quamuis Christus Dominus non venterit quin aliquis vindictam suorum scelerum & sui humiliationem, ob aliorum exemplum & Ecclesie offensæ adificationem delicta sua publicè confiteri possit, id tamen non esse diuino præcepto mādātū, nec satis consultè humana aliqua lege præcipi possit, ut delicta præsertim secreta, publica essent confessione aperienda.*

Quar-

Quarta confessionis conditio est, ut sit *Obedire parata*: id est, ut poenitens habeat voluntatem & propositum exequendi ea, quæ Confessarius ipsi tanquam necessaria præscripserit, verbis gratis fugiendi proximas peccati occasiones, aliena restituendi, poenitentiam impostam adimplendi, &c.

Quinta denique conditio est, ut sit *Integra*: quæ quidem conditio, quoniam grauioris alicuius momenti est, seq. sect. commodius explicabitur.

SECTIO XIV.

Qua sit integritas Confessionis ad validitatem & fructum eius requisita.

CERTVM est integritatem Confessionis non Ecclesiastico solum, sed Diuino etiam iure necessariam esse, poenitentemque ad peccata omnia in Cōfessione declaranda ex Christi Domini institutione obligari. Hoc expressè docuit Conc. Trid. sess. 14. c. 5. cuius quidem verba, quoniam doctrinam pro huius Sacramenti praxi maximè necessariam continent, paulò fufius hic attexere non erit inutile: Dicit igitur, *Sacerdotes à Christo Domino Praefides & Iudices in Sacramento Poenitentia constitutos, iudicium hoc incognita causa exercere non posse, nequa aequitatem in iniungendis poenis seruare posse, si in genere duntaxat, & non potius in specie ac sigillatim sua ipsi poenitentes peccata declarent: unde colligitur oportere à poenitentibus omnia peccata mortalia, quorum post diligentem sui discussionem conscientiam habent, in confessione recenseri, etiam si occultissima illa sint, & tantum aduersus duo vltima Decalogi precepta commissa, quæ nonnunquam animum grauius sauciant, & periculosiora sint illis, quæ in manifesto admittuntur, &c.* cum enim vniuersa mortalia peccata etiam cogitationis, homines ira filios & Dei inimicos reddat: necessum est omnium etiam ventam cum aperta & verecunda confessione à Deo querere: itaque dum omnia quæ memoria occurrunt, peccata Christi fideles confiteri student, procul dubio omnia diuina misericordia ignoscenda exponunt: si enim erubescat agrotus vulnus Medico detegere, quod ignorat medicina, nō curat. Colligitur præterea etiam eas circumstantias in cōfessione explicandas esse, quæ speciem peccati mutant: quod sine illis peccata ipsa, neque à poenitentibus integre exponuntur, nec iudicibus innorescant, &c. reliqua autem peccata quæ diligenter cogitanti non occurrunt in vniuersum eadem confessione inclusa esse intelliguntur, pro quibus fideliter cum Propheta dicimus *ab occultis meis munda me Domine.*

Ex qua Concilii doctrina intelligi potest non modò necessitas

Pars II.

K

integritas

integritatis in confessione seruandæ, sed etiam quis sit illiusmodus, seu quænam requirantur, vt confessio integra esse censeatur: quæ hic paulo distinctius breuiter tamen maioris facilitatis gratia, subiungimus.

2 Ad integritatem igitur confessionis secundum mentem Concilii requiritur primo vt poenitens peccata omnia mortalia vel quæ mortalia esse dubitat, etiam solius cogitationis, quæ post diligentem sui discussionem memoriæ occurrent, in confessione explicet; adeo vt confessio nulla sit & denuò iteranda, si vel vnum eiusmodi mortale peccatum in confessione deliberatè reticeat. Et de peccatis quidem mortalibus, quæ à se commissa esse recordatur, euidenter constat ex supra citatis Concilii verbis: de illis verò peccatis, de quibus poenitens dubitat vtrùm mortalia sint, vel vtrùm sint à se commissa, communis Doctorum sententia & in praxi tenenda est, poenitentem ad ea sub dubio confitenda obligari. Ita S. Th. S. Bonauent. Alensis, Adrianus, Syluester, Nauarrus, Suarez & alii, quos citat & sequitur Layman. lib. 1. tr. 1. cap. 5. paragr. 3. Quod si post diligentiam sufficientem iudicio viri prudentis in examine conscientie adhibitam, peccata aliqua mortalia memoriam effugiant, tunc nihilominus virtute Sacramenti simul cū aliis remittuntur, cum onere tamen & obligatione eadem confitendi & clauibus subiiciendi, si fortè postea memoriæ occurrant.

Obseruat autem Pet. de Ledesma tract. de Sac. Pœn. cap. 16. ex communi Ecclesiæ doctrina & praxi, omnia illa peccata mortalia vni & eidem Sacerdoti esse confitenda, neque sine sacrilegio diuidi aut dimidiari posse confessionem; ita vt quædam peccata vni, reliqua vero, alteri Sacerdoti declarentur: cum hæc diuisio & dimidiatio confessionis integritati eius repugnet, nec possit vnum peccatum mortale sine alio remitti.

3 Requiritur 2. vt poenitens numerum peccatorum suorum exprimat, neque enim satis est vt quis v. g. dicat se multoties tale peccatum commisisse, nisi quoties commiserit explicet: quod tamen (vt rectè monet Gammach. c. 20. de Sac. Pœn. part. 1. non mathematicè, sed morahter intelligendum est, seu quantum ab ipso poenitente fieri potest, vnde sufficit vt poenitens numerum illum peccatorum exponat, qui post sufficiens examen memoriæ occurrit: imò, si præcisè non recordetur quoties peccatum aliquod commisit, satis est vt dicat se circiter toties plus minusve peccatum illud commisisse: quod si frequentissimè in illud lapsus sit, saltè tempus exprimat; dicatque v. g. se ab anno fere quotidie vel pluries in vnoquoque die blasphemias protulisse, aut per mensem inimicitias cum aliquo gessisse, cuius quoties recordabatur (quod sæpissime & quacumque data occasione fiebat) toties se illius occidendi, aut aliquod aliud

aliud malum illi inferendi voluntatem renouasse. Ita idem Gammachæus sup. Toletus lib. 3. cap. 7. & alii communiter.

4 Requiritur 3. vt pœnitens circumstantias, quæ speciem peccati mutant, in confessione declaret, id est quæ noua n aliquam deformitatem specie differentem in actum peccati inducunt, seu quæ specialem oppositionem habent cum aliquibus aliis præceptis aut virtutibus, v. g. si quis furatus fuerit rem sacram, seu sacris vñibus consecratam, vt calicem: si fornicatus fuerit in loco sacro; si hominem occiderit, qui esset Sacerdos in primo enim casu; circumstantia rei furto ablata; in secundo circumstantia loci; in tertio circumstantia personæ inducit nouam deformitatem specie differentem in ipsam actionem furti, fornicationis & homicidii, proinde in confessione declaranda est.

Sufficit autem (quod rectè monet Gammachæus loco cit.) ad euitandas perplexitates, in quas personæ laicæ aliquando incurrunt nescientes, quænam sint illæ circumstantiæ quæ species peccati mutant, aut quomodò explicari debeant, sufficit, inquam, vt eiusmodi personæ ad Pœnitentiæ Sacramentum accedentes nihil omninò reticere velint eorum, quæ ab ipsis debent declarari, vtque circumstantias notabiliore, quæ per se statim memorie occurrunt, & seipsas satis euidenter produnt, in confessione explicent, parati sincere ac humiliter respondere ad interrogata Sacerdotis, cuius est dignoscere circumstantias illas necessariò explicandas, de iisque pœnitentem interrogare; vt postea suo loco dicitur.

Quæresan pœnitens teneatur etiam declarare in confessione circumstantias illas, quæ speciem peccati non mutant, sed illud notabiliter aggrauant. Dux sunt super hac re oppositæ inter se Theologorum sententiæ: alii siquidem, quamuis existiment optimum & saluberrimū esse circumstantias illas notabiliter aggrauantes in confessione declarare, negant tamen pœnitentes ad id obligari. Ita Paludanus, Adrianus, Nauarrus, Medina, Pefantius, Reginaldus, Vasquez, & plures alii apud Bonacinam disp. 5. qu. 4. sect. 4. pun. 3. qui etiam pro illa citat S. Doctorem. Alij è contra asserunt circumstantias notabiliter aggrauantes esse in confessione declarandas. Ita Marcellius, Maior, Sotus, Canus, Suarez, & alii quos refert & sequitur Gammachæus, cap. 10. de Pœnit. §. 1. cui sententiæ subscribit etiā Isambert. disp. 18. a. 1. eamque pluribus rationionibus propugnat. Quamuis autem priorem sententiā maximè probabilem existimemus; tūm propter authoritatem Doctorum qui eam tuentur, tūm etiam quia Concilium Tridentinum sess. 14. c. 5. circumstantias tantummodò speciem peccati mutantem in confessione declarandas esse dicit, nulla facta mentione circumstantiarum illarum quæ tantummodo notabiliter aggrauant, quod tamen dicere non omisisset, si

necessarium esse iudicasset: contrariam nihilominus sententiam adhuc probabiliorē, in praxi quantum fieri poterit, tenendam arbitramur, pœnitentesq; circumstātijs notabiliter aggrauātes patefacere esse debere, & à Confessariis prout spiritus & prudentia suggerit, de iisdē interrogandos esse ob eam præsertim rationem, quod sine illarū circumstantiarum notitia vix possint Confessarii dignoscere, quales & quantas satisfactiones aut restitutiones iniungere, quæ remedia proponere, aut consilia pœnitentibus suggerere debeant: aliter enim haud dubiè se gerere debet Confessarius cū eo, quibrevi aut qui diuturno tempore in peccati alicuius cœno hæsit; aliter cum illo, qui ex gravi & inueterato odio, aut qui ex repentina ira deliberata tamen; malum aliquod intulit aut optauit; cū hæ nihilominus circumstantiæ peccati speciem non mutant: sed tantummodo aggraudent.

S E C T I O XV.

An integritus confessionis ita necessaria sit, ut in ullo casu licitum sit peccatum aliquod mortale in confessione reticere.

ID V O sunt præcipui casus, in quibus pœnitens licitè & fructuosè absolutionem Sacramentalem recipere potest; quâuis peccata omnia mortalia, quæ à se commissâ recordatur, non declarauerit: quod tamen non obstat quin cessante ratione ob quam illa reticuit, eadem postea in confessione declarare teneatur.

Primus casus est, quando reperitur impossibilitas quædam moralis ex parte ipsius pœnitentis ad declaranda omnia mortalia à se commissâ: v.g. quando ægrotus inter confitendum vocis usum repēte amittit, nec potest reliqua peccata explicare, veletiam si nullum peccatum declarare poterit: tunc enim dummodo contriti animi signa quædam exteriora Confessarius in ipso deprehendat, potest, in iō debet illum Sacramentaliter absolvere. Ita Medina, Syluester, Nauarrus, Bellarminus, Suarez, & alii apud Bonacinam disp. 5. quæst. 5. de Pœnit. punct. 1. imo quamuis ante Confessarii aduentum non modo vocis, sed etiam rationis ac iudicii usum amiserit; si tamen aut Sacramentalem absolutionem verbis aut signis petiuerit, declaraueritque se velle cofiteri, idque fide digno testimonio ipsi Confessario innotescat, tunc etiam potest, imo debet illum sacramentaliter absolvere, saltem sub conditione. Ita Suarez & alii plures apud eundem Bonacinam suprâ, quibus subscripsit Ganymachæus cap. 20. §. 1. & Isa bertus disp. 18. art. 10. & probatur ex Concilio Arausicano 1. can. 12. vbi dicitur quod *subito obmutescens,*

scens, prout statutum est, baptizari, aut Pœnitentiam accipere potest, si voluntatis praterita testimonium verbis aliorum habeatur, aut presentis in suo nutu: & ex Concilio Carthag. 4. cap. 76. ei qui poenitentiam in infirmitate petit, si casu dum ad eum Sacerdos inuitatus venit oppressus infirmitate obmutuerit, vel in phrenesim versus fuerit, dent testimonium qui eum audierunt, sicque accipiat poenitentiam; & si continuo creditur moriturus, reconcilietur per manus impositionem, & infundatur Eucharistia orieius. Item ex S. Leone Papa Epist. 91. ad Theodorum Foroiulienfium Episcopum, ubi de infirmis loquens, si, inquit, aliqua vi agri tudinis ita fuerint aggravati, ut quod paulo ante poscebant, sub presentia Sacerdotis significare non valeant testimonia eis fidelium circumstantium prodesse debebunt; ut simul & poenitentia & reconciliationis beneficium consequantur. Accedit etiam praxis totius Ecclesiæ, quam discimus ex Rituali Romanotie. de ordine administrandi Sacramentum Eucharistiæ, in quo dicitur, infirmum absolvendum esse, si confitendi desiderium vel per se vel per alios ostenderit.

2 Quod si moribundus vi morbi de repente ita oppressus fuerit, ut nec Confessarium postulauerit, nec ullum confitendi desiderium verbis aut nutibus aliisve similibus signis, presente vel absente Confessario ostenderit, tunc sacramentaliter absolui non poterit; cum nulla sit ibi materia idonea & sufficiens Sacramenti Pœnitentiæ, nulla contritio aut confessio quæ signo aliquo exteriori se prodatur; cum tamen sint partes essentielles ipsius Sacramenti, sine quibus forma illius applicari nec licite nec valide potest. Ita Suarez disp. 23. sect. 1. & plurimi alii Theologi quos citat & sequitur Layman. tract. 6. de Pœnit. cap. 8. quibus subscribit Isamb. disp. 17. a. 9. Certè Concilia & Patres non aliter permittunt Poenitentiae Sacramentum morituro obmutescenti aut phrenetico ministrari, nisi Sacerdoti constet illum antea Sacramentum ipsum expetisse, desideriumque suum verbis aut nutibus, aliisve signis declarasse.

3 Secundus casus est quando ex confessionis integritate sequeretur aliquod graue damnum spirituale vel corporale alterius, aut ipsiusmet confitentis: v. g. quando urgente prælio aut instante naufragio plurium militum aut nauigantium confessio excipienda est: tunc enim ne dū vnius confessio integra excipitur, sed ne aliorū quibus confitendi spatium deerit salus periclitetur, sufficit ut quisque peccatum aliquod mortale à se commissum fateatur: imo si tempus ad id non suppetat, & iam iam naufragium immineat aut præliū ineatur, satis erit tunc, ut omnes nauigantes aut milites signis aliquibus exterioribus se peccasse generatim, & de peccatis verè dolere demonstrent: quæ quidē signa vsu vel auditu à Confessario percipian-

tur licque à Confessario absoluantur. Ita Isamberrus disput. 17. art. 8.

Item quando infirmus laborat morbo contagioso, si non possit Confessarius absque manifesto vitæ periculo in peccatis illius sigillatim audiendis diutius immorari; tunc aliquibus tantum peccatis in Confessione auditis si aliàs sufficienter dispositus sit, illū sacramentaliter absolvere poterit. Ita Vasquez, Koninch, & alii apud Bonacinam loco proximè citato. In hoc tamen casu debet Confessarius admonere infirmum, confessionem illiuseo modo factam esse validam & sufficientem, & quantum fieri poterit, animo pacatum & tranquillum dimittere.

4 Simili modo, si quis v. g. patrem aut matrem Confessarii sui occidisset, aut domui eius ignem subiecisset, nec alteri tunc confiteri posset, non teneretur incendium illud & homicidium ei in Confessione declarare: quia hoc esset exponere Confessarium ipsum peccato vindictæ & odij, fortè etiam periculo reuelandæ confessionis, & multa hinc maia moraliter sequi possent, cum Sacerdotes sint quoque homines circumdati infirmitate, & inter illos alii aliis infirmiores: quare tunc posset licitè pœnitens peccatum illud in confessione reticere. Ita Nauarrus cap. 7. num. 3. Gammachæus cap. 20. §. 1. & alii.

Quæres an similiter liceat pœnitenti reticere in confessione peccatum aliquod morale aut illius circumstantiam, quod vel quam declarare non potest, nisi cum manifestatione complicitis. Nauarrus suprà numero 1. & sequentibus affirmat, id non modo licitum esse, sed etiam pœnitentem tunc ad peccati illius aut circumstantiæ reticentiam obligari, illique subscripsit Gammachæus suprà: quorum sententia quamvis sit probabilis & rata, verior tamen & tutior videtur sententia negans, quæ est S. Doctoris in 4. dist. 16. quæst. 3. art. 2. q. 5. ad 5. quem sequuntur Bonaventura, Alexander, Paludanus, Maior, Almainus, & plures alii apud Suarez d. 34. de Pœnit. sect. 1. cum quibus proinde dicimus pœnitentem in casu supra declarato debere in primis Confessorem quærere, cui persona, cum qua peccauit, non sit nota; vel si commodè & absque salutis periculo fieri possit, confessionem in aliud tempus differre: quod si neutrum possit, tenetur tunc peccatum suum tale quale commissum fuit, declarare, id manifestè innuit S. Bernardus opusculo de formula honestæ vitæ versus finem, ubi hoc documentum tradit; *De nullo prorsus sinistre loquaris, quantumcunque sit verum vel manifestum, nisi in confessione; & hoc, ubi non potes aliter manifestare peccatum tuum.*

5 Ex qua S. Bernardi, & aliorū qui suprà citati sunt, doctrina colligitur 1. quòd obligatio integre cōfiteandi à Christo Domino cuique pœniten-

pœnitenti imposita, est ratio sufficiens ad peccatum alterius sub sigillo huius Sacramenti Confessario manifestandum; ac proinde quòd illa manifestatio sic facta, charitati proximè non aduersetur, sicut eidem charitati minimè repugnat, si extrà confessionem peccatum alterius occultum ex aliqua iusta & rationabili causa manifestetur.

Colligitur 2. extra hunc casum necessitatis nullatenus licere alterius peccatum in confessione declarare, ideoque quando Confessarius prœuidet pœnitentem sine vlla causa rationabili velle nominare personas peccati sui complices, vel à quibus ad peccandum inductus est, debet id prohibere, ipsumque admonere, ne detractionis peccatum incurrat, vt rectè obseruat Nauarrus suprà num. 2.

S E C T I O X V I.

Quis sit legitimus Sacramenti Pœnitentiæ minister.

I C E R T Y M est solum Sacerdotem esse legitimum Sacramenti pœnitentiæ ministrum: solis si quidem Apostolis & eorum in Sacerdotio successoribus dictum est à Christo Domino S. Ioan. 20. *Quorum remisistis peccata, remittuntur eis*, vt vnanimiter verba illa Christi Domini intellexerunt SS. Patres, ac nominatim S. Ambr. lib. 1. de Pœnit. cap. 2. S. Augustinus lib. 2. cont. Epist. Parmen. c. 12. & S. Leo Epist. 91. ad Theodorum: eadem quoque veritas tanquam fide credenda definita est in Concilio Constantien. in Bulla Martini 5. in Concil. Florent. in decret. Eug. & in Conc. Trident. sess. 14. cap. 6. & can. 10.

Quod quamuis verum sit, non tamen quilibet Sacerdos quoslibet pœnitentes valide absolvere potest; sed præter potestatem illam, quam ex ordinatione accipit, requiritur in eo præterea potestas iurisdictionis, id est, quod quamuis Sacerdos vi ordinationis suæ accipiat immediatè à Christo Domino potestatem remittendi peccata, non tamen accipit materiam cui potestatem illam applicet, nec habet vi ordinationis suæ vllos subditos, in quos iudicalem illam potestatem validè exerceat. Hoc patet ex Concilio Tridentino sess. 14. cap. 7. vbi expressè dicit *nullius momenti absolutionem eam esse debere, quam Sacerdos in eum profert, in quem ordinariam aut subdelegatam non habet iurisdictionem*. Idem antea fuerat quoque declaratum in Concilio Florent. in decret. Eugen. vbi dicitur, *Ministram Sacramenti pœnitentiæ esse Sacerdotem habentem auctoritatem absolvendi, vel ordinariam, vel ex commissione*.

2 Porro in Sacerdotibus, qui parochiaie beneficium non obtinent, præter iurisdictionem & potestatem quæ ipsis demandari potest,

requiritur quoque approbatio Episcopi : id est testimonium iuridicum de illorum capacitate & sufficientia ad excipiendas fidelium confessiones, eosque Sacramentaliter absoluentes. Ita speciatim constitutum habetur in Conc. Trident. sess. 23. cap. 15. de reform. ubi *Decernit sancta Synodus nullum etiam regularem posse confessionis sacularium etiam Sacerdotum audire, nec ad id idoneum deputari, nisi aut parochiale beneficium, aut ab Episcopis per examen, si illis videtur esse necessarium, alias idoneus indicetur, & approbationem qua gratis detur, obtineat.* Vnde sequitur Sacerdotem illum, qui neque parochiale beneficium obtinet, neque ab Episcopo approbatus est, idoneum non esse ad Sacramentum poenitentiae ministrandum, ac proinde neque licite neque valide absolutionem Sacramentalem conferre posse, ut fusiùs probat Isambert. dis. 21. de Pœnit. art. 2. ubi etiam refert ex observationibus Ioannis Galmart, ad citatum caput 15. sess. 23. congregationem Cardinalium declarasse, *Absolutionem a Sacerdote datam vigore facultatis generaliter à summo Pontifice, vel specialiter à paroco concessa si ab Episcopis Sacerdos examinatus & approbatus non fuerit, censeri nullam, etiam quoad eos, qui tali Sacerdoti bona fide confessi sunt.*

3 Ex hoc autem Concilij decreto rectè inferitur, Sacerdotes quoscunque, sæculares aut regulares, quamvis doctissimos & in Theologia versatissimos, imò & laurea doctoratus insignitos, si parochiale beneficium non obtineant, indigere Episcopi approbatione, ut valè confessiones excipere & poenitentes absolvere possint: & è contra Superiores Religiosorum posse dare suis licentiam eligendi sibi in Confessarium aliquem Sacerdotibus per Episcopum non approbatis: quia Concilium approbationem illam ad confessiones tantum sacularium exigit. Ita Isambertus sup. art. 2. qui etiam articulis sequentibus quædam observat scitu dignissima, & ad praxim maxime necessaria, quæ hic non omittenda duximus.

Primum est iuxta probabiliorè & magis in praxi tutam Doctorum sententiam, ab illo Episcopo accipiendam esse approbationem, in cuius Diœcesi Sacerdos Poenitentiae Sacramentum est administraturus. Ratio est, quia Sacerdos approbationem ab eo Episcopo accipere debet, qui ab illo Sacramenti, quod administravit, rationem exigere potest; & cuius præsertim interest, ut debire & eo quo decet modo administretur.

4 Secundum est, approbationem illam posse pro arbitrio Episcopi esse, vel uniuersalem & illimitatam, vel specialem & determinatam ad tempus aliquod certum, vel ad certa quædam loca, exempli gratia, posse Episcopum Sacerdotem aliquem approbare ad confessiones audiendas tantummodo per annum, ita ut anno illo elapso, nec licite, nec valide, nisi noua approbatione obtenta, huius Sacramenti admini-

stra-

strationi incumbere possit : quod in multis Diœcesibus, ac etiam Romæ in usu esse comperitur, ad segnitiam quorundam Confessariorum excutiendam, eorumque sedulitatem in conseruanda & excolenda scientia ipsis necessaria excitandam. Similiter posse Episcopum approbare Sacerdotem ea conditione, vt in certo tantum loco, v. g. in aliqua parochia rurali confessiones excipere possit, idque non sine ratione, cum non raro contigat Sacerdotem aliquem idoneum ab Episcopo iudicari, qui in pagis pœnitentiam administret, non vero in vrbibus, in quibus vtplurimum reperiuntur personæ variis & difficilibus negotiis implicatæ, pro quibus in hoc Sacramento dirigendis doctrina vberior & maior ingenii vis requiritur.

Tertium est approbationem ab Episcopo concessam posse ab eodem reuocari, e. g. si Confessarius ex negligentia euadat imperitior, aut fiat maioribus deterior; ita vt expediat pro bono Ecclesiæ illi à tali officio amouere. Imò existimat idem Isambertus posse Episcopum sine vlla causa approbationem, quamuis docto & pio viro concessam prout libuerit, reuocare : quamuis enim id contra rationem faciendo peccet, eius tamen reuocatio vim suam & robur obtinet; ita vt Sacerdos sic reuocatus nec licitè, nec validè possit pœnitentiæ Sacramentum ministrare.

Quartum est, quod quamuis ex suprâ relato Concilij decreto approbatio requiratur ad audiendas confessiones sæcularium etiam Sacerdotum, nihilominus in plerisque Galliæ locis solere Sacerdotes etiam minimè approbatos aliorum Sacerdotum confessiones excipere; quod quidem validè ac licitè ab ipsis fieri docet & probat Isambertus suprâ, non vi alicuius consuetudinis, cui expressè derogat Concilium; sed ex tacito consensu Episcoporum, qui cum probè nouerint Sacerdotes inuicem sibi hoc Sacramentum, nulla obtenta approbatione, ministrare, nec tamen id prohibeant, censentur tacitè illos quoad hoc approbare.

Quintum est, quemcumq; Sacerdotem, quamuis nec approbatus sit, nec vllam obtineat iurisdictionem, imò etiam si excommunicatus, suspensus, degradatus, aut hæreticus sit; posse tamen quemlibet pœnitentem à quibusvis peccatis & censuris in articulo mortis absolvere: quod expressè declarauit Concilium Tridentinum Sess. 14. c. 8. per articulum verò mortis, etiam illius probabile periculum communiter Theologi intelligunt, quale est eorum, qui prælium aut periculo sam nauigationem proximè sunt inituri, vt videre est apud Suarez tom. disp. 69. sect. 3. & tom. 4. disp. 26. sect. 4. & 5. disp. 30. sect. 3. & patet ex c. Eos de sent. excō. Hæc est autè tali casu differentia obseruanda, quod à Sacerdos ille tunc à quibusvis peccatis etiâ reseruatis directè absoluat; à censuris verò nō nisi sub ea conditione

tione, vt elapfo mortis periculo, pœnitens se coram Superiore fiffat, id quod sibi ab illo iniungetur, præstiturus, vt citato cap. declaratur.

Potest etiam Sacerdos non approbatus à peccatis mortalibus aliàs confessis & remissis, & à quibufvis venialibus, quemlibet sacramentaliter absolvere, dummodò tamen non fit excommunicatus, aut alio impedimento canonico notoriè obstrictus, vt docent Viualdus, Pefantius, Suarez, Henriquez, Reginaldus & alij, apud Bonacinam disp. 5. quæst. 7. de Sacram. Pœnit. pun. 1. siue id possit ex vi ordinationis suæ, siue ex consuetudine vel tacita Ecclesiæ concessione, siue ex eo quod Pœnitens quoad ea peccata se ei subiicit, quæ clauibus Ecclesiæ non tenetur subiicere, quæ apud citatos authores fufius explicantur.

Addimus è Toletio libro 3. capite 13. posse quoque Episcopum vel Curatum, etiam in aliena Diœcesi vel parochia, suos subditos confitentes audire & absolvere; quod tamen sine scandalo aut aliorum offensione fieri debet.

SECTIO XVII.

De casuum reservatione.

CERTVM est & in Concilio Trident. Sess. 14. c. 7. expressè definitum, Pontifices maximos, pro suprema potestate sibi in vniuersa Ecclesia tradita; causas aliquas criminum grauioribus suo peculiari iudicio reservare potuisse: neque dubitandum est, quando omnia quæ à Deo sunt, ordinata sunt, quin hoc idem Episcopis omnibus in sua cuique Diœcesi, in adificationem tamen, & non in destructionem liceat pro illis in subditos tradita suprà reliquos Sacerdotes inferiores auctoritate, præsertim quoad illa quibus excommunicationis censura annexa est. Hanc autem delictorum reservationem consonum est diuinæ auctoritati, non tantùm in externa politia, sed etiam coram Deo vim habere. Ex qua Concilij definitione, sequitur Sacerdotes inferiores etiam approbatos nec licitè nec validè posse à casibus illius reservatis sine speciali facultate absolvere, præterquam in articulo mortis: vt præcedenti sectione dictum est.

Quæres quinam casus Summo Pontifici, quinam item Episcopis sunt reservati. Respondetur primò, nec venialia peccata nec mortalia pure interna, sed sola peccata mortalia externo opere consummata reservari solere, vt docent Maior, Medina, Henriquez, Suarez, & plures alij apud Laymannum tract. 6. de Sacram. Pœnitent. cap. 12.

Respon-

Respondetur 2. non conuenire inter Doctores quinam casus Episcopis ex iure sint reſeruati : quidam enim exiſtimant nullos caſus eiſeſſe iure reſeruatos ; alij quodcunq; peccatum enorme publicum, ſcandalofum, ob quod olim publica pœnitentia impoſita fuiſſet, cenſent Episcopis reſeruatum eſſe, vt adulterium notorium, homicidium : alij aliter ſentiunt. Tutiffimum in re dubia eſt, vt quilibet Confefſarius attendat conſuetudinem & ſtatuta Synodalia & Episcopalia, ac reſeruaciones ſpeciales Dioceſis illius in qua verſatur ; & adminiſtrandæ pœnitentiæ incumbit, iſſque in praxi ſe conformet, vt rectè monet Laymannus ſuprà.

2. Quod verò ſpectat ad Summum Pontificem, Nauarrus cap. 27. num. 261. Suarez diſp. 29. de Pœnit. ſect. 2. Tolet. lib. 3. c. 14. & communiter alij docent nullum ab illo peccatum reſeruari conſueuiſſe, niſi ratione excommunicationis ſeu cœſuræ adiunctæ; ita ut ſi Papa eiſue Pœnitentiarius à cenſura illa abſoluat, quilibet Confefſarius poſtea poſſit à peccato illo in conſcientiæ foro abſoluere; imò, vt obſeruat Henriquez & alij apud eundem Laymann. ſuprà, ſi quis committat peccatum aliquod Papæ reſeruatum, ſed ex ignorantia inuincibili neſciat cenſuram tali peccato eſſe annexam : ſicut ignorantia illa iuriſeum ab excommunicatione incurrenda excuſat, vt infrà ſuo loco dicitur; ſic etiam facit vt eiſ peccatum minimè reſeruatum cenſeatur.

Quod ſi rursùs quæras, quinam ſint caſus illi ob annexam cenſuram Summo Pontifici reſeruati ? Respondetur plurimos & varios eſſe, qui in toto iure Canonico paſſim legi poſſunt, & à Toletofusè explicantur lib. 1. c. 18. & ſequentibus. In Rituali Pariſien. adnotantur præſertim ſequenter, qui, vt ibidem dicitur, frequentius in his Regionibus poſſunt accidere.

1. Exulſio Templorum ; nec non & domorum prophanarum, procurata, dum incendiarius eſt publicè denunciatus : quod etiam de effractione & ſpoliatione ædium ſacrarum ſimiliter intelligi debet.

2. Simonia realis in ordinibus & beneficiis, & confidentia, dummodò ſit publica.

3. Occiſio ſeu mutilatio membrorum, & quæcunq; atrocior percuſſio Religioſi vel Clerici in ſacris conſtituti.

4. Percuſſio Episcopi ſeu alterius Prælati.

5. Delatio armorum ad partes infidelium.

6. Falfificatio Bullarum ſeu Litterarum ſummi Pontificis.

7. Inuaſio, deprædatio, occupatio, aut deuaſtatio terrarum Romanæ Eccleſiæ.

8. Violatio interdicti ab eadem ſancta Sede impoſiti.

Quibus

Quibus additur crimen hæresis à quo tamen in plerisque Galliarum & aliarum Prouinciarum locis solent Episcopi, siue ex consuetudine immemorabili, siue ex tacita vel expressa licentia Summi Pontificis absolvere.

3. Obseruat autem Laymân. tra. 5. p. 2. de excom. c. 6. reservationem illam à Summis Pontificibus factam non adeò strictam esse, quin ob plures causas relaxetur, & ad Episcopalem iurisdictionem deuoluatur: quæ causæ in iure Canonico exprimuntur, vt videre est in cap. *De cætero*, & cap. *Ea nescitur*, de sent. excomm. Prima causa est ætatis infirmitas, si nimirum impuberes in casum aliquem Papæ reservationem incidant, ietiam post pubertatem ab Episcopo absolui possunt, vt habetur c. *Pueris* de sentent. excommun.

Secunda est sexus infirmitas: mulieres enim in excommunicationem Papalem lapsæ ab Episcopo absolui possunt, vt habetur c. *Mulieres*, & cap. *Quamuis*, eodem titulo.

Tertia denique causa, est quoduis legitimum impedimentum Sedem Apostolicam adeundi: qua ratione excusantur pauperes, senes, valetudinarii: Item ij qui sui iuris non sunt, aut qui ob curam administrandi familiam, gerendi officium publicum, vel ob periculum vitæ, infamiæ, scandali, aut aliam similem causam impediuntur, ne Romam ad absolutionem recipiendam proficisci possint, vt toto illo titulo variis capitibus explicatur, vnde concludit quòd iuxta regulam communiter receptam, *casus Papalis superueniente impedimento adeundi Papam, fit Episcopalis.*

SECTIO XVIII.

* *Quis possit à casibus reservatis absolvere.*

CERTUM est 1. omnem Superiorem in foro conscientiæ posse absolvere à casibus illis qui ab inferiore reservati sunt. Ratio est, quia tota potestas inferioris continetur eminenter in Superiore, ratione subordinationis potestatis inferioris ad Superiorem.

Diximus Superiorem in foro conscientiæ ad distinctionem aliorum, qui tantummodò sunt superiores in foro exteriori, quales sunt v.g. Archiepiscopi respectu Episcoporum suæ Prouinciæ, illi enim cum non sint Superiores Episcoporum in foro conscientiæ, à casibus quæ ipsi Episcopi sibi reservant, eorum subditos non possunt absolvere. Aliter tamen loquendum est de Romano Pontifice, cum enim sit summus Ecclesiæ Pastor, & ipseus Christi Domini in vniuerso orbe Vicarius, habeatque supremam potestatem in foro tam interno quàm externo respectu quorumcumque fidelium ac etiam ipsorum Episcoporum (vt infra suo loco dicitur) hanc sequitur illum posse

posse quoscunque fideles à casibus quibuscunque & à quocumque reservatis validè in veroque foro absoluerè.

Certum est 2. nullum Sacerdotem inferiorem posse absoluerè à casibus ab Ordinario suo reservatis, nisi ab ipso Ordinario, vel ab eius Superiore, in foro conscientie potestatem acceperit. Ratio est quia per eiusmodi reservationem Superior Ordinarius censetur veluti reuocare potestatem & iurisdictionem inferioribus Sacerdotibus collatam respectu casuum illorum reservatorum: *Fuit autem semper in Ecclesia persuasum* (ut habetur in Concilio Tridentino sess. 14. cap. 7.) *Et verissimum esse Synodus hac confirmat, nullius momenti absolutionem illam esse debere, quam Sacerdos in eum profert, in quem ordinariam, aut subdelegatam non habet iurisdictionem.*

Certum est 3. omnes & quoscunque Sacerdotes etiam excommunicatos, suspensos, interdictos, imò & degradatos, posse validè & licitè omnes & quoscunque fideles à quibuscunque non modo casibus reservatis, sed etiam censuris tam à iure quàm ab homine latis, in articulo mortis absoluerè Ratio est, quia voluit Ecclesia in eo cessare omnem reservationem ut declaravit Conciliū Trident. sess. 15. cap. 7. his verbis *verumtamen pie admodum ne hac ipsa occasione aliquis pereat in eadem Ecclesia Dei, custoditum semper fuit, ut nulla sit reservatio in articulo mortis*: atque ideo omnes Sacerdotes quoslibet pœnitentes, à quibuscunque casibus & censuris absoluerè possunt.

Cum hæc tria certa sint, quæres an præter articulum mortis possit aliquando inferior à casibus reservatis absoluerè, etsi nullum à Superiore ad id potestatem acceperit. Respondetur plures esse causas in iure expressas, quibus à casibus & censuris summo Pontifici reservatis possunt Episcopi absoluerè, de quibus in sect. præced. dictum est, ut ætatis infirmitas, cap. *de cetero*: & cap. *ea nescitur*, de sentent. excom. Sexus imbecillitas cap. *Mulieres*: eod. tit. Grauis aliqua necessitas, cap. *quamvis*, eod. tit. & aliæ similes causæ quæ fusiis expositæ reperiuntur apud Layman, tract. de censur. p. 2. c. 9. n. 3. Vnde Theologi communiter concludunt à pari, Sacerdotes etiam inferiores occurrente aliqua graui & urgente necessitate, quæ iuncta sit cum morali aliqua impotentia adeundi Episcopū, vel eius pœnitentiarium, posse à casibus Episcopo reservatis absoluerè pœnitentem, maxime imposito onere adeundi postea ipsum Episcopum, quando fieri poterit, & parendi eius mandatis. Exempli gratia, si urgeat necessitas suscipiendi aliquod Sacramentū puta Matrimonium, vel sanctissimū Eucharistiæ Sacramentū, à quo quis sine graui suspitione aut scandalo se retrahere non possit & aliunde longè distet Episcopus, nec nisi cum summa difficultate, aut forte cum graui periculo

periculo adiri non possit. Ita Richard. Nauar. Sotus, Philiarthus, Suarez, & alij apud eundem Laymann. sup.

SECTIO XIX.

Quanam conditiones requirantur in Confessario, ut debitè ministerio suo fungatur.

EX ijs quæ præcedentibus sectionibus dicta sunt, constat tres præcipuas conditiones in Sacramenti huius Ministro requiri, ad hoc, ut validè illud administrare possit; nimirum, ut sit Sacerdos, ut sit ab Episcopo approbatus, utque iurisdictionem ordinariam vel delegatam nulla reservatione, censura, aut quavis alia ratione impeditam in foro interiori habeat. Ut autem non modo validè, sed etiam licitè ac debitè suo fungatur officio, tres adhuc conditiones ipsi necessariæ sunt; probitas scilicet, doctrina, & prudentia. De duabus primis hac sectione breuiter aliquid dicemus; tertiam verò in proximè sequenti explicabimus.

Atque in primis quod spectat ad probitatem, certum est sancta nonnisi sanctè esse tractanda; nec Sacramenta in statu peccati mortalis administrari posse, quin nouum mortale peccatum incurratur, ut supra cap. i. à nobis dictum est & habetur cap. illud dist. 95. &c. Per Isaiam, 1. q. 1. prouindeque Confessario ad Pœnitentiæ tribunal accedenti attendendum esse num alicuius lethalis noxæ sibi sit conscius; & si fortè ita esse deprehendat vel dubitet maculam illam humili Confessione, vel, si commode non possit, urgeatque aliqua necessitas, saltem verâ & perfectâ contritione debet eluere: imò, quamuis nihil sibi conscius sit, non ideò tamen se iustificatum credet, sed consultissimum illi semper erit huic diuinæ functioni aliquem cordis contriti & humiliati affectum præmittere; nec nisi suppliciter inuocato numine, in illo sacro Tribunali sedere.

2 Quod spectat ad doctrinam; cum in hoc Sacramento Confessarius Iudicis ac Medici personam sustineat: certum est, ut duplici illo officio debitè perfungatur, scientiam aliquam in eo requiri, prouindeque Sacerdotem illum grauiter peccare, qui huic ministerio sine sufficienti doctrina se ingerit quantumuis aliàs fuerit ab Episcopo approbatus, ut ex communi Theologorum consensu docet Suarez disp. 28. sect. 2.

Ut igitur Confessarius suo muneri debitè satisfacere possit, debet probe tenere saltem ea quæ sequuntur: nimirum quæ sit materia necessaria aut sufficiens, & quæ forma huius Sacramenti: quæ illius partes essentielles & integrantes; qualis contritio requi-

tur

tur in pœnitente ad fructum huius Sacramenti percipiendum, quæ sint conditiones in confessione seruandæ; quæ peccata saltem, ex genere suo sint mortalia aut venialia; quæ circumstantiæ peccati speciem mutant, aut notabiliter aggrauent, quæ peccata secum afferant aliquam restituendi obligationem, aut censuram aliquam annexam habeant: quæ quidem omnia & alia similia tam ex ante dictis, quam ex postea dicendis in hac posteriori huius operis parte, cuius perspecta esse poterunt. Item quæ peccata summo Pontifici aut Episcopo sint reservata, quæ cuius discere poterit ex Rituali Romano, siue cuiusque Diœcesis proprio. In casibus verò difficilioribus circa censuras, obligationem restitutionis, &c. debet saltem scire dubitare vt absolutionem differat quoad vsque doctiores consuluerit. Monet autem rectè Bonacina dis. 5. q. 7. de pœn. p. 4. specialem notitiam irregularitatum & aliarum obligationum, quæ Clericos & beneficiatos spectant, requiri in eo Confessario, qui ipsorum Clericorum & Beneficiatorum confessionibus excipiendis incumbit.

5 Quæret aliquis an Confessarius teneatur, audito quolibet peccato, apud se determinare an sit veniale vel mortale. Respondetur non teneri: sed satis esse vt intelligat peccatum esse commissum, quod ex genere suo est mortale vel veniale, quamuis in particulari diiudicare non possit certo, an sit mortale vel veniale. Ita Suarez, Nauarrus, & alij apud Bonacinam suprâ: quando tamen confessarius dubitat an pœnitens peccauerit mortaliter, debet illum de peccato in futurum cauendo monere, & ad id firmiter proponendum inducere, aptaque remedia ipsi suggerere; quia in cuiusmodi dubijs tutior pars est eligenda.

SECTIO XX.

Qua sit prudentia in Confessario requisita.

1 CERTVM est ipsamet experientia teste, Confessarium præ cæteris virtutibus prudentia præsertim indigere ad omnes ministerij sui partes debite ac fructuose obeundas: ita, quamuis doctrina & pietate præditus sit; si tamen hæc virtus in eo desideretur, in grauissimos & perniciosissimos defectus aliquando incidere possit: quod libro integro super hac materia edito fusè demonstrauit Valerius Reginaldus.

Hæc autem prudentia primum requiritur in interrogando pœnitente, quoties Confessarius videt eum ex ignorantia, aut obliuione, aut inconsideratione, aut pudore, aut alia quauis de causa aliquid culpabiliter omittere, quod ad integritatem requiritur: quamuis enim

enim per se loquendo Confessarii officium non sit interrogare, sed audire confitentem; quando tamen pœnitens in confessione deficit, tenetur ipsum iuuare Confessarius: ne, si absolutionem conferat indisposito, simul cum ipso sacrilegii reatum incurrat. Ita Nauarr. cap. 5. nu. 2. & Reginaldus cap. 2. vnde etiam cap. *Qui vult confiteri* de pœnit. dist. 6. dicitur quod *Diligens inquisitor sapienter interroget à peccatore, quod forsitan ignorat, vel verecundia velit occultari.*

Interrogatio verò illa debet esse prudens; itavt à pœnitente exquirat ea, quæ habita ratione status conditionis, ætatis, &c. probabiliter coniiciteum commisisse, eaque ratione se in illis interrogationibus gerat, vt neque vano aliquo respectu aut timore aliquid necessarium omittat, neque etiam inquirendo, pœnitentem doceat ea peccata quæ nescit, & quæ nescire illi maximè expedit; quod in iuniorum confessionibus præsertim debet attendere: super qua re observari poterit monitum Cani in relect. de pœnitent. part. 6. vbi sic loquitur *Nolo ego Confessarios importunas esse & intolerabile negotium facessere pœnitentibus, Quamadmodum nec eos quidem probò, qui imprudenter interrogando, pœnitentibus scandalum iniiciunt, addeò eos peccare docent. Qua in te confidenter etiam absolutio summæ istas confessionum interrogationibus plenas quæ idiomate vulgari eduntur.* Legi potest Reginaldus toto cap. 3. libri supra citati de prudentia Confessoris.

Requiritur etiam Confessarii prudentia in iuuando pœnitente, ad hoc, vt veram & sufficientem de peccatis commissis contritionem concipiat, firmumque propositum de iisdem in futurum euitandis: & in expendendo illo pœnitentis proposito, an ex vera cordis conversione procedat.

Item in erudiendo pœnitente, quem mysteriorum fidei & aliarum rerum ad salutem necessariarum ignarum esse deprehendet; eoque in eliciendis fidei actibus iuuando.

Eadem prudentia Confessarii similiter requiritur in tranquillando pœnitentis animo, si fortè scrupulis agitatum esse perspiciat; eoque per spem & confidentiam in Deum erigendo, si timore nimio aut aliqua desperationis tentatione depressum esse cognoscat: vel è contra.

Necessaria est quoque eadem prudentia in remediis consiliisque aptis & convenientibus ipsi pœnitenti suggerendis, vt peccata deuitare, vitamque nomine Christiano dignam ducere queat, nec non in salutaribus pœnitentiis & satisfactionibus proqualitare delictorum iniungendis, etiam restitutionibus tum honoris & famæ, tum bonorum alienorum, si casus aliquis id exigat præcipiendis.

Item in expendendis dispositionibus ipsius pœnitentis, num ad absolutionem recipiendam sufficientes sint; num etiam expediat diebus

diebus aliquot a fletu: an omnino denegare.

3 Circa has autem dispositiones expendendas, non levis aliquando difficultas occurrit: quomodo se gerere debeat Confessarius erga eos qui sæpius in eadem peccata relabuntur. Atque in primis certum est denegandam esse absolutionem iis qui statum peccati mortalis relinquere nolunt, quales sunt qui nolunt inimicis reconciliari, restituere alienum cum possint, &c. Similiter etiam iis qui nolunt occasionem proximas peccandi relinquere, cum possint & debeant: tales si quidem non censentur veram contritionem de peccatis commissis, aut verum propositum de iisdem in futurum non committendis habere.

Quod verò spectat ad eos qui ex mera fragilitate in eadem peccata sæpe relabuntur, certum est etiam præcise loquendo absolutionem illis dari posse toties, quoties in ipsa peccata relabuntur, dummodo cum vera de illis contritione, & firmo non amplius peccandi proposito ad poenitentiam accedant: declaratur enim in Concilio Tridentino sess. 14. cap. 2. *Pœnitentes per Sacerdotum sententiam non semel, sed toties, quoties ad Pœnitentia Tribunal cōfugerint, posse ab admissis peccatis liberari.* Vnde sanctus Hieronymus Epistola 46. ad Rusticum: *Non solum, inquit, septies sed septuagies septies delinquenti, si conuertatur ad Pœnitentiam, peccata condonantur: & Nauarrus in Manuali cap. 3. loquens de personis illis quæ sunt in proxima peccati occasione: quam tamen ob aliquâ causam rationabilè relinquere non possunt, quam quidem causam utrùm talis re vera sit, seriò expendere debet Confessarius, dicit personas illas posse, si reciderint, absolui, non tantum semel, bis, vel septies, sed etiam septuagies septies, dummodo veram in illis contritionem & firmum, non amplius peccandi propositum Confessarius deprehendat: quia, ut ibidem obseruat, frequens peccati recidiva non est semper argumentum necessarium, quo iudicari possit poenitentiam seu contritionem non esse veram; sed est tantummodo signum maximæ fragilitatis & inconstantiae: neque ad recipiendam absolutionem requiritur ut poenitens non amplius in futurum peccet, sed ut amplius peccare nolit.*

4 Quamuis autem hæc ita se habeant, nihilominus debet Confessarius prudenter attendere, non tantum quid absolutè loquendo possit, sed potius quid ipsi poenitenti sit magis conueniens & aptum: multa enim licent, quæ aliquando non expediunt. Debet igitur coram Deo attentè considerare num frequens vsus Confessionis talibus personis utiliter suaderi possit, ut earum fragilitati consulatur, & voluntatis infirmitas, ac ægrotudo, crebra huius Sacramenti susceptione quasi remedio sæpius iterato sanetur, num è contrà frequens confessionis vsus illis nocivus sit v. g. si inde

sumant occasionem peccandi liberius : si potius ex consuetudine quam ex vero contritionis motu aut emendationis proposito ad Pœnitentiæ Tribunal accedant : pro ratione enim dispositionum illarum pœnitentes ipsos utiliter interdum poterit privare beneficio absolutionis, vel illud in aliquot dies differre, & interim pia & religiosa quædam opera & pœnitentiæ exercitia ipsis iniungere ; quæ omnia potius ex interiori Spiritus sancti illustratione, & diuturna in administratione huius Sacramenti experientia ; quam ex certis regulis aut præceptis dignosci possunt.

Denique hæc prudentia Confessarii præsertim requiritur in sigillo seu secreto Confessionis inviolabiliter servando, de quo sectione sequenti agetur.

Huic prudentiæ iungere meritò possumus charitatem seu misericordiam quæ in Confessario maxime desideratur, ut quoslibet pœnitentes ad se venientes affectu planè paterno excipiat, illorum ignorantiam, tarditatem, duritiem, perveraciam, & alias similes imperfectiones non patienter modo, sed etiam amanter sustineat, nulli labori parcat, nullam molestiam refugiat, ut illorum spirituale bonum quovis modo procuret, ac novum semper zelum divinæ gloriæ salutisque animarum in corde suo concipiat & foveat, diemque illum fortunatum arbitretur, in quo peccatoris alicuius conversioni ac sanctificationi, divina aspirante gratia, cooperatus fuerit, memor illius summæ charitatis, qua Christus optimus Pastor peccatores & peccatrices quæsiuit, vocavit, allexit, & ad se venientes misericordiæ sinu excepit, fovit, amplexus est ; hancque divinam vocem ineffabilis prorsus benignitatis suæ tellem in sacris Evangeliiis reliquit : S. Matth. cap. 11. *Venite ad me omnes qui laboratis & onerati estis, & ego reficiam vos, & discite à me quia mitis sum & humilis corde.*

SECTIONO XXI.

Qua sit obligatio sigilli seu secreti in Confessione servandi.

DICENDUM 1. huius sigilli seu secreti obligationem esse strictissimam, adeo ut nunquam liceat Confessario peccatum aliquod in Confessione auditum etiam post mortem ipsius pœnitentis vilo modo revelare : quod ita certum est, ut S. Doctor in 4. dist. 21. quæst. 3. art. 1. quæst. 1. ad 1. sententiam contrariam erroneam appellet, & cap. *Sacerdos* dist. 6. de Pœnit. & etiam cap. *Omnis utriusque*, de pœnit. & remiss. depositionis pœna & detractionis in arctum monasterium decernitur in huius sigilli violationem.

Hæc autem tam stricta sigilli servandi obligatio, ut fusè probat Isambertus disput. 23. art. oritur tum ex iure naturali ; quo tene-

mur

mur sub secreto nobis commissa celare: tum ex virtute iustitiæ, quæ vetat proximi famam lædere; tum ex virtute religionis quæ reuerentiam Sacramento Pœnitentiæ debitam seruare iubet; tum maximè ex ipso iure diuino positivo: quia vt rectè argumentatur Gammachæus cap. 12. de Pœn. eo ipso quo Christus Dominus pœnitentem obligauit ad integram omnium peccatorum suorum Confessionem Sacerdoti faciendam, censetur etiam ipsum Sacerdotem obligasse ad secretum inuiolabiliter seruandum: alias Confessio maxime odiosa fieret, nullaque ex ea oriretur pax & conscientiæ serenitas, quæ tamen sunt præcipui pœnitentiæ fructus, vt à Concil. Trid. dictum est sess. 14. c. 3. sed potiùs inquietudo mentis in ipso pœnitente ac timor continuus, ne Confessarius ad declaranda peccata quæ per eius Confessionem nouit, ratione aliqua inducatur. Imò si Confessarius licite posset peccata aliqua sibi cõfessa reuelare, non teneretur pœnitens ea ipsi in confessione declarare: cùm ex institutione Christi Domini, vt suprà dictum est nonnisi ad confessionem secretam obligetur, quæ tamen secreta non foret, si Sacerdoti peccata per eam cognita euulgare liceret. Vnde patet tantum abesse vt hæc obligatio sigilli in quocumque casu seruandi, bono publico obftet, quin potiùs maxime ad illud conferat: supponamus enim perditum aliquem hominem moliri prodicionem aut simile quidpiam facinus in Rei publicæ perniciem; si credat confessariũ teneri vel posse licitè peccatum illud suum reuelare; nunquam hoc illi in Confessione declarabit; neque enim ad id obligabitur; & sic in peruersa voluntate perseuerabit: vbi econtrà, si de Confessionis sigillo inuiolabiliter seruando securus existeret, pondus conscientiæ suæ in eius sinum libentius exoneraret, p̃usque illius monitis ac consilijs ab impio illo facinore deterreretur.

Dicendum 2. hanc sigilli seruandi obligationem sequi ex quauis Confessione Sacramentali, licet absolutio siue ex defectu potestatis in Confessario, aut dispositionis in pœnitente, siue ex alia quacunque causa non conferatur; dummodò pœnitens eo animo faciat Confessionem illam, vt peccata sua Ecclesiæ clauibus subiciat. Ita sanctus Thomas in 4. dist. 21. quæst. 3. art. 1. cui subscribunt S. Bonaventura, Richardus, Gabriel, Sotus, & alij quos refert & sequitur Gammachæus, suprà. Si verò Confessio non fiat animo subiciendi peccata clauibus Ecclesiæ; sed, v. g. alliciendi Confessarium ad aliquod peccatum, aut ei illudendi, ex tali Confessione nulla oritur sigilli seruandi obligatio, vt docent Adrianus, Alensis, Vivald, Syluest. & alij apud eundem Gammachæum: qui tamè rectè monet Sacerdotè in eo casu nõ debere leuiter & sine grani causa, eaq; per eiusmodi Cõfessionè nouit declarare, ne inde scandalũ oriatur; sed adhibito prudẽtis alicuius viri consilio id facere quod magis expedire videbitur.

Est autem obseruandum in citato decreto Concilii Lateranensis, dici *Confessarium omnino cauere debere, ne verbo, aut signo, aut alio quouis modo prodas peccatorem;* quæ verba diligenter à quolibet Confessario perpendenda sunt, non modo ne ex verbis suis licet generatim dictis, aut quibuscunque signis vel nutibus: sed etiam ne ex penitentia aliqua & satisfactione pro peccatis occultis minus consideratè imposta, alii conicere possint penitentem hoc vel illud peccatum speciatim, aut generatim graue aliquod delictum perpetrasse. Imò tanta huic Confessionis sigillo debetur reuerentia, vt ne quidem cum ipso penitente extra Confessionem loqui liceat de peccatis aut negotiis eius per solam Confessionem cognitis; nisi ipsemet penitens de iis Confessarium interroget. Quod si Confessarius aliquid in Confessione omisit quod penitenti indicare debeat verbi gratia restitutionem aliquam faciendam id supplere debet, non ex abrupto; sed prudenter, ac priuatim, & petita prius ab ipso penitente venia: quæ omnia fusè explicat Gammachæus sup. a, vbi insuper addit nec ipsum Sacerdotem posse vti notitia per Confessionem Sacramentalem acquisita ac suam aut aliorum directionem, vel ad arcendū aliquod malum, si ex isto vsu & applicatione sequatur fractio sigilli, aut probabile fractionis periculum: si tamen nihil tale impendeat, & prudenter se gerat Confessarius, ita vt omnem remoueat temerati Sacramenti suspensionem, potest tunc eandem notitiam ad pios vsus conuertere, præsertimque; ad malum aliquod impediendum.

3 Dicendum 3. sub sigillo Confessionis cadere, primò omnia & singula peccata mortalia, siue penitentis, siue complicitis, tam in particulari quàm in generali, omnia etiam peccata venialia in particulari, eorumque circumstantias, quæ non nisi per Cōfessionem cognoscuntur: item ea omnia quæ licet peccata non sint, talem nihilominus cum peccatis in Confessione declaratis, connexionem habent, vt de illis cognitionem aut suspensionem ingenerare possint. Ita ex S. Thomæ, & aliorum Theologorum communi doctrina Isambertus disp. 23. art. 4. vbi adiungit etiam defectus siue naturales, siue acquisitos ipsius penitentis, qui non aliter quàm per Confessionem innotescunt, sub illius sigillum cadere; aliàs odiosa redderetur Confessio & penitenti probrosa, si defectus eiusmodi per illam cognitos manifestare liceret: opera vero bona & virtutes ipsius penitentis sub illius sigillum propriè non cadunt, quamuis aliunde Confessarius iuxta intentionem penitentis secretū ipsi seruare teneatur.

4 Dicendum 4. non modo Confessarium, sed etiam interpretem; si fortè penitens aliquem ad explicanda peccata adhibuerit; alios denique omnes qui quocunque modo licito, vel illicito, siue data opera, siue casu fortuito peccata illa cognouerunt, quæ per solam

Iam Confessionem Sacramentalem innotuerunt, pari obligatione sigilli seruandi teneri. Ita docent S. Thom. Paludanus, Scotus, Medina, Syluester, Nauarrus, & alii apud Laymann. tract. 6. de Pœnit. Ratio est, quia secundum regulam iuris, res ad quemcunque perueniat, cum onere suo transit, vt habetur capite *Pastoralis*, de decimis. Ac proinde ad quoscunque, peccatorum alienorum notitia per solam Confessionem perueniat, ad illos etiam seruandi sigilli eadem obligatio transibit.

De consensu tamen pœnitentis potest Confessarius ex aliqua causa rationabili, & propter ipsius pœnitentis maiorem vtilitatem, peccatum illius in Confessione auditum alteri declarare, vt docet S. Thom. in 4. dist. 21. qu. 3. a. 2. & cum eo communiter Theologi, vt videre est apud Isambert, dist. 23. a. 6. qui tamen art. seq. rectè admonet, consensum illum pœnitentis debere esse plenè voluntarium, liberum, formale, & expressum; nec sufficere tacitum seu virtuale, aut interpretatiuum.

Quæres, an etiam pœnitens ad sigillum teneatur respectu eorū, quæ Confessarius in huius Sacramenti administratione ipsi vel dixit, vel iniunxit. Communis Theologorum responsio est negans, vt docent Maior, Sot. & alij apud Suar. dist. 13. sect. 4. canones siquidem sigilli obligationem præcipientes nullam pœnitentis faciunt mentionem. Quamuis autem sigillo Sacramentali non obligetur, lege tamen naturali tenetur ad secretum seruandum, quando ex illius reuelatione aliquod damnum in ipsum Confessarium deriuaretur; aut quamuis nullum inde ipsi inmineret damnum, aliquid tamen contra eius voluntatem in illius secreti manifestatione sine vlla rationabili causa fieret. Quod si Confessarius eo impietatis delabere-
tur, vt in ipso Pœnitentiæ Tribunali pœnitentē ad peccatū aliquod sollicitaret, vel ad errores inducere conaretur, tunc posset pœnitens illum ad Superiores deferre; imo aliquando teneretur: si nimirum ex silentio suo plurimum aliorum ruinam sequi videret, quos ipse Confessarius ad peccandum aut ad errandum induceret.

SECTIO XXII.

In quibus casibus confessio nulla sit, & idē iteranda.

EX ante dictis facilè colligi potest, quænam ad confessionis sacramentalis & subsequenter absolutionis validitatem necessariò requirantur; tam ex parte pœnitentis, quàm ipsius Confessarij; quorum si vel vnum desit, confessio illa & absolutio irrita sit atque adeo iteranda. Quæ quidem maioris facilitatis gratia breuiter hic subiiciemus.

Atque in primis ex parte pœnitentis quoque præsertim requiruntur. Primum est, ut diligentiam rationabilem & sufficientem adhibeat in discutienda conscientia, præsertim quando ad Pœnitentiæ tribunale rariùs accedit, & se alicuius peccati mortalis reum esse deprehendit aut dubitat: unde si in illa discussione ita negligens sit, ut ex inde sequatur obliuio peccati alicuius mortalis, quod sibi in memoriam facile reducere potuisset ac debuisset, tunc confessio nulla erit & proinde iteranda.

Secundum est, ut pœnitens veram de peccatis commissis contritionem aut saltem attritionem actualem concipiat, idque ante confessionem aut in ipsa confessione, aut saltem ante absolutionem, pro ut superius à nobis explicatū est: quæ quidem actualis contritio vel attritio si desit, confessio irrita erit, & proinde iteranda.

2. Tertium est, ut firmum concipiat propositum non ampliùs peccata illa committendi de quibus se accusat, idque vel actuale, vel saltem virtuale, ut supra declaratum est: quod etiā intelligi debet, quando quis de solis venialibus confitetur: si enim nullum ne quidē virtuale propositum haberet pro viribus peccata illa deuitandi, obiectum huius Sacramenti effectui poneret, & quamuis, si sola peccata venialia confessus fuisset, non teneatur eadem iterum in confessione declarare: tenetur tamen de proposito illius defectu & indigna sacramentalis absolutionis perceptione, se denuo in Pœnitentiæ tribunali accusare.

Quartum est, ut pœnitens omnia peccata mortalia etiam pure interna, quæ post diligens examen memoriæ occurrunt, eorumque numerum & circumstantias speciem immutantes, aut notabiliter aggravantes, quando illas ut tales agnoscit, vel de iis à Confessario interrogatur in confessione, explicet; unde si scienter & data opera peccatum mortale omittat, aut peccatorum à se commissorum numerum vel circumstantiam aliquam necessariò declarandam reticeat, confessio nulla erit, tenebiturque non modo peccatum illud scienter omissum, sed & omnia alia & singula mortalia in illa confessione explicata iterum clauibus Ecclesiæ subiicere, imo & omnes confessiones subsequentes iterare, in quibus confessionis illius sacrilegæ sibi conscius, eius defectum supplere non curauerit: si tamen eidem Sacerdoti confiteretur, & ille saltem in genere peccatorum ipsius pœnitentis sibi declaratorum recordaretur, tunc pœnitenti sufficeret omissum peccatum declarare, & se de illarum confessionum defectibus accusare.

Quintū denique, ut satisfactionem rationabilem à Confessario sibi iniunctā ex animo acceptet: & suo tēpore adimplere proponat, si enim nullā omnino satisfactionē acceptare vellet, absolutionis recipiendæ sapis non esset.

Ex parte autem Confessarii ad validitatem huius Sacramenti tria requiruntur, quorum si vel vnum desit, Sacramentum etiam irritum erit. Primum est, debita verborum formæ seu absolutionis prolatio; quod attendere maximè debent illi, qui Pœnitentiæ administrandæ frequenter incumbunt, vt non ex quodam vsu & consuetudine, neque nimis festinanter, sed distinctè Sacramentalis absolutionis verba proferant, alias propter vel vnicam syllabam, omissam graue sacrilegium incurrere posset Confessarius, ipsumque pœnitentem, licet ritè dispositum huius Sacramenti effectui priuare.

Secundum est debita intentio actualis aut saltem virtualis, vt suprà cap. 1. explicatum est, hæc siquidem deficiente, eius absolutio, quamvis ore prolata, nulla & irrita foret. Idcirco consultissimum est, vt Sacerdos hoc Sacramentum ministraturus, prius mentem in Deum eleuet, & intentionem suam pro hoc Sacramento debite omnibus pœnitentibus eius Tribunali adstantibus ministrando dirigat: eamque quantum poteris, quoties absolutio cuique illorum conferenda erit, renouet.

4. Tertium denique est legitima potestas & iurisdictio siue ordinaria siue delegata, cum debita Episcopi approbatione: non enim est maior defectus quàm potestatis, qua deficiente *nullius momenti erit absolutio* vt loquitur Conc. Trident. sess. 14. cap. 7. ac proinde irrita & nulla: quare attendere debet Confessarius, an potestatem sufficientem habeat, an pœnitens eius iurisditioni sublit, an peccatum aliquod reseruatium commiserit, vel censuram incurrerit, à qua illum absolueri non possit: quo tamen in casu non statim pœnitentem à se abicere, sed benigne ac misericorditer illum admonere & excitare vt ad Superiorem recurrat: imo interdum præstaret, vt ipse Confessarius, ex charitate, in se susciperet onus adeundi Superiorem, & facultatem illum absoluendi postularet, vt sic ipse pœnitens maiori animo satisfactionem iniunctam adimpleret, & remedia peccatis in futurum deuitandis apta, & à Confessario proposita libentius amplecteretur.

SECTIO XXIII.

Quid sit satisfactio Sacramentalis.

SATISFACTIONIS nomine intelligitur actio illa, qua is qui alterum læsit, tantum facit, quantum satis est ad iniuriam compensandam, vel quantum is qui læsus est, iustè exigit, vt docet Bellarm. lib. 4. de pœn. cap. 2.

Quamuis autem nullus homo, vt in priori huius operis parte, tract. 5. & 6. dictum est, possit Deo pro peccatis satisfacere, nisi con-

donatio aliqua gratuita interueniat ex parte ipsius Dei; supposito tamen gratiæ dono per Christi Domini merita collato, certum est satisfactionem aliquam Deo exhiberi posse ab homine, eiusque opera quædam esse satisfactoria, vt ex infra dicendis patebit.

Est autem hæc satisfactio duplex: alia siquidem extra Sacramentum fit, alia Poenitentię Sacramento coniungitur, etque illius pars integrans, vt supra dictum est; quæ quidem, quoniam non solum ex opere operantis, sed etiam ex opere operato sortitur suum effectum, idè perfectior est, & maiorem vim habet.

Rursus hæc satisfactio Sacramentalis duplex distingui potest: vna minùs propriè dicta, quæ reperitur in ipsa contritione & confessione, aliisque poenitentis actibus, qui absolutionem antecedunt, per illos enim actus satisfactionem aliquam Deo exhiberi docuit S. Th. in 4. dist. 16. qu. 1. a. 1. qu. 1. vbi dicit quod *Pœna, quam Poenitens patitur in contritione & in confessione in partem satisfactionis cadit*: quod olim etiam docuerat Author libri de vera & falsa poenitentia c. 1. vbi de Confessione Sacramentali loquens: *Multum inquit, satisfactionis obtulit, qua erubescencia dominans, nihil eorum qua commisit, nuntio Dei denegauit*. Certè non pauci sunt, qui pudorem illum in quorundam peccatorum confessione, subeundum, multis ieiuniis, orationibus & eleemosynis vellent redimere. Hi autem actus, quatenus ab homine peccatore eliciuntur, non nisi impropriè dicuntur satisfactorii, cum neque pro culpa, neque pœna æterna, peccato nondum remisso debita, aut vlla illius parte per illos satisfiat, sed conuenientius tantum disponatur poenitēs ad iustificationis gratiam vberiùs & certiùs in Poenitentię Sacramento recipiendam.

Altera est satisfactio Sacramentalis propriè dicta, quæ consistit in piis quibusdam operibus à Confessario iniunctis, quibus poenitens pro pœna temporali peccato quo ad maculam remisso debita, Deo satisfacit, quod expressè docuit Conciliū Trid. sess. 6. cap. 14. vbi de satisfactione Sacramentali loquens, dicit illam Deo exhiberi, *Non quidem pro pœna aeterna, qua vel Sacramento, vel Sacramenti voto vnà cum culpa remittitur; sed pro pœna temporali, qua (vt sacre littera docent) non tota semper, vt in Baptismo fit, dimittitur*.

Hæc autem verà & propriè dicta satisfactio vocatur, quia per illā pro pœna illa temporali peccato quoad maculam remisso debita verè & propriè satisfit Deo. Quod vt euidentius constet duò breuiter hic explicanda sunt. Primum est, vtrū remissa per absolutionē Sacramentalem peccati culpa, remaneat aliquando pœna aliqua temporalis luenda: Secundum est, vtrū per aliqua bona opera in statu gratiæ facta pro pœna illa temporali satisfieri Deo possit. Vtrūque negant hæretici huius temporis: vtrūque tamen Catholica veritas

itas affirmat, quæ quoad priorem partem probatur, & simul oppositus error refellitur.

3. Primò ex scriptura 2. Reg. 12. vbi refertur Dauid de peccato suo perfectè pœnitenti Deum illius culpam condonasse (vt hunc locum explicat S. Ambrosius in priore Dauidis apolog. c. 2.) & tamen eum temporali pœna, morte scilicet filii, ob peccatum illud, quamuis remissum, plesti voluisse.

Secundo ex Concilio Triden. loco suprâ citato, & præterea sess. 14. cap. 8. vbi declarant *falsum omnino esse & à verbo Dei alienum, culpam à Domino nunquam remitti, quin uniuersa etiam pœna condonetur.*

Tertiò ex S. Augustino, in Psalm. 50. *Veritatem, inquit, dilexisti; hoc est impunita peccata eorum, etiam quibus ignoscis, non dimisisti: sic prorogasti misericordiam ut seruares & veritatem.* Item ex S. Gregorio lib. 9. moral. c. 27. vbi dicit Dauidem, *Punitum fuisse ob peccatum præteritum quamuis remissum: quia Dominus delictum sine vltione non deserit.*

4. Quartò ex ijs, quæ ad probandam veritatem Purgatorij suo loco infrâ proferentur.

Secunda pars eiusdem Catholicæ veritatis, nimirum quod per bona quædam opera in statu gratiæ facta pro pœna illa temporali aut aliqua eius parte Deo satisfieri possit, probatur.

Primò ex Scriptura Tob. 4. *Elemosyna ab omni peccato & à morte liberat*, vt loquitur Tobias senior de elemosyna à filio in statu gratiæ facienda, vt ex ipso contextu patet, quam tamen dicit à peccato; id est à pœna peccati liberare.

Secundò ex Concilio Trident. sess. 14. can. 13. vbi profert anathema in eum qui dixerit, *Pro peccatis, quoad pœnam temporalem, minimè Deo, per Christi merita, satisfieri pœnis ab eo inflictis & patienter toleratis, vel à Sacerdote iniunctis, aut sponte susceptis, ut ieiunijs, orationibus, elemosynis, aut etiam alijs pietatis operibus.*

Tertiò ex S. Cypriano lib. 3. Epist. 10. vbi dicit, *Peccatores Deo Patri misericordi precibus & operibus suis satisfacere posse:* & S. Ambrosio lib. 2. de Elia & ieiunio c. 22. vbi dicit, *Nos habere plura subsidia, quibus peccata redimamus: pecuniam habes, redime peccatum tuum.*

Quod verò illis & sensibilibus locis loquantur SS. Patres de redimendis peccatis quoad culpam iam remissis, rectè colligit Gammachaus cap. 2. de satisfact. Pœnit. sess. 14. cap. 8. ex eo quod, quando homo hæret in statu peccati mortalis, nihil ad redemptionem peccati quibusuis operibus suis conferre possit. Vnde Concilium Tridentinum dicat, *Omne satisfactionem, quam pro peccatis nostris exoluimus esse per Iesum Christum &c. in quo viuimus,*

in quo morimur, in quo satisfacimus facientes fructus dignos poenitentia, qui ex illo vim habent, &c. ubi monet Gammachæus notandas esse has voces : *Per Christum*, & : *in quo vivimus*, ijs enim aperte significatur satisfactionem supponere gratiæ vitam, & unionem cum Christo per ipsam gratiam sanctificantem.

Obijciunt Hæretici 1. S. Petr. dici, *Nos redemptos esse, non corruptilibus auro vel argento, sed pretioso sanguine Christi*: Unde sequitur sola virtute satisfactoria Passionis Christi, non vero eleemosynis aut alijs operibus peccata nostra, aut poenas illis debitas posse redimi.

Respondetur, verissimum esse nos sola virtute meritum Christi a peccatis, poenisque illis debitis redemptos fuisse; quia Christus solus condignam pro nobis satisfactionem Deo Patri obtulit, & merito suæ Passionis gratias omnes promeruit, ex quibus oritur vis omnis satisfactoria, sicut & meritoria, quæ operibus nostris bonis inesse potest: unde fit ut omnis satisfactio, quam pro peccatis nostris exolvimus, sit per Christum Iesum, & ex illo vim habeat, proindeque omnis gloriatio nostra, non in nobis, sed in ipso Christo esse debeat.

SECTIO XXIV.

Quibus operibus Deo satisfieri possit.

TRES sunt super hac quæstione Theologorum sententiæ; quidam enim existimant virtutem satisfactoriam inesse solis operibus quæ non sunt præcepti, sed solum consilij: alij verò solis operibus bonis poenalibus, id est molestiam aliquam & afflictionem inferentibus: alij denique omnium probabilissimè asserunt omnibus & quibuscunque bonis operibus æternæ gloriæ de condigno meritorijs, ab homine iusto elicitis, pro poena temporali peccato debita satisfieri Deo posse, ita Scot. in 4. dist. 15. quæst. 1. Gabri. ibidem, art. 1. Dominicus Sotus dist. 19. q. 2. art. 1. Henricus quodlibeto 8. quæst. 4. Petrus de Ledesma tract. de Sacr. Poenit. cap. 23. quibus subscribit Isambertus disp. 28. de Sacr. Poen. art. 1. Præcipua illorum ratio hæc est, quod opera illa, quæ sunt æternæ gloriæ de condigno meritoria, sunt etiam meritoria remotionis cuiuscunque impedimenti gloriæ illius consequendæ, cum sit utriusque par ratio; proindeque, cum poena temporalis peccato debita, sit quoddam impedimentum illius consecutionis, sequitur quod iustus per opera bona remotionem illius impedimenti merebitur; & ex consequenti opera illa erunt pro peccatis satisfactoria: Quod quamvis verum sit, nihilominus fatendum opera bona hominis iusti, cæteris paribus,

paribus, eo magis esse satisfactoria, quo sunt magis pœnalia & afflictiva; quia, ut sic, maiorem ex natura rei aptitudinem habent ad pœnam redimendam.

2 Inter opera verò satisfactoria præsertim tria enumerantur & Concil. Trident. sess. 6. cap. 24. Ieiunium scilicet, oratio, & eleemosyna: ubi per ieiunium intelligit omnes & quascumque corporis afflictiones voluntariè susceptas, per orationem quoscumque religionis actus interiores aut exteriores in Dei cultum & honorem elicitos; per eleemosynam autem quæcumque charitatis & misericordæ opera erga proximum exhibita ad miseriam seu necessitatem eius corporalem aut spirituales subleuandam: & sess. 14. c. 9. adiungit, *Tantam esse diuina munificentia largitatem, ut non solum pœnis à nobis pro vindicando peccato susceptis, aut Sacerdotis arbitrio pro mensura delicti impositis; sed etiam (quod maximum amoris argumentum est temporalibus flagellis à Deo inflictis, & à nobis patienter toleratis, apud Deum Patrem per Christum Iesum satisfacere valeamus: circa quæ flagella tamen & alia incommoda, quæ necessario patimur, obseruandum est, nos pro eo solum tempore satisfacere, quo illa patienter toleramus per actum positium patientiæ vel alterius virtutis; cum satisfactionis virtus, non tam in passione & sufferentia, quàm in libera & virtuosa flagellorum illorum & incommodorum acceptatione consistat.*

SECTIO XXV.

Quomodo se gerere debet Confessarius in imponenda satisfactione.

1 **S**UPPONIMUS Confessarium non modo posse, sed etiam debere satisfactionem aliquam pœnitenti iniungere, ut constat tum ex Concil. Lateranensi c. *Omnis utriusque*, & ex Concil. Trid. sess. 14. c. 8. tum etiam ex eo quod tenetur Confessarius id præstare, quod ex eius parte ad integritatem Sacramenti requiritur: pars autem integrans Sacramenti Pœnitentiæ est satisfactio non quæcumque; sed illa solummodo quæ ex præcepto Sacerdotis imponitur, ut ex antedictis constat, & habetur in Catech. Rom. part. 8. cap. 5. excipitur tamen quando pœnitens morti proximus est, ut nihil super sit vitæ, nisi quantum satis est ad absolutionem recipiendam: tunc enim, sicut moribundus nullam pœnitentiam implere potest, sic Confessarius nullam imponere tenetur: si tamen non ita morti vicinus sit, præstat semper aliquam vel leuissimam imponere; v.g. inuocationem nominis IESU, deoscultationem imaginis Crucifixi, &c. Ut ea ratione Sacramentum habeat debitam integritatem, & infir-

Infinus fructum aliquem ex illa satisfactione Sacramentali percipiat.

Hoc præsupposito, ut nouerit Confessarius quomodo se in iniungendis pœnitentijs seu satisfactionibus gerere debeat, Conc. Trident. doctrina ipsi attentè consideranda est, præsertim sess. 14. cap. 8. ubi dicit, *Debere Sacerdotes Domini, quantum spiritus & prudentia suggererit, pro qualitate criminum & pœnitentium facultate salutare & convenientes satisfactiones iniungere, &c.*

Quæ quidem Concilij verba, si attentè considerentur & perpendantur, plurimum lucis cuilibet Confessario asferre poterunt, ut hac in parte officio suo ritè fungatur.

2. Dicit igitur in primis, *Quantum spiritus & prudentia suggererit*: ut ostendat Ecclesiam pro iniungendis satisfactionibus in foro interiori & secreto Pœnitentiæ, nullam certam regulam in particulari præscribere voluisse, sed id Confessarijs determinandū reliquisse: & quamvis olim plures canones pœnitentiales ad vigorem Ecclesiasticæ disciplinæ conservandum sanctissimè ediderit, ac pro exigentia temporum, locorum, & personarum varie commutauerit; illos tamen, cum iam aliquibus sæculis in defuetudinem abierint, in usum ob iustissimas causas reuocare noluisse, sed satisfactionem, quidem priuatam & Sacramentalem Confessariorū discretionis & prudentiæ reliquisse; publicam autem ob publica peccata exoluendam, Episcoporum arbitrio permisisse, ut constat ex varijs ipsius Concil. Trident. decretis, ac præsertim ex sess. 24. c. 8. de reform. Vbi declarat Episcopum posse pœnitentiam publicam ob publica peccata impositam, in aliam secretam pœnitentiam commutare, quando ita magis expedire iudicauerit.

Dicit 2. *Pro qualitate criminum*, ut nouerit Confessarius quid potissimum attendere debeat in imponenda satisfactione, cuius mensuram ac modum non prohibito determinare debet, sed pro qualitate criminum, in quorum vindictam simul & medelam imponitur, ideoque peccatorum non modo numerum ac speciem, sed & alias circumstantias debet perpendere, ex quibus illorum gravitas augeri vel minui potest, v.g. an ex infirmitate, ignorantia, vel malitia fuerint commissa; an ex repentino animi motu, an vero ex prauo aliquo & inueterato habitu ortum ducant: ut iuxta diuinæ iustitiæ regulam, *Pro mensura delicti sit & plagarum modus.*

3. Dicitur 3. *& Pœnitentium facultate*: non enim sola peccatorum gravitas aut leuitas, sed & ipsorum pœnitentium facultas consideranda est: quod Rituale Rōnanum optimè declarauit, tit. de ordine administrandi Sacramentum Pœnitentiæ, ubi dicit in iniungendis satisfactionibus, *Habendam esse rationem status, conditionis, sexus,*

ſeſus, ætatis, & itum diſpoſitionis pœnitentium. Status, v. g. iuſne pœnitens clericus an laicus, &c. Conditionis, infimæ an eminentis, ſuperior an inferior, diues an pauper. Sexus: alioqua enim in ſexu fragiliori tolerari utcunque poſſunt, quæ in perfectiori nullam excuſationem admittunt. Ætatis: eſt enim longè diſpar ratio peccatorum quæ in ætate puerili, & quæ in perfectâ & matura committuntur. Et Diſpoſitionis, corporis ſcilicet, vel animic: aliqui enim ſunt imbecilles & infirmi, quos ſi oneraueris opprimes, alij contrâ valentes & robuſti; item alij conſcientiæ ſcrupulis & dubijs inquietantur; alij paſſionibus acerbis exagitantur. Quæ omnia & alia ſimilia Confellario perpendenda ſunt, vt (ſicut loquitur Catechiſmus Rom. ſuprà.) Cum iuſtitia, prudentia & pietate in ſententiâ erga pœnites ſerenda ſe gerat.

Post conſiderationem qualitatis criminum & facultatis pœnitentium, ſatisfactiones ipſæ imponendæ attendi debent, quas Concilium dicit eſſe debere *Salutares & convenientes.*

Salutares quidem, id eſt utiles & aptas ad ſalutem pœnitentium quod vt præſtet Confellarius debet in illis imponendis hoc ſolum, ob oculos habere, nimirum vt pœnitentis ſaluti conſulat, ideoque duo extrema huic fini oppoſita, ſunt deuitanda.

4 Primum eſt, *Ne* (vt loquitur Concilium ſuprà) *peccatis conſueat, & indulgentius cum pœnitentibus agat, ne velleuiffima quadam opera grauiffimis delictis iniungendo alienorum peccatorum particeps efficiatur; ſed tales iniungat ſatisfactiones, quatum ad nouam vitam cuſtodiam & infirmitatis medicamentum, tum ad præſentium peccatorum vindictam & caſtigationem conferre poſſint, hoc fiet; ſi, vt monet Rituale Romanum ſup. Confellarius, quantum poterit, contrarias peccatis pœnitentias iniungat, veluti quaris, eleemoſynas; libidinofis, ieiunia vel alias carnis afflictiones; ſuperbis, humilitatis officia; deſidioſis deuotionis ſtudiâ; rariis autem vel ſerius conſistentibus, vel in peccata facilè recidentibus vtiliſſimum fuerit conſulere, vt ſapè, puta ſemel in menſe, vel certis diebus ſolemnibus confeſſeantur, & ſi expediat, communicent.*

Aliud quoque extremum ipſi Confellario deuitandum eſt, ne ſcilicet durum ſe & rigidum vltrâ quam ſatis eſt, pœnitenti exhibeat, illicque acerbis nimis & moleſtis pœnitentias imponat, eo prætextu quod conſcientiam ſuam exonerare velit, nihil curans an ipſe pœnitens eas adimpleat nec ne: quod eſſet maxime à charitate alienum, & fini huius Sacramenti prorsùs repugnaret; vnde ſapientiffimè monet Rituale Pariſienſe titul. de Sacramento Pœnitentiæ, vt ſatisfactione iniuncta, interroget pœnitentem, *An poſſit, an ne dubitet pœnitentiâ ſibi iniunctâ peragere: alioquin iam immutetur aut minuat.* Neque repudiandum eſt axiomâ Ioannis

Gersonis part. 2. operum in regulis moralibus, ubi dicit: *Tutius esse cum parua Pœnitentia, qua sponte suscipitur & verisimiliter adimpletur, ducere confessos ad Purgatorium, quàm cum magna non implenda præcipitare in infernum.* Certè multi graues Theologi, quibus subscribit Gammachæus, existimant Confessarium aliquando pro satisfactione pœnitenti salubriter imponere posse opera etiam ab ipso aliàs debita & præcepto implenda, verbigratia; vt audiat Missam singulis Dominicis diebus & Festiuis per annum, vt per totam Quadragesimam ieiunet, &c. Observat præterea Laymannus tract. 6. de Pœn. cap. 15, ex S. Thoma & alijs Doctoribus, aliquas esse causas, quarum intuitu Confessarius legitime possit satisfactionis imponendæ rigorem minuere, quales sunt, magnitudo contritionis, infirmitas corporis, imbecillitas animi, iubilæi aut Indulgentiarum tempus, aut similes.

5 Denique Concilium dicit satisfactiones esse debere *conuenientes* statui, conditioni, sexui, &c. Scilicet vt nihil in illis Confessarius à pœnitente, nisi iuxta prudentiæ regulas, exigat: e.g. vt filiofamilias non iniungat elemosynas erogandas, operarijs vel debilibus personis ieiunia, mulieribus peregrinationes, valde occupatis multas preces; sed præcipuo studio Confessarius cauere debet, vt rectè monet S. Antoninus, Nauarrus, & alij apud Laymann. suprâ, ne tales imponat satisfactiones, ex quibus alij, v.g. maritus, parentes, vel domestici in suspensionem peccati alicuius in Confessione declarati, venire possint: aut ex quibus conijciantur graue aliquod peccatum à pœnitente commissum fuisse: quod etiam habetur in Rituali Romano suprâ, ubi expressè prohibetur ne vnquam pro peccatis occultis, quantumuis grauib, manifesta imponatur pœnitentia.

SECTIO XXVI.

Quæ sit obligatio pœnitentis circa pœnitentiam acceptandam & adimplendam.

1 CERTVM est pœnitentem obligari ad acceptandam & adimplendam pœnitentiam siui rationabiliter à Confessario impositam, nec posselicitè illam repudiare, & satisfactionem in Purgatorio implendam referuare. Ita enim docet S. Thom. & post illum Sorus, Paludanus, Maior, & alij plures, quos citat & sequitur Suarez disp. 38. sect. 7. Ratio est, tum quia integritas Sacramenti à pœnitente seruanda id requirit; tum etiam quia potestas ligandi quæ Sacerdotibus à Christo Domino concessa est, in eo præsertim consistit, vt declarat Conc. Trid. sess. 14. cap. 8. & can. 15. quod Sacerdotes ex iudi-

ciaria

ciaria quam habent profectò eos ligare non possent, si ad satisfactionem implendam non possent eos obligare.

2. Vnde sequitur illum peccare, qui poenitentiam rationabiliter impositam acceptare non vult, aut acceptatam implere non curat; mortaliter quidem, si poenitentia illa sit grauis, venialiter autem, si leuis sit: vt docet Valentia quæst. 4. de Poenit. punct. 4. Imò Suarez suprà existimat poenitentiam cuiuscunque ob venialia peccata impositæ omissionem, si contemptus absit, esse tantum venialem. Si tamen Confessarius, nimis duram aut difficilem poenitentiam imponat, poterit poenitens ab eo postulare vt illam minuat aut mutet, cui tunc Confessarius quantum licetè potest, annuere debet; vt docet Nauar. cap. 26. num. 20. ne scilicet Confessionis & poenitentiae iugum nimis onerosum & exosum reddatur: quod si Confessarius nollet minuere, vel mutare poterit poenitens, antequàm recipiat absolutionem, petita humiliter venia, Sacerdotem alterum adire, eique peccata omnia rursus confiteri, & ab eo poenitentiam mitiorem & à se facilius implendam acceptare, vt docet Suarez sup. Imò si poenitentiam quam acceptauit, implere non nisi cum maxima difficultate possit, poterit Confessarius qui eam imposuit aut quis alius etiam illo inferior, audita iterùm Confessione peccatorum, poenitentiam illam ex causa aliqua iusta & rationabili mutare. Ita Syluester, Henriquez, Suarez, Valentia, & alij quos citat & sequitur Laymann. tract. 6. de Sacram. Poenit. cap. 15. qui etiam ibidem subdit, probabilem & in praxi tutam esse eorum sententiam, qui asserunt alterum Confessarium ex causa aliqua iusta poenitentiam mutare posse, etiam non reperiata Confessione peccatorum ob quæ imposita fuerat: sic enim docent Viualdus, Nauarrus, Victoria, Toletus, & alij quos ibidem citat.


* Quæ tamen sententia limitanda videtur, adiectione vnus conditionis, nimirum vt ille Confessarius à quo postulatur vt poenitentiam impositam immuet, id faciat in ipso tribunali poenitentiae, seu in actu Sacramentali ad tribunal illud pertinente. Ratio est quia impositio poenitentiae Sacramentalis, vt pars integralis pertinet ad sententiam tribunalis Sacramentalis, ideoque neque primo imponi, neque postea immutari potest, nisi in ipso tribunali, aut in actu aliquo ad illud pertinente.

3. Quæres, quo tempore poenitentia à Confessario iniuncta impleri debeat. Respondetur cum distinctione: Velenim illius implendæ tempus à Confessario præfixum fuit, vel non, si primum, v.g. si certis diebus ieiunium seruandum iniunctum sit, tempore illo præfixo implendum est: si secundum, poenitens, quàm primum commodè poterit, satisfactionem implere renetur. Ita Suarez loco citato, vbi docet illum mortaliter peccare qui poenitentiam grauem sine vlla ra-

tio-

tionabili causa tempore valde diuturno ex sola desidia aut incuria differret.

Est autem hîc obiter obseruandum, damnatam olim fuisse à Sixto summo Pontifice in Bulla speciali data anno 1478. sententiam Petri de Osma, qui asseribat non nisi perfecta pœnitentia, confitentes debere absolui: quam quidem sententiam falsam, scandalosam, & SS. Patrum decretis, Apostolicisque Constitutionibus contrariam & hæreticam declarauit, cuius Bullæ mentio fit in censura Facultatis Parisiensis data anno 1644. die 23. Iunij, in qua eandem vt temerariam & hæreticam proscripsit.



APPENDIX.

De Indulgentijs & Purgatorio.

QUONIAM supra diximus posse Confessarium iniungendarum satisfactionum rigorem minuere occasione Indulgentiarum, pœnasq; temporales peccatis quoad maculam remissis debitas, quibus in hac vita satisfactum minimè fuerit, post hanc vitam in Purgatorio esse luendas; ut utrumque melius & certius intelligatur, Appendicem hunc de Indulgentijs & Purgatorio appo-
suimus, in quo quid de utroque secundum Catholicæ fidei normam sentiendum sit, breuiter explicabimus.

§. I.

Quid sit & quoduplex Indulgentia.

INDULGENTIAE nomen secundum communem & receptum Ecclesiæ usum, significat pœnæ temporalis peccato quoad culpam remisso debitæ condonationem, quæ sit ab Ecclesia ex iusta, aliqua & rationabili causa per applicationem satisfactionum Christi Domini, ut fusè docet & explicat Bellarm. lib. 1. de Ind. cap. 1. & 2. Quod ut euidentius fiat, duo nobis hic breuiter demonstranda sunt.

Primum est, extare in Ecclesia Thesaurum quendam vnde applicandæ fidelibus Indulgentiæ proferuntur: qui Thesaurus constat in primis ex satisfactionibus ipsius Christi Domini, quarum valor cum infinitus fuerit, ut ex dictis 1. p. tr. 5. constat, quantacumque fiat illarum applicatio, thesaurus ille nunquam exhauriri potest. Constat etiam ex satisfactionibus superabundantibus Sanctorum, quorum aliquos certum est longè plura passos esse, quàm ob peccata commissa promeriti fuerint (quod de Sanctissima Virgine Deipara negare nemo potest, & de Sancto Ioanne Baptista, multisque alijs pietas facilè suadebit) quibus passionibus voluntariè ab ijs & ex perfecta charitate acceptatis, vis quædam inerat, non modo meritoria, cuius fructum in cælo percipiunt; sed etiam satisfactoria, quam licet ipsis minimè necessariam, ut supponimus, alijs tamen maxime utilem & salutarem esse posse Ecclesia semper agnouit, ut ex communione Sanctorum quam in Symbolo profiteamur, alijsque Scripturæ locis fusè probat Isambertus tractat. 1. de Indulgent. disp. 1. art.

3. & Gammachæus disp. ynica de Indulg. cap.2. vbi etiam ex comuni Doctorem sententia variis argumentis ostendunt Iustum in hac vita non solum pro suis, sed etiam pro alterius Iustis peccatis ob charitatis vnionem, Deo satisfacere posse.

2. Porro has Sanctorum satisfactiones Christi Domini satisfactionibus coniungit Ecclesia, non vt nullum harum defectum suppleat, cum perfectissimæ sint; neque vt earumdem valori infinito quidquã superaddat; sed tum vt ipsius Christi virtutem in Sanctis eius veneretur, tum vt eorum perfectam cum Christo capite vnionem, & mēbrorum eiusdem capitis in vtraque Ecclesia triumphante ac militante communionem demonstret.

Secundum est, supradicti Thesauri dispensationem à Christo Domino Ecclesiæ creditam fuisse, vt habetur in Extravag. *Vnigenitus* de pœnit. & remiss. & in Concilio Trident. sess. 25. decret. de Indulg. Et probari potest tum ex illis Christi Domini verbis Matth. 16. *Quodcunque solueris super terram, erit solutum & in calis;* quibus potestas generalis & amplissima conceditur vincula quæcumque soluendi, quibus à consecutione salutis homines præpediri possent, tum etiam ex continua & vniuersali praxi, quæ iam inde à tempore Apostolorum, & consequentibus sæculis, ad hæc vsque tempora Ecclesiæ perseueravit: S. Paulus siquidem Indulgentiam Corinthio incestuoso pœnitenti concessit, ad instantiam aliorum fidelium qui pro illo intercesserant, vt docent S. Th. & Theodoretus in commentarijs super cap. 2. Epist. 2. ad Corinth. Similiter Indulgentias ad postulationem Martyrum qui in carceribus ob Christi Confessionem detinebantur pœnitentibus concessas fuisse, constat ex varijs testimonijs Tertulliani, S. Cypriani, & aliorum, qui apud Bellarminum cap. 3. referuntur. De earumdem postea Indulgentiarum vsu mentio fit in Concilio Nicæno 1. can. 11. Ancyranocan. 5. Laodicæno can. 2. & alijs passim vsque ad Gregorium Magnum, a cuius temporibus vsus Indulgentiarum notior adhuc & frequentior in vniuersa Ecclesia fuit, vt fusè ostendit idem Bellarminus supra.

Ex quibus cōstat quàm falsò & temerariè hodierni Hæretici Indulgentias ab Ecclesia concedi posse denegent, quorum error vel eo solo nomine proscribi deberet, quod non alios patronos agnoscat quàm Valdenses qui primi Indulgentias impugnarunt, vt obseruat idem Bellarminus supra, apud quem fusior Hæreticorum illorum refutatio, & veritatis nostræ fidei probatio videri potest.

Quæres quis sit Indulgentiarum effectus; seu à quibus pœnis per Indulgentias liberemur. Respondetur per concessionem indulgentiarum nos minimè liberari à pœnis naturalibus quæ peccatum originale consequuntur, neque etiam à pœnis ob delicta in foro externo siue Ecclesiastico siue politico subeundis, sed à pœnis illis temporalibus

libus, quæ ob peccata post Baptismum commissa, & quoad culpam remissa debentur in foro interiori diuinæ iustitiæ, seu, vt loquuntur Theologi, in foro animæ: quæque vel in hac vita, vel post illam in Purgatorio luendæ forent, si homo prius moreretur, quàm condignam pro illis offerret satisfactionem: ita vt per Indulgentiarum concessionem à pœnarum illarum reatu liberemur, non modo coram Ecclesiâ, vt olim nonnulli dixerunt, quos refellit S. Doctor in 4. dist. 20. quæst. 1. art. 3. sed etiam verè coram Deo, vt füsè ex eodem S. Doctore & alijs probat idem Bellarminus suprà, & post illum Gammachæus disput. vnc. de Indulg. cap. 5.

Sunt autem variæ & multiplices Indulgentiæ pro varia & multiplici concessionum forma & concedentium voluntate: Interdùm enim conceduntur Indulgentiæ aliquot dierum, vel annorum, vel quadragenarum, interdùm tertia, vel quarta, aut alia pars peccatorum per Indulgentiam condonatur; aliquando plenaria Indulgentia conceditur, aliquando plenissima & in forma Iubilæi. Et quidem quando conceditur Indulgentia tot dierum vel annorum, vel quadragenarum sensus est per illam Indulgentiam remitti tantùm pœnæ temporalis, pro peccatis commissis, & quoad culpam deletis in hac vita aut in altera luendæ, quantum redimeretur per pœnitentiam tot diebus, vel annis, vel quadragenis secundùm antiquos Ecclesiæ Canones imponi solitam, vt explicat Paludanus, Maior, S. Antoninus, Sotus, Suárez, & alij apud Laymannum tract. 7. de Indulg. cap. 3. Similiter quando per Indulgentiam condonatur tertia vel quarta pars peccatorum, nihil aliud significatur quàm remitti tertiam vel quartam partem pœnæ illius temporalis pro peccatis luendæ. Plenaria verò Indulgentia totam pœnam temporalem peccato quoad culpam remisso debitam tollit: quod similiter facit illa quæ dicitur plenissima & in forma Iubilæi, nec à plenaria differt, nisi in quantum simul cum Indulgentia facultates aliquæ conceduntur ad eligendum Confessarium, qui à casibus quibuscumque & censuris absoluat, & in votis aut irregularitatibus dispenset; vt fieri solet in Iubilæis: quæ omnia füsè explicata & probata reperiuntur apud eundem Bellarm. suprà c. 9. vbi monet Indulgentias istas, in quibus nulle & pluriuni annorum remissio conceditur, suspectas, & à quæstuarijs confectas nonnullis videri, cum non soleant Pontifices concedere Indulgentias nisi tot annorum, quot solebant Pœnitentiæ iniungi, quæ quidem non extendebantur vltra septem, aut decem aut viginti annos, certè ad totam vitam, quæ vltra centum annos prorogari non solet: quanquam Toletus libro 6. capite 23. Indulgentias rectè concedi posse contendit, si per illas intelligatur tantum pœnæ remitti, quantum redimere deberet peccator per pœnitentiam quæ tot millibus annorum duraret; cuius quidem pœ-

næ reatum non est creditu difficile à multis incurri, qui, vt Scriptura loquitur, *Bibunt tanquam aquam iniquitatem*.

§. II.

Quis possit concedere Indulgentias, & quanam causa ad id requirantur.

SUPPONIMVS ex Bellarmino lib. 1. de Indulg. cap. 5. & Suarez disp. 69. de pœnit. sect. 4. Indulgentiæ concessionem respectu viuorum fieri per modum cuiusdam absolutionis, quæ annexam habet solutionem ex thesauro Ecclesiæ; vt constat ex varijs Summorum Pontificum diplomatibus, quæ ibidem refert Bellarminus: Diximus, respectu viuorum; quia si quæstio sit de defunctis in Purgatorio existentibus, Indulgentiæ ipsis applicantur non per modum absolutionis, cum nullum in eos Ecclesia iurisdictionē obtineat, sed tantummodo per modum solutionis seu suffragij, sicut captiuum apud Turcas detentum Rex Galliæ, non per viam autoritatis, vt in proprio regno, sed tantum per viam solutionis ac redemptionis liberare potest. Quouis autem modo concedatur Indulgentia, siue per modum absolutionis, quæ annexam habeat solutionem, siue per modum simplicis solutionis, certum est in concedente requiri iurisdictionem in foro exteriori Ecclesiæ, quia sine illa, neque absolutionem concedere; neque bona Ecclesiæ communia, & eius thesauro deposita, legitimè dispensare potest.

Dicendum 1. Summum Pontificem ex iure diuino habere plenissimam potestatem concedendi quaslibet Indulgentias omnibus & singulis Christi fidelibus. Quod constat tum ex potestate illimitata, à Christo Domino, primario & præ reliquis Apostolis concessa, S. Petro, cui succedit Romanus Pontifex; S. Matth. 16. *Tibi dabo clauēs regni calorum, & quodcumque solueris super terram, erit solutum & in calis, &c.* Tum etiam ex eo quod ad conferendas Indulgentias duplex ex parte concedentis requiritur potestas; vna in eos quibus conferuntur, altera in thesaurum Ecclesiæ ex quo defumuntur: vtramque autem illam potestatem in Romano Pontifice plenissimam reperiri apud omnes Catholicos constat, & plenius adhuc constabit ex ijs quæ infra dicentur tractatu 2. cap. 3. de Legibus. Addit Toletus libro 6. capite 25. Concilium Generale similem habere potestatem concedendi quasunque Indulgentias etiam plenarias, quod à Concilio Lateranensi factum fuisse dicit.

Dicendum 2. Episcopos etiam habere potestatem conferendi aliquas Indulgentias, vt patet ex capite *Nostro*, de Pœnitent. & remiss. & ex ipsius Ecclesiæ praxi satis constat: possunt enim Episcopi conferre

conferre Indulgentias vnus annus in dedicatione Ecclesiæ, & quadraginta dierum in anniuersario dedicationis, quam vltimam indulgentiam possunt, quandocumq; ipsis libuerit, ex causa aliqua legitima concedere; vt habetur ex capite *Cum eo*, de Pœnit. & remiss.

Quærent Theologi, an Episcopi potestatem illam conferendi Indulgentias habeant tantum ex iure humano, seu ex concessione Summi Pontificis: an verò ex iure diuino, & si ex iure diuino, cur adeo restricta & limitata sit? Omissis varijs Doctorum responsionibus, probabilissimè loqui videntur ij qui asserunt Episcopos hanc potestatem ex iure diuino habere, cum sint, vt dicit Apostolus, *Dispensatores Mysteriorum Dei*, & à Spiritu Sancto regimini Ecclesiæ præpositi sint, Actor. 20. *Spiritus sanctus posuit Episcopos regere Ecclesiam Dei*; quia tamen hoc regimen & illa dispensatio subordinatur regimini & dispensationi generali quam Summus Pontifex in vniuersam Ecclesiam obtinet, ideo penes illum est eiusmodi potestatem in Episcopis, ob causas aliquas iustas & rationabiles extendere, vel restringere, vt docet & fusè probat Isambertus disp. 3. de Indulgent. art. 1. qui ibidem ex Nauarro & aliis obseruat Cardinales etiam posse concedere Indulgentias centum dierum, idque non tã à iure, quàm à consuetudine & concessione summi Pontificis.

5 Quod verò spectat ad Abbates, Parochos, &c. rectè docet Bellarminus lib. 1. de Indulg. cap. 1. nullos Clericos, aut Sacerdotes Episcopis inferiores ex iure posse concedere Indulgentias, sed vt habetur cap. *Accidentibus*: de excessibus Prælatorum, solummodo ex commissione Pontificis Maximi, vel Episcoporum: Vbi etiam obseruat ex S. Doctore in 4. dist. 20. quæst. 1. art. 4. quæst. 1. nullos propriè loquendo in Ecclesia esse, aut dici debere Prælatos, nisi solos Episcopos, cum sint integri alicuius populi Rectores, & quasi in quodam Ecclesiastico regno præsent hominibus omnium ætatem, sexuum, ordinum, & conditionum; Abbates verò & Parochi sint quasi vnus familiæ patres: vnde cum Indulgentiarum concessio non nisi ad Ecclesiæ Prælatos spectet, sequitur illam esse Episcoporum propriam, non verò aliorum, qui ipsis sunt in Ecclesia inferiores.

Dicendum 3. non solum legitimam auctoritatem, sed etiam iustam aliquam & rationabilem causam requiri ad hoc, vt licitè & validè Indulgentiæ conferantur. Ita S. Thomas, S. Bonauentura, & alij quos citat & sequitur Bellarminus sup. cap. 12. & constat ex Extrauag. *Vnigenitus*, Vbi Clemens VI. dicit Christum Dominum Ecclesiæ thesaurum per suos Vicarios reliquisse fidelibus dispensandū *Salubriter, & ex rationabilibus & ex iustis causis*: & ex Concilio Constantiensi sess. vltima, vbi dicitur de hæresi interrogandos esse; an credant Summum Pontificem concedere posse Indulgentias *ex causis rationabili*.

4 Quæres, quænam causa iusta & rationabilis esse censetur ad concedendum Indulgentias. Respondetur iuxta probabiliorum Doctorum sententiam ad id requiri, non modo vt causa illa sit pia & Deo grata, sed etiâ vt aliquam habeat cum ipsa Indulgentia proportionem. Ita S. Bonauentura, Ricardus, Maior, Sotus, Nauarrus, & alij plures, quos citat & sequitur Bellarminus cit. cap. 12. Ad hanc autem proportionem duo præsertim requiruntur: primum est vt concedatur Indulgentia ob pium aliquem finem, cuius assecutio sit magis Deo honorifica & Ecclesiæ utilis; quam pœnitentialis satisfactio quæ per Indulgentiam relaxatur: secundum est, vt ad Indulgentiam illam percipiendam opus aliquod faciendum præscribatur, quod sit aptum & utile ad finem huiusmodi consequendum: ex gr. quando Summus Pontifex Indulgentiam concedet ijs qui verè pœnitentes & confessi ac sacra Communione refecti preces & alia pietatis opera pro hæreseon extirpatione & Christianorum pace, &c. Deo obtulerint; finis quem sibi proponit Pontifex, scilicet hæreseon extirpatio & Christianorum pax, est haud dubie maximè Deo honorificus & Ecclesiæ proficiuus; opera item ad finem illum obtinendum iniuncta ad id aptissima sunt, vt per se patet, & sic proportio debita reperitur.

De hac verò causa eiusque iusta proportionem penes ipsum concedentem Indulgentias iudicium esse debet, vt rectè monet Bellarminus suprà cap. 12. nec subditorum est temerè de eiusmodi rebus iudicare: imò (vt docet Isambertus disp. 3. art. 4.) periculosum est quascunque Indulgentias quibuslibet ex causis concessas parui facere; vnde ibidem obseruat Indulgentias illas quæ conceduntur vsui granorum benedictorum, rosariorum, piarum imaginum, & similium rerum; quæ minini momenti videntur, ex causa maximè iusta ac rationabili à summis Pontificibus interdum posse concedi.

Rectè tamen obseruat Laymannus cap. 4. de Indulg. post Nauarrum & alios, quòd quamuis causa sufficiens & iusta in concessione Indulgentiæ alicuius, verbi gratia, plenariæ, reperiat; fieri tamen posse vt non omnes integram consequantur; si videlicet illorum aliqui, ad maximam pro peccatis commissis temporalem pœnam obeundam obligati, opus iniunctum tepidè peragant: quia quamuis causa Indulgentiæ in se iusta sit, illorum tamen respectu aliquo pacto deficit, ob imperfectam dispositionem, quod etiam constat ex Extrauaganti 1. Bonifacij 8. de Pœn. & rem. & ex S. Bonau. in 4. dist. 20. part. 2. art. 7. quæst. 9. vbi dicit, *Homines plus vel minus participare de Indulgentia, prout plus vel minus ad illius causam accedunt.*

§ III.

Quanam conditiones requirantur in eo , qui Indulgentiarum fructum percipere intendit .

P R I M A conditio est , vt sit homobaptizatus , vt ex communi & certa Theologorum sententia docet Suarez disp. 53. sect. 4. thesaurus siquidem Ecclesiæ validdè dispensari non potest nisi filijs Ecclesiæ; nec absolui possunt ab Ecclesia qui eiusiurisdictioni non subsunt : Nauarrus tamen & alij apud Laymannum cap. 6. de Indulgentijs existimant probabile esse Catechumenis tum viujs , tum defunctis, Indulgentias per modum suffragij prodesse posse.

Secunda conditio est , vt is qui percipit Indulgentias subditus sit illius qui eas concessit : neque enim nisi subditis Indulgentiæ concedi possunt , vt habetur ex capite *Quod autem* , & ex dictis paragrapho præcedenti constat.

Tertia conditio est , vt non sit excommunicatione aliqua maiori ligatus, hæc enim priuat hominem participatione bonorum spiritualium communium , vt supponimus ex dicendis infra suo loco.

Quarta conditio est , vt sit in statu gratiæ sanctificantis eo tempore quo Indulgentiæ fructum percipit : prænx siquidem temporalis remissio culpæ remissionem præsupponit , vt ex S. Thomæ & Theologorum communi sententia docet Bellarminus cap. 13. & ex antè dictis satis constat .

Verùm circa hanc quartam conditionem difficultas est , an status gratiæ requiratur in suscipiente Indulgentiam, non solum quando eius fructum percipit , sed etiam cùm exequitur opera ad illarum perceptionem iniuncta. Paludanus, S. Antoninus, & alij apud Bellarminū supra existimant satis esse, vt is qui lucratur indulgentiam, sit in statu gratiæ eo tempore, quo eus fructum percipit: Caietanus tamen, Sotus, & alij apud eundem Bellarminum , asserunt requiri gratiæ statum etiam tunc, quando iniunctum opus perficitur, quorum sententiam Bellarminus censet esse tutiorem, & in quibusdam etiam casibus omnino certam, cum videlicet præscribitur, vt opera iniuncta in statu gratiæ fiant, quod in plurimis summorum Pontificum diplomatibus præscribitur, in quibus indulgentia conceditur ijs, qui verè contriti & confessi Ecclesias aliquas visitauerint, ibique orauerint pro pace, &c. Imò Bellarminus existimat id semper subintelligi, quamuis non exprimatur, modo iniunctum opus tale est, vt minimè conferat ad finem, ad quem indulgentia confertur, v. g. ad placandum Deum & impetrandam pacem , nisi fiat in statu gratiæ: peccatores enim Deus non exaudit, nec per opera mortua iusti-

tia eius placari, aut misericordia exorari potest: quare consultiſſimum est, vt, quando quis Indulgentiam percipere cupit, primum peccata sua vel sacramentali confessione, vel saltem perfectæ Contritionis actu eluere curet: quæ quidem contritio ad omnia peccata non solum mortalia, sed etiam venialia extendi debet, vt ad remissionem pœnarum illis debitarum Indulgentia quoque extendatur.

3 Quinta denique conditio est, vt is, qui Indulgentiam percipere cupit, id omne perficiat, quod ad illam consequendam iniunctum fuerit, vnde si ex ignorantia, aut obliuione, aut etiam iusto aliquo impedimento, partem aliquam operis iniuncti quamuis inculpabiliter omittat, effectum Indulgentiæ non consequitur, vt ex S. Th. & aliis docet Bellar. quia secundum communem Theologorum axioma, *Indulgentia tantum valent, quantum sonant.*

Quæres, vtrum, quando in Pontificiis diplomatibus habetur Indulgentiam concedi pœnitentibus verè contritis & confessis, confessio sacramentalis necessaria sit ad eam lucrandam: Respondetur secundum probabiliorem & tutiorem sententiam, in eo qui peccati alicuius mortalis sibi conscius est, requiri actualem confessionem, quando illius mentio expressa habetur in Pontificiis litteris; nec sufficere solam contritionem, quamuis veram & perfectam, vt asserunt sanctus Antoninus, Adrianus, Nauarrus: & plures alij apud Bellarminum supra: In eo autem, qui nullius peccati mortalis conscientiam habet actualem confessionem minimè esse necessariam, vt docent idem, sanctus Antoninus, Suarez, & alij apud Laymannum capite 6. de Indulgentiis.

Quod spectat ad Indulgentias, quæ defunctis fidelibus in Purgatorio existentibus applicantur, certum est id ab Ecclesia validè & fructuosè fieri posse: fideles siquidem defuncti cum fidelibus viuentibus ita coniuncti sunt, vt vnâ cum illis Ecclesiam efficiant: proindeque si particularibus suffragiis & orationibus viuentium iuuari possunt, à fortiori poterunt per applicationem satisfactionum Christi & Sanctorum subleuari. Et hæc est communis & certa Doctrina sancti Thomæ, sancti Bonauenturæ, & aliorum Doctorum quos citat Bellarminus cap. 14. Quæ etiam ex communi Ecclesiæ praxi satis constat, in qua (vt ibidem refert) Paschalis 1. qui ante Septingentos annos Apostolicam Sedem obtinebat, & plures alij summi Pontifices, Indulgentias defunctis applicandas concesserunt.

4 Quærent aliqui, vtrum Indulgentiæ pro defunctis concessæ certò ac infallibiliter illis proficiant. Affirmant Sotus, Nauarrus, Suarez, & alij quos citat Laymannus c. 7. de indulg. quorum sententia, licet sit probabilis; contrariam tamen, quæ est sancti Bonauenturæ, Ricardi, Durandi, Cordubensis, & aliorum, quos citat & sequitur ibidem quæ est hunc Indulgentiarum pro defunctis effectum

pende-

pendere ex liberali Dei acceptantis voluntate, probabilior videtur, cum neque ex villo scripturæ loco, neque ex vlla certa traditione constet, Deum illas satisfactiones ex Ecclesiæ thesauro depromptas, & ab eadem Ecclesia sibi oblatas pro defunctorum liberatione acceptaturum promississe, præsertim cum ipsa Ecclesia Indulgentias illas pro defunctis concedat, non per modum absolutionis, sed per modum suffragij, tanquam ipsum Deum supplicans, vt eiusmodi satisfactionem seu solutionem pro defunctorum subleuatione misericorditer acceptare dignetur.

Quod etiam ex ipsius Ecclesiæ praxi confirmari potest, quæ post applicatam alicui defuncto in particulari plenariam Indulgentiam, v. g. per sacrificium in altari priuilegiato pro ipso oblatum, nihilominus pro eodem orare & sacrificare non desinit: quo facto tacitè declarare videtur, Indulgentias quamuis maximè salutares, non tamen semper infallibilem effectum pro ipsis defunctis habere, sed pendere ex diuina misericordia: quod tamen non debet fideles viuentes reddere segniores, imò potius excitare, vt maiori affectu & charitate ipsis fidelibus defunctis per orationes, aut sacrificia, aut Indulgentiarum applicationem, aut alium quencunque modum optulenter.

§. I V.

Quid de Purgatorio sentiendum sit.

CATHOLICA veritas, cui firmiter adhærendum est, docet esse Purgatorium, id est locum quendam, in quo tanquam in carcere post hanc vitam vsque ad certum & definitum tempus detinentur ac purgantur animæ fideles, quæ in statu quidè gratiæ, sed tamen nondum plenè à peccatis purgatæ è corporibus exierunt, vbi fidelium viuorum orationibus & suffragijs, ac præsertim sanctissimo Missæ sacrificio possunt subleuari. Hanc veritatem olim Valdenses, Albigenes, Apostolici, & plures alij Catholicæ fidei hostes impugnarunt, vt videre est apud Bellarminum lib. 1. de Pur. cap. 2. quibus adiunxerunt se hodierni hæretici tam Lutherani quàm Calvinistæ, qui omnes nullum esse post hanc vitam Purgatorium contendunt; sed animas statim vt à corporibus separantur, vel in cælum euehi, vel in infernum detrudi.

Refellitur hic error, & nostræ fidei veritas probatur 1. ex Scriptura: 2. Mach. 12. vbi dicitur quod *Sancta & salubris est cogitatio pro defunctis exorare, vt à peccatis soluantur*: quæ verba, cum neque de beatis, neque de damnatis intelligi possint, sequitur vt de quodam tertio hominum genere sint intelligenda, qui habeant adhuc aliqua vincula, à quibus post mortem solui queant; proindeq; de illis qui

qui in Purgatorio detinentur. Hanc autem librum Machabæorum esse Canonicum (quidquid hæretici in contrarium dicant) constat non modo ex Concilio Trident. sess. 4. in decr. de Canonicis scripturis, sed etiam ex Concilio Carthagenensi 3. cui interfuit ac subscripsit S. Augustinus cap. 47. item ex S. Innocentio I. Epist. ad Exuperium cap. vii. & ex Gelasio 1. in Concilio Septuaginta Episcoporum, ut refertur dist. 15. capite *Sancta Romana*. Probatur etiam ex Isaia 4. *Purgabit Dominus sordes filiarum Sion in spiritu iudicii & spiritu ardoris*: quem locum de pœna Purgatorii explicat S. Aug. lib. 20. de ciuit. cap. 25. Item ex Matth. 12. ubi dicit Dominus quædam peccata esse, quæ non remittuntur neque in hoc sæculo, neque in futuro: unde colligunt SS. Patres quædam peccata remitti in futuro sæculo, id est post hanc vitam, per orationes & suffragia Ecclesiæ. Ita S. Augustinus lib. 21. de ciuit. c. 24. & lib. 9. in Iulianum c. 5. Gregorius lib. 4. Dialog. c. 39. & S. Bernardus Homil. 66. in Cantica.

2. Probatur 2. ex varijs Concilijs, in quibus præscribitur ut orationes & suffragia pro defunctis fidelibus offerantur: ut in Concilio Carthagin. 3. cap. 29. Bracaren. 1. cap. 39. & Aurelian. 2. cap. 14. unde sequitur aliquos fideles defunctos in tali loco esse, ubi orationibus & suffragijs viuientium iuari possint, *Proindeque esse in Purgatorio*.

Probatur 3. ex SS. Patribus qui Purgatorium apertissimè asserunt, ut S. Gregorius Nyssenus oratione pro mortuis circa medium, ubi de Iusto ex hac vita excedente loquens dicit, *quod non poterit à corpore egressus diuinitatis particeps fieri, nisi maculas animo immixtas Purgatorius ignis abstulerit*: & Sanctus Augustinus lib. 21. de Ciuit. c. 24. loquens de Iustis, quicum leuibus peccatis decedunt, *Tales (inquit) constat ante iudicii diem per pœnas temporales, quas eorum spiritus pariuntur, purgatos, æternis supplicijs non tradendos*. Item ex alijs SS. Patribus, qui pro fidelibus defunctis orandum ac Missæ sacrificium offerendum esse dixerunt, ut S. Cyrillus Hierosolym. Catech. 5. Mystag. *Pro omnibus, inquit, oramus qui inter nos vitam functi sunt, maximum credentes esse animarum iuuamen*. S. Gregorius lib. 4. Dialog. c. 55. *Multum, inquit, solet animas etiam post mortem sacra oblatio hostiæ salutaris adiuuare, ita ut hanc nonnunquam ipsa defunctorum animæ expetere videantur*.

3. Porro, cum tantummodo fidelium Iustorum animæ in Purgatorio detineantur, quæ ab omni peccati mortalis reatu immunes ex hac vita decedunt, sequitur ut ob duas tantum causas ibi purgari debeant, nimirum vel pro peccatis venialibus, cum quibus nondum quoad culpam remissis à corporibus exierunt, vel pro pœnis temporalibus, quæ peccatis mortalibus aut venialibus quoad culpam remissis debentur, pro quibus plenè non satisfecerunt.

Næ autem animæ in Purgatorio exilientes pro peccatorum illorum expiatione grauissimas haud dubie pœnas patiuntur; adeo vt SS. Patres doceant pœnas illas Purgatorij quibuscunque huius vitæ pœnis esse longè grauiores, vt S. Augustinus Psal. 37. S. Gregorius in Psal. 3. pœnitentialem, & alij, quos citat Gammachæus c. 5. de Purgat.

Quamuis autem Doctores quidam Catholici, vt Dionysius Carthusianus lib. de quatuor nouissimis art. 47. & Michael Baius lib. 2. de meritis operum cap. 8. existiment grauissimam animarum illarum pœnam in eo consistere, quod nullam suæ salutis habeant certitudinem, sed quasi suspensæ & dubiæ occultâ quadam iudicij diuini dispositione teneantur; communis tamen Theologorum doctrina est, animas fideles in Purgatorio detentas de salute sua æternâ certas ac securas esse; tum quia (vt docet S. Thomas) spes Theologica in illis manet, ac proinde etiam fides, ex qua certissime scire possunt animas in Purgatorio detentas esse saluandas, aliunde verò satis certò sciunt se esse in Purgatorio, non verò in inferno; tum ex dictamine propriæ conscientiæ: norunt enim se Deum super omnia amare, nec vllò aduersus eum odio moueri, neque etiâ ab alijs animabus secum detentis vident illum blasphemari, vt sic à reprobis in inferno, sed potius laudari: quæ omnia fusius explicata & probata habentur apud Gammachæum cap. 3. & ult. de Purgatorio, & Bellarminum lib. 2. de eod. Purgat. cap. 4. qui etiam cap. 7. obseruat ex Beda & alijs probatis authoribus diuersos esse in Purgatorio pœnarum gradus, disparemque animarum statum, quarum aliæ alijs longè minùs torquentur; imo earum aliquæ nullum alium nisi tantummodo dilatae felicitatis dolorem sustinent.

4 Quæres 1. vbinam sit Purgatorij locus. Respondetur locum Purgatorij ordinarium esse in ipsis terræ visceribus, vt docent S. Thomas, S. Bonauentura, Sotus & alij apud Gammachæum citato cap. 5.

Diximus ordinarium, quia interdum ex aliqua diuina dispensatione purgantur animæ in alijs quibusdam locis; vel quia in ipsas peccauerunt, vel etiam ad instructionem & terrorem viuorum, vt ex S. Gregorio, S. Thoma, Petro Damiano, & alijs obseruat idem Gammachæus.

Quæres 2. quanto tempore animæ in Purgatorio detineri debeant? Respondetur id ab eo solo cognosci, cuius iudicio iusto detinentur; certum nihilominus esse aliquas illic animas pluribus annis, imò etiam sæculis detineri; cum Ecclesia probe consuetudinem illam anniuersaria celebrandi pro aliquibus defunctis, etiam si constet illos ante ducentos vel etiam plures annos ex hac vita migrasse; quod nunimè probaret, si tandiu eas illic non detineri posse certum esset.

Quæres

Quæres 3. an animæ ex Purgatorio aliquando egredi possint & hominibus appareant. Respondetur non modò ex Purgatorio, sed & ex ipso inferno: imò etiam ex Cælo animas Deo ita volente, egredi posse: & de facto interdum egressas fuisse, alijsque viuentibus apparuisse, vt docet S. Augustinus lib. de cura pro mortuis agenda cap. 15. & 16. & id ipsum varijs exemplis & historijs ex probatissimis & fide dignissimis authoribus probat Bellarminus cit. lib. 3. c. 8.

* Quæres 4. quibus modis animæ in Purgatorio exsistentes iuari & subleuari possint? Respondetur communionem, quam animæ illæ cum Ecclesia in terris militante seruant, per gratiam & charitatem in qua decesserunt, & ratione cuius inter membra viua corporis mystici, cuius Christus caput est, connumerantur, reddere illas capaces participandi pijs eiusdem Ecclesiæ operibus & inde varia & saluberrima solatia recipiendi, quando scilicet pia illa opera in quantum satisfactoria sunt ipsis animabus applicantur, & ea intentione Deo offeruntur, ex quo patet animas, Purgatorij à nobis iuari & subleuari posse, orationibus, ieiunijs, eleemosynis, sed præferim sanctissimo Missæ sacrificio, quod quidem propitiatorium est (vt definitum est in Concil. Trident. sess. 22. cap. 2.) *Non modò pro viuis, sed etiam pro defunctis in Christo nondum ad plenum purgatis.* Et sess. 25. in decreto de Purgatorio dicitur: *animas in Purgatorio deſertas, fidelium suffragijs, potissimum verò acceptabili altaris sacrificio iuari.* Vnde & S. Augustinus serm. 34. de verbis Apostoli postquam admonuit *Sumptuosam diligentiam sepultura monumentorum opulentiam constitutionem, esse potius vinorum quàm iacunque solatia, quàm adiutoria mortuorum,* rectè subiungit, *ordinationibus verò sanctæ Ecclesiæ, & sacrificio salutari, & eleemosynis, quæ pro eorum spiritibus erogantur, non est dubitandum mortuos adiuuari, vt cum eis misericordius agatur à Domino, quàm eorum peccata meruerunt.* Hoc enim à Patribus traditum, vniuersa obseruat Ecclesia, vt pro eis qui in corporis & sanguinis Christi communionem defuncti sunt, cum ad ipsum sacrificium loco suo commemorantur, ac pro illis quoque id offerri commemoretur, cum vero eorum commendandorum causa opera misericordia celebrantur, quis eis dubitet suffragari pro quibus orationes Deo non inaniter allegantur.

CAPVT SEXTVM.

De Sacramento Extremæ Vnctionis.

SECTIO I.

Vtrum Extrema Vnctio sit Sacramentum, & quis sit eius minister.

EX TREMÆ vnctionis nomine intelligimus vnctionem olei benedicti, quæ infirmo in extremis posito confertur à sacerdote, adiunctis certis precibus. Hanc autem esse verum & proprium nouæ legis Sacramentum à Christo Domino institutum negauerunt olim Valdenses & Albigenses, & nunc etiam negant Lutherani & Calvinistæ; affirmat verò Ecclesia Catholica, & tanquam dogma fide credendum, proponit: cuius quidem veritas simul & erroris oppositi falsitas demonstratur.

Primò ex his S. Iacobi verbis: *Infirmatur quis in vobis, inducat Presbyteros Ecclesie, & orent super eum, ungentes eum oleo in nomine Domini: & oratio fidei saluabit infirmum, & alleviabit eum Dominus; & si in peccatis sit, remittentur ei:* quibus verbis exprimentur omnia quæ ad Sacramenti rationem requiruntur; scilicet ritus aliquis externus, nêpe olei vnctio; deinde promissio gratiæ illi adiuncta, quatenus per illum ritum peccata remitti dicuntur; ac demum institutio diuina; neque enim Apostolus adeo constanter & absolutè gratiam illam promitteret, nisi Christus Dominus hoc ita instituisset, ac fieri præcepisset.

Secundò ex Concilio Cabilonenfi (quod temporibus CAROLI MAGNI celebratum est) cap. 48, vbi dicitur, *Infirmos secundum beati Iacobi documentum oleo quod ab Episcopo benedicitur, debere à Presbyteris ungi:* & paulo post allegatis ipsius sancti Iacobi verbis subdit, *Non esse parui pendendam eiusmodi medicinam, quæ optima corporisque medetur languoribus:* Item ex Concilio Florentino in decreto Eugenij, & Trid. sess. 14. c. 1. de Extremâ vnctione, vbi habetur: *Hoc Sacramentum institutum à Christo Domino, apud Marcum quidem insinatum, per Iacobum autem Apostolum ac Domini fratrem fidelibus commendatum ac promulgatum.*

Tertiò ex SS. Patribus, qui huic sacræ vnctioni vim sanctificandi & peccata remittendi tribuunt, vt S. Ioann. Chrysostomus libro 3. de sacerdotio, vbi dicit Sacerdo-

tes non modo cū nos regenerant, sed etiam cū infirmos oleo vngunt, indulgere peccata, quod ex citatis S. Iacobi verbis confirmat: & S. Augult. serm. 215. de temp. in quo docet superueniente infirmitate ægrotum accipere debere Christi Dominicorpus, & exinde proprium eius corpus vngendum esse, vt impleatur in eo illud quod scriptum est: *Infirmitas quis in vobis, &c.* additque hoc modo corporis sanitatem peccatorum indulgentiam obtineri.

3 Quod autem spectat ad ministrum huius Sacramenti, certum est solum Sacerdotem ritè ordinatum posse Sacramentum hoc valide administrare. Ita S. Thomas in 4. dist. 23. q. 21. a. 1. & alij communiter: estque de fide, vt constat ex suprà relatis S. Iacobi verbis, *Inducat Presbyteros Ecclesia*, tū ex Concilio Trid. sup. cap. 3. vbi verba illa S. Iacobi explicans dicit, *Proprios huius Sacramenti ministros esse Ecclesia Presbyteros quo nomine eo loco non atate Seniores aut primores in populo intelligendi veniunt; sed aut Episcopi, aut Sacerdotes ab ipsis ritè ordinati.*

Quamuis autem quilibet Sacerdos Sacramentum hoc valide administrare possit; cū eius administratio, quæ modo de precatório fit, vt infrà dicetur, non sit proprius actus iurisdictionis, vt ex communi Theologorum sententia docet Hæmberthus disp. 5. de Sacram. Extr. vnct. nullus tamen Sacerdos id licitè potest, nisi sit proprius Sacerdos illius, cui hoc Sacramentum confertur, vel ab eo facultatem habeat: vnde in Clementina de priuilegijs prohibetur religiosis Sacerdotibus sub pœna excommunicationis sedi Apostolicæ reservatæ & ipso facto incurrendæ, ne hoc Sacramentum laicis aut clericis administrent sine licentia proprii Sacerdotis, vt refert Laymannus cap. 6. de Extr. vnct.

Excipiunt tamen Doctores casum necessitatis; quando scilicet à proprio Sacerdote Sacramentum illud recipi non potest, v. g. si absit, nec ab illo licentia possit obtineri; tunc enim quilibet Sacerdos etiam Religiosus potest validè ac licite Sacramentū illud moribundo administrare, nec vllam ideo incurrit excommunicationem, vt docent S. Antoninus, Syluester, Caietanus, Henriquez, & alij apud Laymannum suprà.

4 Quærent aliqui occasione illorum verborum S. Iacobi: *Inducat presbyteros Ecclesia*, utrū huius Sacramenti minister debeat esse vnus an plures. Respondetur 1. vnum sufficere, vt constat tū ex cap. *Quasiuit*, extra de verborum significatione, tū ex communi Ecclesiæ praxi, quæ non nisi vnum Sacerdotem ad Sacramentum hoc ministrandum adhibere solet. Respondetur 2. plures Sacerdotes posse Sacramentum hoc administrare, siue successiue; quando vnctione vna aut altera ab aliquo Sacerdote facta, & forma simul prolata, alius reliquas vnctiones facit, & verba formæ proferet: siue coniun-

ctim

DE EXTREMA VNCTIONE. 191

Etiam, ita ut uno Sacerdote unam unctionem faciente, & verba formæ proferente, alij Sacerdotes eodem tempore unctiones reliquas faciant, ac simul verba formæ proferant: & hic modus administrationis semper quidem validus est, non tamen licitus, nisi in duobus casibus. Primus est, si Sacerdos post aliquas unctiones factas subito moriatur, aut in talem infirmitatem decidat, ut reliquas peragere non possit, tunc enim alius Sacerdos eius defectum supplere debet, non repetendo quæ facta sunt, sed ea quæ defunt perficiendo. Secundus est, quando subest aliqua ratio timendi ne infirmus moriatur, priusquam unus Minister unctiones omnes perficere possit: tunc enim si adsint alij Sacerdotes, poterunt simul unus oculos, aliter aures, &c. perungere, ac unusquisque aliorum formam proferre, unctioni illi quam peragit, convenientem. Ita Suarez disput. 43. sect. 2. num. 8. Isambertus disp. 5. Extrem. unct. art. 2. & 3. & plures alij.

SECTIO II.

Qua sit materia & forma huius Sacramenti.

Dicendum 1. materiam remotam Extremæ unctionis esse oleum oliuarum ab Episcopo benedictum. Ac in primis quod sit oleum oliuarum, constat ex decreto Eugenij, ubi expressè dicitur materiam huius Sacramenti esse *Oleum oliua*: & in Catech. Rom. part. 2. cap. 6. declaratur olei nomine intelligi liquorem, non ex quavis pingui & crassa materia, sed ex olearum bacis tantummodo expressum. Quod autem oleum istud, ut sit apta & sufficiens huius Sacramenti materia, debeat esse ab Episcopo benedictum, docet S. Thomas in 4. dist. 23. quæst. 1. art. 3. & constat tum ex citato decret. Eug. & Conc. Trid. sess. 14 cap. 1. tum ex ipsius Ecclesiæ praxi, quæ non nisi oleum ab Episcopo benedictum in huius Sacramenti administratione adhibere consuevit.

Quæres, an deficiente oleo benedicto, possit, urgente necessitate ad Sacramentum hoc administrandum adhiberi oleum non benedictum, vel illius loco sacrum chrisma. Respondetur 1. oleum benedictum esse de necessitate huius Sacramenti, ut docent. S. Thom. S. Bonavent. Durandus, & alij, quos refert & sequitur Isambertus disp. 2. art. 2. promittendūque nec licite, nec validè cum oleo non benedicto administrari posse, si tamen oleum benedictum non sufficeret, posset illi non benedictum in minori tamen quantitate licitè admisceri, ut intelligitur ex cap. *Quod dubijs*, extra de consecratione Ecclesiæ. Respondetur 2. controuersum esse apud Theologos, an hoc Sacramentum validè conferri possit in oleo balsamato, seu chrismate, quibusdam affirmantibus, alijs verò id negantibus, quos fere refert

192 DE EXTREMA VNCTIONE.

refert Laymann. cap. 2. de Extr. vnct. qui rectè concludit, quidquid sit de vtraque illa sententia; quarum neutra expressè ab Ecclesia definita est, quantum ad praxim attinet, nunquam licitum esse Sacerdoti in Extremæ vnctionis administratione vti chrismate, eo quod saltem id consuetudini & praxi Ecclesiæ repugnet, quæ non nisi oleum simplex & benedictum pro vngendis infirmis adhibere solet.

Addit, quod quamvis secundùm ipsius Ecclesiæ praxim oleum istud infirmorum quotannis renouari debeat, vetusque, nouo accepto, comburi. Si tamen Parochus oleum ab Episcopo benedictum nondum receperit, urgente necessitate veteri benedicto ad conferendam extremam vnctionem vti licitè possit.

2. Dicendum 2. materiam proximam huius Sacramenti esse vnctionem quæ fit per modum crucis, iuxta Rituale Romanum, in oculis, auribus, naribus, labijs, manibus, pedibus & renibus (quam tamen vltimam vnctionem in sceminis omittendam esse dicit) vel in pectore loco renum, vt in Rituali Parisiensi, & in quibusdam alijs habetur. Hæc autem vnctio in partibus illis quæ natura geminæ sunt, duplex fieri debet, v.g. vna super oculum dextrum, altera super sinistrum: & vnica interim forma proferri: ita vt formæ prolatio incipiat, antequam prior vnctio finiatur, nec desinat quin posterior saltem inchoetur, vt annotatur in eodem Rituali: vbi etiam dicitur quod si quis in aliqua illarum partium mutilatus sit, vnctio in proxima fieri debeat, cum eadem formæ prolatione.

* Porro hæc vnctio, non adhibito aliquo instrumento, sed pollice manus ipsius Sacerdotis ministrantis fieri debet, vt habetur in Rituali Romano; Sacerdotis siquidem manus instrumentum est viuum diuinæ potestatis & gratiæ, speciali vnctione ad vsus mylticos in ipsa ordinatione consecratum.

Cum igitur hæc ex ipsius Ecclesiæ praxi consent, quæritur an vnctio illarum omnium partium sit de essentia huius Sacramenti, itaut validè conferri non possit, nisi omnes illæ partes vngantur. Respondetur 1. certum esse ex communi Theologorum consensu ad validitatem huius Sacramenti non requiri, vt vnctio fiat in modum crucis, nec etiam vt pedes, aut renes, aut pectus vngantur, nec vt fiat duplex vnctio in geminis partibus, cuiusque sensus: quamvis enim ex præcepto Ecclesiæ ista fieri & seruari debeant, nec proinde (nulla urgente necessitate) omitti possint sine peccato; non sunt tamen de essentia huius Sacramenti, nec ad eius validitatem requiruntur, vt docent Sotus, Henriquez, Suarez, Toletus, & alij apud Laymann. cit. cap. 2.

3 Respondetur 2. controuersum esse apud Theologos vtrum ad Sacra-

Respondetur 2. controuersum esse apud Theologos utrū ad Sacramenti huius validitatem necessarium sit, vt omnes quinque sensus corporis vngantur; an vero vnctio in vno illorum sufficiat: quidam enim Doctores, quos recenset & quibus subscribit Isambertus disp. 2. art. 5. vnius tantummodo sensus vnctionem ad Sacramenti validitatem sufficere existimant: alij verò è contrā vnctionem quinque sensuum ad validitatem illam requiri affirmant. Ita S. Thomas, S. Bonauentura, Richardus, Scotus, Paludanus, & plures alij, quos citat & sequitur Suarez in 4. dist. 2. quæst. 2. art. 3. quorum sententia videtur probabilior; propter autoritatem ipsius S. Doctoris, proindeque in praxi tenenda.

Dicendum 3. formam huius Sacramenti hanc esse: *Per istam vnctionem, & suam piissimam misericordiam indulgeat tibi Dominus quidquid per visum deliquisti, &c.* & similiter de aliis membris. Ita declaratum est in decreto Eugenij, & in Concilio Trident. sess. 14. c. 1. de Extrema vnctione, & expressè habetur in Rituali Romano.

Sunt autem quædam obseruanda. Primum est, formam huius Sacramenti per modum deprecationis esse conferendam, vt docet S. Thomas, S. Bonauentura, & communiter alij apud Suarez supra, sect. 3. quod constat tū ex his S. Iacobi verbis: *Orent super eum, & oratio fidei saluabit infirmum;* tū ex vniuersa Ecclesiæ praxi quæ vbiq; in huius Sacramēti administrazione forma deprecatoriæ vtitur.

4. Secundum est, quod quamuis omnes particulæ præfatæ quæ in forma huius Sacramenti communiter proferuntur, ad eius essentiam non pertineant, sitque probabiliissimum solas has quæ sequuntur, *Per istā vnctionē indulgeat tibi Dominus quidquid peccasti,* ad illius validitatē esse necessarias, vt docet & probat Isambertus disp. 3. art. 2. debet tamē Sacerdos omnia illa verba in huius Sacramenti forma & Ecclesiæ præscripto apposita, pro vt in Rituali Romano habētur, vel secundum peculiarem cuiusque diocesis vsum, distinctè proferre, nec aliquid ab eo in illa prolatione omitti aut mutari sine peccato potest.

Tertium est; probabilissimum esse (quod asserunt Henriquez, Medina, Paludanus, & alij, quos citat & sequitur Isambertus supra art. 4.) quinariam formæ huius Sacramenti repetitionem non esse de eius essentia; sed sufficere vnicam: secundum quam sententiam, si infirmus iam iam moriturus credatur, poterit Sacerdos partes magis obuias quinque sensuum vngere, verbigratia vnum oculum, aurem, narem, labium, & aliquam aliam partem pro sensu tactus qui vbiq; diffusus est, vt genam, idque celeriter nullo facto signo crucis, & simul ac semel verba proferre: *Per istam vnctionem indulgeat tibi Dominus quidquid deliquisti, vel quidquid peccasti per visum, auditum, odoratum, gustum & tactum.*

SECTIO III.

Quinam sint huius Sacramenti effectus.

EXtremæ Vnctionis effectus duplicis sunt generis: quidam enim animam, alij corpus attingunt: quod spectat ad animam, quinque sunt præcipui effectus, quos Sacramentum hoc in ea opereatur.

Primus effectus illi cum aliis Sacramentis communis, est gratia sanctificans: vt expressè definitum est in Conc. Trid. sess. 14. can. 2. de Extrema Vnctione, his verbis: *Si quis dixerit Sacram infirmorum Vnctionem non conferre gratiam, &c. anathema sit.*

Secundus est, speciale gratiæ auxilium, tum ad superandas tentationes in articulo mortis occurrentes, tum ad spem & confidentiam facilius & firmitus in Deum erigendam, tum etiam ad morbi & mortis molestias cum maiori patientia tolerandas: quod expressè declarat Concilium Trident. cap. 2. vbi dicit quod hoc Sacramentum, *Ægroti animam alleviat & confirmat, magnam in eo divina misericordia fiduciam excitando, qua infirmus subleuatus & morbi incommoda ac labores leuius fert, & tentationibus demonis calcaneo insidiantis facilius resistit.*

2. Tertius effectus, est remissio peccatorum mortalium si quæ fortè habet infirmus, quæ habere se bona fide & inuincibiliter ignoret: quamuis enim, vt rectè obseruat Gammachæus cap. 6. de Extrem. Vnction. Sacramentum hoc ex primaria Christi institutione secundam tantummodo gratiam, id est, gratiæ sanctificantis augmentum conferat, supponatque hominem à peccato mortali per Sacramentum Pœnitentiæ aut perfectam contritionem iam purgatum, nihilominus secundario etiam primam interdum gratiam conferre potest, & peccata mortalia delere, si fortè Confessio Sacramentalis nulla & inuálida fuit, & aliàs infirmus se in statu peccati mortalis esse inuincibiliter ignoret, & de illis saltem in genere attritus sit, vt docent Paludanus, Suarez & alij apud Laymann. sup. 5. de Extrem. Vnct. & satis apertè colligitur tum ex his S. Iacobi verbis: *Si in peccatis sit, remittentur ei:* tum ex illis Conc. Trident. cap. 2. *Delicta si qua sint adhuc excipienda, abstergis;* tum denique ex his formæ verbis: *Indulgeat tibi Dominus quidquid peccati:* quæ quidem verba, sicut & alia ex Apostolo & Concilio relata, cum sint indefinita, ac sine vlla restrictione, de quibuscunque peccatis etiam mortalibus intelligi debent.

Quartus effectus est remissio peccatorum venialium, vt a fortiori, ex su-

DE EXTREMA VNCTIONE. 195

ex suprâ citatis Apostoli & Concilii verbis, & ex ipsa Sacramenti forma colligitur.

Quintus denique, est absterfio reliquiarum peccati, vt expressè docet Concil. Trident. cit. cap. 2. quarum quidem peccati reliquiarum nomine S. Thom. in 4. dist. 13. quæst. 1. art. 2. qu. 1. Ferrariensis lib. 4. contra Gentes cap. 73. & plures alii Theologi intelligunt animi languorem, torporem, mœrorem, tristitiam, fastidium, anxietatem & alias similes prauas affectiones, quæ vt plurimum ex peccatis præteritis, eorumque recordatione oriuntur, varia incommoda spiritualia causant, vel etiam in extremam desperationem propellunt.

3 Quod verò spectat ad corpus, vnus est Extremæ Vnctionis effectus, scilicet ipsius corporis sanitas: vt colligitur ex Apostoli verbis: *Oratio fidei saluabit infirmum*: quæ verba de corporis salute intelligenda esse docet Hugo de S. Victore lib. 2. de Sacramentis part. 15 cap. 2. & post illum S. Thomas in 4. dist. 23. qu. 2. art. 2. quem etiam Extremæ Vnctionis effectum tradit Concil. Trident. cit. cap. 2. adiecta tamen hac conditione: *ubi saluti animæ expedierit*: quo sensu citata Apostoli verba docet esse intelligenda.

4 Quæres, quis sit præcipuus horum effectuum, seu ob quem primario Extrema Vnctio instituta sit. Respondetur cum S. Doctore suprâ, & pluribus aliis Theologis, quos citat & sequitur Suar. disp. 41. sect. hoc Sacramentum principaliter institutum esse ad conferendum infirmo speciale quoddam gratiæ actualis auxilium, quo iuuetur & roboretur contra occurrentes in extremo vitæ discrimine difficultates, quibus à negotio suæ salutis strenuè procurando & promouendo retardari potest; secundario vero tum ad sanitatem corporis, si animæ saluti conducit, reparandam; tum ad alios suprâ explicatos effectus conferendos.

SECTIO IV.

Quis suscipere possit aut debeat Sacramentum Extremæ vnctionis, & qua in eo dispositiones requirantur.

1 **D**icendum 1. subiectum capax huius Sacramenti esse hominem baptizatum, qui rationis vsum adeptus sit, & propter morbum de vita periclitetur. Est communis sententia Doctorum in 4. dist. 23.

Requiritur 1. vt sit baptizatus: cum Baptismus, vt habetur in decreto Eugenij, sit *ianua vitæ spiritualis*, nec sine illo Sacramenta reliqua validè suscipi possunt.

196 DE EXTREMA VNCTIONE.

Requiritur 2. ut rationis vsum adeptus sit: cū enim huius Sacramenti effectus sit remissio peccatorum actualium, & robur aduersus tentationes; pueri ante vsum rationis horum effectuum capaces non sunt, ut per se patet, nec proinde Sacramenti illius suscipiendi; vnde Nauarrus cap. 22. num. 1. Suarez disp. 70. sect. 1. & plures alij Theologi rectè docent Sacramentum Extremæ vnctionis validè conferri posse, imo & negari non debere pueris, qui ad eam ætatem & rationis discretionem peruenerunt, ut Sacramenti Pœnitentiæ sint capaces; quamuis Sanctam Eucharistiam nondum receperint, nec adhuc idonei ad illam recipiendam iudicentur: Quod etiam in Rituali Parisiensi tit. de Extrema Vnctione præscribitur. Diximus requiri ut hoc Sacramentum suscipiens rationis vsum adeptus sit; siue vsum illum ad huc retineat, siue postea in amentiam aut phrenesim lapsus sit: licet enim maximè deceat, & quantum fieri potest procurandum sit, ut infirmo ministretur, dū sana mente & integris sensibus est; non est tamen illi denegandum; quamuis in amentiam inciderit, aut rationis vsum amiserit; si antea illud petiit, aut saltem interpretatiuè desiderauit: si nimirum Christianè vixit; & salutis suæ memor fuit: quod quidem præsumendum est, nisi contrarium appareat, ut docent Paludanus, Syluester, Henriquez, & plures alij apud Laymann. cap. 4. de Extr. vnct. & expressè declaratur in Rituali Romano, in quo etiam præscribitur, impœnitentibus, qui in manifesto peccato mortali moriuntur, & excommunicatis omnino denegandum esse hoc Sacramentum.

Requiritur 3. ut nonnisi infirmo de vita periclitanti conferatur Extrema vnctio, ut docet S. Thomas in 4. dist. 23. quæst. 2. art. 2. & cum eo communiter omnes, ut habetur in Concilio Tridentino cap. 3. vnde neque reis vltimo supplicio mox afficiendis, neque prælium inituris, aut aliis violentia aliqua extrinseca morituris hoc Sacramentum conferri debet, ut in præfato Rituali Romano expressè declaratur.

Obseruat etiam S. Doctor supra articulo 4. & cum illo communiter omnes, Extremam Vnctionem morbi periculo eodem durante, iterum conferri non posse: secus vero si eodem morbo durante, infirmus nouum aliquod mortis periculum incurrat: ut si postquam infunctus fuerat, Medicorum iudicio melius habere cœpit, euasitque periculum mortis, in quo nihilominus postea mutata corporis constitutione iterum recidit ut docent Paludanus, Suarez, & alij apud Laymann.

Dicendum 2. infirmum sui compotem Sacramentum pœnitentiæ & Eucharistiæ debere recipere, priusquam Extrema vnctio ipsi conferatur, si tempus & ipsius infirmi conditio seu dispositio id permittat. Ita docet Isambertus disp. 7. art. 1. & expressè

presè declaratur in Rituali Romano, & etiam in Cathéchismo Romano part. 2. cap. 6. vbi vocat hanc consuetudinem Ecclesiæ *perpetuam*, atque esse *seruandam*, quod obligationem denotat: si tamen postea in mortale peccatum lapsus sit, aut alicuius peccati mortalis nondum confessi recondetur, debet huius Sacramenti susceptioni Sacramentalem Confessionem præmittere, aut si extrema morbi vi oppressus id non possit, debet actum contritionis, aut saltem attritionis elicere, vt Sacramenti huius virtute peccatorum remissionem percipiat, vt docet Isambertus supra: & ante illum docuerunt Suarez disputat. 42. sect. 1. Nauarrus cap. 22. numero 13. & plures alij.

3 Quæres, an sit aliqua obligatio Extremæ vnctionis recipiendæ. Respondetur iuxta doctrinam Sancti Thomæ in 4. distinct. 23. quæstione 1. artic. 1. quæstione 3. ad 1. nullam esse huius Sacramenti recipiendi sub peccato mortali obligationem, si secundum se præcisè consideretur; licet enim utilissimum sit ac saluberrimum, nullam tamen nec mediæ, nec præcepti necessitatem secum inuehit, vt probat Isambertus disputatione 8. artic. 1. qui tamen rectè subiungit fieri interdum posse, vt infirmus illud non suscipiendo mortaliter peccet; si, verbi gratia, illud ex contemptu omittat, vel quamuis ablit contemptus, si ex neglectu illius scandalum sequatur, aut infirmus probabile aliquod periculum salutis incurrat; quia nullum aliud Sacramentum suscipere potest.

Non est tamen par ratio illius, cui Sacramenti huius administratio ex officio incumbit: is enim, vt rectè docet & probat Isambert. ibid. per se, vel per alium Sacerdotem tenetur hoc Sacramentum subditis suis extremè & periculosè ægrotantibus administrare; ita vt peccet mortaliter, si cognito alicuius infirmi periculo, illi conferre sine illa iusta ratione omittat, aut differat cum probabili periculo, ne interim ægrotus, illo non suscepto, moriatur. Additque, quòd quamuis infirmus morbo contagioso laboraret, nec posset illi Sacramentum hoc, nisi cum vitæ periculo administrari, si tamen proprius eius Sacerdos aliter ei subuenire non possit quàm Extremam vnctionem illi conferendo, teneretur etiam cum certissimo vitæ periculo hanc illi administrare, nisi alius Sacerdos eius vices suppleat. Docet nihilominus, quod si moraliter certus sit de bona illius dispositione, quoad ea quæ salutem animæ respiciunt; puta quia nuperrimè Pœnitentiæ & Eucharistiæ Sacramenta illi administrauit, tunc non teneri saltem

sub peccato mortali, Extremam vñctionem illi administrare cum tali periculo.

CAPITULUM SECTIMUM.

De Sacramento Ordinis.

SECTIO I.

Vtrum Ordo sit Sacramentum.

NOMEN Ordinis, quod ex se latissimam habet significationem, ab Ecclesia usurpatum est, ut observat Catechismus Romanus part. 3. cap. 7. tum ad designandum Ecclesiasticæ Hierarchiæ statum, in qua reperiuntur varij Ministrorum superiorum & inferiorum gradus optimè dispositi ad ea perficienda, quæ cultum diuinum, præsertimque sanctissimum Domini corporis Sacrificium spectant: tum ad significandum ritum illum Sacrum, quo quisque Ministrorum illorum solemnè religione consecratur, ac diuino cultui sacrisque Altaribus mancipatur: in quo posteriori sensu de illo quæritur vtrum sit Sacramentum. Quæ quidem quæstio dupliciter intelligi potest: Primò in genere: vtrum in Ecclesia sit Sacramentum Ordinis; Secundò in particulari: vtrum quilibet Ordo Ecclesiasticorum sit Sacramentum. Pro cuius resolutione,

Dicendum 1. Ordinem esse Sacramentum nouæ legis à Christo Domino institutum. Hanc veritatem quæ de fide est, negauerunt olim Messaliani: ut refert Coccius tom. 2. lib. 8. art. 1. & hodie similiter negant Lutherani & Calvinistæ, quorum error refellitur, & veritas nostræ fidei probatur.

Primò ex Apostolo 2. ad Timoth. 1. *Admoneo te ut resuscites gratiam, quæ est in te per impositionem manuum mearum*: ex quo loco, vbi loquitur Apollo us de sacra Ordinatione ipsius Timothei habetur ritus aliquis sensibilis, & collatio gratiæ super hunc ritum: vnde sequitur vnâ ratione Sacramenti in sacra Ordinatione requiri.

2. Secundò ex Concilio Calced. can. 2. vbi damnantur illi qui pecunias pro ordinatione recipiunt, eo quod gratiam Dei vendere censeantur, quæ tamen vendi nec debet, nec potest: & ex Concilio Trid. sess. 24. cap. 3. his verbis: *Cum Scriptura testimonio, Apostolica*

TRA-

traditione, & Patrum unanimi consensu perspicuum sit, per sacram Ordinationem, qua verbis & signis exterioribus perficitur, gratiam conferri, dubitare nemo debet Ordinem esse verè & propriè unum ex septem Sanctæ Ecclesiæ Sacramentis.

Tertiò ex S. Leone epistola 87. ad Episcopos Mauritanie cap. 1. ubi postquam dixit Ordinem Sacerdoti nonnisi benè probatis & exercitatis esse conferendum, subiungit : *Quis dissimulare audent, quod in tanti Sacramenti perpetratur iniuriam, si nimirum indignus ordinetur : & ex S. Ambrosio lib. de dignitate Sacerdot. c. 5. Quis dat Episcopalem gratiam : Deus, an homo ? respondet sine dubio, Deus : sed per hominem dat Deus : homo imponit manus, Deus largitur gratiam.*

Dicendum 4. non modò Ordinem in genere, sed etiam in particulari vnumquemque Ordinum Ecclesiasticorum esse Sacramentum. Antequam hæc assertio probetur, supponendum est septem esse Ordines : tres qui dicuntur maiores ; scilicet Presbyteratum, Diaconatum, & Subdiaconatum : quatuor verò minores, nimirum Ordinem Acolytorum, Exorcistarum, Lectorum, & Ostiariorum. Quod constat ex varijs Concilijs septem illos Ordines enumerantibus, vt ex Concilio Romano sub S. Syluestro cap. 4. Carthag. 4. cap. 2. Florent. in decret. Eugenij & Trident. sess. 13. c. 2. ubi expressè dicitur non solum nomina illorum Ordinum, sed etiam singulorum propria ministeria fuisse in vfu ab Episcopo Ecclesiæ initio. Item ex Epistola Cornelij Papæ ad Fabianum Episcopum Antiochenum, in qua totius Cleri Romani enumerationem faciens dicit, *in Ecclesia Catholica, id est, Romana Presbyteros esse quadraginta sex, Diaconos septem, Subdiaconos septem, Acolyos quadraginta duos, Exorcistas, Lectores una cum Ostiarijs quinquaginta duos.*

Hoc præsupposito, probatur assertio, primò de illis omnibus Ordinibus in genere ex eo quod postquam Concilium Trident. c. 2. septem illos Ordines enumeravit, eosdemque in Ecclesia semper fuisse dixit, capite tertio absolutè definit Ordinem esse Sacramentum absque vlla restrictione ad maiores Ordines, aut minorum exclusionem : vnde sequitur secundùm eius mentem in omnibus & singulis Ordinibus, maioribus & minoribus, veram Sacramenti rationem reperiri.

Probatur 2. de singulis Ordinibus in particulari. De Presbyteratu quidem tum ex Concilij Flor. in decr. Eugen. & Trident. suprà, in quibus Presbyteratus tanquam aliorum Ordinum primus & præcipuus enumeratur, cui proinde ratio Sacramenti præ alijs competere debet : tum etiam ex SS. Patribus qui Presbyteratum annumerant alijs Sacramentis vel Ordinationem Presbyterorum expressè vocant

Sacramentum, vt S. Cyprianus *serm. de ablut. pedum* S. Augustinus *lib. 1. contra Donatist. cap. 2. & S. Leo. Ep. 81. ad Dioscorum cap. 1.*

De Diaconatu similiter probatur, tum ex eo quod Conciliū Trident. *sess. 23. can. 6. definiuit Hierarchiam Ecclesia diuina Ordinatione institutam constare ex Episcopis, Presbyteris, Ministris*, vbi per Ministros saltem Diaconos intelligit, quorum proinde Ordinem diuinitus institutum esse declarat: tum etiam ex ritu quem seruat Episcopus Diaconos ordinans, cum singulis illorum imponens manus dicit, *Accipe Spiritum sanctum*: quibus verbis se gratiam illis conferre declarat.

4 Quamuis autem Durandus & Caietanus negauerint Ordinationem Diaconi esse Sacramentum, monet tamen Isambertus *disp. 2. de ord. art. 7.* sententiam illorum, licet ante Conc. Trid. vtunque probabiliter defendi potuerit, post illud tamen sine aliqua censuræ nota sustineri amplius non posse.

Dices Diaconos fuisse ab Apostolis institutos, *Act. 6.* idque eo fine, vt pauperum curam gererent, vnde sequitur illorum Ordinationem non esse Sacramentum cum ex Christi institutione non sit.

Respondetur verum esse Diaconos ab Apostolis ordinatos fuisse: falsum verò Diaconatus Ordinem fuisse ab illis institutum: constat enim ex ipsius Ecclesiæ traditione, vt docet & probat Isambertus *suprà*, Sacramentum Ordinis fuisse à Christo Domino in vltima cœna institutum. Quod autem dicitur Diaconos ab Apostolis ordinatos fuisse vt pauperum curam gererent, id fuit quidem vnum ex illorum officijs, non verò primarium & præcipuum, vt docet idem Isambertus *suprà art. 8.* & plenius constabit ex ijs, quæ de singulorum officijs *infra* dicentur.

De Subdiaconatu denique & alijs minoribus Ordinibus constat, tum ex authoritate Concilij Trid. *suprà*, tum etiam ex eo quod hæc est plurimorum Doctorum tam antiquorum quàm recentiorum sententia, vt S. Thomæ in 4. *dist. 24. q. 2. 2. 1. q. 3.* S. Bonauenturæ, Richardi, Scoti, Paludani, Maioris, Almaini, Ferrariensis, Eckij, & aliorum quos citat & sequitur Valentia *q. 1. de Sac. Ord. pun. 4.* quibus etiam subscribit Isambertus *disp. 2. de Ord. art. 11.*

Nec obstat quod tres tantum maiores Ordines dicantur sacri: non enim sic vocantur, quasi solis illis ratio Sacramenti competat; sed quia solis illis votum continentie annexum est, vt docet idem Isambert. *disp. 1. de Ord. art. 6.*

5 Verum est quidem S. Ignatium Antiochenum Episcopum *Epist. 1. ad Antiochenos* *suprà dictis* Ordinibus annumerare Cantores seu Psalmistas, & laboratores qui defunctorum corpora curabant, sed vt rectè obseruat Baronius *ad an. 44. prope finem*) non fuerunt hi

Ordines, sed officia mere Ecclesiastica, quod aperte etiam colligi potest ex Concilio Carthagini. 4. cap. 10. ubi dicitur quod Psalmista potest absque scientia Episcopi, sola Presbyteri iussione, suscipere canendi officium, & ex consequenti illud non conferebatur per Ordinationem seu consecrationem, sed per meram deputationem seu commissionem.

Obijcies ex doctrina superius explicata consequens fore, plura esse Sacramenta quam septem.

Responderetur quod quamvis singuli Ordines habeant rationem Sacramenti, vnum tamen in genere Sacramentum simul constituunt, quod sufficit ut Ordo dicatur vnum genericè Sacramentum, quod sub se diuersas species continet, ut supersus explicat Bellarminus lib. 1. de Sacram. Ord. cap. 8.

6 Porro supradictis Ordinibus annumerati meritò debet Episcopatus, tanquam ipsius Ordinis Sacerdotalis vertex & summitas, quod expressè declarauit Concil. Trid. sess. 23. c. 4. ubi definit Episcopos, qui in Apostolorum locum successerunt, ad hunc ordinem Hierarchicum præcipuè pertinere, & positos esse: sicut ait Apostolus à Spiritu sancto, regere Ecclesiam Dei, eosque Presbyteris superiores esse. ac Sacramentum Confirmationis conferre, ministros Ecclesiæ ordinare, atque alia pleraque peragere ipsos posse, quantum functionum potestatem reliqui inferioris Ordinis nullam habent. Cui veritati suffragantur SS. Patres, qui Episcopatum vocant Ordinem, ut S. Anacletus Epist. 3. c. 1. S. Caius Epist. ad Felicem Episcopum, & S. Ambrosius lib. 3. de Sacram. cap. 1. Neque solum est Ordo, sed etiam Sacramentum nobilissimum & perfectissimum, quamvis enim nonnulli Theologi olim id in dubium reuocauerint, communiter tamen asserunt alij omnes, qui fusè citantur apud Bellarminum lib. 1. de Clericis cap. 5. & Valentiam disp. 9. de Sacris Ordin. q. 1. pun. 2. apud quem videri potest fusior probatio huius sententiæ, quam adeò certam esse dicit Isambertus disp. 2. de Ord. art. 3. ut contrariam tanquam erroneam prorsus repudiandam existimet.

Quod verò spectat ad tonsuram Clericalem, quamvis quidam Iuris Canonici Doctores alij Ordinibus illam annumerandam esse arbitrentur; communis tamen & vera Theologorum sententia est, non esse Ordinem, sed solummodo cæremoniam Ecclesiasticam ut S. Thom. in 4. dist. 24. quæst. 3. art. 1. S. Bonauentura ibid. & alij communiter docent: & constat etiam ex Conc. Trid. sess. 23. cap. 2. de reform. cap. 6. & 10. ubi Tonsura semper ab Ordinibus rectè distinguitur, & in Catech. Rom. p. 1. cap. 7. dicitur Tonsuram tantummodo esse præparationem ad Ordines suscipiendos, sicut Exorcismus est præparatio ad Baptismum, & Sponsalia ad Matrimonium.

Quod

17 Quod quamuis ita se habeat, certum est nihilominus cæremoniam illam Tonsuræ accipiendæ ab ijs qui in Clerum cooptantur, & ab ipsis deferendæ, esse antiquissimam ab ipsis Apostolis derivatam, vt videri potest apud Bedam lib. 4. hist. Anglorum cap. 22. & apud Baronium ad ann. Christi 58. habeturque de illa speciale decretum S. Aniceti Summi Pontificis in Epist. decret. ad Episcopos Gallicæ, quo prohibentur Clerici comam nutrire, iubeturque Tonsuram in summitate capitis in modum spheræ gestare; cuius rei hanc ibi rationem reddit: *Quod sicut Clerici discerni debent à laicis in conversatione, sic etiam ab ijsdem in Tonsura, & in omni habitu discreti esse debent.* Quod etiam plures alij Summi Pontifices, & plurima Concilia varijs subinde temporibus sanxerunt, & nouissimè in Conc. Trid. sess. 21. c. 6. decretum illud renouatum est, sicut & in pluribus alijs recentioribus Italiae, Hispaniæ, Germaniæ, ac præsertim Galliæ nostræ Concilijs, vt Rhemensi anno 1583. Turonensi eod. ann. Bituricensi anno 1583. Aquisgranensi anno 1585. Tholosano anno 1590. Burdigalensi anno 1614. &c. ex quibus apparet vn uersam Ecclesiam his nouissimis temporibus veluti conspirare voluisse ad religiosam illam Tonsuræ Clericalis Traditionem & praxim communibus suffragijs denuò stabiliendam; vnde infertur non sine graui peccato à Clericis, præsertim maioribus Ordinibus initiatis, aut beneficium aliquod Ecclesiasticum obtinentibus, hanc Tonsuræ deferendæ legem contemni vel negligi posse, vt infra in appendice peculiari ad calcem huius operis suis explicabitur.

SECTIO II.

Quæ sit materia & forma Sacramenti Ordinis.

1 **Q**uestionis propositæ duplex sensus esse potest. Primus, quæ sit materia & forma Sacramenti Ordinis in generali. Secundus quæ sit specialis materia & forma cuiuscumque Ordinis in particulari pro cuius in vtroque sensu resolutione,

Dicendum 1. materiam remotam Sacramenti Ordinis in generali, esse rem illam, quæ ab Episcopo traditur illi, qui Ordinem aliquem suscipit: proximam esse huius rei traditionem: formam denique in verbis illis consistere, quæ ab Episcopo proferuntur modo imperatiuo, cum expressione potestatis quæ confertur. Ita Sotus, Victoria, Bellarm. & plures alij quos citat & sequitur Bonacina disp. 8. de Sacram.

Sacram. Ord. quæst. vnic. punct. 3. Constatque tum ex Concil. Carthag. 4. & ex Flor. in decr. Eug. vbi dicitur Sacramenti Ordinis materiam esse illud, per cuius traditionem confertur Ordo, formatum vero esse verba ab ipso Episcopo in eiusmodi traditione prolata tum ex ijs, quæ de materia & forma singulorum Ordinum in particulari dicuntur.

Dicendum 2. materiam Ordinationis Oſtiarj esse traditionem Clauum per Episcopum factam: Lectoris, traditionem Codicis, de quo ordinandi legere debent: Exorcistæ, traditionem libri exorcismorum; Acolyti, traditionem ceroferarij & vtreoli vacui. Formam vero esse verba cuique materię correspondentiã, quæ ab Episcopo, dum eiusmodi instrumenta Ordinandis tradit, proferuntur, quæ quidem habentur in Pontificali. Ita citat DD. apud Bonacinam suprâ. Et constat tum ex præfato Concil. Carthag. 4. can. 6. 7. 8. & 9. & Flor. in decr. Eug. tum ex Catech. Rom. p. 1. c. 7. vbi hæc omnia distincte explicantur.

2 Dicendum; duplicem esse materiam partialem, duplicemque formam Subdiaconatus, Diaconatus & Presbyteratus. Prior materia partialis Subdiaconatus est traditio calicis vacui cum patena vacua; cui partialis hæc forma respondet: *Videte cuiusmodi ministerium vobis traditur*: posterior eiusdem materia partialis est traditio libri Epistolarum, cui respondet altera partialis forma: *Accipe librum Epistolarum, & habes potestatem legendi in Ecclesia Dei; tam pro viuis quam pro defunctis*. Similiter prior partialis materia Diaconatus est manuum Episcopi impositio, quæ sic super ordinandum; forma ei correspondens sunt hæc verba: *Accipe Spiritum sanctum ac robur ad resistendum Diabolo & tentationibus eius in nomine Domini*: posterior partialis materia est traditio libri Euangeliorum, forma ei respondens: *Accipe potestatem legendi Euangelium in Ecclesia Dei, tam pro viuis quam pro defunctis, in nomine Domini*. Denique prior partialis materia Presbyteratus est traditio calicis cum vino, & patenæ cum pane superpositi; forma correspondens sunt hæc verba: *Accipe potestatem offerendi Sacrificium Dei Missasque celebrandi, tam pro viuis quam pro defunctis, in nomine Domini*: posterior partialis materia eiusdem est impositio manuum Episcopi super Ordinandum, partialis item forma ei respondens sunt hæc verba: *Quorum remisistis peccata, remittuntur eis, & quorum retinueritis, retenta sunt*.

3. Hæc autem doctrina circa prædictorum Ordinum materiam & formam desumpta est tum ex citato Concilio Carthagin. & Florent. tum etiam ex Pontificali & Cathéchismo Romano, vbi hæc omnia fusè declarata habentur; pro cuius confirmatione non requiritur alia probatio quam ipsius Ecclesiæ autoritas. Quamuis autem

hon

non planè constet inter Theologos, vtrum Suddiaconatus & Diaconatus materia & forma sit duplex (de Presbyteratu enim nullus est ambigendi locus) quibusdam hanc, aliis illam tanquam solam & sufficientem assignantibus, sententia tamen illorum, qui duplicem illam materiam & formam partialem in utroq; illo Ordine agnoscunt, videtur esse non solum probabilior, ob rationes, quæ apud Isambertum disp. 3. art. 2. & 3. videri possunt, sed etiam in praxi tenenda: cum in iis quæ ad Sacramentorum validitatem spectant, tutior semper pars amplectenda sit.

4 Dicendum 4. triplicem esse materiam partialem Episcopatus; triplicem item formam Partialem. Prima illius materiam partialis est impositio manuum à tribus Episcopis facta super caput illius, qui in Episcopum ordinatur: forma ei correspondens sunt hæc verba ab illis tribus simul prolata: *Accipe Spiritum Sanctum*, Secunda materia partialis est unctio capitis & manuum ipsius electi in Episcopum, facta per consecratorem Episcopum: forma ei respondens sunt verba, quæ in ipsa unctioe ab Episcopo consecratore proferuntur. Tertia denique partialis materia est traditio Baculi Pastoralis, annuli, & libri Euangeliorum: forma ei respondens sunt verba, quæ in ipsa traditione consecrator Episcopus profert.

Vasquesius quidem cum quibusdam aliis Theologis, quos citat disp. 240. cap. 5. existimat materiam Episcopalis Ordinationis in sola manuum impositione à 3. Episcopis facta, consistere, formam item in solis verbis, quæ tunc ab illis proferuntur; observatque paucos admodum Theologos scripsisse de materia & forma Episcopalis ordinationis: nihilominus probabilior est, & in praxi tenenda sententia in assertione nostra explicata, ob varias auctoritates & argumenta, quibus fusè illam propugnat Isambertus art. 4. quæ apud illum videri possunt.

5 Cæterum ad soluendas plures difficultates, quæ circa materias illas & formas singulorum Ordinum possent occurrere, observandum est id quod docet Bellarminus cap. 9. de Ord. credibile esse Christum Dominum illas omnes materias Ordinum instituisse, non quidem in particulari, sed generatim præcipiendo Apostolis, & per illos Episcopis eorū successoribus, ut Ordines conferrent per traditionem instrumentorum illorum, quibus significaretur eorum potestas, & verbis conceptis eandem illam traditionem exprimerent: quod etiā pleribus probat Isambertus art. 6. idemque art. 8. rectè monet non solum præcepti, sed etiam Sacramenti necessitate requiri, ut qui Ordinem aliquem suscipiunt, quod maximè notandum est, illius materiam ab Episcopo porrectam physicè tangant: quod variis argumentis probat, ac præsertim autoritate Clementis V. l. l. Summi Pontifici, qui speciali diplomate de creuit reordinari

dinari saltem sub conditione eos, qui tunc temporis fuerant ab Episcopo Sagiensi ordinari, eo quod nec Episcopus ille per seipsum tradidisset instrumenta ordinandis, nec Ordinandi physice instrumenta illa tetigissent.

SECTIO III.

Quis Sacramentum Ordinis conferre, quis item illud suscipere possit.

CERTVM est ex fide, ordinarium huius Sacramenti Ministrum esse solum Episcopum, vt constat ex Concil. Florent. in decret. Eug. & Trident. sess. 13. cap. 4. & etiam ex perpetua Ecclesiæ traditione manifestum est, vt ex varijs Conciliorum & SS. Patrum testimoniis probat Bellarm. cap. 11. de Ord. sed difficultas est vtrum omnis & quilibet Episcopus possit valide ordinare: item, vtrum ex commissione Sum. Pon. possit aliquis alius ab Episcopo conferre Ordines. Pro cuius resolutione,

Dicendum 1. quemlibet Episcopum etiam hæreticum aut degradatum Ordines valide conferre posse, dummodò materiam & formam legitimam cum debita intentione adhibeat. Ita S. Thomas in 4. dist. 24. quæst. 1. art. 2. S. Bonavent. ibid. art. 1. quæst. 2. Scotus, Richardus, Durandus, Paludanus, & alij communiter in eandem distinctionem. Ratio est, quia potestas ordinandi pendet fundamentaliter & essentialiter à charactere Episcopali, sicut potestas consecrandi pendet à charactere Sacerdotali, cum ipsa Ordinatio fiat per modum cuiusdam consecrationis; character autem ille æquè in Episcopis ac in Sacerdotibus est indelebilis.

Neque obstat cap. Nullum, 9. quæst. 2. in quo vacua & inania dicuntur omnia quæ gesserat Episcopus, functiones aliquas in aliena Diocesi & super alienum Clerum exercens: hæc enim, vt rectè obseruat & probat Isambertus disp. 6. art. 1. intelligenda sunt non de sacra Ordinatione, sed de alijs ad Ecclesiasticam disciplinam spectantibus: vnde etiam in Concil. Trident. sess. 24. cap. & sess. 23. cap. 8. non dicitur esse reordinandus ille, qui ab alieno Episcopo sine proprij licentia Ordines accepit; sed tantum decernitur, vt à susceptorum Ordinum executione quandiu proprio Episcopo visum fuerit, maneat suspensus.

Quamvis autem valida sit Ordinatio ab Episcopo alieno, vel etiam hæretico aut degradato facta, est tamen illicita: vt enim Episcopus non modò valide, sed etiam licitè Ordines conferat, non nisi subditis suis illos cōferre debet, aut alienis ex licetia proprij Episcopi; & insuper ab omni censura & impedimēto Canonico debet esse

esse inuicem; concedit tamen idem Concilium sess. 23. cap. 9. vt Episcopus familiarem suum, seu domesticum, licet sibi non subditum, ordinare possit, dummodo fuerit cum eo per triennium commoratus.

2 Dicendum 2. ex dispensatione Summi Pontificis simplicem Sacerdotem conferre posse quatuor minores Ordines, Subdiaconatum, & Diaconatum. De minoribus constat ex eo quod Abbates regulares possint ex concessione Summi Pontificis Tonsuram & quatuor minores Ordines regularibus sibi subditis conferre, vt habetur ex cap. *Quoniam*, dist. 69. & capite *Cum contigit*; extra de ætate & qualitatibus Ordinand. & etiam ex Concilio Tridentino sess. 13. cap. 21. de reform. De Diaconatu & Subdiaconatu similiter constat ex priuilegio per Innocentium VIII. anno Domini 1488. Abbatibus Cisterciensi concessio, vt quibuscunque Monachus sui Ordinis Subdiaconatum & Diaconatum conferre possint.

De Presbyteratu vero, cum nullum extet similis priuilegij exemplum, nec vlli simplici Sacerdoti, quamuis in eminentissima dignitate constituto Summus Pontifex vnquam concesserit facultatem ordinandi Sacerdotes, inde merito inferitur eiusmodi facultatem ita soli Episcopo competere, vt nullis alijs delegari aut committi possit.

Quod autem spectat ad Episcopum; quamuis iure communis tres Episcopi ad ordinandum seu consecrandum Episcopum requirantur, vt habetur ex Pontificali Romano, & varijs argumentis probat Isambertus disp. 6. art. 1. potest tamen Summus Pontifex dispensare, vt vnus Episcopus alium Episcopum ordinare solus possit, quod probari solet ex facto S. Gregorij Papæ, qui cum Augustino Episcopo in Angliam missio dispensauit, vt quando ibi solus esset Episcopus solus etiam posset alios Episcopos ordinare; donec plures essent, qui cum illo Episcopalem ordinationem facerent.

3 Dicendum 3. diuino iure omnem & solum masculinum baptizatum sacræ Ordinationis esse capacem. Ita S. Thomas in 4. dist. 5. q. 2. a. 1. estque de fide contra Collyridianos & Cataphrygas hæreticos, qui mulieres sacræ Ordinis initiabant, vt testatur S. Epiphanius hæres. 79. & probatur ex Apostolo 1. Timoth. 2. vbi prohibet mulierem dominari in virum: & 1. Cor. 12. iubet esse subditam, nec permitti ei in Ecclesia loqui vel docere: qui verò ad Ordines promouentur, accipiunt præminentiam & potestatem in alios; & cap. *Nouaquadam*, de pœnit. & remiss. dicitur mulierem sacræ Ordinationis esse adeo incapacem, vt ne quidem sanctissimæ Virgini Deiparæ, quæ tamen vniuersis Apostolis longè dignior & eminentior fuit, clauis Regni Cælorum traditæ fuerint.

Obijcies ex antiquis canonibus constare, mulieres quasdam olim

olim ordinatas fuisse Presbyteras, Diaconissas, & Ostiarias, &c.

Respondetur, Diaconissas & Ostiarias non fuisse vlllo Ordine insignitas, sed tantum deputatas ad quædam officia & munia exteriora, præsertim erga alia mulieres obeunda: Presbyteras vero fuisse, vel viduas longè aliis seniores ob ætatem sic dictas, vt patet ex cap. *Mulieres*, dist. vel sic vocatas fuisse mulieres coniugatas, quarum mariti ad presbyteratum seu Sacerdotium promoti fuerant, quæ tamen in perpetua continentia cælibes permanebant; sicut etiam illæ, quarum coniuges ad Episcopalem Ordinem euecti fuerant, quæ tamen similiter in perpetuo cælibatu viuebant, dicebantur Episcopæ, vt patet ex Concilio 2. Turonensi canon. 20. & Altiſiodorenſi can. 21.

4 Dicendum 4. vt quis licitè Ordines suscipiat, requiri in primis vt nulla lethali culpa sit inquinatus: *Qui enim*, vt loquitur Catechismus Romanus, *mortiferi alicuius peccati sibi conscius initiari se curaret vel pateretur, nouo se & maximo scelere obstringeret*: quare ididem monet, vt, *qui sacris initiandi sunt, prius Pœnitentia Sacramento conscientiam purgare diligenter studeant*.

Præterea requiritur, vt nullo Censuræ vinculo innodatus, nulla etiam irregularitate impeditus sit: quod infra suo loco explicabitur. Item vt legitimo tempore & idonea ætate ordinetur, habeatque alias qualitates seu dispositiones iure diuino vel Ecclesiastico præscriptas.

Atque in primis quod spectat ad tempus, prima Tonsura Clericalis quacumque die & hora conferri potest, vt habetur in Pont. Rom. Quatuor minores Ordines, quando seorsim à maioribus conferuntur, Dominicis tantum & festiuis diebus, idque manè, vt ibidem præscribitur: tres verò maiores Ordines, non nisi in Sabbatis quatuor temporum, & in Sabbato ante Dominicam Passionis, & ante Dominicam Resurrectionis, vt constat ex vniuersali Ecclesiæ praxi & habetur capite *De eo*, de temporibus Ordinatur. & cap. ult. dist. 75. Ordinatio verò Episcopi, non nisi die Dominica fieri debet, idque ex antiqua Ecclesiæ consuetudine, vt docet sanct. Leo Epist. 79. ad Dioscorum cap. 1. & habetur c. *Quotidie*, dist. 75.

5 Ad legitimum tempus Ordinationis pertinet etiam observatio interdictorum: id est, vt post aliquem Ordinem susceptum, non nisi anno elapso superior Ordo conferatur: quod non solum in maioribus locum habere testantur Nauarrus, Reginaldus, Menochius, & alij apud Bonacinam disp. & quæst. vn de ord. pun. 1. potest tamen Episcopus in illis temporum interdictis ex causa rationabili dispensare, & omnes etiam minores Ordines simul & eodem die conferre: non verò duos maiores, neque etiam ipsos minores simul cum aliquo maiori, nisi fortè ex aliqua particulari consuetudine minores Ordines

nes cum Subdiâconatu eodem die conferri soleant ; quam quidem consuetudinem damnari non debere asserunt sanctus Antoninus , Henriquez , Nauarrus & alij apud Laymannum capite 38. de ord. cum à Concilio Trident. damnata non fuerit.

6 Quod vero spectat ad ætatem , Concilium Tridentinum decrevit sess. 22. cap. 12 de reform. *Vt nullus in posterum ad Subdiâconatus Ordinem ante vigesimum secundum , ad Diaconatum ante vigesimum tertium , ad Presbyteratum ante vigesimum quintum ætatis suæ annum promouetur* : quod tamen intelligendum esse de annis inchoatis constat , tum ex Bulla Pij Secundi , quem refert Quaranta verbo , *Ordinatis* , tum ex communi Ecclesiæ praxi : ad Episcopatum vero requiruntur iuxta iuris antiqui dispositionem triginta anni completi , vt habetur c. *Cum in cunctis* , de Electione ; ad Tonsuram denique , & minores Ordines nulla in Concil. Trident. certa præscribitur ætas ; sed id Episcopi iudicio relinquitur ; dummodo tamen seruetur Constitutio Bonifacij VIII. capite *Nullus* , de temporibus ordin. in 6. vbi prohibitum est ne clericalis Tonsura infanti , id est minori septem annis , vt explicat Glossa , conferatur . Certè ex dispositionibus , illis quas ad Clericatum aut minores Ordines Concilium exigit , de quibus agitur sectione sequent. satis apertè colligitur , secundum mentem Concilij , requiri ætatem , non modò rationis , sed etiam paulo maturioris iudicij capacem .

SECTIO IV.

Quanam qualitates seu dispositiones requirantur in illis quæ ad Ordines sunt promouendi .

1 **V**T nihil certum , & ab Ecclesiâ non modò probatum , aut prioribus sæculis vñratum , sed etiam pro tempore præsentis præscriptum , proindeque ab omnibus seruandum proponamus , ipsius Concilij Trident. decreta paulo fufius attexamus , vt ex ijs attentè consideratis ac perpenfis , quiuis intelligat quæ si Ecclesiæ mens , quodve super hoc Ordinationis sacræ negotio consilium .

Atque in primis quod spectat ad primam Tonsuram , sic de illa Concilium loquitur sess. 23. cap. 4. de ref. *Prima Tonsura non initiatur , qui Sacramentum Confirmationis non susceperint , & fidei rudimenta edocti non fuerint , quique legere & scribere nesciant , & de quibus probabilis coniectura non sit , eos secularis iudicij fugiendi fraude , sed vt Deo fidelem cultum præstent , hoc vita genus elegisse* : quibus verbis quatuor dispositiones requirit in eo , qui Clericali militiæ cupit ascribi . Prima est , vt Sacramentum

Con-

Confirmationis iam receperit : quod quidem tam stricte præceptum esse docet Bonacina disp. 8. quæst. vn. ord. pun. 5. vt existimet eum peccare mortaliter, quid Tonsura Clericali ante susceptum Confirmationis Sacramentum initiatus fuerit. Secunda est, vt fidei rudimenta fuerit edoctus, id est, vt non modò Catechismus memoriter didicerit, quod pueris familiare est, sed præsertim vt ipsius doctrinæ Christianæ sensum perceperit; ita vt de præcipuis eius Mysterijs interrogatus aptè respondere possit. Tertia, vt legere ac scribere sciat. Quarta denique, vt non alicuius temporalis cōmodo aut causa, sed solummodo, *ut Deo fidelem cultum præstet, hoc vitæ genus elegerit*: quæ verba maximè perpendi debent: illis siquidem declarat Ecclesia in eo, qui Tonsurâ Clericalem suscepturus est, præquiri vt attentè consideret, quale sit illud vitæ Clericalis genus quod amplecti cupit: neque aliena inductione, aut præcipitanter, sed spontè & præmissa matura deliberatione, adhibitoque (quod maximè conducit) viri alicuius pij & prudentis consilio illud eligat, non vllò humano respectu, neque beneficij alicuius captandi gratia, aut commodius viuendi spe, sed fidelis & sinceri obsequij Deo præstandi causa vnice ad id inductus; de quibus omnibus & singulis ad primâ Tonsurâ initiandos seriò examinari debere constituit sanctus Carolus Borromæus in Concilio 4. Mediolanen. titul. de ijs, quæ pertinent ad sacras Ordinationes:

2. De minoribus autem Ordinibus Concil. Trident. sess. 23. cap. 12. de ref. *Minores Ordines ijs, qui saltem linguam Latinam intelligunt, per temporum intersticia, nisi aliud Episcopo expedire videretur, conferantur; ut eo accuratius, quantum sit huius disciplina pondus possint edoceri, ac in unoquoque munere, iuxta præscriptû Episcopi se exercent, idque in ea cui ascripti sunt, Ecclesia, nisi forte ex causa studiorum absint: atque ita de gradu in gradum ascendant, ut in eis cum aetate, vitæ meritum & doctrina maior accrescat: quod & bonorum morum exemplum, & assiduum in Ecclesiæ ministeriû, atque maior erga Presbyteros & superiores Ordines reuerentia, & crebrior quàm antea corporis Christi communio maximè comprobabunt.* Quibus verbis sex præsertim dispositiones exigit in ijs, qui ad minores Ordines promouentur. Prima est, vt saltem linguâ Latinâ intelligant. Secunda, vt accuratè edoceantur quæ sit illorû Ordinû ratio, & quæ singulorû propriæ functiones. Tertia, vt alicui Ecclesiæ ascribantur, ibique in suscepti Ordinis munere, iuxta Episcopi præscriptû se exercent, antequàm ad altiorè gradû euehantur. Quarta, vt Presbyteris, aliisque Superioribus Ecclesiasticis, & potiori adhuc ratione ipsi Episcopo, reuerentiam & obseruantiam debitam exhibeant. Quinta, vt modestia & bonorum morum exemplo cæteris præfulgeant, Sexta denique, vt ad sacram corporis

Christi communionem frequenter accedant, adeoque vitam ducant tanti Sacramenti frequenti susceptione dignam. De quibus testimonium à Parocho & Scholæ Magistro habere debent, ut ab eodem Concilio præscribitur eiusd. sess. cap. 5.

3 Iam quod spectat ad Subdiaconatum, Diaconatum, & presbyteratum, Concilium in primis declarat c. 113. ad Ordines illos assumi debere, *Dignos dumtaxat, quorum probata vita senectus sit*: subiungit deinde cap. 13. Subdiaconos & Diaconos ordinandos esse, *habentes bonum testimonium, & in minoribus Ordinibus iam probatos ac litteris, & iis, quæ ad Ordinem exercendum pertinent, instructos: qui sperant Deo auctore se continere posse: qui etiam Ecclesiis quibus adscribentur, inseruiant; sciantque maxime decere, si saltem diebus Dominicis, & solemnibus, cum Altari ministraverint, sacram Communionem percipiant.* Demum de Presbyteratu sic loquitur: c. 14. *Qui pie & fideliter in ministeriis ante actis se gestierint, & ad Presbyteratus Ordinem assumuntur, bonum habent testimonium & ii sint qui non modò in Diaconatu ad minùs annum integrum, nisi ob Ecclesiæ utilitatem ac necessitatem, aliud Episcopo videatur, ministraverint; sed etiam ad populum docendum ea quæ sciri omnibus necessarium est ad salutem, ac administranda Sacramenta, diligenti examine præcedente, idonei comprobentur, atque ita pietate ac castis moribus conspicui, ut præclarum bonorum operum exemplum & vitæ monita ab eis possint expectari.*

4 Ex qua Concilij doctrina intelligitur sex præsertim dispositiones in illis requiri, qui ad sacros illos ordines promoueri cupiunt. Prima est, ut probata fuerit & exemplaris eorum vita, idque testimonio fide digno constet. Secunda, ut in susceptis Ordinibus debite ministraverint, & in suscipiendis ministrare ac inseruire ex animo velint, præsertim in ea Ecclesia, cui vel ratione beneficii quod obtinent, vel ex Episcopi præscripto fuerint adscripti. Tertia, ut erga sacram Eucharistiam impense affecti, illius participationem, frequenter, ac saltem diebus Dominicis ac solemnibus expetuerint. Quarta, ut tales sint, qui Deo bene iuvante perpetuam & illibatam castitatem tam corporis, quam animi servare se posse sperent. Quinta, ut probe teneant ea, quæ ad susceptorum Ordinum functiones apte ac debite exercendas pertinent, v. g. cæremonias, cantum Ecclesiasticum, officij diuini recitandi ordinem; &c. Sexta denique, ut ea scientia polleant, ij præsertim qui ad Presbyteratum promouendi sunt, quæ ipsis sufficiat, tum ad Sacramenta debite administranda, tum ad populum docendum ea quæ scire omnibus necessarium est ad salutem: vnde manifestum est plebsque decipi, existimantes sufficere simplici (ut loquuntur) Sacerdoti, qui

qui neque curam animarum suscipere, neque diuinum verbum prædicare, neque audiendis Confessionibus, aut alijs Sacramentis administrandis vacare intendit; si linguam Latinam vtcunque intelligat, & ea quæ ad Missam celebrandam, officiumque diuinum recitandum spectant, didicerit; cum tamen Concilium absolute nullos ad Sacerdotium velit promoueri, nisi qui ad populum docendum ea quæ scire omnibus necessarium est ad salutem, & ad ministranda Sacramenta idonei comprobentur. Esto enim nunquā velit Sacerdos ille Sacramentum vllum ministrare, aut fidei Christianæ rudimentis neminem imbuiere (de quo quid coram supremo Iudice respondeat ipse viderit) certè variæ occasiones non infrequenter occurrere possunt, in quibus vrgente aliqua necessitate, vel puerum aut quemuis alium de præcipuis fidei Mytheriis erudire, vel Baptismum infanti de vita periclitanti ministrare, aut absolutionem Sacramentalem alicui subitanea ægritudine, aut alio repentino casu, in extremis vitæ constituto conferre tenebitur, quando nullus alius Sacerdos aduocari poterit: quid tunc ille doctrinæ fidei & disciplinæ sacramentalis inscius, acturus est? in quas angustias redactum se deprehendet? quando dubius & anceps animi, fortassis absolutionem Sacramentalē indigno & indisposito sacrilegè impertietur, vel denegabit ei quem absolvere deberet; sicque illum manifesto æternæ salutis amittendæ periculo exponet.

§ Porro de ijs omnibus diligens examen ab Episcopo præmittendum esse decreuit Concilium; ne manus citò minusque consideratè alijs imponens, ipsorum peccatis communicet. Huius quidem examinis forma exactissima à Sancto Carolo Borromæo in praxim redacta videri potest in Concilio V. Mediolanensi, vbi plurima reperientur, quæ suprà relatis Conc. Trid. decretis maiorem adhuc afferent lucem.

Supradictis dispositionibus ad sacros Ordines requisitis addenda est adhuc vna, quæ non alijs quàm ipsismet Concilij verbis melius aut efficacius exprimi potest: sicigitur Concilium sess. 22. cap. 2. de ref. *Cum non deceat eos qui diuino ministerio ascripti sunt, cum ordinis dedecore mendicare, aut sordidum aliquem quæstum exercere, compertumque sit complures plerisque in locis ad sacros Ordines nullo ferè delectu admitti, qui varijs artibus ac fallacijs consingunt se beneficium Ecclesiasticum, aut etiam facultates idoneas obtinere statuit sancta Synodus, ne quis deinceps Clericus secularis, quamuis aliàs sit idoneus moribus, scientia & ætate, ad sacros Ordines promoueat, nisi prius legitimè constet eum beneficium Ecclesiasticum, quod sibi ad victum honestè sufficiat, pacifice possidere: id vero beneficium resignare non possit, nisi facta mentione, quod ad illius beneficii titulum sit promotus; neque ea resignatio admittatur, nisi constituto*

quod aliunde commodè viuere possit, & aliter facta resignation nulla sit: Patrimonium vero vel pensionem obtinentes ordinari post hac nō possunt, nisi quos Episcopus indicauerit assumendos pro necessitate vel commoditate Ecclesiarum suarum; eo quoque prius perspecto, patrimonium illud vel pensionem verè ab eis obtineri, taliaque esse, quæ ijs ad vitam sustentandam satis sint; atque illa deinceps sine licentia Episcopi alienari, aut extingui, vel remitti nullatenus possint: donec beneficium Ecclesiasticum sufficiens sint adepti, vel aliunde habeant unde viuere possint, antiquorum Canonum pœnas super his in nouando, Ex hoc autem Concilij decreto colligi potest quàm grauius peccent illi, qui ficto interdum & ementito patrimonij titulo, se Ordinibus sacris ingerunt; aut stipulationes aliquas de retrocedendo titulo illo, aut fructibus eius nunquam exigendis, contra Concilij mentem faciunt, nec videntur Spiritui Sancto mentiri; qui haud dubiè maledictionem pro benedictione expectare debent, ac merito formidare, ne tam indigna & sacrilega tanti Sacra menti susceptio ipsis in animæ perniciem, æternamque ruinam veritatur.

SECTIO V.

Quinam sint huius Sacramenti effectus.

Dicendum 1. per dignam cuiusque Ordinis maioris vel minoris susceptionem conferri gratiam, tum sanctificantem (quod omnibus Sacramentis commune est, vt ex antè dictis constat) tum specialem & cuiusque Ordinis propriam, id est, ius quoddam ad accipienda specialia quædam auxilia proportionata functionibus & officiis vniuscuiusque illorum Ordinum proprijs, per quæ is qui Ordine aliquo initiatus est, peculiari modo inuatur, & idoneus efficitur ad officia illa debite exercenda: quæ quidem auxilia non solum tunc cum Ordo suscipitur, sed præsertim quoties susceptus Ordo exercendus est, ipsi ordinato speciali Dei prouidentia conferuntur, vt fusius explicat & probat Isambertus disp. 4. de Ord. art. 1.

Dicendum 2. per Sacramentum Ordinis imprimi characterem indelebilem, proindeque ordinationem iterari non posse: quod expressè definitum est in Conc. Trid. sess. 23. can. 4. vnde quando contingit propter quædam crimina, ordinationes interdum deponi, vel degradari, non aufertur ab eis character Ordinis, sed tantum gradus, honor & locus Ordini debitus: ita vt quoad hunc gradum, honorem, & locum, cum laicis reputentur.

Dicendum 3. per Ordinum susceptionem acquiri ius quoddam ad sacras aliquas & religiosas functiones cuiusque Ordinis proprias legitime

legitimè exercendas ; cum eo præsertim fine, unusquisque Ordo conferatur, ut patet tunc ex verbis formæ cuiusque Ordinis propriæ : cum ex alijs monitis, quæ ab Episcopo ad ipsos ordinandos diriguntur.

Quæres, quænam sint functiones illæ cuiusque Ordinis propriæ. Respondetur præcipuus hæc esse, prout ex Pontificali & Catechismo Romano habetur.

Ostiariorum functiones propriæ sunt, Templi & sacrarii claves ac ianuam custodire, & aditu templi arcere eos, quibus ingredi vetitum est : item curare ne quis dum sanctissimum Missæ sacrificium peragitur propius quàm par est, ad sacram Aram accedat, aut Sacerdotem rem diuinam facientem interpellat : campanas etiam pulsare, & librum aperire ei qui prædicat. Magnam autem olim in Ecclesia huius Ordinis, licet inter Omnes Ordines minimi, dignitatem fuisse vel ex eo colligitur, ut rectè obseruat Catechismus Romanus part. 1. cap. 7: quod nunc etiam Thesaurarii officium, qui sacrarii cultos est, proindeque ad ostiariatus Ordinem propriè pertinet, inter honestiora Ecclesiæ munera recensetur.

Lectorum officium est, in Ecclesia noui & veteris testamenti libros clara & distinctâ voce recitare, præsertim eos, qui inter nocturnam legi solent psalmodiam : item prima Christianæ religionis rudimenta fidelibus tradere, nec non panem & fructus nouos benedicere.

Ad Exorcistas pertinet, imponere manus energumenis, seu ijs, qui ab immundis spiritibus oblideantur, & ab ipsis corporibus obsessis per Exorcismi verba spiritus immundos depellere : item à Communionem indignos excludere, nec non aquam ad ministerium Baptismi requisitam Sacerdoti ministrare.

Acolytorum partes sunt, Subdiaconum & Diaconum in Altaris ministerio affectari, eisque inservire, vinum & aquam ipsis ad Eucharistiam porrigere ; luminaria Ecclesiæ accendere, eademque accensa, cum Missæ sacrificium celebrandum est, ac præsertim cum Euangelium legitur, deferre.

3 *Subdiaconorum* munus est, ut nomen ipsum declarat, Diacono ad Altare inservire, sacra item linteamina, id est corporalia & pallas Altaris abluere, panem & vinum aliaque ad sacrificij usum necessaria præparare, aquam Sacerdoti manus in Altari abluenti præbere ; Epistolam alta voce in Missa legere ; & Sacerdoti sacris operanti tanquam testem assistere, illumque custodire, ne à quoquam interturbari possit.

Ad Diaconos spectat, Sacerdoti ministranti proximè ministrare, in ipso Missæ sacrificio Euangelium publice legere ; item ex com-

missione Superiorum Baptismi Sacramentum conferre, verbumque diuinum fidelibus prædicare: est etiam illorum, vi Ordinationis suæ Episcopum sequi, quando id ab illis exigit, eum conacionantem aut celebrantem custodire; & instar oculorum eius peruestigare, num omnia in vrbē vel diœcesi rectè se habeant; &, si quæ secus deprehenderint, de his Episcopum commune facere, quod hodie ad Archidiaconos præsertim deuolutum est.

Sacerdotum denique functiones propriæ sunt sanctissimum Missæ Sacrificium offerre; Baptismum aliaque Sacramenta (si Confirmatio & Ordo excipiantur) conferre, verbum diuinum prædicare, & alia omnia ad salutem animarum cultumque diuinum spectantia, quæ Episcopo, iure diuino aut Ecclesiastico, minimè reseruantur, secundum Ecclesiasticas leges peragere.

4 Quod autem spectat ad *Episcopos*, nostræ tenuitatis non est verticem illum Ecclesiasticæ dignitatis attingere, sufficiat hic nobis debita reuerentia suspicere culmen illud, & munus ipsis etiam humeris Angelicis formidandum, illosque vt Cleri ac populi Patres & Pastores debita obseruantia prosequi: ipsorum est, si libuerit, in sacris Scripturarum, Conciliorumque codicibus, quid Spiritus sanctus ad optimum Ecclesiarum regimen ab ipsis exigit, perquirere, ac præsertim in Concil. Trid. sess. 2. in decr. de modo bene viuendi, item sess. 5. c. 1. de ref. sess. 22. in decr. de obseruandis & vitandis in celeb. Miss. sess. 23. cap. 1. 2. 3. 4. 5. &c. de reform. sess. 24. cap. 3. & 4 de ref. sess. 25. cap. 2. 3. &c.

Nec illud omittendum, quod habetur sess. 23. cap. 17. de reform. vbi Concilium varias Ordinum Ecclesiasticorum functiones pluribus in locis intermissas esse & in desuetudinem abiisse conqueritur, *Hortaturque omnes & singulos Prælatos Ecclesiarum, ac illis præcipit, vt, quantum fieri commodè poterit, in Ecclesijs Cathedralibus, Collegiatis & Parochialibus suæ Diœcesis, si populus frequens & Ecclesia prouentus id ferre queant, huiusmodi functiones cuent reseruandas, &c.*

DE MATRIMONIO. 215

CAPVT OCTAVVM.

De Sacramento Matrimonij.

SECTIO I.

Utrum Matrimonium sit Sacramentum.

Matrimonij nomine, vt docet Catechismus Rom. par. 2. cap. 8. intelligitur legitima viri & mulieris coniunctio indiuiduam vitæ societatem continens. Dicitur autem Matrimonium, vel quia fœminæ eo præsertim sine nubit, vt mater fiat, vel quia prolem concipere, parere, educare, ad matrem præsertim spectet. Vocatur etiam coniugium, eo quòd virum ac mulierem sub vno eodemque quasi mutuo iugo ad fidem seruandam & onera Matrimonij sustinenda constituat. Nuptiarum quoque nomine nuncupatur; quia, vt obseruat S. Ambrosius lib. 1. de Abraham c. 9. virgines tradendæ in matrimonium, velo se operire & quasi obnubere solebant, idque in signum tum pudoris, tum etiam subiectionis erga virum.

Est autem triplex Matrimonium, scilicet legitimum, ratum, & consummatum. Legitimum dicitur illud, quod legitimo consensu inter personas non impeditas contractum est, quale olim erat ante Christi Domini aduentum, & etiam nunc inter Ethnicos & infideles esse solet. Ratum includit in se legitimum, addit verò rationem Sacramenti per quod maiorem firmitatem & indissolubilitatem acquirit: vnde Innocentius III. in cap. *Quanto* de diuortijs: Et si, inquit, *Matrimonium verum inter infideles existat, non tamen est ratum*; quia, vt ait Glossa, potest dissolui; inter fideles autem non tantum legitimum, sed & ratum existit, ac proinde indissolubile. Denique Matrimonium dicitur consummatum, quod reali corporis vsu, & legitima copula perficitur & completum est.

2. In prima quidem mundi conditione Matrimonium à Deo institutum est tanquam officium naturæ, vt docet Catech. Rom. supra: at verò in ipsius mundi instauratione per Christum facta, Sacramenti dignitas illi adiuncta est; ita vt Matrimonium quod inter fideles legitime contrahitur, sit ex ipsius Christi Domini institutione verum ac propriè dictum nouæ legis Sacramentum. Hæc veritas quæ de fide est

Probatur contra Lutheranos & Calvinistas illam negantes 1. au-

116 DE MATRIMONIO.

thoritate Scripture; Ephes. 5. vbi Apostolus de Matrimonio loquens, *Sacramentum*, inquit, *hæc magnum est; ego autem dico in Christo & in Ecclesia*; quæ Apostoli verba explicans S. Augustinus lib. 1. de Nuptijs & Concu. cap. 21. *Hoc Sacramentum*, inquit, *in Christo & in Ecclesia magnum*; in singulis quibusque viris atque vxoribus *minimum*; sed tamen coniunctionis inseparabilis *Sacramentum*: quibus verbis docet Matrimonium esse Sacramentum; magnum quidem, quatenus Christi cum Ecclesia coniunctionem significat; minimum verò in dignitate, si conferatur cum alijs Sacramentis: vnde & ultimo loco numeratur.

Probatur 2. ex Conc. Flor. in decret. Eug. & in Trid. sess. 21. cap. 1. vbi eadem veritas definita est.

Probatur 3. ex SS. Patribus, qui Matrimonium Sacramenti nomine vocant, eique proprium Sacramenti effectum, gratiam scilicet tribuunt: vt S. Ambrosius lib. 1. de Abraham. cap. 7. vbi dicit Deum esse *Veluti Prasulem custodemque coniugis*, &c. eumque qui coniugij thorum polluit, *peccare in Deum*, eiusque gratiam soluere, ac *Sacramenti cœlestis amittere consortium*: S. Augustinus lib. de bono coniugali cap. 18. *In nostrarum*, inquit, *nuptijs plus valet sanctitatis sacramenti, quàm fecunditas uteri*: & lib. de fide & operibus cap. 7. *In Ecclesia*, inquit, *nuptiarum non solum vinculum, verùm etiam Sacramentum ita commendatur, vt non liceat viro uxorem suam alteri tradere*.

Cum igitur ex fide constet Matrimonium esse Sacramentum; & aliunde habeatur, vt suprà dictum est, Sacramenta nouæ legis constare materia & forma.

Quæritur 1. quæ sit huius Sacramenti materia & forma. Omnis varijs Theologorum super hac quæstione sententijs, probabilissima omnium videtur ea, quæ asserit materiam remotam Matrimonij esse corpora ipsorum contrahentium: proximam verò, mutuam eorundem corporum traditionem verbis seu nutibus consensum interiore exprimentibus factam: formam denique mutuam ipsorummet corporum acceptationem à contrahentibus similiter factam. Huic sententiæ, quam varijs argumentis propugnat Isambertus disp. 4. de Matrim. art. 2. apertè fauet S. Doctor in supplem. quæst. 45. art. 2. vbi docet mutuam corporum traditionem ita se habere ad Matrimonium, sicut se habet ablutio ad Baptismum. Quod si secundum illius mentem mutua traditio corporum est materia ipsius Matrimonij, sequitur quod eorundem corporum mutua acceptatio sit eiusdem Matrimonij forma; sicut in contractu donationis traditio rei censetur quasi materia contractus; acceptatio vero quasi forma; cum præsertim ab acceptatione contractus ipsius validitas & firmitas pendeat.

Quæ-

Quæritur 2. quis sit huius Sacramenti Minister. Respondetur esse ipsosmet contrahentes sibi mutuò materiam & formam applicantes. Ita Sotus & alij, quos citat & sequitur Viualdus in Candelabro aureo tit. 17. de Sacram. Matr. Bellar. lib. 2. de Matr. c. 6. & Petrus de Ledesma. tr. de Matr. c. 2. ubi hanc sententiam post Conc. Trid. communem esse Theologorū asserit: unde sequitur parochum, aut alium Sacerdotem eius nomine Matrimonio assistentem, non esse Ministrum, sed solummodo testem principalem, proindeque verba quæ profert, non pertinere ad formam huius Sacramenti, sed ex Ecclesiæ instituto adhiberi ad consensum mutuum ipsorum contrahentium comprobandum.

Quæritur 3. an Matrimonium per Procuratorem contractum sit verè Sacramentum. Respondetur affirmativè: quamvis enim aliqui Theologi id negent, probabilior tamen est sententia eorum qui affirmant: quam sententiam post Dominicum Sotum, Navarrum, & plures alios tuetur & pluribus probat Isambert. disp. 3. art. 4. & Petrus de Ledesma cap. de Matrim. Et constat ex cap. finali de procuratoribus in 6. ubi Bonifacius VIII. quasdam condiciones apponens, ut procurator idoneus sit ad Matrimonium contrahendum, ex consequenti satis apertè declarat Matrimonium per procuratorem contrahi posse.

Neque dicas fieri posse ut is, qui per procuratorem contrahit, sit in statu peccati mortalis eo tempore, quo procurator eius consensum per verba de præsentì exprimit: hoc enim non obstat quin Matrimonium illius sit verè Sacramentum; quamvis nullam ex eo gratiam ob dispositionis defectum recipiat.

Est autem hic observandum, quod docet Isambert, sup. ad hoc ut Matrimonium per Procuratorem validè contrahatur, adeoque verum sit Sacramentum, quinque præsertim requiri condiciones. Prima est, ut procurator habeat speciale mandatum ad Matrimonium nomine alterius contrahendum. Secunda, ut id exequatur per seipsum, & non per alterum à se substitutum. Tertia, ut eo tempore, quo Matrimonium per procuratorem contrahitur, is cuius nomine contrahitur potestatem procuratori datam non reuocaverit, etiamsi tam procurator quàm persona cum qua contraxit, reuocationem eiusmodi penitus ignorent. Quarta ut mandatum illud procuratoris sit ad contrahendum cum certa & determinata persona. Quinta denique, ut procurator condiciones & clausulas in mandato appositæ servet, nec illius fines excedat. Quæ quidem condiciones habentur expressæ in citato capite finali, & apud eundem Isambertum fusiùs explicantur.

5. Quæritur 4. quid de Matrimonio infidelium sentiendum sit. Respondetur Matrimonium illud, quod contrahitur inter infideles non

baptizatos, non esse Sacramentum; sicut nec illud quod contraheretur inter baptizatam, & alteram non baptizatam, vt docet Toletus lib. 7. cap. 9. & pluribus probat Isambertus art. 3. Quod ipsi infideles ad fidem conuerterentur & baptizarentur, tunc eo ipso quod post susceptum Baptismum consentirent inter se cohabitare, & signo aliquo declararent, eorum Matrimonium fieret omnino ratum & indissolubile, ac proinde Sacramentum, vt docent Ecchius, Henriquez, Bellarminus, Petrus de Ledesma, & alij apud Laymannum part. 2. cap. 3. de Matrim. Si verò altero coniugum in infidelitate remanente alter ad fidem conuerteretur & baptizaretur: quamuis olim primis Ecclesiæ temporibus indultum fuisset, vt coniux fidelis cum infideli cohabitare posset, vt constat ex 1. Cor. 7. postea tamen crescente fide & numero fidelium, Ecclesiæ visum est, ad cauenda peruersionis pericula, aliaque mala, vniuersim prohibere cohabitationem coniugis fidelis cum infideli, vt constat ex cap. *Iudai sapè*, causa 28. questione 1. Imo si alter infidelium coniugum, vt edixit Innocentius III. cap. *Quanto*, de diuortijs, ad fidem conuertatur, altero vel nullo modo, vel non sine blasphemia diuini nominis, vel vt eum pertrahat ad mortale peccatum, ei cohabitare nolente, qui relinquitur, ad secunda, si voluerit, vota transibit. Addit Laymannus supra ex Soto, Henriquez, & alijs, cum hodie cohabitatio coniugis fidelis cum infideli omnino sit prohibita, probabile esse, coniugem ex infidelitate ad fidem conuersum, & baptizatum, posse transire ad alias nuptias; quamuis alter coniux in infidelitate remanens pacificè ac sine iniuria cohabitare velit.

SECTIO II.

Quanam requirantur ad hoc vt Matrimonium valide contrahatur.

AD Matrimonij validitatem quatuor præsertim requiruntur. Primum est vt contrahentes liberum consensum præhabeant, illumque de præsentis per verba aliqua aut signa exteriora expriment. Ita expressè habetur in Catech. Rom. part. 1. cap. 8. Atque in primis requiri consensum liberum, ita vt si ex parte alicuius contrahentium liber ille consensus desit, Matrimonium nullum sit, patet ex cap. *Cum locum* & cap. *Tua fraternitati*, de sponsalibus: item ex cap. *Sufficiat*, & cap. *Si quippe* 27. q. 2.

Ex quo sequitur, Matrimonium contractum ex graui aliquo metu iniuste incusso esse inualidum, vt constat ex capite, *Veniens*, de sponsalibus & capite 2. de eo qui duxit in Matrimonium: siue tale

tale Matrimonium irritum sit ex diuino, siue iure naturali, vt existit
mant Scotus, Nauarrus, & alij apud Lessium prælectionibus Theo-
logicis de Matrim. cap. 4. dubio 8, siue saltem iure Ecclesiastico, vt
Ioannes Maior, Paludanus, Sotus, & alij apud eundem asserunt.
Debet autem esse metus grauis, seu cadens in constantem virum,
vt dicitur citato capite *Veniens*, & capite *Cum locum* supra: Qua-
lis autem metus grauis censi debet, id prudentis viri iudicio di-
gnosendum est, vt rectè monet Lessius supra: multa enim grauem
metum v. g. puellæ incutere possent, quæ à robusto & magnani-
mo viro nihili fierent. Debet etiam metus ille esse iniuste incussus
ad extorquendum consensum, vt patet ex citato capite *Cum locum*:
si enim iuste incutitur à lege vel à iudice præcipiente, v. g. vt Virginis
stuprator eam in Matrimonium ducat, Matrimonium tali metu non
redditur inualidum, vt habetur capite *Ex litteris*, de sponsalibus.

2. Dubitant Doctores de metu reuerentiali, quando v. g. puella
iubenti patre, vt cum tali viro nubat, contradicere non est ausa;
an scilicet metus ille debeat censi grauis, adeoque Matrimonium
irritum reddat. Nauarrus & quidam alij, quos citat Laymannus
part. 2. de Sacramento Matrimonij cap. 5. existimant Matrimonium
ex tali metu contractum esse irritum. Melius Herinquez, Lessius,
& alij apud eundem docent metum illum reuerentialem tunc so-
lummodo censi grauem, ac proinde validitati Matrimonij con-
trarium, quando voluntati & imperio patris, aut alterius superioris,
coniunctæ sunt minæ graues, aut aliqua fructiva: idemque dicen-
dum, si timeatur grauis & diu duratura indignatio patris.

Priusquam consensus ille debet esse de præsentì, vt docet sanctus
Thomas, Sotus, Paludanus, & plures, quos citat & sequitur Petrus
de Ledesma capite 5. de Matrimonio, & constat ex capite *Tua fra-
ternitati*, & capite *Licet*, de sponsalibus, tum ex decreto Eugenij
dicitur, quod *causa efficiens Matrimonij est mutus consensus per ver-
ba de præsentì regulariter expressus*: Ex quibus verbis habetur etiam
consensum illum per verba aut signa aliqua exteriora exprimendum
esse: cum enim Matrimonium sit Sacramentum, in signo aliquo
exteriori consistere debet. Diximus per verba aut signa aliqua ex-
teriora, quæ verborum defectum supplere possunt, vt in multis
contingit, qui licet eloqui non valeant; Matrimonium tamen per
signa & nutus validè contrahere possunt, vt habetur capite *Tua fra-
ternitati*, supra.

Secundum quod requiritur ad Matrimonij validitatem est, vt con-
sensus illius expressio fiat coram Parocho & duobus vel tribus telli-
bus: quamuis enim Matrimonia clandestinè contracta essent olim
solummodo illicita; nouo tamen iure, vt in Concilio Tridentino
sessione vigesima quarta capite de reformatione Matrimonij consti-

tutum est: *Qui aliter quàm præfente Parocho, vel alio Sacerdote de ipsius Parochi seu Ordinarij licentia, & duobus vel tribus testibus Matrimonium contrahere attentauerint, eos sancta Synodus ad sic contrahendum omninò inhabiles reddit, & huiusmodi contractus irritos facit & annullat.* Vbi parochi nomine, vt rectè obseruat Isambertus disputatione septima de Matrimonio articulo nono, intelligitur ille, qui ordinariam in contrahentes habet iurisdictionem, quales sunt Papa, Episcopus, & proprius ipsorum contrahentium Parochus, qui saltem titulum coloratum & præsumptum in foro exteriori habeat, vt constat ex capite *Infamis*, quæstione septimæ. quod si contrahentes diuersarum sint Parochiarum, non requiritur vt ambo Parochi assistant: sed sufficit ille, in cuius Parochia Matrimonium celebratur, vt ex praxi Ecclesiæ constat, & habetur in Rituali Romano, titul. de Sacramento Matrimonij.

Porro tam Parochi quàm testium præsentia, non tantum physica, sed etiam moralis requiritur; vt intelligant quid agatur & de eo testari possint, vt obseruat Laym. p. 2. de Matrim. c. 4. & Petr. de Ledesm. c. 6. de Matrim. vnde & testes à Concilio vocantur.

Quod si post Matrimonium coram Parocho & testibus contractum, deprehendatur occultum aliquod impedimentum dirimens; tunc obtenta dispensatione, satis erit vt vir & mulier de nouo consentiant in Matrimonium inter se mutuò contrahendum; & consensus illum signo aliquo exteriori sibi inuicem manifestent; nec ad id Parochi aut testium præsentia requiritur, vt docet Nauarrus c. 22. num. 70. & Petrus de Ledesma suprà cap. 6. vbi etiam refert à Pio V. Summo Pontifice ita declaratum fuisse.

Contra doctrinam superiùs traditam obijcere posset aliquis consensum clandestinum olim ad validitatem Matrimonij suffecisse, ac proinde etiam nunc sufficere; cum ea quæ ad Sacramentorum substantiam & validitatem pertinent ab Ecclesia mutari non possint.

Respondetur ad substantiam & validitatem Sacramenti Matrimonij requiri contractum validum, seu mutuum contrahentium consensum validè expressum; quamuis autem Ecclesia efficere non possit, vt validus contractus non sit ad rationem huius Sacramenti sufficiens; potest tamen ad hoc, vt contractus validus existat, certas condiciones apponere, quæ si desint, censetur invalidus, nec proinde ad Sacramenti huius substantiam seu validitatem erit sufficiens.

Tertium, quod ad Matrimonij validitatem requiritur; est ætas pubertatis in vtroque contrahentium; in mare quidem quatuordecim annorum completorum; in femina autem duodecim annorum item completorum. Ita habetur ex capite *Continebatur*. cap. *Attestatione*; & cap. vltim. de dispensatione impuberum: vbi pueri & puellæ ante dictam ætatem ad Matrimonium contrahendum declarantur

inhabiles, nisi malitia suppleat ætatem; & ob iustam aliquam causam cum illis dispensetur, iuxta cap. *Vbi*, eodem titulo.

Quartum denique ad validitatem Matrimonij requisitum est, ut nullum in contrahentibus subsit impedimentum canonicum, quod Matrimonium contrahendum impediatur, contractumque dirimat; de his autem impedimentis agatur infra suo loco.

SECTIO III.

Quinam requirantur ut Matrimonium non modo valide, sed etiam licitè contrahatur.

AD debitam & licitam Matrimonij celebrationem quatuor præsertim necessaria sunt. Primum est, ut ipsi contrahentes nullius peccati mortalis sibi conscij sint: cum enim Matrimonium sit Sacramentum viutorum, ab ijs, qui per peccatum mortui sunt, nec utiliter nec licitè suscipi potest: Vnde Conc. Trid. sess. 24. in decreto de reform. Matrimonij, monet coniuges, ut antequam contrahant, *sua peccata diligenter confiteantur*. Addit Catechismus Rom. p. 2. c. 8. eos, qui Matrimonium contrahunt, *non humanam aliquam rem aggredi, sed diuinam, in eaque proinde singularem mentis integritatem & pietatem adhibendam esse*. Requirit præterea Romanum Rituale in ipsis contrahentibus talem præcipuorum fidei mysteriorum notitiã, ut de illis filios suos erudire possint. Quibus omnibus adiungi merito potest voluntatis relictitudo, ac intentionis puritas; ut scilicet Matrimonium, non intuitu diuitiarum, voluptatis, aut alterius similis rei, sed ob finem aliquem Deo gratum & honorificum contrahatur: si enim alijs actionibus humanis, ut rectè fiant, istud requiritur: multò magis in actione sacra & religiosa, qualis est ipsius Matrimonij contractus, Sacramenti dignitate illi annexa veluti cõsecratus:

Secundum est, *ut antequam Matrimonium contrahatur à proprio contrahentiũ Parocho tribus continuis diebus festis in Ecclesia inter Missarum solemnias publice denunciatur, inter quos Matrimonium sit contrahendum*. Ita enim præscribitur in citato decreto Conc. Trid. quod & antea in Conc. Lateran. sub Innoc. III. constitutum fuerat, ut refertur capite ult. de clandestinis desponsationibus. Hæ autem denuntiationes ab utriusque contrahentium Parochis fieri debent, si fortè ad diuersas Parochias pertinent, ut impedimenta, si quæ subsint, ex utraque possint detegi, ut docent Henriquez, Sanchez, & alij apud Laymannum par. 2. de Matrim. c. 4. à quibus denuntiationibus, aut ab aliquibus illarum potest ex iusta causa dispensare Episcopus, quod quidem illius prudentiæ & iudicio relinquitur, ut in præfato decreto declaratum est.

Cætèrùm, quantum temporis requiratur ad hoc, ut quis cõsecratur

elle

222 DE MATRIMONIO.

esse alicuius Parochiæ: quid idem facto opus sit, cum quis à paucis diebus aut hebdomadibus Parochiam aliquam incolere cœpit, aut quando factis denunciationibus notabile aliquod tempus elapsum est, antequam Matrimonium contraheretur, consulere quisque debet particularem consuetudinem, aut Rituale proprium cuiusque Diœcesis, sicut & in aliis finibus difficultatibus, quarum resolutio à constitutionibus aut moribus locis petenda est, illisque deficientibus iudicium Episcopi exquirendum.

3 Tertium est, ut tempore apto & convenienti celebretur Matrimonium, serueturque interdictum Ecclesiæ prohibentis celebrationem nuptiarum à prima Dominica Adventus usque in diem Epiphaniæ, & à Feria quarta Cinerum usque ad Octavam Paschatis inclusivæ ut habetur in Concil. Trident. sess. 24. cap. 10. de ref.

Quartum denique est, ut Matrimonium à filiis familias cum consensu parentum contrahatur; quamvis enim Matrimonium inuitis Parentibus contractum, si aliæ conditiones necessariæ obseruentur validum sit, ut definitum est in Concil. Trident. in decreto de reform. Matrim. cap. 1. certum est tamen graviter peccare filios familias, si inuitis rationabiliter parentibus, vel eorum consensu non requisito, contrahant Matrimonium, ut ex communi Theologorum consensu probat Petrus de Ledesma cap. 8. de Matrim. & Gãmachæus cap. 11. de eod. ubi recte observat, quod si pater aut mater inducere vellent ad nuptias illicitas, vel contra rectam rationem v.g. si iuberent filium ducere uxorem hæreticam, aut infamem, vel malis moribus præditam, vel quam ipse filius nullo modo tanquam coniugem amare posset, & è contrario si parentes nolint permittere filiis ut contrahant, sed domi suæ retinere perpetuò velint, ut servos in his & similibus casibus, in quibus parentes honestam & Christianam libertatem in Matrimonio contrahendo impedire vellent, filij obedire non tenerentur. Quæ autem de parentibus, eadem similiter intelligi debent de tutoribus, & aliis, quorum potestati filii familias subiacent.

SECTIO IV.

Quidam sint Matrimonij effectus.

1 **P**RÆTER gratiam sanctificantem quæ per hoc Sacramentum confertur, quod illi cum aliis Sacramentis commune est; & gratiam Sacramentalem, quæ illius propria est & peculiaris, consistitque in quibusdam specialibus gratiæ actualis auxiliis, quæ huius Sacramenti intuitu coniugibus opportuno tempore conferuntur, ad ipsius Matrimonij officia debitè ac rectè obeunda, ut fufius

sius explicat Petrus de Ledesma cap. 1. de Matrim. tres sunt præterea huius Sacramenti effectus, quos alio nomine bona Matrimonij vocare Theologi solent, scilicet Sacramenti indissolubilitas, prolis legitima susceptio ac pia educatio, & thori coniugalis fides. De singulis breuiter hic aliquid adnotandum est.

Atque in primis certum est, Matrimonium inter Christianos legitime contractum, & ab ipsis consummatum, esse omnino indissolubile quoad vinculum. Id enim constat tum ex Scriptura S. Marc. & S. Luc. 16. vbi Christus Dominus hanc de Matrimonio Christianorum legem tulit: *Quicumque dimiserit uxorem suam & alteram duxerit, adulterium committit*: tum ex Concilio Trident. sess. 24. cap. 5. & 7. de reform. Matrim. vbi anathema profertur in eos qui dixerint propter adulterium, hæresim, aut aliam quamlibet causam, Christianorum Matrimonia dissolui posse.

Dicit aliquis S. Matth. 19. Christum Dominum dixisse uxorem dimitti posse ob fornicationem.

2. Respondetur cum sancto Augustino lib. de adult. coniug. cap. 11. posse dimitti quoad thorum & cohabitationem, non verò separari quoad ipsius Matrimonij vinculum.

Certum est quoque Matrimonium, ratum quidem, sed non adhuc consummatum, quamuis sit verum Sacramentum, solui tamen posse etiam quoad vinculum, si alter coniugum emittat solemne votum religionis vt definitum in Concilio Tridentino sess. 24. & can. 6. & ea de causa cap. *Ex publico*; de conuersione coniugatorum, secundum communem Doctorum interpretationem, iniungitur iudici, vt coniugi de religionis ingressu ante Matrimonij consummationem deliberanti bimestre spatium definiat, intra quod vel propositum religionis exequatur, vel coniugi debitum reddat.

Quod spectat ad bonum prolis, certum est Matrimonium à Deo institutum esse ad generis humani conseruationem & multiplicationem; imo ad ipsius Ecclesie propagationem, & ad compendium numerum Electorum; proindeque grauiter peccare coniuges, qui in ipsius matrimonij usu aliquid faciunt, quo generatio prolis impediatur: si tamen ex amore virtutis, & ad liberius perfectiusque Deo inseruiendum pari consensu continentiam seruare vellent, haud dubie excellentiorē adhuc viā sequerentur: quod fusè docet S. August. Epist. 45. quæ est ad Armentariū & Paulinā coniuges, quos ad seruandā continentiam, quā pari consensu vouerant, efficaciter hortatur: & lib. 2. de consensu Euang. capite 1. idipsū probat ex castissimo coniugio, quod inter sanctissimam Virginem Deiparam & S. Ioseph. dignissimū eius sponsum intercessit, sine vllō virginitatis detrimento, cuius flos in vtroque illibatus permansit; quorum proinde exemplo dicit: *Magnificè insinuari fidelibus coniugatis, etiam seruata pari consensu continen-*

continentia, posse permanere, vocarique coniugium non permixto corporis sexu, sed custodito mentis affectu.

3 Quod denique ad thori coniugalē fidem pertinent, tria præsertim ab ipsis coniugibus exiguntur. Primum est, ut coniuge viuente, alter coniux cum alia persona non contrahat, nec vlllo modo permisceatur; imò nec vllum illegitimum affectum deliberatè admittat: & quantumuis alter coniugum diutissimè absit, nec sciri queat, vtrum adhuc viuat, an verò vita migraverit; numquam licet ad alias transire nuptias, donec de illius morte certò constet; ut habetur. cap. Dominus de secundis nuptijs.

Secundum est, ut ambo coniuges mutuò cohabitent, & mutua sibi obsequia in administranda re familiari & filiorum educatione præstent; ad quod quidem reciprocè obligantur, & etiam cogi possunt tum ab Ecclesiastico iudice, tum à sæculari, iuxta cap. Litteras, de restitut. spoliatorum. Cum autem vir sit caput vxoris & familiæ, ut dicitur Ephes. 5. tenetur vxor ad obediendum viro in his, quæ ad familiæ administrationem pertinent; & vicissim obligatur vir ad alimenta & alia vitæ subsidia vxori ac reliquæ familiæ præbenda: cumque ad virum pertineat pro arbitratu suo domicilium eligere ac mutare, vxor eum sequi tenetur, ut habetur ex cap. Vnaquaque 13. quæstione 2. & ex communi Theologorum consensu docet Nauarrus cap. 14. n. 20. vbi tamen rectè monet vxorem non teneri cum graui corporis aut animi incommodo sequi virum, v.g. si ad bellum proficiscatur, &c. cui subscribunt Sotus, Sanchez, & alij apud Laym. par. 3. de Matrim. cap. 3.

4 Sunt etiam aliqui casus in quibus possunt coniuges licitè ab inuicem quoad thorum & cohabitationem separari, remanente tamen semper vinculi coniugalē in dissolubilitate, ut quando vterque coniux pari consensu religionem ingredietur. Item diuersa ratione, si alter coniugum adulterium committat, coniux innocens potest ab eo quoad thorum & cohabitationem separari; quoad thorum quidem, propria autoritate, quoad cohabitationem verò, non nisi autoritate iudicis, ut docent S. Th. S. Bonauentura, & alij quos citat Sanchez lib. 10. disp. 11. disp. 12. si tamen coniux innocens alteri offensam remittat, ipsumque ad thori societatem recipiat, non poterit amplius ab eo separari, ut ex communi Theologorum consensu docet idem Sanchez: Præterea si coniux coniugi sine graui periculo corporis vel animi cohabitare non possit, v.g. ob nimiam sèntiam, ob perditos profligatosque mores, & alias similes causas quæ iudicis arbitrio relinquuntur, sine cuius autoritate hæc separatio fieri non debet, ut fusè docet idem Sanchez eod. lib. disp. 17. & 18.

5 Tertium denique est, ut vir & vxor sibi mutuo debitum coniugale reddant: nam, ut loquitur Apostolus 1. Cor. Mulier sui corpo-

vis potestatem non habet, sed vir : similiter autem vir sui corporis potestatem non habet sed mulier: Vnde idem præcipit, ut uxori vir debitum reddat, similiter & uxor viro idque siue debitum illud coniugale expressè petatur, siue tacitè, ut docet S. Th. in 4. dist. 32. q. vnic. art. 2. q. 1. Hæc autem obligatio mutua reddendi coniugale debitum, est sub peccato mortali si alter coniugum serio, instanter; & rationabiliter illud petat, ut ex communi Theologorum consensu docet & fusè probat Sanchez lib. 9. disp. 2.

Sunt tamen aliqui casus, in quibus coniux ab obligatione reddendi debiti eximicensetur: ut quando vnus coniugum adulterium cōmisit; tunc enim coniux innocens debitum ipsi negare potest: item si ex redditione debiti timeatur gr. uissimum aliquod corporis incommodum; aut si vxor prægnans sit, & proli conceptæ timeatur probabile mortis periculum: quæ omnia fusius explicata apud eundem Sanchez toto libro nono citato videri possunt.

SECTIO V.

Quanam sint Matrimonij impedimenta.

SUPPONIMVS Ecclesiam pro data sibi à Christo Domino in omnes fideles autoritate, potuisse ex causis rationabilibus certa quædam impedimenta Matrimonij constituere, ut expressè definitum est in Concil. Trident. sess. 24. can. 4. & constat ex antiqua Traditione ipsius Ecclesiæ, olim siquidem, telle S. Augustino, lib. 15. de ciuit. cap. 16. legibus Ecclesiasticis prohibita erant Matrimonia inter consobrinos, & temporibus S. Gregorij Papæ eodem iure Matrimonia irrita erant vsque ad septimum gradum inclusiue, ut habetur ex cap. Nulli, & cap. de Consanguinitate, 35. qu. 2. & 3. cum tamen hodie nec affinitas, nec consanguinitas matrimoniū impediatur, nisi vsque ad quartum gradum, ut infra explicabitur.

Hæc autem impedimenta duplicis sunt generis: quædā enim Matrimonium solummodo contrahendum impediunt, alia etiam contractum dirimunt.

Impedimenta prioris generis quinque cōmuniter à Theologis numerantur, ut videre est apud Bonacinam quæst. 3. pun. 24. de imped. matr. Primum est Ecclesiæ interdictum seu prohibitio, ut habetur ex capite *Non uxorem*. 33. quæst. 1. & capite *Capellanus*, de ferijs. Secundum est contractus sponsaliorum initus cum persona aliqua, ut ex infra dicendis plenius intelligetur. Tertium est votum simplex castitatis, aut religiosi status amplectendi, vel suscipiendi sacros Ordines, vel non nubendi, ut constat ex capite *Si quis votum*, 27. quæst. 1. & cap. vnico, de voto in sexto, & qui cum huiusmodi voto matrimonium contrahit; dispensatione illius minimè obtin-

ta, peccat mortaliter: & quamvis reddere possit coniugale debitum, illud tamen licitè petere non potest, ut ex communi Theologorum consensu docet Bonacina supra. Quartum est cognatio spiritualis quæ contrahitur per Catechismum quæ tamen per Concilium Tridentinū sublata est, ut docent Henriquez, Reginaldus, Sanchez, & alij apud eundem Bonacinam. Quintum denique est crimen, ut vxoricidium, Presbytericidium, incestus, & quædam alia quæ ab eodem Bonacina enumerantur, ob quæ olim quasi Pœnitentiæ loco Matrimonio interdictum erat: verū Sotus, Corduba, Henriquez, Nauarraus, & plures alij, quos citat Laymannus part. 4. de Matr. cap. 5. existimant hæc criminum impedimenta fuisse per diuturnam consuetudinem penitus sublata, adeò ut Nauarrus dicat se non meminisse tota ætate sua super eiusmodi impedimento petitam fuisse dispensationem.

3 Impedimenta dirimentia duodecim communiter à Theologis numerantur, quæ memoriæ iuuandæ causa his tribus versibus comprehensa sunt:

*Error, conditio, votum, cognatio, crimen,
Cultus disparitas, vis, ordo, ligamen, honestas,
Si sis affinis, si consummare nequibis.*

Primum impedimentum est, *Error*, qui dupliciter contingere potest; vel circa substantiam personæ, ut si quis ducat Annam existimans esse Catharinam; vel circa ipsius personæ qualitatem ut si quis ducat Annam credens esse nobilem, diuitem &c. quam postea comperit esse ignobilem, pauperem, &c. Et priori quidem modo reddit Matrimonium inualidum, non item posteriori, ut ex communi Theologorum consensu docet Bonacina supra pun. 1.

Secundum est, *Conditio*, quando quis contrahit cum persona aliqua seruilis conditionis, existimans esse liberam: tale enim Matrimonium Ecclesiastico iure irritum est, ut habetur ex cap. 2. & ult. de coniugijs seruorum. Verū huiusmodi impedimentū hodie inter Christianos rarissimè contingit, nisi fortè respectu eorum qui sententia Iudicis per totum vitæ tempus ad remos damnati sunt, aut carceri perpetuo mancipati: tales enim, cum sint serui pœnæ, ut iura loquuntur, seruilis conditionis leges subire debent.

Tertium est, *Votum*, solemne scilicet, quod emittitur in professione status religiosi: tale liquidem votum non modò impedit Matrimonium contrahendum, quod etiam facit votum simplex castitatis; sed etiam contractum dirimit, ut habetur ex Clement. unic. de consanguinitate, & ex Conc. Trident. sess. 14. can. 9.

4 Quartum est, *Cognatio*, quæ triplex à Theologis distinguitur, naturalis scilicet, spiritualis, & legalis. Cognatio naturalis, quæ etiam consanguinitas vocatur, est vinculum personarum, quæ ab eodem

dem proximo stipite per carnalem propagationem descendunt. Solent autem Theologi in consanguinitate considerare lineas & gradus. Nomine lineæ intelligunt seriem seu ordinem personarum consanguinitatem inter se habentium; siue linea illa sit recta, qualis reperitur inter ascendentes & descendentes, siue sit transuersa seu collateralis, qualis est inter personas, quæ quamuis ab eodem stipite procedant, à se tamen inuicem non descendunt. Nomine verò gradus exprimunt distantiam maiorem vel minorem vnius personæ ab altera secundum lineam consanguinitatis. Porro ad distantiam illam dignoscendam, & computandos ipsius consanguinitatis gradus, tres regulæ à S. Doctore in 4. dist. 40. quæst. 1. art. 2. & alijs communiter Theologis assignantur.

1. Prima regula hæc est: *In linea recta ascendentiæ & descendentiæ tot numerantur gradus, quot persona, una dempta*: vnde pater & filius in primo consanguinitatis gradu coniuncti esse dicuntur, auus & nepos, in secundo, & sic de alijs.

Secunda regula: *In linea collateralis, quot gradibus persona distat à communi stipite, totidem etiam inter se distat*: quare cum frater & soror vno tantum gradu distent à Patre, censentur etiam vno tantum gradu inter se distare, patruelles verò duobus gradibus. & sic de alijs.

Tertia regula: *Si consanguinei à communi stipite, inaequaliter distent, tunc quot gradibus is qui magis remotus est, distat à communi stipite, tot etiam gradibus inter se distat*: iuxta quam regulam, patruus censetur esse in secundo gradu consanguinitatis cum liberis fratris sui, quia liberi illi duobus gradibus à communi stipite distant. Quamuis autem iure antiquo impedimentum cognationis naturalis extenderetur vsque ad septimum gradum, vt supra dictum est, hodie tamen non nisi ad quartum gradum inclusiue extenditur, vt habetur ex capite *Non debet*, de consanguinitate & affinitate.

Cognatio spiritualis est propinquitas secundum iuris Ecclesiastici dispositionem, orta ex administratione, vel susceptione Baptismi, inter susceptores & Baptizatum illiusque patrem ac matrem, nec non inter baptizantem, & baptizatum, eiusque patrem ac matrem, vt in Concilio Tridentino sess. 24. c. 2. de reformat. constitutum est: quod etiam similiter intelligendum est de Confirmatione, vt ibidem declaratur: ex quo sequitur (quod hic obiter aduertendum est) nullam inter ipsos susceptores contrahi cognationem, proindeque patrinum posse valide ac licite ducere illam in matrimonium, cum qua simul alienum filium à sacro fonte suscepit, vt constat ex Bulla Pij Quinti quæ incipit, *Cum illius vicem*. Obseruat etiam Bonacina q. 3. de imped. matr. pu. 5. ex Suarez, Sanchez, & alijs illum qui suscipit puerum, quando priuatim & sine solemnitate baptiza-

tur, nullam cognationem contrahere, licet is qui Baptismum eiusmodi confert, contrahat cognationem spiritualement cum baptizato & patre ac matre illius. Excipitur casus ille, in quo maritus coniugis suæ prolem in necessitate baptizat: tunc enim nullam cum ea contrahit cognationem, ut habetur c. *Ad limina* 20. quæst. 1.

Cognatio denique legalis est propinquitat personarum ex adoptione proveniens, adoptio verò est extraneæ personæ in filium aut filiam legitima assumptio. Et hæc cognatio legalis contrahitur primò inter ipsum adoptantem & adoptatum, adoptatique descendentes usque ad quartum gradum: secundò inter uxorem adoptantis & adoptatum: tertio inter filios adoptantis & adoptatum, constat ex capite *Per adoptionem* 3. quæst. 3. & capite vnic. de cognat. leg. Hæc autem cognatio non provenit nisi ex ea adoptione quæ fit secundum leges, quæ proinde super hac re consuli debent.

Quintum est, *Crimen*, quod quidem est duplex, ut habetur ex cap. *Si quis vivente* 31. quæst. 1. capite *significavit*, capite *super hoc*, de eo qui duxit. Primum est, homicidium coniugis, quando scilicet maritus uxorem per se vel per alium ferro vel veneno occidit; eo fine ut cum alia muliere cædis illius conscia & in illam consentiente, matrimonium contrahere possit: quod etiam similiter de uxore intelligi debet. Aliud crimen est adulterium, quando alter coniux committit adulterium, & pollicetur ei cum quo adulteratur, se contracturum cum eo post obitum coniugis, & hæc promissio ab eo acceptatur: vel quando post matrimonium de presenti contractum cum uno, cum altero etiam per verba de presenti contrahitur, & ab utroque criminis illius conscio adulterium committitur: vel etiam quando alter coniux adulterium cum alio commisit, & postea interficit conjugem, ut cum adultero, quamvis illius cædis minime conscio, contrahere possit.

Sextum est *Cultus disparitas*: quando baptizatus contrahit matrimonium cum femina nondum baptizata, aut mulier baptizata cum viro non baptizato. Hoc impedimentum colligitur tum ex Concilio Toletano 3. capite 14. tum ex ipsius Ecclesiæ usu communis qui sufficiens est ad impedimentum inducendum, quamvis non sit in iure expressum, ut observat Bonacina supra. pun. 7.

7 Quod autem spectat ad matrimonium Catholicæ personæ cum hæreticæ; quamvis validum sit, est tamen illicitum, ut pluribus probat Laymannus capite 14. de impedimentis matrimonij, ubi etiam monet experientia compertum esse, ex eiusmodi matrimonio tot & tanta sequi spiritualia incommoda, tum ipsi coniugi Catholico, tum liberis ac Christianæ Reipublicæ, ut plerumque charitatis legi omnino aduersetur: in quo casu (idem Author dicit) ne quidem Summus Pontifex id dispensatiue permittere potest, nisi probabilis aliqua

aliqua spes sublit ex eiusmodi matrimonio longe maiores fructus spirituales obuenturos esse, quorum intuitu incommoda illa tanquam minora ut cunque tolerari possint.

Septimum est *Vis*, seu metus grauis iniuste incussus: quando quis viat metu eiusmodi adigitur ad contrahendum Matrimonium, quod nullo modo contraxisset, nisi ad id eo modo compulsus fuisset, de quo dictum est supra sect. 2.

Octauum est *Ordo*, quando quis scilicet initiatus est sacris Ordinibus, vel aliquo illorum: tales enim Ordines ob votum solenne castitatis, quod annexum habent, Matrimonium contrahendum impediunt, & dirimunt contractum, ut habetur ex cap. vnica. de voto in 6. & ex Concil. Trident. sess. 24. can. 9.

Nonum est *Ligamen*, id est obligatio seu vinculum alterius Matrimonij rati cum coniuge ad huc viuentem; quamuis enim hoc vinculum durat, Matrimonium cum quouis alio contrahendum impedit ac dirimit, idque non modò iure Ecclesiastico: ut patet ex cap. 1. & vltim. de sponsa duorum; sed etiam iure diuino, ut expressè definitum habetur in Concil. Trident. sess. 24. can. 2. & satis constat ex prohibitione Christi Domini S. Matthæi cap. 19.

8 Decimum est *Honestas*, publica scilicet, ratione cuius oritur impedimentum, tum ex sponsalibus validè contractis, tum ex Matrimonio rato & nondum consummato, ut habetur ex cap. *Sponsa*, & cap. *Iuuenis*, & cap. *Ad audientiam* de sponsalibus. Quamuis autem iure antiquo impedimentum istud protenderetur vsq; ad quartum gradum, iure tamen nouo in Concil. Trident. sess. 24. c. 3. de refor. Matr. constitutum est, ut impedimentum publicæ honestatis ex sponsalibus ortum non nisi ad primum gradum extendatur: illud autem, quod ex Matrimonio rato provenit, secundum iuris antiqui dispositionem relictum est; proindèque ad quartum gradum extenditur, ut constat ex decreto Pij V. quod incipit, *Ad Romanum*.

Vndecimum est *Affinitas*, quæ est attinentia seu propinquitas quarundam personarum ex copula carnali proveniens, ratione cuius fit ut mulier coniugata per consummationem Matrimonij, affinis fiat consanguineis mariti, & vicissim maritus consanguineis vxoris.

Hæc autem affinitas, si oriatur ex copula licita v sive ad quartum gradum extenditur, ut constat ex cap. *Non debet*, de consanguinitate & affinitate; si ex copula illicita, secundum gradum non excedit, ut in Concilio Tridentino constitutum est sess. 14. c. 4. de refor. Matr.

Docent autem Theologi affinitatem non parere affinitatem, proindèque duos fratres, v. g. validè ac licitè posse duas sorores in Matrimonium ducere, filiumque similiter posse Matrimonium cum

illa contrahere, cuius matrem pater sibi coniugio copulauit: quod patet ex cap. *Super his*, de consanguinitate & affinitate. Quod si affinitas Matrimonio iam contracto superueniat, vt si maritus adulterium committat cum vxoris consanguinea in primo vel secundo gradu; tunc illius ratione maritus coniugale debitum ab vxore petere licitè non potest; quamuis eidem reddere teneatur, vt ex communi Doctorum consensu docet Bonacina sup. punct. 12.

Duodecimum est *Impotentia*, id est inhabilitas perpetua ad consummandum Matrimonium, siue illa se teneat ex parte viri, siue ex parte mulieris, dummodò fuerit eo tempore quo Matrimonium contractum est; non verò postea subsecuta sit. Et hoc impedimentum dirimit Matrimonium non modò iure Ecclesiastico, vt patet ex cap. *Quod sedem*, de frigidis & maleficiatis; sed etiam ipso iure naturæ, vt ex communi Theologorum doctrina probat Bonacina, sup. punct. 13. Quod si, vt ibidem Author subd. t, dubitetur num impotentia sit perpetua, permittuntur coniuges simul habitare per triennium vt Matrimonium consumment: quo tempore, si nequeant consummare, non amplius permittuntur cohabitare ad consummandum Matrimonium; quia iudicatur adesse impotentia perpetua, & consequenter inualidum esse Matrimonium, ideoque separationem esse faciendam propter periculum incontinentiæ: secluso tamen illo periculo iura permittunt vt vir habeat tantum pro sorore quam non potest habere vxorem, vt constat ex capite *Laudabilem*, & cap. *Requisiisti* 33. quæst. 1.

Concilium Tridentinum sess. 54. cap. 6. de reformat. Matrim. adiunxit decimum tertium impedimentum, scilicet *Raptum*, decreuitque *Interraptorem & raptam, quandiu ipsa est in potestate raptoris, nullum posse consistere Matrimonium*: Quod quidem decretum, etiam locum habere existimant Henriquez, Rebellus, Zerola, Petrus de Ledesma, & alij apud Augustinum Barbosam in remissionibus ad citatam sess. 24. c. 6. quando puella consensit quidem in raptum, sed inuitis parentibus; quamuis id negent Reginaldus, Sanchez, Lessius, & alij apud eundem.

Quæres quis in supradictis impedimentis dispensare possit. Respondetur primò Romanum Pontificem pro summa quam obtinet in Ecclesia potestate, dispensare posse in omnibus impedimentis, quæ iure Ecclesiastico Matrimonium impediunt aut dirimunt, vt ex communi Theologorum omnium consensu docet Bonacina supra punct. 15. Respondetur secundo, Episcopum dispensare posse in impedimentis non dirimentibus, excepto voto castitatis perpetuæ & religionis: imò etiam aliquando in impedimentis dirimentibus; quæ post contractum bona fide Matrimonium deprehenduntur, quando scilicet impedimentum est occultum, & Matrimonium

DE MATRIMONIO. 231

manifestum ; ipsique coniuges non possunt absque magno scandalo separari , nec ad Summum Pontificem patet recursus propter paupertatem , aut alias maximas difficultates. Ita Petrus de Ledesma , Perez , Sanchez , Valentia , Riccius , & alij apud eundem Bonacinam qui etiam censent , non modò post contractum matrimonium , sed & antequam contrahatur , Episcopum posse ob vrgentissimam aliquam necessitatem , ex præsumpta Summi Pontificis tacita facultate , in iisdem impedimentis dirimentibus interdum dispensare .

S E C T I O V I.

De Sponsalibus.

1 **S**ponsalia , quæ à spondendo seu spontè promittendo dicta sunt , significant spontaneam promissionem mutuam inter virum & fœminam de Matrimonio in futurum contrahendo: sponsaliorum enim obligatio non contrahitur per solum desiderium aut propositum contrahendi Matrimonij , nisi intercedat promissio , eaque mutua & reciproca , vt docet & probat Sanchez lib. 1. de spons. disp. 5. nec ad illius validitatem requiritur præsentia Parochi aut testium , vt obseruat idem Sanchez ; quamuis seruari debeat laudabilis illa consuetudo quæ in vniuersa propemodum Ecclesia vim legis obtinuit , vt antequam Matrimonium per verba de præsentì contrahatur , sponsalia in facie Ecclesiæ seu coram Parocho , & testibus celebrentur: super qua re consuli debent cuiusque Diœcesis consuetudines & leges particulares .

Ad validitatem autem sponsaliorum requiritur in primis vt contrahentes saltem ætatis annum septimum expleuerint : ante quam ætatem , ad sponsalia contrahenda censentur inhabiles , vt constat ex capite *Litteras* & cap. *Accessit* , de desponsatione impuberum . Requiritur præterea vt vsum rationis habeant , & cum ea deliberatione operentur , quæ ad plenum & perfectum consensum necessaria est , vt docet Toletus lib. 7. cap. 20. Requiritur denique vt verè & ex animo promittant , atque se obligare intendant: qui enim fictè tantùm promitteret , grauiter quidem peccaret , & ad compensanda damna ex promissionis illius fictione prouenientia teneretur , nulla tamen in foro conscientiæ contraheret sponsalia , vt fuse docet & probat Sanchez suprâ dis. 9. & seq. .

2 Quæres primò , quænam sit obligatio sponsaliorum . Respondetur ex veris sponsalibus , id est ex promissione illa mutua inter virum & mulierem , siue priuatim , siue in facie Ecclesiæ facta , oriri obligationem sub peccato mortali ad illam ex parte vtriusque adim-

plendam . Ita Sanctus Thomas, Paludanus, Sotus, Henriquez , & alij quibus subscribit Sanchez disp.27.vnde si alter sponſorum promiſſis ſtare non velit , per Iudicem Eccleſiaſticum etiam adhibitis cenſuris ad illorum executionem compelli poteſt, vt habetur capite *Ex litteris* de ſponſalibus , niſi fortè attentis circumſtantijs , & pròpter diſſenſiones perpetuas,aliaque graua mala & ſcandala, quæ ex inuitis & coactis nuptijs merito timeri poſſunt,aliter faciendum eſſe iudex prudenter arbitretur : vnde etiam capite *Requiſiuit* , de ſponſalibus & Matrimonio dicitur in tali caſu monitione potiùs quam coactione opus eſſe .

3 Quæres ſecundò, quibus modis ſponſalia diſſoluantur . Reſpondetur id varijs & multis modis fieri poſſe : præcipuos hîc & magis ordinarios ſubiicimus .

Soluuntur igitur ſponſalia primò per mutuũ conſenſum ; & mutuam ipſorum remiſſionem liberè factam, vt ex comuni Theologorum conſenſu docet Bonacina quæſt.1.de ſponſ.pun.10. Secundò , per ingreſſum religionis alterutrius ſponſorum , etiam ſi profeſſionem non emittat , vt habetur cap.*Ex publico* de conuerſione coniugatorum , & docet Tolet.lib.7.c.2.1.& Bonacina ſuprà pun.5. qui rectè ibidem ſubdit ; quod ſi quis poſt ſponſalia contracta virginem ſpe nuptiarum deſlorauit , tunc illam ducere tenetur , nec religioſum ſtatim amplecti cum tanto illius damno licitè poteſt . Tertio ſoluuntur ſponſalia per Ordinis maioris ſuſceptionem , vt habetur ex cap.*Scriptis* , 27. quæſt.2. Quarto per Matrimonium de præſenti cum altera contractum , quamuis peccet mortaliter qui ſic contrahit , vt habetur capite *Sicut ex litteris* , de ſponſalibus . Quintò per fornicationem vnus ſponſorum poſt ſponſalia contracta , vt habetur ex capite *Quemadmodum* de iureiurando , quamuis enim qui fornicationem commiſit ex parte ſua obligatus remanet ad ſponſalia implenda , alter tamen innocens poteſt ab illis reſilire ſi velit . Sextò denique per notabilem aliquam mutationem poſt ſponſalia contracta ſuperuenientem , quæ ſi ab initio extitiſſet , aut præuiſa fuiſſet , viri prudentis iudicio à ſponſalibus contrahendis merito abſterruiſſet , vt ſi alter ſponſorum in lepram aut alium morbum incurabilem incidat ; ſi notabilem famæ aut bonorum iacturam patiatur ; ſi graues inter ſponſos aut parentes illorum inimicitia oriantur ; ſi ſponſa dotem promiſſam aſſerre nequeat ; ſi ſponſus patrium ſolum mutare vel vagari cum graui ſponſæ incommodo conſtituat ; imò, etiam ſi aliqua eiufmodi cauſa extiterit tempore ſponſaliorum , nec niſi poſt illa contracta deprehendatur : in his enim & ſimilibus caſibus, qui iudicio viri prudentis dignoſci debent, ſponſalia diſſolui poſſunt . Ita Petrus de Ledefma , Reginaldus, Riccius , & alij apud Bonacinam ſupr.pun.8.

4 Quæres tertio utrùm ad soluenda sponsalia iudicis Ecclesiastici authoritate opus sit. Respondetur ex Nauarro, Syluestro, & alijs apud Laymannum part. 1. de spons. cap. 2. si causa soluendi Matrimonij moraliter certa sit, nulla iudicis Ecclesiastici authoritate opus esse: nisi ratione vitandi scandali, quando sponsalia publicè contracta sunt: unde etiam in multis Diœcesibus obseruatur, vt non liceat à sponsalibus publicè notis resilire, nisi causa priùs ad Ordinarium delata, & ab ipso probata.

Atque hætenus de Sacramentis ad maiorem authoris illorum gloriam.

TRACTATUS II. DE ACTIBVS HVMANIS.

Iuxta diuinæ legis normam dirigendi.

QUONIAM gratiarum cœlestium fontes in Sacramentis; ea potissimum ratione per Christi merita nobis reclusi sunt, vt earum auxilio excitati & subnixi, ad propositum nobis finem, beatitudinem scilicet æternam perueniamus, nec aliter (vt docet S. Thomas 1.2. in præm. q. 6.) quàm per actus aliquot nobis proprios ad illam tendere queamus, eundemque sit de virtute in virtutem, iuxta propheticum dictum, Ps. 83. & ascensiones in corde nostro disponendæ, vt videatur Deus Deorum in Sion: idcirco doctrinæ Theologicæ ordo postulat, vt nunc ipsos humanos actus consideremus, percipiamusque quoniam actus ad beatitudinem illam æternam consequendam apti sint, & idonei, & e contra quibusnam actibus ab ipsa beatitudine consequenda præpediamur.

CAPVT PRIMVM.

De Actibus humanis in genere .

SECTIO I.

Quis sit actus humanus propriè dictus .

OBSE RVANDVM est ex S. Thoma 1.2.qu.1.art.1.actus illos, qui ab homine eliciuntur, dupliciter spectari posse: scilicet in genere naturæ, quoad suam entitatem præcisè, & in genere moris, quoad libertatem cum qua exercentur, & quoad ea quæ fundantur in ipsa libertate, vt esse capaces laudis vel vituperij, meriti vel demeriti: priori modo dicuntur actus hominis, posteriori verò actus humani: vndè fit vt per actum hominis intelligatur actus ille qui ab homine fit, quocumque tandem modo fiat, actus vero humanus ille dicatur, qui fit ab homine, in quantum homo, seu in quantum est dominus actuum suorum, quando scilicet per rationem & voluntatem operatur: ac proinde secundum S.Doctoris & communem Theologorum doctrinam, ad propriam actus humani rationem duo requiruntur, primò vt sit voluntarius, secundò vt sit liber. Illum hîc considerabimus, prout voluntarius est, de eodem verò prout liber est, in sequenti sectione agemus.

Actus igitur voluntarius is est, vt ex Aristotele 3. Ethic.cap.1. docet S.Damascenus lib.2. de fide cap.14. cuius principium est in ipso agente cognoscente singula. Vnde sequitur ad rationem voluntarij duo requiri. Primum est, vt procedat à principio intrinseco, si enim quis inuitus ac renitens ab extrinseco moueatur, motus ille non est voluntarius. Secundum est, vt procedat à principio cognoscente singula, * id est vt agens ea omnia cognoscat, ex quibus actionis suæ substantia tanquam ex obiecto suo dependet. v.g. si Petrus patrem suum occidit, vt homicidium illud censeatur ipsi voluntarium. oportet primò vt manus eius ab alio non impellatur, ipso renitente, aut saltem nihil ad motum illum conferente. Deinde requiritur vt sciat esse hominem quem cædit, & non inuincibiliter arbitretur esse feram; sciat quoque gladium aut aliud instrumentum quo vtitur, posse vulnus lethale infligere: vt verò homicidium illud, in quantum est parricidium voluntarium existat, necesse est insuper vt patrem suum esse cognoscat hominem illum quem cædit,

cædit, & non inuincibiliter & inculpabiliter existimet esse anum hominem.

Huius conditionis defectu motus lapidis quo fertur deorsum quamuis sit naturalis, non est tamen voluntarius: quia licet sit à principio intrinseco, propria enim gravitate mouetur; non mouetur tamen cum cognitione; motus autem animalis, cum ex aliqua cognitione imperfecta procedat, nonnisi imperfectè voluntarius, seu potius spontaneus dicitur; proindeque ratio voluntarij solis actibus hominis propriè & perfectè conuenit, & à fortiori actibus Angelorum & ipsius Dei.

2. Porro ipsius humanæ voluntatis actus duplicis sunt generis, alij siquidem sunt elicit, alij imperati. Actus elicit sunt illi, qui primò & per se exercentur, seu eliciuntur ab ipsa voluntate, tanquam à proxima potentia. Actus verò imperati exercentur imperio ipsius voluntatis, & vi alicuius volitionis præcedentis; siue ab ipsa voluntate, quæ sibi aliquos actus imperat, siue ab alijs potentijs ab ipsa voluntate distinctis, quæ per illam ad agendum mouentur & applicantur.

Cùm autem voluntas (ut communiter docent Theologi cum S. Thoma quæst. 8. art. 2.) sit tantum vel finis, vel mediorum, tres enumerantur actus illius elicit circa finem, scilicet volitio, intentio, & fruitio; qui actus sunt iidem cum amore, desiderio, & gaudio. Gaudium seu fruitio versatur circa finem obtentum, seu circa bonum præsens; desiderium, seu intentio circa finem obtinendum, seu circa bonum absens: amor & volitio circa finem & bonum abstrahendo ab eius absentia vel præsentia: Quibus ex aduerso respondent odium, timor & tristitia circa malum. Tres sunt actus voluntatis elicit circa media; scilicet electio, consensus, & vsus, electione voluntas præfert & amplectitur vnum medium præ alijs; consensu approbat iudicium intellectus circa illud medium; vsu applicat potentias ad executionem.

Quærent Theologi utrùm electio, & intentio sint semper actus inter se realiter distincti, seu an voluntas vno & eodem actu possit velle finem & media. Respondetur iuxta probabiliorē sententiam, quæ est etiam S. Doctoris quæst. 10. art. 4. quòd quamuis hi duo voluntatis actus, ut plurimum inter se distinguantur, absolute tamen loquendo, potest voluntas vno & eodem actu velle finem ac media, sicut potest intellectus principium & conclusionem eodem actu cognoscere.

Quod verò spectat ad actus imperatos, tot sunt & tam multiplices & varij, quot & quam multipliciter ab ipsa voluntate, aut alijs potentijs ad eiusdem voluntatis imperium exerceri possunt; de quibus omnibus plenius egunt Philosophi in Ethicis,

& videri potest S. Doctor tota quæst. 17.

3 Cæterum docet idem S. Thomas q. 1. art. 3. omnes actus qui à voluntate humana procedunt, siue elicitos, siue imperatos essentialem suam differentiam ac speciem desumere à fine proximo, quem agens spectat, & intendit, hoc est, ratione seu motiuo, quo movetur voluntas ad aliquid appetendum & volendum, & è contrà; qui motiuus vocatur etiam obiectum formale ipsius voluntatis. Vnde sequitur actus illos, qui habent eundem finem proximum, seu idem obiectum formale, esse eiusdem speciei; tametsi habeant diuersa obiecta materialia; v.g. si quis ieiunet & eleemosynam largiatur purè ob amorem Dei, vt illi placeat, vt gloriam illi deferat, ieiunium illud & eleemosyna erunt formaliter actus charitatis, quamuis materialiter ad virtutes speciei diuersas abstinentiæ scilicet & misericordiæ pertineant: & è contrà illos actus distingui specie, qui, licet habeant idem obiectum materiale, à motiuis specie distinctis oriuntur: e.g. oratio, quæ materialiter cōsiderata, est actus virtutis religionis, si fiat ex motiuo satisfaciendi Deo pro peccatis, erit actus Pœnitentiæ; si ex motiuo alicuius alterius virtutis, ad virtutem illam pertinebit.

SECTIO II.

** Quis actus verè & propriè sit liber.*

AD faciliorem eorum, quæ dicenda sunt, intelligentiam obseruandum est, libertatem actus humani aliam esse, quæ a Theologis vocatur libertas (contradictionis) seu quoad exercitium actus, aliam quæ (contrarietatis) seu quoad specificationem. Aliam item à coactione, aliam à necessitate.

Libertas contradictionis, seu quoad exercitium actus est potestas seu indifferenria ad agendum vel non agendum.

Libertas cōtrarietatis seu quoad specificationem, est potestas siue indifferenria ad hoc vel illud agendum, seu ad actionem aliquā, aut aliam ipsi contrariam exercendam circa idem obiectum, v.g. ad eliciendū assensū vel dissensum circa articulum aliquem diuinæ fidei.

Hac obseruatione præsupposita,

Dicendum est actus humani libertatem in eo consistere, vt eliciatur vel imperetur à libera voluntate: vt sic; seu quatenus libera est & liberè operatur: Illam verò voluntatem dici liberam & liberè operari, quæ nullam in agendo neque coactionem, neque necessitatem patitur, sed positis omnibus ad agendum prærequisitis, libera semper manet & indifferens, siue quoad exercitium, siue quoad specificationem actus, seu ad agendum, vel non agendum, & ad hoc vel illud agendum.

Hæc

Hæc assertio duas habet partes: in prima dicimus actum illum liberum esse, qui elicitur vel imperatur à libera voluntate, libertas enim propriè & primo ipsi voluntati competit, & ex illa in actum derivatur, quod per se patet.

2. In secunda parte dicimus libertatem voluntatis in eo consistere, quòd voluntas nullam neque coactionem, neque necessitatem patiatur; sed positis omnibus ad agendum prærequisitis, libera maneat, & indifferens ad agendum vel non agendum, ad hoc vel illud agendum. Hæc propositio (quam de fide asserit Isambertus disp. 1. de libero arbitrio a. 2.) probatur 1. ex script. Deut. 30. *Testes inuoco caelum & terram, quod proposuerim vobis etiam & mortem, & c. elige ergo vitam.* 2. Reg. 24. *Hæc dicit Dominus: trium tibi datur optio, elige quod volueris, &c.*

Probatur 2. ex S. Athanasio orat. ad Gentes, *Anima*, inquit *cognoscens liberum sui arbitrium, videt se posse uti corporis partibus ad utraque, ad bona & ad mala*. S. Cyril. Alexand. lib. 4. in S. Ioannem, *Liberum est*, inquit, *& propria electionis in hominibus in verumque deflectere: aut in dexteram partem, aut in sinistram; in virtutem dico vel vitium*. S. Cypr. Ep. 55. *Homo*, inquit, *libertari sua relictus, & in arbitrio proprio constitutus, sibi met ipsi vel mortem appetit vel salutem*. Et S. Anselmo in priori parte libri de concord. liberi arbitrii cum præscientia Dei & prædestinatione, ubi expressè dicit, *Deum velle hominis voluntatem nulla necessitate cogi, aut prohiberi ad volendum, vel non volendum*: Ibidemque fusè explicat, & probat necessitatem antecedentem, quia voluntas ad vnum quid determinatur, libero arbitrio aduersarius docetque voluntatem indifferentem esse ad oppositorum alterum eligendum, quamuis postquam vnum re ipsa delegit necessitatem, quandam ipsa sibi faciat, quam consequentem vocant Theologi, quæ ex ipsa effectus positione sequitur.

3. Ad faciliorem verò intelligentiam eorum, quæ de libertate voluntatis humanæ in actibus suis dicta sunt, vel postea dicentur, duo sunt hic obseruanda. Primum est ad hoc, vt voluntas liberè operetur requiri præuiam rationis aduertentiam & deliberationem; id est vt voluntas applicet intellectum ad considerationem convenientiæ, vel disconuenientiæ, quæ in quolibet obiecto appetibili creato reperitur: hæc enim consideratio & deliberatio intellectus quamuis non sit causa libertatis, quam voluntas humana ex se & ex innata sibi indifferentia obtinet; est tamen conditio, sine qua voluntas libertate illa in actibus suis uti non posset: per illam enim obiectum proponitur voluntati cum variarum rationum oppositione, & quadam veluti indifferentia: nullum siquidem est obiectum creatum, in quo intellectus humanus varias & oppositas rationes conuen-

nien-

nientia & disconuenientia non deprehendat, vnde proposito sic quouis obiecto creato, voluntas semper manet indifferens ad illud appetendum vel repudiandum. Quod si aduertentia illa aut deliberatio intellectus secundum quid impediatur, actus à voluntate elicitus vel imperatus erit tantum secundum quid liber: si omnino & totaliter impediatur, ut contingere potest ex aliqua vehementi passione aut distractione, actus ille omni prorsus libertate carebit, proindeque omni ratione meriti vel demeriti: quod fusiùs explicabitur infra, cum ageretur de peccatis.

4 Secundum est, actum primum intellectus, seu primam cogitationem, quæ in quouis negotio deliberationem & voluntatis imperium præcedit, esse quidem actum hominis: non verò actum humanum, cum non sit liber; omnis enim actus liber à voluntate debet elici aut imperari: sed primus ille actus intellectus, seu prima cogitatio, non est à voluntate, quæ in incognitum ferri non potest; sed vel ab obiecto aliquo sensibus externis occurrente, vel immediate ab ipso Deo intellectum excitante: interdum etià ab Angelo bono vel malo species imaginatiuas commouente: vnde tamen non sequitur hominem ab eiusmodi prima cogitatione determinari, aut necessitari ad aliquid volendum, quando aduertit se illud velle, licet nullam adhuc rationem disconuenientia deprehendat in obiecto illo, quod per primam cogitationem proponitur: potest enim tunc illius voluntas ob summum quod obtinet tam in se, quàm in alias potentias dominium, posita quacunque præuia cogitatione, & quocunque iudicio practico ipsius intellectus, vel actum suum suspendere, vel intellectum applicare ad considerationem magis attentam eiusdem obiecti & circumstantiarum eius, & sic cum pleniori deliberatione rationis, ad illud appetendum vel repudiandum se ipsam determinare.

* Tertium est apud Patres & Scriptores Theologos voluntarium sæpè sumi pro libero, ut apud S. August. lib. de vera Religione, cap. 14. *Vsq̃ue adeò, inquit, peccatum voluntarium est malum, ut nullo modo sit peccatum nisi sit voluntarium*, & in lib. de daabus animabus cap. 11. *Si liberum non sit, non est voluntas*.

5 Quartum est, voluntarium sumptum pro libero multipliciter à Theologis diuidi: aliud enim est voluntarium expressum, aliud tacitum. Expressum illud est, quod verbis, nutibus, aut alijs signis significatur. Tacitum, quod absque verbis, &c. ex facto aliquo aut omissione facti colligitur, ut ex silentio, cum quis loqui deberet: vnde iuxta regulam iuris, *qui tacet consentire videtur*. in 6. reg. 44.

Quæ quidem regula locum habet, præsertim quando de alicuius commodo agitur, non item quando de incommodo seu præiudicio,

cio, quod fufius explicatum videri poteit apud Laymann. lib. 1. tract. 2. cap. 3.

Aliud item eft voluntarium actu, aliud voluntarium virtute. Voluntarium actu eft, quod vel elicitur vel imperatur actualiter ab ipfa voluntate. Voluntarium virtute, eft id, quod initio imperatum fuit ab interno actu liberæ voluntatis, eiuſque imperij ac motionis virtute adhuc durat. Vt ſi quis proponat & actu velit eleemofynam aliquam erogare, dum illam poſtea erogat, quamvis ceſſauerit actus ille voluntatis, cenſetur tamen voluntaria virtute illuſ.

Aliud denique eft voluntarium directè & voluntarium indirectè. Voluntarium directè eft id, quod per ſe voluntarium eft, vt quiuſ actus elicitus vel imperatus voluntatis. Voluntarium indirectè eft id, quod ex alio directè voluntario ſequitur, v.g. ſi aliquis voluntariè exercent actionem, ex qua ſcit vel ſuſpicatur conſecuturum aliquem effectum, quamvis per ſe & directè non intendat effectum illum, cenſetur tamen indirectè voluntarius.

SECTION III.

Vndenam actus humanus bonitatem ſuam, vel malitiam deſumat.

DVplex bonitas in quolibet humano actu ſpectari poteſt, naturalis ſcilicet & moralis. Bonitas naturalis ea eſt, quæ conſtituit in integritate, ſeu aggregatione eorum omnium, quæ naturaliter ad ipſius actus entitatem requiruntur: bonitas vero moralis in integritate ſeu aggregatione eorum omnium, quæ cuilibet actui humano ſecundum rectam rationem conveniunt. Ex quo ſequitur, moralem actus humani malitiam in defectu illius integritatis, ſeu in priuatione bonitatis illius moralis, conſiſtere. Et de hac bonitate vel morali quæſtio propoſita intelligi debet, vndenam ſcilicet hæc bonitas, ſeu rectitudo moralis, vel malitia moralis illi oppoſita in quemlibet actum humanum deriuetur. Pro cuius reſolutione,

Dicendum 1. bonitatem, vel malitiam actus humani ab illius obiecto deſumi. Ita S. Thomas, & conſtat ex Scriptura, Oſeæ 9. *Facti ſunt abominabiles ſicut ea qua dilexerunt*: ex quibus verbis patet malitiam humanorum actuum, ob quam ſit homo Deo abominabilis, provenire ex obiectis malis quæ diligit, & quibus adhæret: vnde S. Auguſtinus Epistolæ 52. ad Maced. dicit quod, *Mores noſtri, ex eo quod unusquiſque diligit, dijudicari ſolent*. Et probari præterea poteſt inductione: ideò enim velle orare cenſetur eſſe bonum, i quia

quia oratio (quæ est obiectum illius volitionis) est ex se moraliter bona ; & è contra velle furari est malum , quia furtum , quod est illius obiectum , malum est .

2 * Porro ad clariorem huius assertionis intelligentiam duo hic obseruanda sunt .

Primum est bonitatem vel malitiam moralem quam obiectum actui tribuit , esse in ipso obiecto fundamentaliter seu causaliter tantum : in actione verò formaliter ad eum modum proportionalem sicut veritas & falsitas sunt formaliter in actu intellectus , fundamentaliter verò seu causaliter in obiecto cognito . Ideo enim cognitio vera est , quia res cognita se habet , vt cognoscitur .

Secundum est hanc esse differentiam inter bonitatem & malitiam moralem , quæ ex obiecto in actum humanum deriuatur ; quod quamuis ad hoc vt actus humanus malitiam ab obiecto accipiat , satis sit quod feratur in obiectum malum ; nec referre , siue sub ratione mali feratur in illud , siue sub ratione boni (vt expressè docet S. Thomas 1.2. quæst. 19. a. 7. ad 3.) Ad hoc tamen vt actus bonitatem moralem desumat ex obiecto , non sufficere vt simpliciter feratur in obiectum bonum materialiter , sed requiri vt feratur in obiectum bonum formaliter quatenus bonum est , seu sub ratione boni , quia scilicet obiectum quamuis in se bonum , est tamen indifferens vt bene vel malè appetatur , ex bono vel malo motiuo .

3 Dicendum 2. bonitatem vel malitiam actus humani desumi ex illius circumstantijs . Ita S. Thomas : & satis constat ex eo quod passim in Scripturis actiones plurimæ propter circumstantias aliquas bonas vel malas laudantur , vel vituperantur , vt S. Matth. 5. laudatur eleemosyna , & oratio facta in abscondito & S. Luc. 2. 1. commendatur eleemosyna duorum minorum & alijs maioribus donis præfertur , ob circumstantiam personæ viduæ & pauperis , & eiusdem S. Luc. 16. omisso eleemosynæ ex varijs circumstantijs in persona diuitis epulonis culpabiliór esse demonstratur .

3 Vt autem assertio hæc faciliùs intelligi possit , quædam hic obseruanda sunt . Primum est circumstantiarum nomine a Theologis significari accidentia quædam actus humani , sic dicta , quòd illum veluti circumstent , ipsique iam per obiectum suum in aliqua specie boni vel mali constituto adueniant .

* Secundum est , inter circumstantias quasdam esse , quæ nihil conferunt ad bonitatem vel malitiam moralem actus , vt si quis manu dextra vel sinistra percutiat . Alias vero quæ ad illam bonitatem vel malitiam conferunt , vt si quis percutiat hominem laicum , vel hominem in sacris ordinibus constitutum .

Tertium est , ex istis circumstantijs , quæ ad bonitatem vel malitiam moralem conferunt , alias augere vel minuere bonitatem illam ,

vel

vel malitiam intra eandem speciem; aliàs vero ipsam actus speciem mutare, quod dupliciter fieri potest, scilicet vel nouam speciem bonitatis vel malitiæ dando actui; seu ut alij loquuntur, ipsum in nouam speciem transferendo: vt si quis eleemosynam det ex motiuo inanis gloriæ, mutatur actus virtutis misericordiæ in actum vitiosum inanis gloriæ. Vel addendo nouam speciem bonitatis aut malitiæ actui retinenti propriam quam habet ex obiecto, vt si quis eleemosynam det, ex motiuo pœnitentiæ, aut alicuius virtutis, quæ ab ipsa misericordia, cuius eleemosyna opus est, differat.

4 Quartum est, septem præcipuas actus humani circumstantias à S. Doctore q. 7. art. numerari, quæ hoc versiculo comprehenduntur.

Quis, quid, ubi, quibus auxilijs, cur, quomodo, quando.

Quis, personæ agentis qualitatem designat: *Quid* obiecti conditionem: *ubi* locum: *Quibus auxilijs* actionis adiumenta: *Cur*, eiusdem actionis finem: *Quomodo*, magnitudinem seu intentionem affectus, aduertentiæ rationis: *Quando*, tempus quo actio peracta, eiusque actionis durationem, quæ quidem circumstantiæ non omnes & singulæ simul, sed modo hæ, modo illæ quemlibet actum humanum afficiunt; ad illiusque proinde bonitatem vel malitiam conferre possunt.

Quintum est, ex supra enumeratis circumstantijs, quasdam augere vel minuire bonitatem vel malitiam actus, intra eandem speciem: vt supra dictum est, e. g. malum est percutere iniuste quemvis hominem, peius est percutere benefactorem: aliàs verò addere actui bonitatem vel malitiam specie distinctam; e. g. percutere Sacerdotem: in illa enim percussione præter malitiam, quæ illi propria est quatenus iustitiæ repugnat, circumstantia personæ sacræ percussæ inducit in ipsum actum nouam & specie distinctam sacrilegij malitiam & deformitatem.

Dicendum; bonitatem vel malitiam actus humani desumi quoque ex fine, in quem actus dirigitur ab operante. Ita S. Thomas 2. 2. q. 4. & constat ex his Christi Domini verbis S. Matth. 6. *Attendite ne iustitiam vestram faciatis coram hominibus, ut videamini ab eis: alioquin mercedem non habebitis apud Patrem vestrum*: quæ verba explicans S. Ambrosius. in ca. 1. S. Luc. *Bona est, inquit, misericordia, bona est oratio, sed potest iniuste fieri, si iactantia causa aliquis pauperi largiatur, ut videatur ab hominibus*. Et S. Augustinus Ps. 31. *Non valde, inquit, attendas quid homo faciat: sed quid, cum facit aspiciat*.

5 * Est autem obseruandum duplicem à Theologis distingui actionis finem, vnum ipsi intrinsecum & veluti connaturalem, qui vocatur finis operis, à quo ipse actus morale speciem & essentiã desumit; vt eleemosynã facere indigentia subleuandæ causa. Alterum extrinsecum, qui dicitur finis operantis, quem nimirum ipse operans suo arbitratu sibi

præstituit, vt dare eleemosynam ad satisfaciendum pro peccatis, & ex hoc etiam sine extrinsecus actus speciem suam moralem defumit; vnde Philosophus 5. Ethicor. caput 2. & ex eo S. Thomas quæst. 18. art. 6. dicit eum qui furatur adulterandi causa, magis esse adulterum quam furem.

Porro septem potissimum modis contingere potest vt actus ex operantis arbitratu ad finem aliquem extrinsecum referatur. Vel enim actus ex obiecto bonus refertur ad finem extrinsecum bonum, vel actus ex obiecto bonus refertur ad finem malum, vel actus ex obiecto bonus refertur ad finem indifferentem. Vel actus ex obiecto indifferens refertur ad finem bonum. Vel actus ex obiecto indifferens refertur ad finem malum. Vel actus ex obiecto malus refertur ad finem bonum. Vel denique actus ex obiecto malus refertur ad finem malum.

Primò casu circumstantia finis boni nouam specie bonitatem addit actioni ex obiecto bonæ. Secundo casu, circumstantia finis mali destruit bonitatem, quam actus habet ex obiecto, eumque simpliciter malum efficit. Tertio casu totus actus indifferens est. Quarto casu circumstantia finis boni tribuit actui ex obiecto indifferenti primam & vnicam essentialem bonitatis speciem; ideòque in genere moris non tam circumstantiæ quam obiecti rationem habet. Quinto casu circumstantia finis mali, eadem ratione tribuit actui primam & vnicam essentialem speciem malitiæ. Sexto casu circumstantia finis boni nihil confert actui ex obiecto malo, sed relinquit simpliciter malum. Septimo denique casu circumstantia finis mali confert actui malo nouam malitiam, siue specie distinctam siue non, vt ex antedictis satis intelligi potest.

Ex his colligitur secundum mentem S. Doctoris, bonitatem vel malitiam actus humani ex his tribus præsertim pendere, scilicet ex obiecto, circumstantijs, & fine; cum hac tamen differentia, quod, vt actus aliquis censeatur malus, sufficiat quicumque defectus moralis; siue ex parte obiecti, siue ex parte finis aut circumstantiæ alicuius: vt vero bonus sit, requiratur obiectum moraliter bonum, finis bonus & honestus, & præterea vt eiusmodi actus nulla praua circumstantia vitietur: bonum siquidem (vt docet S. Dionysius c. 4. de diu. nomin.) pendet ex integra causa, malum ex quocumque defectu.

Dicet aliquis frustra & superflue dici actum humanum bonitatem vel malitiam sumere ex fine, cum ipse finis inter circumstantias numeretur.

Respondetur, ideo speciatim considerari bonitatem, vel malitiam quæ ex fine in actum humanum deriuatur; quia finis præ alijs circumstantijs hoc habet peculiare, quod non modo actum humanum circum-

circumstet, sed etiam in illum speciali modo influat, habeatque rationem non solum circumstantiæ, sed etiam causæ moralis.

6 Quæres quænam relatio actus humani in finem sit necessaria, ut ex ipso fine bonitatem, vel malitiam recipiat? Respondetur relationem illam esse debere vel actuale, vel saltem virtuale; id est necessarium esse, ut operans actualiter referat, aut saltem antea retulerit actionem suam in eum finem: ita ut virtute illius relationis, actio ab eo exerceatur, quia necesse est ut finis influat in actionem, influere autem non potest, nisi uno ex his duobus modis moueat operantem ad agendum; quod ut clariùs adhuc fiat, obseruandum est quod iam supra dictum est, finem alium esse operis, alium operantis: finis operis est ipsimet actioni intrinsecus, ideòque illi moralem essentiam seu speciem tribuit, e. g. ut quis ex misericordiæ motiuo pauperi det eleemosynam, non est opus vlla explicita relatione ad talem finem; sufficit enim ut largiens eleemosynam, cognoscat se misericordiæ opus exercere, illudque liberè exercere velit. Alter est finis operantis, qui & extrinsecus dicitur, quem ipse operans arbitrato suo præstituit, veluti si detur eleemosyna ut satisfiat pro peccatis; ad hoc autem ut eiusmodi finis bonitatem suam actui communicet, debet in illum influere: quod præstare non potest, nisi operans actualiter aut saltem virtualiter actionem suam in illum referat.

SECTIO IV.

An detur aliquis actus indifferens, seu qui nec bonus nec malus sit.

1 **D**VPLEX quæstionis propositæ sensus esse potest: Primò an detur actus aliquis humanus indifferens secundum speciem: seu qui ex parte obiecti sui nec bonitatem habeat, nec malitiam moralem: secundo an detur etiam talis actus indifferens secundum indiuiduum, id est qui prout à nobis hic & nunc aduertente, ratione liberè exercetur, nullo ex capite bonus sit vel malus moraliter. Pro cuius resolutione,

Dicendum 1. dari aliquem actum humanum, qui sit indifferens secundum speciem. Ita sanctus Thomas q. 18. art. 8. & cum eo communiter omnes Theologi: id etiam expressè docet S. Augustinus lib. 2. de serm. Domin. in monte cap. 28. ubi explicans illud Domini, *Nolite iudicare, ut non iudicemini*, & concilians cum aliis eiusdem Christi Domini verbis, *Ex fructibus eorum cognoscetis eos*, ait hoc posterius dictum intelligendum esse de manifestis operibus, quæ non possunt bono animo fieri, cuiusmodi sunt blasphemix furta; prius verò de operibus differentibus, cuiusmodi est ciborum sum-

ptio, &c. vnde hoc modo concludit ibid. *Sunt ergo quedam facta media, qua ignoramus quo animo fiant, quia & bono & malo fieri possunt; de quibus temerarium est iudicare, maxime vt condemne- mus.*

Dicendum 2. quod quamuis probabile sit nullos dari actus huma- nos indifferentes in indiuiduo, propter plurium Theologorum præ- fertimque Sancti Doctoris art. 9. autoritatem qui eiusmodi actus negant: probabilius tamen videri dari aliquos eiusmodi actus in indiuiduo, qui nec boni sint nec mali moraliter. Ita Sanctus Bonauent. in 2. dist. 41. art. 1. quæst. 4. & plures alij, quos citat & sequitur Lessius in quæst. 11. art. 9. dub. 10. Et probatur autoritate Sancti Hieronymi Epist. ad S. Augustinum, quæ est 15. inter Augustinianas, vbi sic loquitur: *Inter utrumque (bonum scilicet & malum) indifferens est ambulare, naribus capitis purgamenta projicere, &c. hoc nec bonum nec malum est: siue enim feceris, siue non feceris, nec iustitiam habebis, nec iniustitiam.* Item S. Gregorij hom. 7. in Euang. vbi loquens de dilectione proximorum, quæ procedit non ex charitate, sed ex affectu cognitionis & carnis, ex vna parte negat talem dilectionem esse actum virtutis, ex altera vero affirmat malam non esse, nec ei sacra eloquia contradicere: vnde sequitur esse indifferentem, cum nec bona, nec mala sit.

Probatur præterea ex eo quod appetitio commodi & fuga incom- modi naturalis non est mala ex obiecto, vt per se patet: neque etiam bona moraliter, cum non pertineat ad vllam virtutem moralem: ergo quando quis simpliciter appetit commodum, aut refugit incommodum aliquod naturale, eius actio nec bona nec mala est, ac proinde indiffrens.

Dices illam appetitionem esse malam, eo quod non referatur in finem aliquem bonum & honestum; cum teneatur homo actiones suas semper in aliquem finem bonum & honestum referre.

Respondetur 1. negando teneri hominem ad actiones suas in finem bonum & honestum referendas, vt sint bonæ & honestæ moraliter: quod etiam negant Sanctus Bonauentura supra, & plures alij graues Authores, quos citat Isambertus disp. 7. in 1. 2. ad qu. 18. art. 2. asseruntque ad hoc vt actus humanus sit bonus moraliter, satis esse vt eius obiectum in quod voluntas liberè fertur, sit moraliter bonum & honestum: nec vltius requiri, vt ab operante in bonum aliquem finem referatur.

Respondetur 2. quamuis concedatur teneri hominem ad actiones suas in finem bonum & honestum referendas, vt sint bonæ & honestæ moraliter, inde tamen non sequi defectu eiusmodi relationis actiones illas esse malas, sed tantum non esse bonas & honestas, quod vltro fatemur, ac proinde indifferentes.

Instabis actiones illas fore otiosas, ac proinde malas.

Re-

Respondetur negando actiones illas, quæ in finē moraliter bonum non referuntur, esse otiosas; quia, docet S. Bonau. suprà, possunt ipsæ naturæ esse necessariae vel utiles; quod sufficit vt otiosæ minime censeantur.

Quamuis autem hæc sententia, quæ asserit dari posse actus aliquos in indiuiduo indifferentes, probabilis sit & tuta, & etiam in praxi conducere videatur ad euitanda multa peccata, quæ secundum oppositam sententiam frequentissimè committi possent; hoc tamen obitare non debet, quin vnusquisque peculiari studio curet omnes & singulos actus suos in finem aliquem optimum & Deo acceptissimum referre, iuxta consilium Apostoli 1. Corinth. 10. *Siue manducatis, siue bibitis, siue aliud quid facitis, omnia in gloriam Dei facite*: quod explicans S. Basilus hom. in Sanctam Iulittam martyrem, sic loquitur: *Accumbens mensa, ora; estans panem, largito-ri gratiam rependito: bibis vinum, memento eius qui illud tibi dedit ad letitiam, & infirmitatum solamen: tunicam indueris, gratias agito benigno datori: suspicis in cælum & siderum pulchritudinem intueris, procide Deo, & cole eum, qui omnia hæc in sapientia condidit, &c.*

SECTIO V.

Vtrum ad hoc vt quis bene operetur teneatur sequi conscientia dictamen.

QUONIAM ex huius quæstionis recta intelligentia, tanquam ex certo aliquo principio pendet resolutio plurimarum difficultatum ipsius Theologiæ moralis: idcirco paulo fusio-rem illius explicationem proponemus, eamque maioris facilitatis gratia in aliquot paragraphos distinguemus.

§. I.

Quid sit conscientia, & quoruplex.

OBSERVANDVM est iuxta doctrinam S. Thomæ 1. part. quæst. 79. art. 12. & 13. hanc esse differentiam inter conscientiam & synderefin; quod synderefin sit habitus naturaliter nobis insitus principiorum practico-um: principia autem practica sunt quædam regulæ vniuersales per se notæ circa directionem actionum humanarum, & quasi quædam lumina virtutum, vt loquitur Sanct. Augustinus lib. 2. de lib. arb. capite 10. cuiusmodi sunt: *Iuste esse viuendum: sua cuique esse reddenda &c.*

Cōscientia autē est actus illius synderefin, quo applicamus cogni-
tionem

tionem illam vniuersalem practicam actioni alicui singulari, & iudicamus hic & nunc aliquid agendum tanquam bonum, vel deuitandum tanquam malum: e. g. ex illo principio vniuersali; quod malum & peccatum omne deuitandum sit; conscientia hanc deducit conclusionem: ergo hoc furtum, quod est malum & peccatum, deuitandum est. Hinc S. Basiliius hom. in principium Prou. dicit in nobis esse *iudicium quoddam naturale, quo ab iniquis bona facile discernimus*.

2. Hæc verò conscientia iudicat tùm de actionibus præteritis, eas vel accusando tanquam malè factas, vel tanquam rectè factas commendando, iuxta illud Apostoli Rom. 1. *Testimonium reddente illis conscientia eorum; & inter se inuicem cogitationibus accusantibus, aut etiam defendentibus*: tùm de actionibus futuris, dictando scilicet ea quæ agenda sunt, tanquam bona, aut quæ fugienda sunt tanquam mala: vnde idem Sanct. Basiliius supra, dicit intra cordis arcana tribunal quoddam esse constitutum, in quo quælibet agenda, velut in trutina & lance suspenduntur & libruntur.

Sicut autem iudicium illud practicum multipliciter se habere potest circa actiones particulares; sic etiam à Theologis conscientia multiplex esse dicitur: alia siquidem est conscientia recta, alia errans, alia scrupulosa, alia dubia.

Conscientia recta dicitur, quando iudicium practicum intellectus verum est, ac rectæ rationi consentaneum: errans, quando falsum est: scrupulosa, quando inani & friuola ratione suspicatur aut formidat illic malum & peccatum esse, vbi re vera non est; dubia denique est, cum neutri parti determinatum assensum præbet, sed inter vtramque fluctuat: De singulis breuiter agendum est, & videndum qua ratione quis obligetur quocunque in casu conscientie dictamen sequi.

§. I I.

Qua sit obligatio conscientia recta.

1. **Q**uestionis sensus est, an semper quis obligetur sequi dictamen conscientie aliquid rectè præcipientis, aut prohibentis, seu iudicantis hic & nunc incumbere obligationem ad aliquid faciendum vel omittendum. Pro cuius resolutione,

Dicendum est iudicium & dictamen illud conscientie rectæ ita obligare hominem, vt delinquat & peccet, nisi illud in operando sequatur. Ratio est quia conscientia seu iudicium illud, intellectus practici rectè aliquid præcipientis, aut prohibentis, est proxima re-

gula

regula voluntatis operantis, vel mouentis alias potentias ad operandum, vt docet Sanctus Thomas 1.2.q.17. a.3. & 9. per illud siquidem iudicium voluntati innoscit, & quasi intimatur bonitas moralis: vel prauitas obiecti, circumstantiarum, & finis: vnde sequitur voluntatem à regula sua deuiare, ac proinde peccare, nisi conscientiam rectè præcipientem in operando sequatur.

Diximus conscientiam seu iudicium rationis esse proximam regulam humanæ voluntatis & operationum eius: alia est enim regula remota: quæ tamen primaria est & principalis, nempe lex æterna & diuina, seu iudicium illud infallibile, quo Deus ab æterno vidit & determinauit, quid in actibus humanis esset bonum aut malum, iustum aut iniustum; quidve in quocunque casu particulari faciendum esset aut omittendum: quod quidem iudicium diuinum vniuique hominum innoscit per ipsius rationis lumen, quod ab illo veluti quidam radius deriuatur, iuxta illud Psalmistæ Psal.4. *Signatum est super nos lumen vultus tui Domine*: proindeque huic diuino iudicio humanum iudicium, seu ipsius conscientiæ dictamen, vt rectum sit, debet conformari.

§. III.

Qua sit obligatio conscientia errantis.

SUPPONIMVS duplicem esse ignorantiam, ex qua error conscientiæ provenire potest; alia enim est ignorantia vincibilis, alia inuincibilis. Ignorantia inuincibilis illa est, quæ nulla morali diligentia vinci aut superari potuit: vel quia nusquam venit in mentem dubitare quod ignoratur; vel, licet in mentem venerit, adhibita tamen sufficienti inquisitione ignorantia illa depelli non potuit, nec proinde debuit, cum nemo ad impossibile obligetur: ignorantia verò vincibilis illa est, quæ adhibita diligentia, vinci ac superari potuit, ac proinde debuit. Hac distinctione supposita,

Dicendum primò conscientiam errantem ex ignorantia inuincibili obligare voluntatem, ita vt peccet, nisi dictamen illius in operando sequatur. Ita S. Thomas q.18.art.5. & probatur ex Apostolo Roman.14. *Scio & confido in Domino Iesu: quia nihil commune per ipsam, nisi ei qui existimat quid commune esse, illi commune est*: quibus verbis declarat Apostolus, quod per gratiam Christi Domini fideles nullo cibo velut communi, hoc est immundo, inquinentur, nisi quis existimet escam aliquam, v.g. carnem suillam etiam nunc communem, id est, immundam & vetitam esse: quia tunc eiusmodi esca illi foret illicita, propter conscientiam errantem,

Vnde subiungit paulo post: *Qui autem discernis* (inter cibos scilicet, existimans aliquos secundum legem Moyſis vetitos eſſe) *ſi mādūcauerit damnatus eſt: quia non ex fide*: (id eſt, quia non agit ſecundum perſuaſionem ſeu dictamen conſcientiæ) *omne autem quod non eſt ex fide* (id eſt, vt explicat S. Doctor, art. 5. quod ſit contra perſuaſionem & dictamen conſcientiæ:) *peccatum eſt*.

Ratio autem huius doctrinæ ex eodem S. Doctore eſt; quia, cum obiectum voluntatis ſit bonum vel malum moraliter, prout ab operante tale iudicatur; ideo ſi ex ignorantia inuincibili iudicet illud eſſe malum, quod tamen re vera malum non eſt, voluntas illi ad hærendo conſentiet in malum, & proinde in peccatum: è contrà vero, ſi ex eadem ignorantia iudicet eſſe bonum, quod re vera malum eſt, voluntas illud amplectendo non peccauit: imo poterit bene operari.

2. Dicendum 2. ſi error conſcientiæ ex ignorantia vincibili procedat, tunc voluntatem neque ad operandum, neque ad non operandum, obligari; ſed ad illum errorem deponendum. Ita S. Thom. 6 & S. Bonauentura in 2. diſt. 39. a. 1. q. 3. Ac in primis quod neq; ad operandum, neque ad non operandum obligatur, conſtat ex eo quod vtrobiſque peccaret, ad quod tamen nullus obligari poteſt: operando quidem ſecundum dictamen conſcientiæ; quia ad malum impellit; nec illius mali ignorantia excuſat, quia vincibilis, & proinde voluntaria eſt: non operando verò: quia ſi conſcientiam illam non deponat, agit contra illam, quæ qualiſcunque ſit, eſt ſemper proxima voluntatis operantis regula, contra quam nullatenus agi licitum eſt: vnde Apoſtolus ad Galat. 5. *Teſtificor*, inquit, *omni homini circumcidenſi ſe, qui debitor eſt vniuerſæ legis faciendæ*: in quantum ſcilicet iudicat ex conſcientia erronea vincibili Moſaicæ legis obſervationem eſſe neceſſariam; vnde ſequitur quod ad euitandum peccatū, conſcientiam illam erroneam deponere teneatur: cum, vt ſupponimus, id poſſit, vel applicando intellectum ad id attentius conſiderandum in quo ſe falli ſuſpicatur, vel pij alicuius & prudentis viri conſilium exquirendo, propriumque iudicium, quod ſibi aliquo modo ſuſceptum eſt, illius monitiſ humiliter ſubmittendo.

§. I V.

Quid de conſcientia ſcrupuloſa ſentiendum ſit.

PER conſcientiam ſcrupuloſam nihil aliud intelligimus, vt ſuprà dictum eſt, niſi iudicium quoddam imperfectum ex inanī aliqua & friuola ratione ortum, quo quis ſuſpicatur, vel timet ibi eſſe peccatum, vbi reuera non eſt, ex quo patet iudicium illud falſum

falsum esse, & sic conscientiam scrupulosam esse quandam veluti speciem conscientiae errantis : proindeque de ipsa conscientia scrupulosa idem dicendum esse, quod de conscientia erronea vincibili, scilicet illam esse deponendam, alias instare periculum peccandi, si quis ea deposita operetur, vel non operetur secundum dictamen illius.

Vt tamen conscientia illa scrupulosa deponatur, attendere quisque debet, quæ sit præcipua & magis ordinaria scrupulorum sibi in animo suboriri solitorum causa : in quibusdam enim scrupuli ex ignorantia procedunt ; in alijs ex quadam mentis inconstantia & fluctuatione : in alijs ex ipsius cerebri debilitate vel frigida & timida complexione, aut etiam ex melancholia, seu atræ bilis redundantiâ : in alijs ex occulta superbia, quæ aliorum iudicio subijci renuit : in alijs ex consortio personarum scrupulosarum, aut lectione librorum, in quibus Theologiæ moralis axiomata quædam rigidiora proponuntur : in alijs denique ex ipsius dæmonis suggestionibus, Deo ob causas æquissimas, licet minùs notas, ita permittente.

2 Perspecta verò illorum scrupulorum causa & origine, propria & apta remedia adhibenda erunt : & siquidem ex infirmitate aliqua corporis proveniant ; ex Medici consilio solatia & subsidia querere oportebit : si ex ignorantia, doctrinam sanam & rectam opponere conveniet : si ex superbia, humilitas erit sectanda, maximè in deponendo proprio iudicio, illudque pijs & salutaribus monitis alterius, quantum expedit submittendo : si ex dæmonis suggestionibus, animi fluctuatione, aut alia simili causa oriantur, auxilium diuinum humili prece postulandum erit, sed præcipuum & saluberrimum contra omnia scrupulorum genera remedium est Confessario aut alteri cuiuspiam viro, pio, prudenti, docto, scrupulos illos, statumque animi interiorem fideliter ac sincerè aperire, eius consilijs humiliter acquiescere, illiusque iudiciûm reclamante licet conscientia scrupulosa, quæ nusquam audienda, sed semper deponenda est, constanter sequi. Ita S. Antoninus, Nauarrus, Valentia, & alij apud Laiman. tract. 1. c. de conscientia cap. 6.

3 Quod si quis aliquando ita scrupulis vrgeatur, vt nec apud se quid facto sit statuere, nec adire Confessarium, aut à quoquam consiliûm requirere possit : tunc vel ipsamet ad scrupulos inaniter concipiendos procliuitas, sufficiens ratio esse potest ipsam conscientiam scrupulosam deponendi & penitus abiijciendi ; imò persona timorata conscientiae, quæ citiùs mori eligeret, quàm data opera Deo displicere, in his casibus, in quibus dignoscere non potest an peccauerit, nec ne, v.g. an consensum plenum & deliberatum tentationi alicui præbuerit ; tutò sibi persuadere potest se non consensisse

deli-

deliberatè, nec peccatum vllum saltem mortale committit; cum fieri non possit, quin consensum illum plenè aduertisset, si deliberatè tentationi illi consensisset: secùs verò dicendum de ijs, qui in varia peccata mortalia crebrò incurrunt, illis siquidem tutius est in scrupulis rigidiorè partem amplecti, seque peccati reos agnoscere & confiteri, quàm sibi periculosè adulari; cum tales vtplurimum ob peccandi assuetudinem peccatorum stimulum vix persentiant.

§. V.

Quid sit conscientia dubia, & in dubijs quid agendum.

OBSERVANDVM est aliud esse dubium iuris, aliud vero dubium facti. Dubium iuris dicitur illud quod est de obligatione, vel de legitima facultate agendi, aut de legitimo actus valore, diuiditurque in dubium speculatiuum, & dubium practicum. Dubium Speculatiuum illud est, quo dubitatur de re aliqua vrùm illicita, valida aut inualida, v.g. an talis contractus sit licitus, an Matrimonium tali modo contractum sit validum. Dubium practicum est, cum in particulari dubitatur, vrùm hic & nunc liceat talem contractum inire, tali cogitationi consentire.

Dubium vero facti est illud, quo ambigitur vrùm aliquid factum sit, necne, v.g. vrùm votum emissum sit, aut si emissum est, vrùm impletum fuerit. His obseruatjs,

Dicendum 1. aliquid facere vel omittere cum conscientia practice dubia, seu cum dubio iuris practico, semper est peccatum. Id constat tum ex cap. *Dominus*, de secundis nuptijs, vbi Lucius III. Summus Pontifex declarat illum, qui post secundum matrimonium bona fide contractum dubitare incipit de morte prioris coniugis, & vrùm licitè possit à secunda coniuge debitum exigere, quandiu in illo dubio hæret, peccare, si debitum exigat: tum etiam ex eo quod exponens se deliberatè peccandi periculo, peccat, vt docet S. Thomas quædlib. 8. art. 13. atqui operans cum tali dubio practico, exponit se periculò peccandi: ergo peccat.

2. Dicendum 2. non esse peccatum facere aliquid vel omittere cum dubio speculatiuo, dummodo practice iudicet operans hic & nunc tale opus sibi esse licitum; v.g. quamuis subditus speculatiue dubitet an bellum illud quod à Principe suo geritur, sit iustum, tamen in particulari practice iudicare potest licitum sibi esse in tali bello pugnare, quandiu ipsi non constat quod sit iniustum, vt expressè docet S. Augustinus lib. 21. contr. Faust. cap. 7. nihil enim obstat quin

sum

cum dubio speculatio simul consistere possit iudicium practicum verum & certum, quia iudicij speculativi & practici veritas & certitudo ex diuersis principijs & rationibus pendent: alie siquidem sunt rationes, ob quas aliquis de iustitia belli à Principe suscepsi dubitare potest; alie verò, ob quas iudicare potest licitum sibi esse in tali bello pugnare,

Dicendum 3. in dubijs facti, quoties urget necessitas, in qua de salute animæ agitur, tutiorem partem esse semper eligendam. Id constat ex cap. *Si quis autem*, de pœnitentia quæst. 7. & exc. *Iuuenis*, de sponsalibus: vnde sequitur quod in collatione Sacramentorum quæ ad salutem necessaria sunt, quando dubium aliquod emergit, sententia tutior pro salute illius cui conferuntur, amplectenda sit: e.g. si dubitetur, an puer Baptisma suscepit, necne, tutior pro illius salute sententia sumi debet, quæ est Baptisma illi sub conditione esse conferendum: quod etiam similitèr dici debet, quando salus corporalis alicuius periclitatur, tunc enim medicus succurrere tenetur eo medicamento, quod tutius esse iudicatur aliàs grauius peccaret, si eo posthabito, experiendi gratia, medicamentum minus certum adhiberet.

In alijs verò dubijs, in quibus non est adeò vrgens necessitas, neque etiam tam arcta intercedit obligatio ad tutiorem partem amplectendam, præsertim si graue aliquod incommodum inde sequatur: e.g. qui de natalibus suis dubitat, verum legitimus sit an illegitimus, non tenetur semper sequi partem rigidiorẽ & tutiorem: sed mitiorem & benigniorem, dummodo probabilis & tuta sit, amplecti potest. Ita Nauarrus cap. 27. numero 281. Syluester verbo *Filijs* quæst. 12. vbi Panormitanum & alios Doctores citat.

3 Dicendum 4. in dubio meliorem semper esse conditionem possidentis. Ita habetur regul. 63 in 6. ex quo sequitur quod si quis dubitare incipiat vtrum res, quam hætenus bona fide possedit, sua an sit, an aliena, nec diligenti inquisitione adhibita id cognoscere possit, tunc illam sibi tuto potest retinere. Ita Ioannes Medina quæst. 17. de restitutione: Syluester verbo, *Præscriptio*, num. 3. vbi citat Glossam & Panormitanum, qui hanc sententiam dicit esse communem.

Dicendum 5. in dubio factum non præsumi, sed demonstrari debere. Ita Sotus, Suarez, Azorius, & plures alij, quos citat & sequitur Laymannus tract. 1. de conscientia cap. 5. parag. 3. & colligitur L. *In bello: parag. facta. ff. de captiuis*: e.g. in dubio vtrum quis votum emisit, non debet censi obligatus; si autem constet illi de voto emissio, dubitet autem num illud impleverit, tunc ad illud implendum tenebitur. Ita præter citatos Doctores Suarez lib. 4. de voto

præstituit, vt dare eleemosynam ad satisfaciendum pro peccatis, & ex hoc etiam sine extrinsecæ actus speciem suam moralem desumit; vnde Philosophus 5. Ethicor. caput 2. & ex eo S. Thomas quæst. 18. art. 6. dicit eum qui furatur adulterandi causa, magis esse adulterum quàm furem.

Porro septem potissimum modis contingere potest vt actus ex operantis arbitratu ad finem aliquem extrinsecum referatur. Vel enim actus ex obiecto bonus refertur ad finem extrinsecum bonum, vel actus ex obiecto bonus refertur ad finem malum, vel actus ex obiecto bonus refertur ad finem indifferentem. Vel actus ex obiecto indifferens refertur ad finem bonum. Vel actus ex obiecto indifferens refertur ad finem malum. Vel actus ex obiecto malus refertur ad finem bonum. Vel denique actus ex obiecto malus refertur ad finem malum.

Primò casu circumstantia finis boni nouam specie bonitatem addit actioni ex obiecto bonæ. Secundo casu, circumstantia finis mali destruit bonitatem, quam actus habet ex obiecto, eumque simpliciter malum efficit. Tertio casu totus actus indifferens est. Quarto casu circumstantia finis boni tribuit actui ex obiecto indifferenti primam & vnicam essentialem bonitatis speciem; ideòque in genere moris non tam circumstantiæ quàm obiecti rationem habet. Quinto casu circumstantia finis mali, eadem ratione tribuit actui primam & vnicam essentialem speciem malitiæ. Sexto casu circumstantia finis boni nihil confert actui ex obiecto malo, sed relinquit simpliciter malum. Septimo denique casu circumstantia finis mali confert actui malo nouam malitiam, siue specie distinctam siue non, vt ex antedictis satis intelligi potest.

Ex his colligitur secundùm mentem S. Doctoris, bonitatem vel malitiam actus humani ex his tribus præsertim pendere, scilicet ex obiecto, circumstantijs, & fine; cum hac tamen differentia, quod, vt actus aliquis censeatur malus, sufficiat quicumque defectus moralis; siue ex parte obiecti, siue ex parte finis aut circumstantiæ alicuius: vt vero bonus sit, requiratur obiectum moraliter bonum, finis bonus & honestus, & præterea vt eiusmodi actus nulla praua circumstantia vitietur: bonum siquidem (vt docet S. Dionysius c. 4. de diui. nomin.) pendet ex integra causa, malum ex quocumque defectu.

Dicet aliquis frustra & superflue dici actum humanum bonitatem vel malitiam sumere ex fine, cum ipse finis inter circumstantias numeretur.

Respondetur, ideo spegiatim considerari bonitatem, vel malitiam quæ ex fine in actum humanum deriuatur; quia finis præ alijs circumstantijs hoc habet peculiare, quod non modò actum humanum circum-

circumstet, sed etiam in illum speciali modo influat, habeatque rationem non solum circumstantiæ, sed etiam causæ moralis.

6 Quæres quænam relatio actus humani in finem sit necessaria, ut ex ipso fine bonitatem, vel malitiam recipiat? Respondetur relationem illam esse debere vel actualem, vel saltem virtualem; id est necessarium esse, ut operans actualiter referat, aut saltem antea retulerit actionem suam in eum finem: ita ut virtute illius relationis, actio ab eo exerceatur, quia necesse est ut finis influat in actionem, influere autem non potest, nisi vno ex his duobus modis moueat operantem ad agendum; quod ut clariùs adhuc fiat, obseruandum est quod iam supra dictum est, finem alium esse operis, alium operantis: finis operis est ipsimet actioni intrinsecus, ideòque illi moralem essentiam seu speciem tribuit, e. g. ut quis ex misericordiæ motiuo pauperi det eleemosynam, non est opus vlla explicita relatione ad talem finem; sufficit enim ut largiens eleemosynam, cognoscat se misericordiæ opus exercere, illudque liberè exercere velit. Alter est finis operantis, qui & extrinsecus dicitur, quem ipse operans arbitrato suo præstituit, veluti si detur eleemosyna ut satisfiat pro peccatis; ad hoc autem ut eiusmodi finis bonitatem suam actui communicet, debet in illum influere: quod præstare non potest, nisi operans actualiter aut saltem virtualiter actionem suam in illum referat.

SECTIO IV.

*An detur aliquis actus indifferens, seu qui nec bonus nec
malus sit.*

IDVPLEX quæstionis propositæ sensus esse potest: Primò an detur actus aliquis humanus indifferens secundum speciem: seu qui ex parte obiecti sui nec bonitatem habeat, nec malitiam moralem: secundo an detur etiam talis actus indifferens secundum indiuiduum, id est qui prout à nobis hic & nunc aduertente, ratione liberè exercetur, nullo ex capite bonus sit vel malus moraliter. Pro cuius resolutione,

Dicendum 1. dari aliquem actum humanum, qui sit indifferens secundum speciem. Ita sanctus Thomas q. 18. art. 8. & cum eo communiter omnes Theologi: id etiam expressè docet S. Augustinus lib. 2. de serm. Domin. in monte cap. 28. vbi explicans illud Domini, *Nolite iudicare, ut non iudicemini*, & concilians cum aliis eiusdem Christi Domini verbis, *Ex fructibus eorum cognoscetis eos*, ait hoc posterius dictum intelligendum esse de manifestis operibus, quæ non possunt bono animo fieri, cuiusmodi sunt blasphemix furta; prius verò de operibus differentibus, cuiusmodi est ciborum sum-

ptio, &c. vnde hoc modo concludit ibid. *Sunt ergo quadam facta media, qua ignoramus quo animo fiant, quia & bono & malo fieri possunt; de quibus temerarium est iudicare, maxime vt condemnemus.*

Dicendum 2. quod quamuis probabile sit nullos dari actus humanos indifferentes in indiuiduo, propter plurium Theologorum præsertimque Sancti Doctoris art. 9. auctoritatem qui eiusmodi actus negant: probabilius tamen videri dari aliquos eiusmodi actus in indiuiduo, qui nec boni sint nec mali moraliter. Ita Sanctus Bonavent. in 2. dist. 41. art. 1. quæst. 4. & plures alij, quos citat & sequitur Lessius in quæst. 11. art. 9. dub. 10. Et probatur auctoritate Sancti Hieronymi Epist. ad S. Augustinum, quæ est 15. inter Augustinianas, vbi sic loquitur: *Inter utrumque (bonum scilicet & malum) indifferens est ambulare, naribus capitis purgamenta proijcere, &c. hoc nec bonum nec malum est; siue enim feceris, siue non feceris, nec iustitiam habebis, nec iniustitiam.* Item S. Gregorij hom. 7. in Euang. vbi loquens de dilectione proximorum, quæ procedit non ex charitate, sed ex affectu cognitionis & carnis, ex vna parte negat talem dilectionem esse actum virtutis, ex altera vero affirmat malam non esse, nec ei sacra eloquia contradicere: vnde sequitur esse indifferentem, cum nec bona, nec mala sit.

Probatur præterea ex eo quod appetitio commodi & fuga incommodi naturalis non est mala ex obiecto, vt per se patet: neque etiam bona moraliter, cum non pertineat ad vllam virtutem moralem: ergo quando quis simpliciter appetit commodum, aut refugit incommodum aliquod naturale, eius actio nec bona nec mala est, ac proinde indiffrens.

Dices illam appetitionem esse malam, eo quod non referatur in finem aliquem bonum & honestum; cum teneatur homo actiones suas semper in aliquem finem bonum & honestum referre.

Respondetur 1. negando teneri hominem ad actiones suas in finem bonum & honestum referendas, vt sint bonæ & honestæ moraliter: quod etiam negant Sanctus Bonaventura supra, & plures alij graues Authores, quos citat Isambertus disp. 7. in 1. 2. ad qu. 18. art. 2. asseruntque ad hoc vt actus humanus sit bonus moraliter, satis esse vt eius obiectum in quod voluntas liberè fertur, sit moraliter bonum & honestum: nec vltius requiri, vt ab operante in bonum aliquem finem referatur.

Respondetur 2. quamuis concedatur teneri hominem ad actiones suas in finem bonum & honestum referendas, vt sint bonæ & honestæ moraliter, inde tamen non sequi defectu eiusmodi relationis actiones illas esse malas, sed tantum non esse bonas & honestas, quod vitrò fatemur, ac proinde indifferentes.

Instabis actiones illas fore otiosas, ac proinde malas.

Re-

Respondetur negando actiones illas, quæ in finē moraliter bonum non referuntur, esse otiosas; quia, docet S. Bonau. suprà, possunt ipsæ naturæ esse necessariæ vel utiles; quod sufficit ut otiosæ minimè censeantur.

Quamuis autem hæc sententia, quæ asserit dari posse actus aliquos in indiuiduo indifferentes, probabilis sit & tuta, & etiam in praxi conducere videatur ad euitanda multa peccata, quæ secundum oppositam sententiam frequentissimè committi possent; hoc tamen obstat non debet, quin vnusquisque peculiari studio curet omnes & singulos actus suos in finem aliquem optimum & Deo acceptissimum referre, iuxta consilium Apostoli 1. Corinth. 10. *Sine manducatis, sine sibiris, sine aliud quid facitis, omnia in gloriam Dei facite*: quod explicans S. Basiliius hom. in Sanctam Iulittam martyrem, sic loquitur: *Accumbens mensa, ora; estans panem, largitori gratiam rependito: bibis vinum, memento eius qui illud tibi dedit ad letitiam, & infirmitatum solamen: tunicam indueris, gratias agito benigno datori: suspicis in cælum & siderum pulchritudinem intueris, procide Deo, & cole eum, qui omnia hæc in sapientia condidit, &c.*

SECTIO V.

Vtrum ad hoc ut quis bene operetur teneatur sequi conscientia dictamen.

QUONIAM ex huius quæstionis recta intelligentia, tanquam ex certo aliquo principio pendet resolutio plurimarum difficultatum ipsius Theologiæ moralis: idcirco paulo fusiores illius explicationem proponemus, eamque maioris facilitatis gratia in aliquot paragraphos distinguemus.

§. I.

Quid sit conscientia, & quoruplex.

OBSERVANDVM est iuxta doctrinam S. Thomæ 1. part. quæst. 79. art. 12. & 13. hanc esse differentiam inter conscientiam & synderesim; quod synderesis sit habitus naturaliter nobis insitus principiorum practicoium: principia autem practica sunt quædam regulæ vniuersales per se notæ circa directionem actionum humanarum, & quasi *quædam lumina virtutum*, ut loquitur Sanct. Augustinus lib. 2. de lib. arb. capite 10. cuiusmodi sunt: *Iuste esse viuendum: sua cuique esse reddenda &c.*

Cōscientia autē est actus illius synderesis, quo applicamus cognitionem

Q ;

tionem illam vniuersalem practicam actioni alicui singulari, & iudicamus hic & nunc aliquid agendum tanquam bonum, vel deuitandum tanquam malum: e. g. ex illo principio vniuersali; quod malum & peccatum omne deuitandum sit; conscientia hanc deducit conclusionem: ergo hoc furtum, quod est malum & peccatum, deuitandum est. Hinc S. Basilius hom. in principium Prou. dicit in nobis esse *iudicium quoddam naturale, quo ab iniquis bona facile discernimus.*

2. Hæc verò conscientia iudicat tùm de actionibus præteritis, eas vel accusando tanquam malè factas, vel tanquam rectè factas commendando, iuxta illud Apostoli Rom. 1. *Testimonium reddente illis conscientia eorum; & inter se inuicem cogitationibus accusantibus, aut etiam defendentibus*: tùm de actionibus futuris, dictando scilicet ea quæ agenda sunt, tanquam bona, aut quæ fugienda sunt tanquam mala: vnde idem Sanct. Basilius supra, dicit intra cordis arcana tribunal quoddam esse constitutum, in quo quælibet agenda, velut in trutina & lance suspenduntur & libruntur.

Sicut autem iudicium illud practicum multipliciter se habere, potest circa actiones particulares; sic etiam à Theologis conscientia multiplex esse dicitur: alia siquidem est conscientia recta, alia errans, alia scrupulosa, alia dubia.

Conscientia recta dicitur, quando iudicium practicum intellectus verum est, ac rectæ rationi consentaneum: errans, quando falsum est: scrupulosa, quando inani & friuola ratione suspicatur aut formidat illic malum & peccatum esse, vbi re vera non est; dubia denique est, cum neutri parti determinatum assensum præbet, sed inter vtramque fluctuat: De singulis breuiter agendum est, & videndum qua ratione quis obligetur quocunque in casu conscientie dictamen sequi.

§. I I.

Qua sit obligatio conscientia recta.

I **Q**uestionis sensus est, an semper quis obligetur sequi dictamen conscientie aliquid rectè præcipientis, aut prohibentis, seu iudicantis hic & nunc incumbere obligationem ad aliquid faciendum vel omittendum. Pro cuius resolutione,

Dicendum est iudicium & dictamen illud conscientie rectæ ita obligare hominem, vt delinquat & peccet, nisi illud in operando sequatur. Ratio est quia conscientia seu iudicium illud intellectus practici rectè aliquid præcipientis, aut prohibentis, est proxima regula

DE ACTIBVS HVMANIS. 247

gula voluntatis operantis, vel mouentis alias potentias ad operandum, vt docet Sanctus Thomas 1.2.q.17. a.3. & 9. per illud siquidem iudicium voluntati innotescit, & quasi intimatur bonitas moralis: vel prauitas obiecti, circumstantiarum, & finis: vnde sequitur voluntatem à regula sua deuiare, ac proinde peccare, nisi conscientiam rectè præcipientem in operando sequatur.

Diximus conscientiam seu iudicium rationis esse proximam regulam humanæ voluntatis & operationum eius: alia est enim regula remota: quæ tamen primaria est & principalis, nempe lex æterna & diuina, seu iudicium illud infallibile, quo Deus ab æterno vidit & determinauit, quid in actibus humanis esset bonum aut malum, iustum aut iniustum; quidve in quocunque casu particulari faciendum esset aut omittendum: quod quidem iudicium diuinum vniuique hominum innotescit per ipsius rationis lumen, quod ab illo veluti quidam radius deriuatur, iuxta illud Psalmistæ Psal.4. *Signatum est super nos lumen vultus tui Domine*: proindeque huic diuino iudicio humanum iudicium, seu ipsius conscientiæ dictamen, vt rectum sit, debet conformari.

§. III.

Qua sit obligatio conscientia errantis.

SUPPONIMVS duplicem esse ignorantiam, ex qua error conscientiæ provenire potest; alia enim est ignorantia vincibilis, alia inuincibilis. Ignorantia inuincibilis illa est, quæ nulla morali diligentia vinci aut superari potuit: vel quia nusquam venit in mentem dubitare quod ignoratur: vel, licet in mentem venerit, adhibita tamen sufficienti inquisitione ignorantia illa depelli non potuit, nec proinde debuit, cum neino ad impossibile obligetur: ignorantia verò vincibilis illa est, quæ adhibita diligentia, vinci ac superari potuit, ac proinde debuit. Hac distinctione supposita,

Dicendum primò conscientiam errantem ex ignorantia inuincibili obligare voluntatem, ita vt peccet, nisi dictamen illius in operando sequatur. Ita S. Thomas q.18.art.5. & probatur ex Apostolo Roman.14. *Scio & confido in Domino Iesu: quia nihil commune per ipsam, nisi ei qui existimat quid commune esse, illi commune est*: quibus verbis declarat Apostolus, quod per gratiam Christi Domini fideles nullo cibo velut communi, hoc est immundo, inquinantur, nisi quis existimet escam aliquam, v.g. carnem suillam etiam nunc communem, id est, immundam & vetitam esse: quia tunc eiusmodi esca illi foret illicita, propter conscientiam errantem,

Q 4 vnde

Vnde subiungit paulo post: *Qui autem discernis* (inter cibos scilicet, existimans aliquos secundum legem Moyſis vetitos eſſe) *ſi mādūcauerit damnatus eſt: quia non ex fide*: (id eſt, quia non agit ſecundum perſuaſionem ſeu dictamen conſcientiæ) *omne autem quod non eſt ex fide* (id eſt, vt explicat S. Doctor, art. 5. quod ſit contra perſuaſionem & dictamen conſcientiæ:) *peccatum eſt.*

Ratio autem huius doctrinæ ex eodem S. Doctore eſt; quia, cum obiectum voluntatis ſit bonum vel malum moraliter, prout ab operante tale iudicatur; ideo ſi ex ignorantia inuincibili iudicet illud eſſe malum, quod tamen re vera malum non eſt, voluntas illi ad hærendo conſentiet in malum, & proinde in peccatum: è contrà vero, ſi ex eadem ignorantia iudicet eſſe bonum, quod re vera malum eſt, voluntas illud amplectendo non peccauit: imo poterit benè operari.

2. Dicendum 2. ſi error conſcientiæ ex ignorantia vincibili procedat, tunc voluntatem neque ad operandum, neque ad non operandum, obligari; ſed ad illum errorem deponendum. Ita S. Thom. 6 & S. Bonauentura in 2. diſt. 39. a. 1. q. 3. Ac in primis quod neq; ad operandum, neque ad non operandum obligatur, conſtat ex eo quod vtrobiq; peccaret, ad quod tamen nullus obligari poteſt: operando quidem ſecundum dictamen conſcientiæ; quia ad malum impellit; nec illius mali ignorantia excuſat, quia vincibilis, & proinde voluntaria eſt: non operando verò: quia ſi conſcientiam illam non deponat, agit contra illam, quæ qualiſcunque ſit, eſt ſemper proxima voluntatis operantis regula, contra quam nullatenus agi licitum eſt: vnde Apoſtolus ad Galat. 5. *Teſtificor*, inquit, *omni homini circumcidenti ſe, quia debitor eſt vniuerſæ legiſ faciendæ*: in quantum ſcilicet iudicat ex conſcientia erronea vincibili Moſaicæ legiſ obſeruationem eſſe neceſſariam; vnde ſequitur quod ad euitandum peccatū, conſcientiam illam erroneam deponere teneatur: cum, vt ſupponimus, id poſſit, vel applicando intellectum ad id attentius conſiderandum in quo ſe falli ſuſpicatur, vel pij alicuius & prudentis viri conſilium exquirendo, propriumque iudicium, quod ſibi aliquoſiter ſuſceptum eſt, illius monitiſ humiliter ſubmittendo.

§. I V.

Quid de conſcientia ſcrupuloſa ſentiendum ſit.

PER conſcientiam ſcrupuloſam nihil aliud intelligimus, vt ſuprà dictum eſt, niſi iudicium quoddam imperfectum ex inanæ aliqua & friuola ratione ortum, quo quis ſuſpicatur, vel timet ibi eſſe peccatum, vbi reuera non eſt, ex quo patet iudicium illud falſum

falsum esse, & sic conscientiam scrupulosam esse quandam veluti speciem conscientiae errantis: proindeque de ipsa conscientia scrupulosa idem dicendum esse, quod de conscientia erronea vincibili, scilicet illam esse deponendam, alias instare periculum peccandi, si quis ea deposita operetur, vel non operetur secundum dictamen illius.

Vt tamen conscientia illa scrupulosa deponatur, attendere quisque debet, quæ sit præcipua & magis ordinaria scrupulorum sibi in animo suboriri solitorum causa: in quibusdam enim scrupuli ex ignorantia procedunt; in alijs ex quadam mentis inconstantia & fluctuatione: in alijs ex ipsius cerebri debilitate vel frigida & timida complexione, aut etiam ex melancholia, seu atræ bilis redundantia: in alijs ex occulta superbia, quæ aliorum iudicio subijci renuit: in alijs ex consortio personarum scrupulosarum, aut lectione librorum, in quibus Theologiæ moralis axiomata quædam rigidiora proponuntur: in alijs denique ex ipsius dæmonis suggestionibus, Deo ob causas æquissimas, licet minùs notas, ita permittente.

2. Perspecta verò illorum scrupulorum causa & origine, propria & apta remedia adhibenda erunt: & siquidem ex infirmitate aliqua corporis proveniant; ex Medici consilio solatia & subsidia querere oportebit: si ex ignorantia, doctrinam sanam & rectam opponere conveniet: si ex superbia, humilitas erit sectanda, maxime in deponendo proprio iudicio, illudque pijs & salutaribus monitis alterius, quantum expedit submittendo: si ex dæmonis suggestionibus, animi fluctuatione, aut alia simili causa oriantur, auxilium divinum humili prece postulandum erit, sed præcipuum & saluberrimum contra omnia scrupulorum genera remedium est Confessario aut alteri cuiuspiam viro, pio, prudenti, docto, scrupulos illos, statumque animi interiorem fideliter ac sincerè aperire, eius consilij humiliter acquiescere, illiusque iudicium reclamante licet conscientia scrupulosa, quæ nusquam audienda, sed semper deponenda est, constanter sequi. Ita S. Antoninus, Nauarrus, Valentia, & alij apud Laiman. tract. 1. c. de conscientia cap. 6.

3. Quod si quis aliquando ita scrupulis vrgeatur, ut nec apud se quid factum sit statuere, nec adire Confessarium, aut à quoquam consilium requirere possit: tunc vel ipsamet ad scrupulos inaniter concipiendos procliuat, sufficiens ratio esse potest ipsam conscientiam scrupulosam deponendi & penitus abijciendi; imò persona timorata conscientiae, quæ citius mori eligeret, quam data opera Deo displicere, in his casibus, in quibus dignoscere non potest an peccaverit, nec ne, v.g. an consensum plenum & deliberatum tentationi alicui præbuerit; tutò sibi persuadere potest se non consensisse deli-

deliberatè, nec peccatum vllum saltem mortale commisit; cum fieri non possit, quin consensum illum plenè aduertisset, si deliberatè tentationi illi consensisset: secus verò dicendum de ijs, qui in varia peccata mortalia crebrò incurrunt, illis siquidem tutius est in scrupulis rigidiorè partem amplecti, seque peccati reos agnoscere & confiteri, quàm sibi periculosè adulari; cum tales vtplurimum ob peccandi assuetudinem peccatorum stimulum vix persentiant.

S. V.

Quid sit conscientia dubia, & in dubijs quid agendum.

OBSERVANDVM est aliud esse dubium iuris, aliud vero dubium facti. Dubium iuris dicitur illud quod est de obligatione, vel de legitima facultate agendi, aut de legitimo actus valore, diuiditurque in dubium speculatiuum, & dubium practicum. Dubium speculatiuum illud est, quo dubitatur de re aliqua utrùm illicita, valida aut inualida, v.g. an talis contractus sit licitus, an Matrimonium tali modo contractum sit validum. Dubium practicum est, cum in particulari dubitatur, utrùm hic & nunc liceat talem contractum inire, tali cogitationi consentire.

Dubium vero facti est illud, quo ambigitur utrùm aliquid factum sit, necne, v.g. utrùm votum emissum sit, aut si emissum est, utrùm impletum fuerit. His obseruatis,

Dicendum 1. aliquid facere vel omittere cum conscientia practice dubia, seu cum dubio iuris practico, semper est peccatum. Id constat ex cap. *Dominus*, de secundis nuptijs, vbi Lucius III. Summus Pontifex declarat illum, qui post secundum matrimonium bona fide contractum dubitare incipit de morte prioris coniugis, & utrùm licitè possit à secunda coniuge debitum exigere, quandiu in illo dubio hæret, peccare, si debitum exigat: tum etiam ex eo quod exponens se deliberatè peccandi periculo, peccat, vt docet S. Thomas quodlib. 8. art. 13. atqui operans cum tali dubio practico, exponit se periculo peccandi: ergo peccat.

2. Dicendum 2. non esse peccatum facere aliquid vel omittere cum dubio speculatiuo, dummodo practice iudicet operans hic & nunc tale opus sibi esse licitum; v.g. quamuis subditus speculatiue dubitet an bellum illud quod à Principe suo geritur, sit iustum, tamen in particulari practice iudicare potest licitum sibi esse in tali bello pugnare, quandiu ipsi non constat quod sit iniustum, vt expressè docet S. Augustinus lib. 21. contr. Faust. cap. 7. nihil enim obstat quin

sum

cum dubio speculatio simul consistere possit iudicium practicum verum & certum, quia iudicij speculativi & practici veritas & certitudo ex diuersis principijs & rationibus pendent: alie si uidentur sunt rationes, ob quas aliquis de iustitia belli à Principe suscepti dubitare potest; alie uero, ob quas iudicare potest licitum sibi esse in tali bello pugnare,

Dicendum 3. in dubijs facti, quoties urget necessitas, in qua de salute animæ agitur, tutiorem partem esse semper eligendam. Id constat ex cap. *Si quis autem*, de prænitentia quæst. 7. & ex c. *Iuuenis*, de sponsalibus: unde sequitur quod in collatione Sacramentorum quæ ad salutem necessaria sunt, quando dubium aliquod emergit, sententia tutior pro salute illius cui conferuntur, amplectenda sit: e.g. si dubitetur, an puer Baptisma suscepit, necne, tutior pro illius salute sententia sumi debet, quæ est Baptisma illi sub conditione esse conferendum: quod etiam similitèr dici debet, quando salus corporalis alicuius periclitatur, tunc enim medicus succurrere tenetur eo medicamento, quod tutius esse iudicari aliàs graniter peccaret, si eo posthabito, experiendi gratia, medicamentum minus certum adhiberet.

In alijs uero dubijs, in quibus non est adeò urgens necessitas, neque etiam tam arcta intercedit obligatio ad tutiorem partem amplectendam, præsertim si grave aliquod incommodum inde sequatur: e.g. qui de natalibus suis dubitat, verum legitimus sit an illegitimus, non tenetur semper sequi partem rigidiorè & tutiorem: sed mitiorem & benigniorem, dummodo probabilis & tuta sit, amplecti potest. Ita Nauarrus cap. 27. numero 281. Syluester uerbo *Filij* quæst. 12. ubi Panormitanum & alios Doctores citat.

3 Dicendum 4. in dubio meliorem semper esse conditionem possidentis. Ita habetur regul. 63 in 6. ex quo sequitur quod si quis dubitare incipiat utrùm res, quam hætenus bona fide possedit, sua an sit, an aliena, nec diligenti inquisitione adhibita id cognoscere possit, tunc illam sibi tuto potest retinere. Ita Ioannes Medina quæst. 17. de restitutione: Syluester uerbo, *Præscriptio*, num. 3. ubi citat Glossam & Panormitanum, qui hanc sententiam dicit esse communem.

Dicendum 5. in dubio factum non præsumi, sed demonstrari debere. Ita Sotus, Suarez, Azorius, & plures alij, quos citat & sequitur Laymannus tract. 1. de conscientia cap. 5. parag. 3. & colligitur L. *In bello: parag. facta. ff. de captiuis*: e.g. in dubio utrùm quis votum emisit, non debet censerì obligatus; si autem constet illi de voto emissio, dubiter autem num illud impleuerit, tunc ad illud implendum tenebitur. Ita præter citatos Doctores Suarez lib. 4. de voto

voto cap. 5. Item dubitans, an lex aliqua lata sit vel promulgata; si post diligentem inquisitionem nihil certi deprehendere possit, sed semper æquè dubius remaneat, tunc præsumere potest non esse: si vero post legem latam & promulgatam, dubitet an sit reuocata vel vsu contrario abiogata, tunc præsumptio stat pro lege, proindeque ad illam seruandam obligatio est. Ita Lessius in prælect. Theolog. ad quæst. 19. dub. 10.

Superest vna difficultas circa conscientiam dubiam, nimirum, quando quis in eas angustias redigitur, vt quidquid faciat, peccatum deuitare non posse videatur; & sic dubius & anceps apud se est, quid potissimum agere debeat? v.g. interrogatus quis in priuata conuersatione de peccato occulto alterius sibi cognito, dubitat quid sibi agendum sit, & vtrinque peccandi periculum sibi imminere videt: si enim negauerit ab illo commissum esse aut à se cognitum, mentietur: si vero illud declarauerit, vel alijs loquendi modis vsus fuerit, vnde stantes veritatem facti conijcere possint, famam proximi lædet & detractionis peccatum incurret.

Respondetur, in tali casu & alijs similibus, si nullum aliud pateat effugium, neque vlllo modo se quis ex eiusmodi angustijs liberare possit, tunc id eligere debet, quod minus malum sibi videtur, & illud agendo, conscientiam peccati deponere, quia iuxta regulam iuris, *Ad impossibile nemo potest obligari: quis enim* (vt dicit S. Augustinus Lib. 3. de lib. arb. c. 13. *peccat in eo quod nullo modo caueri potest*) Neque refert vtrum quis se ipsum sua culpa in hanc perplexitatem coniecerit, quia quidquid sit de præterito quod in eius potestate amplius non est, certè ad euitandum nouum peccatum sufficit, vt quis tunc faciat id quod in se est: *Nihil enim quouis tempore* (vt rectè monet Gerson in regulis moralibus parte 2. tract. 1.) *amplius ab homine requirit Deus, qui, vt declarat Concilium Trident. sess. 6. c. 11. impossibilia non iubet.*

SECTIO VI.

* De opinione probabili.

QVONIAM ea quæ tractantur à Theologis circa probabilitatem opinionum, maximè conferre possunt ad rectam & sanam dictorum aut dicendorum intelligentiam, nec non ad quarumcumque actionum directionem, ideo vtilissimum existimauimus de hoc subiecto paulo accuratiùs agere, ac præcipuis super eo difficultatibus quantam poterimus lucem asserre, seruata in omnibus tamen breuitate, quam compendij ratio exigit.

§. I.

Quid opinionis probabilis nomine intelligendum sit.

DV o hinc nobis explicanda sunt. 1. quid sit opinio. 2. quænam opinio cenferi debeat probabilis.

Quod ad primum fpectat nomine opinionis, nihil aliud à Theologis intelligitur, quàm affenfus rationis, alteri ex duabus propofitionibus contrarijs, vel contradiftorijs datus, cum aliqua formidine oppofiti coniunctus.

Dicitur (affenfus) vt à dubitatione diftinguatur, quæ animum veluti fufpenfum tenet, nec in alterutram partem inclinare fuit.

(Rationis) quia ad opinionem non fufficit prima mentis operatio, feu fimplex apprehenfio, fed requiritur iudicium aliquod, vel difcurfus rationis.

(Datus alteri ex duabus propofitionibus contrarijs) quia opinio facit femp̃ propendere animum in alterutram partem; alias fi fufpenfus maneret inter vtramque, iam non opiñans, fed dubitans diceretur.

(Cum formidine oppofiti coniunctus) quia fi nulla formido inelfet, fed omnimoda certitudo, tunc non elfet opinio, & fi quidem certitudo illa oriretur ex principijs veris, ac certa & euidenti demonstratione, tunc elfet fcientia; fi ex principijs falſis, error vel obſtinatio diceretur.

Quod fpectat ad ſecundum, duæ ſunt præcipuæ conditiones, quæ ad conciliandam opinioni alicui probabilitatem requiruntur.

Prima eſt, vt non repugnet aut veritatibus ab Eccleſia receptis, aut euidenti rationi; neque etiam temerè contradicat comuni & receptæ Theologorum doctrinæ.

Secunda, vt firmo aliquo fundamento innitatur: neque enim fufficit ad hoc vt probabilis iudicetur, quod veritati minime aduerſetur, ſed præterea neceſſarium eſt, vt principijs quibuſdam veritati conſentaneis fulciatur, quod fiet fi ſolida aliqua ratione, aut auctoritate graui & fide digna innixa ſit.

Quæres quænam auctoritas ita grauis & fide digna cenferi debeat, vt opinionem aliquam efficere poſſit probabilem? Sunt qui certum quendam Doctorem numerum exigunt, vt illorum auctoritas talis queat exiſtimari: & alij quidem plures requirunt, alij pauciores, quod quidem definire quamuis ſit difficultimum, nullus tamẽ inficiabitur, quin varij caſus interdum occurrere poſſint, in quibus etiam vnius doctoris auctoritas ſufficiens cenſebitur, vt quis
pro.

probabiliter & tutò possit operari. Exempli gratia Laicus aliquis dubitans an sibi licitum sit tale negotium aggredi, vel talem contractum inire proprium consulit parochum, aut proprii Episcopi pœnitentiarium, vel etiam ipsummet Episcopum, & ab alterutro illorum edocetur eiusmodi negotium vel contractum licitum esse: Quis post hæc dicere auderet talis consulentis (de cuius eruditione vel pietate, ut supponimus, nulla subest ratio dubitandi) auctoritatem non sufficere ut probabiliter & tutò operetur, quamvis auctoritas illa, quam in operando sequitur, non sit nisi vnius doctoris? Neque pœnitentes arguuntur, qui in communibus conscientie difficultatibus, in quibus non satis exploratum habent quid licitum sit vel illicitum, vnius confessorij, quem virum pium & eruditum existimant, consilij acquiescunt, illius solius auctoritatem sibi sufficere arbitrantur.

Ex quibus inferitur auctoritatem illam, de qua nunc quæst. est, ex varijs circumstantijs æstimandam esse, videlicet, vel ex conditione personarum, quarum consilium in agendo sequimur; nullus est enim qui non fateatur, proprii Episcopi, aut parochi auctoritatem maximi momenti apud vnumquemque esse debere, vel ex eorum, de quibus consilium exquiritur, maiori vel minori momento, vel difficultate; quia nulli dubium est, quod casuum illorum, qui maioris momenticensesunt, & pluribus, ac maioribus difficultatibus implexi sunt, resolutio à pluribus & doctioribus petenda sit, nec vnius aut alterius doctoris leuioris notæ auctoritas sufficere æstimeretur: nullus est etiam præterea, qui non fateatur auctoritatem illam, quæ doctorem aliquem, aut pastorem seu Confessarium permouere debet, ut rationabiliter opinionem aliquam probabilem existimet, maiorem & grauiorem esse debere illa, quæ, in simili casu, laico alicui dubitanti vel consulenti sufficiens esset.

Porro ut aliquis dicatur operari ex opinione probabili, non est satis ut principia illa, per quæ probabilis efficitur, sint alteri cognita, sed etiam ut ipsi innotescant, est ut sciat se agere, vel ex aliqua solida ratione, vel ex auctoritate graui & fide digna: cum enim opinio illa sit directiua operationis, quæ ut recta sit debet esse iusta & prudens, talis haud dubiè non esset, si operans nulla eiusmodi ratione, aut auctoritate in operando duceretur.

Debet præterea ratio eiusmodi vel auctoritas illi esse nota, cum operatur vel antequam operetur, non autem solummodo postquam operari desijt, alias eiusmodi ratio vel auctoritas operationis illius directiua non esset. Vnde falluntur, qui post actum aliquem commissum vel omissum, euoluunt Doctorum libros, ut sibi fauentem aliquem reperiant, quia ratio illa vel auctoritas subsequens nihil confert ad rectitudinem actus, qui bonitatem suam

suam

suam & malitiam desumit ex dispositione operantis cum operatur, non vero ex cognitione, quam post operationem acquirere potest.

§. I I.

An licitum sit operari ex quacumque opinione probabili.

SUPPONIMVS certum esse generaliter loquendo, & abstrahendo à quibuscunque opinionibus probabilibus in particulari non modò licitum, sed & aliquando necessarium esse operari ex opinione probabili, cum plerumque homines aliter operari non possint: neque enim intellectu Angelico præditi sunt, quo intuitivè, & infallibiliter omnia perspicere queant; & experientia compertum est, seclufis ijs, quæ fide diuina nobis perspecta sunt, per paucas res esse, quæ certa & euidenti demonstratione à nobis cognoscantur, præsertim in agilibus, in quibus vix vlla ratio moralis agendorum afferri potest, quin aliqua alia in contrarium afferri queat.

Porro ad clariorem & certiore quæstionis propositæ resolutionem, obseruandum est formidinem illam, quam paragrapho præcedenti, diximus remanere simul cum assensu opinantis ex opinione probabili, aliam esse intrinsecam & practicam, aliam extrinsecam & veluti speculatiuam.

Per formidinem quam vocamus intrinsecam & practicam, eam intelligimus, quæ ipsum operantem reddit anxium & irresolutum in iudicio practico rationis, eo tempore quo operatur; ita vt nequaquam apud se statuât, quod hîc & nunc, hoc, vel illud agere vel omittere licitè possit.

Per formidinem verò quam dicimus extrinsecam & speculatiuam, intelligimus eam, qua, etsi operans intrinsecè, seu iudicio practico sit sufficienter resolutus, quod hîc & nunc, hoc vel illud agere vel omittere licitè possit, ab extrinseco tamen timet ne iudicio suo speculatiuo de tali re vel actione, subesse possit aliqua falsitas.

Hac obseruatione supposita, dicimus licitum quidem esse operari ex quacumque opinione probabili, cum formidine extrinseca & speculatiua, nusquam vero cum formidine intrinseca & practica. Ratio primæ partis huius assertionis est, quia formido illa extrinseca, quæ cuiusunque opinioni quantumvis probabili semper coniuncta est, aliàs non esset amplius opinio, sed scientia aliqua alia species cognitionis, non impedit quin operans ex opinione probabili secundum rectam rationem operetur, quia vt ex dictis paragrapho præ-

primo propolitas perfectiùs possidet; seu quæ nullâ habens cû veritatibus fidei, aut cû communi & recepta Doctorû sententia repugnantiâ, validiori aliqua ratione, aut grauiori autoritate innixa. Tutoris vero opinionis nomine eâ intelligere, quæ nos ab omni peccati specie longiùs remouet. Quamobrem ex duabus opinionibus, quarum altera affirmat, altera negat peccatum esse, aliquid facere aut omittere, illa quæ affirmat semper est tutior, cum hominem se illi accommodantem, & ab eo quod damnat. abstinenter, nulli planè ac ne *materialiter* quidem peccandi periculo exponat. At vero eiusmodi opinio licet sit tutior, non est tamen semper probabilior, cum debilioribus plerumque fundamentis seu rationibus imitatur. Iampridem istud animaduertit Sanctus Antoninus 1. part. tit. 3. capite 10. §. 10. vbi explicatis opinionibus S. Thomæ negantis, & S. Bonauenturæ affirmantis peccatorem post lapsum in peccatum mortale teneri ex præcepto diuino statim confiteri, si sub sit copia confessarij, declarat opinionem S. Thomæ esse probabiliorē, & ideo magis communem in praxi.

Observandum 2. quæstionem hîc non esse de consilio, sed de præcepto; hoc est non hîc queri an melius sit & magis expediat sequi opinionem tutiorem vel probabiliorē; est enim in confessio apud omnes melius esse per se loquendo sequi tutiorem opinionem, vel ex duabus opinionibus æquè tutis sequi probabiliorē, sed queritur an sit obligatio aliqua ex præcepto diuino sequi semper opinionem illam, quæ sit tutior, vel probabilior.

Observandum 3. cum queritur inter Theologos an liceat ex duabus opinionibus probabilibus sequi minus probabilem, intelligi etiam minus tutam: nam si minus probabilis esset magis tuta, nullus in dubium reuocat quin licitum foret eam amplecti; siquidem eo ipso quo esset magis tuta, magis etiam ab omni specie peccati remoueret, adeoque non modo licitum esset, sed etiam laudabile, illam eamquam normam in operando sequi.

His obseruationibus præsuppositis, dicendum est licitum esse ex duabus opinionibus probabilibus, relicta probabiliori, sequi minus probabilem, dummodo tamen illa sit verè probabilis eo sensu quo in paragrapho primo explicatum est. Ita docent quamplurimi & per insignes Theologi, ac præ cæteris, Ioannes Malderus Episcopus Antuerpiensis, in 1. 2. quæst. 19. disp. 86. Didacus Alvarez Episcopus Tranensis in commentar. ad 1. 2. disp. 80. num. 9. Bartholomæus Ledesma. Episcopus Guaxagueus in tractat. de Sacramento Pœnitentiæ, difficult. 14. Iosephus Angles Episcopus Bozanus in floribus quæstionum Theologicar. quæst. de confess. difficult. 8. Thomas Zerola Episcopus Minorensis in praxi pœnitentiæ cap. 22. quæst. 3. Toletus lib. 3. cap. 2. Dominicus Bannes in 1. 2. quæst. 10. art. 1.

Pars II.

R dub. 3.

dub. 3. conclus. 4. Nauarrus in manuali cap. 27. num. 228. Alexander Pefantius in 1. 2. quæst. 19. art. 6. dis. 2. num. 3. Franciscus Syluius in 1. 2. quæst. 19. art. 5. quæst. 9. Philippus Gammachæus in 1. 2. quæst. 19. can. 2. Andreas Du-Vallius in tractatu de actibus humanis quæst. 4. art. 12. Nicolaus Isambertus in 1. 2. disp. 9. art. 4. Probatur 1. ex eo quod dixit S. Leo Papa Epist. 91. ad Rusticum Narbon. ubi sic loquitur, *in ijs, quæ vel dubiis fiterint aut obscuris; id nouerimus sequendum quod nec præceptis Euangelicis, nec decretis Sanctorum Patrum inuenitur aduersum.* Ex quibus verbis sic argumentari possumus. Quælibet opinio, quæ verè est probabilis quamuis minus sit probabilis quàm alia quæ censetur probabilior, tamen nec præceptis Euangelicis contraria, nec decretis Sanctorum Patrum inuenitur aduersa: ergo secundùm mentem illius Sancti Pontificis illam sequi licitum est. Consequentia clara est; antecedens patet, quia si opinio illa præceptis Euangelicis aut decretis Sanctorum Patrum aduersaretur, iam non esset probabilis, vt constat ex ijs, quæ §. 1. dicta sunt.

Probatur 2. Ille actus censetur bonus & honestus; ac proinde licitus; qui rectæ rationi conformis est; atqui actus ille qui sit ex opinione probabilis, seu secundùm dictamen conscientiæ quæ opinionem probabilem sequitur, est conformis rectæ rationi, quæ non obligat præcisè ad sequendam opinionem probabiliorẽ, sed ad sequendâ opinionem quæ verè sit probabilis. Neque verò ex eo quod aliquis in operando sequitur probabilem opinionem; relicta probabiliori, inferri potest quod malè operetur, seu quod regulæ alicui falsæ aut illicitæ adhæreat; sed tantum quod in operando regulam perfectiorem non sequatur, quam sequi non tenetur: alioquin si teneremur in omnibus sequi id quod perfectius est, dicendum esset illum, qui v.g. neglecto religioso statu, quem iudicat perfectiorem & tutiorem, statum conjugalem amplectitur, operari ex iudicio prauo & peccare, quod sine errore affirmari non potest.

Sunt tamen circa hanc nostram assertionem aliquæ limitationes necessariæ. Prima est in materia Sacramentorum: quando enim de aliquius Sacramenti administratione agitur, tenetur semper is qui administrat, sequi opinionem probabiliorẽ & tutiorem in illius materia & forma, quando illam sequi potest: v. g. quamuis aliqui Doctores existimant probabile esse quod validus sit Baptismus cum brodio vel aliqua alia aqua minus pura & simplici collatus. Item quod valida sit consecratio in pane siligineo, vel speltaceo, ille tamen grauius peccaret, qui eo modo baptizaret vel consecraret; neglectâ aquâ naturali pura & simplici, quam ad manum haberet, & cum qua posset baptizare, vel neglecto pane tritico azymo cum quo posset consecrare. Ita Suarez tom. 3. in 3. part. disp. 16. sect. 2. Vsq. ad 1. 2. disp.

2. disp. 64. cap. 3. Suarez lib. 1. in decalog. cap. 9. & alij.

Secunda Limitatio necessaria est respectu Iudicum & Medicorum. Illi enim in ferendis sententijs tenentur sequi partem probabiliorum, & litem adiudicare illi, cuius causa rationibus probabilioribus nixa est: isti verò in remedijs assignandis, debent sequi id quod tutius est: & quod probabilius ad sanitatem conferre videtur, cum id iustitia & charitas ab utrifque exigat. Ita Suarez, Vasquez, Sanchez suprà citati, & plures alij.

Addunt etiam aliqui tertiam Limitationem, respectu Magistrorum & Præceptorum, in ijs præsertim quæ fidem & mores spectant: asseruntque illos teneri sententias illas discipulos suos edocere, quas saniores & probabiliores existimant, imo & moralem adhibere diligentiam, ut quantum poterunt in doctrina quam tradunt, veritatem assequantur: quia alioquin videntur discipulis iniuriâ facere, & bono publico non leue præiudicium asserre. Ita Billiucius tract. 21. in decalog. cap. 4. Bresserus lib. 3. de conscientia cap. 18. & alij.

Quæresan Doctores seu Confessarius aliquis dare possit consilium iuxta sententiam probabilem, relicta probabiliori, quam ipse sequitur. Respondetur cum Isamberto sup. art. 5. cum distinctione: vel enim per talem consultationem, rogatur eius mens & sententia, circa casum propositum: vel tantum quæritur quid liceat: vel denique, quid expediat in tali casu. Si primo modo petatur consilium, debet consultus respondere iuxta propriam sententiâ, aliâs non ager bona fide: & videbitur mentiri, quod nunquam licet: Si secundo modo, potest respondere, illud de quo consultitur, secundum aliquam probabilem opinionem, esse licitum: Si denique tertio modo petatur consilium, debet prudenter omnia considerare, personam ipsam, quæ consilium petit, & omnes circumstantias ipsius rei, de qua consilium petitur, & etiam temporis quo eiusmodi consilium petitur, & omnibus prudenter perpensis, id quod expedire videbitur, consulere. Imò aliquando expedit & oportet consulere id quod est tantum probabile relicto probabiliori: quia contingere potest, ut qui petit Consilium, sit ita dispositus, ut non sit facturus quod ei dictabitur secundum probabiliorē sententiam, unde sequetur eum periculo peccandi expositurum iri, quod evitare posset, si daretur ei consilium secundum sententiam probabilem quæ ei fortasse magis arderet, & cui se libentius submitteret. Debet tamen is à quo Consilium petitur, ita se gerere, ut alij non scandalizentur videntes eum aliter consulere, quam sentiat vel faciat.

CAPVT SECVNDVM.

De Peccatis.

SECTIO I.

Quid sit Peccatum.

QUÆSTIO proposita intelligenda est non de peccato originali, quod aliena culpa contrahitur, de quo in prioribus huius operis parte tract. 4. actum est; sed de peccato actuali, quod propriâ voluntate incurritur. Hoc autem peccatum definitur à S. Augustino lib. 22. cont. Faust. *Factum, dictum, vel concupitum contra legem Dei æternam.* Et in hac definitione, cui subseribit S. Doctor 1. 2. quæst. 7. art. 6. & cum eo communiter Theologi duo verba subaudita intelligi debent, quæ si addantur, plenior erit definitio in hunc modum,

Peccatum est voluntarium factum, dictum, concupitum, aut commissio contra legem Dei æternam.

Dicitur 1. (factum, dictum, vel concupitum) quia ut docet S. Thom. sup. omne opus malum vel est à voluntate elicited, & sic est (concupitum, vel est imperatum) & sic ad exteriores actus locutionis, aut operationis pertinet, & est (factum vel dictum).

Dicitur 2. (voluntarium) quia necesse est ad rationem peccati ut sit voluntarium, seu ut à libero voluntatis consensu procedat, ita ut (iuxta doctrinam S. Augustini lib. de vera Relig. cap. 14. quæ etiam Theologorum omnium communis est) *Nullo modo sit peccatum, si non sit voluntarium.*

Dicitur 3. (aut commissio) quia cum affirmatio & negatio (ut docet S. Thom. sup. in resp. ad 1.) reducantur ad idem genus, æquæ peccat, qui non facit id quod præcipitur, atque is qui facit id quod prohibetur.

Dicitur 4. (contra legem Dei æternam) quia ut supponimus ex dicendis cap. sequent. cum lex æterna Dei sit prima & summa regula rectitudinis omnis quæ in actibus humanis reperiri potest, hinc sequitur omnem actum qui à rectitudine debita aberrat, etiam ab illa prima æternæ legis regula deflectere, & proinde æternæ legi Dei aduersari. Quod quidem ita verum est, ut etiam transgressiones illæ, quæ contra leges Ecclesiasticas aut Civiles committuntur, eatenus sint peccata, quatenus leges illæ à lege æterna deriuantur, vel

vel cum ea concordant vel ex ea vim obligandi accipiunt, vt sic transgressiones illæ contra legem Dei æternam fieri aliquo sensu intelligantur.

3 Porro ad faciliorem eorum quæ dicta sunt, vel dicenda sunt intelligentiam, obseruandum est ad rationem peccati duo præsertim requiri: nimirum, vt talis actus sit humanus, id est voluntarius & liber; deinde vt sit malus & prauus, id est, vt careat debita commensuratione ad suam regulam: regula autem actus humani proxima est recta ratio, vt suprà dictum est; remota verò & principalis ac primaria est ipsa lex æterna, quæ per naturalis rationis lumen cuique manifestatur, dicente Apostolo Rom. 2. quosuis homines gellare *Opus legis scriptum in cordibus suis, testimonium reddente illis conscientia ipsorum*: Atque ideo S. Augustinus & S. Th. in supradictis definitionibus primo posuerunt id quod pertinet ad substantiam actus humani, tanquam ipsius peccati materiale: deinde id quod pertinet ad rationem mali, vt eiusdem peccati formale. Ratio enim formalis peccati, vt communiter docent Theologi, nihil est aliud quam priuatio rectitudinis illius, quam homo ex præscripto legis æternæ, & dictamine rectæ rationis, inducere tenetur in actum suum: vnde idem S. Augustinus tract. 1. in S. Ioan. dicit, *Peccatum esse nihil, quia per Verbum factum non est*: & lib. 12. de ciuit. cap. 7. *Nemo, inquit, quarat causam efficientem humana prauitatis; non enim est efficiens sed deficiens, quia nec illa effectio est: sed defectio*. S. Ambrosius de Isaac & anima cap. 7. *Quid est, inquit, malitia, nisi boni indigentia*? Et S. Anselmus lib. de concordia præscientiæ cum lib. arbit. cap. 1. *Non est, inquit, iniustitia, qualitas, aut actio, aut aliqua essentia, sed tantum absentia debita iustitia*.

Obseruandum præterea ex eodem S. Doctore in resp. ad 5. peccatum alia ratione considerari à Philosophis, alia verò à Theologis: Philosophi siquidem peccatum considerant solummodo, pro vt rectæ rationi aduersatur, Theologi verò vterius progrediuntur, & in peccato attendunt quod sit contra Dei voluntatem ac legem, adeoque ipsius Dei offensa quædam & iniuria: vnde in peccati definitione S. Augustinus rectè dixit illud esse contra legem Dei æternam, vt præcipuam & maximam ipsius peccati deformitatem ob oculos poneret.

SECTIO II.

Verùm dantur peccata quadam mortalia & venialia.

1 * **M**ultiplex diuifio peccati à Theologis fieri folet. In primis enim diuiditur peccatum in actuale, & habituale. Actuale eft illud quod actu perpetratur, habituale vero quod poft actuale commiffum, per modum habitualis defectus permanet.

Rurſum ipſum peccatum actuale diuiditur, ex parte præcepti in peccatum commiſſionis, & omiſſionis. Ex parte obiecti in peccatum contra Deum, ſeipſum, & proximum. Ex parte ſubiecti in peccatum carnale & ſpirituale. Ex parte modi, in peccatum cordis, oris, & operis. Ex parte cauſæ efficientis in peccatum ex paſſione, & ex ignorantia, & ex malitia. Denique, ex parte malitiæ, in peccatum mortale & veniale, de qua vltima diuiſione nunc agendum nobis eſt. De cæteris infra ſuo loco.

Nomine peccati mortalis intelligitur illud, ratione cuius homo gratia ſanctificante priuatur, & æterna damnatione puniri meretur; nomine verò venialis illud, quod quamuis peccatum ſit, nihilominus neque gratia ſanctificante priuat hominem, neque damnatione æterna dignum reddit.

Eſt autem certum ex fide, dari quædam peccata mortalia, quædam item peccata venialia. Atq; in primis quod dantur peccata aliqua mortalia in confefſo eſt apud omnes, & manifeſtè conſtat ex Scriptura, quæ varijs in locis teſtatur damnationem ſeu mortem æternam pro quibuſdam peccatis incurri: vt Eph. 5. *Omnis fornicator aut immundus, &c. non habet hereditatem in regno Dei*; Apoc. 11. *Homicidis & fornicatoribus, &c. pars illorum erit in ſtagno ardenti igne & ſulphure.*

Quod verò etiam quædam peccata ſint tantum venialia, probatur 1. ex eadem ſcriptur. Prouerb. 20. *Septies in die cadit iuſtus*: 1. Ioan. 1. *Si dixerimus, quia peccatum non habemus, ipſi nos ſeducimus, & veritas in nobis non eſt*: quo loco S. Ioannes loquitur de peccatis iuſtorum, ob quæ iuſti eſſe non deſinunt, & quæ proinde cum gratia ſanctificante ſtare poſſunt, vt aſſerit S. Aug. Lib. de nat. & grat. c. 36.

Probat 2. ex Concilio Milëuitano can. 7. vbi dicitur non ſolùm peccatoribus, ſed etiam iuſtis hanc orationis Dominicæ petitionem conuenire; *Dimitte nobis debita noſtra*; & ex Conc. Trid. ſeſſ. 6. c. 11. vbi expreſſè declaratur, *iuſtos & ſanctos in leuia & quotidiana, quæ etiam dicuntur venialia peccata, quandoque cadere.*

Cer-

Certum est præterea discrimen peccati mortalis & venialis determinandum esse, non ex eo quod, ut asserunt Lutherani & Calvinistæ, peccata omnia prædestinatorum aut fidelium venialia sint, reproborum verò aut infidelium mortalia, sed ex propria ratione & natura ipsorummet peccatorum.

Id probari potest 1. ex Scriptura, quæ, ut supra dictum est, declarat peccata quædam æterna morte digna, esse ac proinde mortalia; quædam vero venialia, sine ulla relatione ad prædestinationem aut reprobationem, vel ad fidem aut infidelitatem peccantium: imo expressè testatur quosdam prædestinatos & fideles peccasse mortaliter, v.g. Davidem cum perpetravit adulterium, quod haud dubiè peccatum mortale fuit, ut docet S. Ambrosius lib. 2. de Apolog. David. cap. 16. S. Petrum cum ter Christum negavit, in quo peccavit mortaliter, teste S. August. tract. 66. in S. Ioan. ubi dicit illum, in ista negatione timendo corporis mortem, animæ mortem incurrisse.

Probatur 2. ex Bulla Pij V. & Gregorij XIII. quæ per Urbanum VIII. renouata est, in qua damnata est hæc propositio Michaelis Baij: *Nullum est peccatum ex natura sua veniale, sed omne meretur poenam æternam.*

3. Probatur 3. ex eo quod si peccata omnia prædestinatorum essent venialia, sequeretur prædestinatum gratiam iustificationis amittere non posse, cum per solum peccatum mortale amittatur: quod tanquam falsum & hæreticum damnatum est Concilio Tridentino sess. 6. can. 33.

Quæres, quænam sit propria & formalis ratio, per quam peccatum mortale à veniali differat. Respondetur varias esse super hac questione Theologorum sententias. Quidam enim existimant in eo differre, quod peccatum mortale sit contra præceptum: veniale vero contra consilium. Alij quod mortale sit contra legem, veniale vero præter legem. Alij probabilius, quod peccatum mortale tollat ordinem ad ultimum finem, quia tollit charitatem & gratiam, qua homo ad Deum ordinatur, & illi tanquam ultimo fini coniungitur: veniale vero non tollat ordinem ad finem, cum non tollat charitatem: sed tantum ad media, quia ponit inordinationem in actione humana, quæ ad Deum referri deberet tanquam ad ultimum finem, nec tamen potest, cum peccatum non possit in Deum referri. Alij denique probabilissimè asserunt rationem formalem distinctiuam peccati mortalis à veniali in eo consistere, quod in quolibet peccato mortali reperiatur contemptus Dei, vel expressius vel tacitus, seu interpretatiuus, quod ex plerisque Scripturæ locis colligitur, in quibus conqueritur Deus se à peccatoribus sperni & contemni, ex quo sequitur dissolutio charitatis & amicitie,

R 4 quæ

quæ inter Deum & hominem intercedit : in peccato autem veniali non reperiatur, nec proinde ipsius charitatis & amicitie diuinæ dissolutio: sicut in amicitia humana leues amici offensæ, licet ipsi displiceant, non tamen usque ad eius contemptum procedunt, nec proinde amicitie vinculum & unionem dissolunt.

SECTIO III.

Qua ratione peccata mortalia & venialia inter se dignosci possint.

QUAMVIS, vt sectione præcedenti diximus, certissimum sit, & ex scripturis apertissimè constet, peccata mortalia & venialia inter se differre : quæ nam tamen peccata in specie aut individuo mortalia sint, & à regno cœlorum per totam æternitatem excludant : quænam sint venialia & peruentionem ad illud pro determinato tantum tempore impedian : ex solo proprio & particulari iudicio *difficillimum est inuenire: vt cum S. Aug. lib. 2. de ciuit. cap. 27. loquamur, & periculosissimum definire.*

Quia tamen ad Sacerdotis officium spectat distinguere lepram à lepra, nec iustam in Pœnitentiæ Tribunali sententiam ferre potest, nisi grauitatem aut leuitatem peccatorum dignoscat; idcirco vt in re obscurissima lucem aliquam afferamus, quasdam hic obseruationes cõmuniter à Doctoribus receptas & à SS. Patribus approbatas proponemus, quibus in quolibet casu peccatum mortale à veniali dignoscere quiuis probabiliter & tuto poterit. Ad illam igitur distinctionem peccati mortalis & venialis faciendam,

• Obseruandũ est 1. quædam peccata ex genere suo mortalia esse: & grauem habere cum recta ratione & lege Dei repugnantiam, vt perurium, homicidium, &c. quædam verò repugnantiam illam grauem cum recta ratione & lege Dei non habere, proindeque ex genere suo non esse mortalia; sed tantum venialia: cuiusmodi sunt illa, de quibus loquitur S. Augustinus serm. 4 de anim. def. *Quoties aliquis in cibo & potu plus accipit quàm necesse sit, quoties plus loquitur quam oportet, aut plus tacet quam expediat, quoties pauperem importune petentem exasperat;* & similia quamplurima quæ ibidem enumerat. Quoniam verò in dignoscendis huiusmodi peccatis, quæ ex genere suo mortalia vei venialia sunt, quiuis plerumque proprio sensu falli & decipi posset, duæ regulæ communiter à Doctoribus assignantur, secundum quas certum & tutum iudicium de qualitate cuiuscumque peccati ferri potest.

2. Prima regula ex Scripturis habetur; quando scilicet sacræ literæ tradunt peccatũ aliquod à regno Dei excludere, æterna mortē pec-

peccatorem dignum efficere, inimicum Dei constituitur: ex his & similibus loquendi modis rectè inferitur peccatum eiusmodi ex genere suo esse mortale. Et hac regula utitur S. Augustinus in Enchiridion c. 78. vbi dicit quod quædam peccata *lenissima putarentur: nisi in Scripturis demonstrarentur opinione grauiora.*

Secunda regula ex communi Ecclesiæ & Doctorum consensu desumitur: quando enim ex Scripturæ terminis non satis liquet, vtrum peccatum aliquod ex genere suo mortale vel veniale sit, videndū est, quid sentiant Ecclesiæ Doctores: si enim vnanimi consensu doceant peccatum aliquod ex genere suo esse mortale, pro mortali habendum est: si veniale, pro veniali: quod si in aliquo inter se dissentiant, pars probabilior & tutior aut saltem probabilis & tuta eligenda est.

Obseruandum secundò, peccata quædam ex genere suo mortalia, posse duobus modis fieri venialia, scilicet vel ob leuitatem materiæ, vel ob imperfectionem actus. Ita ex communi Doctorum sententia Nauarrus prælud. 9. nu. 12. Vtrumque hunc modum attingit S. Augustinus lib. de nat. & grat. capite 38. vbi de iustis venialiter peccantibus loquens dicit, *Sæpe in lenissimis & aliquando incautis ipsi obrepere peccatum.* Hinc inferitur furtum v. g. quod ex genere suo mortale est, ratione leuitatis materiæ fieri veniale, si res furto ablata sit vilissima & per exigui pretij: similiter iram, quæ ex genere suo mortalis est, propter imperfectionem actus fieri venialem: si aliquis verbi gratia, ex imperfecta rationis aduertentia & deliberatione vindictam aliquam grauem appetat. Quod vt clarius intelligatur:

3. Obseruandum 3. motus voluntatis & aliarum potentiarum in triplici esse differentia. Alij enim sequuntur plenam & perfectam rationis aduertentiam & deliberationem: cum scilicet homo plenè aduertit se aliquid cogitare, appetere aut exterius operari, quod est malum atque illicitum, & nihilominus in illa cogitatione, appetitione, aut actione persistit: tunc enim dubium non est quin peccet mortaliter, si materia sit ad mortale peccatum sufficiens.

Alij autè omnem rationis aduertentiam oriuntur, qui vocantur primo primi: cum scilicet vel ex dæmonis suggestionem, vel ex re aliqua in sensus exteriores incurrente, vel ex alia quauis dispositione naturali exoritur, verbi gratia praua aliqua cogitatio, vnde voluntas vel appetitus sensitius naturaliter in propositum obiectum mouetur. Et hi motus omni culpa carent, cum in hominis potestate non sint: quis enim, vt loquitur S. Augustinus lib. 3. de liber. arb. cap. 18. *Peccat in eo, quod caueri nullo modo potest?* vnde S. Gregorius Papa responsione decima ad Augustinum Anglorum Episcopum, & abetur cap. Sed pensandum, dist. 6. expresse dicit: *Peccatum perfici*

perfici cum in delectationis motum ex deliberatione fit consensus: cum igitur in illis motibus primo primis nullus sit deliberationis locus, nullus etiam erit consensio, nec proinde peccato. Ee idem S. Augustinus lib. 1. de ciuit. cap. 25. de moribus illicitis appetitus inferioris loquens, dicit illos absque culpa esse, quando nullus eis præbatur consensus; atqui motibus eiusmodi primo primis nullus præbatur consensus, cum deliberationem omnem præcedant, quæ tamen iuxta doctrinam S. Thomæ 1.2. qu. 74. a. 7. ad 1. ad consensum necessario prærequiritur: ergo secundum mentem S. Augustini eiusmodi motus omni culpa vacant.

Alij denique motus, quamuis perfectam rationis aduertentiam & deliberationem antecedant, sequuntur tamen aduertentiam aliquam, & considerationem imperfectam, adeoque fiunt cum consensu imperfecto, (vt ita loquamur) semiplene deliberato: qualis consensus esse solet in semidormientibus, vel etiam in vigilantibus; sed animum passione aliqua iræ, timoris, &c. perturbatum, aut aliquibus alijs cogitationibus implicatum habentibus; itavt ad illius motus, v.g. delectationis, qua afficiuntur, malitiam plenè non aduertant: & sic nonnisi imperfectè & leuiter, id est venialiter, delinquant. Ita Maior in 3. dist. 73. quæst. 14. Nauarrus prælud. 9. num. 11. & alij communiter. Quibus accedit authoritas S. August. lib. 6. cont. Iulianum cap. 9. & 10. vbi loquens de motibus inordinatis concupiscentiæ; *Sine peccato, inquit, semper essemus, donec sanaretur hoc malum* (concupiscentiæ scilicet) *si ei nunquam consentiremus ad malum: sed in quibus ab ipso rebellante, etsi non lethali, sed venialiter tamen vincimur, in his contrahimus unde quotidie dicamus, dimitte nobis debita nostra.* Ex quibus verbis habetur hominem erga motus concupiscentiæ insurgentes tripliciter se habere posse; sine peccato, si nullo modo consentiat; cum peccato lethali, si deliberatè consentiat; cum veniali, si consentiat quidem, sed imperfectè & cum semiplena deliberatione.

Obseruandum 4. peccatum ex genere suo veniale, quinque præsertim modis posse fieri mortale, vt ex ijs quæ capite precedenti dicta sunt, colligi potest. Primò, si fiat ex conscientia erronea arbitrante, peccatum esse mortale, quamuis reuera non sit. Secundo, si ordinetur ad aliquod mortale: exempli gratia, si quis verbum otiosum dicat, vt alium inducat ad peccandum mortaliter. Tertio, si in ipso peccato veniali, verbi gratia, amore inordinato alicuius rei, finem vltimum constituat, quod fit, vt docet Toletus lib. 3. cap. 1.2. cum quis ita venialem aliquem actum exequitur, vt paratus esset, si mortalis esset illum exequi. Quarto, si ex commissione deliberata alicuius peccati venialis sequatur aliquod graue scandalum,

Ium, quod peccator secuturum prævidit, aut prævidere potuit & debuit. Quinto denique, si transgressio aliqua vel inobedientia ex se venialis committatur ex formali contemptu legis vel legislatoris.

Quæres, an ex pluribus peccatis venialibus constari possit vnum mortale? Respondetur cum S. Doctore qu. 83. 2. 4. id fieri non posse, aliàs inde sequeretur contra expressam Conc. Trid. doctrinam sess. 14. cap. 5. nos per venialia peccata excludi posse à gratia sanctificante.

6 Obijcies ex multis venialibus furtis posse constitui furtum mortale: ex. gr. ponamus furtum viginti assium esse quantitatem ad peccatum mortale sufficientem: si quis singulis diebus vnum assen accipiat, prima & secunda vice, alijsque sequentibus, peccabit solum venialiter; vigesima autem mortaliter peccabit.

Respondetur furtum illud vltimum esse peccatum mortale, non quod ex illo & alijs præcedentibus coalescat & confletur mortale illud peccatum; sed quia in hoc vltimo furto continetur expressa vel tacita volitio simul iniuste retinendi hunc vltimum assen cum nouemdecim præcedentibus, quæ quantitas cum ex hypothesi sufficiat ad mortale, hinc fit vt vltimum furtum censeatur esse mortale.

Cæterum, quamuis peccata venialia quantumlibet vnico peccato mortali æquiponderare nunquam possint, est tamen verissimum, quod docet S. Thomas art. 3. venialia peccata, illa præsertim quæ ex deliberata voluntate committuntur, eatenus disponere ad peccatum mortale, quatenus assuescit humana voluntas illa committendo diuinæ legi in minoribus non subijci: vnde paulatim ad ipsius diuinæ legis iugum in maioribus & grauioribus excutiendum propensior fit: iuxta illud Eccl. 19. *Qui spernit modica, paulatim decidet*: quo sensu rectè dixit S. Augustinus serm. 244. de temp. *Noli despiciere peccata tua, quia parua sunt: nam & pluuiarum gutta parua flumina implent, & arbores cum suis radicibus tollunt: Tu qui dicis quia paruum peccatum est, velim scire quousque tale peccatum admitris, sicut paruas plagas in corpore, & maculas aut scissuras in vestibus tuis fieri velis? cum ergo nec in corpore plagas, nec in veste scissuras vel maculas fieri acquiescis, qua conscientia hoc facere in anima tua non metuis?*

SECTIO IV.

Vndenam specifica vel numerica peccatorum distinctio petenda sit.

I QVONIAM in Concilio Tridentino sess. 14. c. 5. & can. 7. definitum est omnia & singula peccata mortalia post Baptismum commissa, quorum memoria post diligentem sui discussionem haberi potest, esse in Confessione declaranda: simul etiam circumstantias, quæ peccatorum speciem mutant: ut pœnitens hoc præstare, vel illum ad id præstandum Confessarius iuuare possit, necessarium est inquirere, vndenam specifica vel numerica peccatorum distinctio oriatur.

Atque in primis quod spectat ad specificam peccatorum distinctionem, dicendum est, illam præsertim ex obiecto formali cuiusque peccati desumendam esse, ut docet S. Thomas qu. 72. art. 1. ita ut peccata illa specie inter se distincta censeantur, quorum obiecta formalia oppositionem habent cum perfectionibus moralibus specie diuersis, quibus ipsa peccata priuant, cum enim peccatum formaliter consistat in priuatione rectitudinis seu perfectionis alicuius moralis, ut sect. 1. dictum est, sequitur cuiusque peccati formalem & specificam ab altero distinctionem desumendam esse ex ratione specifica rectitudinis illius & perfectionis qua priuat: priuationum enim specifica distinctio, ut docent Philosophi, non aliunde petitur, quam ex distinctione specifica formarum quibus priuant,

3 Hinc colliges 1. peccata illa esse inter se specie diuersa, non modò quæ virtutibus specie diuersis aduersantur, sed etiam quæ eidem virtuti sub diuersa tamen formali ratione repugnant: ex.gr. periurium & voti præuaricatio specie inter se differunt, quia eidem virtuti religionis, sub diuersa tamen formali ratione opponuntur, ut plenius intelligetur ex ijs, quæ in explicatione primi & secundi præcepti Decalogi dicenda sunt.

Colliges 2. circumstantias illas speciem peccati mutare, aut peccata specie distincta multiplicare, quæ nouam & specie distinctam deformitatem in actum peccati inducunt: ex.g. ille qui nouit se singulis diebus Veneris ieiunaturum, si ieiunium illud tempore quadragesimæ infringat, duplex specie peccatum, licet numero vnicum, committit: quia in illius actu duplex deformitas specie distincta reperitur, vna quidem contra obedientiam Ecclesiæ legibus debitam: altera verò contra virtutem religionis, cuius est vota edere, ac edita fideliter adimplere: ideòque circumstantia illa voti in Confessione declaranda est.

3 Quod spectat ad distinctionem numericam ipsorum peccatorum, dicendum est tot esse numero distincta peccata, quot sunt actus voluntatis moraliter interrupti & repetiti. Ita S. Thomas in 2. dist. 41. q. 1. art. 1. & post illum Suarez part. 2. tract. 4. disp. 22. sect. 5. Nauarr. cap. 6. num. 16. Azor. Tabiena, & alij. cum enim voluntas sit principium actuum voluntariorum bonorum & malorum, nec vllum sit peccatum, nisi in quantum ab ipsa voluntate deliberatè procedit, hinc sequitur peccatorum numerum in tantum multiplicari, in quantum ipsius voluntatis actus moraliter interrupti repetuntur.

Quæres quandonam voluntatis actus censeantur moraliter interrupti: ita vt per illorum repetitionem peccata numero multiplicentur. Respondetur actus voluntatis tunc moraliter interrupti, quoties nec formaliter, nec virtualiter perseuerant: vnde qui proficiscitur ad furandum, vel occidendum inimicum: quamuis in via furandi vel occidendi propositum sæpius repetat, non censetur nisi vnum numero peccatum committere: secus verò si hæc prior voluntas furandi somno interrumpatur, & postea renouetur & repetatur: tunc enim aliud peccatum numero distinctum committitur, vt docent suprà citati Authores. Quod si numerus actuum illorum voluntatis interruptorum & repetitorum tantus sit, vt illum definire moraliter impossibile sit; tunc satis erit in Confessione temporis moram declarare, eo modo quo dictum est, tract. 1. huius posterioris partis cap. 5. sect. 14.

SECTIO V.

De peccatis commissionis & omissionis, eorumque varijs gradibus.

DOCEt S. Thom. q. 72. art. 6. & ante illum docuerat S. Aug. 1. de perfectione iustitiæ c. 11. peccatum omne duobus modis admitti, si nimirum aut illa fiant quæ prohibentur, & hoc est peccatum commissionis; aut non fiant quæ iubentur, & istud omissionis. Hæc est autem præcipua inter vtrumque differentia; quod peccatum commissionis opponatur præcepto negatiuo, cuius est ea conditio, iuxta doctrinam Sancti Thomæ 1. 2. quæst. 33. art. 2. vt omni tempore obliget; peccatum verò omissionis opponatur præcepto affirmatiuo, quod non omni, sed certo tantum & determinato tempore obligat, vt plenius & distinctius infra in explanatione Decalogi declarabitur.

Iam circa peccatum omissionis obseruandum est illud incurri, non solum quando quis aduertenter vult omittere id ad quod faciendum

dum obligatur, iuxta illud S. Iacob. 4. *Scienti bonum, & non facienti, peccatum est illi*; sed etiam quando vult aliquid facere, ex quo securum esse omissionem aduertit, aut advertere potest & debet, quæ quidem actio quatenus est causa peccati omissionis est peccatū, non tamen ab omissionis peccato distinctum, iuxta probabiliorem sententiam Theologorum; quam fusè probat Isambertus ad quæst. 71. disp. art. 4. & 5. vnde sequitur in Confessione satis esse ut quis v. g. declaret se die festo Missam omisisse, nec ulterius teneri ad explicandum, quænam actio illius omissionis causa fuerit, si actio illa ex se mala non sit.

Quod verò spectat ad peccatum commissionis, tres sunt præcipui illius gradus; aliud enim committitur corde, aliud ore, aliud opere, ut docet S. Thomas art. 7. & apertè constat ex Scriptura: S. Matth. 15. *De corde exeunt cogitationes malæ, &c. quæ coinquinant hominem*: Psalm. 14. *Qui non egit dolum in lingua sua, nec fecit proximo suo malum*. Rursus peccata cordis seu purè interna tribus præfertim modis committuntur, cogitatione scilicet, delectatione, & consensu in opus malum. Quod enim sola cogitatione peccari possit v. g. cum quis aduertenter & liberè opinionem alicui ab Ecclesia proscriptæ & damnatæ adhæret; per se patet, iuxta illud Sap. 1. *Peruersæ cogitationes separant a Deo*. Quod item non modo consensus in opus aliquod malum, de quo nullus ambigit; sed etiam quod sola delectatio de ipso opere malo, quam Theologi morosam vocant, sit peccatum, docet S. Thom. quæst. 74. art. 8. & cum illo Theologi omnes: & olim expressè S. Augustinus lib. 12. de Trinitate cap. 12. ubi sic loquitur: *Totus homo damnabitur: nisi hac quæ sine voluntate operandi, sed cum voluntate animum talibus oblectandi, solius cogitationis sentiuntur esse peccata, per mediatoris gratiam remittantur*.

Ratio quæ S. Doctor id probat, hæc est; quod talis est delectatio quales est eius obiectum: atqui quando quis delectatur de opere aliquo malo, prout malum est, obiectum delectationis illius est malum: ergo delectatio illa erit mala: mortaliter quidem si de re aliqua mortaliter mala delectetur, ut cum quis cogitat de fornicatione, & ratione aduertente de illa sic cogitata delectatur: venialiter autem, si res illa solum venialiter mala, ut cum quis cogitat, & cogitando delectatur de re aliqua otiosa.

Ex quo sequitur quod si quis, non de opere malo, ut malum est, sed de aliqua illius circumstantia quæ per se mala non est, delectaretur; v. g. si cogitans de homicidio alicuius hominis delectaretur, non quidem de morte illius, sed de modo quo mors ei illata est, seu de dexterritate homicidæ in homicidio perpetrando, non peccaret mortaliter, ut docet S. Thomas supra:

3 Est autem hic obseruandum 1. ad hoc vt delectatio de re aliqua mala sit peccatum mortale, duo requiri, quod rectè docet & probat Isambertus ad quæst. 74. disp. 5. Primum est, vt homo aduertat non solum se de tali re delectari; sed etiam delectationem illam malam esse & illicitam; vel saltem id aduerterit, quando delectationi causam culpabiliter dedit. Secundum est, vt illam rationis aduertentiam sequatur consensus vel expressus vel tacitus; vt enim rectè docet Sanctus Augustinus suprâ, illicitæ delectationes non solum per consensum expressum admittendæ non sunt; sed etiam, *vt attingerunt animum, respici debent*: vnde secundum illius mentem peccatis, non modo qui delectationi alicui de re mala positinè seu expressè consentit, sed etiam is qui tacitè, id est qui delectationem illam cum possit reprimere, negligit, quod etiam docent Sanctus Antoninus & plures alij, quos citat, & sequitur Vasquez disputatione 10. capite secundo.

4 Obseruandum 2. delectationes illas de opere aliquo malo, si coniungantur cum voluntate operis illius perpetrandi, eiusdem esse speciei cum ipso opere, si perpetraretur, iuxta dictum Christi Domini S. Matth. cap. 6. *Qui viderit mulierem ad concupiscendum eam, iam moechatus est eam*; proindeque in tali casu declarandas esse in Confessione circumstantias illas quæ speciem peccati mutarent, si actu commissum fuisset; verbi gratia, an de simplici fornicatione aut adulterio, &c. delectatus fuerit. Quod si nulla omnino subsit voluntas committendi tale peccatum, sed in solam delectationem feratur consensus, tunc probabile est, quod docent Vasquez, Azorius, & alij apud Laymannum lib. 3. tract. 3. cap. 7. omnes eiusmodi delectationes eiusdem esse speciei, quando ex eodem & simili motiuo oriuntur, proindeque illum qui sola cogitatione delectaretur, turpiter, verbi gratia, de fornicatione, adulterio, &c. ex solo delectationis eiusmodi percipiendæ motiuo, ac sine vilo consensu in actionem ipsius peccati, non teneri ad declarandas in Confessione circumstantias personarum, & alias similes, quæ peccati illius, si actu committeretur, speciem mutarent; sed satis esse, si tantummodo ipsum in turpem cogitationem consensum explicet.

SECTIO VI.

Quanam sint causa peccatorum.

1 CERTVM est causam primam & præcipuam peccati esse voluntatem, quæ à diuinæ legis regula liberè defflectit vt enim rectè dixit S. August. lib. de duab. anim. cont. Manich. cap. 11
Pec-

*Peccatum sine voluntate esse non posse, omnis mens apud se diuini-
tū conscriptum legit : sed præter ipsam voluntatem sunt etiam
aliæ quædam causæ ad peccatum mouentes & inducentes, tum ex-
ternæ, tum internæ: de quibus quæritur quænam illæ sint. Pro cuius
quæstionis resolutione,*

Dicendum 1. duas esse causas externas ad peccatum mouentes &
inducentes, diabolum scilicet & mundum. Atque in primis quod
diabolus per suggestiones suas & tentationes ad peccadū moueat
& inducat ex Scriptura manifestum est: Sap. 2. *Inuidia diaboli mors
intrauit in orbem terrarum: 1. S. Petr. 5. Aduersarius uester diabolus
tanquam leo rugiens circuit querens quem deuoret : ex qua tamen
diaboli tentatione nulla sequitur in voluntate peccandi necessitas ,
sed remanet semper libertas & potestas illi resistendi, vt S. Thomas
qu. 75. art. 3. iuxta illud S. Iacob, 4. Resistite diabolo, & fugiet a
vobis.*

Quod spectat ad mundum, si illius nomine iuxta mentem S. Au-
gustini in Ps. 54. intelligamus homines impios & iniquos, certum est
etiam illos siue prauo exemplo, siue suasionibus nefarijs; aliquan-
do ad peccandum alios inducere: Eccli. 20. *Qui tetigerit picem, in-
quinabitur ab ea, & qui communicauerit superbo, induet su-
perbiam.*

Dicendum 2. repudiandam, imo execrandam esse blasphemiam
Caluinistarum dicentium Deū esse causam & authorē peccati. Præte-
rea quæ contrā hanc impietatem diximus in priori huius operis par-
te tract. 2. cap. 4. sect. 2. illam denuo refellimus ex Scriptura: Psal. 5.
*Non Deus volens iniquitatem tuas: S. Iacob, 1. Deus intentator ma-
lorum : ipse autem neminem tentat.* Item ex S. Basilio, qui hanc
hæresi n refutauit homilia integra, cui titulus est, *Quod Deus non
sit author malorum* ; vbi probat æquè impium esse dicere Deum
esse authorem peccati, ac Deum non esse.

Obijciunt 1. Hæretici illud Ephes. 1. *Deum operari omnia secun-
dum consilium voluntatis suæ*, ergo etiam peccata.

Respondet S. Hieronymus super illum locum, id intelligendum
esse; *Non quod omnia quæ in mundo sunt, Dei voluntate & consi-
lio peragantur, alioquin & mala Deo possent imputari : sed quod
vniuersa quæ facit, consilio faciat & voluntate.*

Obijciunt 2. in pluribus Scripturæ locis dici, Deum peccatores in-
durare, excæcare, &c.

Respondet S. Augustinus lib. 1. ad Simplic. Deum indurare & ex-
cæcare: *Non impietando malitiam, sed non impietando gratiam,
specialem scilicet & efficacem, vt constat ex dictis in tract. de
Gratia.*

Obijciunt 3. Scripturam varijs in locis affirmare quædam pecca-

ta committi ex Dei voluntate & ordinatione, præcepto, &c.

Respondetur his & similibus loquendi modis solummodo intelligi, Deum permittere peccata, & prauis impiorum voluntatibus tanquam instrumentis vti ad exercendos Iustos, vel ad infligendas pœnas, quas ab æterno infligere decreuit. Ita enim S. Augustinus, & plures alij SS. Patres, quos fuscè citat Bellarminus, loca illa Scripturæ interpretantur.

3 Obijciunt 4. Deum positivè concurrere ad actum peccati simul cum peccatore: vnde sequitur simul cum eo esse causam illius.

Respondetur Deum positivè concurrere ad actum, non vero ad ipsius actus defectum, seu ad priuationem rectitudinis, quæ in ipso actu reperitur, in qua sola priuatione consistit ratio formalis ipsius peccati, vt ex antè dictis constat: ac proinde licet sit causa ipsius actus, non est tamen causa defectus qui in illo reperitur: sicut facultas motrix est quidem causa ambulationis, non verò claudicationis quæ ex solo tibiæ defectu provenit: vnde S. Thomas quæst. 79. art. 2. dicit peccatum tribuendum esse causæ non efficienti, sed deficienti, qualis est solus homo peccans.

4 Quod spectat ad internas causas peccati, tres à Theologis communiter numerantur, scilicet ex parte appetitus inferioris, infirmitas seu passio; ex parte verò appetitus superioris seu voluntatis, malitia: ex parte denique intellectus, ignorantia. Ita S. Doctor quæst. 76. 77. & 78. de duabus prioribus hic aliquid dicemus, de tertiâ, de qua grauiores aliquot difficultates occurrunt, in sequenti sectione agemus.

Ac in primis quod peccatum aliquando causetur ex motibus & passionibus appetitus inferioris, testatur Scriptura: Dan. 13. *Concupiscentia subvertit cor tuum*: Rom. 7. *Sentio legem in membris meis repugnantem legi mentis meæ, & captiuantem me in lege peccati*.

Causatur autem peccatum ab ipsa concupiscentia seu passione appetitus sensitui duobus præsertim modis, vt docet S. Thomas quæst. 77. primò in quantum diuertit ipsius rationis aduertentiam: secundo, in quantum voluntatem ipsam allicit, facitque vt obiectum magis conueniens & appetibile videatur. Vtrumque modum expressit S. Iacobus cum dixit cap. 8. *Vnusquisque tentatur à concupiscentia sua abstractus & illectus*. Et tale peccatum quod ex passione oritur, dicitur etiam ex infirmitate procedere, eo quod passionibus, vt asserit S. Doctor art. 3. sint quædam veluti animæ ægritudines & infirmitates quæ quidem duplici modo, vt idem docet art. 6. se habere possunt. Primò antecedenter ad ipsum rationis iudicium: cum scilicet homo, antequam attendat ad malitiam actus sui passione aliqua præoccupatur: & tunc, si adeo vehemens illa sit, vt ipsius rationis iudiciū profus obnubilet, ita vt homo ad malitiā sui actus propter

vehementiam passionis attendere non possit nullum erit peccatum, cum nulla sit rationis deliberatio, sine qua consensus liber esse non potest, vnde S. Augustinus Epist. 100. *quamuis insint* (inquit) *dum sumus in corpore mortis huius, desideria peccati: si nulli eorum adhiberemus assensum, non esset vnde diceremus Patri nostro qui est in cælis, dimitte nobis debita nostra.* Et lib. de ciuit. Dei cap. 25. *Illæ concupiscentiæ inobedientiæ, quanto magis absque culpa est in corpore non consensientis: si absque culpa est in corpore dormientis, si vero passio non tollat iudicium rationis, sed illud tantum ex parte distrahat aut impediat, ita vt ratio sufficienter aduertat malitiam ipsius actus tunc non excusat à peccato, illius tamen grauitatem minuit: vnde S. Aug. lib. 14. de ciuit. cap. 2. asserit peccatum primorum parentum ideo grauius fuisse, quia nondum voluntari cupiditas resistebat, quasi diceret peccatum illud futurum fuisse minus graue, si ex antecedenti cupiditate commissum fuisset.*

Secundo, passionem habere se possunt consequenter; id est quando homo deliberatè se ipsum ad malum aliquod excitat, vnde sequitur passio aliqua in appetitu inferiori: tunc enim passio illa neque excusat à peccato: neque illius grauitatem minuit, sed potius augeat, vt asserit S. Tho. suprà, estque signum maximæ propensionis, quæ est in ipsa voluntate, ad actum peccati perpetrandum.

Iam etiam quod peccatum causetur ab ipsa malitia seu prauitate voluntatis, ita vt homo aliquando ex certa & deliberata malitia peccet, constat ex Scriptura: Iob. 34. *Quasi de industria recesserunt à Deo, & omnes vias eius intelligere noluerunt.* Docet autem S. Thom. q. 78. a. 7. peccatum illud, quod ex certa & deliberata malitia committitur, illo grauius esse, quod oritur ex infirmitate & passione; quia scilicet ex maiori voluntatis libertate procedit.

SECTIO VII.

Quaratione ignorantia sit causa peccati, vel ab illo excuset.

VT quæstioni propositæ satisfiat, supponimus ex communi Theologorum doctrina, ignorantiam aliam esse iuris, aliâ facti. Ignorantia iuris est, cum ignoratur legem vel consuetudinem, vim legis obinentem, aliquid precipere vel prohibere: v. g. si quis nesciat legem Ecclesiasticam prohibere carniū comestione die Veneris. Ignorantia facti est, cum ignoratur res aliqua particularis, quæ præcepta vel prohibita est: & ex qua velut ex obiecto dependet actio aliqua moralis, v. g. si quis nesciat carnem esse quam comedit; vel non aduertat esse diem Veneris: vt enim rectè monet Isbertus ad qu. 76. disp. vnic. a. 9. ea quæ de ignorantia dicuntur, de inaduert.

inaduerterentia quoque & obliuione intelligi debent.

Rursus alia est ignorantia antecedens, alia concomitans, alia subsequens. Ignorantia antecedens, ea est, quæ nec directè nec indirectè voluntaria est, ideoque antecedens appellatur, quia omnem voluntatis actum antecedit; & eadem dicitur inuincibilis & probabilis seu iusta: inuincibilis, quando nulla diligentia vinci potuit: probabilis verò seu iusta, quando etsi absolute loquendo, omni adhibita diligentia quæ adhiberi potest, vinci potuerit, non tamen debuit, quia nulla fuit obligatio adhibendi maiorem diligentiam ea quæ adhibita est, cum qua tamen superari non potuit; ideoque dicitur moraliter inuincibilis.

2 Ignorantia concomitans est, quando ignoratur aliquid, quod tamen si sciretur, nihilominus ageretur, vt quando quis existimans se occidere feram, inimicum occidit, ita dispositus tamen vt si inimicum esse cognouisset, nihilominus occidisset.

Ignorantia denique consequens ea est, quæ aliquo modo voluntaria est, & voluntatem directè consequitur, quæ etiam dicitur, vincibilis, quia diligentia aliqua adhibita, vinci potuit ac debuit: diuiditurq; in affectatam, & eam quæ affectata non est. Affectata est directè volita, v.g. cū quis expresse vult aliquid ignorare vt liberius peccet: ea vero quæ non est affectata, indirectè tantum volita est: v.g. quando quis refugit laborem alicuius studij, vnde ignorantia rei alicuius sequitur. Hac distinctione supposita,

Dicendum 1. ignorantiam aliquando esse causam peccati. Id patet ex scriptura: Act. 3. *Scio, fratres, quia per ignorantiam fecistis*: 1. Tim. 1. *Ignorans feci in incredulitate*. Quod etiam docet S. Thomas quæst. 76. art. 1. vbi docet non quamlibet ignorantiam esse causam peccati, sed illam tantummodo quæ vincibilis est, & nihilominus tollit notitiam aliquam, quæ si adesset, factum peccati prohiberet, iuxta quod dixit Apostolus loquens de Iudæis, 1. Corinth. 2. *Si cognouissent, nunquam Dominum gloria crucifixissent*.

Dicendum 2. ignorantiam vincibilem non solum esse causam peccati; sed etiam esse peccatum, ratione negligentiae adiunctæ, quæ quis negligit ea scire, quæ scire tenetur & potest. Ita S. Doctor art. 2. Et constat ex scriptura: Psalm. 24. *Delicta iuuentutis mea, & ignorantias meas ne memineris, &c.* & ex S. Aug. lib. 1. de lib. arb. c. 19. *Non tibi imputatur ad culpam quod inuitus ignoras, sed quod negligis quærere, quod ignoras*.

3 Dicendum 3. ignorantiam antecedentem inuincibilem tam iuris quam facti omnino à peccato excusare. Ita S. Thomas ar. 1. & cum illo communiter omnes: & probatur primo ex his Christi Domini verbis S. Ioan. 15. *Si non venissem, & eis locutus non fuisset, peccatum non haberent*: Super quæ verba S. August. tract. 89. in S. Ioan.

dicat. Illos ad quos Christus non venit, & quibus non est locutus, excusationē habere; non de omni peccato suo, sed de peccato illo, quo in Christum non crediderint. Et Sanctus Bernard. Epist. 77. ad Hugonem de Sancto Victore eadem Christi verba explicans, Si inquit, locutus fuisset, sed non eis, inobedientia culpam ignorantia excusaret.

Probatur 2. hac ratione: ignorantia illa à peccato excusat, quæ ab actione peccati quatenus talis est, tollit rationem voluntarij, peccatum enim nullum est, quin sit voluntarium: atqui ignorantia antecedens tollit rationem voluntarij ab actione peccati, redditque illum simpliciter inuoluntarium, vt docet S. Th. 1. 2. quæst. 9. art. 8. & cum illo Theologi omnes; ergo à peccato excusat.

Dicendum 4. ignorantiam concomitantem quando inuincibilis est, à peccato excusare. Ita Isambertus ad quæst. 76. disp. vnic. art. 8. & plures alij quos ibidem citat. Ratio est, quia ignorantia illa, vt docet S. Thomas cit. art. 8. etsi non faciat actum inuoluntarium, facit tamen non voluntarium: & sic in eiusmodi actu non reperitur ratio voluntarij, sine qua peccatum nullum esse potest.

Dicendum 5. ignorantiam consequentem siue affectatam, siue minimè affectatam, nunquam excusare à peccato opus malum quod ex illa sit, quia scilicet non impedit quin tale opus sit voluntarium: hæc est tamen inter vtrumque differentia, quod ignorantia illa, quæ non est affectata, minuit peccatum, quia minus voluntarium, reddit, ea verò quæ est affectata, peccatum non minuit, sed potius augeat, vt obseruat S. Doctor quæst. 76. art. 4.

4. Quæres an possit esse ignorantia aliqua inuincibilis iuris naturalis. Responderetur 1. vniuersalissima ipsius iuris naturalis principia, à quouis homine adulto neque inuincibiliter, neque vincibiliter ignorari posse. Eiusmodi sunt hæc; *Bonum esse faciendum: malum fugiendum: nemini iniuriam esse inferendam.* Ita Sanct. Thom. quæst. 94. art. 6. sunt enim hæc vniuersales & per se notæ humanarum actionum regulæ, vnicuique hominum naturaliter insitæ: vnde S. August. lib. 2. de lib. arb. cap. 10. *Iuste, inquit, esse viuendum, propria suis quibusque esse reddenda. &c. nonne fateberis esse verissimū & tā mihi, quam tibi, atque omnibus id videntibus præsto esse communiter?*

Responderetur 2. iuris naturalis, quoad alia quædam principia minus vniuersalia, ignorantiam inuincibilem esse posse in quibusdam hominibus etiam toto vitæ tempore: manifestum est enim inuoluntarij esse iuri naturali repugnantia, quæ non solum ab indoctis & rudibus sed etiam à doctis & ingenij acumine præcellentibus viris talia esse ignorantur: nam & Cassianus olim, alijque sancti viri, vt in eius Collationibus habetur, existimauerunt mendacium aliquando esse licitum ad bonum aliquod promouendum; aut malum impediendum: multique nunc etiam doctissimi viri & in Theologia versatissimi dissen-

disſentiunt inter ſe de re aliqua ad ius naturæ pertinente; v. g. de contractu aliquo, vtrum ſit uſurarius aut aliàs iniuſtus, necne, abeuntque in partes contradicторiè oppoſitas; alijs negantibus, alijs è contrario affirmantibus; vnde ſequitur quosdam illorum ignorantia aliqua inuincibili iuris naturalis laborare.

SECTIO VIII.

Quinam ſint effectus peccati.

TRES præcipui communiter à Theologis numerantur. Primus eſt, quòd lædat hominis naturam, eiſque bonum imminuat. Ita S. Thomas quæſt. 85. art. 1. & 2. ubi docet bonum naturæ in homine triplex eſſe: primum bonum conſiſtit in ijs, quæ ad ipſius naturæ humanæ eſſentiam ſpectant: vt ſunt principia quibus ipſa natura conſtituitur, & proprietates quæ ab illis oriuntur: vt ſunt eſſe rationale, eſſe liberum, &c. Secundum bonum eſt inclinatio illa & propenſio, quam homo ex natura ſua, quatenùs rationalis eſt, habet ad virtutem. Tertium denique bonum eſt donum originalis iuſtitix, quod in perſona primi hominis vniuerſæ humanæ naturæ collatum fuit, & eo ſenſu bonum ipſius naturæ vocatur. Ex his autem tribus naturæ bonis docet S. Doctor primum nec tolli, nec minui per vllum peccatum: tertium per peccatum originale penitus ablatum fuiſſe; ſecundum verò inclinationem ſcilicet illam naturæ humanæ ad virtutem, imminui quidem per peccatum, cum eiſ actus virtuti opponatur, nunquam tamen penitus auferri.

2. Secundus effectus peccati eſt macula quædam & deformitas, quã anima per peccatum contrahit, & quæ tranſacto ipſius peccati actu, in ea remanet. Ita S. Th. quæſt. 86. art. 1. & 2. & conſtat ex Scriptura: Ioſue 22. *Peccaſtis in Beelphegor, & uſque in præſentem diem macula huius ſcleris in vobis permanet*: Ierem. 2. *Maculata es in iniquitate tua coram me; dicit Dominus*: Item ex alijs Scripturæ locis, in quibus peccatores dicuntur inquinati, immundi, &c.

Hæc autem peccati macula ſecundum probabiliorẽ Theologorum ſententiam, nihil eſt aliud quàm ipſam et peccati malitiã, quatenùs etiam tranſacto actu peccati, cenſetur durare ac perſeuerare, quandiu per pœnitentiam non deletur: quæ quidem macula vocatur etiam peccatum habituale, eo quod velut: habitualiter poſt peccatum actu commiſſum remaneat in anima.

Eſt tamen hic obſeruandum, peccatum illud habituale diſtinguendum eſſe à vitioſo habitu, ſeu à praua illa inclinatione & propenſione, quæ per repetitos peccati actus ingeneratur in anima, in eaque remanet, etiam poſtquam

ipsa peccati macula per gratiæ infusionem deleta est : nec nisi per contrarios & sæpe repetitos virtutis actus tollitur .

Tertius denique peccati effectus est reatus pœnæ : certum est enim pœnam aliquam peccatis hominum diuinitus esse decretam : S. Matth. 5. *Qui dixerit fratri suo, fatue, reus erit gehenna ignis* : Rom 2. *Tribulatio & angustia in omnem animam hominis operantis malum* Hæc autem pœna, cum iussè à Deo decernatur, supponit peccatorem illa dignum esse, illiusque reatum per peccatum incurrere.

Porrò circa hunc tertium peccati effectum obseruandum, non omnem pœnam esse propter aliquod peccatum ; cum constet quædam interdum huius vitæ pœnalitates iustis & sanctis à Deo infligi, non in punitionem peccatorum, sed ad probationem & exercitamentum virtutis, quod de sanctissima virgine Deipara nullus negare potest, & de plurimis alijs Sanctis pietas facile suadebit.

Obseruandum 2. quod quamuis peccatum per se & formaliter consideratum non possit esse pœna peccati alterius: vt docet S. Thomas quæst. 87. potest tamen esse per accidens eo modo quem ibidem explicat, ratione scilicet subtractionis gratiarum aliquarum actualium, quarum auxilio Deus interdum peccatorem priuat in punitionem præcedentis peccati : vnde sequitur lapsus in aliud peccatum.

4 Quæres quanta pœna cuique peccato actuali diuinitus decreta sit. Respondetur cum distinctione : Si enim id quærat de peccato mortali, certum est ex fide pœnam æternam siue damni, siue sensus, vnicuique peccato mortali esse constitutam. De pœna damni, quæ consistit in priuatione visionis beatificæ, constat ex S. Matt. 8. vbi dicitur quod reprobis *eijcientur in tenebras exteriores*. De pœna verò sensus ex eodem sancto Matth. 25. *Ite maledicti in ignem æternum* Cum autem dicitur pœna æterna cuique peccato mortali constituta id intelligendum est, vt rectè docet Isambertus ad quæst. 87. disp. 2. a. 3. non solum de perpetuitate ipsarum pœnarum quantum ad durationem ; sed etiam de earum pœnarum immutabilitate ; itavt nullam earum imminutionem, nullumve insupplificijs solatium vnquam experturi sint damnati: vnde etiam Isa. vlt. dicitur quod *vermis eorum non morietur, & ignis non exstinguetur*.

5 Quàm vero iussè Deus ob vnicum peccatum mortale, quod aliquando breuissimum & quasi momentaneum est, pœnam æternam decreuerit, iam à nobis dictum est 1. par. tr. 4. c. 3. sect. 4. quod insuper etiam hac ratione demonstrari potest ; quia scilicet actio peccati, quamuis secundum se spectata, breuissimo tempore duret, nihilo-

hilominus secundum affectum peccantis quasi in totam æternitatem protenditur : qui enim, ut rectè dixit S. Doctor lib. 3. cont. gent. cap. 144. propter fruitionem temporalem boni alicuius temporalis relinquit æternam summi & æterni boni fruitionem, quod facit quicumque mortaliter peccat, rectè ac iuste censetur bono illo temporali in æternum frui velle, proindeque peccatum suum, quod in boni illius temporalis inordinata fruitione consistit, in totam æternitatem velle prorogare : ex quo fit, ut cum illud peccatum sit in affectu æternum, iusto Dei iudicio pœna æterna dignum censetur.

Si verò quæstio intelligatur de peccato veniali, certum est ex fide, peccata venialia in omnibus iustis siue in hac vita, siue in futura, non esse puniendâ pœna æterna, sed solummodo temporali; sicut ex eadem fide certum est, homines iustos in accepta iustitia usque ad mortem perseverantes, æterna beatitudine in æternum non esse privandos.

Est tamen difficultas de peccatis illis venialibus, cum quibus peccatores & reprobî ex hac vita decedunt: Scotus enim in 4. dist. 11. & quidam alij Theologi existimant pœnam illis venialibus peccatis debitam, futuram esse tantummodo temporalem. Probabilius tamen alij cum S. Doctore q. 87. a. 5. ad 3. asserunt, pœnam illam fore æternam, non tam ratione gravitatis, quàm irremissibilitatis ipsius peccati venialis : cum in inferno nullus neque remissioni neque redemptioni locus sit.

DIGRESSIO.

De loco inferni, & damnatorum supplicij.

CUM inter ceteros effectus peccati acerbissimus & maximè formidandus sit æternæ pœnæ reatus, ut hæc illius acerbitas melius perspiciatur, non erit abs re de loco & qualitate pœnarum illarum æternarum hic paucis agere, ac quid de illis secundum fidei Catholicæ regulam sentiendum sit, declarare.

Dicendum igitur 1. infernum seu carcerem damnatorum, pœnis deputatum, esse locum aliquem realem, & corporeum, in ipsis terræ visceribus situm. Ita S. Thom. in suprâ quæst. 97. art. 7.

Hæc veritas constat ex Scriptura Num. 16. *Dirupta est terra sub pedibus eorum, &c. descenderunt vini in infernum operis humo.* Job. 10. *Infernus vocatur terra tenebrosa, & operis mortis caligine.*

Constat etiam eadem veritas ex antiquis Patribus qui id asserunt.

erunt, vt Tertullianus lib. de an. cap. 55. *Nobis, inquit, inferi, non nuda cauositas, nec subdialis aliqua mundi sentina creduntur, sed in fossa terra & in alto vastitas, & in ipsis visceribus eius abstrusa profunditas.* S. Athanasius in quæstionibus: *Peccatorum, inquit, anima in inferno posita sunt subter omnem terram & mare, vt Psalmista dicit: Posuerunt me in lacu inferni, in tenebris & in ymbra mortis.* Et S. Cyrillus Alexand. de exitu animæ: *Tunc, inquit, animam inuadunt dæmones, eamque in terrarum opaca deducunt, & solidissimis compedibus reuinctam infimas infernorum carcerum partes ac erebi custodias deiciunt.*

2. Porro quantæ & quam amplæ regiones, quam vasti recessus in ipsius terræ sinu reperiantur, ex Cosmographorum demonstrationibus satis apertè dignosci potest; cum secundum communem & probabiliorem illorum sententiam, ab extrema terræ superficie ad illius centrum mille ac quingentæ & amplius leuæ numerentur, quæ totius ambitus illius semidiametrū efficiunt: vnde secundum Arithmeticorum numerorum rationem colligitur, immensa propè esse spatia quaquaversum in terræ visceribus protensa, in quibus proinde varia receptacula, eaque amplissima constitui possunt, siue pro Iustis ad tempus determinatum purgandis, siue pro Reprobis in æternum puniendis, siue pro Limbo puerorum ex hac vita cum solo originali peccato decedentium.

Dicendum 2. ignem verum & corporeum in inferno reperiri, eoque tum corpora, tum animas ipsorum reproborum in æternum cruciari. Ita S. Th. in sup. qu. 97. art. 5. & constat ex scriptura. Isa. 66. *Conterriti sunt in Sion peccatores, possedit tremor hypocritas: quis poterit habitare de vobis cum igne deuorante; quis habitabit de vobis cum ardoribus sempiternis?* & Apoc. 19. vocatur infernus stagnum ardens igne.

Id ipsum docent SS. Patres: & Cyprianus serm. de Ascensione Christi, *Immortales, inquit, miseri viuunt inter incendia, & inconsumptibiles flamma nudum corpus allambent: ardetis purpuratus diues, non erit qui aestuanti lingua stillam aquæ infundat: in proprio adipe frixa libidines bullient: & inter sartaginez flammeas miserabilia corpora cremabuntur.* S. Gregorius Magnus lib. 4. dialog. cap. 28. *Sicut, inquit, electos beatitudo latificat, ita credi necesse est, quod à die exitus sul ignis reprobos exurat.*

Dicendum 3. præter ipsius ignis sensibile tormentum, plures alias varias pœnas ipsis damnatis infligi. Psal. 10. *Ignis, sulphur, & spiritus procellarum pars calicis eorum.* Iob. 24. *Ad nimium calorem transibit ab aquis nimum:* id est (vt explicat Hugo Cardinalis) quod impij in inferno de pœna ad pœnam transibunt. Apoc. 18. *In illa die venient plaga eius mors, luctus, fames, &c.*

Id ipsum

Idipsum quoque affirmant SS. Patres : vt S. Basil. in Psalmi. 33. ubi dicit in inferno post iudicium ultimum fore *vermium innumerabilium genus venenosum ac carniuorum* ; *esitans quidem semper, nec tamen se exsatians, intolerabiles dolores morsibus insigens*. S. Cyrilus cit. orat. de exitu animæ : *illis, in inferno scilicet, inhumani ergastuli, tenebricosus carcer, insolubilia vincula: vi nulla refringenda catena, feri & intractabiles ministri, graues illa quæ ad supplicium adhibentur, scutica, firmi virgues & infracti, pradura flagella, pice nebulosa, & strepitans sulphur graueolens, atra cubilia, pyra semper ardens, fœdus & olens vermis, &c.* Sanctus August. Epist. 211. ad Iulianum, *Va ijs, quibus preparatur dolor vermium, ardor flamma, sitis inextinguibilis, fletus ac stridor dentium, oculorum lacryma, tenebræ exteriores, &c.*

Quare eundem S. Patrem audiamus ser. 81. de temp. in Vigil. Pentecost. cap. 18. sic concludentem : *Hæc recordare, & ignem illum gehennæ his quæ te nunc exagitant, flammis libidinis & cupiditatis oppone: ignis hic, qui in præsentibus vitæ, absurnit cuncta quæ recipit; ille verò quos susceperit, semper integros seruat: propterea enim & inextinguibilis dicitur, non solum quia ipse non extinguitur; sed quia nec eos quos susceperit, extinguet, aut perimet.*

C A P V T T E R T I V M.

De Legibus.

QUONIAM, vt dictum est capite præcedenti, peccatum nihil aliud est, quàm legis transgressio, ideo ad perfectam ipsius peccati notitiam requiritur etiam cognitio legis, vnde dixit Apostolus Roman. 3. *Per legem cognitio peccati.*

S E C T I O I.

Quid nomine legis intelligatur, & quadruplex sit lex.

LE G E M à ligando dictam esse docet S. Thomas 1. 2. qu. 90. art. 1. quod ad sui obseruationem legislatoris subditos liget. Et idem vero lib. 5. Ethymol. c. 3. a legendo derivatum esse arbitrat, quod lex scribi, & publicè proponi soleat, vt ab omnibus legatur. Verùm quicquid sit de ethymologia, legis nomen latè, &

impropriè sumptum, regulam quamcunque siue normam agendorum significat: quo sensu Grammaticæ aliarumque artium regulæ leges vocantur: & tyranni leges, quamuis iniustas ferre dicuntur, iuxta illud Isa. 10. *Va qui condunt leges iniquas*. Si vero propriè & strictè sumatur, secundum mentem S. Doctoris q. 98. a. 1. nihil est aliud quàm recta regula seu mensura humanorum actuum, secundum quam vel ad benè agendum dirigimur, vel à malè agendo tetrahimur.

Lex autem eo sensu intellecta diuiditur à S. Doctore q. 91. art. 1. & sequent. in legem æternam, naturalem, & positiuam: & hæc lex positua subdiuiditur in legem positiuam diuinam, & legem positiuam humanam: quæ quidem lex positua humana rursus duplex est, Ecclesiastica scilicet, & Ciuilis: sicut etiam lex positua diuina alia est vetus, seu Mosæica; alia noua, quæ lex Euangelica seu Christi vocatur, quoniam ab illo tanquam supremo legislatore in Euangelio lata est & promulgata. De lege æterna & naturali agendum nobis est in hac sectione; de positua verò tum diuina, tum humana, in sequentibus.

Lex æterna, vt docet S. Thom. quæst. 91. art. 1. nihil est aliud quàm ratio diuinæ sapientiæ, quatenus omnium actionum & motuum directiua est: sicut enim in quolibet artifice præexistit ratio eorum quæ per artem fiunt: ita etiam in quolibet gubernante præexistere debet ratio directiua eorum, quæ ab ijs qui eius gubernationi subduntur, agenda vel omittenda sunt: Deus autem, sicut per suam sapientiam rerum omnium conditor est, sic est etiam gubernator: vnde sapientia illa in quantum per eam cuncta creata sunt, rationem habet exemplaris & Idææ; in quantum vero per eandem cuncta diriguntur in finem debitum, legis æternæ rationem obtinet.

2. Cum vero hæc æterna lex creaturas quasque secundum modum illis conuenientem dirigat, idcirco aliter ratione carentibus, aliter ratione præditis intimatur & proponitur: illis quidem per executionem, & vt ita loquamur, per impressionem ordinis ipsius qui ab æterna lege dimanat; istis vero per quandam velut irradiationem diuinæ sapientiæ, quæ mentem rationalem illustrat, & in operationibus suis dirigit, iuxta illud Psal. 4. *Signatum est super nos lumen vultus tui Domine*: vnde Sanctus Augustinus dicit lib. 1. de lib. arb. cap. 6. *Notionem legis æternæ quibusque hominibus impressam*.

Quanta autem sit vis & potestas illius æternæ legis, vel hinc patet, quod omnes & quæcunque creaturæ, nulla prorsus excepta, illi omnimodè subdantur: & de illis quidem quæ ratione carent, coultat ex Psalm. 148. *Ignis, grando, nix, glacies, &c. quæ faciunt verbum*

bum eius, Pſal. 118 Ordinatione tua perſeuerat dies, quoniam omnia ſeruiunt tibi. De creaturis autem ratione præditis ſimiliter conſtat: vel enim ſecundùm rectam rationem agunt, & tunc æternæ legis ductum ſequuntur: vel à recta ratione aberrant, & tunc *quantum deficiunt à lege æterna ex parte actionis*, vt loquitur S. Thomas q. 9. art. 1. *tantum ſuppletur ex parte paſſionis: prout ſcilicet in tantum patiuntur quod lex æterna dicat de eis, in quantum deficiunt facere quod ipſi legi æterna cõuenit.* Quo ſenſu rectè dixit S. Aug. hb. 1. conf. c. 12. *Iuſſiſti Domine, & ſic eſt, vt pœna ſua ſibi ſit omnis animus inordinatus.*

3 Lex naturalis, vt docet idem S. Thomas quæſt. 91. art. 2. eſt ipſummet naturale iudicium ſeu rationis dictamen, quo per lumen nobis à Deo, tanquam authore naturæ inditum, & ab æterna eius lege deriuatum, cognoscimus ea eſſe facienda quæ recta & iuſta ſunt; & è contrà vitanda eſſe ea, quæ à iuſtitia & rectitudine deſlectunt.

Ad pleniorẽ verò huius legis naturalis notitiã obſeruandum primò, naturale illud iudicium rationem legis habere, non prout à nobis eſt, ſed quatenùs eſt in nobis ex diuinæ legis impreſſione: vnde patet ratio, cur eiufmodi lex naturalis à Regio Pſalte vocetur, Pſal. 4. *lumen diuini vultus*, id eſt diuinæ ſapientiæ *ſignatum ſuper nos*, quia ſcilicet vim omnem ſuam & lucem ab ipſis diuinæ ſapientiæ, ſeu legis æternæ veluti radijs accepit.

Obſeruandum ſecundò, legem naturalem (vt docet S. Thomas quæſt. 94. art. 4.) vnã & eandem eſſe apud omnes homines quoad prima & generalia principia, tam ſecundùm notitiã, quàm ſecundùm rectitudinem: id eſt omnes homines eo ipſo quod ratione præditi ſunt, generalia illa legis naturalis principia cognoscere, & tanquam iuſta & recta approbare: v.g. bonum eſſe faciendum; malum fugiendum; rationi obtemperandum, &c. Quoad concluſiones vero quæ ex illis deducuntur, ſæpè contingit multos à recta ratione deficere, propter prauam peccandi conſuetudinem, & inde exortam intellectus obſcurationem; & ſic ab ipſa lege naturali aberrare: vnde videmus apud multas gentes olim idololatriam, & alia flagitia legi naturali contraria, approbata tamen & vſu recepta fuiſſe, de quibus loquens Apoſtolus dicit Rom. 1. quod *Obſcuratum eſt inſipiens cor eorum, & mutauerunt gloriã incorruptibilis Dei, in ſimilitudinẽ imaginis corruptibilis hominis, & volucrum, & ſerpentium, &c.*

4 Obſeruandum tertio legem naturalem omnes homines obligare ab eo tempore quo rationis vſum accipiunt, & per illam inter bonum & malum diſcernere incipiunt: hic enim rationis vſus eſt veluti ipſius legis naturalis notificatio: & eo ſenſu intelligenda ſunt hæc Apo-

Apostoli verba Rom. 7. *Ego autem vinebam sine lege aliquando sed cum venisset mandatum, peccatum reuixit*: Ita enim verba illa explicat S. Basilii in Psalm. 1. & S. Hieronymus Epist. ad Algasiam q. 8. ubi sic loquitur: *Cum mandatum venerit, hoc est tempus intelligentia appetentis bona, & vitantis mala, tunc peccatum reuiuiscere incipit, & homo reuuisse peccati.*

Obseruandum quartò legem naturalem ita omnes homines obligare, vt in illo nullo casu ab illius seruandæ obligatione possint eximi: atque in primis certum est, exemptionem illam humana auctoritate dari non posse, cum ipsa lex naturalis ab æterna Dei lege deriuetur, vimque suam omnem accipiat, vt suprà dictum est: vnde Lactantius lib. 6. de diuin. inst. c. 8. *Huic, inquit, legi (naturali scilicet) nec prouogari fas est, nec derogari ex hac aliquid licet, neque tota abrogari potest: nec verò aut per Senatum, aut per populum hac lege liberari possumus.*

§ Quod verò spectat ad auctoritatem diuinam, licet quidam Theologi existiment per illam posse in lege naturali dispensari, probabilior tamen est eorum sententia, qui asserunt id sapientiæ diuinæ omnino repugnare, proindeque fieri non posse. Ita S. Thomas q. 100. art. 8. & ratio est: quia lex naturalis nihil est aliud, vt docet S. Augustinus lib. 83. quæst. q. 53. quàm ipsius æternæ legis, atque adeo summa incommutabilis rationis ipsius diuinæ sapientiæ in mentibus hominum facta transcriptio: atqui Deus, vt ait Apostolus 2. Tim. 2. seipsum negare non potest.

Dices, Deum Exod. 12. Israelitis præcepisse, vt res aliquas ab Ægyptijs mutuo acceptas inuitis illis retinerent, ac secum auferrent; ac proinde in lege naturali quæ furtum prohibet, dispensasse.

Respondetur in illo casu, Deum nihil contra legem naturalem præcepisse; illa siquidem lex prohibet iniustam rei alienæ ablationem; res autem illæ ab Israelitis ablatæ, eo ipso quo id ab illis (Deo iubente) fiebat, non erant ampliùs alienæ, sed ipsorum: Deo scilicet, ratione supremi dominij quod non in omnes creaturas obtinet, proprietatem & possessionem rerum illarum in Israelitas transferente; sicque dicendum est Deum in præcepto legis naturalis non dispensasse, sed actionis illius quam imperauit, obiectum mutasse, & ea ratione licitam & honestam reddidisse.

SECTIO II.

*Quid sit lex humana, & circa quam materia
versari possit.*

LEX humana, secundum doctrinam S. Th. q. 90. art. 8. nihil est aliud quam quædam rationis ordinatio, ad commune bonum, ab eo qui communitati præest, promulgata, cum intentione obligandi.

Dicitur primo (Rationis ordinatio) quia lex positiua fertur per modum imperij: at imperare, vt docet idem S. Th. q. 17. a. 1. est actus rationis, præsupposito tamen actu voluntatis.

Dicitur secundò (ad commune bonum) quia ad rationem legis requiritur, vt non vni tantum aut alteri personæ; sed toti communitati imponatur: *Lex enim vt habetur distinct. 4. capite 4. Nullo priuato commodo; sed pro communi utilitate conscripta esse debet*: vnde, vt ait idem Sanctus Thom. qu. 90. art. 3. ad 3. Paterfamilias potest quidem præcepta vel statuta facere, non veto leges condere.

Dicitur tertio (legem humanam ferendam esse ab eo qui communitati præest) iuxta id quod dicit Apostolus Rom. 13. *Omnis anima potestatibus sublimioribus subdita sit: nõ enim est potestas nisi à Deo*: ex quibus verbis, sicut constat, subditos ad obedientiam Superioribus præstandam obligari, sic etiam ex iisdem rectè colligitur penes ipsius Superiores inesse ferendarum legum potestatem.

Dicitur quarto, legem humanam promulgari debere: *Tunc enim, vt dicitur in decret. cap. In istis distinct. 4. Leges instituuntur, cum promulgantur*: Quod confirmari potest ex capite *Ad hac extra de postulatione Prelatorum, & ex capite Cognoscentes, de Constitutionibus*. Cuius quidem conditionis rationem hanc affert Sanctus Doctor q. 90 art. 4. quia *Lex imponitur per modum regula & mensura: regula autem & mensura imponitur per hoc quod applicatur hisque regulantur & mensurantur: vnde ad hoc quod ea virtutem obligandi habeat, oportet quod applicetur hominibus qui secundum eam regulari debent: talis autem applicatio fit per hoc quod in notitiam eorum deducitur ex ipsa promulgatione*.

Dicitur quinto (legem ferendam esse cum intentione obligandi) Atque in primis quod communitates Superiores potestatem habeant sibi subditos obligandi, constat tum ex antè dictis, tum ex Concilio Constant. sess. vlt. in qua opinio cõtraria quæ fuit Vviclefi & Ioannis Hus, tanquam hæretica damnata est. Quod vero etiam requiratur ex parte Legislatoris intentio obligandi, inde inferitur, quòd si lex

non

non obligaret, lex dici non posset, sed potius consilium: lex enim à ligando dicta est, vt docet S. Thomas art. 1. & in eo præsertim à consilio differt, quod consilium liberam relinquit potestatem faciendi id quod consulitur, lex verò ad id quod per illam præscribitur, exequendum obliget: vnde S. Hieronymus lib. 1. cont. Iovin. *Res, inquit, qua consulitur est in arbitrio offerentis, res qua præcipitur, in necessitate seruientis.*

Addit S. Thomas q. 95. a. 3. ex Isid. lib. 5. ethymol. c. 21. alias quasdam legis humanæ conditiones, scilicet vt sit iusta, honesta, possibilis, loco & tempori conueniens, pro communitatis vtilitate scripta &c. quæ ex infra dicendis plenius intelliguntur.

Quod spectat ad materiam ipsius legis, certum est in primis, humanam legem nullum præcipere actum, qui sit lege naturali vel positua diuina prohibitus, nullum item posse prohibere, qui sit hac vel illa præceptus: lex enim humana legi naturali contradicere non debet, nec præualere potest, cum ipsa lex naturalis sit indispenfabilis, vt ex antè dictis constat; & multò minùs legi diuinæ; quia sicut Princeps Apostolorum edixit Actor. 5. *Obedire oportet Deo magis quam hominibus*: vnde S. Augustinus dicit lib. 1. de lib. arbitrio c. 6. *in ista temporalis lege nihil esse iustum atque legitimum, quod non ex hac aterna lege sibi homines deriuarint.*

Certum est deinde, lege humana prohiberi posse actum externum quemcumque, lege diuina vel naturali minimè præceptum: posse item præcipi actum externum quemcumque hac vel illa lege minimè prohibitum, vnde Christus Dominus S. Matth. 23. *Omnia, inquit, quacumque dixerint vobis, seruate & facite*: quod tamen sic intelligi debet, dummodo prohibitio illa vel præceptio sit honesta, iusta, possibilis, bono communi utilis, aliasque habeat conditiones suprarelatas: potestas enim legislatiua hominibus à Deo concessa est 2. Cor. 10. *Ad aedificationem, non verò ad destructionem.*

4 Cum hæc duo certa sint: vnum est, de quo apud Theologos controuertitur: an scilicet lex humana possit quoque actus internos præcipere vel prohibere Quidam Doctores id simpliciter affirmant, alij probabilius eum S. Thoma quæst. 91. art. 4. negant, asseruntque nulla humana lege, etiam Ecclesiastica, prohiberi posse vel præcipi actus purè internos, nisi quatenùs exterioribus quibusdā actibus præceptis, vel prohibitis necessariò coniungantur. Ratio est, quia (vt ibidem dicit S. Doctor) *De his potest homo legem facere, de quibus potest iudicare: iudicium autem hominis esse non potest de interioribus moribus qui latent, sed solum de exterioribus actibus qui apparent*: vnde Innocentius III. cap. 33. de simonia versùs finem, *Nobis, inquit, datum est de manifestis tantummodo iudicare.*

Dixi-

Diximus actus internos lege humana præcipi aut prohiberi non posse, nisi quatenus exterioribus actibus necessario coniunguntur; ita ut siue illis, humana lex moraliter loquendo impleri non possit; tunc enim actus illi interni simul cum externis præcepti vel prohibiti esse censentur: e.g. Ecclesiastica lex de officij diuini recitatione à Clericis beneficiatis, aut in maioribus Ordinibus constitutis facienda, non tantum præcipit externam ipsius officij recitationem ore tenus factam, sed etiam internam mentis attentionem, ut habetur cap. *Dolentes*, extra de celebr. Missarum, in quo Innocentius III. præcipit ut officium diuinum *studioso & deuote à Clericis persoluantur*; quia si attentio illa desit ex deliberata recitantis voluntate, oratio vocalis quæ lege illa præcipitur, iam non erit oratio; & sic lex non implebitur.

Quod si actus internus non sit absolute necessarius ad hoc ut lex seruetur, sed tantum ut perfectius & melius seruetur, tunc sub legem cadere non censetur: unde S. Thomas quæst. 100. art. 9. dicit modum præcepti non cadere sub præcepto, e.g. quod quis ieiunet in quauagesima ex motiuo temperantiæ; quod Missam diebus festis audiat ex motiuo religionis vel obedienciæ: quocumque enim ex motiuo humana lex impleatur, dummodò motiuum illud sit honestum & bonum, lex ipsa sufficienter impleri censetur.

Porro circa materiam legis humanæ obseruandum est, illam posse pro varijs hominum temporumque conditionibus subinde mutari, unde S. Augustinus lib. 1. de lib. arbit. cap. 6. *Lex temporalis*, inquit, *quamuis iusta sit, commutari tamen per tempora iuste potest*; & Innoc. III. in Concil. Lateran. (ut refertur cap. *Non debet*, extra de consanguinit. & affinit., *non debet reprehensibilis iudicari, si secundum veritatem temporum, si tuta quoque variantur humana, præsertim cum urgens necessitas, vel euidens utilitas id exposcit.*

SECTIO III.

Utrum lex humana in conscientia obliget.

PROPOSITA quæstio tam de lege ciuili, quam de canonica seu Ecclesiastica intelligi debet, & quamuis quidam Theologi inter utramque illam legem, distinguendum esse existiment; communis tamen & verior sententia est, quæ vniuersim affirmat legem humanam, siue canonicam, siue ciuilem, in conscientia obligare: Ita ut huic vel illi legi repugnando, peccati etiam mortalis reatus incurri possit. Ita S. Thom. qu. 96. art. 4. Et de lege quidem ciuili probatur ex Apostolo Rom. 13.

Vbi loquens de Regibus, Ducibus, & alijs Superioribus laicis : *qui resistit potestati Dei ordinationi resistit : qui autem resistunt , ipsi sibi damnationem acquirunt .* & aliquibus interiectis concludit: *Ideo subdit estote, non solum propter iram, sed etiam propter conscientiam.* In quem locum S. Ambros. Recte, inquit, Apostolus dicit subiectos esse debere, non solum propter iram, id est ultionem presentem : parit enim ira vindictam, sed & propter futurum iudicium, ubi accusante conscientia ipsa punietur.

Quod si Superioribus Laicis etiam infidelibus, cū iusta decernunt, obediendum est, iuxta id quod docet Apostolus, longè potiori iure de Superioribus Ecclesiasticis idem dici debet : vnde etiam Christus Dominus S. Matth. 23. de illis loquens: *Qua dixerint vobis, inquit, servate & facite: & Apostolus Hebr. 13. Obedite, inquit Prepositis vestris, & subiaceat eis, &c.*

Est autem hic obseruanda doctrina S. Thomæ cit. art. 4. vbi dicit leges humanas vim illam obligandi in foro conscientie habere, non a se, sed à lege æterna à qua deriuantur : vnde infert eatenus eas obligare, quatenus ipsi legi æternæ conformes sunt ; quod quidem ex triplici capite dignoscendum esse docet, Primò, ex fine ipsarum legum, quando scilicet ad bonum commune ordinantur . Secundò, ex illarum autore, quando Legislatoris potestatem non excedunt . Tertiò, ex earumdem forma, quando secundum iustam proportionem imponuntur subditis onera in ordine ad bonum commune : & his tribus conditionibus concurrentibus, dicit leges humanas obligare in foro conscientie : è contra vero, quando leges illæ iniustæ sunt : vt quando ad utilitatem communem minimè pertinent; aut quando ab eo feruntur, qui legitimam non habet auctoritatem : vel cum per illas onera multitudinis, proportionem debitam minimè seruata, dispensantur ; tales asserit non leges, sed violentias dici debere; nec proinde in foro conscientie obligare, nisi fortè propter vitandum scandalum vel turbationem aliquam; qua ratione quisque particularis iuri suo cedere debet. Si tamen leges illæ iniustæ essent, ac legi diuinæ contrariæ: tunc non modo in conscientia non obligarent ; sed nequidem illas obseruare villo modo liceret, vt per se fati manifestum est.

Cum igitur ex dictis constet legem humanam in foro conscientie obligare, quæritur 1. quasnam personas obliget ? Respondetur cum S. Doctore q. 93. art. 5. legem humanam eos omnes obligare, qui subduntur potestati, à qua lex illa dimanat. iuxta illud Apostoli Rom. 13. *Omnia anima potestatibus sublimioribus subdita sit :* ex quibus verbis retellitur error Begardorum & Beguinarum, qui asseriebant eos, qui perfectionem iustitiæ consecuti essent, humanæ obedientiæ non esse subiectos, nec ad obseruationem vllius legis Ecclesiasticæ.

aut

aut ciuilis obligari: quorum error demnatus est in Concilio Vienneſi, vt reſertur in Clementina *Ad noſtram*, de hæreticis, & in Concilio Trid. ſeſſ. 6. cap. 20.

Neque hæreticis illis ſauet illud 1. ad Tim. 1. *Iuſto non eſt lex poſita*: ſenſus enim verborum illoruſt, vt recte obſeruat S. Th. 2. 5. ad 1. iuſtos non eſſe ſubiectos legi quoad vim coactiuam, cum ſponte illi ſubdantur, quamuis quoad vim directiuam, illi abſolute ſubditi ſint.

4 Quæritur 2. an Clerici legibus ciuilibus teneantur? Reſpondetur teneri, dummodo Eccleſiaſticis Canonibus vel officio Clericali non repugnēt, vt ſuſe docet Bellarminus lib. 1. de Cler. cap. 28. præbatque præſertim ex eo quod Clerici præterquam quod Clerici ſunt; ſunt etiam ciues & partes quædam Communitatis ac Reipublicæ: proindeque vt tales ciuilibus legibus ſubdi debent: vnde etiam vt ibidem obſeruat, in publicis precibus Clerici pro Regibus orantes dicunt ſe orare, *Pro Rege noſtro, &c.* quibus verbis ſe illius ſubditos eſſe profitentur.

Quæritur 3. vtrum pueri ante uſum rationis legibus teneantur? Communis & certa Theologorum ſententia eſt, non teneri, vt docent Paludanus, Sotus, Azorius, & alij apud Laymann. tract. 4. de Legib. cap. 10. eademque eſt ratio de perpetuo amentibus, vt ibidem dicitur: lex enim eſt præceptum rationale, cuius proinde capaces non ſunt qui ratione carent.

Quæritur 4. vtrum Legislator propria lege teneatur? Reſpondet Sanctus Thomas ſup. art. 5. ad 3: Legislatorem non obligari lege ſua quoad vim coactiuam; cum nullus propriè à ſeipſo cogatur: lex autem non habet vim coactiuam, niſi ex poteſtate Legislatoris: & eo ſenſu Princeps in iure ciuili dicitur ſolutus à lege, eo quod nullus in ipſum poſſit condemnationis ſententiam ferre, ſi contra legem agat: obligari tamen lege à ſe lata quoad vim directiuam: vnde S. Matth. 23. reprehenduntur à Chriſto Domino, *illi qui dicunt & non faciunt, & imponunt alijs onera grauiſſa & importabilia: digito autem ſuo nolunt ea mouere.* Quod tamen intelligi debet, vt rectè obſeruat Gammacheus ad quæſt. 96. c. 5. de legibus illis quæ nihil continent Legislatoris ſeu Principis dignitati contrarium aut repugnans: alioqui enim, ſi verſetur lex in tali materia, quæ ſit contra dignitatem Principis, certum eſt illū eiufmodi lege nullatenus obligari; e. g. ſi feratur lex, ne quis Palatium ingrediatur cum enſe: maſſellum eſt hanc legem non obſtringere Principem, cuius proprium eſt *gladium portare*, vt dicit Apoſtolus Rom. 13. quod ſimiliter etiam dici debet, ſi lege aliqua prohibeatur, nequis audeat venari ceruos in ſylua; nequis aurum vel ſericum in veſtibus habeat, &c. vt per ſepatet.

5 Quæritur 5. quandonam lex obligare incipiat. Reſpondetur
Pars II.
T cum

cum distinctione; vel enim quæstio est de obligatione generali, quam secum lex humana semper inuehit, eo ipso quo lex est, ut ex antè dictis constat, vel de obligatione particulari, qua subditus quisque ad illius legis obseruationem tenetur, ita ut si contra illam faciat, peccet. Si primum, dicendum est legem obligare incipere, cum sufficienter ac debite promulgata est; tunc autem sufficienter ac debite promulgata censetur secundum probabiliorem Theologorum sententiam; cum in ipsius Principis Curia promulgata est, ut docent Syluester, Sotus, Nauarrus, Azor. Suarez & alij apud Laymann. tract. 4. de leg. cap. 2. quod tamen intelligendum est saluis Regnorum ac prouinciarum consuetudinibus seu iuribus aut privilegijs specialibus, quæ interdum requirunt non in vno solo, sed in multis & varijs locis legum promulgationem fieri, ut rectè monet Sotus lib. 1. de iust. & iur. quæst. 1. art. 4.

Si verò secundum, id est, si quæstio sit de obligatione cuiusque particularis ad legem seruandam: dicendum est, ad hoc requiri ut lex ad illius noticiam venerit aut venire potuerit, alioqui, quandiu talem legem latam esse inuincibiliter ignorauerit, ad illam seruandam minimè tenebitur, neque eam transgrediendo peccabit, ut docent Nauarrus, Sotus, Vasquez, & plures alij apud Laymann. supra: quod etiam declaratur in sext. cap. 1. de concess. præbend. ubi dicitur, quòd *Lex seu constitutio & mandatum nullos astringunt nisi postquam ad noticiam peruenerint eorumdem, aut nisi post tempus, infra quod ignorare minimè debuissent.*

Quæritur 6. an præter ipsius legis promulgationem, necessaria sit eiusdem acceptatio à subditis facta, ad hoc ut obligandi vim habeat. Duæ sunt super hac quæstione Theologorum sententiæ: quidam enim, ut Maior, Nauar. & alij apud Laymann. sup. cap. 3. affirmatiuam partem amplectuntur, asseruntque ad hoc, ut lex vim & robur suum habeat, requiri ut à maiori parte communis acceptetur, vel saltem ut non improbetur, vel repudietur. Alij contra negant legem à populi acceptatione pendere; sed vim & robur suum accipere a legitima autoritate Legislatoris. Ita Ioan. Medina, Valentia, Suarez, & alij apud Laymann. supra: quorum sententia probabilior videtur esse, & in praxi tenenda, & quamuis priori sententiæ tanquam probabili vellet quis adhærere, fateri nihilominus deberet; peccare subditos legem Principis iustam acceptare nolentes. eamque ausu temerario improbantem & abicentem, quando præsertim nulla ratione legitima ad id inducuntur: cum lex diuina obedientiam subditorum erga Principes aperte præscribat.

SECTIO IV.

Vnde nam dignosci possit, utrùm lex humana sub mortali culpa obliget.

TRIA sunt præcipua capita, ex quibus communiter Doctores inferunt, legem aliquam humanam sub mortali culpa obligare.

Primum petitur, vt docet Nauarrus cap. 21. Man. num. 50. ex ipsius legis verbis, quibus plerumque obligatio sub graui peccato disertè exprimitur, vtcùm aliquid præcipitur vel prohibetur, *sub interminatione diuini iudicij, vel maledictionis aeternæ, aut sub indignatione omnipotentis Dei*, alia ve simili formula. Obseruat tamen idem Nauarrus suprà, non omnia verba præceptiua, qualia sunt ista, *teneatur, obligetur, item præcipimus, mandamus, prohibemus, & similia* satis exprimere an lex obliget sub mortali: cùm interdum reperiantur adhibita in legibus illis quæ tantum sub veniali obligant, proindèque id dignoscendum esse, vel ex alijs verbis adiunctis, vel ex materia ipsius legis, vt mox dicetur.

Secundum petitur, vt docet Azorius tom. 1. lib. 5. cap. 6. qu. 5. ex grauitate pœnæ, quam lex comminatur & transgressoribus infligit; cuiusmodi est in legibus Ecclesiasticis, excommunicatio maior, degradatio, &c. in legibus item civilibus pœna capitis, aut perpetui carceris, vel publicationibus bonorum &c. Hæc siquidem pœnæ, cum iustè infligi non possint, nisi ob graue aliquod delictum, hinc sequitur, quotiescunque lex humana, quam iustam esse supponimus, eiusmodi pœnas comminatur, & transgressoribus infligit, transgressionem illius esse peccatum mortale.

Tertium desumitur, vt tradit idem Azorius suprà, ex qualitate materiæ, circa quam lex versatur; si enim materia legis grauis sit, censetur obligare sub peccato mortali: si leuis, sub veniali. Materia autem illa censetur esse grauis, non modo quæ per se & absolute spectata semper & in omni euentu talis est; sed etiam illa, quæ licet secundum se præcisè considerata leuis sit, ratione tamen circumstantiarum temporis, loci, &c. iudicio viri prudentis grauis esse censetur: quia scilicet in talibus circumstantijs plurimum conducit ad commune bonum: e. g. urgente fame & penuria publica, legis illius materia grauis esse censetur, qua vetitum foret, ne quis triticum in alienas Prouincias exportaret.

Cum igitur de his tribus conueniat inter Doctores, controversum est inter illos; utrùm sola Legis latoris intentio sufficiat ad hoc vt lex ab eo lata sub mortali obliget, quamuis eius materia leuis sit.

Omissis varijs Theologorum sententijs, probabilissimè loqui videntur ij, qui docent legem in materia leui non posse obligare ad mortale peccatum, quantumuis Legislator hoc intendat, intentionemque suam verbis disertis exprimat. Ita Dominicus Sotus lib. 1. de legē pœnali cap. 5. Bellarminus lib. 3. de membris Ecclesiæ cap. 11. & plures alij. Quorum præcipua ratio est, quod lex iniusta nullam inducat obligationem ex ea parte qua iniusta est: vnde sanctus Augustinus libro 1. de liber. arbit. cap. 5. *Lex illa, inquit, quæ iusta non fuerit, lex non sit.* Atqui lex illa in qua, licet eius materia leuis esset, Legislator intenderet obligare ad peccatum mortale; proindèque ad pœnam æternam, ex illa parte non esset iusta: sicut lex illa iusta non censeretur, quæ pœnam mortis temporalis ob leue aliquod delictum decerneret; ergo ad peccatum mortale non obligaret quantumuis Legislator obligare intenderet.

3 Quæres, an sicut lex in materia leui sub peccato mortali non obligat, licet Legislator obligare intendat: sic è contra in materia graui obliget sub mortali, quâuis Legislator intēdat solum obligare sub veniali. Nauarrus cap. 23. numero 49. Ioannes Medina cod. de ieiunio, quæstione 7. & quidam alij existimant obligare tunc solummodo sub veniali; quorum sententia quamuis probabilis sit; probabilior tamen & magis in praxi tuta est contraria, quæ asserit legem in materia graui obligare sub mortali peccato, quantumuis Legislator intēdat solum obligare sub veniali. Ita Driedo de libert. Christiana cap. 3. ad 1. Franciscus à Victoria relectione de potestate civili, numero 19. Bartholomæus Medina ad qu. 96. art. 4. & Bellarm. supra: vbi rectè obseruat in resp. ad 7. argumentum, ex intentione quidam Legislatoris pendere; an velit re ipsa imperare, & veram legem condere, an vero solum ostendere quid agendum sit sine alio imperio: sed si velit serio imperare, & veram legem condere, non esse in eius potestate impedire quin lex obliget ad mortale vel veniale, pro rei magnitudine vel paruitate.

Superfunt ad huc duæ circa præsentem materiam difficultates. Prima est, an lex humana sub peccato mortali obligans, obliget etiãzum periculo vitæ. Quidam Theologi absolutè negant: & alij longè probabilius distinctione vtendum esse existimant. Vel enim lex humana talis est, vt illius obseruatio bono communi tuendo sit necessaria, ita vt ex illius transgressione graue aliquod detrimentum in totam communitatem deriuetur: e. g. legem fert Episcopus tempore pestis grassantis, ne Sacerdotes ex locis peste infectis discedant, in quibus Pastoribus defunctis nulli alij aderunt, qui pereuntibus Sacramenta ministrant: Item Imperator in lege lata prohibet, ne milites in excubijs stationes suas deserant, ne scilicet ex desertione stationis strages & profligatio totius exercitus sequatur; in illis

illis enim casibus Sacerdotes ac milites etiam cum periculo vitæ obedire tenentur; cum bonum priuatum secundum rectam rationem bono communi postponi debeat.

Vel talis est illa lex, ut illius observatio solum particulare bonum respiciat, ut ieiunium, auditio Missæ, &c. tunc enim, quamuis lex illa sub mortali obliget, non tamen obligat cum vitæ aut etiam fanitatis amittendæ, vel gravis alicuius damni aut incommodi subeundi periculo: cum nullatunc suppetat ratio, cur Legislator cum tanto damno vel periculo ad legum suarum observationem obliget. Ita Sotus in 4. dist. 22. qu. 1. art. 4. Valentia disp. 7. de lege humana, Vasquez, Suarez, & alij apud Laymannum cap. 14. de legibus, qui tamen id limitat, dummodo nullus adsit legis vel Legislatoris contemptus, nullum item ex violatione legis immineat graue scâdalum: vnde S. Augustinus dicit, lib. de bono coniug. cap. 16. *Sanius esse fame mori, quam idolothytis vesci*, cum scandalo scilicet, vel religionis contemptu.

Secunda difficultas est, an sint aliquæ leges purè pœnales; id est, quæ ad solam pœnam obligent, & ex quarum transgressione nullus peccati reatus incurratur. Quidam Theologi affirmant, alij tamen probabilius negant, quorum plures citat & sequitur Bellarmius lib. 3. de memb. Eccl. cap. 11. dicitque implicare contradictionem; Legislatorem obligare ad pœnam, & non cum culpa & pœna sint correlatiua, nec illa lex iusta videatur, quæ pœnam aduersus infontes decerneret: vnde asserit regulas illas quorundam Religiosorum quæ ad solam pœnam obligant, non per modum legis obligare, sed per modum cuiusdam conventionis & pactis; Sanctus Doctor rectè obseruat 2. 2. quæst. 186. art. 9. ad 2. *Non omnia quæ in lege humana continentur, tradi per modum præcepti, sed quadam proponi per modum ordinationis cuiusdam obligantis ad solam pœnam*: quod in quibusdam legibus civilibus locum habere censet. Nauarrus cap. 23. num. 55. quando scilicet neque ex Legislatoris declaratione, neque ex qualitate pœnæ, neque ex detrimenti publici grauitate, dignosci clarè potest, an lex aliqua civilis pœnalis obliget sub culpa, tunc enim ut ibidem docet, quiuis poterit id in fauorabiliorem partem interpretari, ac sibi persuadere hanc non tam legem esse, quàm ordinationem quandam, quæ proinde ad nullam culpam obliget, sed pœnam tantum veluti conditionem quandam proponat, ut diligentius & fidelius obseruetur.

SECTIO V.

In quibus personis resident legum ferendarum potestas.

CVM leges humane duplicis sint generis, Ecclesiasticæ scilicet, & ciuiles: duplex etiam est Legislatrix potestas, Ecclesiastica nimirum, & ciuilis. De vtraque breuiter hic agendum est.

Ac in primis obseruandum est primam & præcipuam conditionem in Legislatore siue Ecclesiastico, siue laico requisitam, esse legitimam in foro exteriori iurisdictionem, id est legitimam auctoritatem ac potestatem publicam ad regimen & gubernationem communitalis alicuius. Hæc autem iurisdictio duplex est: alia ordinaria, quam quis ratione proprii muneris & officij obtinet, alia delegata, quam non ex munere vel officio, sed ex commissione & facultate sibi concessa exercet.

Rursùm alia est iurisdictione contentiosa, alia voluntaria: ad illam pertinet leges condere, prohibere, punire, causas seu lites tum ciuiles tum criminales dirimere, &c. quamobrem proprium tribunal postulat, quod contentiosum dicitur à partium contentione. Voluntaria autem iurisdictione versatur circa alios publicæ potestatis actus, quales sunt legitimare, dispensare, conferre beneficia, &c. Differunt vero inter se, quod illa etiam in inuitos exerceri possit: hæc non nisi inuolentes, vnde etiam nomen accepit: Deinde quod iurisdictione contentiosa extra proprium territorium non extendatur: vt enim dicitur cap. 2. de constitut. 5. *Extra territorium ius dicenti impune non patetur*: ex quo fit, vt nec synodales constitutiones, nec aliæ leges alicuius diocesis particulares extra illius territorium obligent, nec diocesani, quando illinc absunt, ad earum obseruationem, v.g. ad celebrationem Festorum illius diocesis particularium teneantur: sicut è contra peregrini & aduenæ, dum in illa diocesi commorantur, vel per illam iter faciunt, leges illius & consuetudines particulares seruare tenentur. Voluntaria autem iurisdictione extra proprium territorium validè & plerumque licite possit: quando scilicet nulla inde oritur cuiusdam offenso, nullumve scandalum. Ita Suarez, Nauarrus, Syluester, & alij plures apud Laymann. tract. 4. de legib. cap. 5. & 11.

Obseruandum 2. hanc vtramque potestatem legislatiuam inter se differre ratione originis: Ecclesiastica enim potestas immediatè à Deo instituta est; ciuilis vero quamuis à Deo sit, *Non enim est potestas, nisi à Deo*, inquit Apostolus Rom. 13. non tamen est immediatè ex institutione illius, sed ex ipsorum hominum institutione: ratio enim

enim naturalis ipsis hominibus diuinitus indita, sicut homines ad vitæ societatem adigit, sic etiam dictat societatem humanam diu consistere non posse, nisi publica aliqua potestate gubernetur iuxta illud Sapientis; *Vbi non est gubernator, populus corrumpet.* Vnde prouidentie diuinæ suauiter moderamine factum est, ut homines ubique terrarum aliquam regiminis formam inter se constituerent; & alij quidem communio consilio seipsum regerent; alij vero penes aliquos Optimates, vel penes vnum Principem, seu Regem aut Imperatorem, auctoritatem omnem ac iurisdictionem transferrent: vnde Rerum publicarum Regnorumque ac Imperiorum variæ formæ exortæ sunt, factumque est ut ad regimen communitatis, alij Democratiam, alij Aristocratiam, alij vero Monarchiam amplecterentur: quæ quidem Monarchia, ut id obiter dicamus, hoc præ cæteris habet, quod proximè ad totius mundi summo moderatore Deo, regimen accedat, primamque illam & æternam diuini imperij formam perfectius imitetur.

Differt præterea hæc vtraque potestas ratione obiecti: potestas enim Ecclesiastica per se ac directè versatur circa res spirituales ad cultum diuinum & salutem animarum pertinentes; potestas verò civilis per se ac directè temporalem solum commoditatem ac pacem spectat, ut colligitur ex 1. ad Timoth. 2. vbi Apostolus orare iubet *Pro Regibus, & omnibus qui in sublimitate sunt; ut quietam & tranquillam vitam agamus.*

His prænotatis, videndum est in quibus personis resideat potestas ferendarum legum, præsertim Ecclesiasticarum, quæ nostrum institutum magis spectant: quod in sequentibus paragraphis inuestigabimus.

§. I.

De Romano Pontifice.

DICENDVM I. inter Legislatores Ecclesiasticos Romanum Pontificem, tanquam, S. Petri successorem, ipsiusque Christi Domini Vicarium ac summum totius Ecclesiæ Pastorem, primum ac præcipuum locum tenere.

Probatur primò ex Scriptura: S. Matt. 16. vbi Christus Dominus S. Petrum alloquens, *Tu es Petrus, inquit, & super hanc petram ædificabo Ecclesiam meam,* & S. Ioannis 21. eidem dicit: *Pasce agnos meos: pasce oues meas;* quæ verba expendens Sanct. Bernar. lib. 1. de consid. *Non modò, inquit, ouium, sed & Pastorum tu vnus omnium Pastor: vnde id probem, quæris; ex verbo Domini: cui enim non dico Episcoporum sed Apostolorum, sic absolute & indiscretè*

tot a commissa sunt oues, si me amas; Petre, pascere oues meas; quas Petri illius vel illius populos ciuitatis, aut regionis, aut certe regni? oues meas, inquit, Cui non planum, non designasse aliquas, sed assignasse omnes? nihil excipitur, ubi distinguitur nihil.

Probatur 2. ex Cōcilio Chalced. act. 2. & 3. ubi passim S. Leo Papa vocatur *Vniuersalis Ecclesia Pontifex*; & in Synodo 7. generali, act. 2. in Epist. Adriani ibidem lecta & recepta dicitur, *Romanam sedem per totum terrarum orbem primatum obtinere, omniumque Ecclesiarum Dei caput existere.*

Probatur 3. ex S. Ambrosio in cap. 3. 1. ad Timoth. *Cum totus* (inquit) *mundus Dei sit, tamen domus eius Ecclesia dicitur, cuius hodie rector Damasus*; & ex S. Hieron. Epist. ad eundem Damasum: Ego, inquit, *nullum primum nisi Christum sequens, Beatitudini tuae, id est cathedrae Petri consocior; super illam petram aedificatam Ecclesiam scio, &c. quicumque tecum non colligit, dispergit, & Sanct. Prospero carmine de ingratis, Sedes Roma Petri, quae pastoralis honoris facta caput mundo, &c.*

2. Dicendum 2. in materia fidei alijsque rebus, quae ad mores & disciplinam Ecclesiasticam pertinent, Romanum Pontificem esse summum legislatorem, & iudicem.

Haec veritas, quae indubitanter ab omnibus tenenda est, euidentius ac melius demonstrari non potest, quam ex continua praxi totius Ecclesiae: in quid constanter & religiosè seruatum est, ut quoties oriretur controuersia aliqua vel difficultas in materia fidei, aut in rebus ad mores & disciplinam Ecclesiasticam spectantibus, toties Apostolica Sedes consuleretur: cuius rei fidem faciunt innumera propè responsa, statuta, decreta Romanorum Pontificum: ex quibus totum fermè iuris Canonici corpus conflatum est. Vnde summa cum ratione Innocentius Papa in Epist. ad Patres Concilij Carthag. quae inter Augustinianas numeratur 4. dicit: *Non humana, sed diuina decretum esse sententia; ut quidquid de disunctis remotisque prouincijs ageretur, non prius (alijs Episcopi & Ecclesiae Praefules) ducerent esse finiendum, quam ad Romanae sedis notitiam perueniret, cuius auctoritate, iussu qua fuerit pronuntiatio, firmaretur*; & Epist. 93. ad Patres Concilij Mileuitani, *Diligenter, inquit, & congrue Apostolico consulitis honori: honori, inquam, illius, quem praeter illa quae sunt extrinsecus, sollicitudo manet omnium Ecclesiarum, super anxjs rebus quae sit tenenda sententia, antiqua scilicet regula formam secuti, quam toto semper orbe mecum nostis esse seruatum &c. scientes quod per omnes prouincias de Apostolico fonte petentibus responsa semper emanent, praesertim quoties fidei ratio ventilatur.* Quod etiam optimè explicauit S. Bernardus Epist. 90. ad Innocentium II. ubi sic Pontificem alloquitur: *Opert et ad vestrum referri*

refertur Apostolatum pericula quæque & scandala emergentia in re-
gno Dei, & præsertim quæ de fide contingunt: dignum namque
arbitroribi potissimum resarciri damna fidei, ubi non possit fides
sentire defectum: hac quippe est huius prerogativa sedis: cui
enim alteri aliquando dictum est, ego pro te rogaui, ut non defi-
ciat fides tua? Quare merito unusquisque fidelium S. Petri Chry-
sologi monitum in Epist. ad Eutychem auscultare, illudque animo
inscribere deberet: *Mortamur te, inquit, frater, ut his, quæ à beatif-
simo Papa Romana ciuitatis scripta sunt, obedienter attendas, quo-
niam beatus Petrus, qui in propria sede uiuit, præstat querentibus
fidei veritatem.*

S. I I.

De Concilijs.

CONCILIA quæ in Ecclesia celebrari solent, alia sunt
Oecumenica seu generalia, quæ summi Pontificis autori-
tate, conuocatis ex orbe vniuerso Episcopis congregata sunt; Alia
non Oecumenica seu particularia, quæ inferiorum Prælatorum au-
thoritate, ex aliqua prouincia particulari, vel natione conuocantur.
De vtrisque breuiter hic agendum est: Atque in primis quod spe-
ctat ad Concilia generalia,

Dicendum 1. Concilia generalia plenissimam habere potestatem
condendi leges pro totius Ecclesiæ regimine, ad earumque observa-
tionem omnes & quoscunque fideles obligandi. Hæc veritas in con-
fessio est apud omnes: cum generalia Concilia legitimè congregata
vniuersalem Ecclesiam repræsentent; Christusque Dominus expres-
sis verbis dixerit S. Matth. 18. vt, *Si quis Ecclesiam non audierit, sit
tanquam ethnicus & publicanus.* Sed difficultas est, quænam sint illa
Concilia generalia, quæ pro legitimis haberi debeant. Pro cuius re-
solutione,

Dicendum 2. Concilia generalia legitima illa esse, quæ Romani
Pontificis autoritate congregantur, & in quibus vel per se, vel per
legatos præsidet. Prior huius assertionis pars probatur ex antiquissi-
mo canone, in quo statuitur, *Præter sententiam Romani Pontificis
Concilia celebrari non posse*: quem Canonem Apostolicum esse te-
stat S. Marcellus Papa in Epist. ad Episcopos Antiochenæ prouin-
ciæ: illumque renouauit Concilium Nicænum 1. vt habetur in
Epist. Synodi Alexandriæ ad Fœlicem, & in Epist. Iulij 1. ad Episco-
pos orientales. Probatur item ex Concilio Chalced. act. 1. vbi Diof-
corus Patriarcha Alexandrinus prohibetur sedere inter Episcopos, eo
quod Synodum generalem conuocare ausus fuisset, sine autoritate

Apo-

Apostolicæ Sedis: Quod, vt ibi dicitur nunquam licuit, nunquam factum est. Et ex Concilio 7. generali act. 6. vbi reprobatur Concilium quoddam Constantinopolitanum, eo quod sine consensu Romani Pontificis ab Imperatore conuocatum fuisset.

3. Secunda pars assertionis, nimirum Concilia illa generalia solummodo pro legitimis habenda esse, in quibus summus Pontifex per se, vel per legatos præsidet, melius probari non potest, quàm inductione breuiter facta per antiquissima Concilia generalia (de recentioribus enim Concilijs id planum & euident est) in quibus Romanus Pontifex per se vel per legatos suos præsedisse refertur. In Concilio enim Apostolico, de quo mentio fit Act. 15. præsedit S. Petrus, vt docet & probat S. Hieronymus Epist. ad S. Augustin. quæ est inter Augustinianas 11. In Concilio Niceno 1. anno 327. Hosius Episcopus nomine Sancti Syluestri Romani Pontificis præfuit, vt patet ex illius subscriptione quæ omnium prælatorum etiam Patriarcharum qui Synodo interfuerunt, subscriptiones præcedit, ideoque & S. Athanasio Epist. ad solit. vit. agentes, princeps illius Concilij vocatur. In Concilio Ephesino anno 431. præsedit S. Cyrillus Alexand. nomine Cœlestini Romani Pontificis, testatur Euagrius lib. 1. hist. capite 4. & Sanct. Prosper in Chronico, & aperte constat ex Epist. ipsius Cœlestini ad præfatum Sanct. Cyrillum, in qua vices suas illi demandat. In Concilio etiam Chalcedonensi anno 451. Pascasinus & Lucensius Episcopi præfuerunt nomine Sancti Leonis Papæ, vt constat ex actis ipsius Synodi, præsertimque ex Epist. illius ad Sanct. Leonem, quæ habetur act. 3. vbi idem Sanct. Leo dicitur Episcopus ipsius Synodi tanquam membris caput præfuisse, in his qui eius tenebant ordinem.

4. Dicendum 3. sicut summi Pontificis est Concilia Generalia conuocare, ijsque præsidere, sic etiam ad Episcopos iure proprio & ordinario pertinere, vt in illis sedeant, non solum vt consiliarij, sed etiam tanquam legitimi iudices in rebus ad fidem & disciplinam Christianam spectantibus. Id aperte constat ex perpetua ipsius Ecclesiæ praxi, & ex actis Conciliorum generalium, in quibus Episcopi sententiam tanquam indices dixerunt, & illorum decretis subscripserunt.

Quamuis autem iure ordinario soli Episcopi in generalibus Concilijs tanquam iudices interesse possint, ex privilegio tamen & consuetudine id alijs etiam quibusdam personis Ecclesiasticis competere posse tradit Bellarm. lib. 1. de Conc. c. 15. vt Cardinalibus, &c.

Quod spectat ad alia Concilia, quæ vniuersalia non sunt, obseruandum est illa triplicis esse generis; alia siquidem sunt Næronalia, quæ conuocatis alicuius regni seu nationis Episcopis à Primatū vel Patriarcha indicuntur: alia Prouincialia, quæ ab

Ar-

Archiepiscopo conuocatis prouinciæ sibi subiectæ Episcopis : alijsque denique Diocesana , quæ Episcopi autoritate celebrantur .

Porro ad hoc vt Concilia eiusmodi particularia leges in proprijs territorijs obligantes condere possint, consensus vel approbatio summi Pontificis minimè requiritur , vt docet Laymannus Tract. 4. de leg. cap. 7. dummodo nihil in ijs contra vniuersales Ecclesiæ leges decernatur. Quod autem aliqui Doctores existiment statuta eiusmodi Conciliorum particularium , si à summo Pontifice approbentur & confirmentur, totius Ecclesiæ fideles obligare; id intelligendum est , si ab illo approbata sint & confirmata eo animo , vt ad eiusmodi statutorum obseruationem velit omnes vbique terrarum fideles obligare (quod ex verbis approbationis seu confirmationis dignosci potest) secus si approbatio illa, seu confirmatio ad maiorem tantum vim & stabilitatem eiusmodi statutorum à summo Pontifice concedatur , tunc enim extrà proprium territorium obligare minimè censentur .

§. III.

De Episcopis , alijsque Ecclesiæ Prælatiis .

CERTUM est in primis Episcopos ex diuina institutione in Ecclesia positos fuisse ad illius regimen & gubernationem , vt manifestè constat ex his Apostoli verbis Act. 20. *Posuit vos Spiritus Sanctus Episcopos regere Ecclesiam Dei* , proindeque legum ferendarum potestatem penes illos esse respectu sibi subditorum .

Certum est etiam ex eadem institutione diuina , Episcopos superiores esse Presbyteris : non solum quoad Ordinis dignitatem , vt in tractatu præcedenti dictum est capite 7. sed etiam quoad regiminis authoritatem , seu iurisdictionem . Id apertè colligitur ex Epist. ad Timoth. cap. 5. vbi Apostolus formam præscribit , sub qua Episcopus accusationem aduersus Presbyterum recipere debet : ex quo sequitur Episcopum esse Presbyteri iudicem , ac proinde superiorem : vnde in Concilio Neocæsariensi can. 13. dicitur Episcopos Apostolis , Presbyteros verò discipulis Christi in Ecclesiastica Hierarchia successisse : quod etiam docet S. Augustinus in Psal. 44. & in Conc. Trid. sess. 23. can. 7. anathema profertur in eum , qui dixerit Episcopos non esse Presbyteris superiores .

2 Certum est præterea vnumquemque Episcopum in propria tantummodo Diocesi , non vero in tota Ecclesia , authoritatem & iurisdictionem obtinere : vnde Concilium Constantinop. 1. can. 3. declarat , quod *Episcopi non inuitati ultra Diocesim accedere non debent* .
super

cum distinctione; vel enim quæstio est de obligatione generali, quam secum lex humana semper inuehit, eo ipso quo lex est, vt ex antè dictis constat, vel de obligatione particulari, qua subditus quisque ad illius legis obseruationem tenetur, ita vt si contra illam faciat, peccet. Si primum, dicendum est legem obligare incipere, cum sufficienter ac debitè promulgata est; tunc autem sufficienter ac debitè promulgata censetur secundum probabiliorem Theologorum sententiam; cum in ipsius Principis Curia promulgata est, vt docent Syluester, Sotus, Nauarrus, Azor. Suarez & alij apud Laymann. tract. 4. de leg. cap. 2. quod tamen intelligendum est saluis Regnorum ac prouinciarum consuetudinibus seu iuribus aut privilegijs specialibus, quæ interdum requirunt non in vno solo, sed in multis & varijs locis legum promulgationem fieri, vt rectè monet Sotus lib. 1. de iust. & iur. quæst. 1. art. 4.

Si verò secundum, id est, si quæstio sit de obligatione cuiusque particularis ad legem seruandam: dicendum est, ad hoc requiri vt lex ad illius notitiam venerit aut venire potuerit, alioqui, quandiu talem legem latam esse inuincibiliter ignorauerit, ad illam seruandam minimè tenebitur, neque eam transgrediendo peccabit, vt docent Nauarrus, Sotus, Vasquez, & plures alij apud Laymann. supra: quod etiam declaratur in sext. cap. 1. de concess. præbend. vbi dicitur, quod *Lex seu constitutio & mandatum nullos astringunt nisi postquam ad notitiam peruenierint eorundem, aut nisi post tempus, infra quod ignorare minimè debuissent.*

Quæritur 6. an præter ipsius legis promulgationem, necessaria sit eiusdem acceptatio à subditis facta, ad hoc vt obligandi vim habeat. Duæ sunt super hac quæstione Theologorum sententiæ: quidam enim, vt Maior, Nauar. & alij apud Laymann. sup. cap. 3. affirmatiuam partem amplectuntur, asseruntque ad hoc, vt lex vim & robur suum habeat, requiri vt à maiori parte communitatis acceptetur, vel saltem vt non improbetur, vel repudietur. Alij contra negant legem à populi acceptance pendere; sed vim & robur suum accipere a legitima autoritate Legislatoris. Ita Ioan. Medina, Valentia, Suarez, & alij apud Laymann. supra: quorum sententia probabilior videtur esse, & in praxi tenenda, & quamvis priori sententiæ tanquam probabili vellet quis adhærere, fateri nihilominus deberet; peccare subditos legem Principis iustam acceptare nolentes. eamque ausu temerario improbant & abicientes, quando præsertim nulla ratione legitima ad id inducuntur: cum lex diuina obedientiam subditorum erga Principes apertè præscribat.

SECTIO IV.

Vnde nunc dignosci possit, utrùm lex humana sub mortali culpa obliget.

TRIA sunt præcipua capita, ex quibus communiter Doctores inferunt, legem aliquam humanam sub mortali culpa obligare.

Primum petitur, vt docet Nauarrus cap. 21. Man. num. 50. ex ipsius legis verbis, quibus plerumque obligatio sub graui peccato deservit exprimitur, vtcùm aliquid præcipitur vel prohibetur, *sub interminatione diuini iudicij, vel maledictionis aeternae, aut sub indignatione omnipotentis Dei*, alia ve simili formula. Obseruat tamen idem Nauarrus supra, non omnia verba præceptiua, qualia sunt ista, *teneatur, obligetur, item præcipimus, mandamus, prohibemus*, & similia satis exprimere an lex obliget sub mortali: cùm interdum reperiantur adhibita in legibus illis quæ tantum sub veniali obligant, proindeque id dignoscendum esse, vel ex alijs verbis adiunctis, vel ex materia ipsius legis, vt mox dicitur.

Secundum petitur, vt docet Azorius tom. 1. lib. 5. cap. 6. qu. 5. ex gravitate pœnæ, quam lex comminatur & transgressoribus infligit; cuiusmodi est in legibus Ecclesiasticis, excommunicatio maior, degradatio, &c. in legibus item ciuilibus pœna capitis, aut perpetui carceris, vel publicationibus bonorum &c. Hæ siquidem pœnæ, cum iuste infligi non possint, nisi ob graue aliquod delictum, hinc sequitur, quotiescunque lex humana, quam iustam esse supponimus, eiusmodi pœnas comminatur, & transgressoribus infligit, transgressionem illius esse peccatum mortale.

Tertium desumitur, vt tradit idem Azorius supra, ex qualitate materiæ, circa quam lex versatur; si enim materia legis grauis sit, censetur obligare sub peccato mortali: si leuis, sub veniali. Materia autem illa censetur esse grauis, non modo quæ per se & absolute spectata semper & in omni euentu talis est; sed etiam illa, quæ licet secundum se præcisè considerata leuis sit, ratione tamen circumstantiarum temporis, loci, &c. iudicio viri prudentis grauis esse censetur: quia scilicet in talibus circumstantijs plurimum conducit ad commune bonum: e. g. urgente fame & penuria publica, legis illius materia grauis esse censetur, quæ vetitum foret, ne quis triticum in alienas Prouincias exportaret.

Cum igitur de his tribus conueniat inter Doctores, controuersum est inter illos, utrùm sola Legislatoris intentio sufficiat ad hoc, vt lex ab eolà sub mortali obliget, quamuis eius materia leuis sit.

Omissis varijs Theologorum sententijs, probabilissimè loqui videntur ij, qui docent legem in materia leui non posse obligare ad mortale peccatum, quantumuis Legislator hoc intendat, intentionemque suam verbis disertis exprimat. Ita Dominicus Sotus lib. 1. de legē pœnali cap. 5. Bellarminus lib. 3. de membris Ecclesiæ cap. 11. & plures alij. Quorum præcipua ratio est, quod lex iniusta nullam inducat obligationem ex ea parte qua iniusta est: vnde sanctus Augustinus libro 1. de liber. arbit. cap. 5. *Lex illa, inquit, quæ iusta non fuerit, lex non fit.* Atqui lex illa in qua, licet eius materia levis esset, Legislator intenderet obligare ad peccatum mortale; proindeque ad pœnam æternam, ex illa parte non esset iusta: sicut lex illa iusta non censeretur, quæ pœnam mortis temporalis ob leue aliquod delictum decerneret; ergo ad peccatum mortale non obligaret quantumuis Legislator obligare intenderet.

3 Quæres, an sicut lex in materia leui sub peccato mortali non obligat, licet Legislator obligare intendat: sic è contra in materia graui obliget sub mortali, quâuis Legislator intēdat solum obligare sub veniali. Nauarrus cap. 23. numero 49. Ioannes Medina cod. de ieiunio, quæstione 7. & quidam alij existimant obligare tunc solummodo sub veniali; quorum sententia quamuis probabilis sit; probabilior tamen & magis in praxi tuta est contraria, quæ asserit legem in materia graui obligare sub mortali peccato, quantumuis Legislator intēdat solum obligare sub veniali. Ita Driedo de libert. Christiana cap. 3. ad 1. Franciscus à Victoria relectione de potestate ciuili, numero 19. Bartholomæus Medina ad qu. 96. art. 4. & Bellarm. supra: vbi rectè obseruat in resp. ad 7. argumentum, ex intentione quidam Legislatoris pendere; an velit re ipsa imperare, & veram legem condere, an vero solum ostendere quid agendum sit sine alio imperio: sed si velit serio imperare, & veram legem condere, non esse in eius potestate impedire quin lex obliget ad mortale vel veniale, pro rei magnitudine vel paruitate.

Superfunt ad huc duæ circa præsentem materiam difficultates. Prima est, an lex humana sub peccato mortali obligans, obliget etiã tum periculo vitæ. Quidam Theologi absolutè negant: & alij longè probabilius distinctione vtendum esse existimant. Vel enim lex humana talis est, vt illius observatio bono communi tuendo sit necessaria, ita vt ex illius transgressione graue aliquod detrimentum in totam communitatem deriuetur: e. g. legem fert Episcopus tempore pestis grassantis, ne Sacerdotes ex locis peste infectis discedant, in quibus Pastoribus defunctis nulli alij aderunt, qui pereuntibus Sacramenta ministrant: Item Imperator in lege lata prohibet, ne milites in excubijs stationes suas deserant, ne scilicet ex desertione stationis strages & profligatio totius exercitus sequatur; in illis

illis enim casibus Sacerdotes ac milites etiam cum periculo vitæ obedire tenentur; cum bonum priuatum secundum rectam rationem bono communi postponi debeat.

Vel talis est illa lex, vt illius obseruatio solum particulare bonum respiciat, vt ieiunium, auditio Missæ, &c. tunc enim, quamuis lex illa sub mortali obliget, non tamen obligat cum vitæ aut etiam fanitatis amittendæ, vel grauis alicuius damni aut incommodi subeundi periculo: cum nullatunc suppetat ratio, cur Legislator cum tanto damno vel periculo ad legum suarum obseruationem obliget. Ita Sotus in 4. dist. 22. qu. 1. art. 4. Valentia disp. 7. de lege humana, Vasquez, Suarez, & alij apud Laymannum cap. 14. de legibus, qui tamen id limitat, dummodo nullus adsit legis vel Legislatoris contemptus, nullum item ex violatione legis immineat graue scâdalu: vnde S. Augustinus dicit, lib. de bono coniug. cap. 16. *Satiùs esse fame mori, quàm idolothytis vesci*, cum scandalo scilicet, vel religionis contemptu.

Secunda difficultas est, an sint aliquæ leges purè pœnales; id est, quæ ad solam pœnam obligent, & ex quarum transgressione nullus peccati reatus incurratur. Quidam Theologi affirmant, alij tamen probabilius negant, quorum plures citat & sequitur Bellarmius lib. 3. de memb. Eccl. cap. 11. dicitque implicare contradictionem; Legislatorem obligare ad pœnam, & non cum culpa & pœna sint correlatiua, nec illa lex iusta videatur, quæ pœnam aduersus infantes decerneret: vnde asserit regulas illas quorundam Religiosorum quæ ad solam pœnam obligant, non per modum legis obligare, sed per modum cuiusdam conuentionis & pactis Sanctus Doctor rectè obseruat 2. 2. quæst. 186. art. 9. ad 2. *Non omnia quæ in lege humana continentur, tradi per modum præcepti, sed quadam proponi per modum ordinationis cuiusdam obligantis ad solam pœnam*: quod in quibusdam legibus civilibus locum habere censet. Nauarrus cap. 23. num. 55. quando scilicet neque ex Legislatoris declaratione, neque ex qualitate pœnæ, neque ex detrimenti publici grauitate, dignosci clarè potest, an lex aliqua civilis pœnalis obliget sub culpa, tunc enim vt ibidem docet, quiuis poterit id in fauorabiliorem partem interpretari, ac sibi persuadere hanc non tam legem esse, quàm ordinationem quandam, quæ proinde ad nullam culpam obliget, sed pœnam tantum veluti conditionem quandam proponat, vt diligentius & fidelius obseruetur.

SECTIO V.

In quibus personis resident legum ferendarum potestas.

CVM leges humanæ duplicis sint generis, Ecclesiasticæ scilicet, & ciuiles: duplex etiam est Legislatrix potestas, Ecclesiastica nimirum, & ciuilis. De vtraque breuiter hic agendum est.

Ac in primis obseruandum est primam & præcipuam conditionem in Legislatore siue Ecclesiastico, siue laico requisitam, esse legitimam in foro exteriori iurisdictionem, id est legitimam auctoritatem ac potestatem publicam ad regimen & gubernationem communis alicuius. Hæc autem iurisdictio duplex est: alia ordinaria, quam quis ratione proprii muneris & officij obtinet, alia delegata, quam non ex munere vel officio, sed ex commissione & facultate sibi concessa exercet.

Rursùm alia est iurisdictione contentiosa, alia voluntaria: ad illam pertinet leges condere, prohibere, punire, causas seu lites tum ciuiles tum criminales dirimere, &c. quoniam proprium tribunal postulat, quod contentiosum dicitur à partium contentione. Voluntaria autem iurisdictione versatur circa alios publicæ potestatis actus, quales sunt legitimare, dispensare, conferre beneficia, &c. Differunt vero inter se, quod illa etiam in inuitos exerceri possit: hæc non nisi in volentes, vnde etiam nomen accepit: Deinde quod iurisdictione contentiosa extra proprium territorium non extendatur: vt enim dicitur cap. 2. de constitut. 5. *Extra territorium ius dicenti impune non paretur*: ex quo fit, vt nec synodales constitutiones, nec aliæ leges alicuius diocesis particulares extra illius territorium obligent, nec diocesani, quando illinc absunt, ad earum obseruationem, v.g. ad celebrationem Festorum illius diocesis particularium teneantur: sicut è contra peregrini & aduenæ, dum in illa diocesi commorantur, vel per illam iter faciunt, leges illius & consuetudines particulares seruare tenentur. Voluntaria autem iurisdictione extra proprium territorium validè & plerumque licite possit: quando scilicet nulla inde oritur cuiusdam offenso, nullumve scandalum. Ita Suarez, Nauarrus, Syluester, & alij plures apud Laymann. tract. 4. de legib. cap. 5. & 11.

Obseruandum 2. hanc vtramque potestatem legislatiuam inter se differre ratione originis: Ecclesiastica enim potestas immediatè à Deo instituta est; ciuilis vero quamuis à Deo sit, *Non enim est potestas, nisi à Deo*, inquit Apostolus Rom. 13. non tamen est immediatè ex institutione illius, sed ex ipsorum hominum institutione: ratio enim

enim naturalis ipsis hominibus diuinitus indita, sicut homines ad vitæ societatem adigit, sic etiam dictat societatem humanam diu constare non posse, nisi publica aliqua potestate gubernetur iuxta illud Sapientis; *Vbi non est gubernator, populus corruet.* Vnde prouidentie diuinæ suauiter moderamine factum est, ut homines ubique terrarum aliquam regiminis formam inter se constituerent; & alij quidem communio consilio seipso regerent; alij vero penes aliquos Optimates, vel penes vnum Principem, seu Regem aut Imperatorem, authoritatem omnem ac iurisdictionem transferrent: vnde Rerum publicarum Regnorumque ac Imperiorum variæ formæ exortæ sūt, factumque est ut ad regiminis communis, alij Democratiam, alij Aristocratiam, alij vero Monarchiam amplecterentur: quæ quidem Monarchia, ut id obiter dicamus, hoc præ cæteris habet, quod proximè ad totius mundi summo moderatore Deo, regimen accedat, primamque illam & æternam diuini imperij formam perfectiùs imitetur.

Differt præterea hæc vtraque potestas ratione obiecti: potestas enim Ecclesiastica per se ac directè versatur circa res spirituales ad cultum diuinum & salutem animarum pertinentes; potestas verò civilis per se ac directè temporalem solum commoditatem ac pacem spectat, ut colligitur ex 1. ad Timoth. 2. vbi Apostolus orare iubet *Pro Regibus, & omnibus qui in sublimitate sunt; ut quietam & tranquillam vitam agamus.*

His prænotatis, videndum est in quibus personis resideat potestas ferendarum legum, præsertim Ecclesiasticarum, quæ nostrum institutum magis spectant: quod in sequentibus paragraphis inuestigabimus.

§. I.

De Romano Pontifice.

DICENDVM I. inter Legislatores Ecclesiasticos Romanum Pontificem, tanquam, S. Petri successorem, ipsiusque Christi Domini Vicarium ac summum totius Ecclesiæ Pastorem primum ac præcipuum locum tenere.

Probatur primò ex Scriptura: S. Matt. 16. vbi Christus Dominus S. Petrum alloquens, *Tu es Petrus, inquit, & super hanc petram ædificabo Ecclesiam meam,* & S. Ioannis 21. eidem dicit: *Pasce agnos meos: pasce oves meas:* quæ verba expendens Sanct. Bernar. lib. 1. de consid. *Non modo, inquit, ouium, sed & Pastorum tu vnus omnium Pastor: unde id probem, quæris; ex verbo Domini: cui enim non dico Episcoporum sed Apostolorum, sic absolute & indiscrete*

tot a commissis sunt oues, si me amas; Petre, pascere oues meas; quas Petrus illius vel illius populos ciuitatis, aut regionis, aut certe regni? oues meas, inquit, Cui non planum, non designasse aliquas, sed assignasse omnes? nihil excipitur, ubi distinguitur nihil.

Probatur 2. ex Cōcilio Chalced. act. 2. & 3. ubi passim S. Leo Papa vocatur *Vniuersalis Ecclesia Pontifex*: & in Synodo 7. generali, act. 2. in Epist. Adriani ibidem lecta & recepta dicitur, *Romanam sedem* per totum terrarum orbem primatum obtinere, omniumque Ecclesiarum Dei caput existere.

Probatur 3. ex S. Ambrosio in cap. 3. 1. ad Timoth. Cum totus (inquit) mundus Dei sit, tamen domus eius Ecclesia dicitur, cuius hodie rector Damasus: & ex S. Hieron. Epist. ad eundem Damasum: Ego, inquit, nullum primum nisi Christum sequens, Beatitudini tuae, id est cathedra Petri consocior; super illam petram adificatam Ecclesiam scio, &c. quicumque tecum non colligit, dispergit, & Sanct. Prospero carmine de ingratis, *Sedes Roma Petri, quae pastoralis honoris facta caput mundo, &c.*

2. Dicendum 2. in materia fidei alijsque rebus, quae ad mores & disciplinam Ecclesiasticam pertinent, Romanum Pontificem esse summum legislatorem, & iudicem.

Haec veritas, quae indubitanter ab omnibus tenenda est, euidentius ac melius demonstrari non potest, quam ex continua praxi totius Ecclesiae: in quid constanter & religiosè seruatum est, ut quoties oriretur controuersia aliqua vel difficultas in materia fidei, aut in rebus ad mores & disciplinam Ecclesiasticam spectantibus, toties Apostolica Sedes consuleretur: cuius rei fidem faciunt innumera propè responsa, statuta, decreta Romanorum Pontificum: ex quibus totum fermè iuris Canonici corpus conflatum est. Vnde summa cum ratione Innocentius Papa in Epist. ad Patres Concilij Carthag. quae inter Augustinianas numeratur 4. dicit: *Non humana, sed diuina decretum esse sententia; ut quidquid de disunctis remotisque prouincijs ageretur, non prius (alij Episcopi & Ecclesiae Praefules) ducerent esse finiendum, quam ad Romanae sedis notitiam perueniret, cuius auctoritate, iuxta qua fuerit pronuntiatio, firmaretur; & Epist. 93. ad Patres Concilij Mileuitani, Diligenter, inquit, & congrue Apostolico consulitis honori: honori, inquam, illius, quem praeter illa quae sunt extrinsecus, sollicitudo manet omnium Ecclesiarum, super anxys rebus quae sit tenenda sententia, antiqua scilicet regula formam secuti, quam toto semper orbe mecum nostis esse seruata &c. scientes quod per omnes prouincias de Apostolico fonte petentibus responsa semper emanent, praesertim quoties fidei ratio ventilatur. Quod etiam optimè explicauit S. Bernardus Epist. 90. ad Innocentium II. ubi sic Pontificem alloquitur: *Oporet et ad vestrum referri**

refert Apostolatum pericula quæque & scandala emergentia in regno Dei, & præsertim quæ de fide contingunt: dignum namque arbitroribi potissimum resarciri damna fidei, ubi non possit fides sentire defectum: hac quippe est huius prerogativa sedis: cui enim alteri aliquando dictum est, ego pro te rogaui, ut non deficiat fides tua? Quare merito vnusquisque fidelium S. Petri Chrysologi monitum in Epist. ad Eutychem auscultare, illudque animo inscribere deberet: *Mortamur te, inquit, frater, ut his, quæ à beatissimo Papa Romana ciuitatis scripta sunt, obedienter attendas, quoniam beatus Petrus, qui in propria sede viuit, præstat quærentibus fidei veritatem.*

S. I I.

De Concilijs.

CONCILIA quæ in Ecclesia celebrari solent, alia sunt Oecumenica seu generalia, quæ summi Pontificis auctoritate, conuocatis ex orbe vniuerso Episcopis congregata sunt; Alia non Oecumenica seu particularia, quæ inferiorum Prælatorum auctoritate, ex aliqua prouincia particulari, vel natione conuocantur. De vtrisque breuiter hic agendum est: Atque in primis quod spectat ad Concilia generalia,

Dicendum 1. Concilia generalia plenissimam habere potestatem condendi leges pro totius Ecclesiæ regimine, ad earumque obseruationem omnes & quoscunque fideles obligandi. Hæc veritas in confesso est apud omnes: cum generalia Concilia legitimè congregata vniuersalem Ecclesiam representent; Christusque Dominus expressis verbis dixerit S. Matth. 18. vt, *Si quis Ecclesiam non audierit, sit tanquam ethnicus & publicanus.* Sed difficultas est, quænam sint illa Concilia generalia, quæ pro legitimis haberi debeant. Pro cuius resolutione,

Dicendum 2. Concilia generalia legitima illa esse, quæ Romani Pontificis auctoritate congregantur, & in quibus vel per se, vel per legatos præsidet. Prior huius assertionis pars probatur ex antiquissimo canone, in quo statuitur, *Præter sententiam Romani Pontificis Concilia celebrari non posse*: quem Canonem Apostolicum esse testatur S. Marcellus Papa in Epist. ad Episcopos Antiochenæ prouinciæ: illumque renouauit Concilium Nicænum 1. vt habetur in Epist. Synodi Alexandriæ ad Fœlicem, & in Epist. Iulij 1. ad Episcopos orientales. Probatum item ex Concilio Chalced. act. 1. vbi Dioscorus Patriarcha Alexandrinus prohibetur sedere inter Episcopos, eo quod Synodum generalem conuocare ausus fuisset, sine auctoritate

Apo-

Archiepiscopo conuocatis prouinciæ sibi subiectæ Episcopis : alia-
denique Diocesana, quæ Episcopi autoritate celebrantur.

Porro ad hoc vt Concilia eiusmodi particularia leges in proprijs
territorijs obligantes condere possint, consensus vel approbatio sum-
mi Pontificis minimè requiritur, vt docet Laymannus Tract. 4. de
leg. cap. 7. dummodo nihil in ijs contra vniuersales Ecclesiæ leges de-
cernatur. Quod autem aliqui Doctores existiment statuta eiusmodi
Conciliorum particularium, si à summo Pontifice approbentur &
confirmentur, totius Ecclesiæ fideles obligare; id intelligendum est,
si ab illo approbata sint & confirmata eo animo, vt ad eiusmodi sta-
tutorum obseruationem velit omnes vbique terrarum fideles obli-
gare (quod ex verbis approbationis seu confirmationis dignosci po-
test) secus si approbatio illa, seu confirmatio ad maiorem tantum-
vim & stabilitatem eiusmodi statutorum à summo Pontifice conce-
datur, tunc enim extrâ proprium territorium obligare minimè cen-
sentur.

§. III.

De Episcopis, alijsque Ecclesia Prælati.

CERTVM est in primis Episcopos ex diuina institutione
in Ecclesia positos fuisse ad illius regimen & gubernationem,
vt manifestè constat ex his Apostoli verbis Act. 20. *Posuit
vos Spiritus Sanctus Episcopos regere Ecclesiam Dei*, proindeque
legum ferendarum potestatem penes illos esse respectu sibi sub-
ditorum.

Certum est etiam ex eadem institutione diuina, Episcopos supe-
riores esse Presbyteris : non solum quoad Ordinis dignitatem, vt
in tractatu præcedenti dictum est capite 7. sed etiam quoad regimi-
nis autoritatem, seu iurisdictionem. Id apertè colligitur ex Epist.
ad Timoth. cap. 5. vbi Apostolus formam præscribit, sub qua Episco-
pus accusationem aduersus Presbyterum recipere debet : ex quo se-
quitur Episcopum esse Presbyteri iudicem, ac proinde superio-
rem : vnde in Concilio Neocæsariensi can. 13. dicitur Episcopos
Apostolis, Presbyteros verò discipulis Christi in Ecclesiastica Hie-
rarchia successisse : quod etiam docet S. Augustinus in Psal. 44. & in
Conc. Trid. sess. 23. can. 7. anathema profertur in eum, qui dixerit
Episcopos non esse Presbyteris superiores.

2 Certum est præterea vnumquemque Episcopum in propria tan-
tùmmodo Diocesi, non vero in tota Ecclesia, autoritatem & iurisdic-
tionem obtinere: vnde Concilium Constantinop. 1. can. 3. declarat,
quod *Episcopi non inuitati ultra Diocesim accedere non debent*
super

Super ordinandis aliquibus, vel disponendis Ecclesiasticis causis: quod etiam decretum est cap. Nullus Primas, 9. quæst. 7.

Certum est denique quod sicut autoritas & iurisdictio respectu subditorum Episcopo competit: sic etiam ipsi Episcopo à subditis honor & obedientia deferri debet, iuxta illud Apostoli Hebr. 13. *Obedite præpositis vestris, & subiaceo eis, &c.* Vnde Sanctus Ignatius Martyr, in Epistol. ad Trallianos, Episcopo, inquit, *subditi estote sicut Domino, & in Concilio Chalcedonenſi act. 15. can. 8. statutum, vt Clerici Basilicis, monasterijs, & alijs Ecclesijs adscripti, secundum sanctorum Patrum traditiones, sub Episcopi potestate permaneant, nec per consumaciam ab Episcopo suo desiliant: qui verò audens vertere eiusmodi formam, & quocunque modo, nec proprio subiunguntur Episcopo, Canonum correctionibus subincebunt.*

3 Quod spectat ad alios Ecclesiæ prælatos, breuiter dicimus, præter Romanum Pontificem, aliosque Episcopos, quasdam alias dignitates in Ecclesia reperiri ad maiorem ipsius tum utilitatem, tum decorem, ac in primis Sanctæ Romanæ Ecclesiæ Cardinales Summo Pontifici assistere, ipsumque in regenda Ecclesia vniuersa consilio & opera iuuare, de quibus plura videri possunt apud Bellarm. lib. 1. de Clericis cap. 16. Patriarchas item ac Primates Archiepiscopis seu Metropolitanis supereminere, & istos alijs Episcopis, itaut (sicut habetur capite *Si inter* 6. quæst. 4.) ab Episcoporum iudicio ad Archiepiscopos & Metropolitanos appellari possit, & ab istis ad Primates & Patriarchas, ac demum ad Roman. Pontificem, cuius iudicio controuersiam quamcunque ad res aut personas Ecclesiasticas spectantem dirimi ac definiri oportet.

Vbi tamen obseruandum est aduersus Episcopos propter eminentiam dignitatis in causis criminalibus grauioribus, nec sententiam ferri, nec etiam iuridicè inquiri aut procedi posse, absque Sedis Apostolicæ autoritate, vt in pluribus Canonibus sancitum habetur: ac nouissimè Concil. Trident. sess. 24. cap. 1.

SECTIO VI.

Quibus modis cessare possit obligatio seruanda legis humana.

1 **D**ICENDVM I. legis humanæ seruandæ obligationem cessare posse per abrogationem illius; ac proinde legem ipsam humanam, ob causas aliquas iustas & rationabiles, posse aliquando abrogari: *Nec enim* (vt loquitur Innocentius in Concilio Lateranenſi generali) & refertur cap. 8. de consang. & affinit. *debet reprehensibile iudicari, si secundum varietatem temporum status a quo-*
doque

doque varientur humana; præsertim cum urgens necessitas, vel euidentis utilitas id exposcit; quoniam ipse Deus ex his qua veteri testamento statuerat, nonnulla mutauit in nouo.

Dicendum 2. legem humanam abrogari posse tum illius desuetudine vel contraria consuetudine, vt sectione sequenti dicitur, tum etiam voluntate Principis qui legem tulit, aut Successoris, vel Superioris illius: certum est enim Principem qui legem tulit, posse illam reuocare & abrogare: eadem enim potestas, quæ ad legem ferendam requiritur, sufficit ad illam abrogandam, cum iuxta regulam iuris: *res omnis per quasunque causas nascitur, per easdem dissolui potest.*

Certum est etiam id ipsum ab eius successore posse fieri, cum tâta sit potestas successoris, quanta fuit illius qui legem tulit; sicut ergo potest hic legem à se latam reuocare, sic & ille poterit: & cum par in parem non habeat imperium, non potest huic ille validè præcipere ne legem à se latam reuocet. Certum est denique superiorem inferioris legem posse abrogare: sicut enim inferior subditur Superiori, sic eius potestas Superioris potestati subdita est: vnde per quâdam eminentiam potest quidquid inferior, qui sicut legem à se latam reuocare potest, sic etiam poterit eius Superior.

Dicendum 3. cessare quoque obligationem seruandæ legis, quando illius causa & ratio cessat. S. Doctor 1. quæst. 103. art. 4. quia, & vt habetur cap. *Cum cessante*, de appellationibus *cessante causa cessat effectus*; & sicut lex ab initio non subsisteret, si absque causa & ratione ob quam lata esset, ita desinente causa & ratione ob quam lata est, ipsa etiam esse, ac proinde obligare desinit: quod tamen intelligi debet in praxi, quando certum est & euidentis causam, eiusmodi legis cessare; aliàs, si aliqua dubitandi ratio subest, tutius est adire Superiorem, nihilque inconsulto illo contra legis tenorem attentare.

Quod si lex plures in se partes contineat, quæ ab inuicem disiungi possint, tunc vt rectè monet Suarez lib. 6. de leg. c. 9. quamuis cesset causa & ratio alicuius partis: potest tamen alterius ratio & causa perseuerare, sicque lex censebitur secundùm illam partem semper obligare: vt enim habetur in regulis iuris, *utile per inutile non vitiari.*

Dicendum 4. legis seruandæ obligationem cessare præterea per legitimam Superioris dispensationem. Ita S. Thomas varijs in locis: sed præsertim 2. 2. q. 88. a. 1. ad 2. vbi, quid sit dispensare explicat his verbis: *Cum dispensatur in lege humana, non fit vt legi humana non obediat, quod est contra legem naturæ, & mādātum diuinum: sed fit vt hoc, quod erat lex, nō sit lex in eo casu: respectu scilicet illius cū quo dispensatur: sicut enim ex causa rationabili potest Legislator*

aut

aut eius successor vel Superior legem renocare & abrogare, vt suprà dictum est, sicque omnes subditos ab obseruatione illius eximere, poterit à fortiori ex rationabili causa aliquem particularem sibi subditum ab illius seruandæ obligatione eximere, & sic cum illo super ea lege dispensare.

3 Quæres an dispensatio concessa sine causa iusta & rationabili valida sit & licita. Respondetur validam quidem esse, vt docent Innocentius, Nauar. & plures alij, quos citat & sequitur Sanchez lib. 8. de dispens. dis. 17. num. 27. sed tamen illicitam respectu tum Superioris dispensantis, tum subditi dispensationem illam postulantis & acceptantis, vt docet S. Thomas 1. 2. q. 97. art. 4. vnde Concilium Tridentinum sess. 24. c. 5. & sess. 15. c. 18. dicit dispensationes non nisi vrgenti & iusta ratione causa cognita, & summa cum maturitate concedendas esse.

Quale autem peccatum sit absque iusta causa dispensare non consentiunt inter se Doctores: quidam enim, vt Nauarrus prælud. 9. num. 14. & Sotus libro 1. de iustitia quæst. 7. articulo 3. arbitrantur Superiorem sine iusta causa in propria lege dispensantem peccare tantum venialiter: alij, vt Suarez lib. 6. de lib. cap. 17. & Valentia tom. 2. disp. 7. quæst. 5. punct. 6. asserunt peccare mortaliter: probabilius tamen loqui videntur illi, qui id ex qualitate legis ac dispensationis dijudicandum esse asserunt: si enim ex illa dispensatione scandalum aliquod, aut damnum temporale aut spirituale oriatur, tunc peccatum erit mortale: si verò nullum eiusmodi scandalum aut damnum subsit, erit tantum veniale.

4 Quæres 2. an inferior aliquando dispensare possit in lege superioris. Respondetur id neque licitè, neque validè fieri posse, nisi quando grauis aliqua vrget necessitas, nec nisi valdè difficilis ad superiorem pateat recursus: excipitur tamen casus, in quo dispensandi facultas inferiori generali aliqua lege, vel speciali priuilegio concessa sit, aliqua legitima legitime præscripta consuetudine comparata: quæ quidem fusius explicata videri possunt apud Laym. tr. 4 de leg. c. 22.

Quæres 3. an Prælati & Superiores possint secum dispensare in iisdem casibus in quibus cum alijs dispensare possent. Respondetur posse non modò valide, sed etiam licite, tum committendo alteri, v.g. Confessario aut Vicario, facultatem vt secum dispensare possit in ijs, in quibus possent cum subditis dispensare: tum etiam directe secum dispensando ob easdem causas, ob quas iuste & rationabiliter cum subditis dispensare possent, vt fusius explicat & probat Sanchez, lib. 8. de dispens. disp. 3. n. 3. & seq.

5 Dicendum 3. legis seruandæ obligationem in aliquo casu particulari cessare posse per ipsius legis interpretationem, quæ fit per

Virtutem illam, quam Theologi epikeiam seu æquitatem vocant, cuius proprium est (vt docet S. Thomas, 2.2. qu. 120.2.1. legem humanam vniuersim aliquid præcipientem in aliquo particulari casu, in quo cessat illius obligatio, vel interpretari, vel emendare: cuncta enim (vt idem declarat) actus humani, de quibus lex fertur, in singularibus contingentibus consistant: quæ variari possunt infinitis propè modis quos Legislator præuidere nequit, quicum in ferenda lege communem spectet vtilitatem, ad id præsertim attendit quod in pluribus accidere solet: hinc fit vt aliqui casus occurrere possint, in quibus lex ipsa deficiat, ita vt non solum tunc nulla sit ad illam seruandam obligatio, sed ne quidem eius observatio licita sit: ex.g. lex quæ iubet vt deposita restituantur, iusta est: & tamen contingere potest aliquando, vt proditor, vel furiosus arma deposita reposcat, ille ad patriæ impugnationem, hic ad sui vel alterius, necem, in quibus casibus manifestum est restitutionem depositi, quantumvis lege præscriptam, nihilominus esse contra rationem, ac proinde illicitam: quare necesse est tunc legem illam vel interpretari, vel emendare, Legislatoris potiùs mentem quàm verba sequendo: hinc Cræstinus Papa cap. *Humana aures* 22.9.5. *Non debet, inquit, aliquis verba considerare, sed intentionem ac voluntatem: quia nõ debet intentio verbis deservire, sed verba intentioni.* Porro intentio & voluntas Legislatoris, tum ex materia legis, tum ex eiusdem circumstantijs, cum præsertim ex illius fine & causa, seu ratione ob quam lex ipsa lata est, intelligi poterit.

SECTIO VII.

Ans & qua ratione consuetudo vim legis obtineat.

NOMINE consuetudinis (vt explicat S. Doctor) intelligitur frequentia liberè operandi eodem modo & alio nomine appellatur, mos populi, id est actus palam & publicè frequentatus. De consuetudine autem eo modo intellecta,

Dicendum 1. consuetudinem aliquando vim legis obtinere posse. Ita S. Doctor 1.2. quæst. 97. art. 3. & pater ex vsu communi tum Rerum publicarum, tum etiam ipsius Ecclesiæ, constat enim in varijs Regnis & Prouincijs, imo & in ipsa Ecclesia plurima recepta esse, & tanquam obligantia obseruari, quæ tamen nulla lege positua, sed sola consuetudine introducta sunt: vnde Sanct. Augustinus Epist. 86. ad Casulanum; *Mos, inquit, populi Dei, & instituta Maiorum pro lege tenenda; & sicut prauaricatores legum diuinarum, & contemptores consuetudinum Ecclesiasticarum cœdendi sunt.*

1. Dicendum 2. ad hoc vt consuetudo aliqua vim legis obtineat, quatuor præsertim conditiones requiri. Prima est, vt consuetudo illa sit rationabilis, & bono communi utilis. Ita cap. *Erit autem lex*, dist. 4. & per se patet: vt enim vim legis habeat, præcipuas & magis necessarias legis qualitates habere debet: lex autem, vt supra dictum est, debet esse rationabilis & bono communi utilis. Secunda est, vt tempore aliquo diuturno durauerit, vt infra explicabitur. Tertia, vt consensus saltem tacitus Legislatoris seu Principis interueniat: tunc autem tacite consentire censetur, si sciens talem populi morem, illum cum posset, impedire noluerit. Ita S. Doctor supra in resp. ad 3. Quarta denique vt consuetudo illa seruetur à populo aut maiore illius parte quasi ex obligatione, seu ex animo introducendæ obligationis, vt obseruat Suarez l. 7. de leg. c. 5. vnde consuetudo illa, quæ vim legis obtinere censetur, definitur ab Ifidoro cap. 3. *Ius quoddam moribus institutum, quod pro lege suscipitur, cum deficit lex.*

2 Ex quo intelligitur, quare plurimæ consuetudines rationabiles accipiæ, & iam à diuturno tempore vsitatæ Superioribus non modo non contradicentibus, sed etiam approbantibus, vim tamen legis non obtineant, vt ad campanæ pulsus, sanctissimam Virginem salutare, in Ecclesiæ ingressu Aqua lustrali frontem aspergere, &c. quia scilicet hæc & alæ similes consuetudines ex liberali tantummodo affectu & deuotione, non vero ex vlla inducendæ obligationis voluntate inchoatæ sunt, ac continuantur.

Cæterum rectè monet Suarez l. 7. de leg. c. 5. in dubio, an obligatio per consuetudinem aliqua inducta sit cæteris paribus, inclinandum potius esse in eam partem, quod consuetudo sit deuotionis, quamquod sit obligationis; quia iuxta regulam communem Doctorum, in dubio nemo præsumit velle obligari: neque expedit multiplicare præcepta, vbi moraliter certa non sunt.

3 Dicendum 3. consuetudinem non modò constituendæ legis; sed etiam abrogandæ vim habere, vt docet S. Thomas supra art. 3. quod probari potest ex cap. vlt. de consuetudine, in quo Gregorius IX. declarat posse consuetudinem aliquam *iuri posito* (humano scilicet) *præiudicium generare, si rationabilis fuerit & legitime præscripta*: ex quibus verbis colligitur duo requiri, vt consuetudo legem aliquam abroget. Primo, vt sit rationalis, quod per se patet. Secundo, vt sit legitime præscripta; id est vt tanto tempore durauerit, quanto ad legitimam præscriptionem aduersus legem opus est.

Quæres quanto tempore opus sit ad præscriptionem illam complendam aduersus legem. Communior & magis recepta Theologorum responsio est, ordinariè requiri decennium ad præscribendum

dum contra legem ciuilem; quadraginta vero annos aduersus Ecclesiasticam. Ita Syluester, Azor, Corduba, Suarez, & alij apud Laymann. tract. 4. de leg. cap. 24. Ratio est, quia ad præscribendum aduersus legem requiritur tempus longum; tale autem in iure ciuili censetur esse decennium, vt constat ex L. *Super longi*. Cod. de præscriptione longi temporis: in iure autem Ecclesiastico ordinarium præscriptionis tempus censetur esse quadraginta annorum, vt constat ex cap. *De quarta*, & cap. *Ad aures* de, præscript. Tutissimum autem in praxi est nihil temerè super hac re definire; sed Doctorum & Sapientum virorum consilium perquirere, aut etiam Superiorum seu Legislatorum mentem ac voluntatem explorare.

SECTIO VIII.

De lege diuina positiua.

IN OMINE legis diuinæ positiuæ intelligimus eam, quæ Deo auctore condita, & litteris consignata, hominibus ad obseruandum imposita est. Ea autem duplex est; vetus, quæ per Moysen Dei nomine lata & promulgata est; & noua, quæ à Christo Domino condita in Euangelijs, alijsque noui Testamenti libris consignata est: & circa vtramque,

Dicendum 1. legem veterem fuisse in se bonam & sanctam; licet lex noua longè sit illa melior & perfectior,

Quod fuerit bona & sancta, constat tum ex his Apostoli verbis Roman. 7. vbi de lege veteri loquens, *Lex, inquit, sancta, & mandatum iustum, & sanctum, bonum*: tum ex eo quod à Deo condita, Christo Domino approbata est, qui S. Matth. 5. dicit se venisse, non vt solueret legem, sed vt adimpleret: quare olim Marcionistæ, Manichæi, & alij ab Ecclesia tanquam hæretici proscripti sunt, eo quod inter alia dogmata erronea, veterem legem tanquam inutilem & malam reprobarent; contra quos agit S. Epiphanius hæresi 33. 41. & 66. S. August. varijs in locis, & præsertim lib. 19. & 22. contra Faustum Manichæum.

Quod verò lex noua melior & perfectior sit lege veteri, constat ex varijs Apostoli locis passim in Epist. ad Rom. & ad Galat. & ad Hebr. 7. ea de causa Christus Dominus vocatur *Melioris Testamenti sponsor*; & fusè id docet & probat S. Thomas quæstione 106. art. 1. & 2.

Dicendum 2. veteri lege solos Iudæos obstrictos fuisse, legem verò nouam omnes omnino homines vbiuis terrarum ad sui obseruationem obligare.

Pars II.

V

Quod

Quod lege veteri Iudæi soli obstricti fuerint, patet tum ex eo quod solis Iudæis promulgata fuit Exod. 19. & 20. tum etiam ex eo quod multi ex gentilibus, absque illius obseruatione salutem sunt consecuti, vt docet S. Dionysius capitulo 9. cælestis Hierarchie.

1. Quod vero lex nota omnes homines vbiuis terrarum obliget, constat ex cap. vltim. Sancti Matth. & S. Marci, vbi Christus Dominus Apostoli, coniungit vt doceant omnes gentes, & Euangelium prædicent omni creature: edicitque condemnandos esse, qui credere, ac legem illam recipere noluerint.

Dicendum 3. legem veterem desisse; legem vero notam vsque ad consummationem sæculi esse perseveraturam.

Quod lex vetus desierit, constat ex varijs Apostoli testimonijs Hebr. 7. vbi dicit translatio Sacerdotio, legis translationem factam esse. Ephes. 2. vbi loquens de Christo dicit illum legem mandatorum decretis euacuasse.

Quod autem lex noua vsque ad finem sæculi perseveratura sit, firma fide tenendum esse docet S. Thomas quæstione 107. art. 4.

Quæres 1. an lex vetus tota desierit? Bellarminus lib. 4. de iustificatione cap. 6. existimat desisse tantum quoad cæremonialia & iudicialia præcepta, non vero quoad moralia. Suarez vero lib. 9. de legib. cap. 11. & plures alij Theologi, quos ibidem citat, totam desisse asserunt, etiam quoad præcepta moralia: ita vt obligatio ad illa seruanda penitus cessauerit, in quantum illa lege veteri præcipiebantur; licet alioquin ad eadem illa præcepta seruanda tam lege naturæ quam lege Euangelica teneamur, quæ posterior sententia, ideo videtur probabilior, quod magis consonet testimonijs supra citatis, quibus vniuersim lex vetus desisse dicitur.

Quæres 2. quoniam tempore lex vetus cessauerit, & obligare ad sui obseruationem desierit? Respondetur iuxta communem Theologorum sententiam cessauisse & obligare desisse in morte Christi Domini, Ita Hugo à S. Victore lib. 2. de Sacramentis, parte 6. cap. 4. S. Bonauentura in 4. dist. 3. quæst. 3. & S. Thomas quæst. 103. art. 3. ad 3. & art. 4. ad 1. vbi distinguit tria tempora: Vnum quidem ante Christi Passionem, in quo legalia neque erant mortua, neque mortifera; aliud autem post tempus Euangelij diuulgati, in quo legalia sunt mortua & mortifera: tertium autem est tempus medium scilicet à Passione Christi vsque ad diuulgationem Euangelij, in quo legalia quidem fuerunt mortua, quia neque vim aliquam habebant, neque aliquis ea obseruare tenebatur: non tamen fuerunt mortifera. Quibus quidem verbis, S. Doctor mentem suam aperit super gratiæ controuersias, quæ olim inter SS. Hieronymum, & vt Augustinum

exorta est, vt constat ex variis illorum Epistolis vtroque datis quæ habentur inter Augustinianas ab 8. ad 19. S. Hieronymus siquidem docebat ab instanti mortis Christi Domini veterem legem non modò mortuam, sed & mortiferam esse cœpisse; neque solum illius seruandæ obligationem cessauisse, sed neque seruari absque peccato potuisse: & quoniam satis constabat Apostolos multis annis post Christi Passionem legalia quædam obseruasse, dicebat id ab illis simulatè factum, quo facilius Iudæos legis suæ zelatores ad Christi fidem allicerent. E contra verò S. August. cui communiter Theologi subscribunt: asseribat Apostolos nulla simulatione fuisse vsos: sed licitè & honestè cæremonias quasdam veteris legis, post Christi Domini mortem, vsupasse: licet enim lex illa tunc esset mortua, nondum tamen erat mortifera: & quamuis ad sui obseruationem amplius non obligaret, obseruatores tamen suos nullius peccati reos efficiebat: quod ibidem dicit suauis Dei prouidentia fuisse dispositum tum tum vt Iudæi legis suæ cæremoniis mirificè addicti, facilius ad Christi fidem conuerterentur; tum etiam ne lex illa vetus tanquam mala & superstitiosa, reprobata per Christum fuisse videretur, & vt aliquo cum honore sepeliretur.

Quod verò præcisè tempore non solum mortua, sed & mortifera esse cœperit lex vetus, non satis exploratum habetur: illud certum est iam à multis sæculis mortiferam & illicitam esse veteris legis obseruationem, cum præfati SS. Hieronymus & Augustinus citatis Epistolis, sed præsertim 11. & 19. id multo ante tempora sua fuisse doceant: Imo verò S. Ignatius Apostolorum Discipulus Epist. 8. *Si quis, inquit, cum Iudæis celebrat Pascha, aut Symbola festiuitatis eorum recipit, particeps est eorum qui Dominum occiderunt & Apostolos eius.* Vnde colligitur probabile esse id quod docet Suarez lib. 9. de leg. cap. 18. viuentibus adhuc Apostolorum Principibus, Mosai-cæ legis obseruationem mortiferam esse cœpisse, cum vna quidè ex parte lex Euangelica orbi penè vniuerso, ac nominatim Iudæis omnibus diuersas orbis regiones incolentibus tunc innotuisset: ex altera verò plurimum referret hoc Christianæ religionis & fidei dogma, quæ lex vetus mortifera creditur, ab ipsdem tradi & confirmari.

CAPVT QVARTVM.

De legis diuinæ seu Decalogi præceptis.

NOMINE Decalogi significatur lex diuina positiua decem præcepta complectens: quorum tria priora Deum spectant, septem verò posteriora respiciunt proximum;

V 2 cuius

Eius quidem Decalogi antequam explicationem aggrediamur, duobus hic nobis obseruanda sunt. Primum est omnia præcepta moralia (vt docet S. Thom. 1. 2. quæst. 10. art. 3.) contineri in Decalogo, aut vt principia in suis conclusionibus : qua ratione in eo continentur prima fidei principia, prima item principia legis naturæ, vt *Deum esse Deum & proximum esse diligendum*. Item illud, *Quod tibi fieri non vis alteri ne feceris*. Aut vt conclusiones ex primis principiis clarè & proximè prothanantes, vt sunt omnia formalia præcepta in Decalogo contenta; Aut vt conclusiones secundarias ex primis illis conclusionibus deductas, vt sunt omnia quæ ex ipsis Decalogi præceptis deducuntur, vel quæ ad illa referuntur. De quibus infra erit agendum in cuiusque præcepti explicatione. Quare meritò dici potest ipsum Decalogum esse omnium legum epitomen absolutissimā, vt loquitur S. Aug. q. 140. super Exod. summamque omnium quæ quantum ad mores spectat, cuiuslibet Christiano agenda sunt, in illo esse expressam, vt declarat Concilium Colonienſe in Enchiridio Christianæ institutionis; ita vt, si eius præcepta probè intelligantur sufficientissima sint ad actus humanos siue exteriores, siue interiores rectè ordinandos.

Secundum est, præcepta illa Decalogi fuisse à Christo Domino tanquam Legislatore, non solum innouata & promulgata (quod ex varijs Euangelij locis constat, ac præsertim sancti Matth. 7. & 19. S. Mar. 10. & S. Luc. 18. sed etiam explicata imo & ampliata, pro vt legis Euangelicæ maior perfectio requirebat, quod passim in Euangelijs videri potest; sed præsertim in eo sermone, quem coram discipulis in monte habuit S. Matt. 5. 6. & 7. in quo quidem, vt docet S. August. lib. 1. de sermone Domini in monte, in initio, & lib. 2. cap. 40. & post illum S. Th. qu. 108. art. 3. ea omnia complexus est, quæ ad perfectam vitæ Christianæ formam, quoad actus tam exteriores quàm interiores requiri possunt: quod fusius explicat Gregorius Valentia disp. 7. de lege quæst. 8. punct. 2.

In hoc igitur capite propositum nobis est de singulis ipsius Decalogi præceptis agere, pro vt à Christo Domino in Euangelijs explicata & ampliata sunt, secundum communem & magis receptam SS. Patrum & aliorum probatissimorum Authorum doctrinam, in omnibus tamen seruata ea breuitate quam compendij ratio exigit: quod vt facilius exequamur, duo præsertim circa vnumquodque præceptum inuestigabimus. Primò, quid illo præcipiatur aut prohibeatur. Secundò, quot modis in illud peccetur: & ideo vnamquamque sectionem in plures paragraphos subdiuidemus.

SECTIO I.

Explicatur primum Decalogi præceptum.

Ego sum Dominus Deus tuus, &c.
 Non habebis Deos alienos coram me.

HOC primum Decalogi præceptum duplex est, vt obseruat Catechismus Romanus parte 3. capite 2. ex vna enim parte aliquid iubet, ex altera vero aliquid prohibet, estque illius sensus, vt ibidem habetur (*Me verum Deum coles; & Dijs alienis cultum non adhibebis*) ex quo patet illud partim affirmatiuum esse, partim negatiuum. Ea est autem ratio præceptorum affirmatiuorum, vt obligent quidem semper, sed non pro semper, vt loquuntur Theologi: negatiua vero vtroque modo obligant: id est, vt explicat sanctus Thomas 2. 2. quæst. 3. art. 3. quod quamuis præcepta affirmatiua semper habeant vim obligandi, non obligant tamen ad continuè exercendos actus illos, qui per ea imperantur, sed pro loco & tempore, & secundum alias circumstantias debitas, secundum quas oportet actum humanum limitari, vt sit actus virtutis: at verò præcepta negatiua quouis loco & tempore obligant. Quamuis autem hoc primum Decalogi præceptum quatenus affirmatiuum, præsertim spectet religionis actus, quibus cultus Deo debitus exhibetur, ad illud tamen, virtutum Theologicarum actus reduci debent, vt dicitur in Cat. Rom. quo sensu S. August. in Enchir. c. 3. dixit *fide, spe ac charitate Deum esse colendum*: vnde sequitur ad rectam primi huius præcepti intelligentiam requiri, vt explicemus quid circa fidem, spem & charitatem, quid item circa religionem in illo præcipiatur aut prohibeatur.

§. I.

Quid circa fidem primo Decalogi præcepto præcipiatur, aut prohibeatur.

DE virtute fidei illiusque proprijs actibus ac obligatione, quæ ad illos exercendos vnicuique incumbit: egimus in priori huius operis parte, tract. 1. cap. 1. vbi diximus adultos quoscunque ad credendas omnes & singulas Christianæ Religionis veritates fide implicita obligari, fide verò explicita teneri credere vnū esse Deū in essentia, trinū in personis, Filiū Dei incarnatū esse, aliæque Mytheria in Symbolo contenta, nec uō & ea, quæ pertinet ad rationē

Sacramentorum, quæ ab ipsis suscipiuntur aut suscipi debent, ac reliqua denique omnia, quæ secundum exigentiam status aut conditionis cuiusque ad salutem æternam consequendam sunt necessaria.

Sed difficultas est, quâdonam affirmatiuum istud fidei præceptum obliget: seu quonam tempore teneatur quis ad actum aliquem fidei exercendum. Respondetur ex probabiliori & in praxi tenenda Theologorum sententia, tribus præsertim casibus teneri vnumquemque ad actum fidei eliciendum.

Primus est, cum aliqua fidei mysteria primo sufficienter ad credendum proponuntur. Ita Azorius, Malderus, Turrianus, Sanchez, & alij quos citat & sequitur Bonacina tom. 2. disp. 2. quæst. 2. pun. 2. Secundum quam doctrinam pueri, ubi primum rationis vsum adepti sunt, cum ipsis fidei mysteria sufficienter proponuntur, ad illa actu credenda obligantur, præsertim si ad id se obligatos esse ex dictamine conscientiae persentiant quod simili ratione de infidelibus dici debet.

2. Secundus casus est, quoties quis ad actum aliquem virtutis exercendum obligatur; qui sine fide exerceri nequit, ut cum quis tenetur de peccato poenitere & conteri, Sacramentum aliquod suscipere, &c. Ita Doctores proximè citati. Rectè tamen monet Layman. tract. 1. de fide cap. 10. in hoc casu præceptum fidei per se & directè non obligare, sed solum indirectè, & per accidens: unde fit ut v.g. si quis Sacramentum aliquod suscipere omittat, quando ad illud suscipiendum obligatur, sufficiat si in confessione declaret se eiusmodi Sacramenti receptionem omisisse, nec opus sit ut fidei actualis omissionem exprimat, cum huius omissio nō sit peccatum distinctum ab omissione illius. Ad hunc casum reducitur, quando quis videt se tentationem aliquam superare aliter non posse, nisi actum fidei aliquem eliciendo, tunc enim illum elicere tenetur, ut fusiùs explicat & probat Valentia tom. 3. disp. 1. qu. 2. pun. 5.

Tertius denique casus est, quando quis iuridicè & publica auctoritate de fide interrogatur: tunc enim ad fidem tum interius eliciendam, tum exterius profitendam obligatur, licet ex tali professione mors illi imminet: imò qui ab aliquo priuato de fide interrogaretur, illam non modo non negare, sed etiam exterius profiteri teneretur, si ex illius professionis omissione diuinus honor lædatur notabiliter, vel graue aliquod scandalum in proximum redundaret. Ita Authores citati post Sanctum Doctorem 2. 2. q. 3. art. 2.

Ex dictis faciliè colligi potest, quid circa fidem hoc primo Decalogi præcepto prohibeatur, scilicet peccatum quodcumque fidei oppositum, quod generaliter ab eodem S. Doctore vocatur infidelitatis supr. qu. 10. art. 1. quæ quidem, ut idem docet, duplex est: alia

nega-

negatiua, qualis est in illis, qui nihil vnquam de fide audire potuerunt, quam dicit non esse peccatum, sed potius pœnam peccati ex primi parentis peccato prouenientem. Additque illos, qui eo solum modo infideles sunt, propter eiusmodi infidelitatem non dampnari, quamuis dampnentur propter alia peccata, quæ sine fide remitti non possunt,

Alia est infidelitas ipsi fidei, vt loquitur S. Doctor art. 5. secundum contrarietatem opposita, quæ à quibusdam priuatiua vocatur, qualis est in illis, qui veritatibus fidei sufficienter propositis assentiri nolunt: & hæc ab eodem Sancto Doctore in tres species diuiditur, Paganismum scilicet, Iudaismum, & hæresim, quibus quæstione 12. addit apostasiam, aut enim quis renititur fidei nondum susceptæ; & talis infidelitas est Paganorum; aut renititur fidei susceptæ in figura, & sic est infidelitas Iudæorum; vel fidei susceptæ in manifestatione veritatis, & sic est infidelitas Apostatarum quidem, si fides suscepta in totum abijciatur; hæreticorum verò, si tantum ex parte.

Est autem obseruandum id quod fusiùs in prima parte explicatum est, scilicet ad rationem hæresis duo requiri, vt docet S. Thom. q. 11. art. 3. ad 3. Primum est, vt sit error contra aliquam fidei veritatem à Deo reuelatam, & ab Ecclesia propositam; secundum, vt eiusmodi error cum pertinacia & contumacia iunctus sit: vnde, *Si qui sententiam suam, vt loquitur S. August. Epist. 162. & refertur cap. Dixit Apostolus 24. qu. 3. quamuis falsam atque peruersam nulla pertinaci animositate defendunt, quarunt autem causa sollicitudine veritatem, corrigi parati cum inuenerint, nequaquam sunt inter hæreticos deputandi.*

Ad hæresim quoque pertinet peccatum illorum, qui de articulo aliquo deliberatè dubitant: vt enim dicitur cap. 1. de hæreticis, *dubius in fide infidelis est.* Item si quis exponat se periculo errandi in fide, vt si ex curiositate aut alia praua intentione libros hæreticorum legat, eorum conciones audiat, cum illis de fide temerè disputet, aut frequenti & periculosa illorum conuersatione utatur.

§. II.

De virtute spei, & de peccatis illi oppositis.

S P E S est virtus supernaturalis Theologica, qua homo fidelis in præsentem quidem sæculo, bona salutaria, in futuro vero ipsam æternam salutem à Deo cum fiducia expectat, per Christi merita.

Dicitur 1. Virtus supernaturalis, quia sicut nullus in Deum

V 4 crede-

credere, sic nec in illum sperare potest ut oportet: nisi adiutus auxilio aliquo supernaturali: unde S. Bernard. Ps 90. dicit hæc Psalmistæ verba: *Quoniam tu es Domine spes mea: à nullo verè profecti posse, nisi cui intus persuasum sit à Spiritu sancto.*

Dicitur 2. Theologica, quia Deum immediatè respicit pro obiecto primario, & præcipuo: *neque enim* ut ait S. Thom. 2. 2. qu. 17. art. 2. *aliquid minus sperandum est ab ipso Deo, quàm ipsemet Deus.*

Dicitur 3. per illam expectari à Deo non modò salutem æternam, quæ in ipsius Dei fruitione consistit; sed etiam omnia alia quæcumque bona salutaria, id est ad salutem consequendam necessaria aut vtilia, siue corporalia, siue spiritualia sunt; quod constat ex ijs, quæ Christus Dominus nos à Deo postulare & proinde sperare docuit in oratione Dominica: *Ea siquidem*, ut loquitur S. Augustinus cap. 114. Ench. *ad spem pertinent qua in oratione Dominica continentur.*

* Dicitur 4. (bona illa expectari & sperari ab homine fideli) quia iuxta communem S. Thomæ & aliorum Theologorum doctrinam: fides spem necessariò antecedit, cum non nisi per fidem innotescat id, quod spes à Deo expectare debet.

Dicitur 5. (bona illa expectari cum fiducia) spes enim omnipotentia & fidelitate Dei promittentis innititur: unde Hebr. 6. vocat spem, *Anchoram animæ firmam ac salutem.* Quamvis autem fiducia illa quatenus in Deo certissima esse debeat: quia tanten ex parte nostræ cooperationis multi defectus accidere possunt, quibus promissionum diuinarum effectus impediatur, ideo monet Apostolus ad Philip. 2. *Ut cum metu & tremore salutem nostram operemur: qui enim sperat* (ut dicit S. August. serm. 15. ad fratres in eremo) *& non timet, negligens est: qui autem timet & non sperat, depressus est, & descendit in profundum quasi lapis.*

3 Dicitur denique per Christi merita: quamvis enim ex parte quoque nostra ad assecutionem vitæ æternæ merita requirantur, quia tamen sine diuina gratia, quæ per Christi merita nobis confertur, nihil possumus; & in ijs quæ possumus & volumus longè potiores sunt partes gratiæ diuinæ quàm voluntatis humanæ; ideo *Abesse ut Christianus in seipso vel confidat, vel gloriatur*, inquit Concil. Trid. sess. 16. *& non in Domino: cuius tanta est erga homines bonitas, ut eorum velit esse merita qua sunt ipsius dona.*

Ex hac definitione spei sic explicata intelligi potest, quodnam sit obiectum illius virtutis siue materiale siue formale. Obiectum enim materiale spei continet ea omnia bona, quæ nobis à Deo sunt promissa, qui est summum & præcipuum bonum nobis promissum. Obiectum verò formale eiusdem spei, est summa Dei erga

nos bonitas : ac in promissis adimplendis fidelitas .

Quæres an licitum sit spes in homine aut alia creatura collocare . Respondetur cum S. Doctore 2.2. quæst. 17. art. 4. quanquam in Deo solo ut principali causa totius boni spes collocanda sit, licitum tamen quoque esse sperare ac confidere in homine , aut alia creatura tanquam causa secunda & instrumentalis, per quam, secundum diuinæ providentiæ ordinem adiuuari possumus ad consequendum aliquod bonum , quod ad ultimum & summum bonum ordinetur .

His breuiter explicatis , videndum est quid circa virtutem spei , hoc primo Decalogi mandato præcipiatur aut prohibeatur . Ac in primis certum est, extare diuinum præceptum de spe in Deum concipienda , ut docet S. Th. quæst. 22. art. 1. quod quidem præceptum in quantum negatiuum est, & desperationem prohibet obligat, semper, ut ex antè dictis constat, in quantum verò affirmatiuum , tribus præsertim in casibus secundum probabiliorem Theologorum sententiam obligare censendum est . Primus est, quando primum homini adulto sufficienter innotescit se à Deo creatum esse ad vitam æternam consequendam , seque teneri vitam illam æternam , & media necessaria ad illam consequendam à Deo sperare . Secundus est, quando ad aliquid faciendum obligatur , quod actum spei velut dispositionem necessariam prærequirit ; ex. gr. quando tenetur de peccatis pœnitere : ad illotum siquidem remissionem diuinæ misericordiæ spes requiri docet Concilium Tridentinum sess. 6. c. 6. Tertius est, quando grauis aliqua tentatio desperationis urget, quam aliter homo superare non potest, nisi actum spei eliciendo .

Rectè autem monet Isambertus tract. de spe disp. 6. art. 5 ad satisfaciendum eiusmodi præcepto non esse semper necessarium , ut formaliter eliciatur actus ipsius spei, sed satis esse ut virtualiter quatenus scilicet censetur includi virtualiter in alicuius alterius virtutis actu , v. g. perfectæ contritionis , qui tunc formaliter elicetur .

Quod spectat ad peccata quæ spei aduersantur , ac proinde hoc primo præcepto prohibentur , Theologi docent duobus præsertim modis contra spem peccari posse , præsumptione scilicet & desperatione .

Rursus præsumptio dupliciter committi potest, ut docet S. Thomas quæst. 21. art. 1. Primò , cum quis præsumit se diuinam gratiam aut gloriam æternam ex seipso & naturæ suæ viribus adipisci posse . Secundò, cum præsumit se ex sola diuina misericordia consecuturum remissionem peccatorum sine vlla pœnitentia , aut æternam beatitudinem sine vllis operibus meritorijs .

Desperatio verò committitur , cum quis deliberatè de misericordia diuina diffidit, nec peccatorum remissionem , aut beatitudinem
sperat .

ternam, mediaque ad illam necessaria amplius à Deo expectat, ideoque omnem conatum ex parte sua requisitum intermittit. Rectè autem obseruat Toletus lib. 4. c. 7. desperationem aliquando esse hæresi coniunctam, si quis v. g. existimaret, ac pertinaciter sibi persuaderet, Deum aut nolle, aut non posse peccata à se commissa remittere, eiusque misericordiam talem non esse, quæ tot & tam gravia peccata toties iterata condonare velit aut possit; quod in Confessione specialiùs declarandum foret,

§. III.

* De Oratione.

QUAMVIS oratio propriè loquendo sit actus virtutis Religionis, de qua inferius agendum erit, quia tamen etiam ad virtutem spei reducitur, & arctissimam cum ea connexionem habere videtur, idcirco hic breuiter adnotabimus ea, quæ circa orationem à Theologis obseruari solent.

Ac in primis nomine orationis intelligitur eleuatio, siue (vt loquitur S. Damascenus lib. 3. de fide orthod. cap. 24.) ascensus mentis in Deum, tum ad laudes ipsi gratiasque deferendas, tum ad postulationes eidem offerendas, siue pro se, siue pro alijs; eo sensu accepta oratio diuiditur 1. in particularem, quæ sit ab vnoquoque, pro se, vel pro alijs; & generalem seu communem, quæ sit ab Ecclesiæ Ministro nomine totius fidelis populi; de qua Gennadius lib. de Ecclesiastic. dogmatibus cap. 30. sic loquitur, *cum sanctarum plebium presules demandata sibi delegatione funguntur, apud diuinam clementiam, humani generis causam agunt, & tota secum Ecclesia congemiscens, postulant, & precantur.*

Diuiditur oratio in mentalem, quæ solo interiori mentis actu fit; & vocalem, quæ interiorem illum actum voce ac verbis exprimit. Veriusque fit mentio in scripturis. Mentalis quidem Psal. 26. *Tibi dixit cor meum.* Vocalis verò, Psalm. 141. *Voce mea ad Dominum clamaui.* Et de vtraque loquens Isidorus lib. 3. de sum. bono c. 7. *Bonum est, inquit, corde orare, bonum est etiam & sono vocis, Deum spiritualibus hymnis glorificare.*

Cum verò plurima sint, quæ à Theologis circa orationem obseruari solent, nos ea solummodo hic attingemus, quæ magis necessaria visa sunt, & maioris facilitatis gratia per diuersas quæstionculas responsionesque illis annexas explicabimus.

Queritur ergo in primis an oratio necessaria sit ad salutem necessitate præcepti, seu an homines teneantur orare Deum ex præcepto alicuius diuini?

Ref-

Respondetur affirmatiuè & colligitur apertè ex Scriptura. *Match. 7. Petite & accipietis : quærite & inuenietis , pulsate & aperietur vobis . & cap. 26. Vigilate & orate vt non intretis in tentationem .* Et *Luc. 18. oportet semper orare .* Et appositè S. Chrysostomus lib. 1. de orando Deum , *Quemadmodum , inquit , corpus hoc nostrum , si non adsit anima , profectò mortuum est ac fœtidum ; sic anima , nisi se ipsam incitet ad orandum , mortua est ac misera , & grauiter olens .* Sanctus etiam Augustinus in Psalm. 118. enarrat. 17. *Ille cui donatur (inquit) à Deo charitas Dei , & propter Deum charitas proximi , profectò instanter orare debet , quo sibi augeatur hoc donum .*

Id etiam probari potest hac ratione : Nemo potest mandata diuina seruare , & in illa obseruantia perseuerare , ac tentationes irruentes superare , nec proinde salutem consequi , sine specialibus & continuis diuinæ gratiæ auxilijs : quamuis autem prima gratia quæ homini datur , omnia eius & qualiacumque merita , & proinde orationes antecedit , certum est tamen quod vnum ex medijs diuinitus institutis , ad gratiæ illius continuationem & incrementum impetrandum esse orationem , vt ex citatis scripturæ testimonijs constat , vnde sequitur ipsam orationem ex præcepto diuino esse necessariam ad salutem consequendam ?

Queritur 2. quo tempore quis orare teneatur .

Respondetur , si de præcepto Ecclesiastico quæstio proposita intelligatur , certa tempora singulis partibus officij diuini esse ex instituto Ecclesiæ assignata , de quibus agitur infra in appendice *de statutu Clericali* . Si verò de præcepto diuino quæstio sit , cum illud orandi præceptum sit affirmatiuum , obligat quidem semper sed non pro semper , vt loquuntur Theologi , ac proinde determinationem temporis , in quo præceptum illud diuinum ita obliget , vt orationis omissio sit peccatum , ex varijs occurrentis tentationum , periculorum , & necessitatum & prudenti æstimatione dignoscendam esse : v. g. si tentatio aliqua grauis vrgeat , si occasio periculosa peccandi immineat , si difficultas grauissima in obseruatione alicuius præcepti occurrat ; tunc haud dubiè censent Theologi hominem ad Deum per orationem debere recurrere , & eius auxilium suppliciter postulare . Addit etiam Nauarrus apud Lessium lib. 2. cap. 37. de oratione dub. 3. illum quoque teneri ad orandum , qui aduertit se alterius exitium impedire non posse nisi per orationem , obseruat autem rectè idem Lessius præter illos & alios similes casus obligari etiam vnumquemque ad orationem Deo referendam , ita vt per diuturnum aliquod tempus puta per vnum mensem , ab omni prorsus oratione cessare sine peccato non possit . Quia exercitij adeò salubris & necessarij omissio , non nisi cum maxima & valde culpabili

bili salutis incuria contingere censetur.

Quæritur 3. quis possit & debeat orare?

Respondetur omnem hominem quamdiu est in statu viæ, posse & debere orare. Nam omnis homo vel iustus est, vel peccat: si iustus est, oratione indiget ad perseverandum, & postulare debet ne inducatur in tentationem: si peccator est, magis adhuc orationem postulet; unde omnibus hanc petitionem faciendam proposuit Christus, *dimitte nobis debita nostra*: hoc enim & peccatores pro remissione peccatorum mortalium, & ipsi etiam iusti pro remissione venialium, debent postulare. Rectè autem obseruat D. Thomas 2.2. q. 83. art. 19. non modò iustos, sed & ipsos etiam peccatores cum orant, sperare debere se à Deo exaudiendos, si nimirum orent ac petant non quantum peccatores, sed cum pio & recto affectu, idque adiunctis ijs conditionibus, quas idem S. Doctor explicat art. 15. in respons. ad 2. nimirum si pro se ea postulent, quæ ad salutem sunt conducibilia; si cum fide, spe, ac vero desiderio prænitendi & placendi Deo, si denique perseveranter postulent: & tunc (vt docet S. Aug. tract. 102. in Ioan.) exaudiuntur, & indubitanter accipiunt quod petunt, sed quando debent accipere: quædam enim non negantur, sed vt congruo dentur tempore differuntur.

Quæritur 4. ad quem debeat dirigi oratio, seu quis orandus sit?

Respondetur duocerta esse. Primum est, Deum tanquam summum auctorem, & causam principalem omnium donorum & bonorum naturæ, gratiæ & gloriæ, quæ per orationem postulari, & obtineri possunt, orari debere 2. est SS. etiam in cælo beatos orari & inuocari posse, vt pro nobis apud ipsum Deum intercedant: vt explicatum & probatum est in tr. de Incarn. c. 8. sect. 2.

Certum est quoque ab alijs etiam hominibus adhuc in præsentia vita degentibus, posse peti opem, siue auxilium intercessionis apud Deum. Hoc enim ipse Deus præcepit olim amicis sancti Patriarchæ Iob. Et S. Paulus passim in Epist. se se fidelium orationibus cômédare.

Sed difficultas est, an oratio etiam dirigi possit ad animas in purgatorio detentas? Respondetur quamvis Ioannes Medina qu. 5. de oratione, & alij quidam Theologi existiment animas in purgatorio existentes orare non modo generatim pro fidelibus, sed etiam speciatim pro ijs, qui peculiariter ipsis in hac vita chari fuerunt. D. Thom. tamen cit. q. 83. a. 11. id negat, *quoniam* (inquit) *licet sint nobis superiores, quantum ad impeccabilitatem, sunt tamen inferiores quantum ad pœnas quas patiuntur, & secundùm hoc non sunt in statu orandi pro alijs, sed vt magis oretur pro eis*. Quod si secundùm mentem illius S. Doctoris non sunt in statu orandi pro nobis, ergo non sunt in statu in quo debeant orari à nobis. Imo licet animæ illæ pro nobis orarent, frustra tamen à nobis inuocarentur, cum non sint

sint in eo statu, in quo nostras orationes possint cognoscere, sicut sancti in cœlo, quorum status ex omni parte beatus requirit, ut cognoscant orationes ad se directas, cum hoc maximè ad gloriam illorum accidentalem conferre possit.

Queritur 5. pro quibus sit orandum?

Respondetur, non modo pro nobis nos orare debere, sed etiam pro quibuscumque alijs, quos tenemur ex charitate diligere, & quibus per nostras rationes possumus prodesse. Quod quidem constat vel ex ipsa orationis dominicæ forma, nam ut ait D. Cyprianus in eius expositione, *Notuit pacis Doctor, ut quis pro se tantum precetur. Non enim dicimus Pater meus, nec panem meum da mihi; &c. sed pater noster, panem nostrum da nobis, &c.* Id præterea constat ex eo quod ut rectè argumentatur Sanct. Doctor, illud debemus orando petere, quod debemus ex charitate optare: atqui nō solum nobis sed etiam alijs debemus ex charitate multa bona optare, ergo debemus etiam pro illis bona illa orando postulare.

Ex quo sequitur primò nos nullum hominem viventem in terris quantumvis peccatorem aut nobis insensum debere ab orationibus nostris generalibus excipere, quia nullum, quantumvis peccatorem aut insensum debemus à charitate excludere: & ut loquitur D. Augustinus libro de correptione & gratia capite 15. *Sicut nulli quando hic vivit, subtrahendum est correctionis beneficium, ita nulli denegandum est orationis suffragium.*

Sequitur 2. nos pro illis omnibus defunctis orare debere, quibus per orationes nostras possumus prodesse: ac proinde nec pro damnatis orandum esse, cum non sint ullius gratiæ aut veniæ recipiendæ capaces; neque, etiam pro beatis aut pro sanctis in cœlo degentibus cum sint in termino gloriæ, neque ampliùs à nobis iuvari indigeant. Vnde illud S. Augustini, *iniuriam facit Martyri, qui orat pro Martyre*: quod tamen non obstat quin de illorum felicitate, & de omnibus donis gratiæ & gloriæ, quæ ipsis collata sunt, Deum laudare, & ipsi gratias agere possimus; imò & etiam postulare ut ad maiorem ipsius Dei gloriam eorum sanctitas magis innotescat, quo plures excitentur eorum intercessionem expetere, & virtutes imitari.

Queritur 6. quomodo sit orandum?

Respondetur duas præsertim condiciones in oratione requiri, attentionem scilicet, & deuotionem. Ac in primis quod attentio requiratur docet D. Thomas citatæ quæstionis 83. art. 13. & cum eo Theologisita nimirum ut initio saltem orationis, is qui orat, habeat in animo attendere vel ad Deum quem orat, vel ad ipsius orationis sensum, & ad verba si vocaliter orat, neque id animi propositum in orationis progressu mutet, aut vlllo modo mentem ad quævis alia voluntariè conuertat, quæ attentionem impedire queant. Vnde

S. Cy-

S. Cyprianus ferm. de orat. Dom. *Cum astamus, inquit, ad orationē, vigilare & incumbere ad preces toto corde debemus: cogitatio tunc omnis carnalis & secularis abscedat, nec quidquam tunc animus quàm id solum cogitet, quod precatur, Quæ autem segnitia est alienari, & capi ineptis cogitationibus & prophanis, cum Dominum deprecaris? quasi sit aliud quod magis debeas cogitare quàm quod cum Deo loqueris? & quomodo te à Deo audiri postulas, cum te ipse non audias? vis esse Deum memorem tui, quando tu ipse memor tui non sis?*

Deuotio etiam requiritur, vt scilicet oratio ex pio quodam affectu procedat, vt fiat cum maxima sui demissione, & summa erga Deum reuerentia, cum firma fide, & vera in Deum confidentia, alijsque similibus dispositionibus, quas sacræ Scripturæ frequentius ingerunt, & quæ à sanctis Patribus maximè commendantur. Certè nullus est, qui non seipsum tanquam peccati alicuius reum, accuset, si minus reuerenter, aut cum aliqua fidei vel spei vacillatione Deum orauerit, ex quo satis pater, vel ipsa conscientia iudice, eiusmodi pium affectum ad orationem debitè faciendam requiri.

Quæritur 7. & vltimò, quænam in oratione sint postulanda?

Respondetur ea omnia licitè & meritò posse à Deo postulari, quæ ad salutem sunt conducibilia, cuiusmodi sunt in primis bona æterna, in quibus ipsa beatitudo consistit; tum media ad illam consequendam utilia, quales sunt gratiæ & virtutes; possunt etiam postulari temporalia bona & exteriora, quatenus tamen ad beatitudinem illam assequendam aliquo pacto conducere possunt, & hoc manifestè patet ex formula illa precandi, quam ipse Christus Dominus nos edocere dignatus est Matth. 5. in qua complexus est quidquid à Deo possumus aut debemus petere, vnde S. Augustinus Epist. 121. ad Probam de illa oratione Dominica loquens: *Si per omnia, inquit, sanctorum precationum verba discurras, quantum existimo nihil inuenies, quod non ista continent & concludat oratio.* Quare utilissimum fore existimauimus, si adiungamus hic breuem ipsius Dominicæ Orationis explicationem secundum mentem sanctorum Patrum, qui singula illius verba, cum præcipuo quodam pietatis affectu, expendunt.

DIGRESSIVNCULA.

* *Breuem Dominicæ orationis explicationem continens iuxta mentem Sanctorum Patrum.*

P RIMA orationis Dominicæ verba (Pater noster qui es in cœlis) veluti quoddam ipsius precatationis exordium continent, quo beneficam erga nos voluntatem Dei, utpote patris nostri commemoramus. Non est autem meritum nostrorum; ut recte monet D. Augustinus lib. 2. de sermone Domini in monte cap. 8. *sed gratia; cum dicimus; Pater noster: hec hoc ideò dicimus, ut Deum sua sponte in nos beneficentissimum; & qui prior dilexit nos, ad exaudiendum & benefaciendum commoneamus, perinde ac si cum hominibus ageretur, cuius captanda esset benevolentia, sed ut in nobis, per illius denominationis considerationem, ipsi filialem erga illum confidentiam excitemus. Quid enim (ut ibidem subdit idem D. Augustinus) iam non det filiis petentibus, tum hoc ipsum iam dederit ut essent filij.*

Sequuntur deinde petitiones septem; quarum tres primæ spectant ipsum vltimum finem qui est Deus, alia vero quatuor media conducibilia ad illum finem. Prima est (Sanctificetur nomen tuum). *Quod non sic petitur (inquit D. Augustinus sup. cap. 10.) quasi non sit sanctum Dei nomen; sed ut sanctum habeatur ab hominibus, id est ita innotescat Deus; ut non asimetur aliquid sanctius. Vel (ut ait D. Chrysostomus homil. in hunc Matthæi locum) Rogamus ut Deus per nostram vitam glorificetur: quasi unusquisque dicat: Ita fac nos vivere, ut per nos te vniversa glorificetur. Sanctificetur enim idem est ac glorificetur, digna est autem Deum deprecantis oratio, nihil petere ante Patris gloriam, sed omnia eius laudi postponere.*

2. (Adueniat Regnum tuum.) *Quod non ita dictum est, inquit S. Augustinus sup. quasi Deus nunc non regnet in terra, aut non semper in ea regnauerit. Adueniat, ergo actiendum esse; ut regnum Dei manifestetur hominibus. Vel iuxta mentem S. Hieronymi in hunc Matthæi locum; Ut diabolus in mundo regnare desinat, & non regnet peccatum in corpore nostro mortali; sed ut in vnoquoque nostrum regnet Deus. Vel denique per hæc verba; ut S. Cyprianus explicat in tract. de orat. dominic. Petimus regnum illud nobis aduenire à Deo nolis repromissum; & Christi sanguine acquisitum: ut qui in saculo ante seruimus; postmodum Christo dominantes regnemus. Regnumque Dei (inquit D. August. sup.) veniet siue velimus; siue nolimus; sed de fide.*

fidium nostrum ad illud excitamus ut nobis veniat acque in eo regnemus.

3. (Fiat voluntas tua sicut in cælo & in terra.) *His verbis (inquit S. Cyprianus sup.) non petimus ut Deus faciat quod vult, sed ut nos facere possimus quod Deus vult: quod ut fiat, nobis opus est Dei voluntate, id est opera eius & protectione: quia nemo suis viribus fortis est, sed Dei misericordia tutus.*

Vel (ut explicat D. August. sup. *Fiat voluntas tua, id est obediatur præceptis tuis: sicut in Cælo & in terra, id est sicut ab Angelis, ita ab hominibus.* Observat autem rectè D. Chrysostomus sup. quòd *Non dicitur fiat voluntas tua in me, vel in nobis, sed ubique terrarum: ut solvatur error, & plantetur veritas, & expellatur malitia, & reuertatur virtus, & iam non differat cælum à terra.*

4. (Panem nostrum quotidianum da nobis hodie) *Hæc ergo tria (inquit S. August. in Enchiridio cap. 115.) quæ in præmissis petitionibus postulantur, hic inchoantur? & quantumcumque proficimus, augentur in nobis: perfectè verò, quod in alia vita sperandum est, semper possidebuntur. Reliquis verò quatuor quæ sequuntur, petuntur temporalia, quæ propter æterna consequenda sunt necessaria. Monet autem sapienter S. Chrysostomus sup. quod Dominus pro pane iussit orationem facere, non pro pecunia, neque pro lascivia, sed solùm pro pane quotidiano: & insuper apposuit da nobis hodie, ut non conteramus nos ipsos sollicitudine superuenientis diei. Non solùm autem dicimus panem nostrum quotidianum da nobis hodie, ut habeamus quid manducemus, quod commune est inter iustos, & peccatores, sed ut quod manducemus, de manu Domini accipiamus, quod est tantùm Sanctorum.*

Vel (ut explicat S. Hieronymus in hunc locum) *Petimus ut Dominus præcipuum nobis tribuat panem, illum scilicet qui dicit in Evangelio, ego sum panis viuus qui de cælo descendi. Panis enim vita Christus est (ut loquitur D. Cyprian. sup.) & panis hic omnium non est, sed noster est. Hunc autem panem dari nobis quotidie postulamus, ne qui in Christo sumus, & Eucharistiam quotidie accipimus, intermittente aliquo grauiori delicto, à cælesti pane prohibeamur, & à Christi corpore separeremur. Petimus ergo qui in Christo manemus, a sanctificatione eius, & corpore non recedamus.*

5. (Et dimitte nobis debita nostra, sicut & nos dimittimus debitoribus nostris) *Post subsidium cibi (inquit S. Cyprian. sup.) petitur & venia delicti, ut qui à Deo pascitur in Deo viuat, nec tantùm præsentis vitæ, sed æternæ consulatur ad quam venire*

nire potest si peccata condonentur, quæ debita nostra Dominus appellat, &c. Qui ergo pro peccatis orare docuit, paternam misericordiam promissit. Sed plane addidit legem certâ conditione nos constringens, ut sic debitum nobis dimitti postulemus, secundum quod & ipsi debitoribus nostri dimittimus. Cum qua ergo spe orat (inquit D. Chrysostom. hom. 14. oper. imperf.) Qui inimicitiam servat adversus alterum, à quo forsan laesus est: sicut enim ipse orans mentitur, dicit enim remitto & non remittit: sic & à Deo petit indulgentiam, & non indulgetur.

6 (Et ne nos inducas in tentationem) id est, ut explicat Tertullianus lib. de orat. Ne pariaris nos in tentationem induci, ab eo virique qui tentat. Quod itaque dicimus Deo, inquit D. August. lib. de bono perseverantia, cap. 6. ne nos inducas in tentationem, quid dicimus, nisi ne nos inferri sinas in tentationem, quæ in parte ostenditur, ut rectè monet Sanctus Cyprianus sup. contra nos nihil adversarii posse, nisi Deus antè permiserit, ut omnis timor noster & deusorio convertatur ad Deum, &c. quando autem rogamus ne in tentationem veniamus, admonemur infirmitatis & imbecillitatis nostræ, dum sic rogamus, ne quis se insolenter extollat, ne quis superbe sibi atque arroganter aliquid assumat, ne quis aut confessionis, aut passionis gloriam suam ducat: cum Dominus ipse humilitatem docens dixerit Vigilate & orate ne veniatis in tentationem.

7 Ultima petitio est (sed libera nos à malo Amen) Orandum est enim, inquit, S. Aug. sup. Non solum ut non inducamur in malum quo caremus, quod sexto loco ponitur, sed etiam ut ab illo liberemur in quod iam inducti sumus. Hac autem ultima petitio, ut observat S. Cyprianus sup. comprehendit omnia mala, & adversa quæ contra nos in hoc mundo molitur inimicus, à quibus potest esse fida & firma tutela, si nos Deus liberet, si deprecantibus atque implorantibus opem suam præstet Vel, ut ait S. Chrysostomus in huc locum, postulamus liberari à malo, hoc est à Diabolo, qui malus vocatur propter insignem malitiam non qua natura illi inest, sed qua ex electione: & quia contra nos implacabile bellum gerit. Hoc tamen ultimum, inquit S. August. Epist. 121. quod in oratione Dominica positum est, tam late patet, ut homo Christianus in qualibet tribulatione constitutus, & in hoc gemitus edat, & in hoc lacrymas fundat: hinc exordietur, & in hoc terminet orationem; unde sequitur, Amen, quo desiderium orantis exprimitur.

S. I V.

* *De virtute charitatis, peccatisque illi oppositis.*

I CHARITAS est virtus supernaturalis Theologica, qua Deus summè super omnia diligitur propter seipsum, & proximus propter Deum.

Dicitur (virtus supernaturalis) quia solis naturæ viribus acquiri non potest, sed necesse est ut diuinitus infundatur: vnde dixit Apollolus ad Rom. 5. quod *Charitas Dei diffusa est in cordibus nostris per Spiritum sanctum, &c.* Et Sanctus Augustinus libro. de spiritu & littera capite 32. *Charitas Dei*, inquit, *dicta est diffundi in cordibus nostris, non qua nos ipse diligit, sed qua nos dilectores suos facit.*

Dicitur 2. (Theologica) quia Deum habet pro obiecto immediato, primario quidem, pro ut est in se summè & infinitè bonus; secundario autem pro ut suam bonitatem in creatura rationabili manifestat.

Dicitur 3. (qua Deus summe & super omnia diligitur propter seipsum) quia ut rectè dixit Sanct. Bern. in tract. de diligendo Deo, *causa diligendi Deum, Deus est; modus, diligere sine modo.* Quod quidèni fufius infra explicabitur.

Dicitur 4. (& proximus propter Deum, id est propter bonum diuinum quod in proximo elucet, vel ad quod proximus creatus est.

Cùm autè de hac nobilissima virtute plurima disputari soleant à Theologis, nos hìc præcipua tantummodò & scitu magis necessaria, ex eorum comunì & recepta doctrina, præsertimquè ex ijs quæ apud S. Doctorem q. 23. 24. & seq. fufius explicantur selegimus.

1. Primum est, charitatem non modo esse virtutem, supernaturalem Theologicam, cæteris omnibus quibuscunque virtutibus perfectiorem, ut fusè demonstrat S. Doctor; sed etiam esse ipsarum virtutum veluti formam, in quantum scilicet illis vltimam & completam perfectionem, earum actus ad vltimum finem perfectè ordinando tribuit.

Secundum est, charitatem esse amorem, non concupiscentiæ aut desiderij, sed veræ ac perfectæ amicitie, qua prius à Deo, licet sine vllis nostris meritis, amati, eiusque beneficijs præuenti, ipsum vicissim reddamus ac summè diligamus propter bonitatem ipsius, non qua nobis bonus est ac beneficus; sed qua in se infinitè bonus ac perfectus, ac proinde infinitè diligibilis est; cum (ut in priori parte tract. 2. cap. 2. dictum est) quidquid in creaturis bonum aut perfectum est, vel esse potest, id omne in Deo; imo aliquid infinitè melius

melius ac perfectius reperitur, quod illum omni amore dignissimum efficit.

Tertium est, charitatis actus alios esse imperatos, quales sunt illi qui per ipsius charitatis imperium exercentur, ut cum quis dat elemosynam pauperi: non modo ut eius indigentiam subleuet; sed præsertim ut Deo placeat, illique opus gratum exhibeat: alios verò elicitos, qui illius proprii sunt, & ex eius formali motu concipiuntur, & quibus homo fertur erga Deum ut summè dilectum; siue per unionem affectuum, idem volendo quod vult Deus, eius præcepta, consilia, & alia quæcunque illi placent, appetendo & exequendo, non alia ratione, nisi ut voluntatem suam diuinæ voluntati quam perfectissimè uniatur & conformet: siue per veniam benevolentiae, qua Deo omnia bona velit, quæ ipsi velle potest bona quidem intrinseca & essentialia ipsi Deo per veram & perfectam in illis complacentiam, bona vero ipsi extrinseca puta gloriam, honorem, amorem, obseruantiam, & alia religionis reliquarumque virtutum officia, ipsi Deo tam à se quam ab alijs creaturis exhibenda, per ardentissimum desiderium quo hæc omnia non solum velit & optet Deo; sed etiam quibuscumque modis potest, ut re ipsa exhibeantur, efficiat.

4 Quartum est, verissimum esse quod S. Bernardus dicit, lib. 2. de diligendo Deo, *Modum diligendi Deum esse, diligere sine modo*: siue enim charitas consideretur obiectiue, secundum illud bonum quod volumus Deo, siue appetitiue, secundum æstimationem quæ de Deo ipso concipimus; siue intensiue, secundum feruorem & conatum quo in Deum per amorem ferimur, nullus modus ipsi præscriptus est: Certum est enim quod Deum obiectiue & appetitiue tenemur diligere præ alia quauis creaturâ; vnde Christus Dominus, *Qui amat, inquit, patrem & matrem plus quam me, non est me dignus*: Quamuis autem iuxta communem Theologorum sententiam, intensio charitatis sub obligationem non cadat, possumusque actu charitatis etiam valde remisso satisfacere diuino præcepto, quo iubemur Deum ex toto corde diligere, ut docent Almainus, Maior, Vega, & alij, quos citat & sequitur Isambertus Tract. de Char. disp. certum est tamen nullum intentionis modum in amore Dei esse definitum, nosque nullo affectu adeo feruenti & intenso posse Deum diligere, quin ad illum adhuc feruentius & intensius diligendum, si non ex præcepto tenemur, saltem per gratiam ipsius inuitemur & excitemur.

5 Quintum est: habitum charitatis, quod etiam de aliarum virtutum Theologicarum habitibus similiter dicendum est, non produci physice per actus, sicut de habitibus virtutum moralium docent Philosophi; sed à Deo infundi, iuxta id quod dixit Apost. Roman 5.

Charitas Dei diffusa est in cordibus nostris per Spiritum Sanctum qui datus est nobis: & ex consequenti secundum communionem & probabiliorem Theologorum sententiam ab ipsomet Deo augeri, non verò per actus aliquos, nisi tantum dispositiue & meritorie, ut in priori parte dictum est Tract. 6. cap. 4. sect. 6. vnde Conc. Trid. obseruat sess. 6. c. 10. Ecclesiam illud augmentum à Deo postulare in quadam collecta, cum dicit: Da nobis fidei, spei, & charitatis augmentum.

Cæterum per quosnam actus homo ipsius charitatis augmentum promereri possit, non plane constat inter Theologos: quidam enim existimant nonnisi per actus ipso habitu intensiores fieri posse; alij etiam per actus æqualiter intensos: imo quidam asserunt hominem in charitate constitutum; per actus quoque aliarum virtutum promereri posse augmentum ipsius charitatis: quod inter alios docet beatorum memoriarum Franciscus Salesius Episcopus Geneuenlis l. 3. de amore Dei, cap. 2. probat, quæ ex canone 24. sess. 8. Concilij Trident. ubi indefinite, & sine vlla exceptione dicitur, iustitiam acceptam augeri per bona opera: *ubi autem*, inquit, ille ex Sancto Bernardo, *nihil excipitur, nihil distinguendum est.*

Quamuis autem propter tanti viri autoritatem, & plures optimas rationes quas ibidem profert, hæc vltima sententia probabilissima merito videatur: tutissimum tamen est & consultissimum unicuique actus quam perfectissimos charitatis crebro elicere, & alia pietatis opera ex eiusdem virtutis motiuo, cum ingenti animi affectu, producere; ea siquidem ratione, non augmentum modo, sed cumulum diuinæ illius virtutis accipere merebitur.

6 Porro thesaurum adeo pretiosum vnico mortali peccato totum deperdi, ex fide certum est, & à Concilio Tridentino definitum sess. 6. capite 15. sicut è contra per peccata venialia charitatem non amitti declaratur eadem sess. capite 11. ubi expressè dicitur, *istos quamvis in peccata venialia quandoque cadant, non propterea desinere esse istos*: ex quibus verbis rectè colligitur non modo charitatem non amitti, sed ne quidem minui per quælibet peccata venialia: quod etiam docet S. Thom. quæst. 24. art. 10. & cum eo communiter omnes: si enim charitas minueretur per peccatum veniale, sequeretur quod per plura venialia tandem omnino amitteretur; omne siquidè finitum, ablatione sæpius iterata alicuius finiri, tandem consumitur.

Quod quamuis ita se habeat, fatendum est tamen charitatis feruorem minui per peccata venialia; quæ licet charitati contraria non sint, eius tamen operationibus opponuntur, prauosque paulatim habitus in anima ingenerant, quibus ad maiora & etiam mortalia peccata

peccata perpetranda disponitur.

Sextum denique est, dari speciale præceptum de diligendo Deo: non solum negativum, quo prohibeatur quidquid contra dilectionem illi debitam committi potest: sed etiam affirmativum, quo Deum actu aliquo interno diligere obligamur. Ita S. Thom. quæst. 44 art. 1. & evidenter constat ex his Christi Domini verbis S. Matth. 22. *Diliges Dominum Deum tuum ex toto corde tuo, &c.* quibus cum adiungit hæc alia *hoc est primum & maximum mandatum*, illud ab alijs mandatis distinctum esse ostendit.

Quæres quo tempore præceptum illud obliget. Respondetur 1. certum esse & in confesso apud omnes, tunc nos ad actum charitatis eliciendum teneri, cum ad actum perfectæ contritionis eliciendum obligamur: siue in articulo mortis, cum aliter Deo reconciliari non possumus: siue cum in statu peccati mortalis Sacramentum aliquod suscepturi vel administraturi sumus, deestque copia Confessarii: actus enim perfectæ contritionis charitate formari debet, ut habetur in Conc. Trid. sess. 14 c. 4.

Respondetur 2. probabile esse quod Nauarrus cap. 11. numero 8. & quidam alij docent, hominem ad actum charitatis exercendum obligari, ubi primum rationis usus adeptus est, ipsique sufficienter innotescit Deum esse summum bonum ultimum finem, ad quem se suæque omnia per charitatis actum ordinare tenetur: quamvis Bonacina disp. 3. de charit. qu. 14. punct. 2. & alij Theologi negent, ad actum charitatis tunc eliciendum obligatum esse sub reatu peccati mortalis. Quidquid sit autem de illa Nauarri sententia, indubitatum est apud omnes, omissionem illam non fore peccatum mortale in eo, qui de illa obligatione nihil unquam audiisset, aut nusquam cogitaret se ad actum charitatis eliciendum obligari, vel qui Doctorum illorum sententiæ subscribere nollet, & contrariam saltem ut probabilem amplecteretur.

8. Iam quod spectat ad peccata charitati opposita, quamvis mortalia omnia, quatenus sunt quædam Dei offensæ, huic virtuti maxime aduersentur: duo tamen sunt, quæ illi ex propria & peculiari ratione opponuntur.

Primum est, odium Dei, quod peccator concipere potest, ut docet S. Thomas quæst. 34. art. 1. ex consideratione quorundam effectuum diuinæ voluntatis, qui depravatæ voluntati suæ repugnant, qualis est inflictio pænæ peccatis debitæ. Deum enim propter se præcisè odisse nullus potest, cum in eius natura nihil nisi infinite diligibile occurrat. Et hoc peccatum haud dubie peccatorum omnium grauissimum est, ut asserit idem S. Doctor art. 2. cum per illud homo maximè à Deo auertatur.

Alterum peccatum est, accidia, quæ ut docet S. Thomas quæst. 35.

X 3 art. 1.

art. 1. & sequent. nihil est aliud, quàm tristitia, & tedium quoddam voluntarium & deliberatum de bono spiritali, in quantum est bonum diuinum, id est quatenus per illud bonum spirituale, puta per Sacramentorum susceptionem aliaque bona opera, homo intendit in Deum, illi obsequitur, illum glorificat, &c. & ut sic opponitur directè charitati, cuius proprius effectus est gaudium de bono diuino.

Explicatis ijs, quæ ad charitatem pertinent, in quantum Deum respicit, doctrinæ ordo postulare videbatur, ut de charitate proximi aliquid diceremus; verùm cum plurima quæ ad virtutem illam spectant, in præceptis secundæ Tabulæ contineantur, commodius existimauimus, quod etiam præstitit Nauarr. cap. 14. num. 3. & ante illum S. Bonauent. in 3. dist. 37. agere de iis quæ ad charitatem, proximi spectant, cum quarti præcepti & sequentium explicationem aggrediemur.

§. V.

De virtute Religionis, peccatisque illi oppositis.

RELIGIONIS nomine secundum mentem S. Doctoris qu. 81. art. 1. intelligitur virtus illa, per quam homines Deo debitum cultum & honorem exhibent; quæ quidem non est Theologica; sed prima & præcipua inter morales: cum pro immediato objecto, non ipsum Deum, sed cultum & honorem illi exhibendum respiciat.

Illius actus, sicut & aliarum virtutum, sunt duplicis generis: alij siquidem sunt eliciti, quibus homo subijcitur Deo, illique debitum honorem & cultum exhibet, cuiusmodi sunt adoratio, sacrificium, oblatio, oratio, votum, &c. Per adorationem, supremam Dei Maiestatem reueremur, nosque illi, quanta possumus animi ac corporis demissione, subijcimus: Per sacrificium, ipsum Deum colimus, tanquam supremum vitæ ac necis arbitrum: Per oblationem, eiusdem Dei absolutum ac summum in res omnes dominium profiteamur: Per orationem, ad illum recurrimus, ut ad fontem & principium totius boni quod speramus: Per votum denique eundem agnoscimus tanquam vltimum finem, in quem nos & nostra omnia speciali affectu referre volumus. De quibus omnibus & singulis plenius agit Sanctus Doctor quæst. 84. & sequent.

Alij autem sunt actus religionis imperati, cuiusmodi sunt omnes aliarum virtutum actus, qui ad Dei cultum referri possunt. quo sensu dicit S. Iacobus cap. 1. *Religio munda & immaculata hæc est, visitare pupillos & viduas in tribulatione eorum, &c.*

Quod

Quod spectat ad peccata virtuti religionis opposita, varia sunt & multiplicia, de quibus non solum hic, sed etiam in duabus sectionibus sequentibus agendum erit.

Primum & præcipuum ac veluti radix cæterorum est superstitio, qua (vt docet S. Thomas quæst. 92. art. 1. vel Deo cultus illegitimus, vel creaturæ cultus indebitus exhibetur: prior illa subdividitur in duas species; quarum altera est, cum Deo exhibetur cultus falsus, vt si quis nunc veteris legis sacrificia offerret: hic enim cultus, vt obseruat S. Doctor quæst. 95. art. 1. falsus esset, cum fuerit institutus ad significanda vitæ ac mortis Christi Domini Mysteria tanquam futura, quæ tamen iam peracta sunt: ad quod peccatum, vt monet Toletus lib. 4. cap. 14. reducitur illud, quod quis falsas reliquias pro veris supponeret, vel falsa miracula fingeret, vt, ementito illo religionis nomine, eleemosynas hinc inde corrogaret.

Altera species est, cum exhibetur Deo cultus superfluous; id est, vt explicat S. Doctor art. 2. cum aliquid sit, quod neque confert ad Dei gloriam, neque ad hoc vt mens hominis in Deum feratur, aut carnis concupiscentiæ inordinatæ refrenentur; aut etiam quod est præter Dei institutionem, vel contra legitimam & approbatam Ecclesiæ consuetudinem: *Hoc enim totum*, inquit S. Doctor *suprà reputandum est superfluum & superstitiosum.*

Superstitio autem illa, qua cultus indebitus creaturæ tribuitur, quinque sub se includit species: scilicet Idololatriam, Magiam, Diuinationem, Vanam obseruantiam, & Maleficium.

Idololatria est, cum cultus diuinus alicui creaturæ tanquam Deo exhibetur. Obseruat autem rectè Toletus lib. 4. cap. 14. Idololatriam non modo religionis, sed etiam fidei esse oppositam; sicut enim vera adoratio non est, nisi præcedat in intellectu fides, qua illius excellentiam agnoscimus cui nos subiicimus, sic adoratio falsa, qualis est Idololatria, supponit errorem in intellectu, quo æstimamus creaturam aliquam honore diuino dignam.

Magia est potestas quædam inordinata collata per dæmones, pacto cum illis inito, qua medijs prauis & superstitiosis fit aliquid, quod est suprà naturæ vires, non tamen ipsius dæmonis naturales vires excedit. Pactum autem illud magi cum dæmone fit, vel expressè cum ipso dæmone visibiliter apparente, aut cum aliquo alio Mago vices dæmonis supplente: vel tacitè per dæmonis inuocationem, quæ non solum fieri censetur, cum homo conceptis verbis auxilium dæmonis inuocat, sed etiam, vt rectè monet Martinus Delrio lib. 6. disqu. magic. quoties homo intentat aliquid facere per ea, quæ neque ex se, nec virtute aliqua supernaturali diuinitus indita, talem effectum producere possunt, vt cum certa verba vel characteres ad morbus depellendos adhibentur.

¶ Obseruat etiam Toletus supra, magiæ hæresim sæpè coniunctam esse; ut si Magus cum pertinacia credat dæmones posse patrare miracula, aut aliquid citra permissionē diuinam propria virtute facere: *Certissime enim tenendum est, ut ait S. August. lib. 18. de ciu. c. 18. solum Deum posse omnia facere quæ voluerit, nec dæmones aliquid operari secundum naturæ suæ potentiā, nisi Deus permiserit.*

Obseruat etiam idem Toletus contingere aliquando posse personas quasdam simplices, modis supra explicatis, quibus tacitè dæmon inuocatur, vtentes, inuincibiliter ignorare se inuocare dæmonem: & tunc non peccare saltem mortaliter, propter ignorantiam illam inuincibilem, quæ tamen amplius illos non excusat, quando vel ab alijs monentur, vel per seipsos aduertunt id quod faciunt illicitum esse; aut de illo dubitare incipiunt.

Diuinationis est inordinata & superstitiosa inquisitio rerum aliquarum vel futurarum vel occultarum, quas homo hic & nunc naturaliter cognoscere non potest.

¶ Docet autem S. Thomas quæst. 95. art. 5. semper in diuinatione expressam vel tacitam dæmonis inuocationem reperiri, vt illius ope notitia rerum illarum acquiratur: vnde fit vt diuinationis, sicut & magiæ, propter illud commercium cum dæmone, grauissimum contra virtutem religionis censeatur esse peccatum: Apostolus siquidem 1. Cor. 10. prohibet fideles *feri socios dæmoniorum*: & Sanct. August. libro 2. de doct. Christi. cap. 13. dicit: *Omnem societatem dæmonum tanquam pestiferam esse fugiendam.*

¶ Expressa autem dæmonis inuocatio in diuinatione multipliciter fieri solet, vt fusè explicat S. Doct. q. 65. iuxta varios modos, quibus solet dæmon futura vel occulta manifestare, aliquando enim id præstat per fctas quasdam apparitiones, quibus oculis hominum illudit: & hæc diuinationis species vocatur præstigium. Aliquando per somnia: quando quis per somnia responsum expectat à dæmone, & vocatur diuinationis per somnia. Aliquando per mortuorum fctam apparentiam vel locutionem: & vocatur Necromantia. Aliquando per statuas & aliqua corpora terrestria: & dicitur Geomantia. Aliquando per figuras apparentes in aquis: & vocatur Hydromantia. Aliquando per figuras æreas vel igneas: & vocatur Aeromantia vel Pyromantia. Aliquando per inspectionem viscerum & animalium quæ dæmonibus immolantur: & dicitur Aruspicium.

Quæ quidem omnes diuinationis species sunt peccata mortalia grauissima, diuina lege reprobata, vt patet Deut. cap. 8. & etiam sanctionibus Ecclesiasticis sub anathematis interminatione prohibita, vt habetur c. *Si quis*, 20. quæst. 5.

Diuinationis, quæ fit per tacitam dæmonum inuocationem, vt docet S. Thomas supr. in duo genera subdiuiditur: Quorum primum est,

est, quando ad cognoscendas res futuras vel occultas superstitione consideratur aliquid in dispositionibus quarundam rerum, quod ex se nullam habet naturalem connexionem cum rebus illis futuris & occultis: ut enim recte dixit S. August. lib. 2. de doctr. Christ. cap. 2. *Ista opiniones quibusdam rerum signis humana presumptione institutis, ad eandem illa, quasi quadam cum demonibus pacta, referenda sunt.*

Quod si ad hunc diuinandi finem motus vel situs siderum consideretur, hæc diuinationo dicitur Astrologia: si garritus animalium aut auium, dicitur Augurium: si earundem auium volatus, Auspicium: si verba quædam hominum casu prolata retorqueantur ad prænotionem aliquam futurorum, dicitur Omen: si lineamenta quædam manus superstitione obseruentur vocatur Chiromantia.

6 Porro circa Astrologiam obseruandum est ex S. Doctore q. 95. art. 5. quod, quamuis per illam scientiam aliqui effectus naturales præcognosci possint, ut Eclipses, aeris immutationes, &c. item inclinationes, complexionis, & aliæ similes corporis humani dispositiones (quod, licet valde incertum sit in particulari, nihilominus in generali ex Philosophia compertum est, astræ & cælos in humana corpora aliquo pacto influere) certum est tamen duobus præsertim in casibus mortale peccatum esse Astrologica eiusmodi scientia uti. Primò, ad ea cognoscenda, quæ à sola diuina voluntate pendent: puta ad cognoscendam prædestinationem, salutem, damnationem, &c. alicuius hominis. Secundò, ad ea præcognoscenda tanquam certè euentura, quæ ex libera hominis voluntate pendent: unde S. Aug. lib. 4. Confess. c. 3. dicit eiusmodi astrorum consultores, quos vocat *Planetarios*, à Christiana pietate repelli & damnari: & lib. 2. de doctr. Christ. c. 10. vocat Astrologiam illam iudiciariam genethliacorum *perniciosa superstitionem*; dicitque illius sectatores nimis errare, & vendere imperiis hominibus miserabilem seruitutem. Diximus, tanquam certo euentura; quia, si quis per illam scientiam ex cognitione complexionis & habitudinis naturalis, alicuius hominis conijceret tantum euenire posse, ut hoc vel illud ageret; tunc licet alioqui vanum & valde incertum esset tale iudicium, non esset tamen peccatum mortale, nisi in eo casu, quo quis ita addictus esset eiusmodi astrologicis obseruationibus, ut illis tanquam prima & præcipua regula in suis actionibus vteretur: ita ut nisi prius consultis astris, neque vllum negotium aggredi, neque quidquam alicuius momenti agere vellet.

Est præterea genus alterum diuinationis per sortes, circa quod aduertendum est ex S. Th. alias esse sortes diuinatorias, quæ adhibentur ad aliquid occultum vel futurum sciendum; alias consultorias ad cognoscendum quid in aliquo casu agendum sit: alias diuisorias, ad determi-

S. Cyprianus *serm. de orat. Dom.* Cum *astamus*, inquit, ad orationē, vigilare & incumbere ad preces toto corde debemus: cogitatio tunc omnis carnalis & secularis abscedat, nec quidquam tunc animus quàm id solum cogitet, quod precatur, Quam autem segnitia est alienari, & capi ineptis cogitationibus & prophanis, cum Dominum deprecaris? quasi sit aliud quod magis debeas cogitare quàm quod cum Deo loqueris? & quomodo te à Deo audiri postulas, cum te ipse non audias? vis esse Deum memorem tui, quando tu ipse memor tui non sis?

Deuotio etiam requiritur, ut scilicet oratio ex pio quodam affectu procedat, ut fiat cum maxima sui demissione, & summa erga Deum reuerentia, cum firma fide, & vera in Deum confidentia, aliisque similibus dispositionibus, quas sacra Scripturæ frequentius ingerunt, & quæ à sanctis Patribus maximè commendantur. Certè nullus est, qui non seipsum tanquam peccati alicuius reum, accuset, si minus reuerenter, aut cum aliqua fidei vel spei vacillatione Deum orauerit, ex quo satis patet, vel ipsa conscientia iudice, eiusmodi pium affectum ad orationem debitè faciendam, requiri.

Quæritur 7. & ultimò, quænam in oratione sint postulanda?

Responderetur ea omnia licitè & meritò posse à Deo postulari, quæ ad salutem sunt conducibilia, cuiusmodi sunt in primis bona æterna, in quibus ipsa beatitudo consistit; tum media ad illam consequendam utilia, quales sunt gratiæ & virtutes; possunt etiam postulari temporalia bona & exteriora, quatenus tamen ad beatitudinem illam assequendam aliquo pacto conducere possunt, & hoc manifestè patet ex formula illa precandi, quam ipse Christus Dominus nos edocere dignatus est Matth. 5. in qua complexus est quidquid à Deo possumus aut debemus petere, vnde S. Augustinus Epist. 121. ad Probam de illa oratione Dominica loquens: *Si per omnia*, inquit, *sanctarum precationum verba discurras, quantum existimo nihil inuenies, quod non ista contineat & concludat oratio.* Quare utilissimum fore existimauimus, si adiungamus hic breuem ipsius Dominicæ Orationis explicationem secundum mentem sanctorum Patrum, qui singula illius verba, cum præcipuo quodam pietatis affectu, expenderunt.

DIGRESSIVNCULA.

* Breuē Dominicæ orationis explicationem continens iuxta mentem Sanctorum Patrum.

P R I M A orationis Dominicæ verba (Pater noster qui es in cœlis) veluti quoddam ipsius precatōnis exordium continent, quo beneficam erga nos voluntatem Dei, vtpote patris nostri commemoramus. *Non est autem meritum nostrorum*; vt recte monet D. Augustinus lib. 2. de sermone Domini in monte cap. 8. *sed gratis, cum dicimus; Pater noster*: nec hoc ideo dicimus, vt Deum sua sponte in nos beneficentissimum, & qui prior dilexit nos, ad exaudiendum & benefaciendum commoneamus, perinde ac si cum homines ageretur, cuius captanda esset beneuolentia, sed vt in nobis, per illius denominationis considerationem, ipsi filialem erga illum confidentiam excitemus. *Quid enim* (vt ibidem subdit idem D. Augustinus) *iā non dei filijs petentibus, tum hoc ipsum iam dederit vt essent filij.*

Sequuntur deinde petitiones septem; quarum tres primæ spectant ipsum vltimum finem qui est Deus, alia vero quatuor media conducibilia ad illum finem. Prima est (Sanctificetur nomen tuum). *Quod non sic petitur* (inquit D. Augustinus sup. cap. 10.) *quasi non sit sanctum Dei nomen; sed vt sanctum habeatur ab hominibus, id est ita innotescat Deus, vt non asimetur aliquid sanctius.* Vel (vt ait D. Chrysostomus homil. in hunc Matthæi locum) Rogamus vt Deus per nostram vitam glorificetur: quasi vnusquisque dicat: Ita fac nos viuere, vt per nos te vniversa glorificetur? sanctificetur enim idem est ac glorificetur, digna est autem Deum deprecantis oratio, nihil petere ante Patris gloriam, sed omnia eius latius postponere.

2. (Adueniat Regnum tuum.) *Quod non ita dictum est*, inquit S. Augustinus sup. *quasi Deus nunc non regnet in terra, aut non semper in ea regnauerit. Adueniat*, ergo accipiendum esse; vt regnum Dei manifestetur hominibus. Vel iuxta mentem S. Hieronymi in hunc Matthæi locum; *Vt diabolus in mundo regnare desinat, & non regnet peccatum in corpore nostro mortali; sed vt in vnoquoque nostrum regnet Deus.* Vel denique per hæc verba, vt S. Cyprianus explicat in tract. de orat. dominic. *Petimus regnum illud nobis aduenire à Deo nolis repromissum; & Christi sanguine acquisitum: vt qui in saculo ante seruimus; postmodum Christo dominante regnemus. Regnumque Dei* (inquit D. August. sup.) *veniet siue velimus, siue nolimus; sed de-*
sides

fideliū nostrum ad illud excitamus ut nobis veniat acque in eo regnemus.

3. (Fiat voluntas tua sicut in cælo & in terra.) *His verbis (inquit S. Cyprianus sup.) non petimus ut Deus faciat quod vult, sed ut nos facere possimus quod Deus vult: quod ut fiat, nobis opus est Dei voluntate, id est opera eius & protectione: quia nemo suis viribus fortis est, sed Dei misericordia tutus.*

Vel (ut explicat D. August. sup. *Fiat voluntas tua, id est obediatur præceptis tuis: sicut in Cælo & in terra, id est sicut ab Angelis, ita ab hominibus.* Observat autem rectè D. Chrysostomus sup. quòd Non dicitur fiat voluntas tua in me, vel in nobis, sed ubique terrarum; ut solvatur error, & plantetur veritas, & expellatur malitia, & reuertatur virtus, & iam non differat cælum à terra.

4. (Panem nostrum quotidianum da nobis hodie) *Hæc ergo tria (inquit S. August. in Enchiridio cap. 115.) quæ in præmissis petitionibus postulatur, hic inchoantur; & quantumcumque proficimus, augentur in nobis: perfectè verò, quod in alia vita sperandum est, semper possidebuntur. Reliquis verò quatuor quæ sequuntur, petuntur temporalia, quæ propter æterna consequenda sunt necessaria. Monet autem sapienter S. Chrysostomus sup. quod Dominus pro pane iussit orationem facere, non pro pecunia, neque pro lascivia, sed solum pro pane quotidiano: & insuper apposuit da nobis hodie, ut non conteramus nos ipsos sollicitudine superuenientis diei. Non solum autem dicimus panem nostrum quotidianum da nobis hodie, ut habeamus quid manducemus, quod commune est inter iustos, & peccatores, sed ut quod manducemus, de manu Domini accipiamus, quod est tantum Sanctorum.*

Vel (ut explicat S. Hieronymus in hunc locum) *Petimus ut Dominus præcipuum nobis tribuat panem, illum scilicet qui dicit in Evangelio, ego sum panis viuus qui de cælo descendi. Panis enim vita Christus est (ut loquitur D. Cyprian. sup.) & panis hic omnium non est, sed noster est. Hunc autem panem dari nobis quotidie postulamus, ne qui in Christo sumus, & Eucharistiam quotidie accipimus, intermittente aliquo grauiori delicto, à cælesti pane prohibeamur, & à Christi corpore separeremur. Petimus ergo qui in Christo manemus, a sanctificatione eius, & corpore non recedamus.*

5. (Et dimitte nobis debita nostra, sicut & nos dimittimus debitoribus nostris) *Post subsidium cibi (inquit S. Cyprian. sup.) petitur & venia delicti, ut qui à Deo pascitur in Deo vivat, nec tantum præsentis vitæ, sed æterna consulatur ad quam venire*

nire potest si peccata condonentur , quæ debita nostra Dominus appellat , &c. Qui ergo pro peccatis orare docuit , paternam misericordiæ promissit. Sed plane addidit legem certâ conditione nos constringens , ut sic debitum nobis dimitti postulemus , secundum quod & ipsi debitoribus nostri dimissimus. Cum qua ergo spe erat (inquit D. Chrysostom. hom. 14. oper. imperf.) Qui inimicitiam sernat adversus alterum , à quo forsân lasus est : sicut enim ipse orans mentitur , dicit enim remitto & non remittit : sic & à Deo petit indulgentiam , & non indulgetur .

6 (Et ne nos inducas in tentationem) id est , ut explicat Tertulianus lib. de orat. Ne patiaris nos in tentationem induci , ab eo utique qui tentat. Quod itaque dicimus Deo , inquit D. August. lib. de bono perseverantia , cap. 6. ne nos inducas in tentationem , quid dicimus , nisi ne nos inferri sinas in tentationem , quæ in parte ostenditur , ut rectè monet Sanctus Cyprianus sup. contra nos nihil adversariû posse , nisi Deus antè permiserit , ut omnis timor noster & devotio convertatur ad Deum , &c. quando autem rogamus ne in tentationem veniamus , admonemur infirmitatis & imbecillitatis nostra , dum sic rogamus , ne quis se insolenter extollat , ne quis superbe sibi atque arroganter aliquid assumat , ne quis aut confessionis , aut passionis gloriam suam ducat : cum Dominus ipse humilitatem docens dixerit Vigilate & orate ne veniatis in tentationem .

7 Ultima petitio est (sed libera nos à malo Amen) Orandum est enim , inquit , S. Aug. sup. Non solum ut non inducamur in malum quo caremus , quod sexto loco ponitur , sed etiam ut ab illo liberemur in quod iam inducti sumus. Hac autem ultima petitio , ut observat S. Cyprianus sup. comprehendit omnia mala , & adversa quæ contra nos in hoc mundo molitur inimicus , à quibus potest esse fida & firma tutela , si nos Deus liberet , si deprecantibus atque implorantibus opem suam præsteret Vel , ut ait S. Chrysostomus in huc locum , postulamus liberari à malo , hoc est à Diabolo , qui malus vocatur propter insignem malitiam non quæ natura illi inest , sed quæ electione : & quia contra nos implacabile bellum gerit. Hoc tamen ultimum , inquit S. August. Epist. 121. quod in oratione Dominica positum est , tam late patet , ut homo Christianus in qualibet tribulatione constitutus , & in hoc gemitus edat , & in hoc lacrymas fundat : hinc exordiat , & in hoc terminet orationem ; unde sequitur , Amen , quod desiderium orantis exprimitur .

§. I V.

* *De virtute charitatis, peccatisque illi oppositis.*

I **C**HARITAS est virtus supernaturalis Theologica, qua Deus summè super omnia diligitur propter seipsum, & proximus propter Deum.

Dicitur (virtus supernaturalis) quia solis naturæ viribus acquiri non potest, sed necesse est ut diuinitus infundatur: vnde dixit Apostolus ad Rom. 5. quod *Charitas Dei diffusa est in cordibus nostris per Spiritum sanctum, &c.* Et Sanctus Augustinus libro. de spiritu & littera capite 32. *Charitas Dei, inquit, dicta est diffundi in cordibus nostris, non qua nos ipse diligit, sed qua nos dilectores suos facit.*

Dicitur 2. (Theologica) quia Deum habet pro obiecto immediato, primario quidem, prout est in se summè & infinitè bonus; secundario autem prout suam bonitatem in creatura rationabili manifestat.

Dicitur 3. (qua Deus summe & super omnia diligitur propter seipsum) quia ut recte dixit Sanct. Bern. in tract. de diligendo Deo, *causa diligendi Deum, Deus est; modus, diligere sine modo.* Quod quidem fufius infra explicabitur.

Dicitur 4. (& proximus propter Deum, id est propter bonum diuinum quod in proximo elucet, vel ad quod proximus creatus est.

Cum autè de hac nobilissima virtute plurima disputari soleant à Theologis, nos hic præcipua tantummodò & scitu magis necessaria, ex eorum comuni & recepta doctrina, præsertimque ex ijs quæ apud S. Doctorem q. 23. 24. & seq. fufius explicantur selegimus.

2. Primum est, charitatem non modo esse virtutem, supernaturalem Theologicam, cæteris omnibus quibuscunque virtutibus perfectiorem, ut fusè demonstrat S. Doctor; sed etiam esse ipsarum virtutum veluti formam, in quantum scilicet illis ultimam & completam perfectionem, earum actus ad ultimum finem perfectè ordinando tribuit.

Secundum est, charitatem esse amorem, non concupiscentiæ aut desiderij, sed veræ ac perfectæ amicitæ, qua prius à Deo, licet sine vllis nostris meritis, amati, eiusque beneficijs præuenti, ipsum vicissim reddamus ac summè diligamus propter bonitatem ipsius, non qua nobis bonus est ac beneficus; sed qua in se infinitè bonus ac perfectus, ac proinde infinitè diligibilis est: cum (ut in priori parte tract. 2. cap. 2. dictum est) quidquid in creaturis bonum aut perfectum est, vel esse potest, id omne in Deo; imo aliquid infinitiæ, melius

melius ac perfectius repetatur, quod illum omni amore dignissimum efficit.

Tertium est, charitatis actus alios esse imperatos, quales sunt illi qui per ipsius charitatis imperium exercentur, ut cum quis dat elemosynam pauperi: non modo ut eius indigentiam subleuet; sed præsertim ut Deo placeat, illique opus gratum exhibeat: alios verò elcitos, qui illius proprii sunt, & ex eius formali motivo concipiuntur, & quibus homo fertur erga Deum ut summè dilectum; siue per vnionem affectuum, idem volendo quod vult Deus, eius præcepta, consilia, & alia quæcunque illi placent, appetendo & exequendo, non alia ratione, nisi ut voluntatem suam diuinæ voluntati quam perfectissimè vniat & conformet: siue per veniam beneuolentiæ, qua Deo omnia bona velit, quæ ipsi velle potest bona quidem intrinseca & essentialia ipsi Deo per veram & perfectam in illis complacentiam, bona vero ipsi extrinseca puta gloriam, honorem, amorem, obseruantiam, & alia religionis reliquarumque virtutum, officia, ipsi Deo tam à se quam ab alijs creaturis exhibenda, per ardentissimum desiderium quo hæc omnia non solum velit & optet Deo; sed etiam quibuscumque modis potest, ut re ipsa exhibeantur, efficiat.

4 Quartum est, verissimum esse quod S. Bernardus dicit, lib. 2. de diligendo Deo, *Modum diligendi Deum esse, diligere sine modo*: siue enim charitas consideretur obiectiue, secundum illud bonū quod volumus Deo, siue appretiatiue, secundum æstimationem quā de Deo ipso concipimus; siue intensiue, secundum feruorem & conatum quo in Deum per amorem ferimur, nullus modus ipsi præscriptus est: Certum est enim quod Deum obiectiue & appretiatiue tenemur diligere præ alia quauis creaturā; vnde Christus Dominus, *Qui amat, inquit, patrem & matrem plus quam me, non est me dignus*: Quamuis autem iuxta communem Theologorum sententiam, intensio charitatis sub obligationem non cadat, possimusque actu charitatis etiam valde renisso satisfacere diuino præcepto, quo iubemur Deum ex toto corde diligere, ut docent Almainus, Maior, Vega, & alij, quos citat & sequitur Isambertus Tract. de Char. disp. certum est tamen nullum intentionis modum in amore Dei esse definitum, nosque nullo affectu adeo feruenti & intenso posse Deum diligere, quin ad illum adhuc feruentius & intensius diligendum, si non ex præcepto tenemur, saltem per gratiam ipsius inuestimur & excitemur.

5 Quintum est: habitum charitatis, quod etiam de aliarum virtutum Theologicarum habitibus similiter dicendum est, non produci physice per actus, sicut de habitibus virtutum moralium docent Philosophi; sed à Deo infundi, iuxta id quod dixit Apoll. Roman 5.

Charitas Dei diffusa est in cordibus nostris per Spiritum Sanctum qui datus est nobis: & ex consequenti secundum communionem & probabiliorē Theologorum sententiam ab ipsomet Deo augeri, non verò per actus aliquos, nisi tantum dispositiue & meritorie, ut in priori parte dictum est Tract. 6. cap. 4. sect. 6. unde Conc. Trid. obseruat sess. 6. c. 10. Ecclesiam illud augmentum à Deo postulare in quadam collecta, cum dicit: Da nobis fidei, spei, & charitatis augmentum.

Cæterum per quosnam actus homo ipsius charitatis augmentum promereri possit, non plane constat inter Theologos: quidam enim existimant non nisi per actus ipso habitu intensiores fieri posse; alij etiam per actus æqualiter intensos: imo quidam asserunt hominem in charitate constitutum, per actus quoque aliarum virtutum promereri posse augmentum ipsius charitatis: quod inter alios docet beate memorie Franciscus Salesius Episcopus Geneuensis lib. 3. de amore Dei, cap. 2. probat, quæ ex canone 24. sess. 8. Concilij Trident. ubi indefinite, & sine vlla exceptione dicitur, iustitiam acceptam augeri per bona opera: *ubi autem*, inquit, ille ex Sancto Bernardo, *nihil excipitur, nihil distinguendum est.*

Quamuis autem propter tanti viri auctoritatem, & plures optimas rationes quas ibidem profert, hæc vltima sententia probabilissima merito videatur: tutissimum tamen est & consultissimum vnicuique actus quam perfectissimos charitatis crebro elicere, & alia pietatis opera ex eiusdem virtutis motiuo, cum ingenti animi affectu, producere; ea siquidem ratione, non augmentum modo, sed cumulum diuinæ illius virtutis accipere merebitur.

6 Porro thesaurum adeo pretiosum vnico mortali peccato totum deperdi, ex fide certum est, & à Concilio Tridentino definitum sess. 6. capite 15. sicut è contra per peccata venialia charitatem non amitti declaratur eadem sess. capite 11. ubi expressè dicitur, *in istos quantumuis in peccata venialia quandoque cadant, non propterea desinere esse istos*: ex quibus verbis rectè colligitur non modo charitatem non amitti, sed ne quidem minui per quælibet peccata venialia: quod etiam docet S. Thom. quæst. 24. art. 10. & cum eo communiter omnes: si enim charitas minueretur per peccatum veniale, sequeretur quod per plura venialia tandem omnino amitteretur, omne siquidè finitum, ablatione sæpius iterata alicuius finiti, tandem consumitur.

Quod quamuis ita se habeat, fatendum est tamen charitatis feruorem minui per peccata venialia; quæ licet charitati contraria non sint, eius tamen operationibus opponuntur, prauosque paulatim habitus in anima ingenerant, quibus ad maiora & etiam mortalia peccata

peccata perpetranda disponitur.

Sextum denique est, dari speciale præceptum de diligendo Deo: non solum negatiuum, quo prohibeatur quidquid contra dilectionem illi debitam committi potest: sed etiam affirmatiuum, quo Deum actu aliquo interno diligere obligamur. Ita S. Thom. quæst. 44 art. 1. & euidenter constat ex his Christi Domini verbis S. Matth. 22. *Diliges Dominum Deum tuum ex toto corde tuo, &c.* quibus cum adiungit hæc alia *hoc est primum & maximum mandatum*, illud ab alijs mandatis distinctum esse ostendit.

Quæres quo tempore præceptum illud obliget. Respondetur 1. certum esse & in confessio apud omnes, tunc nos ad actum charitatis eliciendum teneri, cum ad actum perfectæ contritionis eliciendū obligamur: siue in articulo mortis, cum aliter Deo reconciliari non possumus: siue cum in statu peccati mortalis Sacramentum aliquod suscepturi vel administraturi sumus, deestque copia Confessarij: actus enim perfectæ contritionis charitate formari debet, ut habetur in Conc. Trid. sess. 14 c. 4.

Respondetur 2. probabile esse quod Nauarrus cap. 11. numero 8. & quidam alij docent, hominem ad actum charitatis exercendum obligari, ubi primum rationis vsum adeptus est, ipsique sufficienter innotesceat Deum esse summum bonum vltimum finem, ad quem se suæque omnia per charitatis actum ordinare teneretur: quamuis Bonacina disp. 3. de charit. qu. 14. punct. 2. & alij Theologi negent, ad actum charitatis tunc eliciendum obligatum esse sub reatu peccati mortalis. Quidquid sit autem de illa Nauarri sententia, indubitatum est apud omnes, omissionem illam non fore peccatum mortale in eo, qui de illa obligatione nihil vnquam audiuisset, aut nusquam cogitaret se ad actum charitatis eliciendum obligari, vel qui Doctorum illorum sententiæ subscribere nollet, & contrariam saltem ut probabilem amplecteretur.

8. Iam quod spectat ad peccata charitati opposita, quamuis mortalia omnia, quatenus sunt quædam Dei offensæ, huic virtuti maximè aduersentur: duo tamen sunt, quæ illi ex propria & peculiari ratione opponuntur.

Primum est, odium Dei, quod peccator concipere potest, ut docet S. Thomas quæst. 34. art. 1. ex consideratione quorundam effectuum diuinæ voluntatis, qui deprauatæ voluntati suæ repugnant, qualis est inflictio pænæ peccatis debitæ. Deum enim propter se præcisè odisse nullus potest, cum in eius natura nihil nisi infinite diligibile occurrat. Et hoc peccatum haud dubie peccatorum omnium grauissimum est, ut asserit idem S. Doctor art. 2. cum per illud homo maximè à Deo auertatur.

Alterum peccatum est, acedia, quæ ut docet S. Thomas quæst. 35.

art. 1. & sequent. nihil est aliud, quàm tristitia, & tædium quoddam voluntarium & deliberatum de bono spiritali, in quantum est bonum diuinum, id est quatenus per illud bonum spirituale, puta per Sacramentorum susceptionem aliaque bona opera, homo intendit in Deum, illi obsequitur, illum glorificat, &c. & vt sic opponitur directè charitati, cuius proprius effectus est gaudium de bono diuino.

Explicatis ijs, quæ ad charitatem pertinent, in quantum Deum respicit, doctrinæ ordo postulare videbatur, vt de charitate proximi aliquid diceremus; verùm cum plurima quæ ad virtutem illam spectant, in præceptis secundæ Tabulæ contineantur, commodius existimauimus, quod etiam præstitit Nauarr. cap. 14. num. 3. & ante illum S. Bonauent. in 3. dist. 37. agere de iis quæ ad charitatem, proximi spectant, cum quarti præcepti & sequentium explicationem aggrediemur.

§. V.

De virtute Religionis, peccatisque illi oppositis.

RELIGIONIS nomine secundùm mentem S. Doctoris qu. 81. art. 1. intelligitur virtus illa, per quam homines Deo debitum cultum & honorem exhibent; quæ quidem non est Theologica; sed prima & præcipua inter morales: cum pro immediato objecto, non ipsum Deum, sed cultum & honorem illi exhibendum respiciat.

Illius actus, sicut & aliarum virtutum, sunt duplicis generis: alii siquidem sunt elicit, quibus homo subijcitur Deo, illique debitum honorem & cultum exhibet, cuiusmodi sunt adoratio, sacrificium, oblatio, oratio, votum, &c. Per adorationem, supremam Dei Maiestatem reueremur, nosque illi, quanta possumus animi ac corporis demissione, subijcimus: Per sacrificium, ipsum Deum colimus, tanquam supremum vitæ ac necis arbitrum: Per oblationem, eiusdem Dei absolutum ac summum in res omnes dominium profiteamur: Per orationem, ad illum recurrimus, vt ad fontem & principium totius boni quod speramus: Per votum denique eundem agnoscimus tanquam vltimum finem, in quem nos & nostra omnia speciali affectu referre volumus. De quibus omnibus & singulis plenius agit Sanctus Doctor quæst. 84. & sequent.

Alij autem sunt actus religionis imperati, cuiusmodi sunt omnes aliarum virtutum actus, qui ad Dei cultum referri possunt. quo sensu dicit S. Iacobus cap. 1. *Religio munda & immaculata hæc est, visitare pupillos & viduas in tribulatione edrum, &c.*

Quod

Quod spectat ad peccata virtuti religionis opposita, varia sunt & multiplicia, de quibus non solum hic, sed etiam in duabus sectionibus sequentibus agendum erit.

Primum & præcipuum ac veluti radix cæterorum est superstitio, qua (vt docet S. Thomas quæst. 92. art. 1. vel Deo cultus illegitimus, vel creaturæ cultus indebitus exhibetur: prior illa subdividitur in duas species; quarum altera est, cum Deo exhibetur cultus falsus, vt si quis nunc veteris legis sacrificia offerret: hic enim cultus, vt obseruat S. Doctor quæst. 95. art. 1. falsus esset, cum fuerit institutus ad significanda vitæ ac mortis Christi Domini Mysteria tanquam futura, quæ tamen iam peracta sunt: ad quod peccatum, vt monet Toletus lib. 4. cap. 14. reducitur illud, quod quis falsas reliquias pro veris supponeret, vel falsa miracula fingeret, vt, e mentito illo religionis nomine, eleemosynas hinc inde corrogaret.

Altera species est, cum exhibetur Deo cultus superfluous; id est, vt explicat S. Doctor art. 2. cum aliquid fit, quod neque confert ad Dei gloriam, neque ad hoc vt mens hominis in Deum feratur, aut carnis concupiscentiæ inordinatæ refrenentur; aut etiam quod est præter Dei institutionem, vel contra legitimam & approbatam Ecclesiæ consuetudinem: *Hoc enim totum*, inquit S. Doctor *suprà reputandum est superfluum & superstitiosum*.

Superstitio autem illa, qua cultus indebitus creaturæ tribuitur, quinque sub se includit species: scilicet Idololatriam, Magiam, Diuinationem, Vanam obseruantiam, & Maleficium.

Idololatria est, cum cultus diuinus alicui creaturæ tanquam Deo exhibetur. Obseruat autem rectè Toletus lib. 4. cap. 24. Idololatriam non modo religionis, sed etiam fidei esse oppositam; sicut enim vera adoratio non est, nisi præcedat in intellectu fides, qua illius excellentiam agnoscimus cui nos subiicimus, sic adoratio falsa, qualis est Idololatria, supponit errorem in intellectu, quo æstimamus creaturam aliquam honore diuino dignam.

Magia est potestas quædam inordinata collata per dæmones, pacto cum illis inito, qua medijs prauis & superstitiosis fit aliquid, quod est suprà naturæ vires, non tamen ipsius dæmonis naturales vires excedit. Pactum autem illud magi cum dæmone fit, vel expressè cum ipso dæmone visibiliter apparente, aut cum aliquo alio Mago vices dæmonis supplente: vel tacitè per dæmonis inuocationem, quæ non solum fieri censetur, cum homo conceptis verbis auxilium dæmonis inuocat, sed etiam, vt rectè monet Martinus Delrio lib. 6. disqu. magic. quoties homo intentat aliquid facere per ea, quæ neque ex se, nec virtute aliqua supernaturali diuinitus indita, talem effectum producere possunt, vt cum certa verba vel characteres ad morbus depellendos adhibentur,

est, quando ad cognoscendas res futuras vel occultas superstitio: è consideratur aliquid in dispositionibus quarundam rerum, quod ex se nullam habet naturalem connexionem cum rebus illis futuris & occultis: vt enim rectè dixit S. August. lib. 2. de doctr. Christ. cap. 2. *Ista opiniones quibusdam rerum signis humana præsumptione iustituis, ad eandem illa, quasi quadam cum demonibus pacta, referenda sunt.*

Quod si ad hunc diuinandi finem motus vel situs siderum consideretur, hæc diuinationo dicitur Astrologia: si garritus animalium aut auium, dicitur Augurium: si earundem auium volatus, Auspicium: si verba quædam hominum casu prolata retorqueantur ad prænotationem aliquam futurorum, dicitur Omen: si lineamenta quædam manus supersticiosè obseruentur vocatur Chiromantia.

6 Porro circa Astrologiam obseruandum est ex S. Doctore q. 95. art. 5. quod, quamuis per illam scientiam aliqui effectus naturales præcognosci possint, vt Eclipses, aeris immutationes, &c. item inclinationes, complexionis, & aliæ similes corporis humani dispositiones (quod, licet valdè incertum sit in particulari, nihilominus in generali ex Philosophia compertum est, astra & cælos in humana corpora aliquo pacto influere) certum est tamen duobus præsertim in casibus mortale peccatum esse Astrologica eiusmodi scientia vti. Primò, ad ea cognoscenda, quæ à sola diuina voluntate pendent: puta ad cognoscendam prædestinationem, salutem, damnationem, &c. alicuius hominis. Secundò, ad ea præcognoscenda tanquam certè euentura, quæ ex libera hominis voluntate pendent: vnde S. Aug. lib. 4. Confess. c. 3. dicit eiusmodi aliorum consultores, quos vocat *Planetarios, à Christiana pietate repelli & damnari*: & lib. 2. de doctr. Christ. c. 10. vocat Astrologiam illam iudiciariam genethliacorum *perniciosa superstitionem*; dicitque illius sectatores *nimis errare, & vendere imperitis hominibus miserabilem seruitutem*. Diximus, tanquam certo euentura; quia, si quis per illam scientiam ex cognitione complexionis & habitudinis naturalis, alicuius hominis conijceret tantum euenire posse, vt hoc vel illud ageret; tunc licet alioqui vanum & valdè incertum esset tale iudicium, non esset tamen peccatum mortale; nisi in eo casu, quo quis ita addictus esset eiusmodi astrologicis obseruationibus, vt illis tanquam prima & præcipua regula in suis actionibus vteretur: ita vt nisi prius consultis altris, neque vllum negotium aggredi, neque quidquam alicuius momenti agere vellet.

Est præterea genus alterum diuinationis per sortes, circa quod aduertendum est ex S. Th. alias esse sortes diuinatorias, quæ adhibentur ad aliquid occultum vel futurum sciendum; alias consultorias ad cognoscendum quid in aliquo casu agendum sit: alias diuisorias, ad determi-

terminandum quid in alicuius rei partitione cuique eueniat: & in sortibus quidem diuinatorijs est semper peccatum mortale; quia in illis semper tacita dæmonijs inuocatio reperitur: cum neque ex diuina institutione, neque ex aliqua virtute naturali sortes illæ connexionē vllam necessariā habeant cum eo, quod per illas inquiritur.

In sortibus autem consultorijs est etiam peccatum mortale, quando resolutio expectatur à dæmone, non verò quando per illas Deus consultitur; quod tamen fieri non debet, nisi cum triplici conditione. Prima est, vt non ex curiositate, sed ex graui aliqua necessitate fiat, ex gr. *Si inter Dei Ministros, vt id verbis & autoritate S. Augustini Epist. 180. ad Honorat explicemus; sit disceptatio, qui eorum persecutionis tēpore maneāt, ne fuga fiat omnium, & quicorū fugiant: ne morte omnium deferatur Ecclesia: si hac disceptatio aliter non potuerit terminari, quantum mihi videtur qui maneant, & qui fugiant, sorte legendi sunt:* & lib. de doct. Christ. aliud profert exemplum. *Si, inquit cap. 28. abundaret aliquid, quod oportet dari ei qui non haberet, nec duobus dari posset: sit tibi occurrerent duo, quorum neuter alium vel indigentia, vel aliqua erga te necessitudine superaret, nihil iustius faceres, quàm vt sorte eligeres, cui dandum esset, quod duobus dari non posset.*

Secunda conditio est, vt fiat cum reuerentia: vnde obseruat Beda super cap. 1. Act. Apostolos nonnisi collecto fidelium cōtū, & precibus ad Deum fufis sortes dedisse, vt in locum Iudæ alium Apollolum substituerent.

:: Tertia denique conditio est, vt verba sacræ Scripturæ, quæ in sortibus consultorijs adhiberentur ad negotia terrena non conuertantur: vnde S. Augustinus Ep. 119. ad Ianua. *His inquit, qui de paginis Euangelicis sortes legunt: etsi optandum sit vt id potius faciant quàm ad dæmonia consulenda concurrant, tamen etiam ista mihi displicet consuetudo, ad negotia secularia, & ad vitæ huius vanitatem diuina oracula velle conuerrere.*

Diuisoriæ autem sortes licitæ sunt, dummodo triplex adsit conditio, vt docet Toletus lib. 4. cap. 15. Prima est, vt nihil in illis fiat contra bonum publicum, vt si dignitates sorti committerentur inter eos, quorum aliqui essent ad illas inepti. Secunda, vt nihil etiam fiat contra iustitiam. Tertia denique, ne fiant eiusmodi sortes in beneficijs & dignitatibus Ecclesiasticis, in quibus sortitione vti non licet. His stantibus conditionibus, sorte diuisoria vti licitum est, dummodo euentus illius nō expectetur à dæmone, sed sit purè fortuitus.

Vana observatio in eo differt à diuinatione; quod hæc præsertim spectet conditionem rerum quarundam occultarum modo indebito consequendam, illa vero referatur ad commoditates aliquas corporis vel animi, per media quædam inutilia & superstitiosa ob-

tinen-

tinendas: quod si id fiat ad nocumenta inferenda, vocatur maleficium. Certum est autem eiusmodi vanam & superstitiosam observationem esse ex genere suo peccatum mortale: in ea siquidem vel expressa vel tacita dæmonis inuocatio semper reperitur, vt docet S. Augustinus lib. de doct. Christ. cap. 20.

Illius vero tres sunt præsertim species. Prima est ars notoria, quæ orationes quasdam & ieiunia, tanquam media certa & infallibilia, adhibet ad acquirendas scientias, sine vlllo labore & studio, ad modum scientiarum infusarum: quod quidem fieri sine mortali peccato non potest, vt docet S. Thomas qu. 96. art. 1. Secunda est, observatio sanitatum: cum quis nimirum ad sanitatem recuperandam, aut alteri conferendam, media quædam inutilia, & superstitiosa adhibet: vt quasdam orationes certis quibusdam, verbis, & non alijs conceptas, certos characteres brachio colligatos, &c. Et hæc vana observatio, nisi inuincibilis ignorantia excuset, mortale peccatum est: cum, vt docet S. Thomas art. 2. in ea subsit semper tacita aliqua dæmonis inuocatio: vnde S. Augustinus supra dicit, quod *ad superstitionem pertinent ligatura & remedia, quæ Medicorum quoque disciplina condemnat, &c.*

10 Neque dicas orationes esse media optima, & religioni valdè consentanea: id enim verum est, si adhibeantur solum ad postulandum à Deo sanitatem; non vero, si illis ex superstitiosa persuasionem inesse credatur vis ad conferendam sanitatem: vel si existimetur per illas orationes sanitatem infallibiliter esse impetrandam, dummodo talibus verbis & non alijs content, &c. quis enim non videat observationes eiusmodi vanas & inutiles esse, proindeque & orationi & religioni repugnantes?

Idem iudicium ferendum est de ijs, qui collo appensas gestant reliquias Sanctorum, aut verba quædam Evangelica: si enim id fiat ex vero & sincero religionis affectu ad colendum Deum, & Sanctos eius honorandos, licitum est & pium: si vero vana aliqua circumstantia obseruetur: vt quod vas reliquiarum debeat esse talis formæ: quod verba Evangelica in charta virgine sint scripta: aut quod certo credatur reliquijs illis & verbis inesse vim infallibilem efficiendi, vt quis v. g. in bello, aut in statu peccati mortalis non moriatur: id haud dubie superstitiosum est, ac proinde illicitum, vt docet Tolet. lib. 4. cap. 16. post S. Thomam sup. art. 3. ad 3.

11 Tertia denique est, vana observatio futurorum euentuum: vt cum quis ex quarundam rerum impertinentium occursum, mala aliqua, vel bona sibi vel alijs euentura ominatur. Varia illius vanæ observationis exempla profert S. Aug. cap. 20. supra: vbi dicit, quod *Ad pacta cum demonibus inita pertinent millia inanum observationum: puta si membrum aliquod salierit; si iunctim ambulanti-*

am-

amicis, lapis, aut canis, aut puer medius interuenit : si quis cum se calceat sternutauerit : si vestis à soricibus rodatur, & plus timeatur suspicio mali furti, quàm præsens damnum deleatur.

Quod spectat ad maleficium, breuiter dicimus speciem quandam esse vanæ obseruationis, qua quis dæmonis ope alijs siue in corpore, siue in anima, siue in bonis exterioribus nocet vel nocere intendit. Vnde patet quæ sit differentia inter Magum & maleficum, vt obseruat Tolet. lib. 4. cap. 16. Magusenim ope dæmonis vtitur, præsertim ad propriam ostentationem & admirationem, sui excitandam; maleficus verò ad nocumentum alijs inferendum.

Est autem duplex maleficium, amatorium scilicet, aut veneficum: maleficium amatorium illud est, quo vtuntur malefici ad amorem carnalem excitandum, vel è contrà ad odia, vel diuortia inter personas coniugatas excitanda: circa quod obseruandum est, vt rectè monet idem Toletus sup. dæmonem nullam posse voluntati humanæ necessitatem inferre, sed eam tantummodo alligere, vel immutando phantasiam & imaginationem, & rem amatam exhibendo tanquam amabiliorem, vel carnis appetitum inflammando & excitando; quibus non obstantibus voluntas libera semper manet, potestque homo, si velit, gratiæ diuinæ auxilio adiutus, illecebras omnes eiusmodi abijcere.

Maleficium veneficum illud est, quo vtuntur malefici, vt alicui noceant, vel in corpore dolores & infirmitates quasdam inducendo. vel in bonis exterioribus ventos, grandines & tempestates ope dæmonis excitando, quibus animalia interimantur, arbores eradicentur, domus subuertantur, &c. certum est enim dæmonem ista & alia similia, Deo ita permittente, posse efficere, vt manifestum est ex cap. 1. & 2. libri Iob.

12. Porro aduertendum est maleficos, præter peccatum maleficii in initio, multis insuper alijs horrendis peccatis esse irretitos: quapropter ab illis in Confessione inquiri debet, nun aliquod pactum expressum vel tacitum cum dæmone inierint; num Christi Domini fidem & Baptismum eiurauerint? num aliquid erroneum contra fidem crediderint? num dæmonem inuocauerint, vel ipsi adorationem, aut alios diuinos honores detulerint, vel ab ipso aliquid in hac vita vel in futura sperauerint, num sacrilegium aliquod commiserint, & an rebus aliquibus sacris, puta oleo sancto, aqua benedicta, ad impia & nefanda facinora patranda abusi fuerint; Perpendenda item damna, quæ ex eorum maleficijs fuerint subsecuta, vt reparatio eorum iniungatur: quæ omnia & plura alia videri possunt apud Martinum Delrio lib. 6. sect. 3. & Toletum loco suprâ cit. vbi etiam rectè monet maleficos peccare, non solum quando

vtun-

utuntur maleficijs ad nocendum, sed etiam cum eandem artem adhibent ad soluendum maleficium quod intulerunt, imò nec licitum esse petere à malefico, ut maleficium altero maleficio dissoluatur, sed orationibus, exorcismis, Sacramentorum digna susceptione, & alijs pijs operibus id à Deo postulandum & expectandum esse.

13 Præter quinque supradictas superstitionis species, duo sunt adhuc peccata religionis virtuti speciatim opposita, scilicet, tentatio Dei, & sacrilegium.

Tentatio Dei est, cum quis dubitans de aliqua perfectione Dei aliquid agit, ut experiatur utrùm Deus talem perfectionem habeat necne; v.g. utrùm Deus sciat vel possit aliquid. Hoc autem peccatum ex genere suo mortale est, ut docet Tolet. cap. 19. ubi etiam obseruat duobus modis illud committi posse: vno modo expressè, cum quis aliquid facit hac intentione, ut experiatur utrùm Deus aliquid facere possit: altero modo tacitè, quando quis, licet non habeat expressam intentionem Deum tentandi, id tamen agit, quod ex se in illam Dei tentationem tendit, ut cum quis neglectis medijs à diuina prouidentia constitutis, expectat effectum aliquem à solo Deo, nulla necessitate aut causa rationabili ad id mouente; vnde S. Augustinus lib. 2. contr. Faust. c. 39. dicit, quod Christus Dominus fugiendo & latendo, hominis instruebat infirmitatem, ne Deum tentare audeat, quando habet quod faciat, ut quod canere oportet, euadat.

Quod si necessitas aliqua vel rationabilis causa subsit, tunc, ut docet Sanctus Thomas, q. 97. art. 2. non tentaret Deum, qui auxilium aliquod extraordinarium ab eo postularet, aut expectaret, iuxta illud 2. Paralip. 20. *Cum ignoramus quid agere debeamus, hoc solum habemus residui, ut oculos nostros ad te dirigamus.*

Sacrilegium, ut docet S. Thomas qu. 99. art. 1. & seq. est violatio rei sacræ, seu cultui diuino destinatæ: quæ violatio contingit, cum aliquid circa eam fit, quod repugnat cum eo cultu, ad quem destinata est, ut rectè obseruat Gregorius à Valentia disp. 6. q. 15. de Sac. punct. 1. Tres autem sacrilegij species distinguit S. Doctor supraprima spectat personas sacras, secunda loca sacra, tertia res sacras, prout à personis & locis distinguuntur.

Ad primam speciem pertinet quidquid fit contra personam sacrâ (qualis est Clericus, vel persona religiosa) quando reuerentia eius conditioni debita, aut immunitas eidem, quatenus Deo sacra est, concessa violatur, aut læditur, ut si quis manus violentas in Clericum iniiciat, aut cum persona sacra fornicetur.

Ad secundam speciem spectant actiones illæ, quæ specialiter repugnant cultui diuino, ad quem sacer locus est destinatus, qualia sunt effusio spivisa sanguinis humani in Ecclesia, item fornicatio, & quævis

quævis alia illicita seminis effusio in eodem loco: furtum item, non modo rei sacræ; quod ad tertiam speciem pertinet, sed & cuiuscumque alterius in loco facto perpetratum, ut ex communi Theologorum sententia docet Valentia supra.

Ad tertiam denique sacrilegij speciem pertinet abusus sacramentorum, aliarumque rerum sacrarum, ut olei sacri, aquæ benedictæ, &c. item profanatio vasorum & ornamentorum sacrorum, violatio imaginum sacrarum. Addit Caietanus apud eundem Valentiam supra; ad hanc quoque sacrilegij speciem pertinere sacramentorum scripturarum abusum, ut si ad superstitiones inducendas, vel hæreses confirmandas, vel etiam ad res ludicras adhibeantur.

Cæterum rectè observat idem Valentia supra p. 1.2. sacrilegium quodcumque ex formali intentione, & cum diuini cultus contemptu perpetratum, esse peccatum mortale; nec ullam materiæ leuitatem excusare, eo quod ratione contemptus, si non materia, certè malitia grauis semper in eo reperiatur: secùs autem, si quis absque illo diuini cultus contemptu, re aliqua sacra utatur præter eum finem, ad quem destinata est; aut enim tantummodo erit peccatum veniale, si prudentis viri iudicio materia leuis esse censeatur; si verò grauis sit, erit mortale.

§. VI.

Quot modis peccetur in primum Decalogi præceptum.

CONTRA hoc primum Decalogi præceptum peccant in primis, qui Idololatriam ac Iudaismum profitentur, aut à fide, vel religione Catholica per apostasiam recedunt.

Qui dogmatibus hæreticorum, alijsque erroribus ab Ecclesia damnatis & proscriptis pertinaciter adhærent: qui hæreticos in causa hæresis fouent & protegunt: cum illis temerè de fide disputant, eorum libros legunt, aut concionibus vel ceremonijs intersunt.

Qui de cuiusvis articuli fidei veritate dubitant; qui fidem negant, vel dissimulant, cum illam exterius profiteri tenentur; qui fidei mysteria præcipua, aliaque ad salutem scitu necessaria, ut Symbolum fidei, Orationem Dominicam, Decalogum, & sacramenta culpabiliter ignorant.

Qui de misericordia & gratia Dei præsumunt: vel de illa desperant, qui Deum propter flagella sibi inflicta oderunt; de eius providentia obmurmurant: vel eius obsequium animo deliberato fastidiunt.

Qui Deo cultum superstitiosum & indebitum, vel creaturæ cul-

cultum soli Deo debitum impendunt : qui dæmonem expretisè , vel tacitè inuocant : vel pactum expretum vel tacitum cum eo ineunt.

2 Qui rerum futurarum vel occultarum cognitionem , per modos superstitiosos & indebitos inquirunt, vt per præstigia, somnia, necromantiam, geomantiam, &c. item per Astrologiam iudiciariam ab Ecclesia reprobata, augurium, auspicium, omen, chiromantiam, sortes , & alios similes modos à dæmonibus in perniciem hominum inuentos.

Qui diuinos & ariolos de rebus illis futuris vel occultis cōsulant: ab ijsque, quid sibi prosperum aduersum ve euenturum sit, perquirunt : qui vt communiter dicitur, cribrum farineum aut annulum vertunt, vt v.g. furci alicuius authorem detegant.

Qui reliquias vel imagines Sanctorum cum quibusdam obseruationibus superstitiosis collo vel brachio appensas ferunt, qui orationes quasdam & ieiunia adhibent, tanquam media infallibilia ad scientias aliquas sine vlllo studio comparandas.

Qui ad sanitatem recuperandam , vel alijs conferendam certis verbis, orationibus, characteribus, & alijs superstitiosis modis nullam ex natura sua ad talem effectum producendum vim habentibus, vtuntur : qui vanis & friuolis quibusdam obseruationibus euentura sibi bona ominantur.

Qui maleficijs amatorijs , aut veneficis vtuntur ; à quibus querendum, num damnum aliquod intulerint, vt illius restitutio iniungatur : qui per quasdam ligaturas Matrimonij vsum & consummationem impediunt.

Qui Deum tentant , neglectisque medijs ab eius providentia ordinatis , effectum aliquem sine vlla necessitate aut ratione ab eo expectant.

Qui sacrilegium aliquod perpetrant , personas Deo sacras poluunt , vel iniuriose percutiunt , aut immunitates illarum iniuste violant, qui templa vanis, immodestis , vel obscænis colloquijs, aut peioribus adhuc actibus ; puta furto, fornicatione, aut simili aliqua fœditate , aut iniulta sanguinis effusione polluere ac profanare non verentur .

Qui Sacramenta indignè suscipiunt vel ministrant, vasa & ornamenta Ecclesiæ , aliasque res sacras ad vsus prophanos vel superstitiosos adhibent, imagines Sanctorum contumeliose tractant ; sacræ Scripturæ verbis ad res superstitiosas , ridiculas , vel falsas abutuntur .

S E C T I O I I.

Explicabitur secundum Decalogi præceptum.

Non assumes nomen Domini Dei tui in vanum.

H V I V S secundi præcepti verbis ex vna quidem parte prohibetur abusus diuini nominis, & irreuerentia illa, quæ committitur a blasphemis, periuris, aut temerè iurantibus: & ex altera præcipitur, vt summa reuerentia nomini diuino exhibeatur, iuramenta seruentur, & vota Deo facta fideliter adimpleantur, Quapropter ad illius faciliorem & pleniorè explicationem de tribus præsertim hic agendum est, scilicet de iuramento, de blasphemia, & de voto.

§. I.

De Iuramento.

I O B S E R V A N D U M est, secundùm doctrinam S. Thomæ qu. 89. art. 1. & sequent. iuramenti nomine significari actum religionis, quo quis Deum in testem adhibet, eiusque testimonium inuocat, in confirmationem eorum quæ, asserit vel promittit: eaque ratione promittitur diuinam veritatem esse indefectibilem.

Fit autem iuramentum vel expresse, cum quis iurat per Deum, aut per Christum, &c. vel tacite, vt cum quis iurat per creaturas aliquas, quatenus in illis diuina bonitas vel potentia elucet; vt quando quis iurat per sanctos, per animam suam, per solem, per ignem, &c. in his enim & similibus iuramentis censetur creaturam testem adduci, non per se, sed quatenus dicit ordinem ad Deum, præsertim si addatur nomen ipsius Dei, v. g. si iuretur per ignem Dei: quod si quis creaturas illas nominaret sine vilo ad Deum respectu, ille non censeretur iurare: vnde etiam Nauarrus cap. 12. & alij Doctores existimant istos loquendi modos, *per fidem meam, in fide probi viri, in conscientia* non sufficere ad veram & propriam iuramenti rationem; qui enim ijs vtuntur, si nihil aliud intendunt, significare tantum videntur, se aliquid asseuerare ex veracitate & virtute, quæ virum probum decet.

Est etiam alius iurandi modus, quem S. Thomas art. 6. dicit fieri per execrationem; quando quis sibi vel suis malum aliquod imprecatur,

tur, sicque Deum non modo in testem, sed etiam in vindicem inuocat, nisi dicta sua veritati consonent.

Quocumque autem modo iuretur, vt id licitè fiat tres in iuramento conditiones requiri docet idem S. Thom. art. 3. vt scilicet iuretur in veritate, in iustitia, & in iudicio. iuxta id quod habetur Hierem. 4. *Iurabis, viuus Dominus, in veritate, in iustitia, & in iudicio.* Veritas iuramenti in eo consistit, prout explicat S. Doctor, vt id quod iuramento asseritur, existimetur esse verum ab eo qui iurat: iustitia, vt iuramentum fiat de re licita & honesta: iudicium, vt non fiat nisi ex graui & necessaria causa.

Cùm autem iuramenta, vt supra insinuatum est, alia sint assertoria, alia promissoria; hoc istorum proprium est, quod is, qui sub iuramento promissit se aliquid facturum, illud adimplere sub peccato mortali teneatur, etiamsi illud quod promissum est, leue sit & parui momenti, vt docet Tolet. lib. 4. cap. 22. & cum illo communiter omnes.

Sunt tamen aliqui casus, vt monet idem author, in quibus nulla est, vel cessat iuramenti promissorii obligatio; vt si quis iuret de re aliqua mala facenda: tunc enim iurans peccat, nec tenetur, imò nec licitè potest illam exequi. Similiter cessat obligatio iuramenti: si res per illud promissa fiat impossibilis, vel si absque peccato impleri non possit. Tollitur etiam eadem obligatio dispensatione Episcopi, & alijs modis, quibus voti obligationem cessare infra dicetur. Spectanda etiam est in multis casibus intentio iurantis, vt ex illa iuramenti interpretatio petatur: exempli gratia, qui iurat se filium aut seruum castigaturum, non ita intendit se ad id obligare, quin sibi reseruet facultatem, si ita expedire videatur, pœnam illam remittendi: similiter qui volens alteri honoris causa primum locum cedere, se in illo non selsurum iurat, non intendit ita se obligare, quin si alius acceptare nolit, possit locum illum sibi retinere. In ijs tamè & similibus casibus longè consultius est, à iuramenti eiusmodi abstinere, cùm nulla sit tunc iurandi necessitas: vnde iuramenta illa à peccato saltem veniali excusari non possunt.

4 Quamuis verò iuramentum licitum sit, non est tamen de genere bonorum, vt recte monet S. Doctor art. 5. quæ sunt per se bona & appetenda, vt ratio, eleemosyna, &c. sed illorum quæ tantum bona sunt & appetenda, posita aliqua necessitate; sicut medicina, quæ nō nisi premète ægritudine prodest: vnde similiter iuramentū, cùm sit veluti remedium quod in fidei humanæ defectum assumitur, nō nisi raro & urgente necessitate vsurpandū est, quo sensu dixit Christus Dominus S. Matth. 5. *Ego autē dico vobis, nō iurare omnino, neque per calum, &c.* quæ verba explicās S. Aug. 1. de serm. Dō. in mōte c. 17. *Ita ergo, inquit, intelligitur, præcepisse Dominū, ne iuretur,*

ne quisquam sicut bonum appetat iusiurandum, & assiduitate iurandi ad periurium per consuetudinem dilabatur: quapropter quæ intelligit non in bonis, sed in necessariis iurationem habendam, refrenet se, quantum potest, ut non ea utatur, nisi in necessitate, &c.

Porro quàm perniciofa sit iurandi consuetudo, varijs in locis Scriptura divina testatur, ac præsertim Eccl. 23. *Iurationi non asuescat os tuum: multi enim casus in illa, &c. vir multum iurans implebitur iniquitate, & non discedet à domo illius plaga.* Qua vero ratione praua hæc consuetudo tolli & euelli possit, docet S. Crisost. hom. 5. ad pop. Antioch. his verbis: *Vis discere quomodo ab hac impia consuetudine iurandi liberari possis? ego te quendam docebo modum, quem si tenueris, superabis omnino. Cum videris te ipsum vel alium quemque seruorum vel filiorum, vel uxorem hoc malo captos, & sapius commonefactos, nec tamen correctos iube incanatos cubare, & hanc tibi illisque damnationem impone, damnationem, inquam, non damnum, sed lucrum ferentem.* Item in hom. ad baptizandos hoc aliud remedium proponit: *Ab omnibus coniunctis hoc postula, hoc pete beneficium, ut te iurantem arguant & confundant.* Optime S. Hieron. Epist. 14. ad Celantiam, *Mentiri, inquit, & iurare lingua tua prorsus ignoret: tantusque in te sit amor veri, ut quidquid dixeris, iuratum putes.*

§. II.

De Blasphemia.

B LASPHEMIA secundum doctrinam S. Thomæ 2. 2. quæst. 13. art. 1. est peccatum, quo quis ex prauo cordis affectu de excellentia diuinæ bonitatis detrahit, illique contumeliam infert, vel negando aliquid quod ipsi proprium est, vel aliquid imponendo, quod minimè ei conuenit, siue id ore fiat, siue solum mente concipiatur.

Alia est autem blasphemia simplex, alia hæresi coniuncta: illa dicitur hæresi coniuncta, quæ aliquid de Deo asserit, vel de illo negat, quod est fidei contrarium, ut si quis dicat Deum esse crudelem, non esse prouidum, &c. quod obseruare debent Confessarij, ac pœnitentes qui se de talibus accusant, interrogare, num ita esse crediderint.

Blasphemia vero simplex est ea, quæ non tam fit per modum assertionis seu enunciationis, quàm per modum detestationis, ac veluti cuiusdam imprecationis in Deum: ut si quis Deo maledicat, aut verba probrosa in Deum proferat: item si contumeliosè partes quasdam corporis Christi nominet, ut Caput, Sanguinem, Mortem Dei,

Dei, quasi ob ista Dei Filium contemptibilem æstimet, illicque stupenda prorsus impietate exprobet, quod propter nimiam in nos charitatem carni & sanguini communicare voluerit, & in carne assumpta pro nobis mori.

Quamvis autem is, qui cum debita reuerentia, in re maximi momenti, ad confirmandam dictorum suorum veritatem, Christi Domini nomen interponeret, eiusque Corpus, Sanguinem vel Mortem pro nobis perpeffam honoris causa nominaret, nullum blasphemie reatum incurreret; vt rectè obseruat Bonacina disp. 3. quæst. 8. de blasph. pun. 2. nihilominus supradicti loquendi modi, quæ ratione profertur solent, vix à peccato blasphemie excusari possunt; cum semper in illis reperiatur formalis aliquis aut saltem tacitus Dei contemptus; nisi fortè, vt docent Nauarrus capite 13. n. 1. linguae ac mentis præcipitatio, vt accidit in ijs qui subita aliqua ira corripiuntur, obindeliberationem & inaduertentiam à peccato mortali excuset: quæ tamen excusatio locum non habet in ijs, qui prauam illam blasphemandi consuetudinem deliberatè contraxerunt, nec vilo modo illam corrigere aut emendare curant.

3 Docet autem S. Thom. sup. art. 1. ad 2. blasphemiam non modò in Deum, sed etiam in Sanctos committi posse; vt enim laudare Sanctos, quatenus ad Deum pertinent, eiusque amici ac filij charissimi sunt, ipsi per charitatem & gloriam coniuncti, est actus virtutis religionis; sic illis maledicere, aut contumeliam aliquam irrogare, est peccatum blasphemie.

Ad eandem blasphemiam reducitur peccatum illud, quod committitur maledicendo creaturas, quod quatuor modis fieri potest, vt obseruat Tolet. lib. 4. c. 13. Primò, ea considerando quatenus sunt creaturæ Dei, & hac de causa illis maledicendo: & hoc est peccatum blasphemie. Secundò, aliquius creaturæ rationalis, cuius illæ sunt; v. g. maledicere aut imprecationem aliquam facere contra armenta, vineas, &c. quia huius vel illius sunt: & hoc est peccatum contra charitatem proximi. Tertiò, creaturæ irrationales aut inanimatæ possunt considerari secundum se præcise: & ea ratione illis maledicere, est actus otiosus, & peccatum veniale. Quartò denique, considerari possunt ratione alicuius mali vel incommodi quod inferunt, & ea ratione illis maledicere, non est peccatum: est enim hoc potius ipsi malò quàm creaturæ maledicere; sic Iob maledixit diei, in quo natus est; David montibus Gelboe, in quibus Saul occisus est.

§. III.

De Voto.

QUATVOR præsertim circa votum inuestiganda, sunt 1. Quid sit votum, & quotuplex. 2. Quænam personæ votum emitte re possint. 3. Quanta sit ipsius voti obligatio. 4. denique, Quibus modis hæc voti obligatio cessare possit.

Quod ad primum spectat, votum, vt docet S. Thom. 88. 2. 1. & 2. est *Promissio deliberata, Deo facta, de aliquo meliori bono.*

Dicitur *Promissio*: quia non est nudum & simplex propositum, vt constat ex c. *Litteraturam* de voto: sed ad illius rationem requiritur promissio cum vera voluntate se obligandi.

Dicitur *deliberata*: promissio enim subita & inconsiderata non sufficeret ad rationem voti, vt ex communi Theologorum consensu docet Nauarr. qui etiam recte obseruat tantam ad votum faciendum deliberationem requiri & sufficere, quanta requiritur & sufficit ad peccatum aliquod mortale committendum.

2. Dicitur, *Deo facta*: quia votum cum sit actus religionis & latriæ, vt docet Sanctus Thomas, soli Deo fieri debet: quod si interdum, apud quosdam Authores, vt apud Eusebium lib. 13. de præpar. c. 7: vota Sanctis Martyribus & aliis in cælo Beatis nuncupari dicuntur, id intelligi debet ad eum modum quo Tempia, & Altaria Sanctis dicari dicuntur, quia Deo in honorem Sanctorum dedicantur; vel in quantum censetur homo vouere ipsi Deo id, quod Sanctis se impleturum promittit. Quod si promissio alicuius pij operis fiat alicui Sancto præcise ad honorem eius & sanctitatis ac gloriæ testificationem, tunc eiusmodi promissio sacra quidem est, & ad Dei cultum mediate ordiuata; sed non est proprie votum, neque actus latriæ, sed solum duliæ siue obseruantæ, vt fusius explicat Suarez.

Dicitur denique *De bono meliori*: quibus verbis significatur materiam voti duplicem habere conditionem. Prima est, vt sit opus bonum, siue sit tantum in consilio, siue in præcepto. Secunda, vt opus illud bonum quod vouetur, melius sit quam eius oppositum; id est, vt non sit ex se alicuius operis excellentioris & perfectioris impedimentum.

3. Aliud est autem votum personale, aliud votum reale: aliud item absolutum, aliud conditionale: aliud simplex, aliud solemne: aliud expressum, aliud tacitum.

Votum personale est, quo promittitur aliquid, quod personam vouentis spectat; vt cum quis vouet peregrinationem: reale, cum res aliqua Deo promittitur, vt eleemosyna. Et hæc est variusq; differentia,

rentia, quod etiam ad hæredes transeat obligatio voti realis, non item personalis, vt communiter Theologi docent, & colligitur ex cap. *Parte*, de censibus.

Votum absolutum est, quod independenter à quavis conditione emittitur: cōditionale verò quod non fit nisi sub aliqua conditione: vt si quis peregrinationem voueat, si à tali morbo liberetur, & eiusmodi vota non obligant, nisi posita illa conditione; quæ tamen conditio contraria esse non debet vel substantiæ, vel honestati ipsius voti; vt si quis voueat ea conditione, vt ad implendum id quod vouit non obligetur; vel si quis voueat sub ea conditione, quod in lite iniusta, victor euadat: hæc si quidem conditiones votum irritum & inualidum reddunt, vt docet Bonacina dis. 4. quæst. 2. de voto, pun. 2.

Votum simplex consistit in nuda & simplici promissione Deo facta: solemne vero illud est, quod vel susceptioni ordinis sacri, vel professioni religionis approbatæ coniunctum est, vt habetur c. unico de voto in 6.

4 Quod spectat ad personas voti emittendi capaces, docet S. Thomas suprâ art. 8. & 9. duo præsertim ex parte illarum requiri. Primum est, vt qui vouet, vsum rationis sufficienter adeptus sit, illiusq; compos existat; vnde pueri ante vsum rationis, & amentes ac furiosi votum emitte re nō possunt. Quoniam verò difficile est discernere, quo præcisè temporis puncto sufficiens illud rationis lumen pueris exoriat, ideo ex communi Doctorum consensu, vt docet Laymann. tract. 4. de voto cap. 7. vota ante septennium edita censentur irrita & inualida esse, nisi probabilissimæ coniecturæ suadeant sufficientem rationis vsum in tenera illa ætate adfuisse; & è contrâ vota post septennium emissa, valida esse & obligatoria, nisi certa indicia ostendant sufficientem rationis vsum defuisse.

Secundum est, vt persona, quæ vouet, sui iuris sit quoad illud quod vouet: nullus enim subditus, vt asserit S. Doctor q. 88. art. 8. firmiter voto se obligare potest in ijs, in quibus potestati alterius subiacet, nisi consensus eius accedat.

Obseruat autem rectè Gregorius à Valentia disp. 6. q. 6. de voto, pun. 6. S. Doctorem non dixisse votum subditi esse nullum, sed solummodo non esse firmum, nisi accedat consensus Superioris: votum, siquidem à persona subdita emissum, est verum votum, pendens tamen ex Superioris consensu, tanquam ex conditione, quæ si accedat, tunc censetur validum; si verò Superior contradicat, fit irritum.

Hinc colliges 1. vota omnia siue personalia, siue realia impuberum irritari posse à patre, tutore, aut alijs personis, quorum potestati subfunt: quod & de Religiosis professis similiter intelligendum est respectu Superiorum: ad quam irritationem, vt docet Nauar.

rus c. 12. nu. 69. sola Superioris voluntas sufficit, nec vlla alia causa aut ratio requiritur.

Colliges 2. quod quamuis vota realia puberum, antequam ætatem à lege præscriptam attigerint ad plenam & liberam bonorum dispositionem, ab eorum parentibus irritari possint, illorum nihilominus vota personalia, quæ patriæ potestati nullum afferunt præiudiciũ, valida sunt, nec ab eorum parentibus possunt irritari. Ita Sanctus Thomas art. 9. ubi docet pueros vel puellas post annos pubertatis, scilicet in pueris post 14. in puellis verò post 12. posse quocunque voto simplici, vel etiam solemnì religionis, se obligare; iure tamen nouo Concilij Tridentini sess. 25. art. 15. ad votum solemnè professionis religiosæ requiritur ætas 16. annorum completorum, ante quam ætatem, sicut & ante tempus annuæ probationis exactum, professio illa irrita esse censetur.

Colliges 3. vxoris vota quæ ab ea fiunt de ijs, in quibus meritò subest, posse ab illo irritari, vt habetur cap. *Scriptura*, de voto: sed difficultas est inter Theologos, quænam sint ea, in quibus vxor marito ita subest, vt sine illius consensu de ijs vouere non possit. Quidam enim, vt Sotus, Paludanus, & alij apud Layman. tract. 4. de vot. cap. 7. existimant vxorem æquè viro subditam esse, ac Religiosum Prælato vel Superiori: vnde inferunt quælibet illius vota posse à marito irritari: alij tamen probabilius & veriùs existimant, mulierem tantum subesse marito quoad coniugij vsum & familiæ gubernationem, eaque proinde tantummodo vota, quæ vel vsui coniugij, vel familiæ gubernationi præiudiciũ aliquod afferunt, posse ab eius marito irritari. Ita Syluester verb. votum, Nauarr. c. 12. n. 64. Azor, cap. 17. quæst. 12. Suar. lib. 6. de voto, capite 4. alijque multi.

Addit etiam Laymann. suprà, vxorem similiter posse mariti sui vota rescindere, quæ derogant iuri quod habet in corpus eius e. g. si voueret immoderatam aliquam abstinenciam, aut longinquam aliquam & diuturnam peregrinationem: imò & existimat vota quoque realia mariti posse ab vxore rescindi, si cedant in detrimentum notabile dotis vel aliorum bonorum, quæ ipsi sunt cum marito communia, & quorum administratio penes ipsum est.

§. I V.

Quanta sit voti obligatio, & quibus modis cessare possit.

QUOD ad primum spectat, certum est votum esse obligatorium; ita vt qui illud implere omittit, peccati reatum incurrat, vt docet S. Thomas, & constat ex Scriptura, Deut. 23.

Cum

Cum votum voveris Deo tuo, non tardabis reddere, &c. quod si moratus fueris, reputabitur tibi in peccatum: & ad Timoth. 5. habentes damnationem, quia primam fidem irritam fecerunt: quæ Apostoli verba in Concilio Carthag. 4. cap. 104. & Toletano 4-cap. 55. intelliguntur de viduis, quæ votum castitatis violauerant.

Quamvis autem voti transgressio sit peccatum ex genere suo mortale, nihilominus ob materiæ leuitatem, potest esse tantum veniale, vt docet Nauarrus capite 12. num. 65. Toletus lib. 4. c. 17. & alij communiter: votum enim se habet per modum cuiusdam priuatæ legis, quam vouens sibi imponit: vnde non videtur maiorem inferre obligationem, quam lex diuina vel Ecclesiastica, cuius transgressio in materia leui, nonnisi peccatum veniale esse censetur.

2. Verum super hac voti obligatione, quæres 1. quo tempore incumbat obligatio voti adimplendi, seu quandiu citrà peccatum, illius executio differri possit? Respondetur cum distinctione: vel enim vouens ipse tempus determinauit, vel non: si primum, executio voti vltra illud sine peccato differri non potest; & eo maior erit culpa, quo diuturnior erit mora, vt docet Suarez & alij apud Laymannum supra c. 3. si verò vouens tempus illud non determinauit, debet votum suum adimplere, cum primum commodè poterit, alias si absque causa & ratione differat, peccabit, vt docet S. Thom. art. 3. ad 3. sup.

Rectè autem obseruat Laymann. irrationabilem dilationem voti, quo quis se obligauit ad ordinem sacrum suscipiendum, aut religiosum statum amplectendum, citiùs ad mortalem culpam pertingere; quia cum ex vi talis voti, obligatus sit homo ad perpetuum & speciale obsequium Deo præstandum, quanto magis eius executionem differt, tanto maiorem obsequij Deo promissi veluti partem aufert: quod non eodem modo in alijs votis, v.g. peregrinandi, ieiunandi, &c. hæc enim, tametsi differantur, integrè tamen impleri possunt.

Quæres 2. an quis possit voto suo alterum obligare: v.g. an parentes qui vouent filios statum religiosum amplexuros, voto suo filios ad statum illum amplectendum obligent? Respondetur negatiuè: quia obligatio voti, sicut & cuiuscunque promissionis, ex propriæ voluntatis consensu nasci debet: vnde sequitur quod non alium quam ipsum vouentem obliget: si tamen filij votum illud parentum approbent & ratum habeant, tunc ad illud implendum tenebuntur. Ita Suarez lib. 4. de voto, cap. 9. Bonacina disp. 4. qu. 2. de voto, punct. 5. & alij.

Quæres 3. quando in voti executione suboritur aliqua difficultas,

qua ratione illius voti obligatio sit interpretanda ? Respondetur spectandam in primis esse vouentis intentionem, ex qua vis omnis & modus obligationis nascitur. Quod si de illius intentione non satis constet, verba quibus votum suum explicauit, erunt expendenda, & secundum magis communem significationem erunt accipienda, iuxta illud Deu. 23. *Facies, sicut promisisti Domino Deo tuo, & propria voluntate & ore locutus es.* Quod si neque intentio vouentis, neque illius verba rationem voti satis explicant, spectanda erit ipsius voti materia, & secundum eius naturam ac conditionem votum erit exequendum: exempli gratia, qui vouit certa die se ieiunaturum, votum exequi debet secundum formam ieiunij Ecclesiastici; ita ut abstineat à carnibus, & vnica refectione contentus sit: qui vouit se recitaturum Rosarium, debet illud pie & attente recitare; quia scilicet talis est ratio & conditio ieiunij & orationis. Ita Suarez sup. c. 7. Valentia disp. 6. q. 6. de voto, puncto 4. & alij.

Quod spectat ad secundum, quatuor præsertim modis obligationem voti cessare Doctores asserunt.

1. Primus est, quando talis & tanta rerum mutatio accidit, quæ si ab initio præuisa fuisset, votum illud in tali casu emissum non fuisset. Ita Nauarrus, Suarez & alij, quos citat & sequitur Bonacina disp. 4. qu. 2. de voto, punct. 7. e. g. si quis voueat se ieiunaturum omnibus diebus Veneris, illique superueniat ægrotudo talis, quæ ab obseruatione ieiunij Ecclesiastici excusaret: tunc non censetur ad ieiunium illud seruandum obligari.

2. Secundus est, quando votum irritatur & rescinditur, ut quando Superior irritat votum Religiosi sibi subditi, tutor pupilli, vir uxoris: tunc enim cessat obligatio eiusmodi voti adimplendi, ut paragrapho præcedenti explicatum est.

3. Tertius, quando Superioris auctoritate cum vouente super voto dispensatur. Quod ut facilius intelligatur, obseruandum est ex Nauarro c. 12. n. 65. hanc esse differentiam inter dispensationem & irrationem voti, quod dispensatio propriè spectet ad Potestatem spirituales, & ut valida sit causam aliquam legitimam requirit; irritatio verò pertineat ad potestatem dominatiuam, siue spiritualis illa sit, siue naturalis, vel politica; neq; ad hoc ut valida sit ullam aliam causam requirit, præter voluntatem Superioris.

4. Hac obseruatione supposita, certum est extare in Ecclesia veram & legitimam potestatem dispensandi in votis, & alijs obligationibus, quibus homo erga Deum obstrictus tenetur, ut docet S. Th. art. 10. & 12. & constat tum ex illimitata potestate soluendi à Christo Domino Ecclesiæ concessa, S. Matth. 16. tum ex eiusdem Ecclesiæ perpetua praxi.

5. Neque dicas obligationem ad vota seruanda esse iuris diuini, proin-

pròindeque Ecclesiam dispensare non posse vt vota non impleantur sicut nec dispensare potest, vt alia legis diuinæ præcepta non seruentur. Respondetur enim cum S. Doctore a. 10. ad 2. per dispensationem non dari licentiam, vt quis votum suum transgrediat: sed auctoritate legitima Superioris dispensantis fieri, vt hoc, quod continebatur sub voto, amplius sub illo non contineatur, in quantum determinatur non esse congruam materiam voti.

Certum est præterea ex eodem S. Doctore sup. & alijs communiter Theologis, potestatem dispensandi in votis iure ordinario, competere solis Ecclesiæ Prælati, iurisdictionem in foro exteriori habentibus; pròindeque Romanum Pontificem, vt potè supremum Ecclesiæ Rectorem, in quibuslibet fidelium votis, siue simplicibus, siue solemnibus dispensare posse, vt docent S. Antoninus 3. part. tit. 22. c. 7. Henricus Gandauensis quodlib. 5. qu. 28. Richardus in 4. dist. 33 art. 9. qu. 1. Durandus eadem dist. qu. 2. Maior ibid. qu. 3. Nauarr. cap. 12. nu. 65. & plures alij, quos citat & sequitur Lessius lib. 2. cap. 40. dubit. 19.

Quod spectat ad Episcopos, certum est etiam illos in omnibus votis subditorum suorum dispensare posse, si quinque tantummodo excipiantur, nimirum perpetuæ continentiæ, religionis, peregrinationis Hierosolymitanæ, vel ad limina Apostolorum Romam, vel ad Sanctum Iacobum Compostellam, vt obseruat Nauarrus suprà: vnde patet Episcopum dispensare posse in voto castitatis non perpetuæ, & in voto non nubendi, quod differt à voto perpetuæ castitatis, cum per fornicationem non violetur; item in voto suscipiendi sacros Ordines, quod differt etiam à voto perpetuæ castitatis, quod est illi tantummodo annexum. Addit Lessius sup. dub. 18. & plurimorum Theologorum auctoritate probat, Episcopum dispensare posse in quibusdam voti reseruati conditionibus: exempli gratia, si quis vouit ingredi religionem strictam, potest dispensare vt ingrediatur laxiorem: item vt professus in arctiore transeat ad laxiorem, nisi fortasse obliet statutum aliquod peculiare à summo Pontifice confirmatum: similiter posse dispensare cum eo, qui emissio perpetuæ castitatis voto matrimonium contraxit, & consummauit, vt stante tali matrimonio petere possit debitum. Toletus lib. 4 cap. 18. etiam existimat quinque illa vota tunc solum censeri Summo Pontifici reseruata, cum absoluta sunt; quando verò sub conditione aliqua edita sunt, Episcopum ab illis dispensare posse; vbi etiam rectè obseruat, neque Summum Pontificem, neque Episcopos, aut quosuis alios Superiores posse, sine iusta & rationabili causa, in votis dispensare; aliàs dispensatio non modo illicita: sed etiam inualida fore &, quod etiam docet Nauarrus & plures alij apud Laymann. tract. 4. de vot. c. 8. potestas enim spiritualis non in destructionem: sed

sed in ædificationem à Christo Domino Ecclesiæ Prælati collata est.

Cæterum iustæ causæ dispensandi in votis ex quadruplici præsertim capite peti debent, vt obseruat idem Laymannus ibidem. Primò ex ipso actu vouendi, vt si quis absque perfecta deliberatione, ex quadam præcipitatione, vel animi leuitate aliquid vouerit, vt habetur ex cap. 2. de voto. Secundò, ex materia voti, si nimirum spectata corporis constitutione, animi imbecillitate, & alijs similibus dispositionibus, dispensatio voti in maiorem ipsius vouentis vtilitatem spiritualem (quæ præsertim hic spectanda est) cessura videatur. Tertio, ex difficultate voti adimplendi postea superueniente, vel antè non præuisa. Quarto, denique ex aliqua necessitate notabili, vel vtilitate magna Republicæ, aut etiam familiæ, vt si quis longam vixisset peregrinationem, cum præstaret illum Reipublicæ regendæ aut gubernandæ familiæ potius interesse. Quo vero maius seu dignius est votum, eo etiam maior & grauior causa requiritur, vt licitè & validè super illo dispensari possit, & vt plurimum ad maiorem cautelam consultum est, pium aliquod opus per modum, cuiusdam compensationis iniungere illi, cum quo dispensatur.

Quæres an sicut Prælati cum subditis, sic etiam possit secum in proprijs votis dispensare. Respondetur posse indirectè, dando alicui ex subditis potestatem secum dispensandi, sicut Sacerdoti sibi subdito dare potest facultatem, qua ipsum à peccatis sibi reseruat absoluat. Addit Lessius sup. dub. 17. posse illum etiam directè secum in votis ex causa iusta dispensare, probatque ex eo, quod secundum doctrinam Sancti Thomæ, quam ibidem citat, possit sibi ipsi dare Indulgentias.

Quartus denique modus, quo cessare potest voti obligatio est, per ipsius voti commutationem: circa quam dicimus primo posse vouentem propria sua autoritate votum suum commutare in id quod, spectatis omnibus, melius est & Deo acceptius, dummodo tamen votum illud non sit Summo Pontifici reseruat. Ita Sotus, Suarez, Azorius, & alij, quos citat & sequitur Laymannus sup. cap. 8. & constat ex capite primo de voto, & ex capite *Peruenit* de iureiurando; vbi dicitur quod *Promissum non infringit, qui illud in melius commutat*. Imo docet Sanctus Thomas. vota quæcunque etiam summo Pontifici reseruata, propria, cuiusque autoritate commutari posse in vota illa, quæ in professione religiosa emittuntur, quod expressè declarauit Alexander III. capite *Scriptura* de voto, vbi dicit quod, *Reus fracti voti non habetur, qui temporale obsequium in perpetuam Religionis obseruantiam noscitur commutare*. Rationem hanc affert Sanctus Doctor art. 12, ad 1. quod alia omnia vota sunt
quo.

quorundam particularium operum; sed per religiosam professionem homo totam vitam suam Dei obsequio deputat; particulare autem in vniuersali includitur.

§ Dicimus 2. commutationem voti in aliud opus æquale proprio vouentis arbitrio fieri non posse. Ita Suarez & alij apud Laymannum supr. cap. 8. Ratio est, quia non potest aliud pro alio solui, non consentiente promissario: atqui Reus non videtur consentire, vt ab obsequio sibi per votum promisso ad libitum vouentis recedatur, nisi causa aliqua iusta urgeat, cuius cognitio ad Superiorem pertinet; vel nisi obsequium aliquod euidenter melius ipsi exhibeatur: tunc enim promissionem non violat, sed auctorem reddit.

Dicimus 3. illum, cui iure ordinario vel per delegationem competit facultas dispensandi in votis, competere etiam facultatem, vota commutandi: quia iuxta regulam iuris reg. 43. in 6. *Cui licet quod est plus, licet utique quod est minus*; at plus est posse dispensare in voto, quàm illud commutare.

Quæres vtrum ad commutationem votorum validè ac licitè faciendam causa aliqua requiratur, sicut suprâ requiri diximus ad dispensationem. Respondetur nullam requiri, quando commutatio fit in aliquid melius, vt docet Nauarrus cap. 12. num. 63. Si verò fiat in æquale vel minus, existimat Suarez lib. 6. de voto, cap. 19. causam aliquam rationabilem requiri non tantùm vt licitè, sed etiam vt valida sit commutatio; sufficere autem arbitratur Laymannus, si is qui vouit, voti sui commutationem instanter petat: tùm enim idonea ratio adesse videtur, vt eius fragilitati condescendatur, quo maiore cum solatio & animi alacritate voti sui debitum in alia materia ad quam magis affectus sit, exoluat.

Cæterùm quæ de voti irritatione, dispensatione, &c. hætenus dicta sunt, similiter de iuramenti irritatione, dispensatione, &c. intelligenda esse docet & fusè explicat Laymann. tract. 3. de iur. cap. 11.

§. V.

Quot modis peccetur in secundum Decalogi præceptum.

I **C**ONTRA secundum Decalogi præceptum peccant illi, qui iuramento falsum asseuerant, scientes, aut existimantes esse falsum, aut dubitantes num sit verum; siue id contingat in re leui aut graui, siue iocandi, aut se excusandi gratia id faciant: & qui se periculo falsum iurandi exponunt; aut qui aduertentes exproua iurandi consuetudine se frequenter iurare falsum de emendatione non curant.

Item

Item qui iuramento pollicentur se aliquid facturos, quod tamen non intendunt; aut qui, postquam se iuramento obstrinxerunt ad aliquid faciendum, illud adimplere nolunt; vel qui iurant de re aliqua mala facienda.

Peccant etiam contra hoc præceptum, qui verum quidem iurant, sed absque necessitate, vel in re levis momenti: & hoc peccatum, ut docet Toletus, ut plurimum tantummodo veniale est, nisi forte ob prauam iurandi consuetudinem & periculum periurandi fiat mortale, ut plerumque contingere potest in illis, qui quacunque data occasione adorandum Dei nomen irreuerenter, & non sine aliquo contemptu rebus ludicris, & friuolis interponunt, vel se ob res leuissimas dæmoni deuouent, aut alio iuramento executorio vtuntur.

2. Peccant præterea illi, qui blasphemias in Deum vel Sanctos proferunt; illos iniuriosè & contumeliosè nominant; illis detrahunt, maledicunt, aut imprecantur, qui non minus impiè quàm irreuerenter quibuslibet rebus etiam aliquando turpibus aut nefarijs, corpus, caput, & sanguinem Dei interponunt.

Peccant denique qui vouent aliquod malum, vel aliquod bonum, sed malo & perverso fine: item qui votum adimplere, omittunt, aut illius executionem sine ulla necessitate vel causa differunt; qui vota realia illius, cuius exceperunt hæreditatem, adimplere non curant: qui alios ad vouendum vi, metu, vel dolo inducunt: qui voti dispensationem obtentu causæ alicuius falsæ impetrare nituntur.

SECTIO III.

Explicatur tertium Decalogi præceptum.

Memento ut diem Sabbati sanctifices.

1. **H**Oc tertium Decalogi præceptum, ut asserit S. Doctor q. 121. a 4. ad 1. partim est morale, partim cæremoniale: morale quidem, quatenus per illud præcipitur ut homo, sepositis alijs temporalibus negotijs, aliquod vitæ suæ tempus diuino cultui religionisque exercitijs deputet: cæremoniale vero, quatenus dies Sabbati designatur, in quo temporalia opera intermittere, & soli Deo eiusque cultui vacare iubetur: idque tum in memoriam beneficii creationis; Deus enim vniuersum mundum sex diebus perfecit; & septimo die ab operibus quieuit: tum etiam in figuram Christi Domini, peracto Redemptionis opere, toto æternitatis beatæ Sabbato quiescenti.

2 In quantum morale est, omnes semper & eodem modo obligat; cum, ut ait S. Doctor sup. ab ipsa lege diuina naturali deriuetur; in quantum vero cæremoniale, morte Christi Domini antiquatum est, ut declaratur in Catechismo Romano part. 3. cap. 4. ubi dicitur Apostolos ex septem Hebdomadæ diebus illum, qui primus est, loco septimi subrogasse: & diuino cultui in memoriam Dominicæ Resurrectionis consecrasse; illumque diem idcirco Dominicum vocatum fuisse: præter quem, aliæ pari obseruatione, ac cultu obseruandæ Festiuitates, quæ in honorem Christi Domini & Sanctorum eius institutæ sunt: partim summorum Pontificum decretis, de quibus speciatim agit Suarez lib. 2. de Festis c. 5. & seq. partim Episcoporum statutis populos illis subditos obligantibus, ut habetur cap. ult. de Ferijs, & in Conc. Trid. sess. 25. c. 12. de reform. partim etiam consuetudine, Episcoporum consensu expresso vel tacito approbata.

§. I.

Quanam requirantur ad Festorum dierum sanctificationem.

1 **D**VO præsertim requiruntur ad sanctificationem dierum Festorum. Primum est, ut ab operibus seruilibus abstineatur; id est ab illis operibus ignobilioribus, quæ ipsius corporis commoditatibus inserviunt, qualia sunt arare, fabricare, sutoriam vel tonsoriam, aut alias eiusmodi artes mechanicas exercere. Id constat ex varijs Conciliorum Pontificumque decretis, quorum vnum aut alterum hic apponemus: in Concilio Romano sub Eugenio II. apud Antonium Augustinum lib. 20. tit. 19. c. 1. hæc habentur: *Constat omnino obseruare, ut die Dominico nullas audeant operationes mercationesque peragere, præterquam in cibarijs rebus; ita ut liberè possint, ac debite, in eo secundum possibilitatem omnes ad Ecclesiam concurrere, &c. qui verò rustica opera die Dominico agere præsumpserit, contra diuina præcepta egisse non dubitet.* Et apud S. Gregor. lib. 11. Epist. 3. *Dominico verò die à labore terreno cessandum est: omni modo orationibus insistendum, ut quod negligenter per sex dies agitur, per diem Resurrectionis Dominica precibus expietur.*

Operibus seruilibus iunguntur duo alia operum genera, quæ licet minimè seruilia sint, diebus tamen Dominicis & festiuis Ecclesiastico iure prohibentur, eo quod animam temporalibus rebus magno perè applicent, nimiumque à diuino cultu abstrahant; mercatus scilicet, id est mercium emptiones, & forenses ac iudiciales actus. Id similiter constat ex varijs Conciliorum Pontificumque sanctionibus,

nibus, ac nominatim in Concilio Parisiensi sub Gregorio IV. circa annum Domini 820. celebrato capite 56. ubi hæc habentur. *Imperialis celsitudo flagitanda, ut eius à Deo ordinata potestas cum-
dis metum incutiat, ne in hac sacra & venerabili die (Domini-
ca scilicet) mercatus, & placita, & ruralia quacumque opera fa-
cere præsumant*: Et in Concilio Arelatino sub Carolo Magno c.
16. prohibetur, *Ne in Dominicis diebus publica mercata, neque
causationes disceptationesque exercentur.*

2. Dubitatur autem apud Theologos de quibusdam operibus, an
servilia sint, proindeque an diebus Festis sint prohibita: de quibus
breuiter dicimus secundum Nauarr. c. 17. q. 4. Suarem lib. secundo
de Festis c. 24. & alios, non esse opus servile, nec prohibitum
diebus Festis iter facere, scribere, venari recreationis causa:
quod & de piscatione & pictura similiter dici potest: quamvis
quidam Doctores, ut Sylu. verb. *Dominica*, Angelus V. *Feria*,
& quidam alij merito dubitent, an transcribere aut pingere lu-
cri & quæstus causa, eademque ratione piscationi aut venatio-
ni vacare diebus Festis licitum sit; cum eiusmodi opera merce-
narium & servorum propria sint, quando principaliter fiunt
ob quæstum: ac proinde servilia censeri possint; quare tutius est
ab illis abstinere.

Docet autem Nauarrus supra ex S. Doctore sup. art. 4. ad 3.
sex operum genera licite diebus Festis exerceri posse. Primò,
ea, quibus in diuino cultu obsequium aliquod exhibetur. Sec-
undò, illa, quibus spiritualia exercentur, qualia sunt docere
verbo vel scripto. Tertiò, quæ sunt necessaria ad salutem pro-
prium, siue animæ, siue corporis. Quartò, quæ ad salutem
proximi spirituales vel corporales similiter necessaria sunt.
Quintò, quæ ad vitandum damnum sibi vel proximo imminens,
sunt necessaria. Sextò denique, quæ ad ciborum præparationem
requiruntur.

3. Et generatim loquendo, quæcunque opera etiam servilia,
licita redduntur ratione alicuius urgentis necessitatis, siue pu-
blicæ, ut dicitur capite *Licet* de Ferijs, siue priuatæ, ut cum
tempore messis segetes ob pluuiam superuenturam exportantur,
vel simile opus sit ad graue aliquod damnum evitandum: qua
etiam ratione pauperes artifices interdum licite diebus Festis la-
borare possunt, dummodo absit scandalum, si aliter familiæ
sue ea, quæ ad victum necessaria sunt, nullatenus subministra-
re queant: quanquam in ijs casibus tutius semper sit adire Su-
perioiorem, puta Episcopum, aut in eius absentia Parochum, &
ab illo licentiam postulare. Similiter opera servilia licita fiunt,
quando pietatis aut religionis causa exercentur, ut si Altaria

ordi-

ordinanda sint, aut præparanda ea quæ ad exequias requiruntur: quæ tamen si antecedente die commodè peragi possent, in diem Festum non essent differenda. Consuetudo etiam legitimè præscripta, & à Superioribus minimè improbata in quibusdam operibus alijs prohibitis à peccato excusat, v. g. nundinis publicis, alijsque similibus casibus, ut observat Toletus libro 4. cap. 4. 25.

Poriò in huius præcepti transgressione materiæ leuitas à peccato saltem mortali excusare potest: v. g. si quis servili alicui operi breui temporis spatio incumbat, puta vnius horæ, non censetur, secluse tamen scandalo, peccati mortalis reatum incurrere, ut docet Suarez lib. 2. de Festis cap. 21.

4 Observandum est tamen multa esse opera, quæ, quamvis servilia non sint, diebus tamen Festis illicita censentur, propter temporis excessum, quod in illis impenditur: qua ratione dierum illorum sanctificationi omninò videntur oppositæ: quis enim à peccato excusare possit eos, qui ludis, choreis, comestationibus, venationibus, negotijs sæcularibus, alijsque similibus rebus totos dies Festos transigunt: unde meritò conqueritur sanctus Cyrillus Alexandrinus lib. 8. in S. Ioan. cap. 5. *Quamplurimos Christianorum diebus festis aut ludis illiberabilibus, aut crapula, choreis, aut alijs mundi vanitatibus deditos, cum Deo obsequium diligentius exhibere, cum Templo Dei frequentare, orationibus insistere, atque Ecclesiastico officio interesse deberent: tunc maxime Deum suis dissolutissimis moribus irritare. Id ne est, ò Christiani, celebrare diem festum, indulgere ventri, & inconcessis voluptatibus habenas laxare, &c. Diebus ad exercenda servilia opera concessis unusquisque suo intentus est operi, & abstinet à crapula, ludis, & vanitatibus: diebus autem festis passim concurritur ad cauponam, ad ludos, ad spectacula, & choreas, in irrisionem divini nominis & diei pravaricationem.*

5 Quamvis autem honesta aliqua & moderata recreatio festis diebus post perfoluta religionis officia, minimè prohibeatur, Ita tamen, inquit Sanctus Chrysostomus hom. 8. de resur. *sanctorum dierum festivitas agi debet, ut relaxatione corporum puritas non corrumpatur animorum, sed potius abstinentes ab omni luxu, ebrietate, lascivia, dantes operam solbria remissioni & sanctæ sinceritati id efficere tentemus: ut quidquid tunc corporali abstinentia non adipiscimur, mentium puritate queramus.*

Secundum quod ad sanctificationem Festorum dierum requiritur, est, ut dies illi cultui divino, alijsque pijs operibus impendantur.

pendantur. Præ cæteris autem religionis & pietatis exercitijs, quæ ad debitam Festorum celebrationem pertinent, vnum præsertim iniungitur, nimirum vt diebus Dominicis & Festis omnes & singuli fideles vsum rationis habentes, sanctissimo Missæ Sacrificio intersint, cum ea deuotione & attentione quæ tantum mysterium decet. Hoc præceptum Ecclesiasticum expressum habetur cap. *Si quis etiam*, & cap. *Omnes fideles*, & cap. *Missas de consecr.* & satis constat ex vniuersali & continua Ecclesiæ praxi.

Ad hoc vero vt quis huic præcepto satisfaciat, duo præsertim requiruntur. Primum est, vt corpore sit præsens, & mente in Deum attentus: qui enim sciens in aliqua Ecclesia Missam celebrari, domi se contineret, mentemque solam circa mysteria Missæ applicaret, huic præcepto non satisfaceret; sicut nec ille, qui corpore quidem præsens esset; sed animo vanis cogitationibus per notabilem aliquam Missæ partem deliberatè distraheretur. Non est vero necessarium (vt rectè obseruat Toletus lib. 6. c. 6.) auribus audire, vel intellectu percipere ea quæ in Missa dicuntur, vel Sacerdotem celebrantem oculis videre; sed morali præsentia corporis, & virtualis saltem attentio mentis sufficit.

Potest etiam quis, vt docet idem Toletus & alij plures Theologi, eo tempore, quo Missæ interesse tenetur, simul recitare horas canonicas, precesque aliquas ad quas obligatur, & vtrique obligationi simul satisfacere: dummodo, vt monet Nauarrus cap. 12. n. 8. ita preces illas recitet, vt attentionem auditioni Missæ necessariam non amittat, sciatque & velit Missam audire, & saltem virtualiter huius Sacrificii oblatione Deum colere.

6 Quæres, an qui, dum Missa celebratur, peccata sua confitetur, illius audiendi præcepto satisfaciat? Respondetur quod, quamuis Suarez & Azorius, quos citat Bonacina Qu. de Missa pun. 11. existiment non satisfacere: nihilominus probabilissime dici potest, eos qui tempore Missæ, præsertim solemnioris, parochialis, v. g. per aliquod breue temporis interuallum confessioni faciendæ incumbunt, præcepto Missæ audiendæ satisfacere: tum quia in illo poenitentiae actu plurium aliarum virtutum actus, puta contritionis, humilitatis, boni propositi, &c. exercentur, qui ex se nihil obstant, imò plurimum conferunt ad hoc, vt quis deuotè sacrificio Missæ intersit: tum etiam quia communis vsus & praxis ita obtinuisse videtur; in Ecclesijs siquidem parochialibus, illis præsertim, in quibus vna tantum aut altera Missa celebrari solet (quod in vicis & pagis frequens est) solent vt plurimum confiteri poenitentes, interim dum Missa cui intersunt celebratur; nec vllus adhuc Episcopus aut Superior id prohibuit.

Secundum, quod requiritur, est, vt Missa integra audiatur, saltem

tem vsque ad Sacerdotis benedictionem, iuxta Canonem 47. Concilij Agathensis, & cap. *Cum ad celebrandas*, de consecr. dist. 1. qui enim partem aliquam Missæ prætermittit absque iusta causa, peccat, venialiter quidem, si pars sit exigua: mortaliter verò, si sit notabilis, vt docet Nauarrus cap. 21. num. 1. & 2. Disp. q. vlt. de Missa, pun. 11.

2. Quænam autem sit notabilis pars Missæ, quam proinde omittere sit peccatum mortale: Nauarrus, Suarez, Toletus, quos citat & sequitur Bonacina, existimant illam Missæ partem, quæ à principio vsque ad Epistolam inclusivæ protenditur, esse notabilem, nec sine peccato mortali omitti posse: Syluester tamen, Cominchus & Azorius ab eodem citati, partem illam notabilem extendunt vsque ad initium Euangelij. Addit Toletus lib. 6. cap. 9. ex Nauarro, & alijs, posse vtcunque huic præcepto satisfieri si quis partem alteram audiat ab alio: quod quamvis ipsi probabile videatur, recte tamen monet consultius esse & tutius integram vnius Sacerdotis Missam audire. Obseruat etiam ibidem, nullam esse obligationem, ne quidem in die Natalis Domini, plures Missas audire: sed vnam sufficere ad hoc vt præcepto satisfiat.

Porro à præcepto Ecclesiastico Missam diebus festis audiendi excusat Impotentia siue physica, siue moralis: impotentiam physicam dicimus, cum quis nullo modo id potest: puta cum est in carcere detentus, vel lecto per ægritudinem affixus, aut nauigat in mari, &c. nam iuxta regulam iuris. 9. *Ad impossibile nemo potest obligari*. Per impotentiam verò moralem intelligimus, quando quis nonnisi cum summa difficultate aut graui detrimento, spiritali vel alieno Missam audire potest, vt si quis timeat, ne adeundo Ecclesiam, ab hostibus in via occidatur: vel si domum deferat, ne à furibus expiletur: vel si infirmum solum relinquat, ne graue aliquod incommodum patiatur. Ita Nauarrus, Suarez, & alij apud Bonacinam disp. 44. quæst. vlt. de Missæ Sacrificio, punct. vlt. apud quem plurimi alij similes casus videri possunt.

§. I I.

Quot modis peccetur in tertium Decalogi præceptum.

I PECCANT in primis, qui diebus festis contra Ecclesiæ prohibitionem opera seruilia, absque vlla causa legitima, exercent, qui alios ad id cogunt vel inducunt: peccant etiam Superiores politici, qui diebus festis sibi subditos operibus illis seruilibus vacare permittunt.

Item qui diebus festis, citra necessitatem, vendunt aliquid aut

Pars II.

Z

emunt,

emunt, præsertim si enim emptione illa aut venditione tempus aliquod notabile infumatur; qui diebus illis officinas apertas tenent, aut merces vendendas exponunt.

Peccant & Iudices & illorum Officiales, si nulla urgente necessitate, diebus festis, citationes, testium iuridicas auditiones, & alias iudiciales actiones exercent: Item qui totos dies festos, aut maximam & præcipuam illorum partem, aleis, choreis, comestationibus, & aliis vanis aut profanis actionibus impendunt.

2. Peccant, qui diebus festis Missam audire omittunt, vel illam integram non audiunt, vel qui audiunt quidem, sed sine attentione, ac per illius partem aliquam notabilem vanis confabulationibus ac superfluis cogitationibus deliberatè distrahuntur.

Peccant denique patres familias, alique Superiores, qui à filiis & subditis Missam diebus festis audiri non curant, aut eos talibus occupationibus detinent, ex quibus fit ut Missam audire non possint.

SECTIO IV.

Explicatur quartum Decalogi præceptum.

Honora Patrem tuum, & Matrem tuam, &c.

CVM iuxta doctrinam S. Thomæ 2. 2. qu. 33. a. 2. præcepta, quæ pertinent ad officia charitatis proximo impendenda, ad hoc quartum Decalogi præceptum reducantur: idcirco, antequam explicemus particularia illa officia, quibus erga parentes & alios Superiores obstringimur, videtur doctrinæ ordo, quem etiam Nauarrus secutus est, postulare, ut prius de ipsa charitate proximi, illiusque generalibus præceptis & obligationibus tractemus: quod ut distinctius exequamur, tria præsertim hic explicanda sunt. Primò, quænam personæ sint ex charitate diligendæ. Secundò, quis ordo sit in illa dilectione seruandus. Tertiò, quinam sint actus charitatis, & quo tempore ad illos exercendos obligemur. Exinde ipsius quarti præcepti specialem obligationem aggrediemur; & inuestigabimus quænam personæ patris ac matris nomine designentur, & quem honorem illis impendere debeamus.

§. I.

Quanam persona sint ex charitate diligenda.

DOCEt S. Thomas quæst. 13. a. 22. quatuor præsertim esse ex charitate diligenda, iuxta mentem S. Augustini lib. 1. de doctr. Christ. c. 23. *unum, quod supra nos est, scilicet Deum: alterum, quod nos sumus: tertium quod iuxta nos est, scilicet proximum: quartum, quod infra nos est, scilicet pro pr. um corpus.* Atque in primis de dilectione ipsius Dei, sectione 1. egimus. Quod verò spectat ad dilectionem illam, qua nos ipsos ex charitate diligere tenemur, docet S. Thomas art. 4. quod cum charitas, qua Dū diligimus, etiam ad ea, quæ ipsius Dei sunt, debeat extendi: cumque iuxta Apostolum ad Rom. 14. *Nemo nostrum sibi vivat, nemo sibi moriatur; sed siue vivimus, siue morimur, Domini sumus, & quidem tot titulis, quot in eius divinitate perfectiones fulgent; quot ab eius bonitate beneficia in nos effluunt: Ideo unusquisque seipsum, non propter se, sed propter Deum, ut aliquid ipsius Dei, debet ex charitate diligere.*

Quod spectat ad corpus nostrum idem Sanctus Doctor a. 5. dicit illud duobus modis considerari posse, vel secundum eius naturam, vel secundum infectionem culpæ, & corruptionem pœnæ. Cum igitur natura eius à Deo sit, possumusque uti corpore nostro ad ipsius Dei obsequium, & ut loquitur Apostolus Rom. 6. *exhibere membra nostra, arma iustitiæ Deo:* ea ratione debemus etiam corpus nostrum diligere: Sed infectionem culpæ, aut corruptionem pœnæ, in corpore nostro nullatenus diligere aut fovere debemus, imo potius ex vero charitatis affectu amovere: unde intelligitur quo sensu dixit Apost. Coloss. 3. *Mortificate membra vestra, quæ sunt super terram, &c.*

Quod denique spectat ad proximum, quem ex charitate diligere debemus, S. Doctor ab illa proximi denominatione excludit in primis creaturas rationis expertes, quia sunt incapaces beatitudinis supernaturalis, in cuius communicatione charitas fundari debet: Excludit deinde damnatos & dæmones; quia ipsis bonum æternæ vitæ velle non possumus, cum ipsis illud Deus non velit, imo contrarium pro tota æternitate decreverit.

Nomine igitur proximi S. Doctor a. 6. 8. & 10. asserit significari Sanctos Angelos, & homines, siue beatos, siue viatores, siue peccatores, siue iustos, siue amicos, siue inimicos: quos quidem ita ex charitate diligendos esse dicit, ut eos nunquam actu ipsi charitati contrario, odio scilicet, prosequamur: neque vllum eorum ab illa generalitate dilectionis proximi excludamus, & præterea ut secundum

animi dispositionem semper parati simus, charitatis actus, siue inter nos elicere, siue externos exercere erga quoscunque, etiam peccatores aut inimicos, quotiescunque id ex diuinæ legis præscripto faciendum esse nobis innotescet.

Quod autem spectat ad inimicos, in quibus est specialis difficultas, certum est illos ex charitate propter Deum esse diligendos. quod expressè præcipit Christus Dominus, Sanct. Matth. 5. *Ego autem dico vobis, diligite inimicos vestros*: illisque dilectionis signa generalia exhibenda, quæ communiter alijs eiusdem conditionis hominibus, nos æquè attingentibus, exhibere solemus, & in casu extremæ vel grauis necessitatis illis æquè ac alijs auxilia & beneficia præstanda: quod etiam iussit Christus Dominus, cum dixit: *Benefacite ijs, qui oderunt vos*. Imo etiam iniuria ab eis accepta propter Deum ipsi est condonanda, 8. Matt. *si enim* (vt dixit Christus Dominus) *non dimiseritis hominibus, nec Pater vester celestis dimittet vobis peccata vestra*: & c. 18. dicit condonationem illam, non solum exterius, sed ex interiori cordis affectu esse præstandā: quod si actio iniuriarū ciuilis aut criminalis ab eo qui damnum aut læsionem passus est, instituat, sicut id iure potest, sic ex odio & vindictæ appetitu facere non debet: sed ciuilem quidem, eo tantum fine vt damnum illatum compensetur: criminalem vero, ex amore iustitiæ aut alicuius alterius virtutis motiuo, vt docent Richardus, Gabriel, Nauarrus, & alij apud Layman. tr. 3. de char. cap. 4. non vero ex motu odij, aut appetitu vindictæ.

Quamuis autem hæc ita se habeant, certum est nihilominus illicitum esse & honestum, in peccatoribus & inimicis odisse ac detestari peccatum, illudque per emendationem tollere: si id iure possumus: vel optare, vt à Deo aut à Superioribus puniatur: vnde Apostolus dicebat Gal. 5. *Vtinam abscindantur qui vos conturbant*. Quin & de eiusmodi punitione lætari possumus, quatenus per illam tollitur malum peccati: & è contrario tristari, si peccatorum prauos conatus prosperare videamus: quod optimè explicat S. Gregor. lib. 22. Mor. cap. 11. his verbis: *Euenire plerumque solet vt non amissa charitate & inimici nos ruina latifcet, & rursus gloria sine inuidia culpa contristet: cum & ruente eo, quosdam bene erigi credimus, & eo proficiente, quosdam iniuste opprimi formidamus*.

§. III.

Quis ordo in charitate seruandus sit.

ICERTUM est ordinem aliquem in dilectione charitatis esse seruandum, vt docet & probat S. Thomas quæst. 26. art. 1. 2. & 3. Hic autem ordo, vt idem explicat, exigit à nobis vt Deum amore appetitiuo plusquam res alias quascunque, absque vlla comparatione aut exceptione, diligamus: tùm vt post Deum nos ipsos, exinde proximos nostros, ac vltimo loco corpus nostrum eadem charitatis dilectione complectamur.

Cùm autem diligere nihil aliud sit quàm bonum velle, sintque tria præcipua bonorum genera, quæ nobis ipsis vel proximis velle possumus spiritualia scilicet, vt gratiam, virtutes, gloriam, &c. corporalia vt vitam & sanitatem corporis, &c. exteriora denique, vt famam, diuitias, &c. ordo charitatis suprà relatus postulat, vt post Deum (de cuius dilectione iam suprà egimus) quisque primo seipsum diligat, quoad bona spiritualia: deinde proximum quoad eadem bona spiritualia: postea seipsum quoad bona corporalia, & exinde proximum quod ad eadem bona corporalia: & sic deinceps seipsum & proximum, quoad alia bona exteriora. Ita S. Th. per totam quæst. 26. vbi id fusè explicat.

2 Vnde sequitur 1. nunquam licitum esse, cuiusvis boni alijs procurandi prætextu, spirituales aliquam animæ iacturam per peccatum quantumvis exiguum deliberatè incurrere: *Quid enim prodest homini: vt ait Christus Dominus S. Matth. 8 si vniuersum mundum lucretur, anima verò sua detrimentum patiatur?* & cap. 22. ponit dilectionem sui ipsius, tanquam regulam & normam dilectionis proximi: *Diliges proximum tuum sicut teipsum:* regula autem, vt docet S. Th. art. 4. prior est & potior est quàm regulatum.

Sequitur 2. quoad alia bona corporalia & exteriora, cæteris paribus, vnumquemque debere magis seipsum diligere quàm proximum: vnde vt ait Sanct. August. lib. de mendacio c. 6. *Si quis exponat vitam corporalem propriam pro vita corporali alterius, iam non diligit proximum sicut seipsum, sed plusquam seipsum: quod, vt postea subiūgit, sana doctrina regulā excedit.* Non est tamen contra hunc charitatis ordinē, si quis ex motiuo alicuius virtutis, vitam propriam pro tuenda amici vita exponeret, quod à sancto Hieronymo in c. 7. Mich. & S. Ambrosio l. b. 3. de Officijs c. 12. tanquam honestæ & perfectæ amicitie officium commendatur: & à fortiori posset, imo aliquando deberet quis pro salute temporali communitatis

suæ, puta ciuitatis aut patriæ, vitam, & alia bona exteriora exponere; cum rationis ordo postulet vt pars pro suo toto periclitetur.

Sequitur 3. si de bonis diuersi generis agatur, tunc bonum spirituale proximi, bono nostro corporali præferendum esse, ac proinde proximo versanti in extrema necessitate spirituali, etiam cum certo propriæ vitæ periculo, succurrendum esse: dummodo tamen probabilis spes iuuandi proximum affulgeat. Ita Sanct. Thomas quæst. 44. art. vlt. ad 2. vnde Sanct. Ioannes Epist. 1. cap. 3. *Et nos debemus, inquit, pro fratribus animas ponere.*

Et in extrema quidem ac moraliter insuperabili necessitate spirituali tenetur quilibet Christianus hunc charitatis ordinem seruare, vt ex ante dictis constat, & etiam docet S. Augustinus, & post illum communiter omnes Theologi: pastores autem, & ii, quibus animarum cura incumbit, subditis suis non solum in extrema, sed etiam in graui necessitate constitutis succurrere debent, etiam cum propriæ vitæ periculo, vt fusiùs docet & probat, variisque exemplis illustrat Gregorius à Valentia disp. 3. q. 4. de ord. cap. 4.

3 Quod autem spectat ad ordinem charitatis in proximorum dilectione seruandum, certum est in primis quotiescunque agitur de auxilio præstando in extrema vel graui necessitate corporali alicuius, ordinem charitatis postulare, vt personas nobis secundum carnem magis coniunctas, aliis secundum carnem minus coniunctis præferamus: vnde sequitur patrem & matrem aliis omnibus esse præferendos; exinde vxorem, postea filios, fratres & alios consanguineos, prout quisque illorum nobis secundum carnem coniunctior existit, vt docet Sanct. Thomas art. 8. & sequent, & post illum Isambertus, tractat. de charit. disp. vltim. art. 2.

Quod si fiat comparatio eorum qui secundum carnem, cum alijs qui secundum spiritum nobis coniuncti sunt: quamuis variæ sint Doctorum sententiæ, nec satis dilucidè constet quænam super hac quæstione fuerit mens S. Doctoris, probabilissima tamen nobis videtur eorum sententia, qui asserunt, quod quamuis absolute loquendo illi, qui sunt meliores & sanctiores, alijs minus bonis & sanctis obiectiue magis diligere debeant, id est amore approbationis & complacentiæ, quo illorum virtutem & sanctitatem magis æstimemus & amemus: appretiatiue tamen eos, qui nobis secundum carnem propinquiore sunt magis diligere debemus iis qui nobis spiritualiter tantum sunt coniuncti. Ita Richardus, Bannes, & alij, quoscitat & sequitur Isambertus suprà.

Quod tamen non obstat quin amicum vel benefactorem insignem præferre interdum liceat aliquibus consanguineis, vt post Dominicum Bannem docet Valentia sup. pun. 5. fieri etiam potest, vt ali-

vt aliquando causæ aliquæ rationi maxime contentianæ occurrant, ob quas ordo charitatis suprà relatus licitè ac honestè inuerti possit, vt expressè docet S. Th. q. 32. art. 9. e. g. in fauorem personæ bono publico maxime utilis.

§. III.

De actibus charitatis erga proximum ac præsertim de elemosyna corporali.

VARIJ sunt & multiplices actus charitatis erga proximum, quorum præcipuos enumerat S. Doctor quæst. 27. 28. & sequent. scilicet dilectionem, qua alteri per charitatem bonum volumus: beneficentiam, qua bonum quod ei volumus, quantum possumus, re ipsa illi tribuimus: gaudium, quo de illius bono, v. g. conuersione à peccatis, profectu in virtute, &c. lætamur: pacem, qua simul cum proximo conspiramus in iis, quæ ad illius bonum spirituale conferunt: misericordiam, qua, illius miseriis tanquam nostris condolemus, easque, quantum possumus, subleuamus.

Sunt autem duo præcipui actus ipsius misericordiæ, de quibus Theologi fusius disputare solent, elemosyna scilicet, & correctio fraterna.

Elemosyna, vt docet S. Thomas, quæst. 32. art. 1. est actus charitatis, quo quis propter Deum proximo indigenti subuenit. Cum autem duplex indigentia reperiri possit in proximo, spiritualis scilicet ac corporalis, ideò etiam duplex elemosynæ species à S. Doctore art. 2. assignatur: alia spiritualis, qua indigentia spirituali succurritur, de qua paragrapho sequenti agemus: alia corporalis, qua miseria & indigentia corporis subleuatur.

2. Circa hanc verò elemosynam corporalem, certum est illam esse, non solum in consilio, sed etiam in præcepto, vt docet & probat S. Th. art. 3. & apertè colligitur ex varijs Scripturæ locis Ezech. 16. *Hac fuit iniquitas Sodoma, manum egeno & pauperi non porrigebant.* Et S. Matt. 25. Christus Dominus flammis æternis adiudicat eos, qui misericordiæ opera exercere omiserunt. Id ipsum SS. Patres vnanimiter asserunt: S. Ambrosius lib. de Nabute, loquens de elemosyna *Debitum*, inquit, *reddis, nō largiris indebitum: ideo quo tibi dicit Scriptura: Inclina pauperi aurem tuam, & redde debitum tuum.* S. Basilus concione in illud dictum diuitis: *Destruam horrea mea: dicit diuitem illum non cogitasse de superfluo pauperibus erogando, nullamque præcepti diuini habuisse rationem:* S. Gregorius Nazianz. orat. de pauperum amore dicit nos *Mandato diuino atque exemplo ad elemosynam largiendam excitari.*

Verum difficultas est, cum præceptum illud affirmatiuum sit, quo potissimum tempore obliget: quod vt melius & certius dignoscatur, obseruandum est ex S. Doctore, obligationem faciendæ eleemosynæ ex duplici capite oriri: Primò, ex parte dantis si habeat bona superflua: siue ea sint superflua naturæ, id est non necessaria ad vitam suam & suorum sustentandam; siue sint superflua personæ, id est non necessaria ad personæ conditionem, dignitatemque tuendam. Secundò, ex parte accipientis, si aliqua prematur necessitate: quæ quidem triplex esse potest: vna extrema, cui nisi succurratur, hominis vita periclitabitur; altera grauis, cui nisi subueniatur, vitam ægrè ac difficulter sustentabit: tertia communis, qualis est sermè eorum qui ostiatim mendicant.

3 Hac obseruatione supposita, in quæstione valde perplexa & difficili, quæ Doctores in varias distraxit sententias, breuiter dicimus, probabilissimam nobis videri sententiam illorum qui asserunt, vnumquemque obligari sub peccato mortali ad eleemosynam erogandam de superfluis naturæ, iis qui sunt in extrema necessitate constituti: de superfluis verò personæ, iis qui graui necessitate laborant. Ita Tolet. lib. 8. c. 35. vbi pro hac sententia citat S. Doctorem, & plurimos alios Theologos, probatque illam ex his Christi Domini verbis: *Ite maledicti in ignem æternum: esuriui enim, & non dedistis mihi manducare, &c. Hospes eram, & non collegistis me, &c. infirmus & in carcere, & non visitastis me*: manifestum est enim has necessitates non esse extremas; & tamen condemnari hominem, qui in illis proximum suum subleuare omisit.

An verò ex superfluis illis personæ vnusquisque sub peccato mortali teneatur ad erogandam eleemosynam in omnibus pauperum necessitatibus; itavt nullus licitè possit superflua sibi retinere, sed pauperibus, qui nunquam & nusquam desunt, illa distribuere obligetur: idem Toletus suprà asserit communioem Doctorum sententiam esse negatiuam, quamuis non desint, qui affirmatiuam amplectantur; proindeque nullum sub peccato mortali ad eroganda pauperibus superflua teneri, extra graues aut extremas necessitates; aitque se non audere ad id obligare sub mortali eos, quos tot & tanti Doctores ab illo citati excusant.

Rectè tamen monet eos, qui habent superflua, non omninò securos esse debere; sed timere ne fortè sibi suæque cupiditati nimis blandiantur: & seriò perpendere, quàm diuersa sint iudicia Dei à iudicijs hominum: ideoque longè tutius esse, vt superflua illa status & dignitatis in opera charitatis aut alia Deo grata & honorifica impendant, quàm otiosa apud se retineant, præsertim cum SS. Patres, quorum plurimos citat, sint hac in re longè rigidiores, videanturque asserere vniuersim homini Christiano illicitum esse superflua

perflua retinere, quandiù sunt aliqui pauperes, in quos illa erogare possit.

Addit præterea idem Author, aliter hoc eleemosynæ faciendæ præcepto teneri eos, qui aliorum curam habent, præsertim Ecclesiasticam & spiritualem; aliter eos, qui non habent: hi enim satisfaciunt indigentibus illis qui occurrunt, eleemosynam erogando; illi verò insuper inquirere aliquo modo tenentur, num sibi subditi, suæque curæ commissi grauem aliquam egestatem patiantur, ut eis succurrant. Docet præterea personas Ecclesiasticas, siue beneficia & redditus Ecclesiasticos obtineant, de quibus infra suo loco, siue bona tantum patrimonialia possideant, eodem faciendæ eleemosynæ præcepto arctius obligari, eo quod in illis superfluum magis inueniri possit quam in Laicis: cum enim neque uxores, neque filios aut filias habeant, cumque modum ac modestiam in victu ac vestitu seruare teneantur, non tot rebus indigent, nec ad tantas expensas faciendas obligantur.

Quæres, num omnes personæ eleemosynam erogare licitè possint. Respondet S. Doctor art. 8. illum, qui est sub alicuius potestate constitutus, de re illa, secundum quam Superiori subiicitur, eleemosynam licitè facere non posse, nisi de consensu illius cui subditus est; vnde sequitur religiosos, filios familias, ac seruos eleemosynas absque consensu Superiorum, parentum, aut dominorum erogare licitè non posse, nisi extrema aliqua indigentis necessitas eos ad id obliget: possunt tamen filii familias ex bonis castrensis, aut quasi castrensis, id est ex illis quæ vel in bello, vel in alicuius officij publici exercitio consequuntur, erogare eleemosynas, sicut & de ijs, quæ in proprias expensas ipsis à parentibus conceduntur. Ita Toletus lib. 8. c. 31.

¶ Quod autem spectat ad uxorem, quamuis de bonis communibus absque mariti consensu eleemosynas erogare non debeat: poterit tamen; ut idem Toletus docet supra cap. 29. id facere, si vltra dotem quam attulit, aliquid sibi proprium reseruauit: aut si per alterius donationem vel proprium laborem & industriam aliquid illi obueniat: in quo tamen locorum consuetudinem seruandam esse dicit. Item si maritus sit amens, aut ipsi uxori rei domesticæ administrationem relinquat, aut sit supra modum tenax & auarus; nec eleemosynas vllas, etiam cum tenetur, erogare velit: tunc enim vxor id poterit exemplo Abigail 1. Reg. 25. quæ Dauidi dedit, viro suo nesciente. Addit idem Author posse etiam de bonis sibi cum marito communibus facere modicam eleemosynam, propter quam maritus nullam indigentiam patietur.

De eleemosyna spirituali, & correctione fraterna.

DOCEt S. Th. q. 32. 1. septem præsertim modis spiritualem eleemosynam exerceri posse, scilicet docendo ignorantem, consilium dando dubitanti, afflictum consolando, corripiendo peccantem, tolerando benigne illos qui graues sunt & onerosi, condonando iniurias, & pro viuis ac defunctis orando.

De hac autem spirituali eleemosyna idem quod de corporali dicendum est, seruata tamen debita proportione; scilicet vnumquemque teneri eo quo potest modo ad succurrendum proximo constituto in extrema & moraliter insuperabili necessitate spirituali, vt dictum est §. 2. & etiam in graui, id est, quando nonnisi ægre & cum summa difficultate necessitas illa spiritualis superari potest: quamuis hæc obligatio succurrendi in graui necessitate spirituali, non adeo stricta sit in Laicis, ac in Sacerdotibus, illis præsertim quibus animarum cura commissa est, qui proinde ratione officij sui debent instruere ignorantes, de rebus illis, quæ ad salutem necessaria sunt; consilium rectum de iisdem rebus ad salutem necessarijs præbere; item afflictis quam possunt impendere consolationem; ne malorum pondere oppressi in desperationem incidant; similiter & aliorum defectus tolerare, condonare iniurias, corripere peccantes, ac pro viuis & defunctis orare, quoties id ab illis charitatis ordo, aut muneris sibi impositi ratio exigit.

2 Verùm peculiaris est difficultas circa correctionem fraternam peccantium; quò nomine à Theologis intelligitur qualiscumque sermo, quo quis vel mouendo vel reprehendendo, vel hortando, vel rogando, vel instruendo, aut alia simili ratione nititur proximum à peccato reuocare, & ad officium virtutemque reducere, idque ob ipsius proximi proprium ac peculiare bonum.

De hac autem fraterna correctione supponimus tanquam certum, inesse obligationem ad illam faciendam non solum ex consilio; sed ex præcepto, vt docet S. Thomas, qu. 33. art. 2. & cum eo Theologi omnes, qui id communiter probant ex his Christi Domini verbis S. Matt. 18. *Si peccauerit in te frater tuus, vade, & corripe eum, &c.* id est, si te sciente, peccauit frater tuus, vt explicat S. Aug. serm. 16. de verb. Dom. qui hæc Christi Domini verba tanquam de præcepto dicta intelligit.

Hoc supposito, tria præsertim de correctione fraterna quæri possunt. Primum, quod facienda sit. Secundum, à quo facienda sit, Tertium, quis ordo in illa seruandus.

3 Ad primum quæsitum respondetur, hoc præceptum, cum affirma-

matiuum sit, non quouis tempore obligare, sed solum concurrentibus quatuor conditionibus. Prima est, vt noueris peccatum proximi: si enim illud ignores, corrigere non teneris, imò nec curiosius inquirere debes; hoc enim ad Superiorem illius propriè pertinet, vt docet S. Thomas art. 2. ad 4. vnde Prou. 24. *Ne quaras, inquit Sapiens, impietatem in domo iusti & non vastes requiem eius*. Secunda est, vt ille qui peccauit, nec emendatus sit, nec mox siue per alium, siue per seipsum credatur, emendatus sit, vel proximè emendandus existimetur, correctione tua non indiget, nec proinde ad illam faciendam obligaris, vt docet Valentia disp. 3. quæst. de correct. fraterna part. 2. Imò valdè probabilis est sententia Syluestri, Turriani, & aliorum, quos citat & sequitur Laymannus tract. 3. c. 7. de correct. fratern. peccatum merè præteritum si non subsit periculum recidendi, non cadere sub obligationem præcepti correctionis fraternæ: vnde Eccl. 19. dicitur: *Corripis proximum, ne fortè iteret*. Tertia est, vt speres aliquem fructum tuæ correctionis: si enim nulla sit emendationis spes, imo verearis ne is qui peccauit, correctione tua deterior fiat, tunc manifestum est te ad illam minimè obligari: vnde Sanctus Augustinus dicit lib. 1. de ciuit. cap. 9. ad charitatem pertinere, vt quis *corripendis male agentibus parcat: quia ipsis metuit ne deteriores ex hoc efficiantur*. Excipiendus est tamen casus ille, in quo ex defectu correctionis alij scandalum paterentur: tunc enim correctio facienda, ne alij inde peccandi occasionem arripiant. Quarta deniq; cōditio est, vt locus, tempus, aliæq; ad corrigendum circumstantiæ opportuni sint: si enim alterius temporis, vel loci opportunitatem ad proximum corrigendum commodiorem expectes, non teneris statim illum corrigere, sed laudabiliter id differre potes. Ita docet S. Th. a. 2. ad 3. & S. Aug. suprà dicit esse consilium charitatis, si *aliquis propterea obiurgandis & corripendis male agentibus parcat; quia opportunū tempus requirit*.

Quod spectat ad secundum quæsitum, quinam videlicet ad correctionem fraternam obligentur, asserit S. Doctor art. 3. omnes teneri ex virtute charitatis: quod etiam constat ex Eccl. 17. vbi dicitur quod Deus *Mandauit unicuique de proximo suo*: & S. Matth. 18. vbi Christus indefinitè præcipit: *si peccauerit in te frater tuus, corripe eum, &c.* Prælati tamen & Superiores, quibus aliorum cura incumbit, strictius ad correctionem faciendam obligantur: quæ quidem, si spectetur vt est actus iustitiæ vindicatiuæ, ad illos solos pertinet, vt obseruat idem S. Doctor.

Quod denique spectat ad tertium quæsitum; videlicet quis ordo in correctione fraterna seruandus sit: & an ordo à Christo Domino in Euangelij præscriptus, sit ex præcepto necessarius; vt scilicet peccans primò priuatim admoneatur; tum si hæc admonitio nihil profuit,

uiora eiusmodi peccata dissimulare : nisi talia sint, quæ vel scandalum aliorum, vel grauioris alicuius peccati committendi occasionem præbere possint. Ita Nauarr. cap. 24. n. 13. vbi addit aliquando licitum esse expectare, vt peccator rursus incidat in peccatum, in quo deprehensus possit cum fructu corrigi.

Tertia difficultas est, an teneamur admonere & corripere illum, qui ex ignorantia peccat? Respondetur nos ad id teneri, si erus ignorantia sit vincibilis, id est, de re, quam quis scire potest & debet : si autem sit inuincibilis, distinguendum est : vel enim speratur fructus aliquis ex illa correctione, vel minimè speratur. Si primum, instruire tenemur ignorantem, præsertim si illius cura nobis commissæ sit : si secundum, bonæ fidei relinquendus est, dummodo tamen inde alterius damnum aut scandalum non sequatur. Ita Bannes, Malderus, Azorius, Nauarrus, & alij, quos citat & sequitur Bonacina disp. 3. q. 4. de charit. punct. 7.

Quarta & vltima difficultas est, quale peccatum sit fraternæ correctionis omissio. Respondetur illum peccare mortaliter, qui commodè ac facilè impedire vel tollere potest correctione fraterna grauem miseriam spiritualem proximi, quale est peccatum aliquod mortale, sed non audet ob alicuius mali temporalis timorem vel alicuius temporalis boni cupiditatem, quæ in eius animo fraternæ charitati præponderat, vt constat ex dictis §. 1. illum autem, qui propter Passionem aliquam timoris, verecundiæ, aut pusillanimitatis non existimat se tam stricte ad hoc obligari, vel minus se idoneum reputat ad correctionem faciendam, ideoque illam omittit : plerumque non nisi venialem culpam incurrere, vt docet S. Thom. art. 12. ad 3. quod tamen intelligendum videtur cum exceptione, nisi is qui corrigere omittit, sit superior, aut ex illa omissione graue aliquod scandalum sequatur.

§. V.

Quanam peccata charitati proximi aduersentur.

QUATVOR sunt præsertim peccatorum genera, quæ proximi charitati opponuntur, & ad quæ reliqua possunt reuocari, odium scilicet, inuidia, discordia, & scandalum : de quibus agit S. Doctor qu. 34. & sequent. vbi docet esse duplex proximi odium, abominationis scilicet, & inimicitiae. Odium abominationis est alienatio & auersio voluntatis à proximo, propter aliquod malum quod in eo concipimus : odium verò inimicitiae, est illud, quo malum aliquod proximo volumus : vtrumque odium ex genere suo peccatum mortale est, si quis, verbi gratia, proximum

mum suum aduerfetur & abominetur quatenus homo, vel quatenus Christianus est, item si graue malum aliquod illi optet, quatenus illi malum est, iuxta illud quod dicitur 1. Ioan. 3. *Omnis qui odit fratrem suum, homicida est*: defectus tamen deliberationis aut materiæ leuitas a peccato mortali excusare posset; imò nullum esset peccatum, si quis peccatorem odio prosequeretur, non quatenus homo est, sed quatenus peccator, id est, si abominaretur eius peccatum, vel si optaret illi aliquod malum, non quatenus eius malum est; sed quatenus ad destructionem & exterminium peccati conferre potest, vt patet ex ijs, quæ paragraphis præcedentibus dicta sunt.

2. Inuidia, vt docet S. Thomas quæst. 36. est deprauatus voluntatis affectus, quo quis tristatur de bono proximi, quatenus est propriæ excellentiæ imminutium, quod vt melius intelligatur, obseruandum est ex Toletio lib. 8. cap. 63. septem potissimum modis contingere posse, vt quis tristetur de bono proximi. Primò, quia inde aliquod malum sibi timet; vt si quis tristetur de electione alicuius in aliquam dignitatem, eo quod sibi inde damnum aliquod prouenturum vereatur; quod si damnum illud sibi iniuste inferendum rationabiliter timeat, nullum erit peccatum: si autem iuste, v. g. si fur aut sicarius tristetur, eo quod electus sit in iudicium vir integerrimi animi, a quo scelus suorum vindictam sibi metuit, peccabit: quia sicut non licet illi talem virum dignitate sua & potestate ob hunc metum priuare; sic nec etiam de ea tristari licitum est.

Secundò tristari potest aliquis de alterius bono, eo quod simili bono careat: vt quando quis videns hominem doctum, tristatur non quia doctus sit; sed quia ipse pari doctrina non sit præditus: & tristitia dicitur æmulatio, estque licita & honesta, si bona quæ quis æmulatur, ad salutem animæ diuinamque gloriam conducant: vt si quis videns hominem pœnitentem, zelo feruentem, tristetur, non de illius bono; sed ex eo quod se virtutibus eiusmodi destitutum videat; si autem æmulatio illa sit de temporalibus bonis, quæ non referantur in vllum honestum finem, tunc erit mala, vel indifferens, ratione motiui vnde orietur.

3. Tertiò tristari potest quis de bono alterius, quia eum tali bono indignum iudicat: & hæc est indignatio, quæ quidem bona vel mala est pro ratione motiui, ex quo concipitur: si enim aliquis tristetur, v. g. quod sceleratus aliquis & flagitiosus dignitatem aliquam consecutus sit: quia indignus est, & rationabiliter creditur abusus, non peccabit: si verò ex prauo aliquo affectu temerè iudicet alium bono quod illi obuenit, indignum, ideoque de illo tristetur, peccatum committit graue vel leue pro ratione grauitatis vel leuitatis ipsius materiæ.

Quar-

Quartò potest triftari quis de bono alterius, quia est erga illum malè affectus: quando enim malo animo in aliquem sumus, bonum eius nobis displicet: & hoc pertinet ad odium, de quo supra.

Quintò potest triftari quis de bono alterius, quia est propriæ excellentiæ diminutivum, & hoc propriè pertinet ad invidiam, quæ (vt docet S. Thom. supr.) ex genere suo est peccatum mortale, nisi defectus aduentitiæ aut materiæ leuitas excuset: & si peccauit Saul inuidens gloriæ Davidis, quatenus existimabat suam ab illa obscurari & minui.

Sextò potest triftari quis de bono temporali alicuius: quia est maioris boni spiritualis impeditivum: & hoc pertinet ad charitatem:

Septimò de eodem bono temporali triftari potest; quia modo aliquo iniusto acquisitum est in damnum priuatum vel publicum: & hoc ad zelum iustitiæ pertinet.

Discordia est dissensio voluntatis à voluntate proximi, circa aliquod bonum, in quo tenetur quis consentire. Ita S. Thomas qu. 37, dissentire enim a proximo in re aliqua mala bonum est: imò etiam dissentire in re aliqua bona, sed quam quis velle minimè obligatur, non est per se malum: sed tunc solummodo discordia peccatum est, quando quis in re aliqua bona, quam velle tenetur, ab alijs ex voluntatis prauitate dissentit.

4 Quod si hæc discordia sit circa veritatem, quam quis cum alteratione verborum impugnet, vocatur contentio: & si veritas illa quæ impugnatur, diuinum honorem aut notabilem proximi utilitatem spectet, vt quâdo veritates ad fidem aut morum rectitudinem spectantes impugnantur, est peccatum mortale: si eo vsque procedat discordia illa & dissensio voluntatis, vt quis seipsum ab vnitatē Ecclesiæ seiungat, nolitque esse capiti visibili, nimirum Romano Pontifici subesse; dicitur Schisma, estque graue peccatum mortale, vt docet S. Thom. qu. 39.

Si ad discordiam animorum accedat etiam armorum violentia, qua proximo nocumenta aliqua in bonis fortunæ vel corporis iniuste inferantur, vocatur bellum; si tamen bellum ob causam aliquam iustam suscipiatur, si ab eo, qui legitimam potestatem habet, sicum recta intentione: tunc enim non est peccatum, vt docet ibidem Sanctus Thomas quæst. 10. in eo pugnare licitum est. Aliàs, si vna ex tribus his conditionibus desit, peccatum mortale est, & quidem eo grauius, quo grauiora per illud damna proximo inferuntur. Quod quamuis ira sit, non debent tamen subditi de intentione Principis iudicare, sufficit enim vt illis manifestè non constet de iniustitia belli: imò quamuis dubitent an bellum iustum sit, possunt, & etiam

etiam interdum debent, quando ipsis à Principe ita præcipitur, pro illo militare: quod optimè explicat S. Auguſt. lib. 22. cont. Fauſt. cap. 75. his verbis: *Vir iuſtus, ſi forſè ſub Rege homine etiam ſacrilego militet, recte poteſt illo iubente bellare: ſi quod ſibi à Principe iubetur, vel non eſſe contra Dei præceptum certum eſt: vel utrum ſit, certum non eſt, ita ut fortaſſe reum faciat Regem iniquitas imperandi; innocentem autem militem oſtendat ordo ſerviendi.*

3 Scandalum denique, ut docet S. Thomas quæſt. 43. art. 1. eſt dictum, vel factum minus rectum præbens alteri occaſionem ruinæ. Dicitur 1. dictum vel factum quia interiores actus, cum alijs noti non ſint, illis nocere non poſſunt. Dicitur 2. minus rectum, ut ſignificetur poſſe aliquando ſcandalum oriri ex aliquo dicto vel facto, quod non ſit ex ſe malum, ſed quod habeat tantum ſpeciem mali: Dicitur denique præbens alteri occaſionem ruinæ, non verò cauſam eo quod propriè loquendo humana voluntas à nulla cauſa efficaciter induci poſſit ad peccandum: ſed ſolummodò veluti oblata occaſione ſponte in illud conſentiat.

Docet autem S. Thomas art. 2. aliud eſſe ſcandalum actiuum, aliud paſſiuum. Scandalum actiuum eſt ipſummet dictum vel factum minus rectum, quod eſt alteri occaſio ruinæ, ſive id fiat ex certa & directa intentione alium inducendi ad peccandum: ſive quamuis eiufmodi intentio non adſit, id tamen quod ſit, ex ſe natura ſua alium inducere poteſt ad peccandum. Scandalum paſſiuum eſt ipſa ſpiritualis ruina eius, qui ſcandalizatur. Poteſt autem aliquando ſcandalum actiuum eſſe ſine paſſiuo: ut ſi quis aliquem inducere conetur ad peccandum, nec ille conſentire velit. Poteſt etiam ſcandalum paſſiuum eſſe ſine actiuo: ut ſi quis ex facto vel dicto alterius, quod ex ſe ad peccandum nulla ratione inductiuum eſt, occaſionem ruinæ aut ſcandali per voluntatis prauitatem accipiat, quale fuit ſcandalum Phariſæorum occaſione verborum Chriſti Domini. Et ſcandalum quidem paſſiuum mortale vel veniale peccatum eſt, ut declarat S. Doct̃or art. 4. pro qualitate criminis, in quod quis propter dictum vel factum alterius impingit: ſimiliter ſcandalum actiuum mortale eſt vel veniale, ſecundùm rationem dicti vel facti, quo præbetur alteri occaſio ruinæ, vel ſecundùm intentionem illius, qui eiufmodi occaſionem præbet. Quamuis verò ſcandalum paſſiuum non ſit ſpeciale peccatum, nec opus ſit ut qui peccatum aliquod commiſit, in confeſſione declararet ſe ab alio ad id inductum fuiſſe: ſcandalum actiuum tamen eſt peccatum ſp. ciale præcepto correctionis fraternæ oppoſitum, ac proinde in confeſſione declarandum, præſertim quando quis deliberatè alterũ ad peccandum induxit: quod ſi præter eius intentionem id accadat, quamuis Caietanus in art. 3.

quæst. 43. & quidam alij Theologi negent in eo casu scandalum actiuū esse peccatum speciale, probabilius tamen alij affirmant, vt Maior, Syluester, Nauarrus, quos citat & sequitur Valentia disp. 3. quæst. 18. de scand. punct. 8. vnde is qui aduertit aliquod dictum vel factum suum minus rectum posse alium ad peccandum inducere, nec tamen idè ab illo dicto vel facto desistit, debet secundum illos Doctores circumstantiam illam in Confessione declarare, si mortale fuit illud peccatum, cuius occasionem præbuit.

6 Deinde monet S. Doctor art. 7. spiritualia bona ad salutem propriam vel alterius necessaria, nunquam esse dimittenda, licet inde scandali passui occasionem aliquis accipiat: nec ad euitandum huiusmodi scandalum, vllum vnquam peccatum, ne quidem veniale, committi debere, imò neque vllum opus bonum, licet minimè præceptum, omittendum esse, si scandalum ex sola alterius malitia oria- tur: si tamen ex ignorantia vel infirmitate oriatur, tunc ad vitandū scandalum pusillorum, præstaret quoduis opus bonum minimè præceptum omittere, & quiduis aliud secluso peccato facere. Exemplum vtriusque habemus in ipsa Christi Domini persona, qui Matth. 15. ob scandalum Phariseorum minimè ab incepto sermone desistit, & è contra cap. 17. ad vitandum populi scandalum vestigal, ad quod minimè tenebatur, soluere voluit.

§. VI.

Quanam sint obligationes filiorum erga parentes. & parentum erga filios.

PRÆTER obligationes generales, quæ vnumquemque proximorum spectant; sunt aliquæ speciales filiorum erga parentes, & vicissim parentum erga filios: quæ hoc quarto Decalogi præcepto præscribuntur.

Docet autem Catechismus Romanus par. 3. ca. 5. nomine honoris parentibus exhibendi, tria præsertim significari, amorem scilicet, reuerentiam, & obedientiam; tenentur siquidem filij speciali modo ad amorem erga parentes: ita vt odium parentum longè prauius peccatum sit, quam cuiuscumque alterius personæ; vnde Nauarrus c. 14. nu. 11. & Tolet. l. 5. c. 1. existimant in peccato odij circumstantiam personæ parentum esse in confessione declarandam. Neque sufficit amor internus, sed exterioribus effectibus prodere se debet, adeo vt teneantur filij parentum necessitatibus siue corporaribus siue spiritualibus, quantum in ipsest, subuenire: v. g. alimenta & alia ad vitam necessaria, si ad egestatem grauem redacti sint, eis præberes; si in ægitudinem inciderint, vel in carcerem detrusi sint, illos

visitare, & quo poterunt modo ipsis ad sanitatem vel libertatem recuperandam succurrere, & à fortiori curare, ne absque digna sacramentorum susceptione ex hac vita decedant, neve pia opera parentum testamentis præscripta differantur, neve suffragijs Ecclesiæ & alijs subsidijs quocumque modo debitis post mortem fraudentur.

Tenentur etiam filij reuerentiam parentibus exhibere: *Sunt enim* (vt loquitur Catechismus Rom. sup.) *immortalis Dei quasi quadam simulacra*: quare olim edixerat Deus Exod. 21. *qui maledixerit patri vel matri, morte moriatur*. Vnde contumeliæ, conuitia, irrisiones, & similia peccata, quæ plerumque ob leuitatem materiæ in alijs personis nonnisi venialia forent, in parentibus ob circumstantiam personæ, vtpurimum mortalia censentur: simili ratione percutere, quantumuis leuiter, parentes; imo illis solummodo interminari, grauis respectu illorum censetur iniuria, proindeque peccatum mortale, vt asserunt Graffius, Reginaldus, Nauarrus & alij, quos citat & sequitur Bonacina disp. 6. de 4. Decal. præc. q. vn. punct. 2.

Tenentur denique filij obedire parentibus: vnde Apostolus pluribus in locis illud inculcat: Coloss. 3. & Ephes. 6. *Filij obedite parentibus*: & ipse Christus Dominus, vt huius obedientiæ in se præberet exemplum, sanctissimæ matri eiusque sponso S. Iosepho erat *subditus*. S. Luc. 2.

2. Atque in primis tenetur filius patri obedire in ijs, quæ ad gubernationem domus pertinent; ita vt, si recuset obedire in re graui & alicuius momenti, maximè si ex contemptu vel animi obstinatione id faciat, peccet mortaliter, vt docet Toletus lib. 5. ca. 1. Tenetur etiam obedire in ijs, quæ ad bonos mores pertinent: ita vt peccet mortaliter, si cum pertinacia nolit acquiescere præceptis patris, quibus illum a peccato mortali, aut illius occasionibus, vt à prauis conuersationibus, ludis, &c. abstrahere conatur, vt docet idem Toletus, & plures alij apud Bonacinam suprà.

Quamuis autem, vt docet S. Thomas, 2. 2. q. 189. art. 6. filius post pubertatis annos directè parentibus non subdatur in ijs, quæ ad statum vitæ amplectendum, puta religionis vel matrimonij, pertinent: docet tamen Toletus suprà, filium peccare mortaliter, qui contra voluntatem patris uxorem conditioni suæ minimè convenientem ducit. Existimant etiam Abulensis, Sanchez, & alij apud Bonacinam suprà. pun. 5. filium teneri ab ingressu religionis abstinere, vt subueniat parentibus, quos ad extremam necessitatem reductos, aut breui redigendos præuidet.

Sicut autem filij erga parentes: sic etiam parentes erga filios ad tria præsertim charitatis officia obligantur, vt docet idem Toletus suprà.

suprà. Primum est ad alimenta, & alia vitæ adiumenta necessaria, ipsis præbenda: quod intelligendum est, quandiu illis indigent, nec sibi providere possunt, vt rectè notat Bonacina suprà, pun. 6. Secundum est, illorum curam gerendam, quoad ea, quæ salutem æternam & spirituale animæ bonum spectant: vnde tenentur parentes procurare, vt filij addiscant rudimenta fidei, Symbolum scilicet Apostolorum, Orationem Dominicam, præcepta Dei & Ecclesiæ, aliaque ad salutem consequendam necessaria. Debent etiam illos verbis & exemplis ad bonos mores inducere, & à peccatorum occasionebus auertere, eosdemque, si fortè delinquant, non ex ira, sed ex charitate corripere, vt fusiùs explicat Bonacina suprà. Tertium denique officium parentum erga filios, est, vt illos relinquant liberos ad eligendum statum illum, ad quem ipsos à Deo vocari cognouerint, stant neque à bono aliquo statu amplectendo eos inuitos sine vlla legitima causa abstrahant, neque ad statum aliquem, siue Sacerdotij, siue religionis, siue Matrimonij amplectendum inuitos cogant, vt docet idem Toletus suprà.

Quæ autem de officijs filiorum erga parentes, & parentum erga filios dicta sunt, eadem etiam intelligi debent, seruata tamen debita proportione, de officijs pupillorum erga tutores & alios; qui parentum vices gerunt: item de officijs seruorum, subditorum, & quorumcumque inferiorum erga dominos, vel quoscumque Superiores, & è contra: vt docet Nauarr. cap. 14. num. 21. & 22. vnde infert Bonacina sup. pun. 8. suprà, Christianos omnes teneri sub mortali peccato Summo Pontifici in re graui & iusta ad fidem vel disciplinam Christianam pertinente obedire: similiter dioceanos Episcopis: Parochianos Parochis: seruos dominis: subditos Superioribus; & populos Principibus in ijs in quibus respectuè illis subditi sunt: *Neque tantum probis & modestis*, vt loquitur Sanctus Petrus, *sed etiam discipulis*: illisque non modò obedientiam & reuerentiam, sed etiam amorem specialem, illiusque amoris officia, quotiescumque recta ratio id ab illis postulabit, exhibere. Secundò, Superiores omnes vicissim teneri ad gerendam curam inferiorum tam in temporalibus quàm in spiritualibus; prout cuiusque officium postulat. Et quidem quod spectat ad temporalia, tenentur Domini seruis alimenta præbere, mercedem debitam, solvere, & alia præstare, quæ iustitia vel charitas ab illis exigit: quoad spiritualia verò procurare vt in rebus ad salutem necessarijs instruantur, vt à peccatis abstineant, vt festos dies debite sanctificent, & alia præcepta diuina & Ecclesiastica seruent, neque in moribus Sacramenta & alia spiritualia subsidia illis desint.

In ista verò spirituali cura inferiorum, certum est longè strictiorè esse obligationem Pastorum & aliorum, quibus id ex officio incumbit.

§. VII.

Quot modis peccetur in quartum Decalogi præceptum.

CVM (vt initio huius sectionis dictum est) in hoc quarto Decalogi præcepto, non solum præscribantur ea, quæ inferiorum & superiorum mutua officia spectant, sed etiam alia omnia quæ ad charitatem proximi pertinent: idcirco hic adnotare debemus peccata, quæ hac & illa ratione huic præcepto aduersantur, & vt à peccatis charitati proximi oppositis incipiamus,

Peccant contra proximi charitatem, qui omittunt exercere opera charitatis siue corporalia, siue spiritualia in ijs casibus, in quibus ad illa exercenda obligantur: qui in extrema necessitate proximum deserunt: qui illum ad grauem necessitatem redactum elemosynis iuuare non curant: qui cum habeant multa superflua, nec ad vitæ aut status conseruationem honestam vlllo modo necessaria, in vanos ac inutiles sumptus illa expendunt, nec vllas, aut nonnisi raras & exiles elemosynas pauperibus erogant, qui proximum peccantem corrumpere, illumque à peccati statu, aut occasione abstrahere negligunt, cum possint & debeant: qui odia & inimicitias cum aliquo exercent, illi mortem aut aliquod malum optant vel imprecantur: qui iniurias & offensas acceptas ex corde remittere nolunt: qui fide & verbo tenus cum inimicis reconciliantur, vel quamuis condonent offensas, exteriora tamen charitatis officia exhibere recusant.

Item qui ex inuidia aut prauo aliquo affectu tristantur de proximis bonis, aut de eiusdem infortunijs lætantur, qui ex praua quadam animi dispositione cum proximo discordant in ijs, quæ bona & iusta sunt, aut verbis cum illo contendunt, veritatemque agnitam impugnant: qui se ab vnitae Ecclesiæ, & obedientia summi Pontificis subducunt.

Item qui militant in bello, quod iniustum esse certo sciunt, vel in bello quidem iusto: sed cum praua intentione, v.g. vt expleant cupiditatem, libidinem, ambitionem, &c. vel qui in bello res sacras diripiunt; aut contra ius belli opprimunt vel spoliunt innocentis.

Item qui scandali occasionem alijs præbent, illosque ad peccandum inducunt, siue id directè & expressa intentione faciant, siue indirectè aliquid agendo: vnde sciunt alios ad peccandum fore inducendos.

Iam quod spectat ad specialia filiorum, parentum & similium personarum officia, peccant in primis filij, qui parentibus amorem, reuerentiam & obedientiam debitam denegant: qui parentes odio pro-

prosequuntur: mortem aut aliquod malum illis optant: qui in egestate illis subuenire, aut in aduersis opem & solatium ferre non curant: qui morientibus subsidia ad salutem necessaria, aut mortuis Ecclesiæ suffragia debita non procurant: qui eorum testamenta & ultimas voluntates adimplere negligunt, aut nimis diu differunt.

Item qui parentes contemnunt, aut irrident, in eos conuicia, aut contumelias proferunt, illos percutiunt, vel percussuros minantur, qui eorum iussa parui pendunt, illis iusta & rationabilia, præipientibus obedire renuunt.

3 Similiter contra hoc præceptum peccant omnes inferiores, qui Superioribus obedientiam in ijs rebus, in quibus illis subsunt, deferre nolunt.

Et ex aduerso contra idem præceptum peccant parentes, qui infantes exponunt: qui filijs indigentibus, nec sibi providere valentibus alimenta denegant: illos in rebus ad salutem necessariis non instruunt, nec instrui curant: qui illos ad peccandum vel iussione, vel prauo exemplo inducunt: qui illos peccantes non corripiunt: vel non nisi irati & furentes id præstant: qui auerunt illos ab aliquo statu perfectiori amplectendo, ad quem Deo inspirante vocantur: aut è contra inuitos cogunt ad statum religiosum amplectendum, aut Matrimonium contrahendum.

Peccant item domini, qui alimenta aut mercedem seruis debitam non tribuunt: qui illos in fidei rudimentis alijsque ad fidem necessarijs instrui non curant, eos peccantes non corripiunt, imò potius ad peccandum imperio aut prauo exemplo inducunt.

SECTION V.

Explicatur quintum præceptum.

Non occides.

AD faciliorem huius quinti præcepti explicationem ea, quæ de illo dicenda nobis sunt, quinque paragraphis complectemur, in quorum primo explicabimus, quomodo præceptum hoc intelligi debeat: in secundo agemus de homicidio & mutilatione sui ipsius: in tertio de homicidio vel mutilatione alterius: in quarta inquiremus, quot modis peccetur contra hoc præceptum: in quinto denique inuestigabimus, quænam restitutio propter alterius iniustam occisionem aut mutilationem facienda sit.

§. I.

Quomodo hoc quintum Decalogi præceptum intelligi debeat.

HOc præcepto, secundum explicationem & ampliacionem à Christo Domino summo Legislatore appositam S. Matt. 5. tria præsertim prohibentur. Primum est quodcunque nocumentum corporare proximo iniuste illatum, vel per seipsum, vel per alium, iubendo, consulendo, consentiendo, aut alia quacunque ratione cooperando, ut explicatur in Catechismo Romano part. 3. c. 6. Secundum est quodcunque conuicium aut probrosum & iniuriosum verbum, ex ira & vindictæ appetitu prolatum. Tertium est quilibet deliberatus iræ motus, & vindictæ appetitus iniustus, etiam si neque actu, neque vlllo verbo, aut signo exteriori se prodatur. Hoc aperte colligitur ex his Christi Domini verbis S. Matth. 5. *Audistis quia dictum est antiquis: Non occides. Ego autem dico vobis: quia omnis, qui irascitur fratri suo, reus erit iudicio: Qui autem dixerit fratri suo, racha, reus erit concilio: qui autem dixerit, satana, reus erit gehennæ ignis.* Quibus verbis, Christus Dominus docet, hoc Decalogi præcepto, non modò prohiberi homicidium: sed etiam quemlibet iniustum vindictæ appetitum, & quodlibet probrosum & conuiciosum verbum, aut aliud iræ & maleuolentiæ exterius signum: quibus veluti gradibus inter rixantes ad vltimum iræ & vindictæ effectum, homicidium scilicet, peruenitur: quæ peccata, cum mortalia sint, digna esse censentur æterna pœna, quæ nomine iudicii, concilij & gehennæ, tanquam varijs gradibus distincta, significatur, prout hunc locum explicant Hugo Cardinalis, Maldonatus, & alij communiter Interpretes.

2. Si tamen plena rationis aduertentia & deliberatio deesset, aut si vindicta aliqua levis duntaxat appeteretur, peccatum non esset nisi veniale: imo nullum esset peccatum, si iusta aliqua irascendicausa subesset, & si correctionis solum gratia verba aliqua asperiora proferrentur: dummodò tamen nec ira nec lingua vltra præscriptos à recta ratione limites excurrant: vnde S. Chrysost. in illa Psalm. 4. verba (*Irascimini & nolite peccare*) *Licet*, inquit, *iuste irasci: nam & Paulus Elyma succensuit, & Petrus Saphira: sed id non iram dixerim absolute, sed Philosophiam, curam, & economiam: Irascitur enim pater filio, sed eius curam gerens: ille est qui semerè irascitur, qui seipsum vlciscitur.* Et S. Gregorius in cap. 5. Iob. Sciendum est, inquit, quod alia est ira, quam impatientia exci-
bat: alia quam zelus iniustitia format: illa ex vitio; hac ex virtute generatur.

Imo

Imo etiam ipsum homicidium actu perpetratum , quandoque iustum & licitum esse potest , vt in sequentibus explicabitur .

§. II.

De homicidio & mutilatione sui ipsius.

CV M hoc præcepto prohibeatur occisio iniusta & mutilatio , aut quæuis alia corporalis læsio alterius , à fortiori etiam sui ipsius iniusta occisio , mutilatio , & quælibet corporis læsio prohibita esse censetur. Sunt tamen aliqui casus , in quibus occisio vel mutilatio sui ipsius aut alterius , iusta , proindeque licita esse potest.

Atque in primis quod spectat ad occisionem vel mutilationem sui ipsius , certum est grauioris alicuius mali deuitandi causa licitum esse seipsum mutilare , aut ab altero mutilari permittere ; vt si ad mortem euitandam quæ ex putrefactione alicuius membri sequeretur , aliquis sibi eiusmodi membrum abscindat , aut abscindi permittat : vt ex communi Theologorum sententia docet Toletus lib. 5. a. 6. quod quamuis possit : ad id tamen faciendum aut permittendum sub peccato mortali non tenetur , sicut nec ad medicamenta quædam difficillima acceptanda , quamuis ex medicorum consilio ad vitæ conseruationem necessaria , vt obseruat idem author.

Certum est præterea se ipsum interimere grauissimum esse peccatum , neque id in vllò casu licitum esse , vnico solum excepto , si nimirum Deus ita iubeat : quod fusè explicat & probat S. August. lib. 1. de ciuit. c. 21. & sequent. vbi expendit factum Sampsonis , qui se ipsum interfecit , & sanctarum quarundam virginum , quæ ex peculiari Dei instinctu se ipsas interemerunt.

Cum hæc duo certa sint , vnum est , de quo dubitatur inter Theologos , nimirum an liceat seipsum permissiue occidere : id est , an licitum sit , vt quis permittat se ab alio occidi , cum prohibere possit . Respondet Toletus suprà id esse licitum , & ex se peccatum mortale , cum homo vitæ suæ non sit dominus , illique proinde secundum rectam rationem , in quantum potest , consulere teneatur .

Sunt tamen duo casus (vt idem author docet) in quibus homo , cuius vita bono publico minimè necessaria esset , illam exponere , seque ab alio occidi permittere potest . Primus est ob amici periclitantis defensionem aut liberationem , iuxta illud S. Ioannis 15. *Ma-*
giorem hac dilectionē nemo habet , quàm vt animam suam ponat quis
pro amicis suis : Secundus casus est bonum spirituale proximi ; e.g. ■

quis ab alio inuasus eo redigatur vt fugere non possit, nec aliter mortem euadere nisi occidendo inuasorem: tunc, quamuis licitè possit vim vi repellere, illumque occidere, potest etiam ex motiuo charitatis permittre se ab illo occidi, ne scilicet hostis in peccato mortali moriatur.

Addit idem author tres alios casus, in quibus homo non solum licitè potest; sed etiam tenetur vitam exponere, seque occidi permittere. Primus est in fidei vel virtutis defensionem, verbi gratia si quis sub intromissione mortis cogeretur fidem negare, aut peccatum aliquod committere; tunc enim mortem potius oppetere teneretur, quàm in vllum peccatum consentire, vt per se patet. Secundus est, quando vitam exponere necessarium est, ob boni publici conseruationem: e.g. si aliqua ciuitas obsessa non posset aliter ab expugnatione aut euerfione liberari, nisi persona aliqua innocens ad mortem hosti traderetur; tunc enim deberet innocens ille hosti pultulanti se tradere: imo Nauarrus, Lessius, Valentia, & alij, quos citat & sequitur Laymannus tr. 3. de iust. part. 3. c. 1. asserunt in tali casu Principem vel Magistratum ciuitatis, sicut alia virtutum officia bono publico necessaria; sic etiam istud illi præcipere posse, quod tamen negat Toletus suprâ, qui asserit, quod quamuis tunc innocens tradere se teneatur, ad id tamen iuste à ciuibus aut magistratu compelli non posse. Tertius deniq; est, quando quis iuridicè ad mortem est condemnatus; tunc enim non solum potest; sed etiam tenetur mortem quæ illi infertur, subire, nec inferenti resistere: fugere quidem potest, si occasio se offerat; non tamen vi aut armis se ex licitorum manibus liberare, vt docet idem Toletus suprâ.

3 Quæres an peccent illi, qui ioco, vel lucri alicuius captandi gratia, se probabili periculo mortis exponunt: v.g. funambuli, aut isti, qui ad probandam theriacam hauriunt venenum. Respondet Nauarrus c. 15. num. 8. & post illum Toletus suprâ, peccare quidem eos, qui se præcipitio aut certò mortis periculo exponerent, quod euadere neque scirent, neque possent: non verò qui ex artis peritiâ vel certa experientia compertum habent, se probabiliter nullum subituros mortis periculum.

Vnum hic ex eodem Toletio superest obseruandum, nimirum, quod quamuis licitum sit, imò valdè laudabile, & etiam aliquando necessarium, ieiunijs & alijs macerationibus proprium corpus affligere, illiusque vires debilitare, siue vt promptius & facilius spiritui subijciatur, siue vt iustitiæ diuinæ satisfactio aliqua exhibeatur, iuxta quod dixit Apost. 1. Corinth. 9. *Castigo corpus meum, & in seruitutem redigo*: & Coloss. 1. *Adimpleo ea qua desunt Passionum Christi, in carne mea, &c.* Si quis tamè id indiscreto feruore, & cum notabili vires, aut viriù detrimento præstaret, haud dubiè peccaret &

qui-

quidem mortaliter, vt afferunt Sairus, Petr. de Nauarra, & alij apud Laymannum supra; nisi fortè inculpabilis ignorantia aut inaduer-
tentia illum excusaret.

§ III.

De homicidio & mutilatione alterius.

CERTVM est homicidium iniustum alterius esse peccatum mortale: Vnde Apocal. 22. homicidæ à cælesti gloria excluduntur. Nomine autem homicidij intelligimus cuiusvis hominis occisionem, est enim in confesso apud omnes, vt docet S. August. lib. 12. de ciuit. cap. 20. occisionem animalium ad sustentationem humanæ vitæ non esse illicitam.

Sunt tamen aliquæ causæ, ob quas hominis occisio à peccato excusari potest: imo aliquando redditur licita & iusta: tres communiter à Theologis numerantur, scilicet iustitia, necessitas, & inconsideratio: ex quibus duæ priores homicidium reddunt licitum; tertia verò illud à peccato saltem mortali excusat. De singulis breuiter aliquid dicendum est.

Homicidium ex iustitia fieri dicitur, quando simul concurrunt quatuor conditiones, quarum prima est, vt fiat autoritate publica, Principis v. g. aut Magistratus ab eo potestatem habentis, ad quem tanquam Dei Ministrum pertinet ius gladij, vt declaratur Rom. 13. sine qua autoritate nemini priuato licet alium quantumuis flagitiosissimum & nocentissimum interficere, vt docet S. Thomas 2. 2. q. 64. a. 3. Secunda conditio est, vt fiat ex causa iusta, eaque graui ad bonum publicum vt pertinente, vt docet idem Toletus supra. Tertia conditio est, vt fiat ex recta intentione, verbi gratia ex zelo iustitiæ, amore boni publici, &c. si enim iudex, verbi gratia ex aliquo prauo & inordinato affectu, puta iræ, inuidiæ, &c. iudicium capitis proferat in aliquem sibi aliàs infensum, quantumvis legitima autoritas & causa iusta subellet; grauius tamen peccaret, vt per se manifestum est. Quarta denique conditio est, vt fiat secundum iuris ordinem qui (vt docet Toletus & Laymannus tractatu 6. de iudicijs capite 1.) postulat in primis, vt præcedat accusatio vel denunciatio, aut saltem inquisitio iuridica, si nullo accusante aut denunciante iudex ex officio procedere debeat. Deinde vt crimen probeatur sufficientibus testimonijs aut indicijs, vel propria ipsius rei confessione sponte facta. Denique vt citetur reus locumque ac tempus se defendendi accipiat: quatuor interdum (vt rectè obseruat Toletus supr. reus etiam inauditus morte plecti possit; si nimium ob potentiam nimiam formidandum se præbeat,

nec *

nec aliter iustitia possit effectum suum sortiri: in quo tamen casu erimendebet esse notorium, vel tam euidenter probatum, vt nulla subsit ratio de illo dubitandi. Plura semper hac iudiciorum forma in octauæ præcepti explicatione dicentur.

Secunda causa, quæ homicidium licitum reddit, est necessitas, quando scilicet quis eò redactus est, vt vitam propriam aliter tueri non possit, quàm occidendo inuasorem: quod quidem licitum est, dummodo fiat cum moderamine inculpatæ tutelæ, vt docet S. Th. Quod autem de propria vita, hoc etiam de vita personæ alterius, consanguinitatis aut amicitiae vinculo coniunctæ intelligendum esse docet Toletus, suprà; & habetur Clement. vn. de homicidio. Obseruat autem idem Toletus, quod si inuasor esset persona bono reipublicæ admodum necessaria, puta ex cuius occisione bella ciuilia & alia similia damna publica emergere possent, tunc licitum non esset illum occidere; sed mors potius oppeti deberet.

Quæres an sicut ad vitæ defensionem; sic etiam ad bonorum exteriorum conseruationem liceat inuasorem occidere, quando aliter bona illa saluari non possunt; Respondetur etiam licitum esse, dummodo bona illa sint magni alicuius valoris, nec aliter conseruari possint. Id constat in primis ex Scripturâ, Exod. 22. vbi dicitur: *Si effrigens fur domum, siue soffodiens fuerit inuentus, & accepto vulnere mortuus fuerit, percussor non erit reus sanguinis.* Constat præterea ex cap. olim de restitutione spoliatorum; & ex cap. *Dilecto*, de censura excomm. in 6. Idque docent S. Antoninus, Maior, Syluester, Caietanus, Sotus, & alij, quos citat & sequitur Laymanus tract. 2. de iust. part. 3. cap. 3. Addit tamen Toletus suprà; id solummodo esse laicis licitum, non verò Ecclesiasticis, quos (vt habetur cap. *suscepimus* de homicidio) *sarius est, post tunicam relinquere pallium, quàm pro rebus transitorijs tam acerbè in alium exardescere.*

Quod autem de bonis fortunæ, hoc etiam de fama & honore dici posse existimat idem Tolet. quod etiam docent Sotus, Nauar. Syluest. & plures alij, quos citat & sequitur Lessius lib. 2. de iust. & iur. cap. 9. dub. 8. iuxta quorum sententiam, quamuis nobilis ab alio inuasus posset vitam fugiendo saluare, si tamen inde aliquam notabilem contrahat infamiam, non tenetur fugere, sed inuasorem occidere potest, si aliter vitam tutari nequeat. Obseruat autem Toletus id non licere, nisi nobilibus & personis ijs, quæ suum honorem tutari maximè obligantur, idque solummodo ad vitandam aliquam notabilem infamiam, non vero ad iniuriam acceptam vliscendam, aut ad vanum aliquod nomen fortitudinis sibi comparandum. Addit insuper idem quoque censendum esse de castitatis, & pudicitiae defensione: potest enim mulier obdefensionem

sionem castitatis occidere inuaforem, si aliter illam propugnare nequeat.

Quod autem hic de occisione alterius dictum est, id etiam de illius mutilatione intelligi debet, scilicet ad vitæ, vel bonorum, seu honoris vel pudicitiae iustam & necessariam defensionem licitum esse alium mutilare: imo, si illum mutilando vita vel honor &c. propugnari potest, occidere non licet.

Quamuis verò licitum sit parentibus, dominis, & alijs Superioribus, ut docet S. Thomas, correctionis causa verberare & percutere filios, seruos, & alios inferiores, non tamen licet illos mutilare: unde peccant, quando in correctione ex nimia ira modum excedunt, ita ut inferiores mutilentur, aut notabiliter in corpore lædantur.

Tertia denique causa, quæ homicidium à peccato excusat, est inconsideratio, si v.g. aliquis inaduertenter & præter omnem intentionem alium occidat: cum enim, ut docet S. Thomas quæst. 64. art. 8. ea, quæ ex casu & præter intentionem accidunt, sint inuoluntaria, hinc sequitur non esse peccata, cum nullum sit peccatum nisi voluntarium. Rectè tamen obseruat S. Doctor, & post illum Lessius suprâ dub. 15. contingere posse, ut id quod non est voluntarium in se sit voluntarium in causa, ut quando quis aliquid facit unde periculum est, ne sequatur mors alterius: tunc enim nisi sufficientem ad periculum illud euitandum diligentiam adhibeat, homicidium, quod inde, licet casu & præter illius intentionem, sequetur, censetur voluntarium in sua causa: e.g. nobilis aliquis venatur, & ictu sclopi existimans impetere feram, occidit hominem: tunc enim si sufficientem non adhibuit diligentiam ut occisionem illam præcaueret, censetur ei voluntaria, eritque proinde illius homicidij reus. Est autem sufficiens illa diligentia pensanda, iuxta maius vel minus periculum quod imminet; si enim, v.g. locus illius venationis erat iuxta viam publicam, per quam multi transire solebant, maior haud dubie ad vitandum homicidij periculum adhiberi debebat diligentia, quam si fuisset desertus.

Idem quoque dici debet iuxta S. Doctoris mentem, de illo qui omittit aliquid facere ad quod tenebatur, ex qua omissione sequitur præter eius intentionem mors alterius: tunc enim pro ratione maioris vel minoris negligentiae aut ignorantiae, quæ illius omissionis causa fuit, maioris vel minoris peccati reus censetur: e. g. si ex aliqua Medici ignorantia vel negligentia mors infirmi sequatur, reus erit peccati grauioris, aut leuioris prout maior vel minor fuerit illa eius ignorantia aut negligentia: quod iudicio viri prudentis perpendendum est.

Quæ

Quæ autem hic de occisione dicta sunt, eadem etiam proportionaliter de mutilatione intelligi debent.

§. I V.

Quot modis peccatur in quintum Decalogi præceptum.

PECCHANT in primis, qui iniustum vindictæ appetitum, deliberatè concipiunt: qui se motu aliquo iræ, vltra rationis aut charitatis limites abripi sinunt: qui verba contumeliosa & conuiuis plena in alios proferunt; qui sibi ipsis ex desperatione mortem optant, aut inferre conantur: qui se temerè & sine vlla rationabili causa periculo mortis exponunt.

Qui aliquem sibi non subditum verberant aut percutiunt; aut sibi quidem subditum, sed sine iusta causa, aut licet ex iusta causa, tamen cum notabili excessu; vnde læsio gravis aut mutilatio, & etiam mors sequatur.

Item qui sine legitima autoritate alterum mutilant vel occidunt: aut cum legitima autoritate; sed sine iusta & sufficiente causa, vel ex prava intentione: qui alium occidunt ob vitæ vel honoris, aut pudicitie, vel fortunarum defensionem, sed non seruato moderatione inculpatæ tutelæ: qui alium casualiter quidem & præter intentionem occidunt: sed non adhibita sufficiente diligentia, aut qui ignorantia vel negligentia omittunt aliquid facere ad quod tenebantur, ex quo tamen sequitur mors alterius.

2 Peccant etiam qui alios ad duellum prouocant, aut prouocationem illam acceptant: item qui in duellum aliorum consentiunt, aut non impediunt cum possint, qui duello tanquam patrini, vt loquuntur, aut spectatores intersunt, aut qui consilio, fauore, aut quauis alia ratione duello cooperantur.

Peccant etiam contra hoc præceptum mulieres, quæ pharmacum sumunt, aut aliquod aliud adhibent remedium directè tendens ad impediendam conceptionem fœtus, vel ad expulsionem & abortum illius, siue animatus sit, siue non: peccant matres, quæ infantes in eodem lecto secum ponunt, cum periculo illos opprimendi.

Sunt autem hic obiter obseruandæ duæ circumstantiæ homicidii in Confessione necessario declarandæ. Prima circumstantia est personæ occisæ aut mutilatæ, v. g. sit sacra & Ecclesiastica, vel laica: & si laica est, an sit pater, vel mater, aut Superior, &c. Secunda circumstantia est loci, nimirum an occisio, vel percussio alterius facta sit in Ecclesia, aut aliquo loco sacro cum sanguinis effusione, vnde locus ille pollutus fuerit.

§. V.

De restitutione ob alterius occisionem vel mutilationem faciendâ.

DVo præsertim circa restitutionem illam explicanda sunt . Primò, quantum sit ob mutilationem vel occisionem alterius restituendum . Secundò, quibus sit restituendum .

Quod ad primum spectat certum est pro alterius occisione aut mutilatione nullam præcisè loquendo condignam restitutionem, fieri posse ; cum vita hominis nullo pretio pecuniario æstimari possit, ut ex communi Theologorum consensu docet Lessius lib. 2. de iust. & iure, c. 9. dub. 13. Quod quamvis verum sit, ordo tamen iustitiæ postulat, ut damna omnia ex occisione, vel mutilatione alterius secuta, resarciantur ab eo, qui iniuste occidit vel mutilavit, siue aggressor fuerit, siue seipsum defendendo moderamen inculpatæ tutelæ notabiliter excesserit, ut rectè observat Nauarrus c. 25. n. 27. & Lessius suprâ, dub. 21. Atque in primis expensæ omnes factæ pro curatione mutilati vel occisi restitui debent: item restituenda sunt lucra omnia & emolumenta, quæ, is qui occisus est, ex artificio, negotiatione, vel officio probabiliter consequi poterat, detractis tamen his, quæ ipse consumpsisset: quod etiam similiter dici debet de eo, qui mutilatus est pro eo tempore, quo ratione læsionis acceptæ artificio, negotiationem aut officium exercere non potuit. Quæ omnia viri prudentis & docti iudicio, in casibus particularibus determinanda sunt, ut præfati Authores fusiùs docent.

Quæres, quomodo faciendâ sit æstimatio lucri futuri cum ignoretur quandiù victurus fuisset is qui occisus est. Respondetur non posse ad id dignoscendum regulam certiolem, & commodiorem præscribi, quàm ut tantum restituatur, quantum probi prudentesque viri spectatis viribus, ætate, complexione illius, qui occisus est, alijsque similibus circumstantijs, & habita ratione lucri cessantis, vel damni ex illius occisione emergentis, æquum esse iudicaverint. Quod etiam servari proportionem debitam dici debet, si alicuius vita ex iniusta percussione, aut quavis alia læsione brevior effecta sit; tunc enim erit faciendâ similiter æstimatio temporis, quo ille vitam ulterius secundum communem naturæ cursum fuisset producturus.

Rectè etiam monet idem Lessius suprâ, dub. 25. æquissimum esse, ut is, qui alium iniuste occidit, pro illius anima orationibus, elemosynis, alijsque pijs operibus Deo satisfaciatur, ac præsertim sanctum Missæ Sacrificium pro refrigerio illius offerri curet: idque proinde pro aliqua satisfactionis Sacramentalis parte illi convenienter iniungi posse.

3 Quod spectat ad secundum; quibus scilicet restitutio ob iniustam alterius occisionem facienda sit, docent communiter Doctores faciendam illam esse parentibus, filiis, & vxori. Ita Bannes, Sotus, & plures alij, quos citat & sequitur Lessius supr. dub. 26. Obligatio autem ad illam restitutionem (quod obseruandum est) oritur, non ex iure quod hæ personæ habent in bona defuncti, cum ipse defunctus nullum ius habuerit ad illam restitutionem, cuius faciendæ obligatio non aliunde quàm ex eius morte orta est; sed ex ærctissima illa coniunctione, quæ inter defunctum & eiusmodi personas intercedebat: ratione cuius censebantur quodammodo vna cum ipso defuncto persona, & competeat illis speciale quoddam ius postulandi ab eo alimenta, & alia ad decentem vitæ sustentationem necessaria: vnde sequitur quod occisor eadem illis præstare obligetur, ad quæ occisus obligatus fuisset.

Quæres an similiter creditoribus defuncti restituere teneatur. Responderetur plures Theologos, quibus subscribit Laymannus tract. 3. de iustitia part. 3. cap. 6. existimare illum teneri; Lessius verò supr. dub. 23. contendit, neque creditoribus, neque etiam hæredibus occisi (si tamen parentes, vxor & filij excipiantur) ullam ex rigore iustitiæ restitutionem esse faciendam; cum neque creditoribus, neque etiam hæredibus defuncti ius vllum, nisi in bona competat; ea verò, quæ ob illius occisionem restituantur inter eius bona connumerari non possint. Quæ quidem sententia tum ob illam rationem, tum ob etiam Bannis & Soti, quos pro illa citat, authoritatem, probabilis ac in praxi tuta videtur.

SECTIO VI.

Explicatur sextum Decalogi præceptum.

Non mœchaberis.

MONET Catechismus Romanus part. 1. cap. 7. specialem cautelam ac prudentiam, nec non delectum verborum, requiri in explicanda huius præcepti materia, quæ, ut ait, *moderationem potius desiderat, quàm orationis copiam*: quod ut præstemus, & breuitati simul ac honestati consulentes, nihil omittamus eorum quæ à Sacerdotibus sciri debent, ut lepram à lepra discernere possint; omnia quæ dicenda nobis sunt tribus paragraphis complectemur: in quorum primo inuestigabimus, quid hoc sexto præcepto prohibeatur: in secundo quot modis

modis in illud peccetur : in tertio denique restitutiones quasdam in certis casibus ob huius præcepti transgressionem faciendas explicabimus.

§. I.

Quid hoc sexto præcepto prohibeatur.

SANCTVS Augustinus quæst. 17. super Exod. explicans hoc sextum præceptum, docet illo prohiberi non modò adulterium, quod nomine mœchiæ designatur : sed in genere omnem illicitum concubitum, ac quemcumque luxuriæ actum, siue externum, siue internum.

Sunt autem sex luxuriæ species, ut docet S. Thom. 2. 2. quæst. 14. art. 1. & sequent. & declaratur capite *Lex illa*, 36. quæst. 1. scilicet fornicatio, stuprum, adulterium, incestus, raptus, & peccatum contra naturam ; quibus aliqui Theologi addunt sacrilegium, quando peccatum istud committitur cum persona Deo sacra ; quod tamen S. Thom. reducit ad speciem adulterij ; quia personæ sacræ connubio quodam spirituali sunt Deo coniunctæ.

Fornicatio est concubitus illicitus soluti cum soluta, id est hominis nullo coniugij vinculo aut castitatis voto, aut Religiosi, vel Ecclesiastici status conditione obligati, cum fœmina, quæ nec virgo est, nec coniugio, aut aliquo voto castitatis obstricta, nec Religiosi status susceptione Deo mancipata. Hanc autem simplicem fornicationem esse peccatum mortale adeò certum est, ut oppositum pertinaciter asserere sit hæreticum, ut definitum est in Clement. *Ad nostrum*, de hæreticis ; & expressis verbis dicit Apostolus Eph. 5. *quòd omnis fornicator aut immundus non habet hereditatem in regno Christi*. Excipitur tamen casus ille, in quo mulier(vim ab alio pateretur ; tunc enim, quamvis delectationem sentiat, si tamen impudico actui non consentiat, nullatenus peccat, ut fusè declarat & probat S. Aug. lib. 1. de ciuit. cap.

2. Ad hoc peccatum reducit concubinus : quo nomine nihil aliud intelligitur, quàm fornicatio continuata cum certa persona soluta, & cohabitatio cum illa. Est autem hoc peccatum graue & periculosum, eo quod hominem in continuo statu peccati detineat : nec absolui debent concubinarij, nisi prius à concubinis separentur.

Porrò rectè obseruat Lessius lib. 4. de iust. & iur. cap. 3. dub. 7. fornicationis peccatum in Christianis specialem habere deformita-

mitatem, ratione Sacramentorum Baptismi & Eucharistiæ, per quorum susceptionem singulari quodam modo uniuntur Christo Domino, & membra illorum sunt membra Christi: vnde Apostolus; *Nescitis, inquit, quoniam corpora vestra membra sunt Christi; tollens ergo membra Christi faciam meretricis? absit.*

Stuprum est virginis defloratio; estque hoc peccatum grauius simplici fornicatione, eo quod præter illius malitiam habeat specialem deformitatem propter violationem signaculi virginalis, & maximum deinceps peccandi periculum, cui virginem sic defloratam exponit. Existimat tamen Lessius lib. 2. cap. 10. dub. probabiliter dici posse, stuprum tunc solummodo esse peccatum, specie distinctum à simplici fornicatione, quando virgini vis inferitur, illaque per violentiam defloratur.

Adulterium est illicitus concubitus cum persona coniugata, siue vir tantum aut mulier, siue vterque coniugio copulati sint. Est autem grauius fornicatione & etiam stupro, tum propter violationem fidei coniugalis, tum etiam propter damnum filiorum legitimorum, & alia similia mala, quæ ex eo peccato consequuntur, de quo loquens Iob. cap. 31. *Hoc nefas est, inquit, & iniquitas maxima, & ignis usque ad perditionem deuorans, & eradicans genimina.*

Sacrilegium est illicita copula cum persona sacra, seu quæ Deo consecrata est & dicata, siue per votum castitatis, siue per ordinis sacri susceptionem. Addit etiam Toletus lib. 5. c. 12. sacrilegium committi, si quis in minoribus constitutus luxuriæ peccatum committat, vel si quis in loco sacro actum venereum exerceat, quamuis sit coniugalis, vt existimant Paludanus, Tabiena, & alij apud eundem Toletum: vnde circa hoc peccatum circumstantia personæ vel loci declaranda est. Locus autem sacer dicitur, qui solemnî ritu, diuino cultui dicatus est, vt Ecclesia, & capellæ illi adiacentes, necnon sacristia, vt pars illius, ac etiam cœmeterium.

Incestus est copula illicita cum persona consanguinitatis aut affinitatis nexu intra quartum gradum coniuncta. Quàm vero graue sit hoc peccatum, ex eo colligitur, quòd in veteri lege constituta, erat mortis pœna in incestuosos: & addit hæc causa *Leuit. 10. quia rem nefariam operari sunt.* Est autem eo grauius peccatum quo maior est inter peccantes personas coniunctio, imo specie distinctum esse existimat Nauarrus c. 16. n. 3. asseritque proinde gradum consanguinitatis aut affinitatis esse declarandum.

Obseruat etiam Lessius violationem cognationis spiritualis per actum luxuriæ, quamuis propriè ad hanc incestus speciem non pertineat, habere tamen speciale deformitatē: ratione cuius, circumstantiam cognationis spiritualis in Confessione declarandam esse existimat.

flimat. Quod similiter dicendum est, si hoc peccatum committeret cum filia spiritali Confessionis, id est cum ea, cuius quis Confessionem Sacramentalem excepit: quod quam graue peccatum sit constat ex capi. *Omnes*, & capite *Non debet*. 30. quæst. 1. ubi depositio ab Ordine Sacerdotali, & perpetua poenitentia vsque ad exitum vitæ decernitur in eum, qui tale scelus perpetraverit.

Raptus, quantum ad ipsum actum luxuriæ, modis omnibus supradictis committi quidem potest: sed addit præterea violentiam, & iniustam personæ à domo sua, vel paterna subractionem, & in aliena detentionem: unde raptus cum simplici fornicatione, vel adulterio, vel sacrilegio, vel incestu simul committi potest, & hæc circumstantiæ cū illa, quæ ipsius raptus est propria, debent in Confessione declarari.

Peccatum denique contra naturam est illud (vt explicat Sanct. Doctor quæst. 154. art. 11. *quod repugnat naturali ordini venerei actus, qui conuenit speciei humanae*, additque illud quatuor præsertim modis contingere posse: *uno quidem modo, si absque omniconcubitu, causa delectationis venerea, pollutio procuretur, & vocatur mollities: alio modo, si fiat per concubitus ad rem non eiusdem speciei, & vocatur bestialitas: tertio si fiat per concubitus ad non debitum sexum, puta masculi ad masculum, femina ad feminam, vt Apostolus dicit Rom. 1. quod dicitur Sodomiticum vitium: quarto si non seruetur naturalis modus concumbendi, aut quantum ad instrumentum non debitum, aut quantum ad alios monstruosos & bestiales concubendi modos.*

Et hi quatuor modi specie distinguuntur, vt obseruat Lessius lib. 4. cap. 3. dub. 13. cum vnusquisque illorum contineat specialem turpitudinem castitati repugnantem. Quam nefandum autem & quam detestabile sit illud peccatum, satis constat ex horrenda punitione Sodomitarum, Gen. 19. & Onam filii Iudæ Gen. 38. ubi dicitur quod *percussit eum Dominus, eo quod rem detestabilem faceret*: & Leuit. 20. morti adiudicantur, qui peccatum istud commiserint: neque tantum diuinis legibus, sed & humanis hæc peccatorum monstra damnantur, in Codice Theodosiano lib. 9. tit. 7. edicitur quod *huiusmodi scelus spectante populo flamma vindicæ expiabitur.*

Est autem obseruandum circa peccatum mollitiei pollutionem omnem directè in se voluntariam esse peccatum mortale: nec vnquam quouis prætextu etiam tuendæ sanitatis, esse licitam, vt ex communi Doctorum consensu probat & docet Lessius sup. dub. 14. imò & illam etiam, quæ indirectè tantum voluntaria est; id est quæ sequutura præuidetur ex aliqua causa, quæ tamen non euitatur, cum possit & debeat euitari.

Si tamen iusta aliqua ratio subsit eiusmodi causam non euitandi, vt si quis libros de eiusmodi rebus tractantes legat, vt alios doceat

aut confessionibus excipiendis vacet ; vnde turpes imaginationes & delectationes in parte inferiori, ac exinde pollutiones consequantur, tunc non erit peccatum, dummodo non sublit periculum consensus vt docent Lessius sup. Nauarr. c. 19. n. 6. & alij communiter. Quod si pollutio nullo modo sit voluntaria: vt quando inter dormiendum accidit, neque postquam quis plenè expergefactus est, in delectationem ex illa prouenientem deliberatè consentit, tunc non est peccatum, vt iidem authores proximè citati docent,

Præter has luxuriæ species, sunt alij plurimi eiusdem peccati actus tam exteriores quàm interiores ad vnamquamque illarum pertinentes, hoc sexto præcepto prohibiti. Atque in primis prohibentur morosæ delectationes, quæ ex rebus obscœnis cogitatione vel imaginatione apprehensis, cum pleno & deliberato voluntatis consensu percipiuntur: & etiam ipsæ cogitationes & imaginationes turpes, quamuis nulla ex illis sequatur turpis delectatio, si tamen illius percipiendæ causa animo versentur & foueantur, æquale cum ipsis obscœnis delectationibus censentur habere malitiam, scilicet mortalem, quamuis nulla sublit voluntas rem illam turpem opere implendi: quod melius explicare simul & probare non possumus, quàm his sancti Augustini verbis lib. 12. de Trinit. cap. 2. *Torus*, inquit, *homo damnabitur, nisi hac, qua sint voluntatè operandi, sed tamen cum voluntate animum talibus oblectandi, solius cogitationis sentiuntur esse peccata; per mediatoris gratiam remittantur*;

Prohibentur etiam à fortiori obscœna omnia desideria & turpes affectus, quando quis deliberatè appetit & vult actum aliquem luxuriosum perpetrare. Et hæc desideria eandem cum ipsis actibus desideratis deformitantem induunt: vnde qui mulierem coniugatam turpiter concupiscit, iam *machatus est eam in corde suo* vt ait Christus Dominus, Sanct. Matth. 6. & coram Deo adulterij reus efficitur.

Præterea oscula, tactus, quæ sunt ob carnalem & veneream delectationem, quæ ex illis percipi potest, sunt etiam peccata mortalia hoc præcepto prohibita: quamuis enim, vt rectè obseruat S. Doctor 2. 2. quæst. 154. art. 4. hæc & similes actiones sint ex genere suo indifferentes, possintque secluso quouis libidinoso affectu licitè exerceri; e. g. si quis mulierem osculetur eam salutando, quia talis est consuetudo patriæ, vel ob aliquam aliam causam rationalem. si tamen nulla eiusmodi causa subât, nec aliud in osculis, tactibus & aspectibus intendatur, quàm delectatio illa quæ carnem afficit & ad libidinem excitat, tunc secundum mentem S. Doctoris peccati mortalis reatus incurritur.

§. II.

Quot modis peccetur in sextum Decalogi præceptum.

EX dictis colligi potest quot & quam variis modis peccetur in hoc Decalogi præceptum. Atque in primis peccant contra illud qui turpium rerum cogitationibus, aut imaginationibus deliberatè intendunt ut illis delectentur: qui delectationes illas suboriri aduertunt, nec illas protinus abiciunt, sed potiùs fouent: qui legunt libros impudicos, vnde tales cogitationes & delectationes plerumque oriri solent: qui intendunt in imagines aut picturas obscenas, & ad libidinem aspectu sui excitantes; aut illas domi expositas habent, vnde alii occasionem peccandi sumere possunt: qui turpes cantilenas, aut verba obscena proferunt, aut ab alijs prolata libenter audiunt, qui comædijs aut alijs spectaculis, vel saltationibus & choreis delectantur in quibus aduertunt se graues aduersùs castitatē tentationes experiri, iisque vt plurimum succumbere qui notabiliter in cibo vel potu excedunt, vnde in ipsis motus impudici, & aliquando pollutiones oriri solent, quibus ferè semper cōsensum præbent.

Qui vestitu aut gestu aliquo immodesto, vel aspectu, alijs huius peccati occasionem præbent: qui se vel alias personas impudicè aspiciunt: qui osculis aut tactibus libidinosis delectantur: qui voluntate sola, aut etiam actu ipso committunt peccatum fornicationis, stupri, adulterij, sacrilegi, incestus, aut raptus, qui in peccatum molitiei deliberate incidunt, pollutionibus deliberatè delectantur, aut eas sibi tactibus impudicis vel alijs modis procurare conantur: qui infandum Sodomix aut bestialitatis crimen perpetrant, aut alijs illicitis, aut infamibus concumbendi modis se polluant.

§. III.

Quanam restitutiones ob huius præcepti transgressionem faciendæ sint.

DVOBVS præsertim casibus obligatio restitutionis alicuius faciendæ huius præcepti transgressoribus incumbere potest, nimirum ratione stupri, vel adulterij.

Quod ad stuprum spectat, certum est in primis illum, qui virginē aliquam coniugij promissione decept, & sub eiusmodi spe, corporis illius vsuram impetrabit, ad eam in matrimonium ducendam obligari, etiam si fictè tantùm & dolosè promiserit. Ita Nauarrus, Sotus, Adrianus, & alij apud Lessium lib. 2. cap. 10. dub. 3. si tamen esse

Bb 2 con-

conditionis valdè inæqualis; aut si promissionem adimplere non possiet, puta quia est coniugatus: aut si ex illius promissionis imple-
tione graue aliquod scandalum timeatur: tunc promissioni satisfacere censetur, si sufficientem illi, pro ratione conditionis, & sta-
tus, dotem tribuat: vt docet Nauarrus c. 16. n. 8. & post illum Toletus, lib. 5. cap. 11.

Certum est etiam illum, qui violentia, aut importunis precibus, aut falsis & dolosis persuasionibus virginem ad stuprum induxit, teneri illam vel ducere, vel conuenienter dotare, vt habetur ex c. *si seduxerit*, de adulterijs. Quod si virgo nulla vi aut promissione, nullis item importunis precibus, aut dolosis persuasionibus ad peccatum inducta est, sed ipsa sponte & liberè in illud consensit, nulla restitutionis faciendæ obligatio incumbit, vt docet Nauarrus suprâ, Lessius sup. 2. & alij: quia iuxta regulam 28. iuris in 6. *Scienti & consentienti non fit iniuria*: legesque Canonice, vt obseruat Nauarrus ibid. non obligant ad restitutionem, nisi eum, qui aut violentiam, aut dolum seu deceptionem ad stuprum perpetrandum adhibuit: quod etiam similiter dicendum existimat idem Nauarrus, si virgo per stuprum deflorata æquè commodè & conuenienter nupsit, ac si minimè peccasset, quia stuprum illius nemini innotuit: tunc enim, quamuis ille qui eam ad peccandum induxit, grauem & rigidam pœnitentiam coram Deo subire teneatur, ad nullam tamen restitutionem illi faciendam tenebitur; quia scilicet nullum damnum passa est, quod pecunia æstimari possit.

Quod spectat ad adulterium, si mulier coniugata filium ex adulterio suscepit; tenetur omnibus modis, quibus potest, citrà famæ dispendium, aut vitæ periculum, procurare ne legitimi hæredes ratione huius illegitimæ prolis aliquid detrimenti patiantur: vnde si habet bona aliqua præter dotē sibi propria, quæ possit quibus velit tribuere, tenetur ex illis tantum legitimis hæredibus applicare, quantum satis erit ad compensationem damni per spurium illati aut inferendi. Ita Caietanus opusc. 31. resp. 14. Nauarrus c. 16. num. 47. Toletus lib. 5. capite 11. Lessius libro 2. c. 10. dub. 7. & alij communiter.

3 Quod si mulier nulla eiusmodi bona possideat, neque vllò alio modo damnum illud compensare possit, quærunt Theologi an teneatur etiam cum periculo vitæ, vel dispendio famæ, crimen suum marito vel filio suo spurio prodere. Respondetur ex cōmuni Doctorum sententia, vt videre est apud Lessium & Toletum suprâ, non teneri cum periculo vitæ: quamuis autem aliqui existiment ad id obligarium honoris & famæ dispendio, probabilis tamen & tuta in praxi est sententia Scotij, Innocentij, Panormitani, Caietani, Nauarri, & aliorum, quos refert & quibus subscribit Lessius suprâ, dub. 7. qui

qui negant mulierem cum notabili famæ honorisque dispendio, ad crimen suum marito vel filio spurio reuelandum obligari: quorum ratio est, quòd fama, cum sit bonum superioris ordinis, non videatur in tali casu necessariò exponenda pro alio bono inferioris ordinis; præsertim cum illius dictis neque maritus, neque spurius filius credere teneantur: *Alleganti suam turpitudinem*, iuxta regulam iuris, *nulla debetur fides*, proindeque ex illa peccati sui declaratione nihil aliud sequeretur, nisi scandalum in familia, & discordia inter filios: vnde etiam cap. *Officij*, de pœnit. & remiss. nihil aliud præscribitur respectu mulieris, quæ filium supposuerat, nec suppositionem illam marito reuelare volebat, sicut nec alterius quæ prolem ex adulterio susceperat, nisi vt competens satisfactio per discretum Sacerdotem vtrique iniungatur: vnde iuxta illum canonem prudentis erit Confessarij eiusmodi mulieri, præter alia opera satisfactoria præcipere, vt solitas expensas, quantum poterit, habita ratione status, valetudinis, &c. imminuat, & maiori sedulitate rem domesticam administret: & si quid lucri proprio labore captare possit, illud in compensationem filiorum aut hæredum applicet & alia similia præstet, quibus si non totum damnum, saltem illius partem aliquam compensare conetur.

Quæres vtrum ipse adulter ad restitutionem aliquam faciendam obligetur. Respondetur, si moraliter ei certum sit filium, qui ex muliere cum qua peccauit, natus est, esse suum, obligari adultetum ad compensationem damnorum, quæ legitimo marito aut eius hæredibus obuenire possunt, siue ratione alimentorum, quæ illi præstantur, siue ratione hæreditatis, quam cum alijs legitimis filijs tanquam vnus ex illis aditurus est. Et hæc est communis sententia Doctorum, paucis exceptis, quorum opinionem, vt minus probabilem & tutam, meritò reiicit Lessius suprà dub. 6.

SECTIO VII.

Explicatur septimum Decalogi præceptum.

Non furaberis.

I CVM hoc septimo præcepto, vt obseruat Catechismus Rom. part. 3. cap. 8. Deus in tutelam veluti suam bona nostra exteriora susceperit: ita vt nullus ea iniussè surripere, aut inuitis nobis, detinere possit quin iniuria illa in ipsum etiam Deum refundatur, ac obedientia illi debita violetur: hinc patet, quanti faciendæ sit huius præcepti obseruatio, & quo studio illius obligationes omnes peruestigandæ sint, præsertim cum innumeris propè modis in-

illud peccetur. Ut igitur maiori cum luce in illius explicatione procedamus ipsius iuris ac iustitiæ principia breuiter consideranda nobis sunt, ut ex illis postea rationes omnes, quibus erga proximi bona obstringimur, enucleatius cognoscamus.

§. I.

Quid iuris, quid iustitia nomine intelligendum sit.

IN OMINE iuris (ut illius varias & multiplices acceptiones omittamus) in duplici præsertim significatione sumi solet. Primò pro lege tam naturali quàm positiua, siue diuina, siue humana: quo sensu dicimus, e.g. parentibus honorem deferre, esse de iure naturali; Sacramentum Baptismi recipere esse de iure diuino positiuo; eo etiam sensu legum & sanctionum Ecclesiasticarum, Collectionem juris Canonici nomine indigitamus. Secundò sumitur pro facultate illa seu potestate legitima, quam quis habet ad rem aliquam obtinendam aut retinendam, vel ad aliquid faciendum, ita ut ab illius rei obtentione aut retentione, vel ab illa actione facienda impleri licet non possit.

Similiter iustitiæ nomen duobus potissimum modis accipitur. Primò pro virtute quadam generali, quam Sanctus Anselmus dialog. de verit. c. 13. vocat *Rectitudinem voluntatis*; quo sensu virtutes omnes in se complectitur, & pro illis siue generatim siue speciatim significandis plerumque in Scriptura ponitur, ut Matth. 5. *Beati qui esuriunt & sitiunt iustitiam*, & cap. 6. *Attendite: ne iustitiam vestram faciatis coram hominibus, ut videamini ab eis*.

Secundò pro virtute particulari, quæ à Sancto Doctore 21. q. 58. art. 1. & à Iurisconsultis communiter definitur: *Constans & perpetua voluntas ius suum unicuique tribuendi*: Quorum verborum sensus est, iustitiam esse virtutem, quæ inclinatur & firmatur voluntatem ad tribuendum unicuique quod suum est: qua in acceptione una est ex quatuor illis virtutibus, quæ à sancto Ambrosio in cap. sextum Sancti Lucæ vocantur *Cardinales*, eo quod sint aliarum virtutum tanquam cardines; ita ut sicut ostium in cardine, sic (ut loquitur S. Gregorius lib. 2. mor. cap. 36.) *omnis honesta vita ratio, & vniuersa boni operis structura, illis inniti quodammodo videatur*.

3 Diuiditur autem iustitia à sancto Doctore q. 61. art. 1. in commutatiuam & distributiuiam. Iustitia distributiua illa est, quæ diuidit & distribuit munera, officia, onera, bona, & alia similia communis alicuius propria secundum proportionem quam vocant *geometricam*; id est, considerando non solum valorem & quantita-

tem

tem bonorum illorum aut onerum, &c. sed etiam personarum conditionem, idoneitatem, merita, &c. Commutativa verò illa est, quæ constituit æqualitatem inter personas particulares secundum proportionem arithmeticam: id est considerando solum valorem vel quantitatem rerum sine ullo respectu ad personas: v. g. mutatus est aliquis centum aureos, qualiscunque sit: diues aut pauper, nobilis aut ignobilis, debet centum aureos reddere.

§. II.

Quid sit ius ad rem, & ius in re.

CELEBRIS illa diuisio iuris, quæ à Theologis & Iurisperitis tractatur, lucem dabit varijs difficultatibus circa huius præcepti violationem occurrentibus, ideoque à nobis prætermitti non debuit. Ius igitur ad rem est illud, quod habetur per alicuius contractus stipulationem, puta per donationem, emptionem, &c. antequam illius rei quæ donata vel emptæ est, traditio fiat. Ius in re est illud, quod per ipsam rei traditionem acquiritur.

Hæc est autem vtriusque differentia, quòd ius in re ita faciat illam propriam eius qui acquisiuit, ut quocunque in loco sit, & in cuiuscunque manus peruenerit, facultatem habeat, eam vbicunque repererit, recipiendi, & à quocunque repetendi, obligeturque ex iustitia eam ei restituere, quisquis acceperit. Ius verò ad rem, non tribuat facultatem eiusmodi in ipsam rem; sed solummodò titulum iustum & aptum ad habendum illius rei dominium: v. g. quis emit equum ab altero, illiusque pretium soluit, si equus ille nondum ei à venditore traditus sit, habet tantum ius ad illum equum, non verò in illo; vnde si venditor fraudulenter eundem equum alteri vendat & tradat, primus emptor non potest ab illo altero equum repetere; sed agere tantum potest in venditorem, ut pretium restituat, sibi que præterea persoluat quantum sua intererat, contractum illius venditionis antea celebratum, firmum esse & ad plenum effectum perducere: contra si equus ille venditus, sed nondum traditus, moriatur, aut furto abducatur, venditori perit & non emptori.

2 Ex quibus intelligi potest quid sibi velint leges ciuiles, dum dicunt, ei qui habet ius in re, competere actionem realem, quæ *vindicatio* vocatur, qua res ipsa repeti & sumi possit vbicunque reperiat; ei verò qui habet tantummodò ius ad rem, competere actionem personalem, non qua res ipsa in cuiuscunque manus deuenierit, possit vindicari & accipi, sed qua traditio eius possit exigi à persona, cum qua stipulatio de illa intercessit.

§. III.

Quid sit dominium, & quibus personis competat.

PLURES sunt iuris particularis species varizque rationes, quibus competere potest alicui facultas accipiendi aut retinendi rem aliquam, vel de illa disponendi, inter quas præcipua, & ad quam reliquæ aliquo pacto reducuntur, est dominium: ex cuius proinde explicatione, quid de alijs serièdū sit, facile poterit intelligi.

Ac in primis observandum est, duplex esse dominium, iurisdictionis scilicet & proprietatis. Dominium iurisdictionis est potestas gubernandi sibi subditos; illis aliquid præcipiendi, aut prohibendi, illos iudicandi, puniendi, vel præmiandi.

Dominium verò proprietatis, est ius possidendi rem aliquam, & de illa tanquam sua disponendi: estque rursus duplex, perfectum scilicet & imperfectum. Dominium perfectum, quod & plenum dicitur, continet proprietatem rei & commodorum eius, extenditque se ad omnem eius usum & dispositionem, nisi lege aliqua diuina vel humana prohibeatur: Dominium verò imperfectum habet tantum proprietatem absque emolumentis, vel emolumenta absque proprietate. Primum vocant Iurisperiti dominium directum, quale est principis respectu feudorum, aut illius qui dedit agrum in emphyteusim: secundum vocant dominium utile, quale habet feudatarius, emphyteuta, usufructuarius, &c.

Quod autem spectat ad subiectum dominij, seu personas illius capaces, Theologi communiter docent, illud nonnisi naturæ rationali competere posse; cum per solam rationem quisque potestatem habeat immediatè in actus suos, & per hos in alias res exteriores.

2. Atque in primis certum est, Deum in omnes creaturas summum quoddam & absolutissimum obtinet dominium: quod scriptura innumeris propè in locis testatur: proindeque illum liberè; & prout ipsi placuerit, de omnibus creaturis sine cuiusquā iniuria disporre posse. Certum est etiam hominem esse dominij capax, iuxta illud Genes. 1. *Faciamus hominem ad imaginem & similitudinem nostram, ut præsit piscibus maris, bestiis terra, &c.* ubi tribuitur homini præfectura & dominium in alias creaturas inferiores, ratione imaginis diuinæ quam gerit, quæque in intellectu rationis capaci, & libera voluntate consistit. Sed difficultas est de quibusdam hominibus in particulari, an de facto dominium aliquod, & quarumnam rerum habeant: ac præsertim de filiis familias, de quibus breuiter dicimus, quod secundum iuris dispositionem, quamdiu sub patria potestate constituti sunt, duo sunt tantummodò genera bonorum,

rum, quorum perfectum dominium habere possunt; castrensia scilicet, & quasi castrensia. Bona castrensia sunt illa, quæ in militia, vel occasione militiæ iustè acquiruntur, ut stipendia, donaria ducum, &c. Quasi castrensia verò sunt ea, quæ ex beneficio Ecclesiastico; aut officio publico iudicis, v. g. aut aduocati, aut ex professione alicuius artis liberalis proueniunt. Bonorum autem illorum, quæ aduentitia vocantur, id est, quæ vel ex aliorum donatione, vel ex propria industria, negotiatione, &c. proueniunt, dominium quidem directum habere censentur, non tamen de ijs disponere possunt, absque consensu patris, penes quem illorum administratio & utilitas remanet. Quæ omnia fusiùs explicata videri possunt apud Nauarum c. 17. n. 42. Lessium lib. 2. c. 4. dub. 3. & alios.

§. IV.

Quibus modis dominium proprietatis acquiratur.

Res externæ quæ sub dominium proprietatis cadere possunt duplicis sunt generis: vel enim nullius sunt, vel alicuius propriæ: & de vtrisque quæstio proposita intelligi potest.

Atque in primis quod spectat ad res illas, quæ nullius domini sunt, dicendum est, spectato communi naturæ ac gentium iure, illas fieri primi occupantis, nisi leges ciuiles & locorum consuetudines de aliquibus in particulari aliter constituent: proindeque hæc occupatio est legitimus modus, quo prædictarum rerum dominium acquiratur. Id patet ex §. *feræ*, instit. de rer. diuis. & ex leg. 1. ff. de acquirenda possess. item ex l. 1. & 3. ff. de acquirendo rer. domin. quibus legibus omnes Theologi subscribunt.

Hinc colliges feras & animalia syluestria, quæ in nullius potestate sunt, vel quæ iam ab aliquo capta illius potestatem euaserunt, & in libertatem naturalem se vindicarunt; vbicumque reperta fuerint, capi posse è contra verò animalia illa, quæ natura mansueta sunt & domestica, quamuis è domini domo effugerint: vbicumque oberantia reperiantur, esse restituenda: quia tanquam ad dominum pertinentia considerantur, ut fusiùs explicat Lessius lib. 2. de iust. & iure c. 5. dub. 6. vnde parag. *Gallinarum*, instit. de rerum diuisione ille dicitur furtum committere, qui eiusmodi animalia, cum effugerint, detineret. Simili ratione lapilli, gemmæ, margaritæ, & alia similia, quæ nunquam dominum habuerunt, & in litore maris aut in alijs locis inueniuntur, sunt primi occupantis.

Secus verò dicendum est de rebus illis, quæ Dominum habuerunt, & casu aliquo fuerunt amissæ, v. g. quæ naufragio factò eictæ sunt ad litus maris, quisquis enim res eiusmodi repetit; illas domi-

dominus restituere debet, si dignoscere possit, & ad illos dignoscendos moralem diligentiam adhibere tenetur, Quod si illarum rerum domini dignosci non possint, tunc secundum S. Doctorem 2.2. quæst. 66. art. 5. cui plurimi alij Theologi subscribunt, sunt illæ pauperibus erogandæ, vel in alios pios vsus insumendæ. Ratio est, quia rerum illarum non desinit esse dominus qui ea amisit, ideoque, si ipsimet restitui nequeunt, saltem restitui debent illis, quibus velle præsumitur: nemo est autem, qui amissam rem suam non malit pauperibus dari, quam in alios vsus expendi.

3 Non desunt tamen Doctores qui sententiam contrariam tueantur, asserantque res illas inuentas domino minimè comparente, post diligentem inquisitionem, ab inuentore posse retineri, cum nullo iure naturali aut Ecclesiastico id prohibeatur. Ita Sotus, Medina, & alij apud Laymannum lib. 3. de iust. tract. 1. cap. 5. qui rectè concludit, quod, quamvis hæc posterior sententia sit probabilis, neque temerè damnandus esset qui eam sequeretur, prior tamen sit magis pia & in praxi tuta: præsertim, cum secundum illam, vt monet Nauarrus c. 17. n. 170. possit inuentor, si aliqua egestate laboret, sibi rem inuentam aut partem illius retinere, maximè de consilio prudentis Confessarii, cuiuserit determinare, quid in eiusmodi casu magis expedire videatur.

Quod spectat ad res illas, quæ sunt alicuius propriæ, dicendum est rerum eiusmodi dominium acquiri, vel per voluntatem propriam domini rei illius suæ dominium in alterum transferentis, quod duobus potissimum modis in genere fieri potest: scilicet vel per aliquem contractum, puta venditionem, permutationem, &c, aut absque contractu per donationem, promissionem, &c, vel per voluntatem Superioris, aut dispositionem legis ob iustas causas, rei alicuius dominium ab vno in alterum transferentes; quod præsertim fit per præscriptionis legem. De quibus omnibus & singulis in sequentibus paragraphis agendum erit.

§. V.

De Præscriptione.

PRÆSCRIPTIO seu vsucapio vt loquuntur Iurisperiti, est modus quidam acquirendi domini per possessionem alicuius rei, certo temporis spatio legibus definito continuatam. Hic autem acquirendi domini modus civili iure introductus est; *Ne diu & ferè semper*, vt habetur lege 1. de vsurp. & vsucap. *quarum dā verū domin: a incerta essent*: & locum habet, non solum in foro exteriori, sed etiam in foro conscientie: ita vt possit quis licitè rei alicuius

alicuius dominium, titulo præscriptionis, acquirere, vt pluribus probat Lessius lib. 2. cap. 6. dub. 17. dummodo tamen præscriptio illa legitima sit, habeatque requisitas à iure conditiones, quæ quatuor communiter à Doctoribus numerantur. Prima est possessio: nam secundum regulam iuris, Reg. 3. in 6. *Sine possessione præscriptio non procedit*. Secunda est bona: siquidem vt ibidem habetur, Reg. 2. *possessor mala fidei ullo tempore non præscribit*. Tertia est titulus probabiliter præsumptus; puta donationis, emptionis, successionis, &c. vt constat ex digest. leg. 41. tit. 4. & seq. Quamuis interdum bona fides etiam sine titulo ad præscriptionem sufficiat; quando scilicet nulla præsumptio in contrarium habetur, nec ius commune contradicit. Quarta denique est continuatio possessionis tempore legibus definito.

Quæres quantum temporis requiratur ad legitimam præscriptionem. Respondetur ex communi Doctorum sententia apud Lessium sup. c. 6. dub. 2. 3. 4. & seq. ad præscriptionem seu vsucapionem rerum mobilium quarumcumque, cum titulo probabiliter præsumpto, requiri possessionem per triennium bona fide continuatam; sine titulo vero, per triginta annorum spatium: e. g. aliquis bona fide tibi rem alienam dedit, quam suam putabat: tuque bona fide illam acceptauisti; tunc triennij possessione tibi acquiritur res illa ratione tituli donationis: quod si nullo titulo, bona tamen fide illam possideas, tua non fit, nisi triginta annorum continuata possessione.

Ad præscriptionem autem rerum immobilium cum titulo requiri spatium decem annorum, inter præsentem, id est eos, qui in eodem territorio habitant, quamuis non in eadem vrbe; viginti annorum inter absentes: triginta vero annorum, si nullus adsit titulus, vt suprà de mobilibus rebus dictum est.

Excipiuntur tamen bona immobilia Ecclesiæ, Monasterij, Hospitalis, & aliorum piorum locorum, ad quorum præscriptionem requiruntur anni quadraginta: quod si bona illa sint Ecclesiæ Romanæ, non nisi annorum centum spatio præscribi possunt. Bona verò pupillorum siue mobilia siue immobilia, quandiu in illa ætate sunt, nullo temporis lapsu præscribuntur, sicut nec res Ecclesiæ quæ alienari prohibita sunt, aut vsibus tantum sacris sunt destinatae.

Est autem obseruandum non easdem vbique leges circa tempus & modum præscriptionis esse receptas: ac proinde cuiusque regni aut loci speciales leges & legitimas consuetudines esse super hac re consulendas.

§. IV.

De contractibus in genere .

1 **N**OMINE contractus intelligitur conuentio aliqua inter auos facta , ex qua in vtroque , vel ſaltem in alterutro illorum , obligatio aliqua naſcitur. Sunt autem alij contractus, quī vocantur *nominati*, alij *innominati*, dicuntur. Contractus, *nominati* ſunt illi, qui ſpeciali nomine inter ſe diſtinguuntur, vt emptio, venditio, locatio, &c. Contractus verò *innominati*, ſunt illi, quibus nulum ſpeciale nomen assignatum eſt, diuidunturque à Iuriſperitis in quatuor ſpecies, quæ his verbis exprimuntur : *do, vt des: do, vt facias: facio vt des: facio, vt facias.*

His prænotatis dicendum 1. contractum omnem ſpontè ac liberè factum , quamuis in eo non ſeruentur iuris formalitates, obligare tamen in foro conſcientiæ ; ita vt alterutro contrahentiū inuito, reſcindi non poſſit, niſi iure aliquo poſitio irritus ſit, aut irritari poſſit. Ita Gomeſius , Couarruias , & alij quos citat & ſequitur Leſſius ſup. dub. 4. Ratio eſt , quia iure naturæ tenetur quiſque tenere quod promiſit altero acceptante , vt ex infrà dicendis plenius conſtabit.

Dicendum 2. contractum illum in quo contingit error circa ſubſtantiam rei; iure naturæ irritum & inuolidum eſſe. Ita S. Antoninus , Sotus , Caietanus , & alij apud eundem Leſſium ſuprà dub. 5. quia vt dicitur leg. 9. C. de iuris & facti ignorantia . *Errantis nullus eſt conſenſus* : ſine conſenſu autem nullus eſt contractus: e. g. ſi quis gemmam vendat exiſtimans eſſe cryſtalli fragmentum , emptor re comperta tenebitur ad reſtitutionem gemmæ , aut ad iuſtum eius pretium venditori perſoluer. dum: ſecùs verò ſi error ſolummodò ſit circa qualitatem rei ; vt ſi cognoscens eſſe gemmam, ſed valorem eius ignorans: vili pretio eam vendiderit: tunc enim validus quidem erit contractus, tenebitur quidem emptor, poſtquam id reſciuerit, ſupplere id, quod iuſto gemmæ pretio deſuit, vt docent ſuprà citati Authores.

Dicendum 3. contractum illum cui alterutrius contrahentium dolus cauſam dedit, non eſſe omnino iure naturæ irritum ; ſed tamen pro arbitrio eius, qui deceptus eſt, ſi contractus ſolubilis ſit, irritari poſſe. Ita Ægidius Koninch, & alij apud Laym. lib. 3. de iuſt. tr. 4. c. 5. & Leſſius ſuprà . Quod non ſit irritum , patet ex eo quod ſi is qui deceptus eſt, velit contractum ſubſiſtere, deceptor reſilire non poteſt : *Ne lucrum ex dolo ſuo reſporter*, vt habetur cap. 1. de eo qui duxit in matrimonium : quod vero irritari poſſit, pro arbitrio illius qui

qui deceptus est, constat etiam ex eo quod qui dolo inducit alterum ad contrahendum, iniuriam ei facit; & proinde tenetur eum restituere in integrum, & reddere omnia infecta si deceptus velit.

Dicendum 4. contractus omnes ex aliquo graui metu iniuste incusso celebratos non esse quidem iure naturæ irritos; sed irritari posse, & reuocari in foro conscientiæ, qui arbitrio eius qui metum iniuste passus est. Ita Sotus, Paludanus, Richardus & alij apud Lessiū suprà dub. 6. Id patet tum ex eo quod, ut habetur c. 1. de his quæ vi metusque causa fiunt, *qua vi & metu fiunt, debent in irritum reuocari*: tum etiam quia, ut dicit S. Thomas 2. 2. qu. 89. art. 7. ad 3. *qui vim intulit, hoc meretur, ut ei promissio non seruetur*. Eadem etiam ratio quæ suprà de dolo allata est, potest de metu iniuste illato intelligi; qui enim metum iniuste incussit, iniuriam alteri intulit; unde tenetur illum in priorem statum restituere; & alter ius habet exigendi hanc restitutionem. Per metum vero grauem intelligimus illum qui est de malo aliquo, quod viro constanti formidabile est, eumque merito commouere potest: qualis est metus mortis, exilij, carceris, infamiæ, amissionis bonorum, &c. ad metum quoque grauem pertinere dicit Lessius suprà metum reuerentialem, quo filius timet grauem offensionem patris, subditus Principis, vxor mariti, &c. ubi rectè obseruat metum etiam grauem dici posse illum, qui respectiue solum talis est, ut si sit de aliquo malo, quod, quamuis viro constanti non sit formidabile, foeminae tamen vel puero, vel seni formidandum meritò videtur.

§. VII.

De promissionibus, donationibus, & testamentis.

PROMISSIONIS nomine intelligimus hanc promissionem, illam quæ fit sub aliquo onere vel conditione, quæque ut sic extendi potest ad omnes fere stipulationes & contractus, in quibus ut plurimum promissio aliqua reciproca interuenit, sed promissionem simplicem & gratuitam, qua ex mera liberalitate aut gratitudine aliquid alteri promittitur, de qua

Dicendum 1. promissionem antequam acceptetur, nullam parere obligationem naturalem aut ciuilem: quod & similiter de donatione intelligendum est: unde sequitur quod vtræque ante acceptationem possit licite reuocari. Ita Sotus lib. 4. de iust. qu. 5. art. 1. Suarez tom. 2. de relig. lib. 8. c. 2. Lessius lib. 2. c. 18. dub. 6. & alij communiter. Ratio est, quia omnis promissio & donatio suapte natura respectiua est, cuius proinde obligatio ex alterius partis consensu dependet.

Exci-

Excipiunt tamen Doctores aliqui promissiones factas Ecclesiæ, Hospitali, Monasterio, alijsque locis pijs, existimantque etiam ante acceptionem, promissiones & donationes eiusmodi obligare; alij vero Theologi hanc exceptionem non admittunt, asseruntque vniuersim promissionem non acceptatam minimè obligare: quam sententiam probabilem & in praxi tutam existimat Laymann. sup. tr. 4. c. 1. & pro illa Sotum, aliosque Doctores citat.

Dicendum 2. promissionem serio & deliberatè factam, & ex animo verè promittendi, seque alteri obligandi, ex virtute fidei seu fidelitatis, ubi acceptata fuerit obligare, etiam sub peccato mortali, si res promissa sit alicuius momenti. Ita Nauarrus, Sotus & plures alij, quos citat & sequitur Lessius sup. dub. 8. Ratio est, quia omnis promissio dat ius ad rem promissam, quod etiam ad hæredes promissarij transit: & si fiat per formam stipulationis, datur etiam actio in foro exteriori, & promissor cogi potest sententia Iudicis ad promissionem implendam: vnde sequitur illam inducere strictam aliquam obligationem quæ proinde sub peccato obliget. Quod si quis vtatur verbis quidem promissorijs, non tamen animo seriò promittendi; sed solummodo ad significandum solum propositum, vel ad firmitus asseuerandum, vt ei credatur tunc, vt rectè obseruat idem Lessius, non censetur obligatus sub peccato mortali ad implendum id quod sic promissit, nisi fortè ex ficta illa promissione notabile aliquod dānum alterius sequatur; & hoc sensu dicit intelligendas esse promissiones plurimorum, qui solent multa se promittere facturos; cum tamen non intendant seriò se ad id obligare, aut alijs ius exigendū tribuere, sed duntaxat firmiter id asseuerare.

Quæres quanti valoris aut momenti esse debeat res promissa, vt promissionis violatio censeatur esse peccatum mortale? Nauarrus cap. 18. num. 6. existimat sufficere valorem rei promissæ talem esse, qui in furto ad peccatum mortale sufficeret: probabilius tamen Lopes lib. 2. de contr. cap. vltimo, & Lessius suprà docent in promissione ad materiam peccati mortalis constituendam longè maiorem valorem quàm in furto requiri; qui tamen valor difficile determinari potest, sed viri prudentis iudicio ex æquo & bono dijudicari debet: certè communi hominum æstimatione maior iniuria fieri censetur, si quis aureum vnicum surripiat, quàm si quatuor vel quinque aureos ex liberali promissione debitos non soluat.

Dicendum 3. promissionem alteri factam, & ab eo acceptatam, desinere obligare, si res promissa fiat inutilis, aut illicita, aut impossibilis; item si status rerum aut personarum ita mutetur, vt secundum iudicium viri prudentis promissor non videatur illum euentum voluisse comprehendere: quod ex conditione rei promissæ, aut ipsius promissionis, vel etiam promissarij, alijsque circumstantijs dijudican-

dicandum est. Ita Caetanus, & alij quos citat & sequitur Lessius suprà. dub. 10. Ratio est, quia promissio non censetur habere vim, nisi ex ea voluntate & intentione, quam promittens explicitè & implicitè habuit, dum promisit: ex quo sequitur quod ultra hanc intentionem expressam vel prudenter interpretatam non possit obligari.

Dicendum 4. donationem illam, quæ dicitur inter vivos, id est, cum quis ex mera liberalitate sic donat, ut etiam se vivo velit rem donatam esse alterius, factam ab eo qui donare potest, id est, qui dominium & administrationem habet rei quam donat, cum facultate illam alienandi, posse etiam post donatarij acceptionem reuocari, ob quasdam causas legibus expressas, quarum præcipua est ingratitudo ipsius donatarij: ut si donatarius iniurias atroces in donantem effuderit: si violenter illum percusserit: si ex certa malitia notabile damnum bonis eius intulerit: aut si ad grauem inopiam reductum non aluerit. Ita Syluester, Goinesius, & alij, quos citat & sequitur Lessius citat. suprà, dub. 14. ubi tamen obseruat donarium ante iudicis sententiam non teneri ad restitutionem, quia est poena, quæ prærequirit donatoris querelam, & ingratitudinis probationem.

Dicendum 5. donationem, quæ fit causa mortis, id est cum quis ita donat, ut rem non velit absolute & irreuocabiliter esse alterius, nisi post suam mortem, qualiter in testamentis & codicillis fieri solet, posse ad arbitrium donantis reuocari. Ita communiter Doctores: vnde Apostolus Heb. 19. dicit quod *Vbi testamentum est, mors necesse est intercedat testatoris, alioquin nondum valet dum uiuit qui testatus est*: & Iurisperiti communiter dicunt: *Ambulatoriam esse testantis voluntatem usque ad supremum vita exitum*. Est tamen difficultas inter Theologos, utrùm testamentum si validum in foro conscientiæ, si desint ei solemnitates legibus requisitæ Omnis aliorum sententijs, probabilis & in praxi tuta videtur esse illa, quæ propugnant Adrianus, Angelus Tabiena, Syluester, Ioannes, Medina, Lopes, & alij quos citat & sequitur Lessius suprà. cap. 19. dub. 3. quæ asserit eiusmodi testamentum in foro conscientiæ validum esse, & licitè retineri posse id quod ex tali testamento habetur sine titulo hereditatis, siue legati. Ratio est, quia, ut dicitur paragrapho, *Per traditionem*, institutionū de rerum diuisione, *nihil est tam conueniens naturali aequitati, quam voluntatem Domini volentis, rem suam in alium transferri; ratam haberi*. Præterea testamentorum solemnitates à legibus eo solum fine introductæ sunt, ne quid falsitatis in testamentis incurrat: ut dicitur l. *questionem* 23. C. de fidei commissis: quare dummodo certò constet de vltima testantis voluntate, potest quis rem, sibi eius testamento relictam, tuta conscientia retinere.

§. VIII.

De emptione & venditione :

DVÆ sunt præcipuæ conditiones in qualibet emptione & venditione obseruandæ, vt docet S. Thomas 2.2. qu. 77. art. 1. & seq. Prima est, vt fraus omnis & dolus absit, tam ex parte venditoris quàm emptoris; ex quo sequitur contra iustitiam esse, si quis vendat rem habentem vitium aliquod, seu defectum in quantitate aut qualitate, eodem pretio, quo venderetur, si eiusmodi defectu & vitio careret; proindeque peccare, qui mensuras adhibent illegitimas aut pondera dolosa, iuxta illud Prou. 10. *Statéra dolosa abominatio est apud Deum*: item qui mixtione aliqua res efficiunt deteriores; vt caupones aquam vino miscentes: frumentarij, qui tritico miscent alia semina deteriora, sicut illi Amos 8. dicebant: *quisquiliæ frumenti vendamus.*

Vnde idem S. Doctor sup. art. 3. asserit rei quæ venditur, vitia occulta quæ ab emptore deprehendi non possunt, quæque illius valorem notabiliter diminuunt, aut illam emptori inutilem vel incommodam reddunt, esse manifestanda. Quod etiam docuit S. Ambrosius, lib. 3. de offic. cap. 10. *In contractibus, inquit, vitia eorum quæ vaneunt prodi iubentur: ac nisi intimaueris venditor, quamuis in ius emptoris transferant, doli actione tenetur.*

Quæ autem de venditore, hæc etiam de emptore intelligi debent: omnem scilicet fraudem ab emptione abesse debere: proindeque contra iustitiam esse rem aliquam pretiosam pro vili, puta gemmam pro fragmento vitri, emere ab alio, qui eius valorem ignoret: secus si in aliqua regione res parui æstimatione, quæ tamen alibi censetur pretiosissima, puta margaritæ, gemmæ, aut alia id generis, quæ vt plurimum in Indijs & alijs dissitis regionibus pro cultellis, tintinnabulis, & alijs similibus crepundijs licite permutantur.

Secunda conditio ad iustitiam emptionis & venditionis ex mente S. Doctoris necessaria est, vt res neque carius vendatur, neque vilis ematur quàm illius pretium exigat. Pro cuius intelligentia obseruandum est, duplex esse iustum pretium alicuius rei. Primum est, quod à potestate publica taxatum est; & vocatur à Doctoribus pretium legitimum, quasi lege definitum: & illud augere in vendendo, aut minuere in emendo non licet. Secundum est, illud, quod communi hominum æstimatione determinatur, quando à publica potestate minimè taxatum est, & pretium vulgare seu commune dicitur, habetque quandam latitudinem: cum enim ex plurimorum æstimatione pendeat, qui non eodem modo de rerum valore iudicant, hinc fit

fit quod aliqui, verbi gratia, decem nummis valere arbitrantur, quod alij vndecim, alij verò tantum nouem æstiment: vnde à Doctoribus hoc vulgare & commune pretium triplex esse dicitur, infimum scilicet, medium, & summū, quod etiam rigorosum nominatur. Quamuis autem in exteriori foro, ætio minimè detur ei, qui emendo carius vel vendendo vilius non est deceptus vltra dimidium iusti pretij: in foro tamen conscientiae omnis venditio, in qua iusti pretij latitudo exceditur, & omnis emptio, in qua iusti pretij quantitas nō attingitur, iniusta est, & diuinæ legi cōtraria. Ita S. Th. art. 1. ad 1. & hæc est etiā expressa doctrina sancti Aug. lib. 13. de Trinitate c. 3.

Sunt tamen duæ causæ, ob quas licitum est rem pluris aliquando vendere quàm per se valeat. Prima est ratione officij mercandi: mercatori siquidem merces suas paulò pluris vendere licitum est, quàm ab aliis venderentur, qui non ex officio, sed ex occasione aliquid vendunt. Ita Ioannes, Medina, Caetanus, & alij apud Lessium supr. cap. 1. dub. 4. Ratio est, quia pretio aliquo æstimabile censetur, quod mercator curas & cogitationes suas, ac omne tempus suum in mercibus illis conquirendis, conseruandis & distrahendis assidue impendit. Secunda est, ratione damni emergentis, aut lucri cessantis; quando quis in solam emptoris gratiam rem aliquam vendit, quæ sibi est plurimum utilis, commoda & etiam necessaria: quo in casu, vt dicit S. Doctor supr. art. 1. *Iustum pretium erit, vt non solum respiciatur ad rem qua venditur, sed etiam ad damnum quod venditor ex venditione incurrit: & sic licitè poterit aliquid vendi plusquàm valeat secundum se*, quod quidem est iudicio viri prudentis æstimandum. Si verò res quæ venditur, esset maxime commoda emptori, nec venditor ex illius distractione damnum vllum aut incommodum pateretur: tunc, vt rectè monet Sanctus Doctor supr., *Non deberet eam superuendere: quia utilitas qua alteri accrescit, non est ex vendente, sed ex conditione eementis: nullus autem debet alteri vendere id quod non est suum*.

– 4 Sunt etiam duæ causæ, ob quas interdum potest quis licite rem minori pretio emere quàm aliàs valeret. Prima est, si emptori parum utilis sit, illamque solummodo emat in gratiam venditoris; quia tunc pretium & valor illius secundum communem hominum æstimationem vilescere censetur, vt docet Lessius supr.: in quo tamen cauendum est, ne à pauperibus aliisque quos adigit egestas ad propriam suppellectilem, v. g. distrahendā, aliquid vilius quàm par sit emendo, iustitia vel charitas violetur. Secunda causa oritur ex ratione & modo vendendi, vt in auctionibus publicis, in quibus sicut aliquando rerum commune pretium ex emptorum contralicatione augetur, sic etiam interdum ex defectu emptorum minuitur, vt obseruat Nauarrus c. 23. num. 85.

Quæres quid de quibusdam rebus censendum sit, quæ nullum certum pretium habent, ut sunt quædam gemmæ, picturæ veteres, &c. an scilicet tanti eas vendere liceat, quanti vendi poterunt. Respondet Lessius sup. cap. 21. dub. 3. quamvis Sorus & quidam alii Theologi ita fieri posse arbitrentur, longè tamen probabilius esse & tutius in conscientia, re eiusmodi non posse licitè vendi pro arbitrio venditoris, sed iuxta æstimationem intelligentium, aut etiam ipsius venditoris, spectatis bona fide circumstantijs omnibus ad ipsius rei valorem facientibus.

§. IX.

De mutuo, commodato, deposito & locato.

HOC V M quatuor contractuum, qui frequentiores sunt, & ad quos cæteri aliquo pacto reduci possunt, notitiam hic aliquam generalem proponemus, ut facilius dignosci possit, quibus in casibus hoc septimum Decalogi præceptum occasione illorum violetur, & etiam qua ratione sub illorum obtentu usuræ interdum palliatæ committantur, de quibus postea.

Per mutuum intelligitur traditio rei alicuius numero, pondere, vel mensura constantis facta eo animo, ut sit accipientis: cum obligatione tamen, ut similis in specie ac bonitate restituatur.

Per commodatum verò, rei alicuius quoad solum usum gratuita concessio, cum obligatione eandem numero restituendi.

Per depositum rei alicuius ad solam custodiam traditio, cum obligatione eandem integram restituendi.

Per locatum denique seu locationem significatur rei alicuius ad usum fructum, certa pretii conventionione facta, concessio.

Differunt autem inter se hi contractus; primo in eo quod mutuum fiat tantum de rebus mobilibus; reliqui tres contractus de rebus etiam fieri possint, ut fuse ex diversis legibus declarat immobilibus Lessius.

4 Differunt 2. in eo quod per mutuum transferatur rei mutuo datæ dominium, sufficiatque ut similis in specie restituatur; per alios verò tres contractus non transferatur rei dominium, sed eadem numero debeat restitui, ut docet idem Lessius, & ex iisdem legibus probat lib. 2. cap. 20. & sequent.

Differunt 3. in eo quod mutuatarius rem mutuo datam pro libito consumere possit; commodatarius & locatarius ea tantummodo uti, vel fructus illius percipere; depositarius verò nec illa uti, ex ea fructus ullos suos facere licitè possit, ut explicat & probat idem Lessius.

3 Differunt 4. in eo, quod si res mutuo data & tradita pereat, soli mutuatario pereat, cum in dominio eius quoad alios verò contractus,

tractus, in quibus dominium non transfertur, si res aliena apud depositarium vel commodatarium, vel locatarium casu fortuito, & sine vlla eorum culpa pereat, domino suo pereat; nec illis incumbat vlla faciendæ restitutionis obligatio, nisi aliter expressè conuentum sit, vel aliqua alia ratio specialis ad id obliget, vt ex communi legum vsu & Theologorum consensu tradit idem Lessius. Quod si res illa ex aliqua culpa pereat, commodatarius quidem, ob cuius solius vtilitatem res gratuito commodata est, illam tenebitur restituere; si vel leuissima eius culpa perierit vt habetur c. vn. de commodato: locatarius vero, qui rem alterius conduxit pretio, non nisi ex leui; depositarius autem, qui rem alienam gratuito custodit, non nisi ex culpa lata: quia scilicet locatum cedit in commodum locatarij simul & domini: depositum verò solius domini vtilitatem respicit.

Differunt denique in eo, quod ratione mutui præcise vt mutuum est, nihil à mutuuario vltra rem mutuatam aut illius valorem exigere licitum sit: in contractu verò locationis id licitè & iustè fieri possit, vt ex antedictis intelligitur, & plenius ex dicendis constabit.

S. X.

Quid hoc septimo Decalogi præcepto prohibetur.

HOC septimo præcepto prohibetur, non solum quæuis iniusta rei alienæ acceptio & detentio, quæ furti nomine designatur; sed etiam (vt explicat S. Aug. q. 71. in Exo.) quæuis alia iniusta rei alienæ contrectatio, aut damni illatio, & consequenter deliberata quæuis voluntas alterius rem iniuste vsurpandi, vel detinendi, aut damnum illi inferendi; vt enim docet, S. Th. 1. 2. q. 72. a. 7. peccata voluntatis & operis eiusdem sunt speciei; cum hac tamen differentia, quod peccata operis contra hoc septimum præceptum ad restitutionem obligent, non verò peccata solius voluntatis.

Est autem obseruandum, solam illam rei alienæ inuito domino vsurpationem ac detentionem, quæ iniusta est, hoc præcepto prohiberi: quia, vt ex communi Theologorum doctrina obseruat Toletus, lib. 7. cap. 14 varijs ex casibus ablatio rei alienæ inuito domino fieri potest absque vlllo iustitiæ detrimento; v. g. cum sit ex legitima superioris auctoritate, qui ex causa iusta & rationabili, bona vnius in alterum transfert qua ratione Israelitæ non peccauerunt, cum Deo iubente spoliauerunt Ægyptios: item cum sit in vtilitatem domini, vt cum à furioso ensis tubripitur, ne vllum percutiat: dummodo tamen valor & pretium eius in vtilitatem domini conuertantur: qua ratione dicit idem author non committi furtum ab vxore, quæ pecunias clam aufert à marito suo, ne (quod sæpius scit ab illo

fieri) ludis & comestationibus eas profundat: dummodo! tamen in vsum familiæ pecunias illas conuertat: nec etiam peccare illum, qui vinum alterius diffundit, ne inebrietur: nec qui chartas rumpit & lacerat, ne alij ludendo blasphemias proferant, aut alia ratione peccent.

4 Docet etiam idem Toletus non committi furtum ab eo, qui clā aliquid accipit, quod sibi aliās debetur: quando scilicet certo scit illud sibi deberi, nec potest coram Iudice debiti solutionem exigere, quia debitor est potens, aut debitum probare non potest, aut inde sibi aliquid malum timet, si enim via iuridica debiti solutionem obtinere posset, peccaret occultè rapiendo; quamuis ad restitutionem minime teneretur: monet tamen cauendum esse, ne ex illa secreta ablatione, quamuis iusta, scandalum aliquod aut damnum alterius sequatur: putane alij in suspicionem furti veniat: ne ve is à quo accepit, rursus idem debitum soluat: ac denique vt nihil aliud accipiat, præterquam quod ipsi debetur, verbi gratia si pactum de certa sit mercede inter dominum & famulum intercessit, & famulus libere in illud consensit, non potest famulus vltra illam quidquam sibi sumere, nisi forte adigatur ab ipso domino ad alia opera præstanda, de quibus inter eos non conuenerat: tunc enim teneretur dominus soluere vltra pactum, & eo denegante, famulus, quod sibi iuste deberetur, posset accipere.

Sunt autem duæ species iniustæ ablationis rei alienæ: scilicet furtum, cum aliquid secreto ab alio iniuste aufertur: & rapina cum palam & violenter aufertur, qua ratione, vt docet Sanct. Thom. 2. 2. q. 63. a. 4. & 9.) rapinæ peccatum non solum specie differt à furto: sed & illo grauius est, quia præter iniustam rei alienæ ablationem, violentiæ illatæ iniuria etiam in eo reperitur, quæ circumstantia ideo in confessione declaranda est.

3 Cum verò quæuis rei alienæ ablatio & detētio iniusta, sit ex genere suo mortale peccatum, vt docet Sanctus Thomas supra, art. 6. nisi rei furto ablata paruitas excuset; difficultas est inter Theologos quænam quantitas, seu quisnam valor rei ablata sufficiat ad peccatū mortale in materia furti constituendum. Variæ sunt Doctorum super hac re sententiæ: Nauar. c. 17. nu. 4. dimidium regalem (qui ætate illius quinque solidis aut circiter æstimabatur) existimant sufficere ad peccatum mortale in materia furti: Toletus lib. 5. capite 6. vnum regalem aut duos etiam respectu ditissimi: Sotus libro 5. quæstione 3. art. 3. ad 3. vnum vel duos aureos. In re maximè difficili probabilissime loqui videntur illi, qui hanc furti quantitatem viri prudentis & pii arbitrio esse definiendam existimant, idque non solum ex valore aut quantitate rei ablata: sed etiam spectatis circumstantijs tum personæ cui ablata est, tum damni quod iniuste il-

latum

latum est: tum etiam prauæ dispositionis illius qui rem alienam abstulit: ex quo fit vt peccatum mortale committatur interdum rem modici valoris auferendo, si persona cui surripitur inops sit, vt si quis viduæ Euangelicæ Christi Domini ore laudatæ duo illa minuta, quæ in gazophylacio misit, abstulisset, totum illius victum (vt idem Dominus loquitur Matth. 12.) surripuisset: item si quis rem modicam furetur, vnde damnum aliquod notabile sequatur, vt si à sartore acum, à futore subulam, à scriba calamum surripiat, qui eiusmodi instrumenta ad præstanda opera sua plurium dierum spatio reperire non possent: item si quis modicum quid furto acciperet, sed animo & voluntate plura surripiendi: haud dubiè in his & similibus casibus modicus valor & exigua quantitas, ad peccatum mortale furti constituendum sufficere posset. Præterea vix est vllus conscientiæ vtcunque timoratæ, qui si dimidiam vel etiam tertiam partem aurei à quocunque furetur, se peccatum mortale committere non arbitretur. Vnde videtur magis expedire, vt prudens Confessarius in hac furti materia, siue pro restitutione iniungenda siue pro pœnitente suo ab hoc peccato infami deterrendo, rigidiorē potius quàm laxiorē sententiam amplectatur, vt sapienter monet Lessius, c. 12. dub. 8.

Quæres 1. quid censendum sit de eo, qui plura modica furta committit? Respondetur cum distinctione: si enim per modica illa furta intendat conquirere notabilem aliquam quantitatem, peccat mortifere per illam prauam intentionē, & etiam per quoduis exterius furtum licet modicum, quod ex illa intentione fit: si verò absq; tali intentione, sed ex occasione solum res aliquas modicas diuersis vicibus fureretur; licet vnaquaque vice in particulari non peccet, nisi venialiter, ob materiæ leuitatem, vbi tamen res illæ simul iunctæ constituunt quantitatem notabilem ad peccatum mortale sufficientem, tunc si hoc aduertat, resque illas iniuste acceptas velit retinere, aut aliquam aliam, quæ quantitatem illam peccati mortalis compleat, denuo surripere, peccabit mortaliter, vt ex communi Doctorum consensu docet Lessius suprà dub. 8. qui etiam rectè obseruat moraliter loquendo maiorem quantitatem ad peccatum mortale requiri, quando quis valde dissitis temporum interuallis aliquid eidem subtrahit, quàm si breui tempore aut simul accipiat: item, maiorem adhuc quantitatem requiri, quando quis à diuersis modicas res furatur, quàm si ab vno easdem res furetur: eo quod minus illi singuli lædantur: quàm si aliquis solus totum illud damnum sustineret.

§. XI.

Quor modis peccatur contra hoc septimum Decalogi præceptum.

I EX paragraphis præcedentibus satis constat quàm varij sint & multiplices modi, quibus in hoc præceptum divinum peccatur.

Ac in primis peccant contra illud, qui rem alienam furantur, aut iniuste detinent, vel furari aut detinere iniuste volunt, qui debita non solvunt, aut solvere nimis diu differunt, cum possint, præsertim si creditor dilationem illam moleste ferat, aut ex illa incommodum aut damnum aliquod patiat: qui cum violentia rem alienam rapiunt: & qui metu iniuste incusso aut dolo aliquo alterum adigunt, ut contractui oneroso atque damnosso subscribat.

Qui rem aliquam suam, vel sibi debitam, apud alterum furtim surripiunt, quando illam comode alia ratione repetere possunt: præsertim si inde sequatur scandalum aliquod aut damnum alterius, cui licet innocenti furtum illud fortasse imputabitur.

Qui promissionem alteri serio factam, & ab eo acceptatam in re notabili exequi nolunt: qui cum sint alterius hæredes aut testamentarii executores, illius debita aut legata solvere non curant.

Qui damnum aliquod alteri deliberatè inferunt, vel alterius damno cooperantur aliquo ex nouem modis, quos memoriæ iuuandæ causa Doctores duobus his versibus complexi sunt.

Iussio, consilium, consensus, palpo, recursus,

Participans, mutus, non obstand, non manifestans.

1. *Iussione*, filios, seruos, aut alias personas sibi subditas, ad furtum faciendum, aut damnum alteri inferendum compellendo, aut furtum factum aut damnum illatum ratum habendo. 2. *Consilio*, alteri suadendo, vel promissionibus aut precibus illum promouendo. 3. *Consensu*, iniustæ alicui actioni consensum præbendo. 4. *Palpatione* seu adulatione, ac eumentis laudibus alterum ad aliquid contra iustitiam faciendum inducendo. 5. *Recursu*, offerendo vel præbendo refugium ijs qui damnum iniustum alteri intulerunt eorum instrumenta occultando aut furta receptando, & sic peccatū illorum fouendo. 6. *Participatione*, siue in actione furti, rapinæ, &c. siue in præda & lucro inde obuiente. 7. *Silentio* seu omissione correctionis; aut inhibitionis ad furtum aut damnum alterius impediendum necessariæ, si sit superior; vel recti & æqui consilij; si consultor: vel debite vigilantie, & custodiæ si custos existit. 8. *Non obstando* damno quod iniuste inferitur, & id minimè faciendo quo damnum impedire possit,

possit, præsertim si ad id ex officio teneatur 9. *Non manifestando* malefactorem cum ad id tenetur ex officio, siue vt dampnum impediatur antequam fiat, siue vt resarciatur postquam factum est.

3 Peccant etiam contra hoc præceptum, qui rem aliquam emunt, quam sciunt vel dubitant esse furtiuam, vt sibi retineant; secus vero, vt eam vero domino restituant.

Qui res inuentas, cum possint, vero domino non restitunt, vel diligentiam requisitam ad illum dignoscendum adhibere non curant.

Qui emendo aut vendendo dolo vel fraude vtuntur: qui rem aliquam notabiliter pleris vendunt, aut minùs emunt quàm valeat: qui rem defectuosam pro integra vendunt, nec illius defectum occultum emptori patefaciunt, qui in pondere, numero, aut mensura fraudem aliquam committunt: qui monopolium aliquod iniuste faciunt, quando scilicet plures mercatores simul conspirant, vt merces omnes alicuius generis coemant, easque postea vltra iustum pretium pro arbitratu suo vendant.

Qui seruis aut mercenarijs stipendium debitum aut mercedem detinent, aut absque vlla ratione solutionem notabiliter differunt: quod quidem peccatum adhuc grauius est, si ex illa dilatione damnum aut incommodum aliquod notabile illis obueniat.

Peccant etiam qui ad lucrum in ludis vel sponfionibus faciendum fraude vel dolo vtuntur: qui res alienas ludo & aleis exponunt; vel proprias, sed alendæ familiæ necessarias: qui alium minis, conuitijs, fraude aliqua, &c. ad ludum pertrahunt: qui aleis & similibus ludis iure ciuili prohibitis immodicam pecuniæ quantitatem exponunt.

Denique contra hoc septimum præceptum peccant illi, qui ex mutuo vsuras exigunt; quæ, quoniam varijs artibus vtplurimum teguntur & palliantur, idcirco paulò fusiùs de illis agendum est.

§. XII.

Quibus modis usura peccatum committatur.

SUPPONIMVS vsuræ nomen iuxta communem & vsitatam significationem sumi; vel pro lucro vsurario, quod ex mutuo prouenit; vel pro actione qua tale lucrum iniuste acquiritur; seu pro contractu, in quo mutuum datur cum pacto expresso vel tacito, aut saltem cum voluntate accipiendi à mutilatio vltra sortem principalem aliquid pretio æstimabile, tanquam debitum ratione ipsius mutui: vnde S. August. dixit in Psalm. 36. *scenerari esse mutuum*

pecuniam tuam dare ei, à quo aliquid plusquam dedisti, expectes accipere. Ex quo intelligitur usuram tripliciter committi posse, scilicet vel sola voluntate & intentione, vel pacto explicito, vel implicito: unde consurgit usura mentalis, usura formalis, & usura palliata.

2. Est autem certum quasunque usuras, & quouis modo fiant, esse illicitas ac prohibitas. Id constat in primis ex scriptura Psalm. 14. vbi postquam Propheta Regius dixit: *Domine, quis habitabit in tabernaculo tuo?* Respondet; *qui pecuniam suam non dedit ad usuram.* Ezech. 18. vbi Propheta declarans, quis vere iustus dici possit, inter alias conditiones hanc apponit: *si ad usuram non commodauerit, & amplius non acceperit.* Et S. Luc. 6. vbi Christus expressis verbis edixit: *Mutuum date, nihil inde sperantes.* Quæ Christi Domini verba continent non modo consilium, vt scilicet mutuum detur ex mera charitate, & nihil inde ne quidem grauitum speretur; sed etiam præceptum prohibitum ne quid ratione mutui exigatur tanquam ex iniustitia debitum: quo sensu verba illa intellexit Urbanus III. cap. *Consuluit*, extra de usuris, vbi postquam quæstionem hanc sibifactam proposuit: *An ille in iudicio animarum quasi usurarius debeat iudicari, qui non alias mutuo traditurus eo proposito mutuum pecuniam credit, vt licet omni conuentione cessante, plus tamen forte recipiat, &c.* Item an negotiator pœna consimili debeat condemnari, qui merces suas longe maiori pretio distrahit, si ad solutionem faciendam prolixioris temporis dilatio prorogatur, quam si ei in continenti pretium persoluatur. Respondet: *verum quia quid in his casibus tenendum sit, ex Euangelio Luca manifeste cognoscitur, in quo dicitur: date mutuum nihil inde sperantes: huiusmodi homines pro intentione lucri quam habent (cum omnis usura & super abundantia prohibeatur in lege) iudicandi sunt male agere.* Id constat præterea ex capite *Quia in omnibus*, ibidem, in quo prohibitum est ne usurarij manifesti ad communionem altaris admittantur, neue Christianam, si in hoc peccato decesserint, accipiant sepulturam, & Clement. vn. de usuris in Concilio Viennensi decernitur velut hæreticum esse puniendum illum, qui pertinaciter affirmare præsumpserit exercere usuras non esse peccatum.

Id etiam hac ratione probat S. Doct. 2. 2. q. 98. art. 1. quia illicitum est ac iniustum, vt pro eadem re duplex pretiū exigatur, vel vt veda-
tur id, quod non est vendentis, atqui is qui usuras exigit, duplex eiusdem rei pretium exigit: aut vendit id quod non est suum: vel enim usuras accipit pro pecunia quam mutuo dedit, vel pro usu illius pecuniæ: si primum, duplex pretium eiusdem rei accipit, nempe summam sorti principali æqualem, & præterea usuræ scœnus: Si
secun-

secundum, vendit rem non suam: cum enim per mutuum transferatur dominium rei mutuatæ in mutuatarium, consequenter usus est illius, non vero mutuantis.

Ex dictis concludes peccatum vsuræ committi, quotiescunque hæc duo simul concurrunt, verum scilicet mutuum, & pactum vel propositum, seu intentio recipiendi aliquid pretio æstimabile, ultra sortem principalem tanquam ratione mutui debitum. Ex qua regula dignosci possunt varij & multiplices casus, in quibus aliquando vsuræ peccatum incurritur, aliquando vero minime incurritur.

3. Atque in primis sequitur ex illa regula vsuræ peccatum in censibus minime reperiri, cum in illis non sit verum mutuum, sed potius species quædam venditionis, ut explicat Lessius lib. 2. cap. 22. ubi etiam docet & pluribus probat, non tantum census reales, sed etiam personales (qui hodie ubique sunt in usu) esse licitos, nec, (si modò nullus subsit fucus) vsuram vliò pacto redolere: in illis siquidem venditur & emitur non usus pecuniæ, sed ius exigendi quotannis certam pecuniæ quantitatem, cuius pretium iustum vel ex Principis lege, vel ex naturali æquitate dijudicandum est.

Sequitur 2. in Cambijs, si bona fide & seclusa omni simulatione fiant, nullam inesse vsuram: in reali enim & legitimo Cambio non reperitur mutuum verum, sed permutatio pecuniæ pro pecunia, siue fiat localiter, seu ut vulgo dicitur per litteras, quando v.g. datur pecunia Parisijs ut tantundem Romæ reddatur: siue fiat simplex mutatio numismatum diuersæ rationis & speciei, ut aureorum cum argenteis, patriorum cum externis: in ijs enim permutationibus siue ratione translationis & assecurationis pecuniæ, ut in cambijs localibus, siue ratione officij campforis regia aut publica autoritate constituti, ut in cambijs simplicibus, siue ob alias quasdam rationabiles causas quæ in cambijs occurrunt (de quibus fusè Lessius agit c. 23. dub. 2.) lucrum aliquod moderatum licitè accipi potest, quod cum non accipiatur ratione mutui, ad vsuram minime pertinere dignoscitur. Si vero in illis propter solam dilationem solutionis aliquid exigeretur, cambium illud esset vsurarium: tunc autem censeretur in cambio lucrum ob solam dilationem accipi, quando pecunia soluitur cum augmento in eodem loco, in quo accepta fuit, ob fictam illius in alium translationem.

5. Sequitur. 3. neque etiam in ipso mutuo committi vsuram, si non ratione mutui, sed aliqua alia de causa lucrum aliquod ultra sortem accipiatur: duæ autem eiusmodi causæ à Doctoribus præcipuè assignantur. Prima est ratione damni emergentis, ut docet. S. Th. supra art. 1. ad 1. si enim mutuûs damnum aliquod aut incômodû pretio æstimabile in rebus suis patiatur ratione mutui, potest licitè

damni

damni illius compensationem aliquam à mutuuario accipere. Secunda est ratioe lucris cessantis; quamvis enim quidam Doctores id negent: Ioannes Maior tamen, Medina, Caietanus, Lessius, & plures alij, quos citat & sequitur Laymannus lib. 3. de iust. tract. 4. c. 16. supr. id licitum esse docent, dummodò, ut monet Nauarrus c. 11. n. 211. & commentario de usuris num. 43. omnis dolus, & fraus, aut usuræ palliatio absit. Obseruat autem rectè Lessius, ut hæc pactio licita sit, requiri, ut mutuatio sit verè causa lucris cessantis, v.g. si quis mutuet alteri pecuniam, quam habet proximè destinatam negotiationi aut emptioni rei frugiferæ: item ut compensatio lucris illius cessantis non ad æqualitatem: sed ex æquo & bono secundum viri prudentis & pii iudicium fiat, deducta existimatione laborum & expensarum, & etiam periculi, quod lucris illius faciendi causa subeundum fuisset.

Addunt aliqui tertiam causam, ob quam in mutuo ultra sortem aliquid accipi possit, scilicet ratione periculi, cui pecunia mutuata interdum exponitur: ut si quis mutuum det homini decoctori, aut dubiæ fidei, vel à quo non nisi difficulter & cum multis fortasse expensis pecunia mutuò data recipi poterit: docentque periculum illud ac expensarum & difficultatum metum esse quid pretio æstimabile. Ita Syluest. Medina, Corduba, & alij quos citat & sequitur Lessius supr. dub. 13. quorum sententia licet probabilis videatur, contraria tamen, quæ lucrum huiusmodi licitum esse asserit, quamque Nauarrus cap. 23. num. 81. amplectitur, asseritque esse communem Theologorum & Canonistarum, probabilior videtur & in praxi tutior, ea præsertim ratione, quod, quamvis prior illa sententia pluribus rationibus quas affert Lessius, niti videatur; in praxi tamen (quod maximè attendere debent Confessarij) sit periculosa, & usuris facilem aditum præbeat: quis enim in quacumque mutui dandi occasione non deprehendat varias timendi causas, ne pecunia mutuata periclitetur, neve in illius recuperatione difficultates aliquæ subeundæ sint, aut expensæ faciendæ, sicque possit semper obtendere quasdam rationes lucris ultra sortem principalem accipiendi?

Ex eadem regula infertur contraria ratione plurimos contractus esse usurarios, qui prima specie tales esse minimè videntur, quales sunt illi, in quibus ratione mutui exigitur à mutuuario ultra sortem principalem, non quidem pecunia, sed aliquid aliud pretio æstimabile, quodcumque tandem illud sit: verbi gratia, si quis mutuo det pecunias alteri, ut domus eius viliori pretio conducat: ut ab illo munus aliquod vel obsequium à lingua vel à manu accipiat, ut satisfactionem aliquam ex iustitia, ratione iniuriæ debitā ipsi remittat, &c. ista enim & similia sunt pretio æstimabilia, proindeque ratione
mutui

DE VII. DECAL. PRÆCEPTO. 411

mutui accipi aut intendi sine labe vsuræ non possunt : quare diligenter & attentè perpendendum est : quories in mutuo conditio aliqua onerosa mutuuario imponitur : an sit pretio æstimabilis , & an ratione mutui apponatur : quia in eiusmodi appositione vsura deprehenditur.

§. XIII.

Soluuntur quadam dubia circa vsuræ materiam frequentius occurrentia.

P RIMUM est, an liceat dare mutuum ea conditione , vt si mutuarius termino constituto non reddat mutuum , in pœnam dilationis aliquid vltra sortem principalem soluat . Respondetur iuxta sententiam Sylvestri , Medinæ , Nauarri , & aliorum apud Lessium dub. 15. id licitum esse ; dummodo tamen nulla fraus aut intentio vsuraria subfit : aliàs si mutuans lucrum illud principaliter intendat , & terminum aliquem breue mutuuario præscribat , eo solùm fine , vt causam aliquam lucrari ex mutuo captandi prætexere possit , vsuram haud dubiè committit : quod etiam de illo dicendum videtur , qui principaliter intendens ex mutuo lucrum , nullam quidem pœnam conuentionalem apponit , sed cum mutuuario convenit , vt termino aliquo breuissimo , quem illi ad soluendum præscribit , elapso , eum coram iudice pro mutui solutione citet : vt sic à die primæ citationis ad soluendum interesse vt vocant, sententia iudicis pro pecunia mutuata obligetur : in hoc enim casu & alijs similibus committitur vsura mentalis ; cum ipsius mutuantis intentio primo & principaliter in lucrum ex mutuo , sola mutui ratione percipiendum feratur.

Secundum est , vtrum liceat creditori pignus aliquod frugiferum accipere in affecurationem debitorum : & ex illo donec debita soluantur fructus percipere : e. g. fundum aliquem frugiferum , puta hortum , pratum , &c. ex quo fructus aliquos annuatim colligat , donec mutuarius ei debitum restituat . Respondetur posse quidem eiusmodi pignus percipere , seu teneri fructus collectos in sortem principalem sibi debitam computare , vt docet Nauarrus , & alij apud Lessium dub. 19. Ratio est , quia eiusmodi fructus nullo alio quàm mutui titulo sibi retinere potest : atqui , vt iam dictum est , sola mutui ratione lucrum nullum , nullique proinde fructus licite accipi possunt.

Excipitur communiter vnus casus , qui habetur capite *Salubriter*,

briser, de vsuris: vbi Innocentius III. decernit *generum ad fructus possessionum*, quæ sibi à *socero* sunt pro numerata dote *pignori obligata*, in sortem computandos, non esse obligandum: quod æquissimè à Pontifice constitutum est, non ratione mutui, quo socer erga generum obligatur, sed ratione damni emergentis propter onera matrimonij sustinenda, quibus gener titulo promissæ dotis, & tamen nondum solutæ, obstringitur.

Addit etiam Nauarrus c. 17. n. 2 17. si feudatarius debeat aliquid domino directo, eique in pignus tradat feudum; item si Emphyteuta simili ratione oppigneret domino directo rem Emphyteuticam: quod in utroque illo casu dominus directus feudi vel rei Emphyteuticæ potest illius fructus sibi retinere, nec illos in sortem principalem computare tenetur: idque non ratione mutui: sed ne res apud dominum directum existens fructificet alteri: quod rationi consentaneum minimè videtur.

3 Tertium est, utrùm licitum sit inire societatem cum altero, ea conditione, vt saluo capitali, lucrum aliquod certum quotannis accipiat. Vt huic difficultati, quæ hactenus difficillima etiam doctissimis Theologis visa est, lucem aliquam afferamus, supponimus hunc societatis modum tribus cõmuniter contractibus perfici.

Primus contractus est, quo quis præsentem habens pecunias, societatem inquit cum viro industrio: puta cum mercatore, easque illi credit ad lucrum ex illis in negotiando industria laboreque suo comparandum, ea conditione, vt sicut cum illo lucri obuenientis particeps esse intendit, sic etiam damni partem sustineat, si quod in illa negotiatione ferendum sit. Secundus contractus est, quo cum mercatore illo paciscitur aliquam lucri sibi obuenturi partem illi cedendo: vt assecuret sibi summam illam principalem sibi collatam: ita vt quocunque euentu salua illi & integra remaneat. Tertius denique est, quo, ad suspiciones tollendas, & euitandas molestias reddendarum rationum, cum eodem rursus conuenit vt certum aliquod lucrum annuum illi assecuret: minus tamen illo: quod ei verisimiliter ex eiusmodi negotiatione obuenire posset.

4 Cum igitur hi tres contractus seorsim licitè fieri posse videantur: quæritur an etiam coniunctim cum vno eodemque licite possint iniri.

Multi graues & magni nominis Theologi id licite fieri posse asserunt, quorum antesignanus fuit olim Ioannes Maior almæ facultatis Parisiensis Doctor celeberrimus in 4. Sententiarum distinctione 15. quæstione 49. cui postea subscripserunt Gabriel, Syluester, Angelus, Nauarrus, Couarruias, Toletus, & plures alij, quos citat & sequitur Lessius c. 25. dub. 3. & nuperrime Ludouicus Baillius Propœnitentiarius Parisiensis in triplici examine titulo de examine prænitent.

tent. quæstione 70. & Raymundus Bonaldus in cursu Theologiæ moralis auctoritate Illustrissimi Archiepiscopi Tholosani recenter edito tom. 1. tract. 16. lect. 26.

E contra Caietanus, Sotus, & plures alij non minus eruditi Theologi, tres illos contractus coniunctim factos omnino repudiant, & plane vsurarios esse contendunt.

Quamvis in quæstione a deo ancipiti atque perplexa nobis præstaret filere potius quàm eloqui: ne tamen lectorem dubium & incertum relinquamus, tria hic breuiter dicimus.

1. Primum est posse salua fide in vtramque partem super hac quæstione disputari: quod satis constat ex eo quod tot & tam magni nominis Theologi, tam veteres quàm recentiores, quæstionis circa præfatos contractus propositæ partem alij negatiuam, alij affirmatiuam amplectuntur & propugnant, quod proculdubio minimè facerent, si salua fide facere non liceret: neque enim Bulla Sixti V. quæ incipit *Detestabilis auaritia*, tres illos contractus condemnat, pro vt suprà explicati sunt, vt fuse ostendit Lessius suprà. vnde etiam, vt idem author obseruat, post Bullam illam publicatam Toletus & alij Doctores Romæ tres illos contractus licitos esse publicè docuerunt, & scriptis ediderunt: quod haud dubie non fecissent, si id prohibitum fuisset: atque, dum nihil adhuc super quæstione definitum expresse ab Ecclesia fuerit, nullus temerario aut præcipiti zelo condemnandus est: vnde merito Ioânes Gerson lib. de vita spirit. an. lection. 4. Theologos omnes admonet *Ne faciles sint asserere actiones aliquas aut omissiones esse peccata mortalia, præsertim sub verbo vniuersali, & dum prædicandum erit ad populum.* Additque se à litterato quodã & experto viro didicisse, *Perniciosam esse in omni arte vel doctrina assertionem audacem & extremam, maxime vbi observatio communis obnititur, obuiatque; & nunquam quemlibet obliuisci debere, quã incerta sit scientia nostra: ita vt sape idem homo breui momento temporis, nunc in hanc, nunc in oppositam feratur sententiam.* Et subiungit, *fieri quandoque vt per tales assertiones publicas nimis duras & strictas, præsertim in nõ certissimis, nequaquã eruantur homines à luto peccatorum, sed in illud eo profundius quo desperatius immergantur.*

6 Secundum, est præfatum contractum societatis ex tribus alijs suprà explicatis conflatum, quamvis speculatiue loquendo videatur inniti rationibus aliquibus probabilibus: in praxi tamen doctis quibusdam & pijs viris merito videri suspectum. Primo, propter periculum prauæ & vsurariæ intentionis, quæ illi vt plurimum subesse potest: quo tus enim quisque est hodie inter homines, qui in eiusmodi negotiatione hoc primum & solum sincerè coram Deo intendat, scilicet societatem inire cum mercatore, & cum illo de lucro ac damno periclitari: posteaque perspecto eiusdem mercatoris animo

animo, illi potius quam sibi gratum aliquid præstare cupiens, de capitalis sui ac lucri certi assecuratione, abstrahendo semper ab omni vsurario affectu, cum illo paciscatur? quis non videat quam lubrica sint ista, & quam dubius & incertus in eiusmodi angustijs iustitiæ limes, à quo si vel minimum desectas, in horrendum vsurarum, fraudum, & cuiusvis iniustitiæ barathrum delabaris? Deinde quis non perspiciat eiusmodi societatis contractum omnibus alijs contractibus vsurarij aditum, non modo patrefacere, sed etiam præmunire? quamvis enim non iam mercatori aut industrio viro, sed pauperi & egestate laboranti pecunia mutuo detur: nullus est, qui si ex illo mutuo lucrum, id est vsuram accipere velit, obtendere non possit causam lucri cessantis, ac dicere se ad contractum dictæ societatis cum alio mercatore ineundum semper paratum esse.

Tertium denique est, quod quamvis ob rationes allatas longe tutius sit, ab his & similibus lucris, & negotiationibus, quæ vsuram vtcunque redolent, abstinere: si tamen aliquis bona fide, & virorum aliquorum piorum & doctorum consilio fultus, præfatos contractus aut alios similes ineat: non ideo præcepti iudicio damnandus, aut à tribunali pœnitentiæ arcendus est: sed aliquando consultissimum erit, si aliud ei suaderi non possit, illum in bona fide relinquere: ac dummodo dispositiones aliæ necessariæ non desint, illi beneficium absolutionis impertiri, præsertim in ijs casibus, in quibus sine scandalo aut salutis periculo denegari non potest.

§. XIV.

De restitutione ob violationem huius septimi præcepti faciendâ.

RESTITUTIONIS nomine intelligitur actus iustitiæ commutativæ, quo res alterius, quæ iuste retineri non potest, eidem restituitur, vel damnum iniuste illatum compensatur. Hanc autem ad salutem esse necessariam constat ex S. Doctore, & communi Theologorum omnium consensu, quibus suffragatur Sanctus Augustinus Epist. 54. ad Macedonium, ubi sic loquitur: *Si res aliena, propter quam peccatum est, reddi possit, & non reddatur: pœnitentia non agitur, sed simulatur: si autem veraciter agitur, non remittitur peccatum, nisi restituatur ablatum, si (ut dictum est) restitui possit.*

Est autem restitutio ita necessaria, ut non modo non possit absolui, quia alienum iniuste retinet, nec illud vult restituere: sed etiam

etiam (vt rectè docet & probat Lessius lib. 5. dub. 1.) continèe actu peccet toto eo tempore, quo non restituit, si id possit, non quidem addendo nouum peccatum, sed idem iniustitiæ peccatum continuando, quod ea ratione singulis momentis crescit, tum ratione diuturnioris durationis, tum etiam ratione maioris nocumenti, quod per illam iniustam rei alienæ detentionem diutius continuatam eius domino infert: vnde Confessarius non modo non debet absoluerè illum qui restituere non vult cum tenetur & potest, sed etiam illum qui restituere neglexit, quando commodè potuit, nisi prius actu restituat, aut ita seriò id promittat, vt Confessarius verbis illius fidem meritò adhibere possit; aliàs cum in statu peccati remaneat, incapax est absolutionis.

Ex varijs autem & multis, quæ circa restitutionis materiam disputari à Theologis solent, nos præcipua & scitu maxime necessaria selegimus, maiorisque facilitatis gratia propositis aliquot quæstionculis, explicabimus.

QVÆSTIUNCULA I.

Quisnam restituere teneatur.

1 **A**D restitutionem faciendam obligatur primo is, qui iniuste rem alienam accepit, vel qui iniuste alteri damnum intulit, idque non modo cum per se, sed etiam cum per alios, siue directe, siue indirectè id præstitit: quod S. Thomas qu. 62. art. 6. & 7. docet posse fieri nouem modis supra §. xi. citatis.

Circa quos rectè obseruat Valentia dis. 5. qu. 6. de restitut. pun. 3. duo requiri ad restitutionis obligationem inducendam. 1. vt effectu ipso res aliena fuerit iniuste ablata, aut damnum iniuste illatum. 2. Vt quis causam iniustæ illius ablationis aut damnificationis verè dederit, siue directe iussione, consilio, consensu, adulatione, recursu, participatione alium ad id ita inducendo, vt re ipsa propter huiusmodi iussione, consilium, &c. res aliena fuerit iniuste ablata, aut damnum illatum, siue indirectè non obstando ac impediendo, quando scilicet ad id ex officio & iustitia tenebatur, vt docet S. Thom. supr. art. 7. ad 3.

Quod si plures simul concurrant ad vnā & eandem iniustam actionem, vt ad spoliandam vel incendendam domum, tunc quilibet illorum tenetur in solidum ad totius damni compensationem, quia (vt ex Caiet. & alijs adnotat Valentia) quilibet tunc est causa totius damni, quamuis non solus: qui enim vnā cum alio aliquid efficit, vere illud efficere censetur.

Quod si vnus illorum damnum illatum resarciret, non amplius obligat-

416 DE VII. DECAL. PRÆCEPTO.

obligarentur alij ad restitutionem erga illum qui damnum passus est, sed unusquisque teneretur refundere pro rata sua parte ei, qui totum damnum compensavit, ut docet S. Thomas suprà ad 2.

Obligatur 2. ad restitutionem is, qui rem iniuste acceptam, apud se habet, siue bona fide, siue mala illam habeat: e. g. si quis equum furto ablatum emat à fure, sciens eiusmodi equum esse furtivum, dicitur mala fide possidere; si autem nesciat esse furtivum, nec eius venditorem esse furem, tunc bona fide possidere dicitur & utrius modo possideat, tenetur semper illum vero domino restituere, cum hac tamen differentia, quod malæ fidei possessor, quomodocumque pereat res illa, quam mala fide possidet, teneatur non solum eam vero domino restituere, sed etiam omne damnum, quod ex mora restitutionis sequitur, compensare: at verò possessor bonæ fidei tenetur tantum ad restitutionem rei, si adhuc illam habeat, quando alterius esse deprehendit: non verò si stante bona fide res illa perijt, aut in eius potestate esse desijt: & ad ea solummodò restituenda, in quibus factus est ditior: id est ad ea quæ habet ultra id quod habiturus fuisset, si rem illam non habuisset.

Quod si postquam deprehendit rem, quam bona fide possidet, esse alienam, illam vero domino restituere negligat: tunc si res pereat, tenetur ad restitutionem, sicut de malæ fidei possessore dictum est, eo quod amplius eam bona fide non possideat. Ita Toletus lib. 5. capite 17.

Præterea qui bona fide rem alienam possidet, potest illam præscribere, id est si toto tempore ad præscriptionem à iure præfinito bona fide illam possideat: amplius illam restituere non tenebitur: at verò malæ fidei possessor nullo tempore præscribere potest, ut docet idem Toletus, & ex antè dictis constat.

Obligatur denique ad restitutionem is, qui rem alienam apud se iusto quidem titulo habet, sed quam iuste contra domini voluntatem diutius retinere non potest: & hac ratione, quicumque habet apud se rem commodatam, locatam, vel depositam, elapso tempore præfixo, illam invito domino retinere non potest; sed illi tenetur restituere, ut ex communi Theologorum sententia docet Toletus suprà. similiter qui mutuum accepit, termino constituto, illud soluere tenetur; aliàs invito domino re illius detinere, si restituere possit, est illicitum: unde qui sine vlla ratione diuturnas trahunt moras in soluendis debitis, aut in reddendis rebus alienis, quas apud se habent, haud dubiè contra iustitiam peccant; præsertim si illi, ad quos pertinent, dilationem solutionis aut restitutionis invito ferant, aut ex illa damnum patiantur.

QVÆSTIVNCVLA II.

Cui sit restituendum.

SANCTVS Doctor supr. art. 5. dicit restitutionem illi ipsi faciendam esse, à quo res accepta est, vel cui damnum illatum est: quod si ille mortuus sit, eius hæredibus: quod si rei illius dominus, aut eius hæredes ignoti sint, nec lapsu temporis possint deprehendi, tunc Christo Domino (*quem*, vt ait Apostolus Heb. 1. *Deus constituit heredem vniuersorum*) in membris suis, id est, pauperibus secundum mentem S. Doctoris debet fieri restitutio: & si is, qui ad illam tenetur pauper sit, poterit de consilio pastoris aut Confessarij partem rei restituendæ, vel etiam totam illam sibi applicare, vel ex eiusdem consilio erogare Ecclesijs, alijsque pijs locis, vt ex communi Theologorum doctrina docet Nauarrus cap. 17. num. 93.

2 Dubitant autem Theologi vtrum, qui rem emit à fure, teneatur eam vero domino restituere, etiam cum dispendio pretij quo illam emit: & vtrum licitum sit illi ad recuperandum pretium datum, illam furi restituere. Nauarrus suprâ respondet cum distinctione, asseritque illum, qui bona fide rem eiusmodi emit à fure, posse illi reddere, vt pretium suum recuperet illum verò qui mala fide, id non posse, sed ad restituendum vero domino teneri. Verùm Alexander Alensis, Syluester, quos citat & sequitur Toletus suprâ, probabilius existimant vtrique id licitum esse, si fiat, non ex animo verum dominum re sua fraudandi, sed pretium à se datum recuperandi,

QVÆSTIVNCVLA III.

Quid, quando, & quo ordine sit restituendum.

DOCE T Sanctus Thomas quæst. 63. art. 2. id quod iniuste ablatum est, necessariò esse restituendum, id est rem eandem quæ alterius est, & inuito illo iuste retineri non potest, ipsi esse reddendam: nec satisfaceret is, qui solùm illius valorem daret, vt obseruat Toletus suprâ cap. 22. nisi in tribus casibus. Primus est cum res deperdita est, vel non est amplius in potestate illius qui restituere tenetur: tunc enim sufficit rei valorem reddere. Secundus est, cum res accepta deterior facta est: tunc enim vel illius valor reddendus est: aut illius defectus, vel diminutio, supplenda, prout dominus elegerit, possessor tamen bonæ fidei, sicut de amissione quam bona fide possidet, sic etiam de illius imminutione aut in deterius

Pars II. Dd commu-

418 DE VII. DECAL. PRÆCEPTO.

commutatione respondere non tenetur. Tertius casus est, si ex eiusdem rei restitutione fama restituentis periclitaretur, aut aliquod notabile damnum ipsi timeretur; tunc enim sufficit illius valorem reddere.

Qui autem iniuste damnum aliquod intulit, tenetur illud compensare secundum æstimationem viri prudentis: unde qui animal aliquod in tenera ætate occidit, vel nouellas arborum plantationes eradicauit, tenetur restituere, non quantum res illæ in perfecta ætate valituræ forent, sed quantum illarum damnum à viris prudentibus hic & nunc æstimabitur.

Quod spectat ad tempus, docet idem Sanctus Thomas restitutionem rei alienæ, quæ iniuste ablata est, aut mala fide possidetur, statim, si possibile sit, esse faciendam: & recte obseruat Toletus supra cap. 24. vniuersim loquendo, cuiuscunque rei alienæ, quocunque titulo apud alterum sit, restitutionem, ubi primum commodè fieri potest, esse faciendam: quando illius dominus est rationabiliter inuitus, nec vllam vult ferre dilationem: aliàs si inuito domino retineatur, contra hoc præceptum peccabitur.

Excipe tamen, si restitutio nonnisi cum summa difficultate aut notabili restituentis detrimento fieri possit: tunc enim, vt docet Toletus supra, si is, cui facienda est, nullum detrimentum patitur: per aliquod tempus poterit differri: item si is, cui restitutio facienda est, expresse vel tacite in illius dilationem consentiat, vel eam non multum ægrè ferat, secùs verò si repetat debitum urgeatque debitorem; vel quamuis urgere illum præ aliquo illius metu non audeat, sciat tamen debitor illum inuito animo ferre hanc dilationem, tunc haud dubiè peccabit si debitum non restituat cum possit: in quo aliqui interdum grauiter contra iustitiam peccant, qui notabilem aliquam summam operarijs artificibus, aut mercatoribus debentes, per diuturnum aliquod tempus soluere debita non curant, quamuis commodè possint: multasque alias inutiles ac superfluas expensas, & aliquando etiam eleemosynas, ac largitiones pias ac inordinatas, neglectis creditoribus faciunt.

3 Quod spectat denique ad restitutionis ordinem, si debitor habeat in bonis tantum, quantum satis est ad hoc vt creditoribus omnibus satisfaciatur, nullus certus ordo in restitutione necessarius est; dummodo prout tenetur, omnibus satisfaciatur: quod si bona eius minimè sufficiant, communis Theologorum sententia est, debita certa prius soluenda esse quàm incerta, & ex debitis certis prius reddenda esse illa quæ extant, quorum dominium mansit penes creditorem, vt deposita, commodata, locata, &c. ex debitis autem certis quæ non extant, prius soluenda illa esse, quæ priuilegiata vocantur, vt dos vxoris, &c. exinde illa quæ sunt antiquiora, nam

(vt

DE VII. DECAL. PRÆCEPTO. 419.

(vt habet regula iuris) *qui prior est tempore , potior est iure* : quæ tamen regula exceptionem aliquam recipere potest , vt si creditorum aliquis grauem necessitatem patiatur , tunc enim charitatis ordo videtur postulare , vt illi prius quàm alijs solutio debiti fiat : quæ omnia subius explicata , & probata apud Gregorium à Valentia disp. 5. quæst. 6. de rest. part. 10. videri possunt .

QVÆSTIVNCVLA IV.

Quanam causa à restitutione excuset .

P RIMA est , creditoris remissio , ac debiti condonatio , quæ tamen vt validè excuset , debet esse omnino libera , neque fraude vel metu extorta . Ita Lessius lib. 2. cap. 16. dub. 2.

Secunda est cessio bonorum , quæ tamen , vt rectè monet Nauarrus cap. 17. dub. 86. non excusat in foro conscientie , nisi ratione necessitatis : imò non magis excusat , quàm ipsa necessitas sine cessione excusaret : vnde si is qui bonis cessit , ad pinguiorem postea fortunam redeat , tenebitur integrè debitoribus satisfacere .

Tertia est inopia seu necessitas ; cum scilicet quis , aut nullo modo habet vnde restituat ; aut si aliquid habet quod restituat , eo tamen indiget ad subleuandam suam necessitatem vel extremam (de qua omnes conueniunt) vel etiam grauem : ita vt , si restituat , status sui decentiam nulla ratione conseruare possit : dummodo tamen status ille sit honestè & iustè acquisitus , & creditor æquè graui necessitate vrgeatur . Ita S. Antoninus , Nauarrus , Sotus , & plures alii apud Valentiam supra pun. 7. Quod si vtriusque necessitas esset extrema , posset debitor sibi potius quam creditori consulere , vt iidem Doctores sentiunt ; in extrema enim necessitate qualiscumque res desinit esse alicuius propria , sed sit communis .

Quarta denique causa excusans à restitutione est damnum graue , quod debitor in rebus propriis incurreret , vt in vita , libertate , fama , vel distractione possessionum suarum vili pretio facienda : dummodo tamen creditor simile damnum non patiatur . Ita præfati authores , qui rectè obseruant in proposito subiecto non esse reputandum magnū damnum , quod quis multum debens carebit magna pecunie summa si debitum reddat ; magno lucro , quod ex ea pecunia posset acquirere , neque etiam cuiuscunque famæ iacturam excusare à restitutione , sed tantummodò illius , quæ viri prudentis ac pii iudicio , consideratis omnibus circumstantiis pluri æstimanda censetur , quam commodum quod ipsa restitutio afferret creditori .

SECTIO VIII.

Explicatur octauum Decalogi præceptum.

Non loqueris contra proximum tuum falsum testimonium.

HOC præcepto prohibetur non solum iniustitia, quæ per falsum testimonium, aut alia quavis ratione in iudicialibus actibus contra proximum committitur, sed etiam ea quæ extra iudiciales actus per detractionem, contumeliam, iudicium temerarium eidem proximo irrogatur, ut explicant illud Nauar. cap. 18. nu. 1. Bonacina in præf. disp. 10. de hoc Decalogi præcepto, & plures alij Theologi: quæ quidem iniustitia, quoniam ut plurimum cum mendacio solet coniungi, idcirco primum de illo agemus; tum de iustitia, quæ in actibus iudicialibus tam ex parte iudicis quam accusatoris, testis & rei committi potest; ac demum de alijs iniurijs, quæ extra iudicium proximo per detractiones, contumelias, & iudicia temeraria inferuntur.

§. I.

De Mendacio.

MENDACIUM (ut docet S. August. lib. 1. contra mendacium cap. 42.) est *Enunciatio falsa cum voluntate ad fallendum prolata*: & cap. 22. Enchiridij, dicit quod *ille mentitur qui contra id quod animo sentit, loquitur voluntate fallendi*. Unde secundum eius mentem duo ad rationem mendacij requiruntur, scilicet voluntas fallendi, seu falsum enunciandi, & locutio, seu enunciatio vel significatio aliqua exterior, mentis iudicio contraria.

Fuit autem sententia quorundam antiquorum (ut videre est apud Cassian. Coll. 17. cap. 8) mendacium aliquando non modo licitum, sed etiam necessarium esse; Illoque *utendum esse tanquam el-leboro quod sumitur imminente aliquo exitiali morbo*. Verum hæc sententia tanquam erronea & sacre scripturæ contraria refutata est à S. Aug. lib. 1. contra mendacium c. 5. & seq. & ab Innocentio III. c. Superior, de usura; ubi dicit *Scripturam sacram prohibere, ne quis etiam pro alterius vita seruanda mentiatur*.

Ex quo sequitur omne mendacium esse intrinsece malum, ac proinde peccatum, quando formalis ratio mendacij in eo reperitur. Duplex est enim falsitas (ut recte obseruat Sanct. Doctor 2. 2. q.

DE VIII. DECAL. PRÆCEPTO. 421

110.art. 5.) alia materialis solummodo, quam dicit esse *præter intentionem loquentis* : quando scilicet aliquis falsum dicit, putans esse verum, qui (vt ait Sanctus Augustinus c. 18. Enchir.) *iudicandus non est mentiri, quoniam quantum in ipso est, non fallit ille, sed fallitur.* Alia verò formalis, quando quis ex intentione fallendi, aliquid tanquam verum asseuerat, quod existimat esse falsum, siue id reuera falsum sit, siue contra eius opinionem verum existat: quia, vt dicit S. Doctor, quidquid sit de re illa quam asseuerat, etiam si de facto vera sit, *Actus eius, in quantum est voluntarius & moralis, habet per se falsitatem, & per accidens veritatem.* Docet autem idem S. Th. mendacium esse aliquando mortale peccatum, aliquando verò veniale: mortale quidem, quando charitati aduersatur, quod dupliciter contingere potest; vno modo secundum se quando ex falsa significatione, graue aliquod præiudicium in diuinum honorem deriuatur, vel graue aliquod nocumentum proximo infertur, alio modo secundum finem intentum, quando scilicet in aliquem prauum finem dirigitur, v.g. si quis mentiatur, vt proximi famam grauius lædat, vel vt notabile aliquod damnum eius fortunis inferat: & utroque isto modo dicitur mendacium perniciosum.

Veniale autem, quando ex ratione sui, aut finis intenti neque Dei, neque proximi charitati contrariatur; quod S. Doctor supra, contingere ait dupliciter: scilicet in mendacio iocoso, in quo leuis aliqua delectatio intenditur; & in mendacio officioso, in quo vtilitas aliqua proximi spectatur: quod etiam docuit supr. S. Aug. his verbis: *Duo sunt genera mendaciorum, quibus non est magna culpa; sed tamen non sunt sine culpa, cum aut iocamur, aut proximo consulendo mentimur.*

Monet tamen rectè supra S. Doctor mendacium eiusmodi iocosum vel officiosum, licet ex se non sit nisi veniale, posse per accidens fieri mortale, ratione scandali quod causare potest; vt si quis vir Deo sacer coram alijs mendacium iocosum tale proferat, ex quo aliqui desumant grauis alicuius scandali occasionem.

§. II.

De ijs qua ad processum iudicalem spectant, ac primò de Iudice.

2 **Q**UATVOR sunt præcipuæ conditiones ad hoc requisitæ, vt quis officio Iudicis ritè fungatur, de quibus agit Sanctus Doctor quæstione 67. art. 1. & sequent.

Prima est vt habeat legitimam iudicandi potestatem, quæ quadruplex est, vt obseruat Toletus lib. 5. cap. 56. vna ordinaria quæ ipsi competit ratione officij: altera delegata, quæ est ex cõmissione ordi-

narij: tertia arbitraria, qualis est eius qui ex consensu partium in Iudicem eligitur: quarta denique accessoria, quam quis habet in eum, quilibet sibi subditus non sit, delictum tamen commisit intra limites suæ iurisdictionis. Qui autem absque potestate legitima se in officium iudicis ingerit, mortalis peccati reatum incurrit; & obligatur ad restitutionem damni, si quod ex illius illegitimæ potestatis usu sequatur, ut docet Toletus ibid.

Secunda conditio est, ut iudicet secundum veritatem quæ ut declarat Sanct. Doctor suprâ) innotescit illi, tam in generali per leges diuinas ac humanas, quas idcirco optimè callere debet, ne si earum laboret ignorantia (quæ in illo nullatenus excusari potest) aliquid decernat ipsis legibus contrarium, ac proinde iniquum: quam in particulari per instrumenta, testes, aliaque similia documenta, quæ (ut monet ibidem S. Doctor) sequi magis in iudicando debet, quam id quod ipse tanquam priuata persona nouit: ex quo tamen iuari potest ad probationes inductas accuratiùs discutiendas; ut possit earum defectum inuelligare.

2. Est autem controuersum inter Theologos, an iudex teneatur secundum allegata & probata ferre sententiam; ita ut condemnare debeat illum, quem ex priuata scientia certo scit esse innocentem? Variæ sunt super hac re illorum sententiæ, alij siquidem existimant nunquam licere Iudici, ne in causis quidem ciuilibus contra veritatem sibi etiam prius priuatim notam iudicare: alij ad solas criminales causas id restringunt: alij verò è contra in omnibus tam ciuilibus quam criminalibus Iudicem probationes publicas sequi debere asserunt: quorum sententia cæteris probabilior eo præsertim nomine censeri debet, quod illi S. Doctor apertè subscribit sub art. 2. & post illum plurimi alij magni nominis Theologi, quos citat & sequitur Valentia disp. 5. q. 11. de iud. punct. 2. quibus accedit auctoritas S. Ambrosij, qui super illa Psalm. 118. verba: *Miserationes tuæ multa nimis*, sic loquitur: *Bonus Iudex nihil ex arbitrio suo facit, sed iuxta leges & iura pronunciat: statutis iuris obtemperat: non indulget propriæ voluntati, nihil paratum & meditaturn domo refert: sed sicut audit, ita iudicat.*

Quid igitur, dicit aliquis, faciet iudex in eo casu, in quo certo scit innocentem aliquem falsò accusari, & falsis testimonijs ac probationibus de crimine aliquo conuinci? Respondetur in tali casu Iudicem teneri ad faciendum quidquid potest citra populi scandalum, ut sententia contra innocentem non feratur, verbi gratia impediendo accusationem, protrahendo iudicium, aperiendo carceres, testes ipsos per varia interualla pluries interrogando, abijisque separatim circumstantias loci, temporis, personarum strictius inquirendo, ut ex illa inquisitione testimonium illorum falsitatis conuincere possit.

possit. Quod si hæc & similia ad innocentis iustificationem nihil proficiant, sicut non potest ipsum innocentem absolueret, quandiu is secundum publicas probationes nocens apparet, sicut etiam illum, quantumvis probationibus illis convictum morti adiudicare aut condemnare nunquam debet, si eius innocentiam priuatim perspectam habeat: quare vel causam remittere debet ad iudicem superiorem, si ipse sit inferior; ac deposita Iudicis persona, officium testis assumere apud illum, si hac ratione putet innocentem posse liberari: vel quavis alia ratione ab hoc iudicio abstinere, imò etiam potius officium iudicis dimittere, quam innocentis condemnationi subscribere: cum vitam innocenti adimere sit intrinsecè malum, quod proinde nunquam facere licitum est. Ita Panormitanus, Hostiensis, & plures alij, quos citat & sequitur Lessius capite 29. dub. 10.

3 Tertia conditio est, ut in iudicando formam à iure & legibus præscriptam seruet, ac in civilibus quidem causis procedere non solet nisi postulatus: quin & tunc operam dare debet, ut si fieri possit, partes ad concordiam reuocentur, quæ ratione l. *quidam* ff. de rebus creditis dicitur quod *Ad officium Iudicis pertinet lites determinare.*

In criminalibus autem causis duobus modis procedere potest, vel ad petitionem partis, seu instantiam accusatoris, ut paragraph. sequent. dicitur; vel deficiente accusatore, per viam inquisitionis. Quamvis autem (ut ex communi Theologorum sententia docet Lessius sup. dub. 13.) ad inquisitionem generalem faciendam nulla requiratur præcedens personæ vel delicti infamia, cum in iure præcipiatur Ecclesiasticis, Prælatis & Superioribus, ut suo tempore faciant visitationes & inquisitiones generales, ut habetur ex capite *Perniciosæ*. 2. de officio Iudicis, ad inquirendum tamen contra aliquem particularem requiritur ut illius infamia aliqua præcesserit, ut habetur ex cap. *Inquisitioni*, & capite *qualiter* 3. de accusatione, hæc enim infamia (ut ait S. Doctor sup. art. 3. ad 2.) accusatoris vicem supplet.

4 Observat autem Laymannus lib. 3. de iustit. tract. 6. c. 2. præter infamiam, alia interdum suppetere posse indicia, ex quibus Iudices præsertim sæculares, boni publici causa moveri solent ad inquirendum, & procedendum contra criminosos, ne, si crimina remaneant impunita, maiorem alijs similia patrandi audaciam tribuant: quod quidem licitum esse docet Lessius sup. dub. 15. si circumspiciatur & secundum leges aut consuetudines receptas in furtis, homicidijs, alijsque criminibus reipublicæ perniciosissimum id fiat.

Hæc autem indicia ex una parte tantum maiora requiruntur ad inquirendum de persona aliqua, quanto insigniori dignitate præfulget, ut constat ex canone 2. quæst. 5. & ex cap. *qualiter* & *quomodo*.

do. 2. de accusationibus: ex altera verò parte tanto leuiora plerumque sufficiunt, quanto perniciosius crimen est, de quo Iudex debet inquirere; quale est proditio, hæresis, latrocinium publicum, &c. quæ fusiùs explicata videri possunt apud eundem Laymannum supra.

Quarta denique conditio est, vt in exequenda sententia à se iuste lata, firmus sit & constans: nec vllò fauore, timore, aut respectu humano se flecti sinat: vnde Eccl. 7. dicitur: *Noli querere fieri Iudex, nisi valeas virtute irrumpere iniquitates, ne forte extimeas faciem potentis.*

§ Quæret aliquis, num Iudex pœnam à iure decretam licite relaxare possit. Respondetur 1. nunquam id licitum esse si sit contra publicam vtilitatem, vt docet S. Thomas sup. art. 4. vnde Deut. 13. dicitur de illo qui seducit alios & ad idololatriam inducit: *Non parcat illi oculus tuus, vt miserearis & occultes eum; sed statim interficias.* Respondetur 2. ex eodem S. Doctore hanc esse differentiam inter Iudices inferiores & supremum Iudicem seu Principem, cui plenariè potestas publica commissa est; quod inferior semper teneatur sententiam ferre secundum iura, illamque exequi, non modo cum is, qui damnum passus est, id postulat, sed etiam quamvis à tali postulatione desistat, sibi que satisfactum esse dicat, licet viam appellationis denegare non debeat, nisi in casibus à iure expressis. Supremus autem Iudex seu Princeps, si is qui passus est iniuriam, velit eam remittere: poterit reum eximere à pœna, si hoc publicæ vtilitati conducere, aut saltem minimè nocere perspexerit: quòd si læsus nolit iniuriam remittere, poterit nihilominus Princeps, satisfactione debita erga ipsum læsum iniuncta, pœnam à iure decretam relaxare, vel in aliam leuiorem commutare; quod tamen non nisi rarissimè facere debet, & ob causas tales, quæ illum apud summum omnium Iudicem Deum, ab omni culpa immunem reddere possint.

§. III.

De accusatore.

VO præsertim quæri possunt: primum est, quis accusare teneatur: secundum, quomodo in accusatione se gerere debeat.

Quod spectat ad primum, obseruandum est ex communi Doctorum consensu duplicem esse viam iure expressam (vt habetur ex c. *super his* extra de accusationibus) qua crimen aliquod ad publicam potestatem deferri potest, denunciationis scilicet, & accusationis, quæ in eo differunt, quòd accusatori incumbat onus probandi criminis

criminis non item denunciatori, sed solum aperiendi iudicia, quibus iudex ex officio moueri posset ad vltiorem inquisitionem. Rursus denūciatio dupliciter fieri potest, vel charitatiuè, cum quis admonitione priuata præmissa, nec secuta proximi emendatione, peccatum eius defert ad Superiorem tanquam ad patrem, vt efficacius remedium adhibeat, iuxta illud Christi Domini S. Matt. 16. *Sic te non audieris, dic Ecclesia*: vel iuridicialiter, cum quis ad vindictam & punitionem criminum ob bonum publicum denunciat illa Superiori tanquam Iudici.

2. Hac obseruatione præmissa, docet Sanct. Thomaseum, qui crimen aliquod reipublicæ maximè perniciosum, qualis est hæresis, proditiōis, falsæ monetæ, &c. certò cognoscit, ac probare potest, teneri ad criminofum accusandum, aut saltem iudicialiter denunciandum.

Quod si tale crimen iam emendatum sit, isque qui illud perpetravit, de eo pœnituit, & ad meliorem frugem se recipit, tunc nullam amplius remanere accusandi, aut denunciandi obligationem docet Toletus lib. 5. c. 57. nisi forte quis de illo iuridicè interrogetur: tunc enim verum respondere tenebitur.

In alijs autem criminibus, quæ non vergunt in detrimentum reipublicæ, nulla est obligatio instituendæ accusationis aut iudicialis denunciationis; sed tantum fraternæ correctionis, vt ex S. Doctore probat Valentia disp. 1. q. 12. de accus. pun. 1.

Excipit tamen Toletus suprà, crimen illud, ex quo graue nocuumtum personæ alicui immineret, vt si quis sciret alteri parari insidias, in quibus eius vita periclitaretur: tunc enim, si via correctionis fraternæ id impedire non potest, denunciare debet Iudici, aut admonere illum, in quem struuntur insidiæ, vt sibi caueat, non tamen illi aperire, quis sit ille à quo sibi cauere debet: ne aperiendo, contra charitatem peccet. Rectè etiam idem Toletus monet, Clericos in causis criminalibus, ob quas mors aut mutilatio infligi potest non posse accusatoris partes suscipere; sed tantum denunciare iuridicè, præmissa tamen protestatione quod illius, cuius crimen ab ipsis defertur, neque mortem, neque mutilationem intendant.

3. Quod spectat ad modum, quo accusatio vel denunciatio fieri debet, vt neque contra iustitiam, neque contra charitatem peccetur; docet S. Thomas art. 3. accusationem seu denunciationem ex omni parte debere esse iustam, ita vt nullus in ea calumniæ, præuagationi, aut tergiversationi locus sit: requiri præterea vt ex intentione iusta & recta procedat, non verò odio, ira, aut alio simili prauo affectu.

Quamuis autem nullus ex iustitia teneatur præmittere secretam & fraternam correctionem ante accusationem aut denunciationem: tene-

tenetur tamen ex charitate, si delictum sit occultum, sitque spes aliqua reum eiusmodi correctione fraterna esse emendandum, & ad debitam satisfactionem inducendum: si tamen nulla sit eiusmodi spes, nec profutura censeatur admonitio; tunc ad illam præmittendam nulla est obligatio: imò quando crimen est contra bonum publicum, vrgetque illius periculum; tunc sine vlla mora publicæ potestati denunciandum est. Ita Lessius c. 30. dub. 2. Toletus lib. 5. c. 57. Bonacina disp. 10. quæst. 3. pun. 1. & alij communiter.

4. Obseruat tamen Lessius c. 29. dub. 13. quando crimen occultum est, nec vlllo modo probari potest: tunc fore contra iustitiam illud per viam accusationis aut denunciationis iudicialis aperire: cum enim probari non possit non potest quoque puniri, proindeque ex eius manifestatione nihil aliud quàm alterius infamia sequi potest. Excipit tamen duos casus, in quibus licitum est patefacere Superiori crimen occultum alterius, quamuis probari non possit. Primus est, quando id conducere existimatur ad emédationem illius qui crimen eiusmodi commisit; tunc Superiori, non quidem vt Iudici, sed vt patri manifestare potest, præmissa tamen admonitione fraterna, vt supra dictum est: Alter est quandò ex occulto illo crimine graue aliquod malum spirituale vel temporale imminet, quod nonnisi Superioris potentia vel autoritate auerti potest.

§. I V.

De Testibus.

1. **C**ERTVM est testem interrogatum à Iudice secundùm ordinem iuris suprà explicatum §. 2. obligari ad ferendum testimonium, & ad declarandum crimen, quod ab altero commissum esse cognoscit. Ita Sanct. Doctor quæst. 70. art. 1. & cum illo communiter omnes.

Excipiuntur tamen aliqui casus. Primus est, si quis crimen ex sola confessione Sacramentali cognoscat: tunc enim nullatenus illud vnquam declarare debet; vt expressè docet S. Th. resp. ad 1. & satis constat ex illis, quæ in tractatu præcedenti c. 5. dicta sunt.

Secundus est, quando in causis criminalibus, in quibus mortis vel mutilationis sententia infligenda censetur, testimonium ferendum est; ad illud enim clerici non tenentur; imò nec testimonium in eiusmodi causis ferre debent, vt docet S. Th. sup. ad 3.

Tertius est, si crimen suum quis alteri sub secreto declarauit, consilij vel auxilij petendi causa, ad salutem propriam spiritualement aut corporalem, vt fieri solet Medico, Aduocato, obstetrici, &c. tunc enim nullus arcanum suæ fidei commissum declarare tenetur; nisi fortè

fortè criminis illius testificatio necessaria sit, ad aliquod graue damnum publicum vel priuatum auertendum: tunc enim promissio secreti, etiam iuramento confirmata, non obligat, cum nullum iuramentum promissorium cedens in damnum iniustum alterius obliget: proindeque is, qui crimen eiusmodi nouit, tenetur illud interroganti iudici patefacere. Ita S. Doctor in resp. ad 2. & post illum Lessius sup. cap. 3. dub. 6.

Quartus est, si quando Iudex procedit per viam inquisitionis generalis ad cognoscenda & punienda crimina: tunc enim si quis ab illo interrogetur, v.g. vt. ùm in tali loco sint aliqui adulteri, incestuosi, &c. non tenetur, imò non debet adulterium aut incestum alicuius patefacere, si omninò sit occultum, vt patet ex cap. *qualiter & quando*, 2. de accusationibus, & docet Syluester & plures alij apud Lessium suprà

2. Quæres quid igitur faciet testis in casibus supra relatis, si à Iudice, iuramento interposito, vt semper sit, compellatur ad interrogata respondere: si enim dicat, peccabit contra charitatem: imo contra religionem, & sigillum Confessionis, si manifestet peccatum aliquod in Confessione declaratum: si autem neget id quod verum esse cognouit, mendacij, imo periurij, reatum incurret.

Facilis est aliquorum responsio, testem in casibus illis à testimonio ferendo abstinere debere: & si à Iudice vrgeatur, declarare se iusta aliqua ratione impediri, quominus id facere possit: ad quod si à Iudice, his non obstantibus, cogatur ad veritatem patefaciendam, quid in illis angustijs? Perplexæ est haud dubiè & difficilis hæc quæstio, cuius solutio, qualiscunque afferatur, faciliùs carpi & argui poterit, quam prout ad conscientiarum leuamen expedit, explicari: ne tamen lectorem ambiguum & hærentem relinquamus, tria breuiter hic proponimus, ex communi, & recepta probatorum authorum doctrina.

3. Primum est, quod, quotiescunque quis, siue testis, siue reus, secundùm ordinem iuris à iudice, vel Superiore Ecclesiastico, siue laico interrogatur de aliqua re, quæ sine vllò peccato declarari potest: tunc candide ac sincere, & seclusa omni ambiguitate vel restrictione mentali, secundùm mentem interrogantis respondere tenetur: quamuis enim multi Doctores existiment reum non esse obligatum confiteri crimen morte, vel mutilatione dignum, quod aliàs scit plene probari non posse, vt Angelus, Syluester, Armilla verbo (*Delicti confessio*) Rosella verbo (*Accusatus*) Panormitanus cap. 2. de Confessione, Pesantius in 2. 2. qu. 70. disp. vnic. in fine, & alij, quorum sententiam probabilem existimat Bonacina ad 8. Decalogi præceptum, disp. 10. q. 3. punct. 2. num. 7. longe tamen probabilior est aliorum sententia, qui existimant etiam in casu su-
prà

prà relato reum, quando à proprio iudice interrogatur secundùm iuris ordinem; id est de crimine aliquo, de quo præcessit infamia, aut de quo suppetunt indicia aut semiplena probatio, teneri ad fatendum crimen & verum manifestandum, etiamsi ex eius Confessione mors sequatur. Ita docet S. Thomas 2. 2. q. 69. art. 1. & post illud plures alij, ac præsertim Toletus lib. 5. c. 58. Torres in 2. 2. disp. 50. dub. 2. Filliucius tract. 40. num. 263. Becanus lib. 5. manual. cap. 21. num. 4. Lessius lib. 2. cap. 31. num. 12. & Laymann. tract. 6. de iudicijs cap. 5.

4 Secundum est, posse interdum talem causam suppetere, ex qua licitum fiat, imo etiam necessarium non apertè profiteri veritatem; sed illam vel aliquibus verbis multiplici sensu vertibilibus, seu æquiocatione aliqua vel restrictione aliqua mentali tegere: exemplum profert S. Thomas in 4. dist. 1. qu. 3. art. 1. quæst. 1. ad 2. & 3. de Confessario, qui de peccato sibi in Confessione declarato à Iudice interrogaretur; asseritque posse illum etiam iuramento affirmare se nescire eius peccatum, cum hac restrictione mentali: quod nesciat vt interrogantis subditus. Ita cum S. Doctore sentiunt Altisiodorensis lib. 3. summæ, tract. 18. quæst. 2. sub finem: Durandus in 4. dist. 21. q. 4 num. 10. Paludanus ibid. qu. 3. art. 3. Maior ibid. quæst. 3. ad 9. Adrianus in 4. tr. de Confessione quæst. de Confessore: Ioannes Medina, Cod. de pœnitentia, tr. 2. qu. 25. qui omnes vnanimiter idem asserunt, quod ex S. Doctore suprà relatum est, & præterea Dominicus Soto lib. 5. de iust. qu. 6. art. 2. concl. 7. docet testem qui contrà iuris ordinem interrogaretur de crimine, quod secreto cognouit, posse absque mendacio respondere, & etiam iuramento affirmare se illud nescire, cum hac restrictione mentali, quod nesciat, vt alteri contra iustitiæ ordinem interroganti reuelet: quod etiam asserit & fusè probat Dominicus Bannes in 2. 2. qu. 69. art. 2. dub. 1.

Tertium est, causa legitima & rationabili deficiente, nemini vnquam fas esse, vt docent suprà citati authores & alij Theologi communiter, verbis ambiguis aut æquiocis, vel mentali restrictione inter loquendum vt: aliàs vsus, in quem instituta sunt verba, peruerteretur; & omnis colloquiorum & sermonum certitudo; adeoque omne humanum commercium, & fructus ciuilis ac Christianæ societatis tolleretur; semperque inesset ratio suspicandi dolum aliquem in verbis latere, & ambiguitatem & mentalem restrictionem subesse.

§. V.

De Reo.

1 **T**RIA præfertim circa obligationes Rei quæri possunt : Primum est , vtrùm teneatur fateri veritatem , quando à Iudice interrogatur . Responsio facilis est ex dictis paragrapho præcedenti : si enim à Iudice legitimo interrogetur secundum formam iuris , tenetur verum respondere : è contrà si Iudex legitimam non habeat potestatem , aut formam iuris non seruet ; id est , si infamia non præcesserit de crimine de quo fit interrogatio , aut saltem illius criminis semiplena probatio , vel indicia sufficientia non suppetant : tunc respondere ad interrogata non tenetur ; quod si à Iudice cogatur , quod tamen sine peccato facere non potest , nec ab illo per appellationis viam declinare possit ; tunc poterit respondendo crimen occultare ac tegere eo modo , quo præcedenti §. explicatum est . Observat etiam Toletus lib. 5. cap. 58. simili ratione reum non teneri ad complices suos reuelandos , nisi illorum infamia aliqua præcesserit : id est , nisi ex fama constet illum socios habuisse : vel quando crimen tale est , vt sine socijs non committatur : quod etiam docet Lessius cap. 29. dub. 17.

2 Secundum est , an licitum sit reo ad superiorem Iudicem appellare . Respondet S. Doctor id ei licitum esse , si causam suam iustam esse confidat , vel se ab inferiori Iudice grauatum esse arbitretur : illicitum verò , si appellatio fiat solum ad moram afferendam , ne vel iusta sententia feratur , vel si lata est , executioni mandetur , vt habetur cap. *omniò* 2. quæst. 6.

Tertium est , vtrùm reus condemnatus possit se per vim defendere , ne sententia in eum lata executioni mandetur . Respondet S. Doctor id licitum non esse , si iniuste condemnatus sit : dummodo tamen nullum inde scandalum , neque grauis aliqua perturbatio in communitate timeatur . Addit S. Doctor illum qui ad mortem iuste damnatus est , posse licite fugere , si occasio se offerat : dummodo nullam iudici , vel eius ministris vim in eorum persona inferat.

famæ occulta & iniusta denigratio; contumelia verò addit nouam iniuriam, qua non tantùm fama, sed etiam honor violatur: non enim occultè in absentia, vt fit per detractiōem, sed coram & in præsentia honor per contumeliam cum quodam contemptu impetitur. Ex quo fit, vt quamuis detractio sit ex genere suo peccatum mortale, & quidem grauissimum, vt docet S. Thomas q. 73. art. 2. contumelia tamen sit peccatum adhuc illo grauius: quia magis lædit, & acerbiorē infert iniuriam.

Diximus detractiōem esse iniustam famæ alienæ denigrationem: quia non erit detractio, si iustè fama aliena denigretur: v.g. si quis ex motiui iustitiæ, vel charitatis alicuius crimen, quod vel bono publico perniciosum est: vel alteri iniuriosum & nocuum, Superiori aut alicui alteri aperiat, qui remedium asserre potest: quod si fama auferatur ex intentione nocendi, tunc illius ablatio ad detractiōem pertinet.

2. Hæc autem intentio nocendi, vt obseruat Tolet. supr. cap. 61. dupliciter in detrahente reperiri potest: vno modo directè, cum quis per detractiōem reipsa nocere intendit: altero modo indirectè, cum licet expressè id non intendat: ea tamen dicit, ex quibus nocumentum famæ alterius iniustè sequitur: vt qui ex ioco vel loquacitate alteri notabiliter detrahit.

Docet præterea S. Thom. art. 1. ad 3. detractiōem octo potissimum modis committi posse, nimirum quatuor modis directè, & quatuor indirectè: Directè quidem 1. imponendo alteri falsum crimen, 2. crimen illius verum verbis adaugendo: 3. manifestando crimen verum, sed occultum: 4. malitiosè ac perperam alterius factum bonum interpretando, qui quartus modus, vt notat Lessius lib. 2. cap. 31. dub. 2. quatenus per illam prauam interpretationem fama proximi læditur in animo audientis, pertinet ad detractiōem, quatenus vero concipitur in animo illius, qui sic malitiosè interpretatur, pertinet ad iudicium temerarium, de quo sequenti §. agetur.

Indirectè autem committitur detractio. 1. negando recte facta aut egregias dotes alterius. 2. verbis extenuando. 3. reticendo bona alterius eo tempore & loco, quo silentium istud eius famæ nocere potest. 4. remisse ac frigide laudando.

3. Quouis autem modo committatur detractio, siue directè, siue indirectè, siue ex intentione formali & expressa nocendi, siue alio quouis illicito motiui, censetur semper esse peccatum mortale, quoties quis deliberatè famam alterius lædit in re graui, veniale autem, si tantum in re leui, vt docet S. Thom. art. 2. Grauitas autem & leuitas illa æstimanda est, tum ex qualitate læsionis, quæ per detractiōem famæ alterius infertur, tum ex conditione personæ cuius

cuius fama lædatur: fieri siquidem potest, quod recte obseruat Tolet. cap. 64. vt manifestatio peccati alicuius respectu personæ vnus censeatur infamia leuis, imo interdum nulla, quæ respectu alterius grauem infamiam induceret, aut notabile scandalum secum inueheret: e.g. qui de milite diceret: quod ad duellum prouocatus inimicum occiderit, de adolescente dissoluto, quod amore aliquo illicito implicitus sit, leuem, imo prope nullam maculam illorum famæ inurere censeretur, cum tales vt plurimum de similibus rebus glorientur: qui verò idem de Episcopo, aut persona aliqua Ecclesiastica, vel religiosa diceret, haud dubiè grauissimam eius famæ & maximè scandalosam iniuriam irrogaret,

Hinc etiam colligitur, vt docet Lessius cap. 11. dub. 3. vt plurimum non nisi venialiter peccare illos, qui aliorum defectus naturales occultos siue corporis, siue animi patefaciunt; vt quod aliquis sit gibbosus, quod ignarus, exilis ingenij, &c. nisi fortè inde, vt idem monet, graue aliquod illius damnum, aut notabilis contemptus in animis audientium, vel scandalum alterius oriretur.

§. VIII.

Soluntur dubia quadam circa peccatum detractionis.

1. PRIMVM est an peccet mortaliter is, qui alterius peccata audita refert coram alijs, nihil tamen asseuerando. Respondetur quod quamuis per se loquendo id non sit peccatum mortale, quādo nulla inde infamia oritur, nec apud prudētes viros isto loquēdi modo, qui nullam meretur fidem, alterius fama multum lædatur: si tamen, vt recte obseruat Lessius dub. 5. crimen esset valdè graue, quod in audientium animis suspicionem aliquam prauam ingeneraret, in illo casu peccaret mortifere qui huiusmodi crimen referret, præsertim de persona aliqua honesta, respectu cuius suspicio illa graue malum esse censeretur: quod etiam similiter dicendum, si quis peccata alterius audita referat coram ijs, quos probabile est ex sua leuitate credituros.

Secundum est, an peccet mortaliter is, cui peccatum proximi occultum vni aut alteri tantum manifestaret. Respondetur quod, quamuis Nauarrus cap. 18. 21. 33. existimet in tali casu non esse nisi peccatum veniale, si non subsit periculum euulgationis, aut alterius incommodi: probabilior tamen & in praxi tutior esse eorum sententiam, qui asserunt talem manifestationem esse vt plurimum peccatum mortale: cum fieri possit, vt recte monet Lessius dub. 11. aliquem malle peccata sua multis externis & plebeijs esse nota, quam

quàm Præfato, vel alicui graui viro, cum quo assidue versatur, vel à quo dependet .

2. Si tamen aliquis iniuriam sibi ab altero illatam amico aperiret, non quidem animo detrahendi aut nocendi, sed, vt consilium vel consolationem aliquam acciperet, in illo casu idem Lessius dub. 12. censet non esse peccatum saltem mortiferum .

Tertium est, an liceat hominem diffamatum in vno loco, etiam diffamare, seu crimen illius manifestare in altero, vel apud alios qui illud ignorant. Respondetur ex Tolet. sup. cap. 657. id facere ex intentione nocendi esse peccatum mortale, si grauis sit diffamatio, seclusa verò eiusmodi praua intentione, non esse peccatum, si quis alterum criminis notorietate aut publica Iudicis sententia infamatum in aliqua vrbe manifeste, alijs id in eadem vrbe ignorantibus; nisi ob temporis diuturnitatem crimen illius iam obliuioni datum esset, aut vitæ emendatione bonam famam recuperasset: in alijs verò locis id ipsum notum facere, quo fama communis illud breui perlatura creditur, idem Toletus neque iustitiæ, neque charitati repugnare existimat: quod si verisimiliter crederetur, famam illius criminis illuc nunquam aut nonnisi post longum tempus peruenturam esse, existimat Lessius fore peccatum mortiferum, crimen illud in tali loco diuulgare, præsertim si is, qui illud crimen admisit, bonam famam illic consecutus fuisset, vel si ex illa diffamatione aliquod damnum aut incommodum illi aut eius propinquis obueneret: secus verò si ille parum curaret se alibi infamari quod sæpe fieri solet, præsertim si procul absit: aut si quis ob graue crimē fuisset publice punitus: tunc enim sæpe expedit ista ad aliorum exemplū diuulgari.

3. Quartum est an licitum sit aliquando quibusdam de causis crimen alicuius occultum alteri detegere. Respondetur licitum esse, quoties id necessarium est ad impediendum notabile aliquod damnum alterius, siue corporale, siue spirituale, quod alia via impediri non potest. Ita Sotus lib. 5. de iust. quæst. 7. art. 1. Nauarrus cap. 18. num. 31. Lessius suprā dub. 9. e. g. scis aliquem furtis addictum & sæpe in illis deprehensum, monere potes eos quibuscum habitat, vt sibi caueant, &c. similiter nouisti aliquem se gerentem pro Medico, in illa tamen scientia valde imperitum: potes eos monere, quibus ex eius imperitia periculum immineret: imo interdum non solum potes, sed etiam ex charitate teneris alterius crimen occultum manifestare, si ex illo graue aliquod nocumentum publicum, aut etiam particulare immineat, quod censeatur præponderare damno quod is, qui illud commisit in fama vel honore patietur: in dubio autē utrū præponderet, inclinandū est potius in fauorem innocentis, e. g. si quis aliqua hæresis occulta laboret, sitque periculū ne alios inficiat: in illo enim casu horū salus illius famæ debet præponderare .

4 Quintum, an sit peccatum mortale infamare seipsum. Respondetur, quod quamvis per se loquendo hæc infamatio sui non sit peccatum mortale; cum, ut rectè probat Lessius dub. 6. neque sit contra iustitiam, homo siquidem est dominus suæ famæ, nec illā sicut alia bona dissipando ulli faciat iniuriam: neque etiam contra charitatem, quæ non obligat ad bona exteriora comparanda vel conferuanda, nisi quatenus necessariæ sunt ad bona spiritualia, vel nostra vel proximorum: si tamen ex infamatione illa sui ipsius sequeretur aliquod scandalum, aut aliorum nocumentum, ut in personis, quorum bona fama ad aliorum salutem necessaria est v. g. Episcopis, Pastoribus, &c. tunc infamatio illa esset peccatum mortale, ut docet idem author suprâ.

6 Sextum denique est utrùm audiens detractorem peccet. Respondetur ex mente S. Doctoris quæst. 73. articulo 4. peccare quoties consentit detractiōi iuxta illud Rom. 1. *Digni sunt morte, non solum qui peccata faciunt, sed etiam qui consentiunt facientibus.*

Potest autem quis dupliciter detractiōi consentire, ut obseruat Toletus c. 67. directè scilicet, vel indirectè. Directè consentit, qui vel alterum inducit ad detrahendum, vel illius detractiōe delectatur: & is non minùs peccat quàm detractor; de eoque intelligi debet illud dictum S. Bernardi: *Detrahere aut detrahentem audire, utrum horum detestabilius sit, non facile dixerim.* Indirectè autem consentit detractiōi, qui licet nec ad illam inducat, nec ea delectetur; illam tamen non prohibet nec detrahenti resistit, cum possit & debeat: & siquidem detractio sit notabilis, & in materia graui, possitque facile illam impedire, mortaliter peccat: cum charitas obliget, ut graue dampnum proximi, si commodè possimus, impediamus: venialiter verò, si detractio sit leuis, aut si præ nimia verecundia vel animi pusillanimitate resistere detrahenti non audeat; nisi forrè infamia esset valde atrox, vel grauiā incommoda putaretur illatura: tunc enim deberet sibi ipsi vim facere; & excussa verecundia, modestè contradicere. Nullo autem modo peccat, qui detrahentem nō arguit, eo quod probabiliter existimat monitionem suam nihil profuturam: imo potiùs obfuturam si detractor occasionem ex ea sumat magis ac magis oblocutionem suam asseuerandi. Item non peccat, qui rationabili aliqua verecundiā præpeditur, ut si famulus, domino, vel filius patri detrahenti non resistat, quando se nihil profuturum existimant.

7 Obseruat tamen rectè Toletus cap. 67. longè strictiùs obligari Superiores respectu inferiorum ad prohibendas detractiōes, sicut & alia quæcumque peccata: proindeque verecundiam ac pusillanimitatem illos à peccato mortali minimè excusare, si grauius detrahenti quando id profuturum arbitrantur; imò quamvis detrahenti nihil

nihil id prodesset, si alios silentio suo scandalizandos esse aduertant.

Admonet autem S. Doctor art. 4. ad 2. detrahentem corripi posse, non solum arguendo, sed etiam signis quibusdam exterioribus, ut tristitia faciei, ostendendo sibi displicere detractionem, iuxta dictum Sapientis Prou. 25. *Ventus Aquilo dissipat pluias, & facies tristis linguam detrahentem*: vel discedendo, vel sermonem aliò diuertendo.

§. IX.

De iudicio temerario.

QUONIAM, vt rectè obseruat Nauarrus, cap. 18. mendacia, detractiones, aliæque huius octauæ præcepti transgressiones vtpurimum à iudicijs temerarijs proficiscuntur, magnamque cum illis habent culpæ affinitatem, idcirco de ijs breuiter hic agendum est.

Iudicium autem hic sumimus: non prout significat actum proprium Iudicis, quo sibi subditis ius dicit: sed prout denotat actum intellectus, quo quilibet particularis de altero apud se aliquid cogitat & definit seu statuit; & eo sensu tres veluti gradus distinguere possumus de iudicio, quod quis de aliquo concipit. Primus est, quo quis de alterius malo dubitat, neutram in partem inclinando. Secundus est, cum suspicatur inesse malum, & cum aliquo debili assensu ita esse existimat, cum formidine tamen oppositi. Tertius est, quando cum pleno assensu & firma animi sententia ita esse iudicat.

Hac obseruatione supposita, certum est in primis dubitare, suspicari, vel iudicare de proximo, esse quid indifferens in genere moris, ac bene vel male se habere posse; bene quidem, si fiat secundum regulam rectæ rationis: malè autem, si à regula rectæ rationis aberret: vnde Christus Dominus S. Ioan. 1. *Nolite, inquit, iudicare secundum faciem, sed rectum iudicium iudicate.*

Certum est 2. dubitare, suspicari aut iudicare quidpiam mali de altero, quando causæ sufficientes ad id suppetunt, non esse illicitum, vt communiter Theologi docent, ac præsertim Azorius tom 3. cap. 11. dub. 3. Valentia disp. 5. quæst. 4. de iudicio pun. 3. Layman lib. 1. de iustitia tract. 3. par. 2. cap. 2. vbi tamen recte monet maiores rationes & clariora iudicia requiri ad suspicandum, quàm ad dubitandum, & ad iudicandum quàm ad suspicandum.

Quæres quænam causæ & rationes ad rectè dubitandum, vel suspicandum, vel iudicandum de malo alterius sufficientes esse censeantur. Respondetur nullam certam regulam afferri posse, vt rectè

docet Sotus lib. 3. de iustitia q. 4. art. 3. & post illum Valentia supra pun. 3. sed id iudicio viri prudentis esse definiendum, considerata conditione rei, qualitate personæ, aliisque circumstantiis: quæ omnia; cum interdum sint valde perplexa & inuoluta, ideo rectè monet Laymannus sæpe euenire posse vt quis decipiatur existimans sufficientes sibi adesse dubitandi, suspicandi, aut iudicandi rationes; quæ tamen reipsa tales non sunt, præsertim quando ex cognitione operum externorum iudicatur de intentionibus, aliisque actibus internis; vnde rectè concludit longe tutius esse animum ab eiusmodi iudicijs, &c. cohibere, Deoque omnia diiudicanda relinquere, nisi fortè necessitas aliqua, vel vtilitas propria vel aliena nos ad id obliget; & tunc rationis ac prudentiæ partes erunt expendere, quantum exteriores apparentiæ habeant probabilitatis, animumque cohibere, ne vltra iustitiæ aut charitatis metas progrediatur.

Certum est 3. iudicium temerarium, seu illud quo aduertenter ac deliberatè iudicatur aliquid mali de altero ex leuibus & insufficientibus rationibus ac indicijs, esse peccatum mortale: si malum illud graue sit, eiusque famam notabiliter lædat. Ita S. Thomas quæstione 60. articulo 3. & illud est iudicium quod Christus Dominus prohibuit his verbis S. Matth. 7. & S. Luc. 6. *Nolite iudicare, vt non iudicemini*, vt exponit S. Augustinus lib. 2. de serm. Domini in monte capitulo 18. & Sanctus Basilius in regulis breuioribus reg. 164. aliàs si malum sit leue nec proximi famam multum lædat, non erit nisi veniale.

Cum hæc certa sint & in confesso apud omnes, vnum est de quo non conuenit inter Theologos; scilicet quale peccatum sit ex leuibus indicijs & causis suspicari aliquid mali de proximo, vt plerumque solet cuenire. Tres sunt super hac quæstione sententiæ. Prima est omnem suspensionem temerariam de graui aliquo proximi malo esse peccatum mortale. Ita Bannes ad quæstionem 60. articulo 3. Secunda est, suspensionem illam, quæ debili tantum assensu nititur cum formidine oppositi, nunquam esse peccatum mortale. Ita Caietanus in hunc a. 3. Nauarrus in rubrica de iudicijs, & Ludouicus Mæratius tract. de iustitia & iure disput. 9. sect. 1. & 2. qui pro hac sententiâ citat S. Doctorem articulo 3. & S. Augustinum tract. 99. in S. Ioannē vbi dicit genus istud suspensionis *ad humanam tentationem pertinere, sine qua vita ista non ducitur*: concluditque *si suspensiones vitare non possimus, quia homines sumus; iudicia tamen, id est definitiuas firmasque sententias continere debemus*. Tertia denique sententia, quæ omnium probabilissima videtur, est, suspensionem temerariam non esse plerumque nisi peccatum veniale: fieri tamen posse interdum ratione grauitatis materiæ respectiue ad quasdam personas vt sit mortale, verbi gratia Si quis

Prælatum

DE VIII. DECAL. PRÆCEPTO. 437

Prælatum Ecclesiasticum doctrina & pietate conspicuum, ex leuibus quibusdam iudicijs suspicetur esse hæreticum, aut peccatum aliquod nefandum aut scandalosum commisisse. Ita Sotus libro 3. quæstione 4. articulo 3. & Lessius suprâ dub. 3. vbi hanc sententiam fusè probat, præmissa tamen distinctione inter suspensionem illam quæ oritur ex errore quodam intellectus, & eam quæ ex prauo affectu voluntatis; dicitque suspensionem illam esse tantùm peccatum veniale, quæ procedit ex quodam errore intellectus, quo quis apprehendit indicia tanquam sufficientia ad suspicandum de proximo aliquod malum, negligitque perspicere & examinare num illa sint sufficientia; est tamen paratus ad suspensionem deponendam, si aduerteret causam illius non esse sufficientem, suspensionem verò illam esse peccatum mortale, quæ oritur ex prauo quodam affectu voluntatis & maleuolentiæ erga alterum, qua fit vt etiam si aduertat indicia illa non esse sufficientia, velit nihilominus permanere in sua suspensione, quæ est de graui aliquo proximi malo, quod in maximam illius vergit infamiam.

Optimè S. Augustinus lib. 2. de serm. Dom. in mont. cap. 18. *Duo sunt*, inquit, *in quibus temerarium iudicium cauere debemus: cum incertum est quo animo quid factum fuerit, vel cum incertum aqualis futurus sit, qui nunc bonus vel malus apparet: si ergo quispiam v. g. conquestus de stomacho ieiunare noluit, & tu non credens, id edacitatis vitio tribueris, temerè iudicabis. Item si manifestam edacitatem ebriositatemque cognoueris, & ita reprehenderis quasi nunquam ille possit corrigi atque mutari: nihilominus temerè iudicabis. Non ergo reprehendamus ea qua nescimus quo animo sunt, neque ita reprehendamus qua manifesta sunt, vt desperemus sanitatem: vitabimus iudicium, de quo nunc dicitur: nolite iudicare, ne iudicetur de vobis.*

Quæres utrùm ea, de quibus dubium est quo animo fiant in meliorem partem sint interpretanda. Respondetur ex hypothesi, quod æqualia sint vtrinque indicia, si iudicium de proximo ferre velimus, tunc in partem meliorem seu benigniorem esse ferendum: quia (vt docet S. Thomas art. 4. ad 1.) melius est in dubio frequenter falli benè opinando de proximo, quàm male opinando semel decipi.

Monet tamen rectè Lessius capite 29. dub. 4. quando agitur de vitando aliquo damno, vel de adhibendo remedio, tutius esse dubia in deteriore partem interpretari; non quidem existimando proximum, verbi gratia, esse furem vel improbum, vel pro tali habendum esse: sed iudicando ita exterius cauendum esse, & sibi vel alteri consulendum.

438 DE VIII. DECAL. PRÆCEPTO.

ac si dubia esset ipsius proximi probitas, Ita S. Thomas art. 4. ad 3. & hac ratione, dum accipimus personam ignotam in ædes, possumus licitè rebus nostris ita cauere, ac si dubia esset eius probitas, quamuis nullomodo improbam illam iudicemus: sic etiam Superiores, quamuis quoad internum affectum erga subditos dubia in meliorem partem interpretari debeant, ad præcauendum tamen malum & disciplinam obseruandam, ita se gerere possunt, ac si de illorum probitate dubitarent.

§. X.

Quot modis peccetur in octauum Decalogi præceptum.

PECCHANT in primis contra octauum hoc Decal. præceptū, qui deliberate mendacium aliquod proferunt; quod quidem erit mortale, si honori diuino aut proximi bono sit perniciosū: peccant etiam qui per hypocrisis vitæ sanctimoniam fingunt: quod peccatum adhuc grauius erit, si ex illo sequatur aliquod proximi damnum, vt si idem fiat ad disseminandos errores: item qui habitu aut vestibus mentiuntur sexum; vt si scēmina veste virili, aut vir scēminea induatur, si id fiat propter aliquem prauum finem, aut ex eo peccati alicuius aut scandali periculum imminet.

Peccant qui sine legitima autoritate Iudicis sibi officium arrogant, aut illud ambiunt, quamuis legum ac iuris ignari: Item Iudices qui notitiam illam iuris & legum conseruare negligunt: qui de causa aliqua ad se non pertinente iudicialiter cognoscere & sententiam ferre præsumunt: Qui contra allegata & probata, aut contra leges & iura iudicant: qui formā à iure præscriptam in iudicando non seruant; qui sine vlla præcedenti infamia, aut alijs sufficientibus iudicijs, de occulto alicuius crimine iudicialiter inquirunt, reum indebitè interrogant & ad respondendū cogunt: qui fauore vel respectu aliquo humano, aut alio quouis prauo affectu à recto iustitiæ tramite defleſcunt, siue iniustam ferendo sententiam, siue causarum expeditionem notabiliter differendo, aut aliquid aliud iustitiæ contrarium faciendo, aut fieri permittendo, qui pro sententia ferenda, alijsque actibus iudicialibus aliquid exigunt vltra id, quod pro iusto & honesto stipendio ex lege vel legitima consuetudine accipere licitum est.

Peccant qui crimen aliquod bono communi perniciosum non denunciant, quando commodè id possunt: qui contra alterum litem intendunt ex odio, vindictæ appetitu, aut alio quouis prauo affectu: qui fraude, aut iniusto aliquo processu in litibus vtuntur.

Peccant qui ad testimonium ferendum citati, & à legitimo iudice

dice secundum juris ordinem interrogati, aliquid falsum aut ambiguum, & contra ipsius iudicis mentem respondent: quod & similiter de ipsis accusatis & reis intelligi debet; qui etiam præterea peccant, quando iudici legitimè aliquid statuenti, aut iustitiæ ministris illius iussa exequentibus resistunt, aut vim aliquam inferunt.

Peccant etiam contra hoc præceptum, qui alterius honori contumeliam irrogant: in eum verba probrosa & iniuriosa proferunt, eidem peccata occulte palam exprobrant: aut alia quævis cum irrisione & contemptu obijciunt.

Peccant qui alterius famæ secreto detrahunt; illi crimen aliquod falsum imponunt, aut verum malitiosè adaugent, aut eius peccatum occultum manifestant, vel rectè factum perperam interpretantur: Item qui rectè facta alterius inficiantur vel eadem extenuant, aut de illis silent, vel ea frigidè ac simulatè laudant, cum ex silentio illo & frigida seu simulata laude sequitur aliquod in proximo, famæ dispendium.

Item qui alterum ad detrahendum alliciunt, aut illius detractio-
ne delectantur; vel qui cum possint & debeant, detractio-
nem non impediunt: qui susurrationibus causant discordias, qui libellos dif-
famatorios scribunt, aut in vulgus spargunt; illos pravo animo le-
gunt, asseruant, aut alijs legendos tradunt.

Peccant denique qui deliberatè ac temerè aliquid mali de proxi-
mo iudicant, vel suspicantur: qui actiones illius honestas vel indis-
ferentes malè interpretantur.

§. XI.

*De restitutione ob huius octavi præcepti violationem
facienda.*

DUPLEX restitutio occurrere potest ob huius præcepti vio-
lationem facienda, pro duplici damno famæ seu honoris,
& bonorum fortunæ, quod ex ea oriri potest: de utraque breviter,
aliquid dicendum est.

Atque in primis quod spectat ad restitutionem bonorum fortu-
næ, certum est ex ijs, quæ præcedenti sectione dicta sunt, ratione
mendacij aut contumeliæ vel detractio-
nis, incumbere obligationem
restituendi, quoties per illud mendacium aut contumeliam illam
seu detractio-
nem, damni alicuius causa iniuste data est, aliquo ex
modis sectione præcedenti explicatis.

Constat præterea Iudicem, qui siue inferenda sententia, siue in
toto iudiciali processu iniustitiam aliquam commisit, unde secutum
est damnum innocentis, ad illius compensationem obligari: simi-

liter & illum, qui falso alterum accusauit, aut qui falsum testimonium in iudicio detulit, ad resarcienda damna inde secuta teneri.

Quod vero spectat ad restitutionem famæ & honoris certum est (vt ex communi Theologorum doctrina docet Sotus lib. 4. de iust. q. 6. art. 3. in resp. ad 4. & post illum Valētia disp. 5. q. 6. de restit. pun. 5.) famam ablatam restitui debere, si tres concurrant conditiones; prima est, vt fama reipsa ablata fuerit: secunda, vt iniuste ablata fuerit: tertia, vt non fuerit recuperata^s. His tribus conditionibus concurrentibus,

2. Dicendum 1. eum qui alterum infamauit, asserendo aliquid falsum de illo, ad famam illi restituendam obligari, affirmando se dixisse falsum. Ita Sanctus Doctor qu. 62. art. 2. ad 2. & post illum Richardus, Caietanus, Sotus, Nauarrus, & alij apud Valentiam supra, qui tamen id ita esse intelligendum existimat, si alia ratione famam alterius a se iniuste læsam sufficienter reparare non possit.

Dicendum 2. illum qui alterum diffamauit, crimen eius verum quidem, sed occultum patefaciendo, ad famam illius restituendam obligari, non quidem dicendo se falsum dixisse; id enim esset mendacium, quod (vt ex antè dictis constat) nunquam licitum est; sed aliqua alia ratione, nimirum vel dicendo se malè & inconsideratè locutum fuisse, vt monet S. Doctor in resp. ad 4. vel se antea quidem existimasse id esse verum, sed postea comperisse perperam à se id esse dictum, vt censet Ioannes Maior in 4. dist. 15. qu. 16. vel si timeatur, ne apud personas eruditas aut perspicacis ingenij similes loquendi modi opinionem de crimine proximi conceptam potius confirmet, quam ex animis eorum deleant, Sotus & Nauarrus, apud Valentiam existimat tacendum esse de illo crimine, illumque qui famæ detrimentum passus est, quacunque data occasione de alijs rebus commendandum esse, vt sic quædam iniuriæ compensatio fiat. Addit Valentia posse etiam eum, qui verum dicendo alterum infamauit, aliqua ambiguitate aut mentali restrictione vt ad retractandum id quod à se dictum est, quod tamen vltimum remedium, non nisi alijs deficientibus, & in graui aliqua famæ reparandæ necessitate cum maxima cautela videtur esse adhibendum.

3. Dicendum 3. illum etiam qui crimen alterius occultum ab alio auditum refert, obligari ad reparationem famæ, si aduertat hoc suum dictum in alijs, vt sæpè fit, sinistram de proximo ingenerasse opinionem: quod præstare poterit, siue adhibendo aliquod ex medijs supra dictis, siue ostendendo, & quantum poterit alijs persuadendo, quam incerta sint & plerumque falsa, quæ de alijs passim audiuntur & referuntur. Ita Sotus, Nauarrus, & alij apud eundem Valentiam supra. Ratio est, quia quotiescunque damnum famæ proximi iniuste illatum est, toties incumbit illius sarcienti obligatio: atqui hic, vt sup-

supponimus, tale damnum illatum est : ergo sarcendum est.

Sunt tamen aliquæ causæ ab illa restitutione famæ communiter excusantes eum, qui alterum infamavit. Prima est, si is, qui infamatus est, illi, à quo infamatus est, restitutionem famæ condonavit ; nisi fortè talis sit, qui condonare non debeat : quales sunt personæ illæ, quarum fama bono publico necessaria est ; quam proinde negligere non debent, nec illius reparationem leuiter condonare. Secunda, si id, quod contra famam alterius oblocutus est, in obliuionem abiisse prudenter existimetur. Tertia est, si ex eius oblocutione nulla infamia secuta sit ; putà, quia illi, quibus occultum crimen patefecit, iam illud nouerant, aut nullam fidem eius dictis adhibuerunt. Quarta, si fama quæ ablata est, per aliam viam sit recuperata. Quinta si fama illius restitutio fiat moraliter impossibilis. Sexta denique, si non possit fieri sine amissione famæ, quæ sit longe maioris momenti ; vt si Prælati aliquis, vel vir valde illustris infamauerit plebeium, non tenetur cum notabili iactura honoris sui famam illam refarcire : sed sufficit vt id faciat eo meliori modo, quo sine propriæ famæ iactura id poterit, v.g. laudando illum eo genere virtutis in quo infamavit, aut alia ratione secundum iudicium viri prudentis. Ita Sotus, Corduba, Toletus & alij apud Lessium lib. 2. cap. 11. dub. 26. ¶ 3. Quæres, vtrum in eo casu, in quo fama restitui non potest, debeat pecunia compensari. Respondetur probabile esse, id quod asserunt quidam Doctores, quos citat & sequitur Valentia, nempe id fieri posse, ac proinde faciendum. Probabilius tamen esse id quod Nauarrus, Syluester, & alij quos citat, & quibus subscribit Lessius sup. dub. 6. docent, nullo scilicet pecuniæ pretio famam dignè compensari posse, iuxta illud Prou. 22. *Melius est nomen bonum, quàm diuitia multa* ; cum sit bonum superioris ordinis, nec proinde ad illam compensationem faciendam vllum obligari.

Quod autem de restitutione famæ, idem quoque de honoris læsi compensatione intelligi debet, quoties quis aliquam contumeliam in alium protulit, aut quocunque alio modo honorem illius iniuste læsit : tunc enim illum reparare & personæ læsæ satisfacere debet, vel ab ea petendo veniam, aut aliquid simile faciendo, quod iudicio viri prudentis honoris illius compensationi satis esse possit.

S E C T I O IX.

Explicantur nonum & decimum Decalogi præceptum.

Non concupisces vxorem proximi tui, &c.

Non domum, non agrum, &c. & vniuersa quæ illius sunt.

I Q V A M V I S ea, quæ his duobus vltimis Decalogi præceptis prohibentur, iam sexto & septimo prohibita esse videatur, in quibus vt in alijs, vetantur non solum actus exteriores, sed etiam interiores diuinæ legi repugnantes: nihilominus (vt rectè obseruat S. Doctor 1.2. q. 120. 2.4. & 5.) non sine maxima ratione hæc duo vltima præcepta Deus subiunxit alijs præcedentibus, tum vt legum suarum perfectionem, & ab humanis legibus differentiam ostenderet; *Leges siquidem humana (vt loquitur Catechismus Romanus part. 3. cap. 10.) rebus tantum externis contenta sunt, diuina verò ipsius animi puram sinceramque castitatem atque integritatem requirunt;* tum etiam vt expressius moneret quàm cauti & solliciti esse debeamus in deuitandis illis peccatis, quæ sola cogitatione & animi proposito committuntur: cum, vt habetur in Conc. Trid. sess. 14. c. 5. *Nonnunquam animum grauius saucient, & periculosiora sint ijs, quàm in manifesto admittuntur.*

Docet autem Catechismus Romanus suprà, hoc duplici præcepto non prohiberi illam concupiscendi vim quæ nobis à Deo vt auctore naturæ indita est, sed prauum illius vsum & effrænatam illam cupiditatem, quæ fines à recta ratione constitutos transgreditur, siue res malas appetendo, vt adulteria, ebrietates, &c. siue res quidem bonas, sed iniuste & inordinatè desiderando. Quæ quidem cum satis consentent ex ijs, quæ præcedentibus sectionibus explicata sunt, hic breuiter adiungemus modos aliquos, quibus Romanus Catechismus declarat, hæc duo vltima Decalogi præcepta posse violari.

2 Atque in primis docet peccare in nonum Decalogi præceptum, non modò illum qui alterius vxorem adultero affectu concupiscit, sed etiam qui eam sibi matrimonio iungi præmaturo & inordinato affectu optat; tum propter illius desiderij peruersitatem, tum etiam propter periculum, ne ex illo inducatur ad optandam viri mortem, aut illegitimum vxoris eius complexum concupiscendum. Quod quidem non solum de mulieribus coniugatis, sed etiam de illis quæ alteri desponsatæ sunt, intelligendum esse dicit: has siquidem concupiscere non licet: sicut nec pacta sponsaliorum rescindere, nec fidem datam violare licitum est.

Quod

Quod vero spectat ad decimum & vltimum præceptum, docet idem Catechismus in illud peccare, præsertim eos qui nimis auidè diuitias expetunt, alienis opibus inhiant, qui modis prauis & illicitis artibus opes augere concupiscunt: qui lucri captandi gratia erga ludos aleæ immoderatè afficiuntur.

3 Peccare item mercatores, qui rerum penuriam annonæque caritatem optant: qui ægrè ferunt vt sint alij præter ipsos qui vendant aut emant, quo ipsi cariùs vendere aut viliùs emere possint: qui alios egere cupiunt, vt vendendo & emendo magis lucrentur. Similiter & milites qui militiæ nomen dant, aut bellum expetunt, vt impune furentur: medicos etiam qui morbos aliorum exoptant: Aduocatos, Procuratores, & etiam Iudices qui lites multiplicari & protrahi cupiunt, artifices denique, qui quæstus auidi earum rerum, quæ ad vitam aliasque vitæ necessitates pertinent, penuriam exoptant, vt inde plurimum lucri faciant.

Porro quàm noxia sint & perniciofa hæc praua & inordinata desideria, si deliberatè animo foueantur, testatur Apostolus his verbis 1. Timoth. 6. *Nihil intulimus in hunc mundum: haud dubium quod nec auferre quid possumus: habentes autem alimenta, & quibus tegamur, his contenti simus: nam qui volunt diuites fieri, incidunt in tentationem, & in laqueum diaboli: & desideria multa inutelia & nocua, quæ mergunt hominem in interitum & perditionem, radix enim omnium malorum est cupiditas.*

Atque hætenùs de Legis diuinæ præceptis ad ipsius supremi optimi & maximi Legislatoris maiorem laudem & gloriam.

CAPVT QVINTVM.

De Præceptis Ecclesiæ.

ECCLESIÆ præcepta quinque communiter numerantur, vt videre est apud Petrum Canisium in summa doctrinæ Christi, c. 3. in quorum primo & secundo sanctificatio dierum festorum, & in iisdem diebus Missæ auditio præscribitur: in tertio ieiunium certis diebus seruandum iungitur: in quarto & quinto confessio Sacramentalis semel saltem in anno faciendâ, & sacra Eucharistia saltem in Paschate sumenda præcipitur. Et de primo quidè, & secundo egimus suprâ in explicatione Decalogi: quartû & quintû etiâ explicauimus in tractatu de Sacramentis: quare nûc de solo tertio, scilicet ieiunij seruândi præcepto, aliquid dicendû nobis superest.

*Explicatur tertium Ecclesiæ præceptum, quod
est de Ieiunio.*

§. I.

Quid ad debitam Ieiunij obseruationem requiratur.

I EIUNII nomen tribus modis accipi solet. Primò pro abstinentia à vitijs & peccatis, iuxta illud sancti Augustini: *Ieiunium magnum & generale est abstinere ab iniquitatibus & illicitis voluptatibus sæculi, quod est perfectum ieiunium*. Secundò pro abstinentia à quolibet cibo & potu, diciturque ieiunium naturale; quale requiritur ex præcepto Ecclesiastico ad sumptionem Eucharistiæ, vt supra dictum est tract. de sac. cap. 5. Tertiò denique pro abstinentia quadam & cibi subtractione secundum formam ab Ecclesiâ præscriptam: & vocatur ieiunium Ecclesiasticum: de quo proposita quæstio intelligenda est. Pro culus resolutione,

Dicendum est tria præsertim requiri ad debitam ieiunij Ecclesiastici obseruationem.

2 Primum est ciborum delectus, seu abstinentia à carnibus, vt docet S. Thomas 2.2.q. 147. art. 8. & constat ex perpetuo Ecclesiæ vsu & traditione, cuius testes sunt S. Basiliius hom. 1. de ieiunio, S. August. lib. 20. contra Faustum cap. 5. & alij plurimi apud Azorium lib. cap. 10. quæstio 6. Quamuis autem non à carnibus solum, sed etiam ab ijs, quæ à carne procedunt, vt ab ouis & lacticinijs, in diebus ieiuniorum esset abstinendum, vt habetur ex rescripto S. Gregorij Papæ ad Augustinum Anglorum Episcopum: imo in quibusdam solemnioribus ieiunijs, v. g. sex diebus hebdomadæ sanctæ cibis tantum aridioribus, pane videlicet, aqua & oleribus vesci liceret, vt testatur S. Clemens lib. 5. cap. 17. & S. Epiphanius hæresi 75. Ecclesiâ tamen ob causas rationabiles de pristino illo rigore nonnihil remisit, & abstinentiam illam strictiorem cuiusque deuotioni relinquens; in quadragesima quidem vniuersim à carnibus & ouis abstinendum esse censuit, lacticiniorum usum in plerisque locis induisit; in alijs autem ieiuniorum diebus per annum etiam ouorum usum concessit: de quibus tamen vt rectè monet Bonacina quæst. 1. de præc. Eccl. pun. 2. consuli debet & seruari cuiusque loci legitima consuetudo, quæ est optima legum Ecclesiasticarum interpretres.

3 Secundum est vnica in die refectio, vt docet Sanctus Thomas
sup.

sup. art. 6. & communiter cum illo Theologi omnes : quod melius probari non potest , vt obseruat idem S. Doctor , & post illum Bonacina sup. puncto 3. quàm ex perpetua & vniuersali Ecclesiæ praxi , cum nullum super hac re decretum reperiatur.

Tertium denique est certum refectionis tempus , ita vt refectione illa vnica , non prandij , sed cœnæ rationem obtineat , vt tradit idem Sanct. Doctor suprà art. 7. & constat ex Sanct. Ambrosio serm. 8. in Psalm. 118. & ex S. Gregorio homil. 36. in Euangelia . Et olim quidem alijs ieiuniorum diebus hora nona , quæ est tertia post meridiem , erat ordinarium soluendi ieiunij tempus ; in quadragesima verò vsque ad vespèram prorogari solebat , vt testatur S. Bernardus serm. 3. de quadrag. *Hactenus* , inquit , *vsque ad horam nonam ieiunauimus soli* , nunc , *in tempore quadragesima scilicet , vsque ad vespèram ieiunabunt pariter vniversi Reges & Principes , clerici & populus , nobiles & ignobiles , simul in vni diues & pauper .*

Ecclesia tamen his posterioribus sæculis , tum ob infirmitatem corporum quæ , mundo ipso senescente , minùs vigoris retinent , tum ob alias rationes tacito consensu indulsit , vt hora illa vespertina licet anticipetur , & in quadragesima diebusque alijs præscriptis , circa meridiem ieiunium solui possit , atque vt præter illam refectionem modicum aliquid cibi sero per modum cœnulæ seu collatiunculæ , vt vocant , sumeretur . Ita docent Nauarrus , Armilla , Lessius , Azor , Reginaldus , Toletus , & alij apud Bonacinam , sup. pun. 3. & 4. Diximus modicum aliquid cibi : qui enim notabiliter excederet , haud dubiè ieiunium frangeret .

4 Porro quantum cibi sumere liceat in eiusmodi cœnula , difficile est determinare . Azorius & alij apud Bonacinam sentiunt quantitatem triũ vel quatuor vnciarum panis & fructuum licetè sumi posse ; Reginaldus apud eundem existimat , non esse notabiliter excedendam quartam partem eorum , quæ ipsi ieiunanti ad ordinariam cœnam sufficerent : Toletus omnium optimè censet , in eo spectandum esse morè locorũ , prout à pijs & timoratis personis seruari solet ieiunium : & intra illius limites vnũquemq; licite ac tutò cõt. nere se posse .

Recte autem monet Laymannus , caute intelligendum esse id quod docet Caietanus c. 1. de obseru. ieiun. verbo , *ieiunium* , cap. non referre , quid quisquis in serotina cœnulaumat , si modum non excedat , additque consuetudinem Ecclesiæ à pijs & timoratis seruata hanc esse , vt in cœnula illa serotina non modò quantitas , sed etiam qualitas & delectus ciborum obseruetur , vtque nihil aliud cum pane nisi fructus aliquot vel olei in modica quantitate sumantur : neque sibi probari quod aliqui nimis liberaliter adhibent placetas & alia similia obsonia butyro frixa , & quæuis iusculi cocti vsum , nisi hoc fiat vrgente præsertim aliqua infirmitate .

Ex

Ex dictis colligitur 1. crebriore potus sumptione non solui ieiunium, vt docet S. Thomas supr. art. 6. ad 2. licet, si temperantiæ modum in potu excederet, haud dubiè peccaret, grauiter quidem aut leuiter, pro ratione grauitatis vel leuitatis excessus.

Infertur 2. neque etiam solui ieiunium, si aliquid sumatur per modum medicinæ: nisi fortè, vt obseruat Sanctus Doctor supr. ad 3. in fraudem ieiunij aliquid eiusmodi sumatur in notabili quantitate.

Infertur 3. lectores & ministros mensæ in monasterijs alijsque communitatibus aliquid præsumentes non peccare, nec ideo ab illis ieiunium solui, vt ex Nauarro, & Caietano docet Lessius lib. 4. c. 2. dub. 2. cum id ab eis fiat veluti inchoando prandium: sicut etiam ieiunium non solueret is, qui v. g. ob negotium aliquod à mensa auocaretur, & refectionem inchoatam interromperet, & postmodum negotio absoluto, ad mensam rediret, & prandium seu cœnam perficeret.

Quæres vtrùm anticipare notabiliter horam refectionis in die ieiunij, sit peccatum mortale; Nauarrus & quidam alij affirmant: Toletus tamen & plures alij, quos citat & sequitur Lessius supr., nonnisi veniale peccatum committi existimant: imò dicit nullum fore peccatum, si iusta aliqua causa subit: sicut nec si vespertina cœnula manè, vel meridie vrgente aliqua causa rationabili fumeretur, cœna in vespèram dilata.

S. II.

Qua sit obligatio ieiunij.

I C E R T V M & indubitatum est apud omnes Catholicos præceptum Ecclesiasticum ieiunij obligare ad sui observationem sub peccato mortali, vt ex communi Theologorum consensu docet Lessius supr. dub. 5. probatque ex eo quod can. 68. Apostolorum & can. 56. sexti Concilij generalis, item can. 19. Concilij Gangrensis & pluribus alijs, violatores ieiunij excommunicationis pœna plectuntur; quæ tamen ab Ecclesia nusquam nisi ob peccatum aliquod mortale infligi solet, vt infra suo loco explicabitur: vnde sequitur illum peccare mortaliter, qui absque legitima causa ieiunium aliquod ab Ecclesia præscriptum frangit.

Verùm difficultas est, quas personas & quibus temporibus præceptum illud obliget. Quod spectat ad primum, docet S. Thomas art. 4. omnes Christianos, cuiuscunque sint dignitatis aut perfectionis præcepto ieiunij obstringi, nisi iusta aliqua causa excusentur; vnde etiam in Concilio Viennensi, vt habetur c. *Ad nostrum*, de hæreticis

eis inter alia praua Beguardorum & Beguinarum dogmata, damnatum est tanquam hæreticum illud, quo asseriebant, solos imperfectos ad ieiunia obligari, perfectos vero ab illis esse exemptos.

2 Diximus, nisi iusta aliqua causa excusentur, sunt enim causæ aliquæ, ob quas excusari potest quiuis ab obseruatione ieiunij: quæ communiter ad tria capita reduci possunt, vt videre est apud Lessium, Bonacinam, Nauarrum & alios locis suprà citatis: scilicet ob impotentiam, laborem, & pietatem.

Ratione impotentiae excusantur illi, qui sine graui aliquo incommodo vel notabili damno ieiunare non possunt: vt infirmi, conualescentes, debiles, accedente præsertim Medicorum iudicio: item mulieres prægnantes & lactantes: item pauperes, qui non habent quod eis ad vnicam comestionem commodè sufficiat: ob eam causam excusantur pueri & adolescentes vsque ad annum vigesimum primum completum, vt docet S. Thomas art. 4. ad 4. & post illum Abulensis, Nauarrus, Azorius, Lessius, Reginaldus, Toletus, & plures alij apud Bonacinam sup. punct. vltim. & excusantur etiam senes, præsertim sexagenarij: quos tamen ab hac ieiunij obseruatione minimè exemptos esse docet Abulensis apud Bonacinam suprà, si ita robusti sint: vt certum sit eos ex ieiunio nullum detrimentum in viribus corporis pati: sicut è contrà Lessius sup. & alij quos citat sup. existimant, etiam ante illam ætatem eximi licitè posse à ieiunio illos, in quibus vires & calor naturalis notabiliter minui incipiunt: Quod si dubitetur, an eiusmodi senes satis virium habeant ad incommoda ieiunij ferenda: tunc ad illud seruandum minimè censentur obligati, præsertim in præfata ætate sexagenaria: vt docet idem Lessius suprà.

3 Ratione laboris eximuntur illi, qui tali labore victum sibi comparant, cum quo ieiunium viri prudentis iudicio consistere non potest: quales sunt agricolæ, fabriferrarij, & similes operarij, siue diuites sint, siue pauperes, vt ex declaratione Eugenij IV. docet Lessius sup. imo Abulensis, Azor. & alij apud Bonacinam censent eiusmodi operarios excusari à ieiunio, non solum die illo quo laborant, sed etiam eo quo laborem intermittunt, si ieiunando laborem præcedentis aut sequentis diei sine graui incommodo ferre non possint: simili ratione excusantur viatores, præsertim pedibus iter facientes, ob aliqua negotia quæ commodè differri nequeunt; quando itineris laborem simul cum ieiunij molestia sine graui incommodo ferre non possunt.

Qui verò solius delectationis gratia, putà venationis, & deambulationis, iter alioquin longum susciperent, non excusarentur: cum in aliud tempus differre possent: sicut nec artifices, nec operarij illi quorum labor exiguus est, & facile cum ieiunio tolerari po-

potest : quales Bonacina dicit esse tonsores , pictores , sartores , &c.

Demum ratione pietatis excusantur omnes , qui operibus præstantioribus vel maioris momenti incumbunt , quæ vnâ cum ieiunio absque graui incommodo perficere non possunt : qualia sunt opera misericordiæ corporalis vel spiritualis : item opera religionis , vt concionari , docere , Sacramenta ministrare , ornare Tempia , &c.

4 Porro cum diximus hos vel illos à præcepto ieiunij excusari , id intelligi debet , quatenus per illud præceptum vnica solum refectionis præcipitur : non vero quatenus carniū & aliorum huiusmodi ciborum vsus prohibetur : qui quidem rarius concedi solet , nec nisi ratione grauioris alicuius necessitatis : quæ si euident sit & vrgeat , potest quis carniū & alijs cibis vetitis licitè vesci , etiam absque vlla dispensatione , quando Superior commodè adiri non potest : quod si necessitas non vrgeat , vel de illa non tam euidenter constet , dispensatione Superioris opus est , vt docet Lessius dub. 6. qui addit ex Toletō , ijs quibus carniū vsus conceditur , his etiam censerī permissam secundam refectionem : quod tamen rectè limitat idem Lessius , si ratione alicuius infirmitatis aut debilitatis id concessum sit , non autem si ea solum de causa , qua aliquis à piscibus abhorret , vel quia pisces eius temperamento nocere censentur : tunc enim nulla subest causa , cur secunda refectionis concedatur.

• Quod spectat ad tempora ieiuniorum , quæ ab Ecclesia præscripta sunt , antiquissimum & apud SS. Patres maximè testatum & commendatum semper fuit ieiunium quadragesimæ , quod quidem teste S. Ignatio epistol. ad Philippenses , & Hieronymo epistol. 54. ad Marcellam , & S. Leone serm. 9. de quadragesima ab Apostolis institutum est , ad exemplum Christi Domini. Hoc autem ieiunium à feria 4. Cinerum vsq; ad Sabbatum sanctum inclusue obseruari debet , solis diebus Dominicis exceptis , in quibus sola à carniū abstinencia seruatur . vnde mortaliter peccant , qui feria quinta hebdomadæ sanctæ soluunt ieiunium : qui abusus in Concilio Laodiceno can. 50. omnino improbat , vbi dicitur , *Non oportere in quadragesima , quinta feria vltima hebdomadæ ieiunium solui , & totam quadragesimam inhonorari.*

5 Præter quadragesimale ieiunium , religiosè obseruatum fuit in vniuersa Ecclesia ieiunium quatuor temporum quod quidem vel ab ipsis Apostolis , vel non multo post Apostolorum tempora institutum fuit , vt varijs SS. Patrum testimonijs probat Laymannus c. 2. de obseruat. ieiun. Alia etiam ieiunia indicta sunt in vigiliis quarundam festiuitatum solemniorum , Christi Domini , Sanctissimæ Virginis Deiparæ , Apostolorum , aliorumque Sanctorum : de quibus con-

consulendæ sunt locorum leges, & consuetudines, & id obseruandum quod in qualibet regione seu diœcesi lex seu consuetudo legitima præscribit: sit tamen vigiliæ alicuius ieiunium incideret in diem Dominicam, anticipari deberet præcedenti sabbato, vt habetur cap. *Ex parte*, de obseruatione ieiuniorum, & ex communi Ecclesiæ vsu satis constat.

Singulis quoque hebdomadibus, diebus Veneris & sabbati à carnibus abstinendum est, vt constat ex communi Ecclesiæ praxi, & habetur cap. *Quia dies*, dist. 5. de consecr. & ex ca. vlt. de obseruat. ieiun. vbi tamen excipitur, si festum Natalis Dom. in feriam 6. incidat: in illo enim casu *illi, qui nec voto, nec regulari obseruantia obstricti sunt*, vt loquitur Innocentius III. propter festi excellentiam carnibus vesci possunt, secundum consuetudinem Ecclesiæ generalis: nec tamen reprehendi debent, qui ob deuotionem voluerint abstinere. In aliquibus etiam Galliæ nostræ partibus concessus est esus carniū, diebus Sabbati à Christi Domini Natali vsque ad Purificationem.

Seruatur etiam abstinentia à carnibus in Festo S. Marci, & in tribus Rogationum: quod quidem iam olim in Romana Ecclesia vsitatum fuisse testatur Ordo Romanus cap. de Litanis minore.

§. III.

Quot modis peccetur in hoc Ecclesiæ præceptum.

PECCHANT in primis qui absque iusta causa aut legitima dispensatione in diebus ab Ecclesia præscriptis non ieiunant, aut ieiunium inchoatum soluunt: qui abstinentiam violant, carnibusque aut alijs cibis vetitis vescuntur; cum hac tamen differentia, quod quoties quis edit cibos vetitos, toties peccet mortaliter: qui verò per secundam refectionem ieiunium violauit, non amplius peccet, saltem mortaliter, si postea pluries comedat, vt ex communi Theologorum consensu docet Laymann. suprà, cap. 1.

Peccant quoque mortaliter, qui in die ieiunij crebrius comedunt aliquid, licet in exigua quantitate: quamuis enim, vt dicit Lessius suprà dub. 2. semel vel iterum paucas bucellas extrà refectionis tempus comedere non sit nisi peccatum veniale; si tamen id crebrius fiat, putà septies vel octies, censebitur esse mortale, quia crebræ illæ comestiuiculæ æquivalent notabili refectioni.

Peccant etiam qui in cænula seu collatiuncula vespertina notabiliter excedunt vltra quàm ieiunij ratio exigit, prout à pijs & timoratis seruari solet.

Peccant qui alios ad ieiunium violandū inducunt persuasionibus

Part II.

Ff

irri-

irritationibus, aut alio quouis modo: item caupones qui cœnam seu alteram refectionem apponunt ijs, quos probè sciunt ad ieiunium obligari, quod quidem intelligendum est, vt monet Lessius dub. 4. quando absque graui aliquo suo incommodo illis negare possunt: & etiam quando nullum inde scandalum secuturum vident: aliàs si timeatur ne ij quibus cœna negatur, grauius Deum offendant, blasphemias & conuitia proferendo; aut aliquid simile faciendo, poterit illis apponi: quia ratione dicit Lessius interdum excusari patres aut matres familias cœnâ famulis & domesticis in die ieiunij permit- tentes, ne, si denegetur, grauius Deum offendant, aliàs si nihil simili timeatur, permittere non debent, ne peccatis eorum coope- rentur.

Ad hoc præceptum quoque reduci potest peccatum eorum, qui temperantiæ & sobrietatis in cibo & potu limites transgredi- untur, etiam in alijs diebus, in quibus nulla est ieiunandi obligatio: qui se cibis ingurgitant, vnde notabile damnum in fanitate perci- piunt: qui ex nimio potu inebriantur, seipsosque vsu rationis per ebrietatem priuant: qui alios ad largiùs bibendum inducunt, vnde sequuturam præuident ebrietatem: quod quidem ebrietatis pec- catum eò grauius est, si ex illo alia peccata secutura præuideantur, putà blasphemiarum, immunditiarum, & similia.

C A P V T S E X T V M.

De censuris Ecclesiasticis, & irregula- ritate.

CENSURAE nomen ex veteri Romanorum iure desumptum est, ab Ecclesia usurpatum est ad significandam pœnā spiritua- lem, per quam homo baptizatus delinquens ac contumax, autoritate ipsius Ecclesiæ bonorum quorundam spiritualium vsu priuatur, vt docet & fuse explicat Suarez disp. 1. de censuris sect. 1. & plenius ex infrà dicendis intelligetur.

S E C T I O I.

De censuris in communi.

CV M plurima sint & varia, quæ de censuris in genere à Theo- logis disputantur, nos pro ratione instituti nostri seligemus
e2, quæ

ea, quæ cognitu magis necessaria aut utilia visa sunt, & paragraphis sequentibus breuiter explicabimus.

§. I.

In quibus personis resideat ferendarum censurarum potestas.

DICENDVM est potestatem ordinariam ferendi censuras, residere in Prælati Ecclesiæ, iurisdictionem in foro exteriori non impeditam habentibus, ac proinde in Summo Pontifice, respectu omnium Christianorum: præterea in Episcopis, Archiepiscopis, Patriarchis, respectu sibi subditorum, ut docet S. Thomas in 4. dist. 18. quæst. 2. art. 2. & satis constat ex perpetuo usu totius Ecclesiæ.

Eandem etiam potestatem ferendi censuras obtinet Legatus à facere Summi Pontificis, ut habetur ex cap. *Legatus*, de officio Legati in 6. Item Vicarius Papæ aut Episcopi, ut Theologi communiter docent, & habetur ex cap. *Licet*, de officio Vicarij. Docet etiam Suarez, quem citat & sequitur Bonacina quæst. 1. de cens. pun. 2. eandem potestatem habere Capitulum Sede vacante, & ipsius Capituli Vicarium: Item Abbates, prouinciales, & alios regularium Præpositos ac Superiores habentes potestatem in foro exteriori respectu sibi subditorum.

2. Hæc autem potestas ferendi censuras ab Ordinarijs delegari potest cuilibet Clerico priuilegijs Clericalibus gaudenti, ut habetur ex cap. ult. de officio Ordinarij, non verò laico, quamuis religioso; nec etiam Clerico coniugato, ut ex communi Theologorum consensu docet Bonacina supr. ac multo minus scemine, ut habetur ex c. *Delicta*, de maiestate & obedientia, & fusius explicat & probat Suarez disp. de cens. sect. 3.

§. II.

In quasnam personas censura ferri possint.

DICENDVM est ferri posse in omnes & quascumque personas baptizatas rationis & doli capaces, in statu existentes, illiusque subditas à quo censuræ feruntur.

Dicitur 1. personas illas, quæ censuris feriri possunt, debere esse baptizatas, alias Ecclesia in eas nullam obtinet iurisdictionem, iuxta illud Apostoli. *Quid mihi de ijs qui foris sunt iudicare* quod etiam constat ex cap. *Gaudemus*, de diuortijs, cap. *Iudaïs*, dist. 43.

Et 2. Dicitur: 2.

Dicitur 2. rationis & doli capaces: censura enim est peccati pœna: peccatum verò præsupponit peccatorem esse rationis & doli capax: unde infert Suarez, & post illum Bonacina q. 1. de cens. p. 4. etiam impuberes, si doli capaces sint, posse censuris plecti: quamvis id fieri non soleat, nisi postquam pubertatis annos attigerint.

Dicitur 3. in statu viæ existentes: *Non enim* (vt rectè obseruat Gratianus causa 24. q. 2. *Dominus dixit: quacunq; ligaueritis nō sub terra sed super terram: ostendens scilicet, quod viuentes pro varietate meritorum suorum soluere possumus vel ligare: de mortuis autem sententiā ferre non possumus: sed,* vt ait S. Leo Epist. 90. ad Rusticum. *horum causa Dei iudicio reservanda est.*

2. Potest quidem Ecclesiā vel Prælatus declarare mortuum aliquē dum viueret, censuras incurrisse: easque aduersus eum executioni mandare, v. g. priuare illum Ecclesiastica sepultura, vetare ne pro illo suffragia aut sacrificia offerantur: & è contra si aliquis excommunicatus moriens contritionis & pœnitentiæ signa exhibuit, à pœna illius excommunicationis illum eximere, non quidem absoluen- do, sed permittendo alijs, vt eum in loco sacro sepeliant, ac pro illo suffragia & sacrificia offerant.

Dicitur denique (subditus eius à quo censuræ feruntur) sicut enim nullus potest legibus suis aut decretis illum obligare, qui non est sibi subditus, sic nec illum ad id pœnis cogere, vel reuocantem censuris punire.

S. III.

Ob quam causam censura infligantur.

I D IC E N D U M est censuras infligi ob peccatum mortale exterius, opere completum, cum contumacia. Dicitur 1. (ob peccatum) quia pœna, vt iustè infligatur, supponit culpam, cum innocens iustè puniri non possit: unde, vt ex communi Theologorum consensu docet Bonacina suprà, pun. 2. vbi non est peccatum, ibi nullus est censuræ locus.

Dicitur 2. (mortale) quod intelligi debet de censuris grauioribus, purà excommunicatione maiori, suspensione ab Ordine, interdicto generali, &c. eiusmodi enim pœnæ, cum sint grauissimæ, non nisi ob culpam grauem infligi possunt, vt docent Nauarrus, Suarez, & plures alij apud Bonaciam sup. & habetur ex cap. *Nemo Episcoporum*, & cap. *nullus Sacerdotum* II. quæst. 3. & ex Concilio Trident. sess. 23. cap. 3. de reform. Vnde sequitur vt rectè obseruat Laymanus cap. 5. de censuris in communi, nullam incurri censuram grauiorem,

uiorem, quodcumque ob ignorantiam aliquam, aut inaduertentiam, seu imperfectionem actus, peccatum commissum non censetur esse mortale.

Quod autem spectat ad censuras minus graues, vt excommunicationem minorem, suspensionem leuem, pro leuioribus interdum & venialibus peccatis infligi possunt, vt ex Suarez, Toletio, & alijs docet idem Bonacina supra.

Dicitur (exterius) quia ob peccatum merè internum censura infligi non potest, cum Ecclesia de rebus occultis & merè internis non iudicet, vt docent Sotus, Syluester, Suarez, & plures alij apud Bonacinam supra: & habetur ex cap. *Erubescant*, & cap. *sicut suis*, de simonia.

Dicitur 4. (opere completum) ad incurrendam enim censuram requiritur effectus completus, quem Legislator intendit censuram punire: v. g. si quis ex voluntate occidendi Sacerdotem, sagittam in eum projiciat, sed illum non attingat; tunc enim, quamuis grauius peccauerit, non incidit tamen in excommunicationem latam contra percussores Clericorum.

Dicitur 5. (cum contumacia) cum enim censura sit *Pœna medicinalis*, vt dicitur cap. 1. de sententia excomm. non infligitur per modum ultionis & vindictæ, sed exhibetur per modum medicinæ, ad hominem à peccato auertendum, & ex consequenti præsupponit semper admonitionem aliquam præcedentem, quæ sine contumacia respui non potest. Et de excommunicatione quidem consentiunt omnes, vt videre est apud Bonacinam supr. de reliquis verò censuris idem etiam docet Suarez, Ægidius, & alij apud eundem Laymannum cap. 5. de censur. & constat cit. cap. 1. de sententia excomm.

§. IV

Quæ forma inferendis censuris obseruanda sit.

FORMA in censuris ferendis obseruanda secundum communem Ecclesiæ praxim duo requirit. Primum est, vt admonitio aliqua præcedat, vt habetur ex cap. *Sacro*, de sententia excomm. & ex cap. *Reprehensibilis*, de appellationibus, & ex cap. *Statutum*, de sententia excomm. in 6. Ratio est, quia censura fertur tantum in contumaces contra Ecclesiam vel Superiorem, vt supra dictum est. nisi autem admonitio aliqua præcedat, non potest quis censi contumax. Hæc est autem differentia inter censuras, quæ incurruntur vi alicuius legis aut constitutionis, & eas quæ infliguntur ab homine, quod illæ non requirant admonitionem distinctā ab ipsa

lege vel constitutione, quæ eo ipso quo promulgatur vel notificatur sufficientem admonitionem continere censetur; hæc verò expressam & distinctam admonitionem requirunt, vt docent Suarez, Filliucius, & alij apud Bonacinam suprà punct. 9.

Triplex autem regulariter admonitio præmitti debet tribus distinctis dierum aliquorum interuallis, vt habetur ex cap. *Omnes decima* 16. *quæst.* 7. & cap. *Constitutionem*: de sententia excomm. in 6. nisi necessitas aliqua aut rationabilis causa trinam illam admonitionem, aut plurium dierum interuallum impediat, vt habetur ex citato capite de sententia excomm.

2. Secundum est, vt censura feratur in scripto, quo exprimatur species censuræ quæ infligitur, nomen illius cui infligitur, & causa ob quam infligitur: aliàs ferens censuram solo verbo sine scriptura, mortaliter peccat (vt ex communi Doctorum consensu docet Bonacina sup. pun. 8.) incurritque suspensionem ab ingressu Ecclesiæ per mensem: quam etiam suspensionem incurrit is, qui parti petenti sententiæ latæ exemplar non concedit intra mensem, vt habetur ex cap. *Cum medicinalis* de sententia excomm. in 6. Eximuntur tamen ab hac suspensionis pœna Episcopi ferentes censuram sine scripto; non enim in citato capite fit mentio Episcoporum: quando autem in censuris suspensionis vel interdicti non fit expressa mentio Episcoporum, certum est Episcopos ijs non obligari, vt habetur ex cap. *Periculosum*, de sent. excomm. Eximuntur etiam ab hac pœna quicumque Superiores ferentes censuram sine scripto, quando id solummodo faciunt ob urgentem aliquam & iustam causam; vt obseruat idem Bonacina, qui etiam rectè monet, quod, quamuis nulla eiusmodi causa urgente illicitum sit censuram aliquam ferre sine scripto, hæc tamen censura valida est.

S. V.

Quanam causa ab incurrendis censuris excusent.

I QVATVOR præcipuè à Theologis numerantur. Prima est ignorantia inuincibilis seu inculpabilis, tum iuris, tum facti. Atque in primis communis est Doctorum sententia, ignorantiam inculpabilem iuris excusare incurrenda quauis censura, cum quis scilicet inculpabiliter ignorat prohibitionem aliquam aut legem latam esse à iure vel ab homine. Ratio est, quia ad incurrendam censuram requiritur contumacia: sed ubi adest ignorantia eiusmodi inculpabilis, nulla committitur contumacia; ergo nec vlla censura incurritur. Ita Syluester, Nauar. Henriquez, Filliucius, Suarez, & alij apud

apud Bonacinam qu. 2. pun. 1. & habetur ex cap. secundo contit. 6. unde colligitur illum, qui scit quidem delictum aliquod esse diuina lege vetitum, sed nescit illud esse quoque ab Ecclesia speciali lege prohibitum, si delictum illud committat, quamuis alioquin grauius peccet, nullam tamen censuram incurrere, vt Doctores suprà citati docent.

Quod autem etiam ignorantia facti seu qualitatis facti excuset à censuris incurrendis, asserunt iidem Doctores, & plures alij apud eundem Bonacinam: & constat tum ex capite *Si verò 2. de sent. excom.* tum etiam ex eo quod eiusmodi facti vel qualitatis facti ignorantia interueniente, nulla quoque adsit aduersus Ecclesiam contumacia: unde patet eum, qui occiderit Sacerdotem, putans se occidere hominem laicum, quamuis grauius peccet, non tamen incurrere excommunicationem.

Addit idem Bonacina ex Suare, Nauarro, & alijs quos citat, etiam ignorantiam pœnæ, id est censuræ excusare ab ipsa censura incurrenda: v.g. illum qui sciret quidem Sacerdotis percussionem esse diuina & Ecclesiastica lege prohibitam, sed ignoraret sub excommunicationis pœna prohibitam esse: si Sacerdotem percutiat, quamuis peccet; nullam tamen incurrere excommunicationem.

Secunda causa excusans ab incurrendis censuris est appellatio iusta & debitè facta: quæ tamen causa locum habet solummodò in censuris illis, quæ sub conditione feruntur; vt quando iudex vel Prælati inferior præcipit alicui sub interminatione censuræ, vt aliquid faciat vel omittat; in eiusmodi enim causa, si appellatio ad superiorem fiat ante conditionis illius positionem, excusabit ab incurrenda censura; non vero si postquam conditio illa posita fuerit. Ita Syluester, Henriquez, Nauarrus, & plures alij apud Bonacinam suprà: e.g. præcipitur alicui sub pœna excommunicationis ipso facto incurrendæ, vt compareat coram Iudice Ecclesiastico intra tres dies, si ab ea sententia ex causa aliqua rationabili appellet ante tres illos dies expletos, appellatio impedit quominus incurrat excommunicationem: non impedit autem, si post tres illos dies appellationem differat.

3 Tertia causa est impotentia id faciendi, quod sub censuræ alicuius interminatione faciendum præcipitur: siue impotentia illa sit Physica, siue Moralis tantum: quando scilicet aliquis vel nullo modo, vel sine graui aliquo incommodo id facere non potest; quod similiter dici debet, quando quis ob metum aliquem grauem & cadentem in constantem virum, eiusmodi præcepto non obtemperat, quia (vt Nauarrus, Suarez, Filliucius, & alij apud Bonacinam docent. q. 2. pun. 5.) Ecclesiæ præcepta benignè sunt accipienda: nec credibile est illam cum tanto rigore obligare velle: proindeque, cum huiusmodi

impotentia vel metus à contumacia excuset, excusat etiam à quavis censura incurrenda.

Quarta denique causa est voluntas & intentio illius, in cuius fauorem lata est censura aliqua : v. g. si quis creditor ab Ecclesiastico iudice obtineat sententiam excommunicationis aduersus debitores suos, nisi intra sex menses restituant; proroget vero postea, in scio illo iudice, terminum illum, vsque ad annum, creditores illi nonnisi post annum elapsum incurrant excommunicationem, vt supra citati Doctores asserunt apud eundem Bonacinam supra.

§. VI.

Quis absolueret possit à censura, & qua requirantur dispositiones in eo qui absoluitur.

ACENSURIS quæ nemini referuantur, absolueret potest quilibet potestatem habens absoluendi à peccatis mortalibus, vt docent Nauarrus, Sotus, Suarez, & alij apud Bonacinam q. 3. pun. 1. à censuris vero referuatis absolueret potest qui eam tulit, vel eius Superior aut Successor, aut delegatus, vt ex communi Doctorum consensu docet idem Bonacina; & habetur ex cap. *Perpetua*, & ex cap. *Sacro*, de sentent. excomm. Imo Episcopi à quibusvis delictis annexam censuram Papæ referuatam habentibus absolueret possunt, dummodo delicta sint occulta: id est non sint publica, vel notoria, aut famosa, nec deducta ad forum contentiosum, vt ex communi Doctorum sententia docet idem Bonacina. In articulo vero mortis potest quilibet Sacerdos, etiam suspensus & degradatus absolueret à quibuslibet censuris, vt in tractatu de Sacramentis cap. 5. dictum est: cum onere tamen, vt qui sic absolutus est, si periculum euadat, Superiorem adeat executurus id quod sibi ab eo præscribetur, vt habetur ex cap. *Eos*, de sentent. excomm. in 6.

Ad absolutionem autem à censuris ex parte absoluentis nulla certa verborum forma necessaria est: sed sufficiunt quæcumque verba ore prolata, vel scriptis expressa quibus ipsa absolutio exprimitur, vt docent Suarez, Filliucius, & alij apud Bonacinam supra.

Ex parte vero illius qui absoluitur, duo præsertim requiruntur, scilicet ipsius absolutionis petitio, & debita satisfactio, si censura ob illatum alicui damnum illata sit, aut saltem sufficiens cautio de illa præstanda: & præterea si censura inflicta sit ob aliquod graue delictum, debet absoluendus sub iuramento polliceri, se non amplius tale crimen patraturum, seque in posterum mandatis Ecclesiæ obtemperaturum, vt docet idem Bonacina punct. vltim.

In absolutione vero solemnī à censuris debent ea servari, quæ in Rituali Romano, aut alijs cuiusque Diœcesis proprijs præscribuntur.

§. VII.

Quotuplex sit censura Ecclesiastica.

1 **M**ULTIPLEX est censura: alia siquidem est censura *à iure*, quæ lege aliqua aut Canone fertur, & tamdiu viget, quamdiu ipsa lex aut Canon vim suam obtinet: alia *ab homine*, quæ à iudice, aut Superiore fertur, non per modum sententiæ iudicialis, sed præcepti temporalis & transitorij: & hæc censura illo mortuo cessat.

Alia item est censura *lata sententia*, quæ ipso facto incurritur, absque alia iudicis sententia: alia *comminatoria*, seu *ferenda sententia*, quæ non incurritur ante sententiam iudicis. Ex terminis autem quibus censura fertur, dignosci debet, an sit solummodo comminatoria, an vero ipso facto incurrat.

2 Alia præterea est censura *iusta*, quæ prævijs tribus monitionibus, & servato iuris ordine, iustamque ob causam fertur ab eo qui legitimam habet auctoritatem. Alia *iniusta*, in qua deest aliquid ex suprâ dictis, & hæc rursus subdividitur in *validam* & *invalidam*. Censura iniusta & nihilominus valida, ea est, quæ fertur ab eo qui habet auctoritatem legitimam, ob causam sufficientem, aliqua monitione præcedente, quamvis aliæ conditiones suprâdictæ desint. Censura vero iniusta & invalida illa est, in qua deest una ex his tribus conditionibus: nimirum quæ fertur ab eo qui legitimam non habet auctoritatem, vel absque sufficienti causa, aut nulla monitione præmissa.

Denique censura in tres præcipuas species dividitur, scilicet excommunicationem, suspensionem & interdictum: de quibus sequenti sectione agendum.

S E C T I O II.

De censuris in particulari.

1 **Q**VÆ de ipsis censuris in communi dicta sunt, ea de vna quaque illarum in particulari intelligi debent: cum in ijs simili modo conveniant, & par sit illarum ratio, ut habetur ex cap. 1. de sentent. excom. in 6. quare hic solum subiungemus ea, quæ cuiusque illarum propria sunt.

§. I.

De Excommunicatione.

I **V**ta quæ de censura excommunicationis dicenda sunt, melius percipiantur, obseruandum est in Ecclesia esse *Sanctorum communionem*, vt dicitur in Symbolo, id est societatem quandam & vnionem inter fideles, ac communium bonorum participationem: sicut enim corporis naturalis membra, licet in figura, situ, & operationibus diuersa sint, eodem tamen spiritu animantur, iisdem nutriuntur alimentis, & eadem solatia & subsidia persentiunt; sic cum omnes fideles vnus corporis mystici quod est Ecclesia, membra sint, ideo communibus ipsius Ecclesiæ bonis, v.g. Sacramentis, sacrificijs, diuinis officijs, &c. participant, & præterea orationibus, eleemosynis, & alijs particularibus virtutum operibus sese iuuare possunt: vnde dicebat Propheta: *Particeps ego sum omnium timentium*, &c. Psal. 118. & hortabatur Apostolus, *Orate pro inuicem, vt saluemini*. Iacob. vlt.

Hac obseruatione supposita facile intelligi potest quid sit excommunicatio. Est enim censura Ecclesiastica, qua homo baptizatus priuatur communionem fidelium, id est participationem aliquorum bonorum, quæ sunt omnium fidelium communia.

Dicitur *censura Ecclesiastica*, quo significatur de illa intelligi debere ea, quæ de censuris in communi dicta sunt.

Qua homo baptizatus, quia homo per Baptismum subditur Ecclesiæ, & eius iurisdictioni subiacet. Quod de non baptizatis dici non potest. *Quid enim* (inquit Apostolus) *mihî de ijs qui foris sunt iudicare?*

Priuatur communionem fidelium, id est participationem aliquorum bonorum quæ sunt fidelium communia. Non dicitur priuare participationem omnium bonorum, sed tantum aliquorum, non enim priuat, e.g. gratia, sed priuationem illius per peccatum & contumaciam præsupponit, imo fieri posset vt quis perfectæ contritionis actu gratiam recuperasset, priusquam ab excommunicatione absolueretur. Similiter non priuat bonis spiritualibus particularibus, v.g. effectu orationum, quas aliquis priuatim pro excommunicato offert, sed tantum communibus.

Est autem duplex excommunicatio, alia maior, alia minor: excommunicatio illa maior dicitur, quæ communionem plurimum bonorum priuat; minor, quæ pauciorum. Bona verò quibus maior excommunicatio priuat, sex præsertim numerantur à Doctoribus.

Primò enim Priuat administratione & receptione Sacramentorum .

Secundò participatione suffragiorum communium Ecclesiæ, quæ scilicet à Clericis quatenus Ecclesiæ Ministris, pro fidelibus offeruntur .

Tertiò iure audiendi Missam & assistendi officijs diuinis publicis; tenetur tamen Clericus in sacris cõstitutus aut Beneficiatus, quamuis excommunicatus, priuatim solus officium recitare, sed in illa recitatione abstinere debet ab illis verbis, *Dominus vobiscum*, vt docet Nauarrus, & alij apud Bonacinam supra .

Quartò electione passiuæ ad quæuis beneficia & dignitates Ecclesiasticas .

Quintò sepultura Ecclesiastica .

Sextò communicatione omni humana & ciuili cum alijs fidelibus: quod Doctores hoc versiculo exprimunt.

Os, orare, vale, communicio, mensa, negatur.

Os, significat allocutionem, confabulationem, siue fiat per litteras, nutus, aut alia signa: item quæcunque alia signa exteriora amicitie, vt oscula, amplexus, &c.

Orare, significat simul cum excommunicato orationem facere, diuinum officium recitare, &c.

Vale, id est excommunicatum salutare, aut honorem aliquem verbis aut gestis illi exhibere.

Communicio, id est quæuis societas cum excommunicato, in habitatione, vel exercitio, aut contactu.

Mensa, id est simul cum illo & in eadem mensa comedere .

Quæ communicationes cum excommunicato prohibentur, in quantum per illas vnio & amicitia mutua inter fideles fouetur.

Qui autem cum excommunicato communicant, peccant; grauius quidem ac mortaliter, si hæc communicatio fiat in diuinis; venialiter verò si in alijs casibus: & qui cum illis communicant, incurrunt minorem excommunicationem, quæ priuat tantummodo susceptione Sacramentorum, & electione passiuæ ad beneficia: aut dignitates Ecclesiasticas, vt habetur ex cap. *Si celebrat*, de Cleric. excomm. ministr.

3 Sunt tamen hic duo obseruanda. Primum est id, quod habetur in Bulla Martini V. quæ incipit *Ad euitanda*, & confirmata fuit à Leone X. in Concilio Lateran. referunturque à Nauarro, c. 27. num. 35. quæ quidem summus Pontifex ad euitanda animarum pericula, statuit vt nemo deinceps quemquam ratione alicuius sententie aut censure Ecclesiasticæ à iure vel ab homine generaliter promulgatæ, in Sacramentorum administratione, receptione, aut alijs quibuscunque rebus diuinis vel externis vitare, aut interdictum obser-

obseruare teneatur; nisi sententia vel censura eiusmodi contra certam personam, Collegium, Ecclesiam, &c. specialiter à iudice publicata vel denunciata fuerit, eo excepto, qui ob sacrilegam manuum iniectionem in Clericum, excommunicationem canonis notoriè incurrit, vt factum eius nulla tergiversatione celari & nullo iuris suffragio excusari possit: nam ab eiusmodi etià non denunciati communione abstinendum est. Postea vero subiungitur: *Per hac autem non intendimus ipsos excommunicatos, suspensos, interdictos in aliquo subleuare vel quomodolibet eis suffragari*; id est (vt explicat Layman. par. 2. c. 1. de excom.) quod, quamuis in commodum aliorum hac Pontificis indulgentia vti possint excommunicati illi, qui non sunt denunciati, aut notorij Clericorum percussores: quando tamen agitur de ipsorum excommunicatorum commodo, eadem hæc indulgentia ipsis suffragari minimè possit.

4 Secundum est, ratione necessitatis, vel utilitatis, vel pietatis licitam interdum esse communicationem aliquam cum excommunicato etià denunciato, vel notorio Clericorum percussore: vnde Doctores ex capite *Quoniam multos*, 11. q. 3. causas aliquas colligunt, ob quas eiusmodi communicatio licitè haberi potest, quas hoc versiculo communiter exprimunt.

Vtile, lex, humile, res ignorata, necesse.

Vtile, significat utilitatem spirituales excommunicati, aut illius, qui eum eo communicat.

Lex, obligationem illi reddendi quod ei iuste debetur, vt si debitor creditori mutuum restituat; si vxor viro debitum coniugale reddat.

Humile, designat subiectionem, & obsequium, quod filius parenti, seruus domino deferre tenetur.

Res ignorata, iuris aut facti ignorantiam inuincibilem, seu inculpabilem.

Necesse, necessitatem spiritualem, aut etià temporalem, si sit notabilis: vnde licitum est, v. g. in graui necessitate corporali eleemosynam petere & accipere ab excommunicato denunciato.

3 Quæret aliquis quot sint & quinam casus, in quibus excommunicatio maior incurritur: minorem siquidem constat vnico solum casu incurri, communicatione scilicet cum excommunicato in casibus suprâ explicatis. Respondetur in duobus generatim casibus incurri. Primo, quando fit, vel omittitur aliquid quod à iure prohibitum est, vel præscriptum sub pœna excommunicationis ipso facto incurrendæ. Secundò, quando Iudici Ecclesiastico vel Prælato aliquid sub pœna excommunicationis ipso facto incurrendæ præcipienti, & monitiones aliquas eo fine adhibenti, non obtemperatur.

Et primi quidem generis excommunicationes plurimæ & maximè diuersæ per totum iuris canonici corpus passim pro varijs causis & euentibus latæ reperiuntur, quæ à Toletò lib. 1. cap. 18. 19. &c. summa cura collectæ sunt, & apud illum videri possunt: quas proindè hic sigillatim recensere nimis prolixum foret, & instituti nobis propositi limites excederet. Vnum tantùm casum; qui frequentius accidere potest, hic breuiter adnotabimus, qui habetur cap. *Si quis*, 10. quæstione quarta, his verbis, *Si quis suadente diabolo in Clericum vel Monachum manus violentas iniecerit, anathematis vinculo subiacet*. Ad cuius Canonis intelligentiam obseruandum est, hac voce, *si quis*, comprehendendi omnes vtriusque sexus, ordinis ac dignitatis personas quæ sunt excommunicationis capaces. Nomine *Clerici* intelligi, non modò illum, qui in sacris vel minoribus Ordinibus constitutus est; sed eum etiam, qui prima Tonsura initiatus est, dummodo priuilegium Clericale non amiserit: amittitur autem illud priuilegium primò degradatione, vt liquet ex capite *Degradatio*, de pœnis in 6. secundò professione artis alicuius indecentis, puta histrionis, lenonis, cauponis, vt habetur in 6. & in Clement. I. de vita & honest. Clericorum: tertio bigamia, vt constat ex cap. *Nuper*, de bigamis par. 2. c. 5. de ex. Imò Bannes, Suarez, & alij apud Laymannum docent, Clericum non gaudere priuilegijs dicti canonis, nisi Clericalem habitum & Tonsuram deferre solitus sit; vel beneficium Ecclesiasticum possideat: vel alicui Ecclesiæ ex mandato Episcopi deferuiat. Additque Laymannus Clericum in sacris constitutum, si dimisso habitu & Tonsura, se negotijs secularibus immisceat, admonitusque ab Episcopo non emendetur, amittere priuilegium canonis, vt habetur ex capite *Audientia*, cap. *Contingit*, 2. de sententia excom. non tamen priuilegium foris; vnde si à iudice sæculari in aliquo crimine deprehendatur i. sine habitu Clerici, postulare potest, vt ad proprium iudicem Ecclesiasticum remittatur; quod illi à iudice sæculari recusari non debet.

Nomine *Monachi* comprehenduntur religiosi professi aut conuersi, & etiam nouitij: intelliguntur etiam Moniales professæ, aut conuersæ, vel nouitix; vt habetur. cap. *Cum illorum*, & cap. *De Monialibus*, de sentent. excomm. & capite *Religioso*, de sentent. excom. in 6.

Per *manus violentas*, significatur quæuis exterior actio iniuriosa seu contumeliosa contra personam Ecclesiasticam vel Religiosam, v.g. eam percutere manu vel pede, eam violenter detinere, aliquid ab ea violenter eripere, eam conspergere aqua, puluere, aut aliquid simile attentare, quod eam notabili aliqua contumelia afficere censeatur, vt fusius explicat Bonacina dis. 1. de ex. quæst. 4. pun. 1. qui rectè obseruat non incurri excommunicationem, si eiusmodi

manus injectio fiat ex aliquo subito & indeliberato animi motu; aut si iniuria vel contumelia illata, viri prudentis iudicio, talis non sit quæ ad peccatum mortale sufficiat.

Circa excommunicationes posterioris generis, cum ut plurimum ferantur à Iudice Ecclesiastico, non modo contra eos, qui crimen aliquod commiserint, ut ipsi, quorum interest satisfaciant: sed etiam contra illos, qui crimen aliquod commissum esse probè scientes, illud denunciare aut reuelare noluerint: difficultas est, vtrum in quibusvis casibus teneatur quis Iudici denunciationem aut declarationem eiusmodi, sub pœna excommunicationis, imperanti obtemperare, & nisi fiat, vtrum semper excommunicationem incurrat, Pro cuius resolutione dicendum est, varios esse casus, in quibus nulla est obligatio ad eiusmodi reuelationem seu denunciationem, ac proinde nulla ex omissione illius incurritur excommunicatio: ad casus autem illos dignoscendos sequentes regulæ communiter à Doctoribus proponuntur, ut videre est apud Bonacinam supr. qu. 6. pun. 1.

7 Prima regula est, neminem teneri delictis, quæ in proprium damnum ab alijs commissa sunt, seu in propria causa, denunciare delinquentem, nisi forte publicum & commune bonum id postulet: cum quilibet possit iniurias sibi factas condonare.

Secunda regula est neque etiam obligationem esse denunciandi, quando ex tali denunciatione notabile aliquod damnum aut periculum imminet denuncianti; neque enim lex humana aut præceptum Superioris cum tanto incommodo censetur obligare; unde sequitur neque uxorem teneri ad denunciandum crimen mariti, neque maritum vxoris, neque filium patris: quia scilicet damnum mariti vel patris non potest non redundare in uxorem aut filium, vel è contra: Imo Auila & alij DD. apud eundem Bonacinam hanc regulam extendunt ad generos, soceros, fratres & alios intra 4 gradum, & etiam ad seruos & domesticos; quando ex tali denunciatione inimicitiae, rixæ, aut alia similia incommoda oriri possunt: excipiuntur tamen crimina illa, quæ vergunt in maximum Communitatis aut Reipublicæ detrimentum, qualia sunt crimen heresis, læsæ Maiestatis, &c. bonum enim commune præferri debet bono particulari.

Tertia regula est, neminem obligari ad reuelandum id quod nouit ex secreto naturali: v. g. quando quis consilij vel auxilij petendi gratia pro salute animæ vel corporis, aut pro defensione honoris, bonorum, &c. crimen suum alicui sub secreto manifestauit: quæ ratione Medici, Aduocati, Obstetrices, &c. non tenentur, imo non debent reuelare id quod hac tantum ratione cognouerunt.

8 Quarta regula est, neminem obligari ad denunciandum crimen illud, quod scit probari non posse: verbi gratia is solus vidit furtum aliquod committi, quod nullis alijs testibus aut indicijs scit probari posse, non tenetur ad illud denunciandum: crimen enim quod probari non potest, ita se habet, ac si nesciretur, ut colligitur ex capite. *Qualiter & quando*, de accusationibus: excipitur tamen crimen hæresis, aut aliud vergens in graue damnum Communitatis, quod semper denunciandum est, ut docent Bannes, Filliucius, & alij apud eundem Bonacinam: quod similiter dicendum est, quando quis nouit impedimentum aliquod Matrimonij; vnus enim testis sufficit ad impediendum Matrimonium, ut habetur cap. *Postea*, de sponsalibus.

Quinta regula est, nullam esse obligationem reuelandi ea, quæ verè & cum certitudine aliqua morali non cognoscuntur, ita ut denunciatio illa nullam in foro externo fidem facere possit: qualia sunt quæ audita sunt ex rumore aliquo incerto, vel à personis aliquibus quæ non sunt fide dignæ, vel quando quis audiuit à fide digno: sed non meminit quis ille sit, à quo audiuit: Idem quando audiuit ab eo qui iam denunciavit. Addit idem Bonacina nec etiam obligationem esse reuelandi quando certo vel probabiliter creditur, nullum remedium facta eiusmodi reuelatione adhibendum esse à Superiore.

Est autem hîc obseruandum excommunicationis sententiam siue à lege, siue ab homine, nunquam ferri posse contra Communitatem aliquam aut Collegium ut habetur ex capite *Romana*, de excomm. in 6. Ratio est, quia (ut ibi dicitur) *exinde contingere posset innoxios huiusmodi sententia irretiri*: proindeque, *in illos duntaxat de collegio vel communitate, quos culpabiles esse contigerit, promulgari debere*.

§. II.

De Suspensione.

1 **S**USPENSIO est censura Ecclesiastica, qua prohibetur alicui personæ Ecclesiasticæ vsus seu exercitium officij vel beneficij Ecclesiastici. Ita ex communi Doctorum sententia Nauarrus c. 27. nu. 151. Ex qua definitione intelligitur multiplicem esse suspensionem: alia est enim ab officio tantum, siue officium sit ordinis, siue iurisdictionis: alia à beneficio tantum, seu ab administratione & fructibus beneficij percipiendis, alia ab officio & beneficio simul. Rursus alia suspensio ab officio in totum, quando quis priuatur omni vsu officij sui, alia est ab officio in partem, qualis est illa, qua,

qua, verbi gratia, quis suspenditur ab audiendis confessionibus, non verò ab alijs Sacramentis administrandis. Alia præterea est suspensio temporalis, quæ fertur ad certum tempus & illo elapso, cessat; nec est opus absolutione, vt docet Nauarrus supra: alia, quæ nullo termino temporis circumscribitur. Alia denique est suspensio pœnalis, alia medicinalis: penalis est ea, quæ fertur in punitionem & vindictam delicti commissi, vt quando quis suspenditur ob peccatum merè præteritum quæ quidem non fertur per modum censuræ, sed per modum pœnæ, vt obseruat Bonacina disp. 3. de susp. pun. 3. medicinalis est illa, qua intenditur emendatio delinquentis: & hæc est propriè censura.

Qui autem suspensionem violat, exercetque actum, à quo suspensus est, peccat mortaliter, nisi materiæ leuitas excuset: & si suspensionem illam violet per exercitium solemne ordinis alicuius maioris à quo suspensus est, incurrit irregularitatem, vt docent Suarez, Nauarrus, & alij apud Bonacinam pun. 4. & ex dicendis constat.

Sunt autem variæ suspensiones in iure: nos eas quæ frequentius incurri possunt, hic breuiter subiiciemus.

2. Prima est contra Clericum concubinarium notorium vt habetur ex capite *Quasimodo* de cohabitatione Clericorum & mulierum: quamuis autem Bonacina supr. pun. 5. & quidam alij DD. quos citat, existiment suspensionem illam non incurri, nisi post sententiam Iudicis, præmissa monitione; nihilominus Toletus libro 1. capite 7. asserit suspensionem illam ipso facto incurri ante quamcunque sententiam. Certè Concilium Tridentinum sessione 45. capite 14. graues decernit pœnas contra Clericos concubinos; præterquam enim quod innouat pœnas antiquis canonibus latas, statuit præterea vt, si à Superioribus admoniti non resipiscant, priuatione beneficiorum, excommunicatione maiori, suspensione ab ordinibus, inhabilitate ad quæcunque beneficia, officia, & dignitates, degradatione, & alijs similibus pœnis plectantur.

Secunda est contra recipientem sacros Ordines sub titulo ficto patrimonij vel beneficij, colligitur ex Bulla Pij V. quæ incipit *Romanus Pontifex*, vt docent Quaranta, Suarez, Filliucius & alij apud Bonacinam sup. quanquam Tolet. existimet suspensionem illam non incurri ipso facto, sed arbitrio Episcopi infligendam esse.

Tertia est contra eum, qui sacros Ordines recipit extra tempora per Ecclesiam constituta, vel ante legitimam ætatem, vel absque litteris dimissorijs, vt habetur in extrauagant. Pij II. quæ incipit *Cum ex sacrorum*, & altera extrauaganti Sixti V. quæ incipit *Sanctum & salutare*, vt docent Suarez, Nauarr. & alij apud Bonacinam supra. A qua suspensione, vt ibidem dicit, absolueret potest

potest Episcopus, si delictum occultum sit: id est, si non sit notorium, nec deductum ad forum contentiosum.

3 Quæres utrum recipiens Ordines, non seruatis interstitijs incurrat suspensionem aliquam? Respondetur non incurrere, quamuis peccet is qui interstitia non seruat; nisi id fiat licentia Episcopi, aut consuetudine aliqua excusetur.

Quarta est contra suscipientem duos sacros Ordines in eodem die, aut duobus diebus continuis & immediatis; qui quidem suspenditur ab executione posterioris, ut habetur ex capite *Literas* de tēp. ordinat. similiter suscipiens eodem die minores Ordines cum Subdiaconatu, ut ibidem dicitur. Et hæc suspensio Papæ reservata est, ut docet idem Bonacina: obseruat tamen Laymann. tractat. 9. capite 10. de Sacram. Ordinis, Cardinalium congregationem supr. sess. 23. Conc. Tridentini capite 13. declarasse eum, qui regionis consuetudine vno eodemque die quatuor Minores & Subdiaconatum recipit, nullam incurrere suspensionem.

Quinta est contra Clericum, qui vacante Sede Episcopali, & non arctatus occasione beneficii recepti aut recipiendi, Ordinem aliquē sacrum recipit cum dimissorijs Capituli, ut habetur in Conc. Trid. sess. 7. c. 10. de reform. vbi prohibetur Capitulis Ecclesiarum, ne Sede vacante infra annum à die vacationis, dent litteras dimissorias; nisi urgente aliqua necessitate, aliàs statuit ut Capitulum interdicto Ecclesiastico subiaceat; & sic ordinati ad beneplacitum futuri Prælati sint ab Ordinibus susceptis ipso facto suspensi.

4 Sexta est contra Clericum, qui per saltum recipit Ordinem superiorem, antequam receperit inferiorem; v. g. Presbyteratum ante Diaconatum, ut habetur capite vnic. de Clerico per saltum promot. & ex Conc. Trident. sess. 23. cap. 14.

Septima est contra eum, qui recipit Ordines ab Episcopo excommunicato, suspenso aut interdicto, denunciato; vel etiam simoniaco per sententiam declarato, ut habetur capite 1. & 2. de schismat. & capite *Si quis*, 1. quæst.

Octaua est contra eum qui recipit scienter aliquem Ordinem per simoniam, quamuis occultam, ut habetur cap. *Per tuas*, de simonia.

Nona est, est contra eum, qui excommunicatione aliqua irretitus scienter Ordinem recipit, ut habetur c. *Cum illorum*, de sent. excommun.

Decima est contra eum qui furtiuè aliquem Ordinem recipit: id est, qui inscio Episcopo non vocatus vel approbatus ad Ordines suscipiendos accedit; aut qui alio præmissio, qui suo nomine examinetur, vocatus, deinde proprio nomine Ordines recipit, ut habetur c. 1. de eo qui furtiuè, &c.

Vndecima est contra Sacerdotem tam sæcularem quàm regularem coniungentem in matrimonium, vel benedicientem subditos alterius Parochiæ, absque licentia Parochi vel Ordinarij, vt habetur in Conc. Trid. sess. 24. cap. 1. de ref.

Duodecima est contra Episcopum conferentem Ordines vel primam Tonsuram extraneo, absque dimissorijs Episcopi: aut ordinationes facientem in aliena diœcesi absque licentia Ordinarij, vt habetur in Conc. Trident. sess. 23. cap. de reform. aut conferentem Ordines vel Tonsuram simoniacè, vt habetur capite pen. de simonia.

Decimatertia est contra Episcopum aliquid etiam spontè oblatum in visitatione accipientem, præter id quod sibi debetur: qui quidem suspenditur ab ingressu Ecclesiæ, nisi intra mensem duplum restituat, vt habetur cap. *Exigit*, de censibus in 6. Et hæc suspensio incurritur etiam ab alijs visitatoribus Ecclesiarum, aut eorum familiaribus, si occasione visitationis munera etiam spontè oblata recipiant, nisi intra mensem duplum restituant.

Sunt aliæ plures iuris suspensiones rariùs occurrentes quæ videri possunt apud Tolet. & alios.

Ad suspensionem proximè accedit depositio & degradatio, per quam persona Ecclesiastica ob enorme aliquod crimen remouetur in perpetuum ob omni Ordine, iurisdictione & beneficio: ita vt, quamuis non amittat characterem Ordinis qui indelebilis est, priuetur tamen omni & quocunque illius usu, sine remissionis spe. Quod si hæc fiat solis verbis, appellatur verbalis depositio: si præter verba quædam aliæ cæremoniæ in Pontificali præscriptæ adhibeantur, vocatur realis depositio seu degradatio. Hæc est autem inter vtramque differentia, vt obseruat Bonacina disp. 4. de leg. punct. vn. quod depositio verbalis fieri possit in absentem: degradatio verò solummodo fiat in præsentem; præterea depositio verbalis non tollit priuilegium fori, degradatio verò tollit: ita vt degradatus possit à iudice laico eodem modo plecti, ac si nunquam in Christi Domini Clerum fuisset cooptatus.

Obseruat autem Toletus, quod quamuis depositio verbalis ob crimen aliquod enorme arbitrio iudicis infligi possit; degradatio tamen realis fieri non debet nisi ob crimina illa quæ in iure expressa sunt, qualia sunt hæresis manifesta, sodomia calumnia proprio Episcopo irrogata, & alia similia, quæ videri possunt apud Doctores & Canonistas.

§. III.

De Interdicto.

1 **I**NTERDICTI nomine intelligitur Ecclesiastica censura, per quam participatio Sacramentorum, diuinorum officiorum, & Ecclesiasticæ sepulturæ prohibetur. Id colligitur ex cap. *Non est nobis*, de sponsalibus, ex cap. *Quod in te*, de poenitentia & remissione.

Interdictum aliud est locale, aliud personale, aliud mixtum. Locale est, quo interdicitur, ne in eo diuina officia celebrentur, sacramenta administrentur, &c. quamuis eiusmodi loci incolæ possint alibi diuinis officijs assistere, Sacramenta recipere, &c. Personale est, quo persona aliqua particularis vel communitas aliqua personarum, puta populus ciuitatis aut prouinciæ alicuius interdicitur, ne ubique sit, diuinis officijs assistat, Sacramenta recipiat, &c. Mixtum verò complectitur vtrumque, personale scilicet & locale. Ita Nauarrus, Syluester, & alij apud Bonacinam disp. 5. de interd. punct. 1.

2 Rursus interdictum aliud est generale, aliud particulare. Interdictum particulare est, quo locus aliquis particularis interdicitur, v. g. Ecclesia aliqua ob crimen aliquod in ea perpetratum, vel quo personæ aliquæ afficiuntur, non vt membra ciuitatis, sed personæ particulares; v. g. quando interdicuntur omnes & singuli qui tale facinus patrarunt. Interdictum verò generale est, quod fertur in locum aliquem generalem, qui à communitate aliqua occupatur, v. g. regnum, diocesim, ciuitatem; vel ipsam communitatem; vt est corpus aliquod politicum, v. g. in populum alicuius regni, ciuitatis, &c. Et eiusmodi interdictum constringit omnes qui ex illa communitate sunt, etiam innocentes qui prouide illud seruare tenentur, nisi speciali aliquo priuilegio sint exempti, vt fusiùs explicat Bonacina sup.

Quamuis autem per interdictum prohibeatur participatio sacramentorum, diuinorum officiorum & Ecclesiasticæ sepulturæ; hæc prohibitio tamen varias recipit exceptiones.

3 In primis enim sacramenta Baptismi, & Confirmationis solemniter tempore interdicti ministrari possunt, vt habetur cap. *Quoniam*, & cap. *Alma mater*, de sentent. excomm. in 6. Sacramentum etiam Poenitentiae, vt ibidem dicitur, ministrari potest, præterquam ijs qui sunt in causa culpabili, ob quam latum est interdictum, nisi priùs satisfecerint, aut satisfaciendi idoneam dederint cautionem, vel saltem se satisfacturos esse iurauerint. Sacramentum item Eucharistiæ tempore interdicti non nisi in articulo mortis per modum viatici

Gg 2 mini-

ministrari potest. Sacramentum verò extremæ unctionis, secluso extremæ necessitatis casu, quando alia suscipi non possunt, item Ordinis, & matrimonij tempore interdicti neque ministrari, neque suscipi licitè possunt, ut fusiùs docet, & varijs autoritatibus probat Bonacina suprà; quamvis Nauarrus cap. 27. num. 179. & alij probabiliter existiment, Matrimonium tempore interdicti licitè contrahi posse.

4 Quod spectat ad officia diuina, obseruandum est eo nomine significari Sacrificium Missæ, Horas Canonicas, quæ publicè cantantur in Ecclesia: Benedictiones solemnes, & alia omnia, quæ publicè ad cultum diuinum fiunt à personis Ecclesiasticis, quæ omnia prohibita esse censentur: cum hac tamen limitatione, sicut habetur cap. *Alma mater*, vt tempore interdicti quotidie in Ecclesijs specialiter non interdictis celebrentur Missæ, & alia diuina officia, sed ianuis clausis, sine campanarum sono, voce submissa, exclusis excommunicatis & interdictis, præter quàm in festis Natalis Domini, Paschæ, Pentecostes, & Assumptionis B. M. V. quibus additus fuit à Martino V. dies festus Corporis Christi cum octaua, & à Leone X. dies Conceptionis B. M. V. in quibus diebus licitum est tempore interdicti generalis, Missas & diuina Officia celebrare publicè & solemniter, ianuis apertis, cum sono campanarum, admissis quoque interdictis, illis etiam, quorum causa latum est interdictum, modò isti longè sint ab Altari, nec ad oblationes aut communionem admittuntur. In Ecclesijs verò specialiter interdictis, in quibus asseruatur Eucharistia, licitum est tantùm semel in hebdomada Missam celebrare ad renouandam Eucharistiam, vt docent Henriquez, Nauarrus, & alij apud Bonacinam suprà cap. 2. de interd.

5 Quod spectat denique ad priuationem sepulturæ Ecclesiasticæ, obseruat Laymann, quòd quamvis tempore interdicti localis, non possint laici, licet non interdicti, sepeliri in loco interdicto: possint tamen Clerici, dummodo personaliter interdicti non sint, etiam in loco interdicto sepeliri, in silentio tamen sine campanarum pulsu sicut & laici etiam personaliter interdicti, si denunciati non sint, possunt in loco sacro non interdicto sepeliri.

Quæres, quibus in casibus incurratur interdictum. Respondetur interdictum locale generale præsertim incurri, quando dominus terræ iniuriosè Episcopum percutit aut cædit, aut id fieri mandat: item quando impedit ne Legatus aut Nuntius Apostolicus officium suum exequatur: & in alijs etiam casibus, qui quoniam rarius eueniunt, & apud Bonacinam suprà, aliosque Doctores videri possunt, à nobis prætermittuntur: circa quos casus tamen obseruat Bonacina ex Suarez, Filliucio, & alijs nullam esse obligationem seruandi interdicti ante denunciationem.

Proximè

Proximè ad interdictum accedit cessatio à diuinis , quæ quidem non est censura, neque etiam pœna : sed simplex prohibitio diuinorum officiorum , & administrationis Sacramentorum , ac sepulturæ Ecclesiasticæ in signum mœroris alicuius grauissimi, propter atrocem aliquam iniuriam honori diuino aut Ecclesiæ illatam: & hæc cessatio seruari debet eodem modo, quo de interdicto suprâ explicatum est, vt ex probabiliori Theologorum sententia docet Laymann, cap. 6. de cessat. à diuinis

SECTIO III.

De Irregularitate.

IRREGULARITAS non est censura, sed impedimentum Canonicum susceptionem Ordinum Ecclesiasticorum vel eorum vsum impediens. Ita ex communi Theologorum doctrina Suarez, Henriquez, Filliucius, & alij apud Bonacinam disp. 7. de irregularit. qu. 1. punct. 1. Ex duplici autem capite contrahitur irregularitas, scilicet ex defectu, vel ex delicto : de vtraque in sequentibus §§. Breuiter agemus.

§. I.

De irregularitate qua oritur ex defectu.

DEFFECTVS ex quibus oritur irregularitas, sunt in genere ij, qui aliquam inhabilitatem, vel indecentiam causant ad Ordines Ecclesiasticos conuenienter suscipiendos aut exercendos : & ij septem præsertim à Doctoribus adnotantur, vt videre est apud Toletum lib. 1. c. 57. & seq. & alios.

Primus est defectus animæ, qualis reperitur in ijs, qui vfu rationis carent, qui morbo epileptico laborant, qui sunt lunatici, energumini, omnino illiterati, neophyti publicam pœnitentiam agentes, vt fufius explicat Toletus sup. cap. 62.

Secundus est defectus corporis: quando scilicet aliqua in corpore mutilatio, vel deformitas, aut debilitas inest, quæ reddit hominem inhabilem ad functiones Ordinum exequendas, aut talem efficit, vt eas exercere non valeat, nisi cum notabili indecentia & deformitate, quæ maximum illius contemptum & horrorem ingeneret : vt si sit membro aliquo mutilatus, mutus, cæcus, aut altero oculo præsertim sinistro carens : Item si sit leprosus, si monstruosum aliquid & valdè difforme præ se ferat, vt pluribus docet idem Toletus cap. 63.

Tertius est defectus natalium: quando quis non ex legitimo matrimonio: sed ex fornicatione, adulterio, aut alio quouis illicito concubitu procreatus est, ut explicat idem Toletus cap. 58.

Quartus est defectus bonæ famæ: quando quis contraxit infamiam aliquam, siue ea sit juris, qua ratione circulatorum, histrionum, mimi, comœdi, & alij, artes eiusmodi aut officia exercentes, iure tum civili, tum Ecclesiastico censentur infames: siue infamia sit facti: ut quando quis crimine aliquo notorio & scandaloso contraxit infamiam, v.g. prodicione, sacrilegio, & alijs similibus, quæ degradatione vel depositione digna sunt, ut habetur apud eundem Toletum cap. 62. & 74.

Quintus est defectus ætatis ad suscipiendos Ordines requisitæ, de quo dictum est sup. tract. de sacram. c. 7.

Sextus est defectus Sacramenti, qui in bigamia reperitur: quando quis pluries matrimonium contraxit: quamuis enim id licitè fiat, si tale, nihilominus matrimonium pluries iteratum perfectionem suam omnimodam non habet, quantum ad significationem Sacramenti: non enim perfectè significare potest vnionem Christi Domini cum Ecclesia: quando vnus vel vna cum pluribus successiue contraxit, ut fufius explicat idem Toletus cap. 65. Est autem triplex bigamia, ut docet idem author: vera, quando quis verè & realiter pluries nupsit: interpretatiua, quando viduam in matrimonium duxit: & similitudinaria, ut loquuntur Doctores, quando quis post votum solemne Castitatis, matrimonium, etiam obtemperata dispensatione, contrahit.

3 Septimus denique est defectus lenitatis: quando quis directè vel indirectè morti vel mutilationi alterius, quamuis modo aliquo licito & iusto, cooperatur: ut iudices morti reum adiudicantes, accusatores, testes, scribæ, & alij officiales capitalis sententiæ executioni cooperantes: hi enim omnes, quando mors vel mutilatio alterius sequitur, sunt irregulares. Item qui alios consilio vel suasionibus inducunt ad accusandum, & ad litem criminalem intentandam, si ex eâ lite sequatur accusati condemnatio, & eius mors vel mutilatio: non tamen incurrit irregularitatem iudex Ecclesiasticus, qui aliquem degradat, & tradit brachio sæculari, maxime præmissa protestatione se non intendere vllam pœnam sanguinis, ut docet Bonacina disp. 7. qu. 4. de irreg. pun. 1. non etiam Inquisitores fidei tradendo aliquos iudici sæculari comburendos, etiamsi nullam præmittant protestationem: ut constat ex Bulla Pij V. apud eundem Bonacina, qui etiam rectè docet Clericum qui alium accusat, si non vindictam, nec vllam sanguinis pœnam petat, sed tantum satisfactionem sibi iuste debitam, non fieri irregularem, etiam si postea sequatur accusati mors vel mutilatio, quod tamen limitari debet, quando quis in causa propria postulat satisfactionem, præmissa protestatione, se nullam

nullam sanguinis pœnam petere: secus vero si accuset de iniuria illata personis extraneis: tunc enim, quamvis præmittat protestationem: si tamen mors vel mutilatio sequatur, incurrit irregularitatem, ut habetur ex cap. *Prælati*, de homicidio: ubi permittitur quidem Clerico conqueri coram iudice de malefactoribus suis, non verò de ijs qui alijs nocuerunt: aliqui tamen Doctores ut Anila, Henriquez, & alij apud Bonacinam supra, probabiliter existimant nullam incurri irregularitatem à Clerico, qui conqueritur coram iudice de illis, qui damnum domesticis suis aut alijs valde propinquis, v.g. parentibus, aut fratribus intulerunt: quia damnum illud propter unionem, quæ cum eiusmodi personis intercedit, ut proprium censetur.

4 Qui autem fert testimonium coram iudice contra reum aliquem, si ex eius testificatione mors vel mutilatio sequatur, fit irregularis. unde personæ Ecclesiasticæ nunquam ferre debent testimonium in eiusmodi causis, ut pluribus docet & probat idem Bonacina pun. 1.

Similiter qui pugnat & occidit in bello iusto, quamvis licite id faciat, fit tamen irregularis, ut habetur ex cap. *Petitio tua*, de homicidio: non tamen fit irregularis ille, qui proficiscens ad bellum iustum alio fine quàm pugnandi, hostem inuadentem occidit ad propriæ vitæ defensionem: neque qui hostem oppugnantem muros urbis, in sui suorumque defensionem occidit, aut qui hortatur milites ad fortiter pugnandum hostemque repellendum: & generaliter quicumque in sui vel aliorum defensionem, vel etiam in propugnationem honoris sui aut rerum suarum alterum occidit, servato tamen moderamine inculpatae tutelæ, non fit irregularis, ut fusiùs explicat & probat idem Bonacina punct. 6.

§. II.

De irregularitate qua oritur ex delicto.

QUINQUE sunt præsertim genera delictorum, ob quæ irregularitas contrahitur.

Primum est iteratio Baptismi: quando quis scienter rebaptizatur aut rebaptizatur: uterque enim contrahit irregularitatem, quod tamen intelligendum est de Baptismo absolute reiterato: qui enim sub conditione rebaptizaret infantem, de quo dubitaret an valide baptizatus esset, nec peccaret, nec ullam incurreret irregularitatem, ut docent Nauarrus, Suarez, & alij apud Bonacinam disp. 7. quæst. 3. pun. 3.

Secundum est violatio censuræ in susceptione, vel exercitio Ordinum:

dinum; v.g. si quis maiori excommunicatione ligatus recipiat Ordinem, aut si excommunicatione, suspensione, vel interdicto irretitus exerceat solemmniter aliquos actus maiorum Ordinum, vt si Missam celebret, aut Sacramentaliter absoluat, talis enim fit irregularis, vt habetur ex capite *Si quis Episcopus*, 11. q. 3. & capite *Is qui*, de sententia excomm. Obseruat tamen Bonacina, quod si quis censura aliqua ligatus exerceret actum Ordinis, urgente graui aliqua necessitate, aut ad euitandum aliquod scandalum, non incurreret irregularitatem: sicut nec ille qui ex ignorantia, aut inaduertentia, vel obliuione inculpabili idem faceret.

Tertium est indignum & indebitum sacrorum Ordinum exercitium absque legitima ordinatione: si quis v.g. solemmniter ministret in Ordine aliquo sacro, quem non habet, vt si Sacerdos exerceat actus Ordinis Episcopalis, si simplex Clericus Baptismum solemmniter administret: in his enim, & similibus casibus incurritur irregularitas.

Quartum est crimen hæresis: nam hæretici omnes & apostatæ à fide, necnon eorum fautores & defensores sunt irregulares etiam si sint occulti, vt habetur ex cap. *Qui in aliquod*, & cap. *Presbyteros* dist. 5. & etiam hæreticorum filij vsque ad secundam generationem, quamuis ab errore parentum recesserint, & veram fidem amplexi sint, vt habetur ex cap. *statutum* de hæreticis: si tamen parentes eorum ante mortem Ecclesiæ reconciliati fuerint, tunc quamuis ipsi parentes etiam post hæresis obiectionem maneant irregulares, filij tamen nullam ab ijs contrahunt irregularitatem.

Quintum denique est homicidium & mutilatio; quicumque enim alterum iniuste quocunque modo occidit & mutilat: vel illius iniustæ occisioni vel mutilationi cooperatur, iussu, consilio, auxilio, aut alio simili modo, fit irregularis, vt fusè explicat & probat Bonacina sup. pun. 8. & Toletus lib. 1. c. 79. & sequent. neque solum incurritur irregularitas ex homicidio voluntario, sed etiam ex casuali, quod accidit præter intentionem occidentis, si debita diligentia adhibita non fuit: quæ si adhibita fuisset, eiusmodi homicidium sequutum nõ fuisset: quod & similiter de mutilatione dicendum est: quod quidem varijs Exemplis explicat Toletus sup. quæ apud illum videri possunt.

§. III.

Qua ratione tollatur irregularitas.

QUATVOR modis tolli potest irregularitas, nimirum susceptione Baptismi, professione religiosa, ablatione seu remotione causæ, & dispensatione legitima.

Per

Per Baptismum tollitur quæuis irregularitas ex delicto proueniens, vel (vt magis propriè loquamur) per Baptismum fit, vt Baptizatus nullam incurrat irregularitatem delictorum, quæ ante Baptismum commisit: non tollit verò irregularitatem, quæ oritur ex defectu, si post Baptismum idem defectus remaneat.

Per professionem religiosam tollitur solummodo irregularitas ex defectu natalium proueniens quoad Ordines, non verò quoad prælaturas, vt habetur c. 1. de filiis presbyterorum.

Aufertur etiam irregularitas ex defectu proueniens, sublata causa, ob quam fuerat inducta; v.g. tollitur irregularitas ex defectu ætatis proueniens per aduentum legitimæ ætatis, & sic de alijs: vt docet Bonacina qu. 5. punct. 2.

2. Demum tollitur irregularitas per dispensationem legitimam: atque in primis summus Pontifex pro suprema autoritate, quam in vniuersam Ecclesiam obtinet, dispensare potest in quauis irregularitate, quæ iure humano introducta est, vt ex communi Doctorum consensu docet Bonacina punct. 1. & constat ex his quæ dicta sunt sup. c. de Legibus.

Episcopus etiam dispensare potest cum suis subditis in irregularitatibus prouenientibus ex delicto occulto, id est, ex delicto, quod non est publicum seu notorium in ratione delicti, e.g. si quis maiori excommunicatione occultè ligatus publicè celebret, & sic contrahat irregularitatem, poterit Episcopus in illa dispensare, quia licet celebratio sit publica, delictum tamen non est publicum, vt explicat Bonacina sup.

Excipitur tamen irregularitas ex homicidio voluntario proueniens, & ex quocunque delicto deducto ad forum contentiosum, à qua solus summus Pontifex dispensat; sicut & à quauis alia irregularitate, quæ ex defectu aliquo prouenit, vt ex communi Theologorum consensu docet Bonacina suprà, q. 2. pun. 1.

3. Potest nihilominus Episcopus dispensare cum illegitimo ad Tonfuram & minores Ordines, sicut & ad beneficium simplex, ad Ordines verò sacros, & alia beneficia quæ Ordinem sacrum requirunt, dispensare non potest, vt habetur cap. de filiis Presbyterorum in 6.

Atque hætenus de censuris Ecclesiæ ad maiorem Deiglariam & ipsius Ecclesiæ vtilitatem.

Clerum cooprari cupiunt, vt antequam illius sanctuarium ingrediantur, serio apud se perpendant num se ad sublime illud vitæ genus diuino nutu vocatos agnoscant, *Neque enim quisquam sumit honorem vt ait Apolt. Heb. 5. sed qui vocatur à Deo tanquam Aaron.*

2. Quod vt facilius & certius quisque perspicere possit, considerare debet num à Deo acceperit ea, quæ ad ministeria Ecclesiastica rite obeunda requiruntur: quos enim vocauit hos (iuxtà dictum eiusdem Apostoli) *idoneos effecit Ministros noui Testamenti.*

Atque in primis debet attendere nam vlla Censura, Irregularitate, aut alio simili impedimento sit obstrictus; num aliquibus prauis inclinationibus aut vitijs cùm Clericali vitæ sanctimonia è diametro repugnantibus obnoxius sit, num litteraturam sufficientem sit adeptus, aut saltem ad illam adipiscendam idoneus iudicetur? Consideret præterea quæ sit eius mens, quod consilium, quis voluntatis scopus, in hoc clericali statu amplectendo? quonam eius intentio feratur: *Vniuersos enim* (inquit S. Bernardus super illa verba: *Ecce nos reliquimus omnia, &c.*) *in Ordinibus Ecclesiasticis, caterisque ad sanctuarium pertinentibus, honorem quarentes proprium, aut diuitias, vel corporis voluptatem, postremo qua sua sunt non qua Iesu Christi, manifeste prorsus & indubitanter non ea qua ex Deo est charitas, sed aliena à Deo, & qua omnium malorum radix est, cupiditas introducit.*

Denique quod præcipuum est, Superioris & Prælati voluntatem auscultet, non precibus importunis; aut aliorum interuentu animum eius flectere nitatur, nihil abscondat eorum quæ ab eo sciri debent; sed totum se illius discretionis & prouidentie permittat.

Porro ad vocationem illam diuinam certius dignoscendam, conducere plurimum potest, si (quod à plerisque Sanctorum factum legimus) qui Clericali militiæ adscribi cupit, paululum se à negotijs sæcularibus & mundi conuersatione subducatur, & in aliquo secessu antea vitæ rationem à seipso reposcat, conscientie sordes diligenter abstergat, vt purgato mentis oculo, adspirante cœlestis gratiæ luce, clarius perspicere possit, quæ sit in re tanti momenti diuina voluntas: ad quod etiam viri prudentis consilio plurimum iuuari poterit: certè S. Paulus ad Apostolatam ipsiusmet Christi Domini voce destinatus, & cœlestibus gratijs vsque ad miraculum perfusus, nonnisi Ananiæ interuentu diuinæ voluntatis consilium agnouit.

ARTICVLVS II.

De habitu, & Tonsura Clericali.

I DE his aliquid sup. tra. 1. c. 7. sacræ ordinationis doctrinâ explicantes delibauimus, quæ quoniam non minimi momenti esse censentur, paulò accuratius, breuiter tamen hîc denuo attingere non erit inutile.

Atque in primis obseruandum est Ecclesiam sapienti consilio voluisse, *ut Sicut Clerici à laicis discreti esse debent in consuersatione* (*ut dixit S. Anacletus Papa Epist. ad Ecclesias per Galliam institutas circa annum Domini 167.*) *ita & in Tonsura, & in omni habitu discreti apparerent.* Ex quibus Pôntificis verbis obiter colligi potest, quam sit antiquus ipsius Tonsuræ Clericalis vsus, quem ab ipso etiam S. Petro incepisse testatur Rabanus lib. 1. de inst. Cler. ca. 2. asseritque sanctum illum Apostolum *hunc ritum primum sumpsisse, ut formam & similitudinem Christi in capite gestaret, dum pro redemptione nostra crucis patibulum subiturus, à nefanda Iudaorum gente acuris spinarum aculeis coronaretur.*

Hæc autem Tonsura Clericalis duo præsertim secundùm Ecclesiæ institutum requirit, primò ut Clerici comam non relaxent aut nuntiant: quod in plurimis Concilijs sub anathemate prohibitum est, nominatimque in Concil. Barcinonensi sub Vigilio Papa can. 3. Conc. Romano sub Gregorio II. cap. ult. Conc. Moguntino 1. sub Leone IV. can. 15. Conc. Triburiensi sub Formoso can. 27. & alijs.

2. Secundò in modum circuli & coronæ Tonsuram in capite gestent: quod etiam plurimorum Conciliorum decretis statutum reperitur ac potissimum Concilij Aquisgranensis 1. sub Stephano V. capite 1. Conc. Lateranensis sub Innocentio III. capite 19. Concilij Oxiomienensis sub Honorio III. capite de habitu Clericorum, Conc. Rauennatis sub Honorio IV. rubrica 3. & Conc. Palentini sub Urbano VI. rubrica de Clericis coniugatis.

Similiter etiam clericalis habitus deferendi lex, quæ in ijsdem Concilijs lata est, & in plurimis alijs etiâ nostri huiusce sæculi confirmata, duo præsertim capita continet. Primum ipsius habitus materiam spectat, de qua in Concilio Nicæno 2. Can. 6. id memorabili decreto constitutum fuit: *ut Episcopi & Clerici ex sericis texturis variatum vestimentum non habeant, nec se splendidis vestibus exornent.* Quod etiam simili modo sancitum reperitur in Conc. Palentino, cap. sexto, & in Cōcilio Lateranensi sub Leone X. in bulla reformationis, & in Concilio Senonensi paulò ante Trident. & in

Con-

Cnncilio Mediolanenſi 1. ſub Sanct. Carolo Borromæo, n quibus, & plurimis alijs Concilijs tum prouincialibus, tum Diœceſanis prohibita ſunt in priuato habitu Clericali ſericæ veſtes, & lanearum ſolummodò vſus vniuerſali propemodum Eccleſiæ praxi approbatus fuit.

3 Secundum eiufdem Clericalis habitus formam reſpicit : vt ſcilicet veſtes eiufmodi ſint talares : quod habetur ex collectione antiquorum Canonum à S. Martino Bracharenſi Archiepiſcopo facta circa annum Domini 572. & in Concilio Romano ſub Zacharia can. 31. ac vt alia plurima Concil. omittamus, demum in Concilio Senonenſi c. 24. his verbis: *Veſtes ſint talares, nec nimia amplitudine ſuperflua, nec plus aquo cõſtricta, in quibus Clericalis ordinis honeſtas & modèſtia deprehendatur, faſtus, iactantia, vel elationis vitium deuitetur.* Præterea vt veſtes Clericales nigri ſint coloris, quamuis enim olim violaceus color apud quoscuque Clericos in vſu eſſet (vt obſeruat Baronius ad an. 393. n. 48.) nihilominus communis Eccleſiæ vſus obtinuit nunc, vt colore violaceo Episcopis reſeruato, alij Clerici fuſco ſeu nigro vterentur, quod etiam in Concilio Mediolanenſi 1. c. de Clericorum veſtitu, & in Concilio Burdegalenſi ann. 1583. & Aquenſi, 1585. conſtitutum eſt : quas quidem ſanctiones Apollolica Sedes confirmauit.

His autem Conciliorum adeoque Eccleſiæ vniuerſæ toties repetitis decretis, omnes omninò Clericali militiæ adſcriptos conſtringi manifeſtum eſt: quod, quamuis hiſce vitimis temporibus, relaxata nonnihil Eccleſiaſtica diſciplinã, non ita ſtrictè exigatur ab ijs, qui Clericali ſolummodo tonſura initiati ſunt; certum eſt tamen Clericos beneficia aut officia Eccleſiaſtica obtinentes, aut Ordinibus Eccleſiaſticis præſertim ſacris initiatos, ad Tonſuram & habitum Clericalem ſtrictè obligari : quod Conc. Trid. ſeſſ. 14. c. 6. de ref. expreſſis his verbis declarauit : *Omnes Eccleſiaſtica perſona quantumcunque exempta, qua aut in ſacris fuerint, aut dignitates, perſonatus, officia, aut beneficia qualiacunque Eccleſiaſtica obtinuerint, ſi poſtquam ab Episcopo ſuo etiam per edictum publicum moniti fuerint, honeſtum habitum Clericalem illorum Ordini & dignitati congruentem, & iuxta ipſius Episcopi ordinationem & mandatum non detulerint, per ſuſpenſionem ab Ordinibus ac officio & beneficio, ac fructibus, redditibus & prouentibus ipſorum beneficiorum; nec non ſi ſemel correpti denudò in hoc deliquerint, etiam per priuationem beneficiorum eiufmodi coerceri poſſint & debeant.*

Ex cuius decreti tenore ſequitur hodie Clericos Tonſuram & habitum Clericalem contẽptui aut neglectum habere ſine graui peccato nõ poſſe; cum pœna ſuſpenſionis generalis in illius legis violatores decernatur, quam nõ niſi ob peccatum aliquod graue decerni ex antè dictis

etis constat. Vnde Nauarrus, Reginaldus, Riccius, Henriquez & alij apud Bonacinam disp. 8. de sa. or. qu. vn. pun. vlt. docent Clericum in sacris Ordinibus constitutum aut obtinentem beneficium peccatum mortaliter, si notabili aliquo tempore Tonsuram, aut habitum Clericalem non deferat. Verum est quidem in Concil. Mediol. tit. de Clericorum vestitu, num. 18. permitti vt Clerici in itinere constituti, breuiori & contractiori velle, quam vulgò Sotanellam vocant, vt possint, quod etiam concessum reperitur in Conc. Aueniensi an. 1585. approbato à Sixto V. Summo Pontifice: nec non in Constitutionibus Synodalibus Diocesis Aletensis, & quarundam aliarum Dioceseon. Sed tamen accipi debet eo sensu, vt solummodo in itinere, non vero domi, aut ruri, deambulationis gratia, sicutum sit Clericis vt hac veste breuiori & contractiori: quæ nihilominus talis esse debet vt infra genua delabatur, quod in supradictis Concilijs expressè declaratum est, & vt ex eius forma Clericus à laico faciliè distingui possit.

ARTICVLVS III.

De Beneficijs Ecclesiasticis.

IN OMINE beneficij Ecclesiastici intelligitur ius perpetuum percipiendi fructus ex bonis Ecclesiasticis, propter aliquod officium spirituale auctoritate Ecclesiæ constitutum. Ita Lessius lib. 3. de iust. & iur. cap. 34. dub. 1.

Sunt autem alia beneficia regularia, quæ solis regularibus competunt; & alia sæcularia, quæ sæcularibus conferuntur. Item alia sunt beneficia duplicia, vt loquuntur Canonistæ apud Rebuffum in praxi pag. 6. alia simplicia. Duplicia vocantur illa, quæ adiunctam habent aliquam administrationem aut eminentiam in Ecclesiâ; qualia sunt beneficia curata, Archidiaconatus, Episcopatus, &c. beneficia simplicia dicuntur illa, quæ nullam administrationem aut eminentiam eiusmodi habent, sed tantum instituta sunt ad preces Deo fundendas, aliaque diuina officia obeunda; tales sunt Capellanix, &c. vt docet Nauarr. & alij apud Lessium sup. dubio 1.

His breuiter prænotatis, ex varijs ac plurimis, quæ à Theologis circa beneficia disputari solent, præcipua & maximè scitu necessaria, ex communi & magis recepta probatorum Authorum doctrina hic breuiter subijecimus, & quæstionculis aliquot explicabimus.

QVÆSTIVNCVLA. I.

Quot modis beneficia Ecclesiastica licitè obtineri possint.

QVINQVE præsertim modis beneficia hodie obtineri possunt. 1. Præsentatione seu nominatione patroni, & institutione collatoris. 2. Electione & confirmatione. 3. Collatione libera. 4. Resignatione in fauorem cum secuta collatione. 5. Permutatione.

Præsentatio seu nominatio est personæ alicuius idoneæ per patronum Episcopo vel alteri, ad quem institutio seu collatio pertinet, legitimè factæ exhibitio: institutio autem est ipsius beneficii iuriumque illius collatio & attributio: & hæc institutio seu collatio fieri solum potest per Ecclesiasticos: præsentatio vero etiam per laicos.

Electio in eo differt à presentatione, quod electio fiat à pluribus, vt à Capitulo, & à solis Ecclesiasticis, per suffragia, præsertimque in prælaturis locum habeat: præsentatio vero etiam ab vna persona, etsi laica, & in quouis beneficii genere. Confirmatio vero est collatio beneficii facta electo, sicut institutio est eadem collatio facta præsentato seu nominato.

Collatio libera dicitur, quando beneficium solo iure Prælati datur, nec subest iuri Patronatus.

Resignatio est, quando quis beneficium suum liberè resignat, seu dimittit in manibus collatoris, in fauorem alterius.

Permutatio denique, quando hæc resignatio fit causa permutandi beneficii cum alterius beneficio. De quibus videri potest Lessius sup.

2. Quæres vtrum beneficia sint semper dignioribus conferenda. Respondetur quod licet is, qui resignat beneficium in fauorem alterius, non teneatur quærere dignissimum, sed sufficiat si dignus sit resignatarius, electores tamen, præsentatores & collatores tenentur semper quantum in ipsis est, curare vt dignissimis conferantur beneficia, præsertim curam animarum annexam habentia, vt ex S. Thoma, & pluribus alijs Theologis docet Lessius suprà, dubio 14. idque varijs SS. Patrum autoritatibus fusè probat, ita vt peccet mortaliter, is qui eligit, præsentat, aut confert beneficium, præsertim curam animarum annexam habens, digno, prætermisso absque vlla causa legitima eo, qui notabiliter dignior & aptior videtur, speraturque multò melius functurus officio. Quod etiam confirmari potest ex Concil. Trident. sess. 24. cap. 1. vbi dicitur expressè, *Omnes & singulos, qui ad promotionem præficiendorum quomodocunque ius habent, mortaliter peccare, nisi quos digniores, & Ecclesia magis*

gis vriles ipsi iudicauerint, non quidem precibus vel humano affectu, aut ambiensium suggestionibus, sed eorum exigentibus meritis prae se ei diligenter curauerint.

Dictum est, absque legitima causa, quia si v.g. patronus praesentet dignum, collator conferre tenetur, et si alios magis idoneos nouerit: Item si beneficium ex institutione sua conferendum sit alicui ex certa familia: tum enim aptissimo ex illa familia conferendum erit, non verò alijs et si aptioribus.

Quocunque autem modo beneficium aliquod obtineatur, cauendum est praeteris simoniae peccatum, quod in praedictis omnibus obtinendi beneficij modis reperiri potest, tam ex parte obtinentis, quam conferentis aut patroni: de quo quidem peccato, quoniam nimis crebro euenire solet, paulò accuratius nobis agendum est.

QVÆSTIVNCVLA II.

Quibus modis simonia, tum in alijs casibus, tum praesertim in obtinendis beneficijs committi possit.

I SIMONIAE peccatum à Simone Mago nomen accepit, eò quod primus dona Spiritus sancti pecunia emere voluerit, Act. 8. & vt loquitur S. Aug. tract. 10. in Sanct. Ioan. *Volebat emere Spiritum Sanctum, quia volebat vendere Spiritum sanctum: ex quo factum est vt peccatum illud, quo spirituale aliquid aut spirituali annexum, pecunia, aut aliqua re pretio aestimabili emitur aut venditur, Simonia nuncupetur. Quàm graue sit autem illud peccatum, patet tum ex obiurgatione asperrima, qua S. Petrus erga praefatum Simonem vsus est; tum etiam ex eo quod c. Reperiuntur, l. q. 1. appellatur, Execrabile flagitium: & cap. sicuti 1. de simonia, dicitur, Simoniacam pestem sui magnitudine alios animamorbos vincere, & c. sane 15. dicitur: Instar publici criminis laesa Maiestatis esse puniendam.*

2 Est autem triplex simonia (vt docet Toletus lib. 5. cap. 86.) mentalis, conuentionalis, & realis. Simonia mentalis duplici modo contingere potest: primò, cum quis deliberatè vult emere aut vendere aliquid spirituale: secundò cum aliquid exterius facit cum intentione emendi aut vendendi aliquid spirituale, sine vllò pacto externo; vt si quis obsequium praestet prelato aut patrono hac intentione, vt conferatur illi beneficium in obsequij mercedem.

Simonia conuentionalis est quando aliquod pactum externum, inter-

interuenit: quod tamen siue ex vtraque, siue ex alterutra nondum executioni mandatum est.

Simonia realis est, quando ex vtraque parte pactum executioni mandatum est.

Quocunque autem modo simonia committatur, est semper grauissimum peccatum; non tamen incurruntur pœnæ aduersus simoniacos decretæ, nisi propter simoniam realem, aut propter conuentionalem, quæ in confidentia reperitur, vt docet & probat Lessius sup. n. 27. & ex infra dicendis patebit.

3 Quoniam verò innumeris propè modis hoc peccatum committi potest, quos sigillatim persequi nimis prolixum foret; proponemus hic regulam generalem communiter à Theologis receptam, qua dignosci poterit in quouis casu particulari, vtrum simonia committatur, nec ne: Ad cuius faciliorem intelligentiam supponimus 1. nomine rei spiritualis, quæ per simoniam vendi aut emi dicitur, intelligi à Theologis vt rectè obseruat Lessius libro 2. ca. 35. dub. 1. non id omne aut solum, quod est incorporeum; sed id quod est aliquod supernaturale, siue sit aliquid reale, siue aliquid morale tantum, siue in modum actus siue in modum habitus, vt sunt virtutes supernaturales, gratiæ gratis datæ aut gratum facientes, Sacramenta, quouis vsus potestatis alicuius supernaturalis: veletiam id quod est rei supernaturali annexum, vt sunt beneficia Ecclesiastica, &c.

Supponimus pecuniam, aut aliquid pecunia æstimabile, vario & multiplici titulo pro aliqua re spirituali dari posse; scilicet vel per modum pretij ipsius rei supernaturalis, vel per modum elemosynæ & sustentationis, quæ Ministro Ecclesiastico tribuitur, vel per modum oblationis quæ Deo fit in persona Ministris; vel per modum liberalis & gratuitæ donationis, aut denique per modum laudabilis consuetudinis ab Ecclesia approbatæ.

Supponimus 3 ex communi & recepta Theologorum doctrina, cuius probatio videri potest apud Lessium sup. dub. 4. duplicem esse simoniam, aliam iure diuino, aliam iure humano & Ecclesiastico prohibitam: e. g. venditio quæuis aut emptio rei spiritualis supernaturalis est simonia iure diuino prohibita, vt ex varijs Scripturæ locis probat Lessius; venditio autem vel emptio rei alicuius temporalis, quæ alicui rei spirituali annexa est, v. g. emptio aut venditio beneficiorum, quoad partem temporalem, simonia est Ecclesiastico iure vetita: quia, vt idem Lessius fusè declarat, quamuis ius ad percipiendos fructus beneficij materialiter & seorsim à quouis officio spirituali & sacro consideratum, sit aliqnid temporale, quod proinde diuino iure non est inuendibile; Ecclesiasticis tamen legibus, quæ ab eodem Lessio & alijs Doctoribus fusè citantur, ob reuerentiâ rei spiritualis annexæ prohibitum fuit, ne tale ius veda

posset: vnde sicut Ecclesia potest decreto aliquo suo locum materiale diuino cultui dicatum reddere immunem, ita vt qui violat immunitatem illam Ecclesiastico iure introductam; peccet contra virtutem religionis, adeoque peccatum sacrilegij committat: ita rem temporalem rei spiritali annexam, propter annexionem illam potest à vëditiōe reddere immunē, ita vt si vendatur aut ematur pretio aliquo temporali, venditio illa aut emptio simoniaca censeatur.

4 His suppositis, ad dignoscendum in quibus casibus simoniæ labe incurratur, vel non incurratur, generalis regula hæc esto, quotiescunque aliquid spirituale vel spiritali annexum, eo sensu qui supra explicatus est, emitur aut venditur: id est, quotiescunque pro tali re accipitur aut datur aliquid pecunia æstimabile tanquam illius pretium, toties peccatum simoniæ cōmittitur; secus verò si alio titulo detur, vel accipiat: tunc enim perpendendum est qualis sit ille titulus, an verus & legitimus, an verò fucatus & ad palliandam simoniam appositus.

Ex quo intelligitur ad rationem simoniæ duo præsertim requiri, quorum vnum est pretium, qualis est pecunia, aut quiduis aliud pretio aliquo æstimabile, quale est munus à lingua, vel à manu, vel ab obsequio, vt communiter docent Theologi: alterum est veluti merx, scilicet res aliqua spiritalis, aut spiritali annexa, quæ tali pretio æstimatur, eoque venditur aut emitur: vnde quotiescunque hæc duo simul concurrunt, toties committitur simonia; si verò vel vnum illorum desit, non committitur.

Ex antedictis sequitur 1. non esse simoniam, si pretium aliquod vel merx recipiatur pro munere docendi scientiam aliquam naturali industria comparabilem: quia eiusmodi scientia non est quid supernaturale; & præterea, vt recte obseruat Alensis 2. p. 158. num. 3. merx illa proprie loquendo, non tam datur pro doctrina, quam pro labore docendi, qui est pretio inæstimabilis; qua ratione etiam licite merces aliqua honesta pro tradenda Theologiæ doctrina dari & accipi potest, ratione laboris, qui in scientia adeo sublimi & ardua recte explicanda, non nisi maximus esse potest; quique proinde ipsius corporis vires valde exhaurire solet: quod etiam docent Adrianus, Caietanus, Victoria, Sotus, Suarez, & alij apud Laymann, cap. 7. de sim. §. 4.

Sequitur 2. neque etiam cōmitti simoniam, si Sacerdotes stipendium seu honorarium accipiant pro celebrationibus Missarum, exequiis mortuorum, alijsque functionibus Ecclesiasticis, quando illud non datur per modum pretij; sed per modum eleemosynæ & sustentationis aut laudabilis consuetudinis ab Ecclesia approbatæ: vnde Apostolus 1. Cor. 9. dicit quod *Qui in sacrario operantur, quæ de sacrario sunt, edunt, & qui Altari deserviunt, cum Altari participant:*

tipant : & cap. ad *Apostolicam audientiam* de simonia expresse habetur, quod quamvis Sacerdotibus & Clericis, pro his & similibus pecuniam exigere & extorquere prohibitum sit: laici tamen laudabilem consuetudinem, pia erga sanctam Ecclesiam deuotione introductam infringere non debent, sub prætectu canonicæ pietatis, sed quod per Episcopum ad id possunt compelli.

Sequitur 3. nullam quoque committi simoniam, quando pro dote puellæ, quæ vitam religiosam vult profiteri, aliquid ab ea vel ab eius parentibus accipitur; cùm id accipiat per modum sustentationis: secus vero si præcisè pro ipsa susceptione ad statum religiosum aliquid acciperetur, quia tunc esset id omnino simoniacum, vt docent S. Thomas, Sotus, Syluester, Suarez apud Laymann. cap. vlt. de sim. §. 4. qui etiam meritò dubitat, vtrum, quando Monasterium diues est, licitum sit aliquid eiusmodi titulo sustentationis exigere: certè Sanctus Doctor 4. dist. 25. qu. 3. art. 2. qu. 2. ad 7. apertè declarat, *Quando sine grauamine Monasterij recipi potest novitius, simoniacum est aliquid exigere*: cui subscribunt Caietanus, Victoria Rosella, Armilla, Lessius, Suarez, & alij apud Laymann. sup. & Innocentius III. in Concilio generali Lateranensi cap. 64. habeturque cap. *Quoniam*, de simonia, penitus prohibuit, ne Moniales pro alijs in cætum & Monasterium suum cooptandis, & admittendis, pretium vllum recipiant prætectu paupertatis, non quidem veræ, sed fictæ & simulatæ. Quamvis autem Lessius cit. cap. 35. dub. 12. Tolet. lib. 5. cap. 89. & quidam alij Theologi nitantur excusare praxim illam, quæ in omnibus fermè Monasterijs etiâ ditissimis nunc viget, vt in ea nonnisi mediante dote ac pretio sub prætectu sustentationis pateat aditus; idem tamen Lessius fatetur id esse verum avaritiæ signum, & speciem simoniæ redolere.

Sequitur 4. nullam esse simoniam, quando calices & alia vasa & vestimenta sacra venduntur aut emuntur, quia vt ex communi Theologorum consensu docet Suarez lib. 4. cap. 4. num. 12. hæc & similia, quamvis consecrata & cultui diuino dicata, remanent semper secundùm se pretio æstimabilia, ac proinde vendibilia: consecratio enim nonnisi accidentaliter illis annectitur: si tamen maiori pretio venderentur, quia consecrata sunt, tunc simonia committeretur, vt docet Toletus suprà, & satis per se patet.

Quod autem spectat ad simoniam quæ in beneficijs Ecclesiasticis reperiri potest, vt faciliùs & certius dignosci possit in quibusnam calibus id contingat, obseruationes aliquas ex magis comuni & recepta Doctorum sententia hæc breuiter subiiciemus.

Prima est, nullam esse simoniam resignare beneficium in fauorem tertij cum clausula, *Non aliter, non aliàs*, quando eiusmodi resignatio fit in manibus Summi, Pontificis, vt ex Rebuffo, Nauarro,

& alijs docet Lessius cap. 35. dub. 14. & satis ex communi vsu & praxi constat.

Secunda, nullam quoque esse simoniam, resignare beneficium in manibus eiusdem Summi Pontificis, reseruata aliqua moderata pensione, vt docet idem Author dub. 15. & ex communi vsu satis patet. Imò qui vult resignare in fauorem tertij sub onere alicuius pensionis, potest licitè cum illo transigere de illa, non quidem absolute, sed sub beneplacito Pontificis; aliàs si absolute, faceret, simoniam committeret.

Quæres vtrùm is, qui resignat sub onere pensionis, ad faciliorem & tutiorem illius solutionem de hypotheca aliqua aut fideiussore cum resignatario conuenire licitè possit? Respondetur posse, dummodo fiat sub eiusdem Summi Pontificis beneplacito, & illius auctoritate confirmetur: aliàs illicitum fore, ac simoniam redolere, vt docet idem Lessius: qui etiam rectè monet, in resignationibus quibuscunque, omne pactum de onere temporali, quod iure non est annexum, licitè fieri non posse, absque legitima auctoritate Superioris: quod maximè obseruandum est.

Tertia, resignare vel conferre beneficium alicui in confidentiam, id est ex intentione illum obligandi, vt post aliquod tempus, propinquo vel amico resignantis, aut conferentis, aut cuius alteri resignet, aut vt pensionem ex eo alteri soluat, esse simoniam confidentiæ mentalis: si verò pactum intercedat, esse confidentiam simoniæ realis, quæ poenas iuris infert, vt docet idem Lessius dub. 16. & habetur in Pij V. Bulla quam refert Nauarrus cap. 23. num. 110.

Quarta est, beneficia non posse licitè permutari sine Prælati auctoritate: & hanc permutationem non modo illicitam esse ac simoniam redolere, sed etiam irritam ac inuvalidam, vt habetur apud eundem Lessium dub. 17.

Quæres vtrùm in permutatione beneficiorum compensari possit fructuum inæqualitas. Respondetur posse, dummodo id fiat ex licentia & auctoritate Summi Pontificis, vel reseruando pensionem ex beneficio quod ampliores habet prouentus, vel aliquid præstando, quod ab ipso Pontifice, tanquam iustum & licitum approbetur, vt docet idem Lessius sup.

Quinta est, illum, qui habet ius in beneficio aliquo, seu cuius beneficii collatio legitime facta est, posse pretio redimere vexationem iniustam, si fortè quis illum à possessione capienda impediat, nec in ea redemptione vllam committi simoniam, vt ex S. Doctore, Soto, Nauarro, & alijs docet Lessius dub. 18.

Quanam sint pœna contra simoniacos constituta.

PŒNÆ illæ secundum iuris dispositionem non incurruntur, nisi ob simoniam commissam in religionis ingressu, Ordine, & beneficijs.

Atque in primis excommunicantur tam dantes, quàm recipientes aliquid simoniacè pro ingressu religionis; & qui sic admissi sunt, nonnisi ex dispensatione Ordinarij in Monasterio illo manere possunt, ut patet ex extrauag. Urbani IV. quæ incipit: *Sane non in vinea Domini.*

Similiter is, qui confert Ordines simoniacè, est excommunicatus ut habetur extrauag. *Cum detestabile*, de simonia: est etiam suspensus à collatione cuiusvis Ordinis, etiam Tonsuræ, & ab executione omnium munerum Pontificalium; interdictus est etiam illi Ecclesiæ ingressu & à perceptione fructuum omnium suorum beneficiorum, nullusque potest illum absolue præter Summum Pontificem etiam si delictum sit occultum. ut habetur in Bulla Sixti V. edita in malè promouentes & promotos: quod intelligendū est pro ijs locis, in quibus Bulla illa promulgata & recepta fuit: existimat siquidē Lessius dub. 24. illam plerisque in locis ignorari, proindeque non esse receptam.

Qui autem Ordinem aliquem simoniacè suscepit, est excommunicatus ipso facto, ut habetur cit. extrauag. *Cum detestabile*: est etiā suspensus ab executione suorum Ordinum, ut ibidem dicitur, per supradictam Bullam Sixti V. priuatur omnibus dignitatibus officijs, beneficijs, & efficitur inhabilis ad omnia, nec ab alio, quàm a Romano Pontifice absolui posse dicitur.

Denique qui beneficium simoniacè confert, aut conferri procurat, eligendo, præsentando, confirmando, commendando, est ipso facto excommunicatus, ut habetur ex cit. extrauag. *Cum detestabile*: quæ pœna etiam ibidem decernitur contra illos, qui operam suam interponunt, ut beneficium simoniacè obtineatur, vel ut Ordo simoniacè conferatur.

Qui verò beneficium per talem simoniam acquirit, est ipso facto excommunicatus, & communicatio ac prouisio beneficij nulla est: nullumque ius tribuit, ut in eadem extrauaganti statuitur, ac insuper fit inhabilis ad ideum beneficium obtinendum, ut habetur cap. *Nobis fuit*, de simonia, & capite penultimo de electione. Quæ pœnæ similiter infliguntur contra eos, qui simoniam confidentiæ committunt, ut fusius explicat Lessius dub. 26.

Quæres vtrum pretium simoniacè acceptum sit restituendū. Ref-

Hh 3 pondetur,

pondetur quod, quàmuis Nauarrus cap. 23. num. 103. & 104. & quidam alij Theologi existiment nullam ad id esse obligationem ; probabilior tamen & tutior videtur sententia Adriani, Henrici, Soti, & plurimorum aliorum Doctorum apud Lessium dub. 28. qui asserunt pretium illud esse restituendum, non quidem ei qui dedit, sed Ecclesiæ vel pauperibus , vt ex S. Thoma, & alijs probat idem Lessius dub. 31.

QVÆSTIUNCULA IV.

Vtrum licitum sit plura simul beneficia possidere .

VThuc quæstiunculæ satisfiat , nihil aptius, asserre possumus , quàm ipsius Concilij Tridentini decretum , in quo quis esset vniuersæ Ecclesiæ sensus super hac re, declarauit sess. 24. cap. 17. his verbis : *Cum Ecclesiasticus ordo peruertatur , quando vnus plurius officia occupat, sancte sacris Canonibus cautum fuit, neminem oportere in duabus Ecclesiis adscribi: verum quoniam multi improbe cupiditatis affectu se ipsos, non Deum decipientes, ea quæ benè constituta sunt, varijs artibus illudere, & plura simul beneficia obtinere non erubescunt , sancta Synodus debitam regendis Ecclesiis disciplinam restituere cupiens, præsentis decreto , quod in quibuscumque personis quocumque titulo, etiamsi Cardinalatus honore fulgeant, mandat obseruari: statuit vt in posterum vnum tantum beneficium Ecclesiasticum singulis conferatur: quod quidem si ad vitam eius, cui confertur honestè sustinendam non sufficiat; liceat nihilominus aliud simplex sufficiens , dummodo vtrumque personalem residentiam non requiratur, eidem conferri. Hacque non modo ad Cathedrales Ecclesias, sed etiam ad alia omnia beneficia tam secularia quàm regularia quacumque etiam commendata pertineant, cuiuscumque tituli ac qualitatis existant.*

Ex quibus Concilij verbis quædam scitu necessaria , & obseruatu dignissima colligere possumus .

Primum est, quod quamuis habere plura beneficia non sit intrinsecè malum, alioquin nullo in casu super illis dispensari posset , non est tamen ex se omninò indifferens; sed ex genere eorū quæ deformitatem quandam & inordinationem præ se ferunt , cùm Concilium dicat pluralitate illa ordinem Ecclesiasticum peruertere ; proindeque non nisi adhibitis certis circumstantijs cohonestari posse: quæ est expressa S. Thomæ doctrina quodlib. 9. art. 15. cui communiter alij Theologi subscribunt.

Secundum est pluralitatem illam præsertim in beneficijs curam animarum habentibus, censeri illicitam, vt expressè declaratur in

Conc.

Concilio Tridentino loco sup. cit. & in Concilio Lateranensi sub Alexandro III. cap. 13. quod etiam similiter intelligendum est de alijs quibuscunque incompatilibus, quales sunt dignitates, personatus, officia, & alia omnia beneficia quæ residentiam requirunt: quæ quidem plura simul retineri non possunt; quamuis vnumquodque eorum seorsim ad vitam honestè sustentandam non sufficiat, vt ex Concilij verbis satis constat. Est tamen verum aliquando in ista pluralitate beneficiorum incompatibilium Summum Pontificem dispensare posse, quando euident & notabilis Ecclesiæ necessitas, vel vtilitas id exigit, qua ratione S. Gregorius, Martinum, Paulinum, Agnellum, & alios Episcopos, duobus simul Episcopatibus præesse voluit: verum de illa necessitate & vtilitate Ecclesiæ, an talis sit, quæ pluralitatem illam coram Deo excuset, penes ipsum Summum Pontificem esto iudicium.

Tertium est, licitum esse plura beneficia compatiblea simul obtinere, si ita necesse sit ad honestam vitæ sustentationem, vt ex citato Concilij decreto habetur. Compatiblea autem beneficia in diuersis quidem Ecclesijs censentur ea, quorum saltem alterum ad residentiam personalem non obligat: in eadem autem Ecclesia compatiblea beneficia dicuntur ea, quæ non sunt vniformia, seu quæ ad easdem functiones minimè concurrunt, quæ prouide in casu supradictæ necessitatis simul retineri possent, nisi alicuius specialis Ecclesiæ constitutio, vel consuetudo repugnet, vt docet Nauarrus, Lessius, & alij apud Laymannum tract. 10. c. 8. de benef. n. 6.

Qualis autem sit honesta vitæ sustentatio, cuius necessitas pluralitatem illam beneficiorum coram Deo excuset, prudentis ac timorati viri iudicio determinandum est, qui spectatis & perpensis circumstantijs, status, conditionis, ætatis, personæ, & alijs similibus, id ex æquo & bono diiudicare debet: alia siquidem censetur esse honesta vitæ sustentatio requisita in Episcopo, alia in Sacerdote inferioris ordinis: alia item esse solet ratio victus in persona multum nobili & illustri, alia in ignobili. Constat etiam virum doctum, ingenijque dotibus præcellentem; ac pro bono communi Ecclesiæ laborantem, vberiori annona indigere, non quidem ad delicias aut fastum; sed ad sustentandas corporis vires, vel ad alia adiumenta necessaria comparanda.

Quantum denique est, cessante causa rationabili & iusta, siue honestæ sustentationis, siue necessitatis, aut vtilitatis ipsius Ecclesiæ (vt supra dictum est) illicitum esse plura beneficia, quamuis compatiblea simul retinere, nec ad id vllam Summi Pontificis dispensationem posse suffragari, cum hæc beneficiorum qualiumcunque pluralitas iuri naturali repugnet, quando nulla iusta & rationabili causa colonestatur. Ita sentit Sanctus Bernardus Epist. 271. ad Theobaldum

baldum Campaniæ Comitem, & lib. 3. de consideratione ad Eugenium cap. 6. & Sanctus Thomas cit. quod lib. 9. art. 5. Ita etiam docent Paludanus, Adrianus, Gabriel, Syluester, Maior, Caietanus, Azorius, Nauarrus, & plures alij, quos citat & sequitur Laymannus supra: quibus addere possumus Cardinalem Bellarminum in Epistola ad Episcopum Theanum nepotem suum; ubi postquam dixit sacros Canones horrere multipliciter beneficiorum, addit Theologos Parisienses post longam disputationem anno 1238. definiisse, *neminem posse duo beneficia, si unum sufficeret ad eum alendum, obtinere sine peccato mortali*.

Cæterum an præter Ecclesiæ necessitatem & vtilitatem, & honestam vitæ sustentationem, subesse possit aliqua alia causa iusta & rationabilis, ob quam dispensatio super pluralitate beneficiorum compatibilium licite postulari & valide impetrari queat, Doctorum iudicio discutiendum relinquentes, hoc solum observamus huic beneficiorum pluralitati absque vlla legitima causa, minimè suffragari consuetudinem & usum à multis introductum: cum (vt rectè monuit Bellarminus admonitione ad Clement. VIII.) usus ille tanquam prauus, & abusuus à Concilio Tridentino sit abrogatus.

QVÆSTIVNCVLA V.

Qualiter se beneficiarij gerere debeant in expendendis beneficiorum suorum redditibus.

TRIA sunt genera bonorum, quæ beneficiarij possidere possunt: *Patrimonialia*, quæ ipsi hæreditate, vel industria, vel alio modo, quo laici solent sibi acquirunt: *Quasi patrimonialia*, quæ ipsis tanquam Clericis obueniunt, ob functiones aliquas Ecclesiasticas, v.g. ob Missæ celebrationem, concionem, cantum Ecclesiasticum, &c. *Merè Ecclesiastica*, quæ ratione beneficij alicuius, v.g. Canoniciatus, Decanatus, &c. percipiuntur. Et de bonis quidem patrimonialibus certum est beneficiarios (secundum doctrinam S. Thom. 2. 2. q. 158. art. 7. Less. lib. 2. cap. 4. dub. 6. Layman. c. 3. de benef. & aliorum communiter Theologorum liberè disponere posse, cum eiusmodi bonorum verum habeant dominium, perinde ac laici: neque enim per Clericatus aut Ordinis susceptionem sunt dominij incapaces, neque se donorum dominio abdicant, proindeque bona patrimonialia pro libito expendere possunt, dummodo tamen in eis expendendis nihil ab ipsis fiat, quod iustitiæ vel charitati repugnet. Idem quoque de bonis quasi patrimonialibus dici posse censent Ioannes Maior,

Maiores, Couarruias, Nauarrus, Lessius, & alij, quos citat & sequitur Laymannus sup. & etiam de bonis merè Ecclesiasticis, seu de redditibus beneficiorum, quoad eam partem tantum, quæ congruæ cuiusq; sustentationi necessaria est.

Difficultas igitur præcipua est de ea parte reddituum & prouentuum Ecclesiasticorum, quæ congruæ & honestæ sustentationi minime necessaria est, ac proinde ipsis beneficiarijs superflua: de qua quaeritur qualiter ab ipsis expendi debeat. Cuius quidem difficultatis resolutio pendere videtur ex altera questione, num scilicet beneficiarij habeant verum & proprium dominium illius partis fructuum & reddituum suorum, quæ congruæ & honestæ illorum sustentationi necessaria non est; de qua re duæ sunt celebres Doctorum sententiæ.

Prior est Maioris, Paludani, Nauarri, & aliorum apud Lessium suprâ, qui censent beneficiarios non esse dominos illius partis redundantis, sed tantum dispensatores; proindeque obligari ex iustitia ad partem illam in pios vsus expendendam; aliâs si secus fecerint, non modò peccare mortaliter, sed etiam ad restitutionem obligari, id est teneri tantumdem ex alijs bonis in pia opera impendere. Posterior sententia est eorum, qui docent post erecta beneficia, cæterosque prouentus singulis titulis assignatos, beneficiarios effici absolutè dominos omnium prouentuum, ita ut quæuis partem superfluam in profanos vsus expendendo mortaliter peccent, non tamen ad ullam restitutionem faciendam obligentur. Ita Sotus, Couarruias, Franciscus Sarmiento, & alij quos citat & sequitur idem Lessius suprâ.

Quamvis autem ambæ illæ sententiæ propter autoritatem grauium & insignium Theologorum qui eas propugnant, & rationes quibus fulciuntur, sint valde probabiles: prior tamen, ut ipsemet Lessius fatetur tutior est, & in praxi consulenda, licet damnari non debeat is, nec à Sacramento Pœnitentiæ arceri, qui posteriorem amplecteretur, nec ab illa recedere vellet,

Cæterum siue beneficiarij censeantur esse domini reddituum suorum, siue solummodo dispensatores, certum est & apud omnes in confesso, peccaturos illos si portionem illâ redundantem in prophanis vsibus, aut propinquis ditandis impendant: quod apertè constat ex Concilio Tridentino sess. 25. cap. 1. de reformat. quod quidem caput quoniam multa super questione quam tractamus, continet obseruatum dignissima, quæ quiuis in beneficijs & dignitatibus Ecclesiasticis constitutus maxime ob oculos habere deberet, integrum hic subiicimus; sic igitur Concilium: *Optandum est, inquit, ut ij, qui Episcopale ministerium suscipiunt* (ea verò quæ de Episcopis, de quibuscunque etiam alijs beneficiarijs intelligenda esse infrâ declarat) *qua sua sint partes agnoscant, ac se non ad propria commoda, non ad diuitias aut luxum, sed ad labores & sollicitudines*

lines pro Dei gloria vocatos esse intelligant. Nec enim dubitandum est, & fideles reliquos ad religionem innocentiamque facilius inflammandos, si prapositos suos viderint, non ea qua mundi sunt, sed animarum salutem, ac cœlestem patriam cogitantes. Hac cum ad restituendam Ecclesiasticam disciplinam præcipua esse sancta Synodus animaduertat, admonet Episcopos omnes, ut secum ea sæpè meditantes factis etiam ipsis ac vita actionibus, quod est veluti perpetuum quoddam prædicandi genus, se muneri suo conformes ostendant: in primis verò, ita mores suos omnes componant, ut reliqui ab eis fragilitatis, modestiæ, continentia, ac qua nō tantopere commendat Deo sancta humilitatis exempla petere possint. Quapropter exemplo Patrum nostrorum in Concilio Carthaginensi, non solum iubet ut Episcopi modesta suppellectili & mensa, ac frugali victu contenti sint, verum etiam in reliquo vita genere, ac tota eius domo caueant, ne quid appareat quod à sancto hoc instituto sit alienum, quodque non simplicitatem, Dei zelum, ac vanitatum contemptum præfereat. Omnino vero eis interdicit, ne ex redditibus Ecclesiæ consanguineos familiaresve suos augere studeant: cùm & Apostolorum Canones prohibeant, ne res Ecclesiasticas, qua Dei sunt, consanguineis donent, sed si pauperes sint, ijs ut pauperibus distribuunt, eas autem non distrahant, nec dissipent illorum causa: imò quam maxime potest eos Sancta Synodus monet, ut omem humanum hunc erga fratres, nepotes, propinquosque carnis affectum, unde multorum malorum in Ecclesiâ seminarium exstat penitus deponant. Qua vero de Episcopis dicta sunt, eadem non solum in quibuscunque beneficia Ecclesiastica, tam secularia quàm regularia obtinentibus pro gradus sui conditione observari, sed & ad sancta Romana Ecclesiæ Cardinales pertinere decreuit: quorum consilio apud Sanctissimum Romanum Pontificem, cum vniuersalis Ecclesiæ administratione nitatur, nefas videri potest, non ijs etiam virtutum insignibus & viuendi disciplina eos fulgere, qua meritò omnium in se oculos conuertant.

QVÆSTIVNCVLA. VI.

Qua sit obligatio Beneficiorum ad residentiam.

RESIDENTIAE nomine intelligitur assiduitas commorationis in loco beneficii, ad obsequia Ecclesiastica personaliter reddenda: unde colligitur, ut rectè obseruat Syluester, verbo *Residentia*, illum qui in loco beneficii commoraretur, sed nullum vnquam per se præstaret officium, cum posset & deberet, non censendum esse residere.

Ad residentiam igitur personalem eo modo intellectam, obligan-

tur in primis omnes habentes beneficia quibus animarum cura incumbit, vt expresse declaratur in Concilio Tridentino sess. 23. cap. 1. de reform. his verbis: *Cum præcepto diuino mandatum sit omnibus quibus animarum cura commissæ est, oues suas agnoscere, &c. quæ omnia ab ijs nequaquam præstari & impleri possunt, qui gregi suo non inuigilant & assistent, sed mercenariorum more deserunt, &c. declarat sancta Synodus omnes Cathedralibus præfectos obligari ad personalem in sua Ecclesia vel diocesi residentiam, vbi iniuncto sibi officio defungi teneantur, &c. & infra: eadem omnino etiam quoad culpam, amissionem fructuum & pœnas de Curatis inferioribus, & alijs quibuscunque, qui beneficium aliquod Ecclesiasticum curam animarum habens obtinent, sacrosancta Synodus declarat & decernit. In illo tamen capite permittitur Episcopis singulis annis, siue continuè, siue interruptè, à suis Ecclesijs, siue diocesis, ex iusta aliqua causa abesse per duos, aut ad summum tres menses.*

Ex eodem etiam capite colligunt Doctores Curatos seu Parochos, & quosvis alios beneficium Ecclesiasticum curam animarum habens obtinentes, ab Ecclesijs seu Parochijs, per duos tantummodo menses siue continuè, siue interruptè quotannis abesse posse, idque non nisi iusta aliqua ex causa, & dummodo idoneos vicarios ab Ordinarijs approbatos substituunt, ita vt grex ipsorum curæ commissus nihil ex eiusmodi absentia detrimenti patiatur.

Vtrum autem huius bimestris absentia causa per Episcopum approbari debeat, illiusque licentia obtineri, non satis expresse declarauit Concilium: Lessius approbationem illam & licentiam Episcopi requiri affirmat loco supra citato; Nauarrus verò cap. 25. n. 121. negat; videtur autem probabilissima sententia Laymanni, qui hac in re tutissimum esse dicit, cuiusque diocesis consuetudinem & statuta Episcopalia sequi.

Qui autem siue Episcopi, siue Curati, vltra præfatum tempus, à iure concessum non resident: præter culpam mortalem quam incurrunt, etiam fructus pro tempore absentia suos non faciunt, vt habetur ex citato decreto Concilij: quod tamen Laymannus intelligi posse existimat eo solum casu, quo ex pastoris absentia damnum aliquod notabile illatum Ecclesiæ foret.

Quod spectat ad alios beneficiarios, qui officium aliquod in Ecclesijs quibus adscripti sunt, personaliter præstare debent, quales sunt ij, qui obtinent dignitates, Canonicatus, præbendas, vel portiones & in cathedralibus vel collegiatis Ecclesijs, decreuit Concilium sess. 24. cap. 12. de ref. vt illis non liceat vigore cuiuslibet statuti, aut consuetudinis, vltra tres menses ab ijs Ecclesijs quolibet anno abesse, saluis nihilominus earundem Ecclesiarum constitutionibus: quæ longius feruit.

fructibus decernit; super qua re legitima cuiusque Ecclesiæ consuetudo consulenda est & seruanda.

Sunt autem quædam causæ, ob quas diuturnior absentia quorumcunque beneficiorum etiam curam animarum habentium licita reddi potest, quales sunt (vt loquitur Concilium sess. 23. c. 1.) *Christiana charitas, urgens necessitas, debita obedientia, ac euidentis Ecclesiæ, vel Reipublicæ utilitate*: quæ tamē causæ vt legitimæ censeantur, à Superioribus probari debent, nisi quando absentia contingit ob aliquod munus & reipublicæ officium Episcopatibus aut alijs beneficijs adiunctum.

QVÆSTIVNCVLA VII.

Quanam requirantur dispositiones, vt quis censeatur idoneus ad beneficium aliquod Ecclesiasticum.

PRIMA est, vt sit ex legitimo thoro procreatus: illegitimus enim cuiuscunque beneficii incapax est, nisi cum eo dispensetur: dispensatio autem illa in Episcopatibus & alijs beneficijs curam animarum habentibus, non nisi per Summum Pontificem dari potest; in alijs autem beneficijs simplicibus etiam per Episcopum. Ita habetur ex cap. 1. de filiis Presbyterorum in 6.

Secunda est, vt sit saltem prima Clericali Tonsura initiatus, aliàs inhabilis censetur ad quoduis beneficium: id constat ex capite *Cum Deo*. 17. de rescriptis, & cap. *Ex litteris* in 6. de transactionibus. Requiritur, præterea vt is, qui Ecclesiam parochialem adeptus est, promoueatur ad Ordinem Presbyteratus intra annum à tempore pacificæ possessionis, aliàs ipso inre beneficio illo priuatus censetur. Ita capite *Liceat Canon*. 14. & cap. *Commis*sa 35. de electione in 6. qui autem dignitatem, personatum, præbendam, portionem, & aliud simile beneficium in Ecclesijs Cathedralibus vel Collegiatis obtinet, tenetur infra annum ordinem officio sibi proprio convenientem suscipere, v. g. si ad Euangelium cantandum ratione officij sui deputatus est, Diaconatum suscipere debet; si ad Missam celebrandam, presbyteratum: In Ecclesijs tamen Cathedralibus tenentur Canonici intra annum ad Ordinem sacrum presbyteratus, aut diaconatus, vel saltem subdiaconatus promoueri vt statutum est in Concilio Tridentino, sess. 22. c. 4. & sess. 24. cap. 12. qui verò Episcopatum adeptus est, nisi munus consecrationis intra tres menses susceperit, ad fructuum perceptorum restitutionem tenetur: & si totidem postea menses neglexerit, Episcopatu ipso inre priuatus est, ex eodem Concilio Tridentino sess. 23. c. 2.

Tertia est, vt non sit coniugio copulatus, & habetur c. 1. 2. & 8 de Cle-

DE IRREGVLARITATE. 493

Clericis coniugatis, & in Trid. sess. 22. c. 4 Vnde si quis Clericus beneficium habens, & nondum sacro Ordine initiatus Matrimonium contrahat ipso iure, illud amittit, vt ex communi Doctorum consensu & Ecclesiæ praxi constat.

Quarta est, vt nulla sit censura irretitus aut irregularitate affectus, collatio enim beneficij facta excommunicato excommunicatione maiori, suspensio, interdicto, vel irregulari, nulla est, & ipso facto irrita, vt habetur ex c. *Postulatis* 7. de Clerico excommunicato cap. *Cum dilectus* 8. de consuetudine c. 1. de postulatione Prælatorum, & c. *Tantum* 18. de excessibus Prælatorum.

Quinta est, vt probis moribus, & doctrina sufficienti præditus sit id habetur ex capite *Cum in cunctis*, de electione, & ex Concilio Trid. sess. 24. c. 12.

Sexta denique est, vt habeat determinatam intentionem status Ecclesiastici, Ordinisque muneri suo necessarij, nec non in suscepto beneficio sincerè & bona fide Deo inserviendi: id constat ex capite *Super inordinata* & cap. *Grani*, de præbendis, & ex communi Theologorum consensu docet Lessius cap. 34. dub. 26. vnde sequitur illum peccare mortaliter, qui acceptat beneficium aliquod absque recta & Deo grata intentione, sed solummodo vt fructus per aliquod tempus percipiat v.g. donec studiorum cursum absoluerit, vel opulentam uxorem inuenerit, vt ex Nauarro & alijs probat Lessius sup. qui etiam docet eundem teneri ad restitutionem fructuum perceptorum, nec posse beneficium illud licitè retinere.

ARTICVLVS IV.

De Horarum Canonicarum recitatione.

HORARVM Canonicarum nomine intelliguntur publicæ quædam ac determinatæ preces horis diurnis nocturnisque ab Ecclesiasticis personis ex sacrorum Canonum decreto, Ecclesiæ nomine, ad Deum persoluendæ, quæ etiam interdum officij diuini vel Ecclesiastici nomine significantur.

Quatuor autem præsertim de Horarum Canonicarum recitatione quæri solent. Primum est, quinam ad horas illas recitandas obligentur. Secundum, quomodo horæ illæ recitari debeant, vt obligationi illi satisfiat. Tertium, quibus pœnis subiaceant illi qui recitare omittunt. Quartum denique, quæ sint causæ ab hac horarum recitatione excusantes.

QVÆSTIVNCVLA I.

*Quanam persona obligentur ad recitandas Horas
Canonicas.*

HORARVM Canonicarum recitandarum obligatio extrin-
plici capite oritur, nimirum ex susceptione Ordinis sa-
cri, ex beneficio Ecclesiastico, & ex religioso status professione: ac
proinde tria sunt genera personarum quæ ad recitationem illam
obligantur: initiati sacris Ordinibus, beneficium aliquod obtinentes,
ac Religiosi,

Atque in primis certum est, omnes & quoscunque Clericos in
sacro aliquo Ordine constitutos, ad Horas Canonicas privatim re-
citandas, sub culpa mortali obligari, etiamsi nullum Ecclesiasticum
beneficium obtineant: Ita communiter Doctores, ac præsertim Ange-
lus, Sylvester, Azor. Couarruias, Medina, Suarez, Toletus, & alij
apud Laymann. tract. 1. de Horis Canonicis 4. & apertè constat tum
ex capite *Doctores*, de celebratione Missarum, tum maximè ex ge-
nerali totius Ecclesiæ praxi & consuetudine, quæ vim legis obti-
nere meritò censetur, vt rectè obseruat Nauarrus c. 7. n. 2.

Certum est præterea, omnes ac quoscunque Clericos beneficium
aliquod Ecclesiasticum obtinentes, licet nullo sacro Ordine insigni-
tos, ad easdem Horas Canonicas recitandas similiter obligari, vt ha-
betur ex cap. *Quia per ambitionem*, de rescriptis in 6. & ex Concilio
Lateranensi sub Leone X. sess. 9. in Bulla reformationis: §. *Statuimus*,
quam constitutionem postea renouauit & explicauit Pius V. in Bul-
la sua 138. quæ refertur apud Nauarrum c. 26. n. 122.

Quod verò spectat ad Religiosos, quamuis quidam Doctores exi-
stiment illos ad Horarum Canonicarum recitationem minimè tene-
ri, nisi vel sacrum aliquem Ordinem susceperint, vel speciali aliquo
regulæ suæ statuto ad id obligentur; vera nihilominus & in praxi
tenenda est contraria sententia, quæ asserit Religiosos omnes, ac
singulos (exceptis nouitijs, ac laicis conuersis) qui profitentur Reli-
gionem Choro addictam, non minus quàm Clericos maioribus Or-
dinibus initiatos sub mortali peccato ad Horas Canonicas recitan-
das obligatos esse, idque vi generalis consuetudinis, quæ in omni-
bus religionibus choro addictis recepta est. Ita S. Antoninus, Bar-
tholomæus, Medina, Emmanuel, Rodriguez, Suarez, Azorius, Valé-
tia, Bellarminus, Lessius, & alij quos citat & sequitur Laymann. c. 4.
de Horis Canonicis Toletus etiam lib. 2. cap. 12. non modo Religio-
sos, sed etiam Moniales professas ad easdem Horas recitandas obli-
gari; quod tamen cum duplici limitatione intelligendum videtur.

Pri-

Prima est, vt illæ tantum ad id obligentur, quæ religionem choro addictam professæ sunt : vnde Religiosæ illæ, quæ se ad infirmorum obsequium totas deuouerunt, ab huiusmodi recitatione vt plurimum censentur immunes. Secunda est, vt ex instituto Ordinis sui, aliæ preces loco Canoniarum recitandæ, illis præscriptæ non sint : qua ratione Moniales illæ, quæ ex instituto suo ad recitandum Officium paruum B.M.V. solummodò tenentur, ad maius Officium persoluendum non censentur obligatæ.

QVÆSTIUNCULA II.

Quomodo Hora Canonica recitari debeant.

QVATVOR in recitatione Horarum Canoniarum, præsertim obseruanda sunt, qualitas scilicet illarum, ac integritas, & in ijs recitandis aptum tempus, & modus debitus.

Quod spectat ad primum, omnes qui ad Horas Canonicas obligantur, tenentur eas recitare iuxta præscriptum Breuiarij Romani à Pio V. editi, & à Clemente VIII. reformati, exceptis Ecclesijs & Conuentibus, qui iam à ducentis annis ante illius editionem, alio Breuiario vsi fuerint, quibus permittitur vt illud deinceps retineant, nisi malint cum Episcopi seu Prælati & Capituli consensu Romanum Breuiarium acceptare. Ita expressè habetur in Bulla Pij V. ipsi Breuiario Romano præfixa. Addit Suarez tom. 2. de relig. lib. 4. c. 11. postquam dictæ Ecclesiæ Breuiarium suum cum Romano semel commutariūt, non posse deinceps, hoc relicto, suum antiquum accipere, eo quod Pontificiæ concessioni antiquum ritum retinendi, renunciasse censentur.

Quamuis autem in publica recitatione officij quæ fit in choro, vsus proprius cuiusque Ecclesiæ seruari debeat ; & maximè deceat Clericos in priuata eiusdem Officij recitatione, Ecclesiæ ritum sequi ; multi tamen Doctores probabiliter existimant, cuius extrà chororum licitum esse, potius habito Ecclesiæ suæ Breuiario, Romanum recitare. Ita Nauarrus, Rodriquez, Emanuel Sà, Lessius, & alij quos citat & sequitur Laymann. c. 5. de Hor. Can.

2 Quod si (vt interdum contingere potest) ex inaduerterentia, quis Officium mutet, v.g. Officium de Feria, pro Officio alicuius festi proprio recitet, quamuis laudabile sit vt postquam id aduerterit, Officium prætermissum repetat ; ad id tamen sub peccato non obligatur ; quia dummodo septem Horæ Canonicæ integræ recitentur, præceptum Ecclesiasticum quoad substantiam seruari censetur. Ita Syluester, Caietanus, Azorius, Lessius, & alij apud eundem

eundem Laymann. *supr.* qui tamen addit ex Suare , si Officium , utrumque sit æquiualeus, consultum esse ea subiungere, si commodè fieri possit, quæ intermisso officio propria sunt: si autem officium , quod per errorem recitatum est, multo breuis sit, v.g. de Sancto, cum de Dominica fieri debuisset , compensationem aliquam esse faciendam, dicendo, v.g. nouem Psalmos ex primo Dominicæ Nocturno , ne tam notabilis pars Officij intermissa remaneat. Similiter si quis ex obliuione , vel ex aliqua causa ordinem Horarum inuerterit , si v.g. Vesperas recitauerit ante Sextam, aut Nonam , sufficit vt omis-
sas horas repetat, nec enim vllum peccatum est, saltem mortiferum, ordinem horarum inuerrere , cum eiusmodi ordo extra Chorum , non sit sub præcepto nisi secundario , & tanquam circumstantia minoris momenti, vt docet Lessius cap. 37. dub. 12.

3 Quod spectat ad secundum, septem sunt Horæ Canonice , scilicet Matutinum cum Laudibus, Prima, Tertia, Sexta, Nonæ, Vesperæ, & Completorium , quæ singulæ integrè recitari debent, idque continuè & sine notabili interruptione, vt habetur capite, *Nihil. 7. quæst. 1.* capite *Nullus*, de consecrat. dist. 1. & in Concilio Basileensi sess. 12. cap. *Qualiter hora*. Sed difficultas est, quale sit peccatum, cum quis horarum recitationem interruptit . Respondetur nullum esse peccatum , si hæc interruptio fiat ex causa aliqua iusta , si vocetur quis à Superiore, vel si ex charitate vel necessitate aliquid faciendo occurrat , quod differri commodè non possit: si verò nulla eiusmodi causa subsit, Nauarrus cap. 16. tract. de or. existimat interruptionem illam sine peccato mortali fieri deliberatè non posse: alij tamen communiter censent, quantacumque sit interruptio illa, secuso contemptu, non incurri nisi peccatum veniale , neque vllam esse obligationem officium aut horam inchoatam repetendi, quæ nullam vt plurimum inter se connexionem habeat, cum singuli Psalmi , imò singuli penè versiculi, per se suam significationem completam retineant. Ita Peltanus, Zechus, Caietanus, Suarez, Lessius, & alij, quos citat Laymann. *sup. ca. 5.* Monet tamen Comitoulus li. 1. resp. quæst. 66. si interruptio quamuis iusta, diuturna tamen fuerit, consultum esse repetitionem facere saltem ab initio nocturni vel Psalmi , si id commodè fieri possit.

4 Quod spectat ad tertium , in recitatione quidè publicæ horarum tempus à legitima consuetudine præscriptum seruari debet: in priuata autem, etsi laudabile sit , vt singulæ horæ suis temporibus & interuallis recitentur , ad vitandum tamen peccatum mortale , sufficit vt recitentur eo interuallo, quod est inter medium noctis præcedentis & sequentis: qui enim intra illud tempus Horas recitauerit siue initio, siue in medio, siue in fine, satisfacit substantiæ præcepti, vt docet Tolet lib. 2. cap. 1. Lessius *suprà* , & alij communiter .

Quam-

Quamvis autem id citrà peccatum mortale fieri possit, nihilominus qui ex culpabili negligentia tempus Horis recitandis præscriptum, notabiliter inuenteret, peccati venialis reatum haud dubiè incurre-
ret, v.g. absque vlla causa summo mane Horas omnes etiam Vesper-
tinas, & Còpletoriũ aut post meridiẽ Matutinũ illius diei recitaret.

Obseruat autem Lessius sup. ex consuetudine licitum esse Matu-
tinum & Laudes recitare pridie, post Solis occasum, vt Caietanus,
Nauarrus, & alij dicunt; imò etiam ante Solis occasum, post tempus
Vesperarum & Completorij, vt docet S. Thomas quodlib. 5. art. 8.
vnde vbi hæc absolui solent in Ecclesijs hora quarta pomeridiana,
licitum erit priuatim nocturnum Officium sequentis diei inchoare,
cui Laudes adiungi vel ab illo disiungi possunt, & in sequentem
diem differri: parvæ autem horæ non possunt dici pridie, sed solum
post mediam noctem; possunt tamen omnes vsque ad Vesperas ex-
clusivè ob aliquam honestam causam recitari manè, teste Navarro
suprà; imò si causa iusta subfit, etiam Vesperæ adiungi possunt, vt
censet idem Lessius, & vt satis aperte colligitur ex cap. 1. de cele-
bratione Missarum: est autem iusta causa, si quis perspiciat se maiori
cum devotione aut animi tranquillitate, horas manè recitare; vel si
vereatur ne in alijs temporibus occurrant occupationes aut inter-
pellationes quæ animum distrahant: Optimè & appositè Hugo de
Sancto Victore dixit, vt refert Paludanus in 4. dist. 15. quæstione 5.
*Ante horam orare providentia esse; post horam, negligentia; in hora,
obedientia.*

5 Quod denique ad 4. spectat in Concilio Lateranensi sub Inno-
centio III. cap. *Dolentes*, distinctè præcipitur vt *Divinum Officium
nocturnum pariter & diurnum studiosè ac deuotè celebretur.*

Studiosè quoad officium oris, vt Glossa interpretatur: id est, vt
verba debitè proferantur, vt habetur in Concilio Basileensi. sess. 2.
cap. *Qualiter Hora Canonica*: vt non gutture, vel inter dentes, seu
deglutiendo, & syncopando dictiones, vel verba, sed reuerèter verbis di-
stinctis officium persolvatur. Quàvis autem si id ex inaduertètia, aut
infirmirate aliqua seu balbutie linguæ proueniat, nullum sit pecca-
tum: si tamen ex negligentia aut culpabili præcipitatione, erit pec-
catum veniale quidem, si non sit magnus excessus; mortale verò si
hæc omissio & syncopatio syllabarum ad notabilem aliquam par-
tem Officij pertingat: quo casu recitans tenebitur id, quod in-
debitè prolatum est, repetere, vt docet Lessius cap. 37. dub. 10.

Deuotè quoad officium cordis: quod quidem requirit vt attentè
& reuerenter Officium recitetur. Cum autem multiplex esse possit
 attentio, vel ad sola verba, vt rectè proferantur; vel ad verborum
sensum, vt mente & corde percipiatur; vel ad Deum, quem vt præ-
sentè recitans intuetur, ad eũque petitiones suas, & affectus dirigit,

aut circa quem occupatur, veritates aliquas, aut Myſteria fidel conſiderando, vt ſic ſe ad eius amorem excitet; quæritur quænam attentio neceſſaria ſit ad hoc vt quis Horarum recitandarum obligationi ſatisfaciat. Quidam Doctores, quos citat Leſſius dub. 11. docent primam attentionem, quæ eſt ad ſola verba rectè proferenda, eſſe ſufficientem; quibus etiam ſubſcribit Toletus lib. 2. cap. 12. Alij tamen probabiliùs exiſtimant attentionem illam eſſe quidem neceſſariam: non tamen ſolam ſufficere, niſi adſit quoque attentio ad ſenſum verborum, aut ſaltem generalis aliqua attentio ad Deum, aut ad ea quæ Dei ſunt. Ita Ioannes Gerſon, Maior, Sotus, Nauarrus, Caietanus, Suarez, Leſſius, & plures alij quos citat Laymannus cap. 5. de Hor. can. quibus accedit authoritas S. Doctõris in 4. diſt. 15. qu. 4. a. 2. q. 4. ad 2. & hæc ſententia videtur magis tutior, & in praxi tenenda: quis enim dixerit eum ſatisfacere præcepto recitandi Officium diuinum, qui animo ſpontè, & deliberatè vanis cogitationibus diſtracto, labijs ſolummodo verba illius Officij protulerit: Eccleſia certè præceptum illud imponendo, Miniſtris ſuis intendit, vt ab illis nomine totius populi Chriſtianij Deus laudetur, exoretur, &c. quomodo verò Deus laudari, vel exorari poterit ab ijs, quibus ipſe exprobat: *Populus hic labijs me honorat, cor autem eorum longe eſt à me*? Vnde etiam ſupradicti Doctores & nominatim Sanctus Thomas, cenſent diſtractiones illas voluntarias & deliberatas eſſe peccatum mortale, quando notabiliter durant; ſeu cum quis in parte aliqua notabili Officij voluntariè & deliberatè diſtrahitur, aut quando aduertens ſe diſtractionibus implicari, eas à ſe non abiicit: quamuis enim in Orationibus, ad quas nulla eſt obligatio, diſtractio quæuis, licet voluntaria, excluſo contemptu, non ſit niſi peccatum veniale, vt docet Caietanus, Sotus, Leſſius; & alij apud Laymannum ſuprà, in ijs tamen precibus ad quas ſub peccato mortali obligamur, diſtractio notabilis, abſque peccato mortali admitti deliberatè non poſteſt.

Neque dicas, Eccleſiam iudicare non poſſe de internis actibus, ergo nec illos præcipere; quia vt rectè docet Leſſius ſuprà, Eccleſia poteſt præcipere actus internos, quando neceſſarii ſunt, vt actus externi ab ea imperati ſint actus virtutis: aliàs Eccleſiæ præceptis poſſet ſatisfieri per meram hypocriſim, & ſimulationem, quod quàm abſurdum ſit, nemo non videt.

Ex his patet ad debitam attentionem, in recitando Officio, requiri vt verba officij debitè proferantur, animo orandi & laudandi Deum; nec interim quidquam profanum ſpontè voluatur animo: ſponte inquam: qui enim inuitus diſtraheretur, non peccaret, & in eius oratione ſemper reperiretur attentio, ſi non actualis, ſaltem virtualis, ratione primi propoſiti quod habuit inchoãdo Officiũ, &
hæc

hæc virtualis attentio sicut in alijs actibus virtutis, sic etiam in oratione sufficit.

Porro ad attentionem illam debitam non minimum confert reuerentia; cum interior quam excitat fides; cum exterior quæ ex illa interiori procedit, consistitque in electione prudenti temporis, loci & externæ compositionis idoneæ ad orandum; quamvis enim exteriores illæ circumstantiæ ex libera cuiusque electione pendeant, tamen maximè decet, ut is religionis actus cum talj gestu & habitu corporis fiat, quo debitum nostræ erga diuinam Maiestatem submissionis affectum protestemur; neque vllus est qui se non fateatur peccasse, si minùs modestè & reuerenter Officiũ illud persoluerit.

Est autem præsertim cauendum, nedum quis Horas recitat, aliquas actiones simul exerceat, quæ cum oratione censentur omnino incompatibiles, quale est, v. g. scribere, aut quid simile facere; fieri enim potest, teste ipsa experientia, ut quis simul & orationi & scriptioni attendat, imo tunc ab alijs quibuscunque actionibus exterioribus abstinere consultißimum est, quæ vel attentionem minuere, vel reuerentiæ debitæ minùs congruere censentur.

Q V Æ S T I V N C V L A I I I.

Quibus pœnis subiaceant ij, qui Horas Canonicas recitare omittunt.

CERTVM est ex communi Doctorum consensu, obligationem ad Horas Canonicas recitandas, grauem esse, & sub peccato mortali ex suo genere, cum sit ex virtute religionis, & in beneficijs, etiam ex virtute iustitiæ ita S. Antoninus, Medina, Suarez, & alij apud Laymann. cap. 2. de orat. in 6. Requiritur tamen omisso materiæ notabilis, cuiusmodi est integrum vnius diei officium, vel aliqua integra horæ; imò Nauarrus capite 7. de orat. n. 6. extimant omissionem tertiæ partis vnius parvæ horæ, v. gr. vnius Psalmi cum Hymno, esse peccatum mortale: quod tamen Lessio capite 34. dub. 9. nimis durum videtur.

Iam præter peccati mortalis reatum quem incurrit is, qui totum vnius diei Officiũ, vel aliquam notabilem illius partem recitare omittit, Concilium Lateranense sub Leone X. sess. 9. speciali Constitutione, quæ postmodum à Pio V. renouata fuit & explicata, ut suprâ initio huius articuli dictum est, decreuit ut quiuis beneficiarius, qui elapsis sex mensibus à consecutione beneficij, sine legitimo impedimento officium diuinum recitare omiserit, pro tempore illius omissionis teneatur ad fructuum restitutionem.

1 Ex qua quidem constitutione colligitur eum, qui primis sex
li 2 mensibus

mentibus post adeptam beneficij polleſſionem, officium non recitaue-
rit, peccare quidem grauitè: non tamen ad reſtitutionem teneri,
vi illius conſtitutionis: quod ſi poſt illos ſex meſes elapſos adhuc
omiſerit, tunc ad faciendam reſtitutionem obligabitur, pro rata illi-
us omiſſionis. Vnde qui per vnum diem officium omiſit, tenetur
illius diei fructus reſtituere, qui Matutinum tantum omiſerit, di-
midiam partem; & ſic, ſeruata proportione de alijs. Quæ quidem
reſtitutio faciendæ eſt fabricæ, vel pauperibus, ſiue illius loci, vbi
beneficium ſitum eſt, vel alterius.

Quamuis autem Concilium omnes fructus reſtituendos eſſe de-
creuerit, rectè tamen Sotus, Medina, Henriquez, Toletus, Leſſius, &
alii apud Layman. cap. 5. de Hor. Can. docent hoc illius decretum
intelligi poſſe cum tali moderamine, vt beneficiarij, qui præter Ho-
rarum alia quoque habent annexa onera, eam ſolummodo fructuum
partem reſtituant, quæ iudicio viri prudentis Horarum Canonica-
rum recitationi, ſeruata debita proportione, reſpondere cenſetur,
quæ ratione e. g. Toletus exiſtimat Curatum teneri ad reſtituendâ
tertiam partem fructuum, Medina quartam ſufficere dicit, Hen-
riquez, & Emanuel Sâ quintam: Laymannus ſupr. omnium opti-
mè cenſet conſiderandum eſſe tum quantitatem onerum & officio-
rum, quæ beneficiarius, ſiue Curatus, ſiue quilibet alius præter
Horarum penſum præſtare tenetur, & rei ipſa præſtat, quæ quidem
officia interdum tam multa & graua ſunt, vt viri prudentis arbitrio
ſextuplo, imò interdum decuplo ſuperent Officium Horarum Ca-
nonicarum: tum etiam quantitatem reddituum: fieri enim poſteſt, vt
redditus illi interdum vix æquent iuſtum vitæ ſtipendium, quod be-
neficiario ob aliorum munerum præſtationem naturali iure debere-
tur: quibus omnibus perpensis, maiori cum æquitate determinari po-
teſt quæ reſtitutio ob ſupradictam Horarum omiſſionem iniungenda
ſit.

QVÆSTIVNCVLA. IV.

*Quenam cauſa ab Horarum Canoniarum recitatione
excusent.*

PRIMA eſt grauis infirmitas, quæ talis eſt, vt ſine magna
difficultate, aut corporis periculo, Horariæ preces recitari
poſſe non videantur: neque enim Eccleſia in eiſmodi caſu obligare
intendit, vt ſumitur ex cap. *Clericus victum*, diſt. 91. & docent
Azor. Suarez, Toletus, & alij apud Laymann. cap. 6. de Hor. Can.
In dubio autem, an talis ſit infirmitas quæ excuſet, iudicio Confes-
ſarij vel Medici, aut alterius Pij & prudentis viri ſtandum eſt.

Secunda eſt grauis & repentina occupatio, quæ ſine ſcandalo vel
notabili

notabili detrimento proprio vel alieno omitti vel differri nequit, cum qua tamen Officij diuini recitatio moraliter loquendo, consistere non potest: v.g. si populi tumultus subito exortus, sedandus sit; si Confessiones infirmorum excipiendæ, quæ nonnisi cum notabili periculo illorum differri possunt: si tamen recitatio illa intra eundem diem naturalem absque maxima difficultate anteponi vel postponi possit, id fieri deberet; Ita citati Authores apud eundem Laymann. *suprà*.

Tertius est recitandi impotentia, v.g. si quis iter faciens in terris Infidelium, amittat Breuiarium, nec aliud reperire possit, haud dubie excusabitur, cum ad impossibilia nemo teneatur.

Quæres vtrùm qui ob causas supradictas integrum diei Officium recitare non potest, teneatur saltem illius partem aliquam recitare, si possit. Nauarrus, Azor, Rodriquez, & alij apud Laymannum existimant, si v.g. quis maiorem saltem, vel præcipuam Officij partem, Matutinum cum Laudibus recitare possit, obligandum esse: non item si partem solum minorem vel minus præcipuam, v.g. paruas Horas, vel etiam Vesperas: quod quamuis probabiliter dici possit, probabilius tamen videtur, & in praxi tenenda sententia Suarez lib. 4. de Horis Canonicis, cap. 78. num. 27. & Laymanni. *suprà*. qui censent eum qui commodè potest integram aliquam Officij Ecclesiastici Horam recitare, teneri ad illam recitandam: quod si dubitet num possit vnam horam integram recitare, certus sit autem se non posse omnes, præsumere potest se omnino excusatum: in his enim casibus leges Ecclesiæ non obligant cum tanto rigore vt materiam anxietatis & scrupulorum pariant.

Quarta denique causa excusans à recitatione Horarum, est quando beneficiarius nondum sacris Ordinibus initiatus, nullos, vel adeo tenuis fructus è beneficio percipit, vt æstimabilem aliquam partem sustentationis non præbeant; quintam, v.g. aut sextam. Ita Sotus, Aragonius, Lessius, quoscitat & sequitur Laymann. cap. 3. de benef. Quod intelligendum est, dummodo non stet per beneficiarium illud, quo minus beneficiij sui fructus percipiat, neque illos aliquando percepturus sit, vt fusiùs explicat idem Laymannus. Rectè tamen monet Lessius lib. 2. capite 34. dub. 31. eos, qui tenuis redditus è beneficijs recipiunt, quamuis ad quotidianam Horarum recitationem non obligentur, obligari tamen ad Horas illas aliquoties per annum recitandas, aut saltem ad aliquas alias preces, v.g. ad recitandum Officium paruum B. V. singulis diebus Dominicis aut festiuis: quod iudicio pij & prudentis Confessarij determinari debet.

Explicantur reliqua iuxta Canonicas sanctiones ad Clericalis vite disciplinam spectantia.

I **C**ONCILIUM Tridentinum sess. 21. capite 1. de reform. totius disciplinæ Ecclesiasticæ Summam paucis complecti volens, hoc decretum scitu & obseruatu dignissimum condidit: quod integrum hic exscripsimus. Nihil est, inquit, quod alios magis ad pietatem & Dei cultum assidue instruat, quam eorum vita & exemplum, qui se diuino ministerio dicant. Cum enim à rebus saculi in altiore sublati locum suspiciantur: in eos tanquam in speculum, reliqui oculos coniiciunt, ex ijsque sumunt quod imitentur. Quapropter sic decet omnino Clericos in sortem Domini vocatos, vitam moresque suos omnes, cõponere, ut habitu, ut gestu, incessu, sermone, alijsque omnibus rebus nihil nisi graue, moderatum, ac religione plenum præ se ferant: leuia etiam delicta, qua in ipsis maxima essent, effugiant, ut eorum actiones cunctis afferant venerationem. Cum igitur, quo maiore in Ecclesia Dei & utilitate & ornamento hac sunt, ita etiam diligentius, sint obseruanda: statuit sancta Synodus, ut quæ alias à summis Pontificibus & à sacris Concilijs de Clericorum vita, honestate, cultu, doctrinaque retinenda, ac simul de luxu, comestationibus, choreis, aleis, lusuibus, ac quibuscumque criminibus, nec non de secularibus negotijs, fugiendis, copiose ac salubriter sancita fuerunt, eadem in posterum ijsdempnæis vel maioribus, arbitrio Ordinarij imponendis, obseruentur: nec appellatio excusationem hanc, qua ad morum correctionem pertinet, suspendat. Si quæ uero ex ijs in desuetudinem abiisse cõpererint, ea quam primum in usum reuocari, & ab omnibus accurate custodiri studeant non obstantibus consuetudinibus quibuscunque, ne subditorum neglecta emendationis ipsi condignas, Deo vindice, pœnas persoluant.

2. Ex quo quidem decreto illud præ ceteris habetur hanc fuisse Concilij mentem, ut quæ olim circa vitam, mores, honestatemque Clericorum salubriter sancita fuerant, eadem etiam nunc religiosè obseruarentur: & si quæ in desuetudinem abiissent, in pristinum usum reuocarentur, & ab omnibus accurate custodirentur: quapropter operæ pretium duximus, præcipuas ipsius Ecclesiæ super reliquis Ecclesiasticæ disciplinæ partibus sanctiones excerptæ, easque ex vniuerso iure Canonico collectas sub vnum veluti aspectum ponere, ut quicui Christi Domini Clero adscriptus, præ oculis habere possit quid secundum ipsius Ecclesiæ vota & decreta in eo requiratur, ut (sicut loquitur Apostolus Eph. 4.) *dignè ambulet ea vocatione aqua*

Maiores autem facilitatis & perspicuitatis gratia , quæ dicenda supersunt in breues titulos digessimus , & cuique vnum aut alterum canonem attexuimus, aliorum præcipuorum decretorum si quæ sint, locis tantum breuiter adnotatis .

Quod sacris Ordinibus initiati , perpetuam continentiam seruare teneantur .

2 **M**INISTRI altaris Presbyteri , siue Diaconi ad Dominicales eligantur Officia, qui continentiam seruent , S. Lucius Papa dist. 81. cap. *Ministri* .

Nullus Subdiaconorum ad nuptias transire aliqua prauaricatione præsumat. Concil. Romanum sub S. Syluestro cap. 8.

Cauendum est his, Diaconis scilicet & Subdiaconis, ne quandoque sponsionis suæ immemores ad terrenas nuptias aut furtiuos concubitus ultro recurrant, quod si forte fecerint, ut sacrilegij rei ab Ecclesia habeantur extranei. Concilium Toletanum 2. c. 1. Idem habetur quoque constitutum in Concil. Romano sub Nicolao II. ca. 3. in alio Concil. Romano sub Calisto II. ca. 20. in Concil. Carthaginensi I. cap. 3. & 4. & in pluribus aliis .

Quare S. Gregorius Papa lib. 1. Epist. 42. sapienter edixit , ut nullus ad ministerium altaris accedat , nisi cuius castitas ante susceptum ministerium fuerit approbata .

Quoniam verò adeò sublimis & ardua virtus inter tot huius vitæ ille cebras , non nisi adhibita summa cautela seruari potest , ad euitanda pericula, sapienter ab Ecclesia prouisum est.

Ne sacri Ecclesia Ministri in eadem domo cum faminis commorentur .

1 **I**NTERDIXIT per omnia magna Synodus, non Episcopo, non Presbytero, non Diacono, nec alicui omnium qui in Clero est, licere sub introductam habere mulierem, nisi forte aut materteram, aut eas tantum personas quæ suspensiones effugiunt. Concilij Nicænum c. 3.

Idem habetur in Conc. Aquisgranensi II. part. 3. cap. 11. Carthaginensi III. ca. 7. Carthaginensi IV. ca. 46. Aurelianensi III. ca. 4. Turonensi II. cap. 10. Toletano IV. cap. 41. Nannetensi cap. 3. Mentensi c. 3. Ancillas ab eadem mansione, in qua Clericus manet, placuit remoueri Agathensi cap. 11.

Concilium autem Moguntinum (habetur capite *Inhibendum est, extra de cohabitatione Clericorum & mulierum*) prohibuit, Ne Sacerdos etiam mulieres illas, quas canones concedunt, matrem, ami-

eam, & sororem secum in eadem domo retineat, quia instigante diabolo & in illis scelus perpetratum reperitur, aut etiam in pedisse quis earum.

Certè S. Gregorius Papa lib. 7. Epist. 39. refert: quod beatus Augustinus nec cum sorores habitare consenserit, dicens, quia cum sorore mea sunt serore mea non sunt. Docti ergo viri cautela, magna nobis debet esse instructio.

Appositè S. Hieronymus Epist. ad Nepot. de vita Clericorum: *Hospitioium, inquit, tuum aut nunquam aut raro mulierum pedes terant: omnes puellas & virgines Christi, aut aequaliter ignora, aut aequaliter dilige: ne sub eodem tecto manseris, nec in prateritis castitate confidas, nec Dauide sanctior, nec Salomone sapientior pores esse &c. agrotanti tibi sanctus quilibet frater assistat, & germana vel mater, &c. periculose tibi ministrat, cuius vultum frequenter attendis, &c. caueto omnes suspiciones: & quidquid probabiliter fingi potest, ne fingatur ante denita* Et in Epist. ad Oceanum. *Prima, inquit, tentamenta sunt Clericorum, seminarum frequentes accessus: iste sexus reprehensibiles exhibet clericos: quid tibi re vera cum feminis qui ad altare cum Domino fabularis? te in publico cuncti, te in agrostici, aratores, ac vinatores quotidie lacerabunt, si contra depositum fidei cum feminis habitare contendis, &c. mihi crede, non potest toto corde habitare eum Domino qui seminarum accessibus copulatur.*

Porro quanto horrore crimen huic sacræ continentiæ oppositum prosecuti sint SS. Patres in Sacerdotibus aliisque altaris ministris, hinc patet, quod cum varijs Concilijs graues pœnæ depositionis, exilij, &c. ea de causa impositæ fuerint; In Concilio Eliberitano, can. 8. summo quidem, sed tamen iustissimo rigore sancitum fuerit, *ut si quis Episcopus, Sacerdos, aut Diaconus infandum hoc mæchia crimen perpetrarit, etiam in fine vita, Corporis Christi communionem priuetur: quem rigorem licet posterioribus sæculis Ecclesia ob causas iustissimas remisit, nihil tamen hæc eius remissio de sacrilegij huius enormitate diminuit; quod semper æque dignum censi debet, quod pœna illa, imo adhuc longè grauiori plectatur, si quæ in hac vita reperiri possit.*

Ne Clerici temperantia modum in victu excedant.

4 **A** CRAPULA & ebrietate omnes Clerici diligenter abstineant, &c. Nec ab bibendum quispiam incitetur, &c. Si quis autem super his seculpabilè exhibuerit nisi à Superiore commo- nitus satisfecerit, ab officio suspendatur. Concilium Lateranense sub Innocentio III. c. 15.

Ante

Ante omnia Clericis vitetur ebrietas, qua omnium vitiorum formas ac nutrix est; itaque eum quem ebrium fuisse constiterit, triginta dierum spatio à communione statuimus submovendum. Concil. Agathense cap. 4.

Ad evitandum excessum illum cibi & potus, maximè conducit si tabernæ, cauponæ, & similia loca vitentur in quibus temperantia omnis & sobrietas vtp plurimum periclitatur; ideo sæpius prohibitum fuit, ne Clerici eiusmodi loca edendi & bibendi causa ingrediantur, nisi causa necessitatis, quando sunt in itinere constituti. Ita expressè habetur in Conc. Lateranensi sub Innocentio III. capite 16. Conc. Carthaginensi 3. cap. 27. Laodiceensi cap. 24. Aquisgranensi 2. par. 3. c. 7. Cabilonensi cap. 4. & alijs.

5 Neque solùm cauponas, & alia similia loca, sed etiam conuiuia præsertim nuptialia, Clericis euitanda esse censuit Concilium Agathense cap. 39. & habetur dist. 34. his verbis, *Presbyteri, Diaconi, Subdiaconi, vel deinceps, quibus ducendi uxores licentia non est, etiam aliarum nuptiarum euitent conuiuia, ne his coetibus misceantur, ubi amatoria cantantur & turpia, aut obsceni motus corporis, choreis & salutationibus efferuntur, ne auditus aut obtutus sacris Mysterijs deputati, turpium spectaculorum atque verborum contagione polluantur.*

Præterea Concilium Toletanum 3. cap. 7. mensam Clericalem lectione sacra condiri voluit. *Pro reuerentia inquit, Dei Sacerdotum, id uniuersa sancta constituit Synodus, ut (quia solent crebrè mensis otiosa fabula interponi) in omni Sacerdotali conuiuio lectio diuinarum scripturarum misceatur, per hoc enim anima adificatur ad bonum, & fabula non necessaria prohibentur.*

No Clerici secularium negotiorum procuratoribus, implicentur.

6 **P**ERVENIT ad sanctam Synodum, quia de ijs qui in Clero connumerantur, quidam propter turpis lutri gratiam, alienarum possessionum conductiones, & causas saculares suscipiunt, & à sacris quidem officijs se per deficiam separant, ad domos autem secularium concurrunt, & substantiarum eorum gubernationes auaritia causa suscipiunt. Decrenit ergo Sancta Synodus nullum Clericum deinceps aut Monachum conducere possessiones, aut misceri secularibus procurationibus, nisi fortè qui legibus ad minorum atarum tutelam, siue curationes inexcusabiles attrahitur, aut cui ciuitas ipsius Episcopus Ecclesiasticarum rerum commiserit gubernacula, & orphanorū ac viduarū, qua indefensa sunt, & earū personarū, qua maximè Ecclesiastico indigēt adminiculo propter timorē Dei. Si quis verò irāsgressus fuerit hac præcepta, correctioni Ecclesiastica subiaceat.

Con-

eundem Laymann. *supr.* qui tamen addit ex Suare , si Officium , utrumque sit æquiualeus , consultum esse ea subiungere , si commodè fieri possit , quæ intermisso officio propria sunt : si autem officium , quod per errorem recitatum est , multo breuis sit , v.g. de Sancto , cum de Dominica fieri debuisset , compensationem aliquam esse faciendam , dicendo , v.g. nouem Psalmos ex primo Dominicæ Nocturno , ne tam notabilis pars Officij intermissa remaneat . Similiter si quis ex obliuione , vel ex aliqua causa ordinem Horarum inuerterit , si v.g. Vesperas recitauerit ante Sextam , aut Nonam , sufficit vt omisas horas repetat , nec enim vllum peccatum est , saltem mortiferum , ordinem horarum inuerrere , cum eiusmodi ordo extra Chorum , non sit sub præcepto nisi secundo , & tanquam circumstantia minoris momenti , vt docet Lessius cap. 37. dub. 12.

3 Quod spectat ad secundum , septem sunt Horæ Canonicæ , scilicet Matutinum cum Laudibus , Prima , Tertia , Sexta , Nonæ , Vesperæ , & Completorium , quæ singulæ integrè recitari debent , idque continuè & sine notabili interruptione , vt habetur capite , *Nihil* . 7. quæst. 1. capite *Nullus* , de consecrat. dist. 1. & in Concilio Basileensi sess. 12. cap. *Qualiter hora* . Sed difficultas est , quale sit peccatum , cum quis horarum recitationem interruptit . Respondetur nullum esse peccatum , si hæc interruptio fiat ex causa aliqua iusta , si vocetur quis à Superiore , vel si ex charitate vel necessitate aliquid faciendo occurrat , quod differri commodè non possit : si verò nullæ eiusmodi causa subsit , Nauarrus cap. 16. tract. de or. existimat interruptionem illam sine peccato mortali fieri deliberatè non posse : alij tamen communiter censent , quantacumque sit interruptio illa , secluso contemptu , non incurri nisi peccatum veniale , neque vllam esse obligationem officium aut horam inchoatam repetendi , quæ nullam vt plurimum inter se connexionem habeat , cum singuli Psalmi , imò singuli penè versiculi , per se suam significationem completam retineant . Ita Peltanus , Zechus , Caietanus , Suarez , Lessius , & alij , quos citat Laymann. *sup. ca. 5.* Monet tamen Comitulus li. 1. resp. quæst. 66. si interruptio quamuis iusta , diuturna tamen fuerit , consultum esse repetitionem facere saltem ab initio nocturni vel Psalmi , si id commodè fieri possit .

4 Quod spectat ad tertium , in recitatione quidè publicæ horarum tempus à legitima consuetudine præscriptum seruari debet : in priuata autem , etsi laudabile sit , vt singulæ horæ suis temporibus & intervallis recitentur , ad vitandum tamen peccatum mortale , sufficit vt recitentur eo intervallo , quod est inter medium noctis præcedentis & sequentis : qui enim intra illud tempus Horas recitauerit siue initio , siue in medio , siue in fine , satisfacit substantiæ præcepti , vt docet Tolet lib. 2. cap. 1. Lessius *suprà* , & alij communiter .

Quam-

Quamuis autem id citrà peccatum mortale fieri possit, nihilominus qui ex culpabili negligentia tempus Horis recitandis præscriptum notabiliter inuenteret, peccati venialis reatum haud dubiè incurreret, v.g. absque vlla causa summo mane Horas omnes etiam Vesperinas, & Cõpletoriũ aut post meridiẽ Matutinũ illius diei recitaret.

Obseruat autem Lessius sup. ex consuetudine licitum esse Matutinum & Laudes recitare pridie, post Solis occasum, vt Caietanus, Nauarrus, & alij dicunt; imò etiam ante Solis occasum, post tempus Vesperarum & Completorij, vt docet S. Thomas quodlib. 5. art. 8. vnde vbi hæc absolui solent in Ecclesijs hora quarta pomeridiana, licitum erit priuatim nocturnum Officium sequentis diei inchoare, cui Laudes adiungi vel ab illo disiungi possunt, & in sequentem diem differri: paræ autem horæ non possunt dici pridie, sed solum post mediam noctem; possunt tamen omnes vsque ad Vesperas exclusiue ob aliquam honestam causam recitari manè, teste Nauarro suprà; imò si causa iusta subsit, etiam Vesperæ adiungi possunt, vt censet idem Lessius, & vt satis aperte colligitur ex cap. 1. de celebratione Missarum: est autem iusta causa, si quis perspiciat se maiori cum deuotione aut animi tranquillitate, horas manè recitare; vel si vereatur ne in alijs temporibus occurrant occupationes aut interpellationes quæ animum distrahant: Optimè & appositè Hugo de Sancto Victore dixit, vt refert Paludanus in 4. dist. 15. quæstione 5. *Aut horam orare prouidentia esse; post horam, negligentia; in hora, obedientia.*

5 Quod denique ad 4. spectat in Concilio Lateranensi sub Innocentio III. cap. *Dolentes*, distinctè præcipitur vt *Diuinum Officium nocturnum pariter & diurnum studiosè ac deuotè celebretur.*

Studiosè quoad officium oris, vt Glossa interpretatur: id est, vt verba debitè proferantur, vt habetur in Concilio Basileensi. sess. 2. cap. *Qualiter Hora Canonica: vt non gutture, vel inter dentes, seu deglutiedo, & syncopando dictiones, vel verba, sed reuerèter verbis distinctis officium persoluatur.* Quauis autem si id ex inaduertètia, aut infirmitate aliqua seu balbutie linguæ proueniat, nullum sit peccatum: si tamen ex negligentia aut culpabili præcipitatione, erit peccatum veniale quidem, si non sit magnus excessus; mortale verò si hæc omissio & syncopatio syllabarum ad notabilem aliquam partem Officij pertingat: quo casu recitans tenebitur id, quod indebitè prolatum est, repetere, vt docet Lessius cap. 37. dub. 10.

Deuotè quoad officium cordis: quod quidem requirit vt attentè & reuerenter Officium recitetur. Cum autem multiplex esse possit attentio, vel ad sola verba, vt rectè proferantur; vel ad verborum sensum, vt mente & corde percipiatur; vel ad Deum, quem vt præsentè recitans intuetur, ad eũque petitiones suas, & effectus dirigit,

aut circa quem occupatur, veritates aliquas, aut Myſteria fidei conſiderando, vt ſic ſe ad eius amorem excitet; quæritur quænam attentio neceſſaria ſit ad hoc. vt quis Horarum recitandarum obligationi ſatisfaciat. Quidam Doctores, quos citat Leſſius dub. 11. docent primam attentionem, quæ eſt ad ſola verba rectè proferenda, eſſe ſufficientem; quibus etiam ſubſcribit Toletus lib. 2. cap. 12. Alij tamen probabilius exiſtimant attentionem illam eſſe quidem neceſſariam: non tamen ſolam ſufficere, niſi adſit quoque attentio ad ſenſum verborum, aut ſaltem generalis aliqua attentio ad Deum, aut ad ea quæ Dei ſunt. Ita Ioannes Gerſon, Maior, Sotus, Nauarrus, Caietanus, Suarez, Leſſius. & plures alij quos citat Laymannus cap. 5. de Hor. can. quibus accedit authoritas S. Doctõris in 4. diſt. 15. qu. 4. a. 2. q. 4. ad 2. & hæc ſententia videtur magis tutior, & in praxi tenenda: quis enim dixerit eum ſatisfacere præcepto recitandi Officium diuinum, qui animo ſpontè, & deliberatè vanis cogitationibus diſtracto, labijs ſolummodo verba illius Officij protulerit: Eccleſia certè præceptum illud imponendo, Miniſtris ſuis intendit, vt ab illis nomine totius populi Chriſtiani Deus laudetur, exoretur, &c. quomodo verò Deus laudari, vel exorari poterit ab ijs, quibus ipſe exprobat: *Populus hic labijs me honorat, cor autem eorum longe eſt à me?* Vnde etiam ſupradicti Doctores & nominatim Sanctus Thomas, cenſent diſtractiones illas voluntarias & deliberatas eſſe peccatum mortale, quando notabiliter durant; ſeu cum quis in parte aliqua notabili Officij voluntariè & deliberatè diſtrahitur, aut quando aduertens ſe diſtractionibus implicari, eas à ſe non abiicit: quamuis enim in Orationibus, ad quas nulla eſt obligatio, diſtractio quæuis, licet voluntaria, excluſo contemptu, non ſit niſi peccatum veniale, vt docet Caietanus, Sotus, Leſſius, & alij apud Laymannum ſuprà, in ijs tamen precibus ad quas ſub peccato mortali obligamur, diſtractio notabilis, abſque peccato mortali admitti deliberatè non poſtelt.

Neque dicas, Eccleſiam iudicare non poſſe de internis actibus, ergo nec illos præcipere; quia vt rectè docet Leſſius ſuprà, Eccleſia poteſt præcipere actus internos, quando neceſſarii ſunt, vt actus externi ab ea imperati ſint actus virtutis: aliàs Eccleſiæ præceptis poſſet ſatisfieri per meram hypocriſim, & ſimulationem, quod quàm abſurdum ſit, nemo non videt.

Ex his patet ad debitam attentionem, in recitando Officio, requiri vt verba officij debitè proferantur, animo orandi & laudandi Deum; nec interim quidquam profanum ſpontè voluatur animo: ſponte inquam: qui enim inuitus diſtraheretur, non peccaret, & in eius oratione ſemper reperiretur attentio, ſi non actualis, ſaltem virtualis, ratione primi propoſiti quod habuit inchoando Officiũ, &
hæc

hæc virtualis attentio sicut in alijs actibus virtutis, sic etiam in oratione sufficit.

Porro ad attentionem illam debitam non minimum confert reuerentia, tùm interior quam excitat fides; tùm exterior quæ ex illa interiori procedit, consistitque in electione prudenti temporis, loci & externæ compositionis idoneæ ad orandum; quamuis enim exteriores illæ circumstantiæ ex libera cuiusque electione pendeant, tamen maximè decet, vt is religionis actus cum talij gestu & habitu corporis fiat, quo debitum nostræ erga diuinam Maiestatem submissionis affectum protestemur; neque vilis est qui se non fateatur peccasse, si minùs modestè & reuerenter Officiũ illud persoluerit.

Est autem præsertim cauendum, nedum quis Horas recitat, aliquas actiones simul exerceat, quæ cum oratione censentur omnino incompatibiles, quale est, v. g. scribere, aut quid simile facere; fieri enim potest, teste ipsa experientia, vt quis simul & orationi & scriptioni attendat, imo tunc ab alijs quibuscunque actionibus exterioribus abstinere consultissimum est, quæ vel attentionem minuere, vel reuerentiæ debitæ minùs congruere censentur.

Q V Æ S T I V N C V L A III.

Quibus pœnis subiaceant ij, qui Horas Canonicas recitare omittunt.

CERTVM est ex communi Doctorum consensu, obligationem ad Horas Canonicas recitandas, grauem esse, & sub peccato mortali ex suo genere, cū sit ex virtute religionis, & in beneficijs, etiam ex virtute iustitiæ ita S. Antoninus, Medina, Suarez, & alij apud Laymann. cap. 2. de orat. in 6. Requiritur tamen omisso materiæ notabilis, cuiusmodi est integrum vnius diei officium, vel aliqua integra hora; imò Nauarrus capite 7. de orat. n. 6. extimant omissionem tertiæ partis vnius parue horæ, v. gr. vnius Psalmi cum Hymno, esse peccatum mortale: quod tamen Lessio capite 34. dub. 9. nimis durum videtur.

Iam præter peccati mortalis reatum quem incurrit is, qui totum vnius diei Officiũ, vel aliquam notabilem illius partem recitare omittit, Concilium Lateranense sub Leone X. sess. 9. speciali Constitutione, quæ postmodum à Pio V. renouata fuit & explicata, vt suprâ initio huius articuli dictum est, decreuit vt cuius beneficiarius, qui elapsis sex mensibus à consecutione beneficij, sine legitimo impedimento officium diuinum recitare omiserit, pro tempore illius omissionis teneatur ad fructuum restitutionem.

1 Ex qua quidem constitutione colligitur eum, qui primis sex
li 2 mensibus

mentibus post adeptam beneficij polleſſionem, officium non recitaue-
rit, peccare quidem grauitè: non tamen ad reſtitutionem teneri,
vi illius conſtitutionis: quod ſi poſt illos ſex menſes elapſos adhuc
omiſerit, tunc ad faciendam reſtitutionem obligabitur, pro rata illi-
us omiſſionis. Vnde qui per vnum diem officium omiſit, tenetur
illius diei fructus reſtituere, qui Matutinum tantum omiſerit, di-
midiam partem; & ſic, ſeruata proportione de alijs. Quæ quidem
reſtitutio faciendæ eſt fabricæ, vel pauperibus, ſiue illius loci, vbi
beneficium ſitum eſt, vel alterius.

Quamuis autem Concilium omnes fructus reſtituendos eſſe de-
creuerit; rectè tamen Sotus, Medina, Henriquez, Toletus, Leſſius, &
alii apud Layman. cap. 5. de Hor. Can. docent hoc illius decretum
intelligi poſſe cum tali moderamine, vt beneficiarij, qui præter Ho-
rarum alia quoque habent annexa onera, eam ſolummodo fructuum
partem reſtituant, quæ iudicio viri prudentis Horarum Canonica-
rum recitationi, ſeruata debita proportione, reſpondere cenſetur,
quæ ratione e. g. Toletus exiſtimat Curatum teneri ad reſtituendâ
tertiam partem fructuum, Medina quartam ſufficere dicit, Hen-
riquez, & Emanuel Sâ quintam: Laymannus ſupr. omnium opti-
mè cenſet conſiderandum eſſe tum quantitatem onerum & officio-
rum, quæ beneficiarius, ſiue Curatus, ſiue quilibet alius præter
Horarum penſum præſtare tenetur, & reiſpæ præſtat, quæ quidem
officia interdum tam multa & graua ſunt, vt viri prudentis arbitrio
ſextuplo, imò interdum decuplo ſuperent Officium Horarum Ca-
nonicarum: tum etiam quantitatem reddituum: fieri enim poſteſt, vt
redditus illi interdum vix æquent iuſtum vitæ ſtipendium, quod be-
neficiario ob aliorum munerum præſtationem naturali iure debere-
tur: quibus omnibus perpenſis, maiorum æquitate determinari po-
teſt quæ reſtitutio ob ſupradictam Horarum omiſſionem iniungen-
da ſit.

QVÆSTIVNCVLA. IV.

*Quenam cauſa ab Horarum Canoniarum recitatione
excusent.*

PRIMA eſt grauis infirmitas, quæ talis eſt, vt ſine magna
difficultate, aut corporis periculo, Horarum preces recitari
poſſe non videantur: neque enim Eccleſia in eiſmodi caſu obligare
intendit, vt ſumitur ex cap. *Clericus vitium*, diſt. 91. & docent
Azor. Suarez, Toletus, & alij apud Laymann. cap. 6. de Hor. Can.
In dubio autem, an talis ſit infirmitas quæ excuſet, iudicio Confeſ-
ſarij vel Medici, aut alterius Pij & prudentis viri ſtandum eſt.

Secunda eſt grauis & repentina occupatio, quæ ſine ſcandalo vel
notabili

notabili detrimento proprio vel alieno omitti vel differri nequit, cum qua tamen Officij diuini recitatio moraliter loquendo, consistere non potest: v.g. si populi tumultus subito exortus, sedandus sit; si Confessiones infirmorum excipiendæ, quæ non nisi cum notabili periculo illorum differri possunt: si tamen recitatio illa intra eundem diem naturalem absque maxima difficultate anteponi vel postponi possit, id fieri deberet; Ita citati Authores apud eundem Laymann. *suprà*.

Tertia est recitandi impotentia, v.g. si quis iter faciens in terris Infidelium, amittat Breviarium, nec aliud reperire possit, haud dubiè excusabitur, cum ad impossibilia nemo teneatur.

Quæres vtrùm qui ob causas supradictas integrum diei Officium recitare non potest, teneatur saltem illius partem aliquam recitare, si possit. Nauarrus, Azor. Rodriquez, & alij apud Laymannum existimant, si v.g. quis maiorem saltem, vel præcipuam Officij partem, Matutinum cum Laudibus recitare possit, obligandum esse: non item si partem solum minorem vel minus præcipuam, v.g. paruas Horas, vel etiam Vesperas: quod quamuis probabiliter dici possit, probabilius tamen videtur, & in praxi tenenda sententia Suarez lib. 4. de Horis Canonicis, cap. 78. num. 27. & Laymann. *suprà*. qui censent eum qui commodè potest integram aliquam Officij Ecclesiastici Horam recitare, teneri ad illam recitandam: quod si dubitet num possit vnam horam integram recitare, certus sit autem se non posse omnes, præsumere potest se omnino excusatum: in his enim casibus leges Ecclesiæ non obligant cum tanto rigore vt materiam anxietatis & scrupulorum pariant.

Quarta denique causa excusans à recitatione Horarum, est quando beneficiarius nondum sacris Ordinibus initiatus, nullos, vel adeò tenuis fructus è beneficio percipit, vt æstimabilem aliquam partem sustentationis non præbeant; quintam, v.g. aut sextam. Ita Sotus, Aragonius, Lessius, quoscitat & sequitur Laymann. cap. 3. de benef. Quod intelligendum est, dummodo non stet per beneficiarium illū, quo minus beneficiij sui fructus percipiat, neque illos aliquando percepturus sit, vt fusius explicat idem Laymannus. Rectè tamen monet Lessius lib. 2. capite 34. dub. 31. eos, qui tenuis redditus è beneficijs recipiunt, quamuis ad quotidianam Horarum recitationem non obligentur, obligari tamen ad Horas illas aliquoties per annum recitandas, aut saltem ad aliquas alias preces, v.g. ad recitandum Officium paruum B. V. singulis diebus Dominicis aut festiuis: quod iudicio pij & prudentis Confessarij determinari debet.

Explicantur reliqua iuxta Canonicas sanctiones ad Clericalis vite disciplinam spectantia.

I **C**ONCILIUM Tridentinum sess. 21. capite 1. de reform. totius disciplinæ Ecclesiasticæ Summam paucis complecti volens, hoc decretum scitu & obseruatum dignissimum condidit: quod integrum hic exscripsimus. Nihil est, inquit, quod alios magis ad pietatem & Dei cultum assidue instruat, quam eorum vita & exemplum, qui se diuino ministerio dicantur. Cum enim à rebus sæculi in altiore sublati locum suspiciantur: in eos tamquam in speculum, reliqui oculos coniiciunt, ex ijsque sumunt quod imitentur. Quapropter sic decet omnino Clericos in sortem Domini vocatos, vitam moresque suos omnes, cõponere, ut habitu, ut gestu, incessu, sermone, alijsque omnibus rebus nihil nisi graue, moderatum, ac religione plenum præ se ferant: leuia etiam delicta, qua in ipsis maxima essent, effugiant, ut eorum actiones cunctis afferant venerationem. Cum igitur, quo maiore in Ecclesia Dei & utilitate & ornamento hæc sunt, ita etiam diligentius, sint obseruanda: statuit sancta Synodus, ut quæ alias à summis Pontificibus & à sacris Concilijs de Clericorum vita, honestate, cultu, doctrinaque retinenda, ac simul de luxu, comestationibus, choreis, aleis, lussibus, ac quibuscumque criminibus, nec non de secularibus negotijs, fugiendis, copiose ac salubriter sancita fuerunt, eadem in posterum ijsdempænis vel maioribus, arbitrio Ordinarij imponendis, obseruentur: nec appellatio excusationem hanc, qua ad morum correctionem pertinet, suspendat. Si qua vero ex ijs in desuetudinem abiisse cõpererint, ea quam primum in usum reuocari, & ab omnibus accurate custodiri fludeant non obstantibus consuetudinibus quibuscumque, ne subditorum neglecta commendationis ipsi condignas, Deo vindice, pœnas persoluant.

2 Ex quo quidem decreto illud præ ceteris habetur hanc fuisse Concilij mentem, ut quæ olim circa vitam, mores, honestatemque Clericorum salubriter sancita fuerant, eadem etiam nunc religiose obseruarentur: & si quæ in desuetudinem abiissent, in pristinum usum reuocarentur, & ab omnibus accurate custodirentur: quapropter operæ pretium duximus, præcipuas ipsius Ecclesiæ super reliquis Ecclesiasticæ disciplinæ partibus sanctiones excerptæ, easque ex vniuerso iure Canonico collectas sub vnum veluti aspectum ponere, ut quicuius Christi Domini Clero adscriptus, præ oculis habere possit quid secundum ipsius Ecclesiæ vota & decreta in eo requiratur, ut (sicut loquitur Apostolus Eph. 4.) *dignè ambulet ea vocatione aqua vocatus est.*

Maiores autem facilitatis & perspicuitatis gratia, quæ dicenda supersunt in breues titulos digessimus, & cuique vnum aut alterum canonem attexuimus, aliorum præcipuorum decretorum si quæ sint, locis tantum breuiter adnotatis.

Quod sacris Ordinibus initiati, perpetuam continentiam seruare teneantur.

2 **M**INISTRI altaris Presbyteri, siue Diaconi ad Dominicales eligantur Officia, qui continentiam seruent, S. Lucius Papa dist. 81. cap. *Ministri*.

Nullus Subdiaconorum ad nuptias transire aliqua prauaricatione præsumat. Concil. Romanum sub S. Syluestro cap. 8.

Cauendum est his, Diaconis scilicet & Subdiaconis, ne quandoque sponsonis sua immemores ad terrenas nuptias aut furtiuos concubitus ultro recurrant, quod si forte fecerint, ut sacrilegij rei ab Ecclesia habeantur extranei, Concilium Toletanum 2. c. 1. Idem habetur quoque constitutum in Concil. Romano sub Nicolao II. ca. 3. in alio Concil. Romano sub Calisto II. ca. 20. in Concil. Carthaginensi I. cap. 3. & 4. & in pluribus aliis.

Quare S. Gregorius Papa lib. 1. Epist. 42. sapienter edixit, ut nullus ad ministerium altaris accedat, nisi cuius castitas ante susceptum ministerium fuerit approbata.

Quoniam verò adeò sublimis & ardua virtus inter tot huius vitæ ille cebras, non nisi adhibita summa cautela seruari potest, ad euitanda pericula, sapienter ab Ecclesia prouisum est.

Ne sacri Ecclesia Ministri in eadem domo cum feminis commorentur.

1 **I**NTERDIXIT per omnia magna Synodus, non Episcopo, non Presbytero, non Diacono, nec alicui omnium qui in Clero est, licere sub introductam habere mulierem, nisi forte aut materteram, aut eas tantum personas quæ suspensiones effugiunt, Concilij Nicænum c. 3.

Idem habetur in Conc. Aquisgranensi II. part. 3. cap. 11. Carthaginensi III. ca. 7. Carthaginensi IV. ca. 46. Aurelianensi III. ca. 4. Turonensi II. cap. 10. Toletano IV. cap. 41. Nannetensi cap. 3. Mentensi c. 3. Ancillas ab eadem mansione, in qua Clericus manet, placuit remoueri Agathensi cap. 11.

Concilium autem Moguntinum (habetur capite *Inhibendum est, extra de cohabitatione Clericorum & mulierum*) prohibuit, Ne Sacerdos etiam mulieres illas, quas canones concedunt, matrem, ami-

Ante omnia Clericis vitetur ebrietas, qua omnium vitiorum formas ac nutritrix est; itaque eum quem ebrium fuisse constiterit, triginta dierum spatio à communione statuimus submonendum. Concil. Agathense cap. 4.

Ad evitandum excessum illum cibi & potus, maximè conducit si tabernæ, cauponæ, & similia loca vitentur in quibus temperantia omnis & sobrietas vtp plurimum periclitatur; ideo sæpius prohibitum fuit, ne Clerici eiusmodi loca edendi & bibendi causa ingrediantur, nisi causa necessitatis, quando sunt in itinere constituti. Ita expressè habetur in Conc. Lateranensi sub Innocentio III. capite 16. Conc. Carthaginensi 3. cap. 27. Liodicensi cap. 24. Aquisgranensi 2. par. 3. c. 7. Cabilonensi cap. 4. & alijs.

5 Neque solum cauponas, & alia similia loca, sed etiam conuiuia præsertim nuptialia, Clericis euitanda esse censuit Concilium Agathense cap. 39. & habetur dist. 34. his verbis, *Presbyteri, Diaconi, Subdiaconi, vel deinceps, quibus ducendi uxores licentia non est, etiam aliarum nuptiarum euitent conuiuia, ne his cætibz misceantur, ubi amatoria cantantur & turpia, aut obsceni motus corporis, choreis & salutationibus effertur, ne auditus aut obtutus sacris Mysterijs deputati, turpium spectaculorum atque verborum contagione polluatur.*

Præterea Concilium Toletanum 3. cap. 7. mensam Clericalem lectione sacra condiri voluit. *Pro reuerentia inquit, Dei Sacerdotum, id uniuersa sancta constituit Synodus, vt (quia solent crebrè mensis otiosa fabula interponi) in omni Sacerdotali conuiuio lectia diuinatum scripturarum misceatur, per hoc enim anima adificatur ad bonum, & fabula non necessaria prohibentur.*

Ne Clerici sacularium negotiorum procuratoribus, implicentur.

6 **P**ERVENIT ad sanctam Synodum, quia de ijs qui in Clero connumerantur, quidam propter turpis lutri gratiam, alienarum possessionum conductiones, & causas saculares suscipiunt, & à sacris quidem officijs se per desidiam separant; ad domos autem sacularium concurrunt, & substantiarum eorum gubernationes auaritia causa suscipiunt. Decreuit ergo Sancta Synodus nullum Clericum deinceps aut Monachum conducere possessiones, aut misceri sacularibus procuracionibus, nisi fortè qui legibus ad minorum aetatem tutelam, siue curationes inexcusabiles attrahitur, aut cui ciuitatis ipsius Episcopus Ecclesiasticarum rerum commiserit gubernacula, & orphanorū ac viduarū, qua indefensa sunt, & earū personarū, qua maximè Ecclesiastico indigēt adminiculo propter timorē Dei. Si quis verò irāsgressus fuerit hac præcepta, correctioni Ecclesiastica subiaceat.

Con-

Concilio Chalcedonense cap. 5. Idem constitutum habetur in Concilio Lateranensi sub Innocentio III. capite 16. & in Concilio Lateranensi sub Alexandro III. cap. 12. & etiam Melchiade Papa cap. *Decreuit*. dist. 18. & à Gelasio cap. *Consequens est*, ibid. & ab Honorio III. cap. *ex litteris*.

Et in Conc. Carthaginensi 3. prohibetur Clericis, *Ne fiant conductores vel procuratores*, in Conc. Chalcedonensi cap. 3. *Ne aliena pradia conducant, nec tractent administrationem rerum secularium*; & in Concil. Cabilonenfi sub Carolo Magno cap. 12. *Ne fiant villici*.

Ne Clerici aleis, venationibus & histrionum ac Ioculatorum spectaculis vacent.

7 **C**LERICI *mimis, Ioculatoribus, & histrionibus non intendant, &c. ad aleas & taxillos non ludant, ne eiusmodi ludis intersint*, Conc. Lateranense sub Innocentio III. cap. 6.

Idem quoad histriones & mimos constitutum habetur in Concilio Laodiceno, c. 54. Turonensi sub Carolo cap. 7. Cabilonenfi cap. 9. Parisiensi sub Ludouico & Lothario lib. 1. cap. 36.

Similiter venatio, illa præsertim quæ fit cum strepitu & clamore, prohibetur Clericis in Concilio Romano sub Eugenio II. cap. 12. Moguntino sub Carolo cap. 14. Turonensi cap. 8. Et ne canes ad venandum aut accipitres habeant in Conc. Agathensi c. 55. Epaunensi c. 2. Vormac. cap. 17.

Appositè S. Hieronymus in cap. 2. Michæ, & citatur cap. *Quorundam*, dist. 34. Esau, inquit, *venator erat quoniam peccator erat, & penitus non inuenimus in Scripturis sanctis Sanctum aliquem venatorem*,

Ne Clerici militent, aut criminalibus causis se immisceant.

8 **S**I quis Clericus relicto officij sui Ordine, Laicam voluerit agere vitam, vel se militia tradiderit, excommunicationis pena feratur. Conc. Turonense c. 5. Idem etiam constitutum habetur in Concilio Meldenfi cap. 37. Pictauiensi cap. 10. Metensi cap. 3. Claromontano capite 4.

Quod spectat ad causas criminales, Innocentius III. in Concilio Lateranensi capite 18. prohibuit, *Ne ullus Clericus sententiam sanguinis dicat vel proferat: sed nec sanguinis vindictam exerceat, aut ubi exercetur, intersit, &c.* Nullus quoque Subdiaconus, Diaconus, vel Sacerdos illius Chirurgia partem exerceat, qua adustionem vel incisionem inducit.

Ne

Ne Clerici absque litteris commendatitijs Episcopi sui discedant, ne ve ab ullo suscipiantur.

PEREGRINOS Clericos in aliena vrbe sine commendatitijs litteris Episcopi, nullo modo ministrare oportet. Concilium Chalcedonense capite 13.

Presbyteri vel Diaconi, qui de alio Episcopo ad alium transeunt, vel quicunque Clerici sine commendatitijs à suo Episcopo litteris, non recipiantur. Concil. Romanum sub Gregorio VII. cap. 23. Idem habetur quoque in Conc. Mileuitano cap. 41. Agatenſi cap. 38. Andegauensi cap. 2. Turonenſi cap. 12. & alijs.

Ne clerici sint illiterati.

LITTERIS carens, sacris non potest actus esse Myſterijs. Gelasius in Epistola ad Episcopos Lucaniæ cap. 18.

Presbyteri sint litterati, aliter enim quomodo erunt Magistri qui non fuerunt discipuli; &c. Iſti sunt canes muti non valentes latrare. Conc. Romanum sub Eugenio I. c. 4. idem habetur ſtriſtè conſtitutum à Summis Pontificibus Clemente Epist. 1. Leone Epist. 23. Item in Concilio Toletano 4. cap. 24. dicitur quòd *Ignorantia mater cunctorum errorum maxime in Sacerdotibus vitanda est qui docendi officium populi ſuſceperunt.*

Porro circa hanc Sacerdotum ſcientiam conqueritur S. Hieronymus Epist. 146. ad Damasum, *Sacerdotes Dei, omiſſis Euangelijs & Prophetis, Comedias legere, amatoria bucolicorum verſuum verba canere, Virgilium tenere, & id quod in pueris neceſſitatis eſt crimen in ſe facere voluptatis.* Et alibi rectè monet in caput. 1. Epist. ad Tit. *ſi quis artem Grammaticam docuerit, & inter falſa & vera diiudicet, non improbamus, Geometrica quoq; & Arithmetica, & Muſica habent in ſua ſcientia veritatem; ſed non eſt ſcientia illa ſcientia pietatis; ſcientia pietatis eſt noſcere legem, intelligere Prophetas, Euangelio credere, Apoſtolos non ignorare.*

Appoſitè Sanctus Ambroſius ſuper S. Lucam in explanat. Proæmij loquens de multiplicibus libris, qui interdum ob varias cauſas legendi occurrunt: *Legimus, inquit, aliqua ne negligantur, legimus ne ignoremus, legimus non ut teneamus, ſed ut repudiemus.*

Coronidem huic operi idem S. Pater imponet his verbis ex Sacerdotis animo nunquam delendis, in l. de dignitate Sacerdotali; vbi Sacerdotes omnes ipſe veluti conſacerdos alloquens. *Digne cognoſcamus, inquit, quid ſumus, & quod ſumus profeſſione, actione*

508 APPENDIX DE STATV CLERICALI.

potius quàm nomine demonstramus : nomen congruat actioni , actio respondeat nomini : ne sit nomen inane & crimen immane ! ne sit honor sublimis , & vita deformis : ne sit deifica professio , & illicita actio : ne sit gradus excelsus , & deformis excessus : ne habeatur in Ecclesia Cathedra sublimior , & conscientia Sacerdotis reperiatur humilior : ne locutionem simulemus columbinam , & mentem habeamus caninam : ne professionem monstremus ouinam , & fevocatatem habeamus lupinam : ne digne nobis per Prophetam respondeatur à Domino : populus hic labijs me honorat , cor autem longè est à me .

Sanct. Amb. lib. de dign. Sacer. civit.
Age iam nunc sanctificus Spiritus, qui nos in hoc opere divinis inspirationibus adjuvisti; cunctos Sacerdotes adjuva, & præsta ut faciant quæ in hoc opusculo ipse eloqui inspirasti, ut eis una tecum tribuas sæculorum regna, quæ sanctis in regna sæculorum dare promissisti, Amen.

AD MAIOREM DEI PRÆPOTENTIS
gloriam.



I N D E X

ERRORVM FIDEI VERITATIBVS
aduersantium, qui passim in hac secunda Medullę
Theologicę parte referuntur & refutantur.

Circa Sacramenta in genere.

MAssaliansi Hæretici nullam sacramētis sanctificandi vim tribuebant, sed solummodo orationi. Tractatu 1. Capite 1. Sectione 4.

Caluinista gratiam, qua in Sacramentorum receptione confertur, non eorum virtuti aut efficacia, sed soli suscipientium fidei ascribunt, ibid.

Iidem Caluinista duo tantum sacramenta admittunt, scilicet Baptismum & Eucharistiam, sect. 7.

Circa Baptismum.

Pelagianus censēbat paruulos sine Baptismo posse salutem æternam consequi, c. 2. sect. 1.

Vuicleffus eundem errorem renouauit, ibid.

Anabaptista contendunt Baptismum non nisi adultis conferendum esse, sect. 5.

Circa Confirmationem.

Nonatus Hæreticus negabat Confirmationem esse Sacramentum, cap. 3. sect. 1.

Calvinus eundem errorem renouauit, ibid.

Vuicleffus negabat solum Episcopum esse Ministrum Ordinarium Confirmationis, sect. 5.

Circa Eucharistiam.

Lutherani contendunt Sacramentum Eucharistia non consistere in re aliqua permanente, sed solummodo in actione transiente, cap. 4. sect. 2.

Iudas Iscariotes fuit primus hæreticus, qui realem corporis & sanguinis Christi in Sacramento Eucharistia presentiam credere noluit: quem

quem postea plures alij hæretici subsequuti sunt, ut Simoniani, Menandriani, Berengarius, Albigenſes, Flagellantes, ac demum his nouiſſimis temporibus Ocolampadius, Zuinglius, Bullingerus, & alij hæretici recentiores dicti (Sacramentarij) quorum agmen clauſit Caluinus cum ſuis aſſectis, c.4. ſect.4. § 1.

Iidem Caluiſta negant in Miſſa verum & proprie dictum ſacrificium Deo offerri, ſect.11. §.1.

Circa Pœnitentiam.

Nouatianus negabat ullam Sacerdotibus noua legis, ad remittenda peccata poſt Baptiſmum commiſſa, traditam eſſe à Chriſto poteſtatem, cap.5. ſect.1.

Caluiſta negant eſſe vllum pœnitentia Sacramentum à Chriſto Domino inſtitutum, ibid.

Lutherani & Caluiſta dicunt dolorem de peccatis ex metu gehennæ conceptum eſſe vitioſum, & malum, ſect.10.

Nouatiani, & aliqui alij hæretici, quibus adiunxerunt ſe Lutherani & Caluiſta, negabant confeſſionem peccatorum eſſe ex inſtitutione Chriſti neceſſariam ad remiſſionem peccatorum conſequentem, ſect.11.

Petrus de Oſma aſſeruit, non niſi peracta pœnitentia conſistentes debere abſolui, ſect.26.

Circa Indulgentias & Purgatorium.

Valdenſes hæretici negarunt indulgentias à Pontifice Romano aut alijs Eccleſia Catholica Episcopis poſſe concedi. Quibus in eodem errore adiunxerunt ſe Lutherani & Caluiſta c. 5. in Appendic. de Indulg. & Purgator. § 1.

Iidem Vnaldenſes cum Albigenſibus & alijs hæreticis negarunt Purgatorium, quod etiam fecerunt Lutherani & Caluiſta, ibid. §.4.

Circa Extremam vñtionem.

Valdenſes ijdem & Albigenſes negarunt Extremam vñtionem eſſe Sacramentum à Chriſto Domino inſtitutum, quibus poſtea Lutherani & Caluiſta ſubſcripſerunt, cap.6. ſect.1.

Circa Ordinem.

Maſſaliani contendebant nullum eſſe in Eccleſia Sacramentum Ordinis, quorum errorem renouarunt Lutherani & Cal-

Caluinista, cap. 7. sect. 1.

Collyridiani & Cataphriza mulieres sacris Ordinibus iniiciabant, sect. 3.

Circa Matrimonium.

L *Vtherani & Caluinista negant Matrimonium esse Sacramentum à Christo Domino institutum, c. 8. sect. 1.*

Circa peccata.

L *Vtherani & Caluinista asserunt omnia peccata infidelium aut reproborum esse mortalia, fidelium vero & predestinatorum tantum esse venialia, tract. 2. cap. 2. sect. 2.*

Caluinus asseruit Deum esse authorem peccati, ibid. sect. 6.

Circa leges.

V *Vicleffus negabat Superiores Ecclesiasticos aut politicos auctoritatem ullam seu potestatem habere condendi leges, cap. 3. sect. 2.*

Begardi heretici asseriebant eos, qui perfectionem vita Christiana consecuti essent, nullis legibus Ecclesiasticis aut Ciuilibus esse subiectos, ibid. sect. 3.

Marcionista & Manichai, Legem Mosaicam inutilem & malam fuisse contendebant, ibid. sect. 8.

Obseruabit lector, præter errores hîc recensitos, alias plurimas veritates fide diuina credendas, tum in hac posteriori, tum etiam in priori huius operis parte passim explicari & probari, ex quibus plurimarum aliarum hæreseon, quarum, in hoc indice nulla mentio fit, refutatio satis poterit intelligi.

I N D E X

RERVM PRÆCIPVARVM QVÆ
in hac secunda Medullæ Theologicæ
parte continentur .

QVÆ QVIDEM IN EVM ORDINEM
digestæ sunt, vt quid de vnaquaque notatu dignum va-
rijs in locis sparsim continetur , sub vno veluti
aspectu positum reperiatur .

Actus humanus .

Qua ratione differant actus hominis , & actus humanus. *tract. 2. cap. 1. sect. 1. num. 1.*

Quis sit actus humanus? *ibid.*

Quis actus voluntarius, elicitus, imperatus, &c. *ibid.*

Quid sit volitio , intentio , fruitio, quid electio, consensus, vsus ?
ibid.

An voluntas possit vno eodemque actu velle finem & media ? *ibid.*

Vndenam actus humanus speciem suam desumat ? *ibid. n. 3.*

Quis actus verè & propriè sit liber ? *sect. 2. n. 1.*

An prima cogitatio indeliberata libera dici debeat ? *ibid. n. 4.*

An actus humanus bonitatem suam vel malitiam desumat ex obie-
cto, *sect. 3. n. 1.*

An bonitatem vel malitiam desumat ex circumstantijs vel ex fine ?
ibid. n. 3. & 4.

Quænam relatio actus humani in finem aliquem necessaria sit , vt ex
eo bonitatem suam moralem vel malitiam desumat ? *ibid. n. 6.*

Vtrum detur aliquis actus indifferens in specie vel in indiuiduo ?
sect. 4.

Astrologia.

In quibus casibus illicitum sit vti Astrologica scientia ? *tract. 2. cap. 4. sect. 1. § 5. n. 1.*

An licitum sit per Astrologiam inuestigare ea, quæ à diuina volun-
tate pendent ? *ibid.*

An per eandem scientiam liceat inuestigare futura contingentia
libera ? *ibid.*

An

An peccaret ille, qui Astrologicis obseruationibus ita addictus esset, ut illis tanquam prima & præcipua regula in suis actionibus, vteretur? *ibid.*

Attritio.

Quid sit attritio, & quomodo à contritione perfecta distinguatur? *tract. 1. cap. 5. sect. 8. n. 5.*

An attritio sufficienter disponat ad gratiam in Sacramento Pœnitentiæ recipiendam? *sect. 9.*

Qualis debeat esse attritio ut sufficienter ad gratiam illam disponat? *sect. 10.*

Baptismus.

Quid sit baptismus? *tract. 1. cap. 2. sect. 1. n. 1.*

Quo tempore fuit à Christo institutus? *ibid.*

In quo Baptismus Christi differat à Baptismo Ioannis? *ibid.*

Baptismi necessitas.

An Baptismus necessarius sit necessitate non solum præcepti, sed etiam mediæ? *ibid. n. 2.*

An sit necessarium recipere Baptismum in re vel in voto? *ibid.*

Quid per votum Baptismi intelligi debeat? *ibid. n. 3.*

An in martyrium possit supplere vicem Baptismi? *ibid.*

Quid intelligatur per Baptismum fluminis, fluminis, vel sanguinis? *ibid.*

Baptismi materia.

An aqua naturalis sit materia remota Baptismi? *sect. 2. num. 1.*

An ablutio sit materia proxima? *ibid. n. 2.*

Qualis & quanta ablutio ad validitatem Baptismi requiratur? *ibid. num. 3.*

Quænam corporis pars abluenda debeat? *n. 4.*

Baptismi forma.

An Baptismi forma consistat in his verbis? *Ego te baptizo in nomine Patris & Filij & Spiritus sancti? sect. 3. n. 1.*

An actio Ministri exprimi debeat in forma Baptismi? *ibid.*

An personæ baptizatiæ expressio facienda sit? *ibid.*

An exprimi debeant tres diuinæ personæ? *ibid. n. 2.*

An Apostoli aliquando Baptismum contulerint in solo nomine Christi? *ibid. n. 3. & 4.*

Baptismi Minister.

An quilibet fidelis aut infidelis, siue vir, siue mulier, valide Baptismum conferre possit? *sect. 4. n. 1.*

An quilibet non modò validè, sed & licitè in casu necessitatis possit Baptismum conferre? *ibid. n. 2.*

Quisnam sit ordinarius Baptismi Minister? *ibid. n. 3.*

An quilibet Sacerdos absque licentia Episcopi vel Paræci licitè

Baptismus conferre possit? *ibid.*

An Diaconus possit ex commissione Episcopi vel Paroeci solemniter Baptismum ministrare? *ibid.*

Baptismi subiectum.

An quilibet homo in qualibet ætate sit capax Baptismi suscipiendi? *sect. 5. n. 1.*

An infantes infidelium vel hæreticorum sint inuitis parentibus baptizandi? *ibid. n. 2.*

Quæ dispositiones requirantur ab Baptismū suscipiendū *ibid. n. 3.*

Vtrum infans in utero materno baptizari possit? *ibid. n. 4.*

Vtrum monstra baptizari debeant? *ibid. n. 5.*

Vtrum adulti amentes sint baptizandi? *ibid.*

Baptismi effectus.

An in Baptismo remittatur quoduis peccatum siue originale, siue actuale? *sect. 6. n. 1.*

An tota poena peccatis debita remittatur? *ibid.*

An gratia infundatur, & character imprimatur? *ibid.*

Quid de illo dici debet qui fide & sine sufficienti dispositione Baptismum susceperit? *ibid.*

Baptismi ceremonia.

Quale sit peccatum ceremonias Baptismi contempere, aut omittere? *sect. 7.*

Quenam sit significatio ceremoniarū Baptismi? *ibid. n. 2. 3. 4. & 5.*

Quomodo ceremoniæ in Baptismo possint omitti suppleri? *ibid. n. 6.*

Bellum.

Quid nomine Belli intelligatur? *tract. 2. cap. 4. sect. 4. §. 5. n. 4.*

Quenam condiciones requirantur, ut bellū sit iustum & licitū? *ibid.*

Quodnam bellum iniustum censi debet? *ibid.*

An subditi teneantur pro principe militare? *ibid.*

Blasphemia.

Quid sit blasphemia? *tract. 2. cap. 4. sect. 2. §. 2. n. 1.*

An blasphemia sit aliquando cum hæresi coniuncta? *ibid.*

An peccatum blasphemiae in sanctos committi possit? *ibid. n. 2.*

Qua ratione maledictio creaturarum ad blasphemiam reduci censetur? *ibid.*

Beneficium Ecclesiasticum.

Quid nomine beneficij Ecclesiastici intelligatur? *in append. art. 3.*

Quot modis beneficia licite obtineri possint? *ibid. quasiuncul. 1.*

An beneficia quæcunque sint sēper dignioribus conferenda? *ibid. n. 2.*

An licitum sit plura simul beneficia possidere? *quæst. 4.*

Qualiter se gerere debeat Beneficiarius in expendendis beneficiorum redditibus? *quæst. 5.*

An Beneficiarij suorum reddituum verum & proprium dominium habeant?

habeant? *ibid.* n. 2.

Quæ sit obligatio beneficiariorum ad residentiam? *qu.* 6.

Quænam requirantur conditiones seu dispositiones, ut quis censetur idoneus ad beneficium aliquod Ecclesiasticum? *questiunc.* 7.

Censura Ecclesiastica in genere.

In quibus personis resideat ferendarum censurarum potestas? *tract.* 2. *cap.* 6. *sect.* 1. §. 1.

In quasnam personas censuræ ferri possint? §. 2.

Ob quam causam censuræ infligi debeant? §. 3.

Quæ forma in ferendis censuris seruanda sit? §. 4.

Quæ sit differentia inter censuras quæ vel à lure vel ab homine feruntur? *ibid.*

Quænam causæ ab incurrendis censuris excusent? §. 5.

Quis absolvere possit à censuris? §. 6. n. 1.

Quæ dispositiones requirantur in eo qui absoluitur à censuris? *ibid.* n. 2.

Quot sint censuræ Ecclesiasticæ.

Cessatio à diuinis.

Quid sit cessatio à diuinis? *sup. sect.* 2. §. 3.

An sit censura? *ibid.*

Ob quam causam debeat iniungi? *ibid.*

Charitas seu amor Dei.

Quid sit charitas? *tract.* 2. *cap.* 4. *sect.* 1. §. 4. n. 1.

An charitas sit virtutum forma? *ibid.* n. 2.

An charitas sit amor amicitiae? *ibid.*

Quinam charitatis actus elicit aut imperati dicantur? *ibid.* n. 3.

An sit aliquis modus seu mensura charitatis? *ibid.* n. 4.

Quo modo charitatis actus producat vel augeatur? *ibid.* n. 5.

An charitas unico peccato mortali deperdatur? *ibid.* n. 6.

An extet speciale præceptum de diligendo Deo? *ibid.* n. 7.

Quo tempore præceptum illud obliget? *ibid.*

Quæ sint peccata charitati opposita? *ibid.* n. 8.

Charitas erga proximum.

Quænam personæ sint ex charitate diligendæ? *tract.* 4. *cap.* 4. *sect.* 4. §. 1.

An quisque teneatur seipsum ex charitate diligere? *ibid.*

An & qua ratione inimici sint diligendi? *ibid.* n. 3.

Quis ordo in charitate seruandus sit? §. 2. n. 1.

Quænam peccata charitati proximi aduersentur? §. 5.

Circumcisio.

An Circumcisio in lege Mosaica vim habuerit conferendi gratiam sanctificantem ex opere operato? *tract.* 1. *cap.* 2. *sect.* 6. n. 3.

Circumstantia.

Quænam sint præcipuæ circumstantiæ actus humani? *tract. 2. cap. 1. sect. 3. n. 4.*

Quænam ex illis mutant speciem actus aut illius bonitatem vel malitiam mortalem augeant vel minuant? *ibid.*

Quænam circumstantiæ peccatorum sint in confessione declarandæ? *tract. 1. cap. 5. sect. 14. num. 4.*

Clericalis status.

Qualis esse debeat primus ad statum Clericalem ingressus? *in append. art. 1. num. 2.*

Quis modus dignoscendi, num quis ad statum Clericalem vocetur? *ibid. n. 2. & 3.*

Clerici.

Quænam sit Clericorum ad tonsuram & habitum Clericalem deferendum obligatio? *in append. art. 2.*

Quænam circa mores, vitam, honestatemque Clericalem Ecclesiasticis legibus sancita fuerint? *art. 5.*

Concilia.

An Concilia generalia possint leges condere pro vniuersalis Ecclesiæ regimine? *tract. 2. cap. 3. sect. 5. §. 2. num. 1.*

Quænam Concilia generalia pro legitimis habenda sint? *ibid. num. 2.*

An præter Episcopos aliæ quoque personæ ex privilegio ius habeant suffragii in Conciliis generalibus, & quæ? *ibid. n. 4.*

Quænam sint Concilia nationalia, provincialia, & diocesana? *ibid.*

An consensus vel approbatio Romani Pontificis requiratur, ut eiusmodi Concilia particularia, in propriis territoriis obligent? *ibid.*

Concupiscentia.

An concupiscentia sit causa peccati? *tract. 2. cap. 2. sect. 6. n. 3.*

An concupiscentia augeat gravitatem peccati? *ibid.*

Confessio.

Quid sit confessio sacramentalis, & an sit ex institutione Christi? *tract. 1. cap. 5. sect. 11.*

Quænam personæ obligentur ad confessionem Sacramentalem? *sect. 12. n. 1.*

An sit aliquod præceptum diuinum obligans ad confessionem Sacramentalem peccatorum, & quo tempore obliget? *ibid. n. 2.*

An præceptum Ecclesiasticum de confessione facienda obliget tantum semel in anno? *ibid. n. 3.*

Quâ ætate pueri obligentur præcepto illo confessionis annuæ? *ibid.*

Quænam sint conditiones bonæ & fructuosæ confessionis? *sect. 13. n. 1.*

An confessio publica peccatorum occultorum Ecclesiastica aliqua lege olim præcepta fuerit, aut prudenter præcipi possit? *ibid. n. 2.*

Quæ-

Quenā integritas confessionis ad eius fructū requiratur, *sect. 14. n. 1.*
 Quenam circumstantiæ peccatorum in confessione declarandæ sint?
ibid. n. 4.

An sit aliquis casus, in quibus non sit obligatio integrè confitendī?
sect. 15.

In quibus casibus confessio nulla sit & idcirco iteranda? *sect. 21.*

Confessarins.

An solus Sacerdos sit legitimus Sacramenti pœnitentiæ minister?
cap. 5. sect. 16. n. 1.

An quilibet Sacerdos quoslibet pœnitētes validè absolvere possit? *ibid.*

An præter potestatem Ordinis potestas etiam Iurisdictionis & approbatio Episcopi Confessario necessaria sit? *ibid. n. 2.*

A quo Episcopo approbari debeat Confessarius? *ibid. n. 3.*

An approbatio illa possit limitari vel reuocari? *ibid. n. 4.*

An quilibet Sacerdos possit à quibuslibet peccatis & censuris in articulo mortis absolvere? *ibid. n. 5.*

An quilibet Sacerdos possit à peccatis venialibus absolvere? *ibid.*

Quenam condiciones requirantur in Confessario, ut officio suo debitè fungatur? *sect. 19. n. 1.*

Quenam esse debeat Confessarij scientia? *ibid. n. 2.*

An Confessarius teneatur aliquando interrogare pœnitentē? *sect. 20.*

Quæ prudentia Confessario necessaria sit. *ibid.*

Confessarii obligatio quoad Sigillum confessionis.

Quæ sit obligatio seruādi sigilli seu secreti in cōfessione? *sect. 21. n. 1.*

Vndenam obligatio illa oriatur? *ibid.*

An hæc obligatio sequatur ex qualibet confessione? *ibid. num. 2.*

An Confessarius extra confessionem, de peccatis in confessione declaratis, cum ipso pœnitente licitè loqui possit? *ibid.*

Quenam cadant sub sigillum confessionis? *ibid. n. 3.*

An præter Confessarium quædam aliæ personæ ad seruandum sigillum obligentur? *ibid. n. 4.*

An confessarius possit, de consensu pœnitentis, peccatum ab eo in confessione declaratum alteri patefacere.

An pœnitens quoque teneatur ad sigillum, respectu eorum, quæ Confessarius illi in confessione dixit? *ibid. n. 5.*

Confirmatio.

An Confirmatio sit Sacramentum? *tract. 1. cap. 3. sect. 1. n. 1.*

Quo tempore à Christo institutum fuerit Confirmationis Sacramentum? *ibid. n. 2.*

Confirmationis materia & forma.

An materia remota Confirmationis sit Chrisma? *sect. 2. n. 1.*

An ad substantiam Confirmationis requiratur, ut Chrisma compositum sit ex oleo oliuarum & balsamo? *ibid.*

An requiratur etiam ut Chrysma sit ab Episcopo benedictum? *ibid.*
num. 2.

An materia proxima Confirmationis sit unctio Chrysmatis facta in fronte confirmandi in cruce figurata? *ibid.* n. 3.

An Apostoli confirmationi Sacramentum aliquando sine Chrysma-
te, per solam manum impositionem, contulerint? *ibid.* n. 4.

Confirmationis effectus.

An Confirmationis Sacramentum gratiam conferat? *sect. 3. n. 1.*

An compleat & perficiat gratiam in Baptismo perceptam? *ibid.*

An per Confirmationem imprimatur caracter? *ibid.* n. 2.

An qui indigne Confirmationem recipit, possit aliquando eius gra-
tiam recuperare? *ibid.*

Confirmationis subiectum.

Quenam dispositiones requirantur in eo, qui Confirmationem re-
cipit? *sect. 4. n. 1.*

An omnibus & solis baptizatis Confirmatio conferri possit? *ibid.*

An fides, & gratiae status requiratur in adulto ad Confirmationem
dignè & fructuosè recipiendam? *ibid.* n. 3.

An sit aliqua obligatio recipiendi Sacramentum Confirmationis,
n. 3. *ibid.*

Confirmationis Minister.

An solus Episcopus sit ordinarius Confirmationis Minister? *sect. 5. n. 1.*

An ex delegatione Romani Pontificis possit simplex Sacerdos Con-
firmationis Sacramentum ministrare? *ibid.*

Quinam ritus requirantur ad debitam huius Sacramenti collatio-
nem? *ibid.* n. 3.

An nomen in baptismo impositum possit in Confirmatione muta-
ri? *ibid.*

Conscientia.

Quid nomine conscientiae intelligatur? *tract. 2. cap. 7. sect. 5. §. 1. n. 1.*

Quae sit differentia inter conscientiam & synderesim? *ibid.*

Quotuplex sit conscientia? *ibid.* n. 2.

Quae sit conscientia recta, & quae obligatio sequendi dictamen il-
lius? §. 2.

Quae sit conscientia errans, & an illius dictamen sequi oporteat? §. 3.

Qui de conscientia scrupulosa sentiendum sit? §. 4.

Quae sit conscientia dubia, & in dubijs quid agendum? §. 5.

Consuetudo.

An consuetudo aliquando vim legis obtineat? *tract. 2. cap. 3. sect. 7.*
n. 1.

Quenam requirantur ad hoc ut consuetudo habeat vim legis? *ibid.*

An consuetudo, non modo constituendae, sed etiam abrogandae legis
vim habeat aliquando? *ibid.*

Quod-

Quodnam tempus censeatur sufficiens ad hoc, vt lex per consuetudinem contrariam abrogetur? *ibid.*

Contractus.

Quid nomine contractus intelligatur? *tract. 2. cap. 3. sect. 7. §. 6. n. 1.*

Quinam sint contractus nominati aut innominati? *ibid.*

An contractus quilibet obliget in foro conscientiae? *ibid.*

Quid censendum sit de contractibus, in quibus contingit error vel dolus? *ibid. num. 2.*

Quid de illis contractibus, qui vi aut metu fiunt? *ibid.*

Quid de contractibus mutui, commodati, depositi & locati? *§. 9.*

Contritio.

Quid sit contritio? *tract. 1. cap. 5. sect. 7.*

Quid sit contritio perfecta? *sect. 8.*

An contritio perfecta possit quaecumque peccata delere? *ibid.*

Quo tempore peccator obligetur ad contritionis perfectae actum eliciendum? *ibid. n. 5.*

An attritio sufficiat ad dignè & fructuosè recipiendum poenitentiae Sacramentum? *sect.*

Qualis debeat esse illa attritio? *sect. 10.*

In quo differant inter se perfecta contritio & attritio? *ibid. n. 6.*

Correctio fraterna.

An correctio fraterna sit in praecepto? *tract. 2. c. 4. sect. 4. §. 4. n. 1. & 2.*

Quandonam facienda sit correctio fraterna? *ibid. n. 3.*

Quinam obligentur ad correctionem faciendam? *ibid. n. 4.*

Quis ordo in correctione fraterna seruandus sit? *ibid.*

An inferiores teneantur correctionem exercere erga superiores? *ibid. n. 5.*

An correctio facienda sit de quibuscunque peccatis etiam venialibus? *ibid.*

An teneamur admonere, & corrigere illum, qui ex ignorantia peccat? *ibid.*

Quale peccatum sit fraternae correctionis omissio? *ibid.*

Decalogus.

Quid nomine decalogi intelligatur? *tract. 2. cap. 4. n. 1.*

An decalogus sit omnium legum epitome? *ibid.*

An decalogus sit sufficiens ad actus humanos dirigendos? *ibid.*

An decalogi praecepta à Christo Domino tanquam summo Legislatore fuerint non modo renouata & confirmata, sed & explicata, & ampliata? *ibid. n. 2.*

Primum Decalogi praeceptum.

Quis sit sensus verborum primi praecepti decalogi? *sup. sect. 1. num. 1.*

An praeceptum istud sit affirmatiuum vel negatiuum? *ibid.*

Quae sit differentia inter praecepta affirmatiua & negatiua? *ibid.*

Quod præcipiatur aut prohibeatur hoc primo præcepto? *ibid.* §. 1. 2.
3. & 4.

Quot modis peccetur in illud? *ibid.* §. 6. §. 4.

Secundum Decalogi præceptum.

Quid hoc secundo præcepto prohibeatur? *sect.* 2.

Quot modis in illud peccetur? *ibid.* §. 5.

Tertium Decalogi præceptum.

An tertium decalogi præceptum sit morale, vel ceremoniale? *sect.* 3.

Quænam requirantur ad debitam dierum festorum sanctificationem? *ibid.* §. 1.

Quot modis peccetur in hoc tertium decalogi præceptum? §. 2.

Quartum Decalogi præceptum.

Quæ sint obligationes & officia filiorum erga parentes, & vicissim parentum erga filios? *sect.* 4. §. 6. n. 1.

Quæ etiam pupillorum erga tutores, & servorum, & quorumcunque inferiorum erga Dominos & Superiores, & è contrâ? *ibid.* n. 3.

Quænam obedientia debeatur summo Pontifici, Episcopis & Parochis? *ibid.*

Quot modis peccetur in hoc quartum præceptum? §. 7.

Quintum Decalogi præceptum.

Quid hoc quinto præcepto prohibeatur? *sect.* 6. §. 1.

An sint aliqui casus, in quibus licitum sit seipsum occidere vel mutilare? §. 2.

An sint aliquæ causæ, ob quas occisio alterius licita sit? §. 5.

Quot modis in hoc præceptum peccetur? §. 4.

Quæ restitutio faciendâ sit ob occisionem vel mutilationem alterius? §. 5.

Sextum Decalogi præceptum.

Quid hoc sexto præcepto prohibeatur? *sect.* 1. 6. §. 1.

Quot modis in illud peccetur? §. 2.

An aliqua interdum restitutio faciendâ sit ob violationem huius præcepti? §. 3.

Septimum Decalogi præceptum.

Quid hoc septimo præcepto prohibeatur? *sect.* 7. §. 10.

Quot modis in illud peccetur? §. 11.

Quæ restitutio ob illius violationem faciendâ sit? §. 14.

Octavum Decalogi præceptum.

Quid hoc octavo præcepto prohibeatur? *sect.* 8.

Quot modis peccetur in illud? §. 10.

Quæ restitutio ob illius violationem faciendâ sit? §. 11.

Nonum Decalogi præceptum.

Quid duplici illo præcepto prohibeatur? *sect.* 9.

Quot modis peccetur in illa duo ultima Decalogi præcepta?
ibid.

Delectatio.

Quænam delectatio mala & prohibita censeri debeat? *tract. 2. cap. 2. sect. 5. n. 1.*

An delectatio de re aliqua mala sit peccatum, & quale? *ibid. n. 3.*

An delectatio de cogitatione alicuius operis mali sit eiusdem speciei cum ipso opere malo? *ibid. n. 4.*

Depositiō & degradatio.

Quæ sit differentia inter depositionem & degradationem? *tract. 2. cap. 6. sect. 2. §. 2.*

An depositionis sententia ferri possit in absentem? *ibid.*

Ob quæ peccata depositionis seu degradationis pœna infligi debeat? *ibid.*

Detractio.

Quid sit detractio? *tract. 2. cap. 4. sect. 8. §. 7. n. 1.*

Quot modis detractio committi possit? *ibid. n. 2.*

An detractio sit peccatum mortale? *ibid. n. 3.*

An licitum sit aliquando crimen alicuius occultum detegere? *§. 8. n. 1. & 2.*

An licitum sit seipsum infamare? *ibid. n. 4.*

An audiens detractorem peccet? *ibid. n. 5.*

Discordia.

Quid est discordia? *tract. 2. cap. 4. sect. 4. §. 5. n. 3.*

An sit aliquando licitum dissentire à proximo? *ibid. n. 4.*

In quibus casibus discordia sit peccatum? *ibid.*

Diuinatio.

Quid nomine diuinationis intelligatur? *tract. 2. cap. 4. sect. 1. §. 5. n. 4.*

An in diuinatione sit semper expressa vel tacita dæmonis inuocatio? *ibid.*

Quæ sint species diuinationis in quibus sit expressa inuocatio dæmonis? *ibid. n. 5.*

Quæ sint aliæ species eiusdem diuinationis, in quibus sit tantum tacita? *ibid.*

Dominium.

Qua ratione differebant inter se dominium iurisdictionis & dominium proprietatis? *tract. 2. cap. 4. sect. 7. §. 3. num. 1.*

Ad dominium soli naturæ rationali competat? *ibid. num. 2.*

Quale sit dominium Dei in omnes creaturas? *ibid.*

Quorumnam bonorum filij familias dominium habeant? *ibid.*

Quænam sint bona quæ vocantur castrensia, aut quasi castrensia? *ibidem.*

Quibusnam modis acquiratur dominium proprietatis? *ibid. §. 4.*

Donatio.

An donatio facta inter viuos reuocari possit, & ob quas causas? *tract. 2. c. 4. sect. 7. § 7. n. 4.*

An donatio facta causa mortis, possit ad arbitrium donantis reuocari? *ibid. n. 5.*

Eleemosyna.

An eleemosyna sit in præcepto? *tract. 2. cap. 4. sect. 4. §. 3.*

Quinam teneantur ad eleemosynam faciendam? *ibid.*

De quibus superfluis oporteat facere eleemosynam? *ibid. n. 3.*

An personæ Ecclesiasticæ strictius obligentur ad eleemosynam faciendam? *ibid. n. 4.*

An & qua ratione, vxores & filij familias eleemosynam facere possint? *ibid. n. 3.*

Emptio & venditio.

Quænam conditiones seruari debeant in emptione & venditione? *tract. 2. cap. 4. sect. 7. §. 8. num. 1.*

An vitia occulta rei quæ venditur sint emptori manifestanda? *ibid.*

Quotuplex est pretium alicuius rei? *ibid. n. 2.*

An licitum sit aliquando rem pluris vendere aut minori pretio emere, quàm per se valeat? *ibid. n. 3. & 4.*

Episcopi.

An Episcopatus sit ordo distinctus à Sacerdotio? *tr. 11. c. 7. sect. 1.*

An Episcopi sint ex diuina institutione? *tract. 2. c. 3. sect. 5. §. 3. n. 1.*

An ex institutione diuina Episcopi sint presbyteris superiores? *ibid.*

Quænam reuerentia & obedientia Episcopis debeatur? *ibid. n. 2.*

Eucharistia.

Quænam sint nomina huic Sacramento à SS. Patribus imposita? *tr. 1.*

In quo propriè consistat Eucharistiæ Sacramentum? *sect. 2. n. 1.*

An Eucharistia in re aliqua permanenti consistat? *ibid. n. 2.*

Eucharistia materia.

An panis triticeus & vinum de vite sint materia huius Sacramenti? *sect. 3. n. 1.*

An & qua ratione panis fermentatus esse possit materia apta Eucharistiæ? *ibid. n. 4.*

An permiscenda sit aqua vino? *ibid. n. 5.*

An materia debeat esse præsens Sacerdoti consecranti? *ibid.*

An debeat determinari per intentionem consecrantis? *ibid. n. 6.*

Eucharistia forma.

Quænam sit forma consecrationis Eucharistiæ? *sect. 4. n. 1.*

Quis sit verus & proprius sèsus verborum consecrationis? *ibid. n. 2. & 3.*

Quid per verba consecrationis efficiatur? *sect. 5.*

An Christi corpus & sanguis realiter existant sub speciebus huius Sacramenti? *ibid. §. 1.*

An

An per consecrationem fiat transubstantiatio, seu conuerſio totius ſubſtantię panis & vini in ſubſtantiam corporis & ſanguinis Chriſti? *ibid.* § 2. n. 1.

Quid in transubſtantiatione illa ponitur ſub ſpecie panis & vini, tam vi verborum, quàm per naturalem concomitantiam? §. 3. n. 2.

Quid de ſpeciebus in hoc Sacramento remanentibus ſentiendum ſit? *ibid.* n. 4.

An Chriſti corpus ſub ſpeciebus Sacramentalibus exiſtens videri poſſit ab oculo corporeo, vel ab intellectu creato cognosci? *ibid.* num. 5.

Quid ſentiendum ſit de apparitionibus miraculoſis, quę aliquando in hoc Sacramento contigerunt? *ibid.* n. 6.

Eucharistiæ effectus.

An Sacramentum Eucharistię gratię augmentum conferat? *ſect.* 6. num. 1.

An aliquando conferat primam gratiam? *ibid.*

An conferat aliqua gratię actualis auxilia? *ibid.* n. 2.

An Eucharistia ſit non ſolum cibus animę, ſed & eiſdem medicamentum? *ibid.*

An per hoc Sacramentum peccata venialia deleantur? *ibid.* n. 3.

An huius Sacramenti effectus ſit præſeruatio à peccatis mortalibus? *ibid.*

An animę gloria, & corporis reſurrectio ſit effectus huius Sacramenti? *ibid.* n. 4.

An hoc Sacramentum ſpeciale Chriſti cum eo qui ſuſcipit illud, & vnionem operetur? *ibid.*

An ad hos effectus per totam vitam obtinendos expediat frequenter ad ſacram communionem accedere? *ibid.* n. 5.

Dispositiones ad Eucharistiā percipiendam.

An fides ſit diſpoſitio neceſſaria ad Eucharistiā recipiendam? *ſect.* 7. § 1. n. 1.

An mundities ab omni peccato mortali requiratur? *ibid.*

An Eccleſia aliquando Eucharistiā conceſſerit peccatoribus nondum per abſolutionem ſacramentalem à mortifero aliquo crimine expiatis? *ibid.* n. 2.

An Eccleſiæ prohibitio Eucharistię receptionem impediatur? *ibid.* n. 3.

An pius aliquis reuerentię & deuotionis affectus ad Eucharistiā dignè recipiendam requiratur? *ibid.* n. 4.

An qui Eucharistiā recipit debeat eſſe ieiuunus? §. 3. n. 1.

In quibus caſibus Eucharistia à non ieiuinis percipi poſſit? *ibid.* n. 2.

An aliqua immunditia corporalis huius Sacramenti perceptionem impediatur? *ibid.*

An ſacramentalis ante communionem impleri debeat? §. 3.

An

An ad dignam communionem requiratur excellens aliquis puritatis & sanctitatis gradus ? §.4.

Eucharistia assumenda necessitas.

An sumptio Eucharistiæ sit ad salutem necessaria, necessitate mediæ ? *sect. 8. n. 1.*

An Ecclesia olim paruulis baptizatis ante vsum rationis Eucharistiam administrauerit ? *ibid.*

Quænam fuerunt olim præcepta de Eucharistia sumenda ? *ibid. n. 2.*

Quomodo intelligendum sit Ecclesiæ præceptum de communione Paschali ? *ibid. n. 3.*

Quænam sint pœnæ latæ contra non communicantes tempore Paschali ? *ibid.*

An sit aliquod præceptum diuinum de sumenda Eucharistia, & quo tempore obliget ? *ibid. n. 4.*

Vtrum amentibus baptizatis ministranda sit Eucharistia ? *sect. 9. n. 1.*

Qua ætate pueris conueniat Eucharistiam ministrari ? *ibid. n. 2.*

An reis ad mortem damoatis licitè denegari possit Eucharistia ? *ibid. num. 3.*

An Laici sub vtraq; specie Eucharistiam sumere debeant ? *ibid. n. 4.*

Eucharistia Minister.

An solus Sacerdos sit legitimus Eucharistiæ conficiendæ Minister ? *sect. 10 n. 1.*

An solus Sacerdos sit ordinarius Eucharistiæ dispensandæ Minister ? *num. 2.*

An Diaconis olim Eucharistiæ administratio credita fuerit ? *ibid. n. 3.*

An quiuus Sacerdos Eucharistiam ministrare licitè possit ? *ibid.*

Excommunicatio.

Quid sit excommunicatio ? *tract. 1. c. 6. sect. 2. §. 1. n. 1.*

Quænam sit differentia inter excommunicationem maiorem & minorem ? *ibid.*

Quibus bonis priuet excommunicatio ? *ibid. n. 2.*

Quinam excommunicati deuitari debeant ? *ibid. n. 3.*

An liceat ob quasdam causas cum illis aliquam habere communicationem ? *ibid. n. 4.*

In quibus casibus excommunicatio maior incurratur ? *ibid. n. 5.*

An excommunicatio ferri possit contra communitatem ? *ibid. n. 8.*

Extrema vñctio.

An Extrema vñctio sit Sacramentum ? *tract. 1. c. 6. sect. 1. n. 1.*

Quis sit minister Extremæ vñctionis ? *ibid. n. 3.*

An oleum oliuarum ab Episcopo benedictum sit materia Extremæ vñctionis ? *sect. 2. n. 1.*

An deficiente oleo benedicto possit adhiberi aliud non benedictum ? *ibid.*

An

An vnctio per modum crucis sit materia proximæ extre-
mæ vnctionis ? *ibid. n. 2.*

In quibus partibus vnctio illa fieri debeat ? *ibid. n. 3.*

Quæ sit forma Extre-
mæ vnctionis , & an debeat esse deprecatoria ?
ibid. n. 4.

Quinam sint effectus Extre-
mæ vnctionis ? *sect. 3. n. 1.*

An remissio peccatorum etiam mortalium sit proprius huius Sacra-
menti effectus ? *ibid. n. 2.*

An per hoc Sacramentum abstergantur peccatorum reliquæ ? *ibid.*

Quid per reliquias peccatorum intelligi debeat ? *ibid.*

An sanitatis recuperatio sit effectus Extre-
mæ vnctionis ? *ibid. n. 4.*

Quis suscipere possit aut debeat Extremam vnctionem ? *sect. 4. n. 1.*

An pluries recipi possit Extrema vnctio ? *ibid. n. 2.*

Quænam dispositiones requirantur in recipientes ? *ibid.*

An Viaticum ante vel post Extremam vnctionem recipi debeat ?
ibid.

An sit aliqua obligatio recipiendæ Extre-
mæ vnctionis ? *ibid. n. 3.*

Fides .

Quænam teneantur ad credendum per fidem , *tract. 2. cap. 4. sect.*
1. §. 1.

Quonam tempore affirmatiuum fidei præceptum obliget ? *ibid.*

Habitus Clericalis .

Quæ sit obligatio Clericorum ad ferendum habitum Clericalem ?
in append. art. 2.

Qualis debeat esse materia vel forma habitus clericalis ? *ibid.*

An in itinere liceat Clericis uti velle contractiore ? *ibid.*

Hora Canonica .

Quid horarum canonicarum nomine intelligatur ? *in append. art. 4.*

Quænam ad recitationem horarum canonicarum teneantur ? *ibid.*
quæst. 1.

An omnes Clerici in sacris ordinibus constituti ad illarum recita-
tionem obligentur , licet nullum beneficium Ecclesiasticum ob-
tineant ? *ibid. n. 1.*

An omnes Clerici beneficiarij , licet nullo sacro ordine insigniti ad
easdem horas recitandas obligentur ? *ibid.*

An Religiosi & etiam moniales ad illam recitationem teneantur ?
ibid. n. 2.

Quænam obseruanda sint in recitatione horarum canonicarum ?
ibid. quæst. 2.

An teneantur omnes recitare horas iuxta ritum Breuiarij Romani ?
ibid.

An sit peccatum interrompere recitationem horarum ? *ibid. n. 3.*

Quo tempore horæ debeant recitari ? *ibid. n. 4.*

Quæ

Quæ attentio requiratur ad debitam horarum recitationem? *ibid.*
n. 5. 6. 7. & 8.

Quale sit peccatum omittere horarum recitationem? *ibid.* q. 3.

Quibus pœnis subiaceant illi, qui horas recitare omittunt? *ibid.* n. 2.

Quænam causæ excusent ab horarum recitatione? q. 4.

Idololatria.

Quid sit idololatria? *tract.* 2. c. 4. sect. 1. §. 5.

An idololatria nō modo Religioni, sed etiam fidei aduersetur? *ibid.*

Ieiunium.

Quid nomine Ieiunij intelligatur? *tract.* 2. cap. 5. sect. unic. §. 1. n. 1.

Quænam requirantur ad debitam Ieiunij Ecclesiastici obseruationem? *ibid.* n. 2.

Quæ sit obligatio seruandi ieiunij? §. 2. n. 1.

Quænam personæ ad seruandum ieiunium obligentur? *ibid.*

Quænam ab obseruatione ieiunij excusentur? *ibid.* n. 2. & 3.

Quænam sint tempora ieiuniorum legibus Ecclesiasticis præscriptas
ibid. n. 4.

Quibus modis violetur præceptum de ieiunio seruando? §. 3.

Ignorantia.

An ignorantia sit causa peccati, vel ab eo excuset? *tr.* 2. c. 2. sect. 7. n. 1.

Quænam dicatur ignorantia iuris vel facti? *ibid.*

Quænam sit ignorantia antecedens, comitans, vel subsequens?
ibid. n. 2.

Quænam ignorantia vincibilis aut inuincibilis censeri debeat? *ibid.*

An possit esse ignorantia aliqua inuincibilis iuris naturalis? *ibid.* n. 4.

An ignorantia vincibilis sit peccatum? *ibid.* n. 2.

An ignorantia inuincibilis à peccato semper excuset? *ibid.* n. 3.

An ignorantia consequens & affectata peccati gravitatem augeat,
ibid.

Indulgentia.

Quid nomine indulgentiæ intelligatur? *in appendice* cap. 5.

An extet in Ecclesia Thesaurus aliquis ex meritis Christi & san-
ctorum? *ibid.*

An dispensatio illius Thesauri Ecclesiæ à Christo credita sit? *ibid.* n. 2.

Quisnam sit indulgentiarum valor? *ibid.* n. 3.

Quotupliciter indulgentiæ concedi soleant? *ibid.* n. 4.

Quis possit concedere indulgentias? §. 2. n. 1.

An præter summum Pontificem & Episcopos aliqui alij possint con-
cedere indulgentias? *ibid.* n. 2.

An causa aliqua iusta & rationabilis requiratur ad concedendum
indulgentias? *ibid.* n. 4.

Quænam condiciones requirantur in eo, qui indulgentiarum fru-
ctum percipere intendit? §. 3.

Infernus.

An infernus damnatorum sit locus aliquis realis & corporeus, in ipsa terræ visceribus situs? *tract. 2. c. 2. in digress. post sect. 8. n. 1.*

An ignis verus & corporeus in inferno reperitur? *ibid. n. 2.*

An igne illo non corpora solum, sed etiam animæ crucientur? *ibid.*

Infidelitas.

An infidelitas sit peccatum? *tract. 2. c. 4. sect. 1. §. 1. n. 3.*

Quæ sit infidelitas negatiua? *ibid.*

An infideles propter illam solam damnentur? *ibid.*

Quot sint species infidelitatis? *ibid.*

Quænam requirantur ad rationem hæresis? *ibid. n. 4.*

Interdictum.

Quid nomine interdicti intelligatur? *tract. 2. c. 6. sect. 2. §. 3. n. 1.*

An sit aliud interdictum loci, & aliud personæ? *ibid.*

An tempore interdicti liceat sacramenta aliqua ministrare? *ibid. n. 3.*

An liceat officia diuina publice celebrare? *ibid. n. 4.*

An liceat in sacro loco sepelire? *ibid. n. 5.*

In quibus casibus requiratur interdictum? *ibid.*

Inuidia.

An inuidia sit tristitia de bono proximi? *tract. 2. c. 4. sect. 4. §. 4. num. 2. & 3.*

Quot modis tritari quis possit de bono proximi? *ibid.*

An possit aliquando quis tritari de bono proximi absque peccato? *ibid.*

Irregularitas.

Quid sit irregularitas? *tract. 2. cap. 6. sect. 3.*

An aliqua irregularitas oriatur ex defectu? *ibid. §. 1.*

Ex quibus defectibus oriatur irregularitas? *ibid. n. 1. 2. 3. & 4.*

An aliqua irregularitas oriatur ex delicto? *§. 2.*

Ex quibus delictis oriatur irregularitas? *ibid. n. 1. 2. & 3.*

Quibus modis tollatur irregularitas? *§. 3.*

Iudicialis processus.

Quænam condiciones requirantur vt quis officio Iudicis dignè defungatur? *tract. 2. c. 4. sect. 8. §. 1. n. 1.*

An Iudex teneatur proferre sententiam secundum allegata & probata? *ibid. n. 1.*

An Iudex teneatur seruare formam à legibus præscriptam? *ibid. num. 3. & 4.*

An pœnam à iure decretam licitè relaxare possit? *ibid. n. 5.*

Quis teneatur in iudicio denunciare aut accusare? *§. 3. n. 1.*

Quæ sit differentia inter accusatorem & denunciatores? *ibid.*

An correctio fraterna & secreta debeat semper præcedere accusationem vel denunciationem? *ibid. n. 2. & 3.*

An

An liceat in accusatione & denuntiatione aperire crimen quod est omnino occultum, nec vllō modo probari potest? *ibid. n. 4.*

An testis legitimè interrogatus obligetur ad ferendum testimonium in iudicio? §. 4. n. 1. 2. & 3.

An Clerici licitè possint testimonium ferre in causis criminalibus? *ibid.*

Quid facere debeat testis quādo contra iuris ordinem à Iudice interrogatur, & testimonium ferre compellitur? *ibid.*

An reus à Iudice secundum formam iuris interrogatus teneatur fateri veritatem? §. 5. n. 2.

An licitum sit reo ad superiorem Iudicem appellare? *ibid. n. 2.*

An reus iussu condemnatus possit per vim impedire, ne sententia in reum lata executioni mandetur? *ibid.*

Quænam sint conditiones requisitæ, vt quis Aduocati seu Procuratoris munere debitè fungatur? §. 6.

Iudicium temerarium.

An sit licitum de altero iudicare? *tract. 2. c. 4. sect. 8. §. 9. n. 1.*

Quænam causæ seu rationes sufficiant ad iudicium licitè ferendum de altero? *ibid. n. 2.*

An iudicium temerarium sit peccatum mortale? *ibid. n. 3.*

An liceat aliquid mali suspicari de altero ex leuibus indicijs? *ibid.*

Vtrum ea, de quibus dubitatur quo animo fiant, in meliorem partem sint semper interpretanda? *ibid. n. 4.*

Iuramentum.

Quid nomine iuramenti intelligatur? *tract. 2. cap. 4. sect. 1. §. 1. n. 1.*

Quot modis fiat iuramentum? *ibid.*

Quænam requirantur vt licitum sit iuramentum? *ibid.*

In quibus casibus cesset iuramenti promissori obligatio? *ibid. n. 3.*

Quàm periculosa sit iurandi consuetudo? *ibid. n. 4.*

Ius.

Quid nomine iuris intelligatur? *tract. 2. c. 4. sect. 7. §. 1.*

Quid sit ius ad rem, & ius in re? §. 2.

Iustitia.

Quid sit iustitia? *tract. 2. c. 4. sect. 7. §. 1.*

Quo sensu iustitia dicatur esse virtus Cardinalis? *ibid. n. 2.*

Quid sit iustitia commutativa & distributiva? *ibid. n. 3.*

Lex.

Quid nomine legis intelligatur? *tract. 2. c. 3. sect. 1. n. 1.*

Quid sit lex æterna, & an omnes creaturæ illi subdantur? *ibid. num. 2.*

Quid sit lex naturalis, *ibid. n. 2.*

An lex naturalis vna sit apud omnes? *ibid.*

An omnes homines obliget? *ibid. n. 4.*

An illius seruandæ obligatio aliquando cessare possit? *ibid.* n. 5.

Lex humana.

Quid sit lex humana? *ibid.* sect. 2. n. 1.

Quæ sit materia legis humanæ? *ibid.* n. 3.

An actus interni lege humana præcipi vel prohiberi possint? *ibid.* num. 4.

An materia legis humanæ possit aliquam mutationem accipere? *ibid.* num. 5.

An lex humana in conscientia obliget, & quas personas? sect. 3. n. 1.

An Clerici legibus ciuilibus teneantur? *ibid.* n. 4.

An legislato propria lege teneatur? *ibid.*

An promulgatio legis humanæ necessaria sit? *ibid.* n. 6.

An præter promulgationem legis necessaria sit eius acceptatio? *ibid.* n. 6.

Vndenam dignosci possit utrum lex humana sub mortali culpa obliget? sect. 4. num. 1.

An lex humana obliget cum periculo vitæ, *ibid.* n. 4.

An sint aliquæ leges humanæ purè pœnales? *ibid.* n. 5.

In quibus personis resideat legum ferendarum potestas? sect. 5.

Quibus modis cessare possit seruandæ legis humanæ obligatio? sect. 6. num. 1.

An dispensatio concessa absque iusta causa sit valida? *ibid.* n. 3.

Quale peccatum sit absque iusta causa aliquem à seruanda lege dispensare? *ibid.*

An inferior possit aliquando dispensare in lege Superioris? *ibid.* num. 4.

An Superior secum ipse dispensare possit? *ibid.*

Lex diuina positiua.

Quid intelligatur nomine legis diuinæ positiuæ? tract. 2. cap. 3. sect. 8. n. 1.

Quotuplex sit lex diuina positiua? *ibid.*

An lex vetus fuerit bona & sancta? *ibid.*

An lex noua melior & perfectior sit lege veteri? *ibid.*

An lege veteri soli Iudæi obstricti fuerint? *ibid.* n. 2.

An omnes homines lege noua obligentur? *ibid.*

An lex vetus omnino desierit? *ibid.* n. 3.

An lex noua vsque ad consummationem sæculi duratura sit? *ibid.*

An ab instanti mortis Christi lex vetus obligare desierit? *ibid.* n. 4.

Quo præcisè tempore lex vetus non modo mortua, sed & mortifera esse cœperit? *ibid.* n. 5.

Liberum arbitrium.

In quo præcisè & propriè consistat liberum arbitrium, tract. 2. c. 7. sect. 2.

An indifferentia sit de essentia libertatis? *ibid.* n. 3.

Magia.

Quid sit Magia? *tract.* 2. *cap.* 4. *sect.* 1. §. 5. n. 3.

An magia sit aliquando coniuncta hæresi? *ibid.* n. 4.

Maleficium.

Quid sit maleficium? *tract.* 2. *cap.* 4. *sect.* 1. §. 5. n. 11.

Quid sit maleficium veneficum, vel amatorium? *ibid.*

De quibus interrogandi sint malefici in confessione? *ibid.* n. 12.

An licitum sit maleficium vnum altero maleficio dissolvere? *ibid.*

Matrimonium.

Quid sit Matrimonium? *tract.* 1. *cap.* 8. *sect.* 1. n. 1.

Quæ sit differentia inter Matrimonium legitimum, ratum & consummatum? *ibid.*

An Matrimonium sit Sacramentum? *ibid.* n. 2.

Quænam sit illius materia & forma? *ibid.* n. 3.

Quis sit huius Sacramenti minister? *ibid.*

An Matrimonium per Procuratorem contractum sit Sacramentum? *ibid.* num. 4.

Quænam condiciones requirantur, vt Matrimonium validè per Procuratorem contrahatur? *ibid.*

Quid de Matrimonio infidelium sentiendum sit? *ibid.* n. 5.

Quænam requirantur ad validitatem Matrimonij? *sect.* 2.

Quænam requirantur ad hoc vt Matrimonium non modò validè, sed & licitè contrahatur? *sect.* 3.

Quinam sint Matrimonij effectus? *sect.* 4.

An Matrimonium sit omninò indissolubile? *ibid.* n. 2.

An Matrimonium ratum, sed non consummatum, in aliquo casu solui possit? *ibid.*

An sit aliqui casus, in quibus coniuges ab inuicem separari possint? *ibid.* n. 4.

Quænam sit obligatio coniugum sibi mutuò debitum conjugale reddendi? *ibid.* n. 5.

Quænam sint Matrimonij impedimenta? *sect.* 5.

An sint aliqua impedimenta Matrimonium dirimentia & quæ? *ibid.* n. 5.

Mendacium.

Quid sit mendacium? *tract.* 2. *cap.* 4. *sect.* 8. §. 1.

An mendacium possit aliquando esse licitum? *ibid.*

Quandonam mendacium sit peccatum mortale vel veniale? *ibid.*

Missæ Sacrificium.

Vndenam deriuetur Missæ nomen? *tract.* 1. *cap.* 4. *sect.* 11. §. 1. num. 1.

An verum & propriè dictū sacrificium in Missa offeratur? *ibid.* n. 2. Quæ-

Quænam partes Missæ ad rationem sacrificij pertineant? §. 2.

An essentia sacrificij Missæ in sola consecratione consistat? *ibid.*

Effectus Sacrificij Missæ.

An Missæ sacrificium aliquos effectus habeat ex opere operato? §. 3.
num. 1.

An sacrificium Missæ sit non solum Latreuticum & Eucharisticum, sed etiam propitiatorium & impetratorium? *ibid. n. 2.*

Qua ratione remissio peccatorum siue quoad culpam, siue quoad poenam, sit effectus sacrificij Missæ? *ibid. n. 3.*

An liceat offerre sacrificium Missæ ad impetranda bona temporalia? *ibid. num. 4.*

An Missæ sacrificium effectus suos infallibiliter producat? *ibid.*

An Missæ sacrificium sit æqualis efficaciz siue à bono, siue à malo ministro offeratur? *ibid.*

Pro quibus Missæ sacrificium offerri possit? §. 5. *n. 1.*

An Missæ sacrificium offerri possit in honorem Sanctorum? *ibid.*

An Missæ sacrificium profit ipsi sacerdoti offerenti, & qua ratione? *ibid. n. 4.*

Sacrificij Missæ applicatio.

Quænam applicatio requiratur ex parte sacerdotis celebrantis, ut Missæ fructus in alios deriuetur? §. 5. *n. 1.*

An applicatio illa præsertim pendeat ex voluntate Christi? *ibid.*

An præter applicationem generalem Christi & Ecclesiæ sacerdos possit fructus Missæ applicare aliquibus personis in particulari? *ibid. n. 3.*

An aliqui alij cum sacerdote offerentes possint eiusmodi applicationem facere? *ibid.*

An possit determinari quantus ex hoc sacrificio fructus tam ad omnes generatim quàm ad singulos speciatim deriuetur? *ibid.*

Quænam requirantur ex parte Sacerdotis offerentis, ut validè & Hicite fructum huius sacrificij applicet? *ibid. n. 4.*

An Missæ sacrificium pro pluribus oblatum tantum profit singulis quantum si pro vno solum offerretur? §. 6.

An Sacerdos intentionem illius, pro quo celebrat, in omnibus sequi debeat? *ibid. n. 3.*

Quæ sit optima praxis applicationis fructuum Missæ à Sacerdote faciendæ? §. 7.

Circumstantia quadam observanda in celebratione Missæ.

Quo tempore sacrificium Missæ celebrari debeat? §. 8. *num. 1.*

Quo loco debeat celebrari? *ibid. n. 3.*

Quale debeat esse altare ad celebrandum? *ibid. n. 5.*

Quot mappæ super altari poni debeant? *ibid. n. 6.*

Qual e debeat esse corporale ad Missam celebrandam? *ibid.*

Ex qua materia debeat esse calix & patena? *ibid.*

An liceat celebrare absque libro missali? *ibid.*

An candelæ cereæ accensæ necessariae sint? *ibid.*

An imago crucifixi altari superponi debeat? *ibid.*

Quænam sacræ vestes ad celebrandum requirantur? *ibid. n. 7.*

An Sacerdoticelebranti minister necessarius sit? *ibid. n. 9.*

An fœmina possit Sacerdoti Missam celebranti inferuire? *ibid.*

Quoties Sacerdos Missam celebrare teneatur? *ibid. n. 10.*

Odium proximi.

Quotuplex sit odium proximi? *tract. 2. c. 4. sect. 4. §. 5.*

Quomodo differant odiû abominationis, & odium inimicitia? *ibid.*

An sit peccatum odisse peccatorem quatenus peccator est? *ibid.*

Opinio probabilis.

Quid nomine opinionis intelligantur. *tract. 2. c. 1. sect. 6. §. 1.*

Quænam opinio probabilis centeri debeat? *ibid.*

Quid requiratur, vt quis dicatur operari ex opinione probabili? *ibid.*

An licitum sit operari ex quacunque opinione probabili? *§. 2.*

Vtrum ex duabus opinionibus probabilibus licitum sit sequi minus tutam, & minus probabilem? *§. 3.*

An in dispensatione sacramentorum opinionem tutiorem sequi oporteat? *ibid.*

An iudices in ferendis sententiis teneantur litem adiudicare illi, cuius causa rationibus probabilioribus innixa est, *ibid.*

An medici in assignandis remediis sequi debeant id quod tutius est? *ibid.*

An doctor seu Confessarius dare possit consilium iuxta opinionem probabilem, relicta probabiliori quam ipse sequitur, *ibid.*

Oratio.

Quid sit oratio, & quotuplici modo fiat? *tract. 2. c. 4. sect. 1. §. 3.*

An oratio necessaria sit ad salutem? *ibid.*

Quis orare debeat, & quo tempore? *ibid.*

An quem debeat dirigi oratio, & pro quibus? *ibid.*

Quomodo orandum sit, & quæ in oratione postulanda? *ibid.*

Quis sit sensus verborum orationis dominicæ? *ibid.*

Ordo.

An Ordo sit sacramentum? *tract. 1. cap. 7. sect. 1. n. 1.*

An sint septem Ordines? *ibid. n. 2.*

An subdiaconatus & unusquisque minorum Ordinum sit Sacramentum, *ibid. n. 2.*

An ratione omnes septem Ordines dicantur vnû Sacramentû? *ibid. n. 5.*

An Episcopatus sit Oordo? *ibid. n. 5.*

An

An tonsura Clericalis sit Ordo, *ibid.* n. 7.

Sacramenti Ordinis materia & forma.

Quænam sit Sacramenti Ordinis materia remota & proxima, *sect.* 2. n. 1.

Quænam sit eiusdem sacramenti forma, *ibid.*

Quæ sit materia & forma singulorum Ordinum minorum, *ibid.*

An sit materia & forma subdiaconatus, diaconatus & presbyteratus sit duplex, & quænam illa sit, *ibid.* n. 2.

An materia & forma Episcopatus sit triplex, & quæ, *ibid.* n. 4.

Sacramenti Ordinis Minister.

An solus Episcopus sit ordinarius huius sacramenti Minister, *sect.* 3. n. 1.

An simplex Sacerdos ex commissione summi Pontificis possit esse huius sacramenti minister, *ibid.*

Antres Episcopi ad consecrandum seu ordinandum Episcopum requirantur, & an ex dispensatione summi Pontificis, unus id possit, *ibid.*

Sacramentum Ordinis suscipiens.

Quis sacramentum Ordinis suscipere possit, *sect.* 3. n. 3.

An mulier sacramentum Ordinis possit suscipere, *ibid.*

quænam olim fuerint diaconissæ, presbyteræ, &c. *ibid.*

quæ dispositiones requirantur in eo qui suscipit Ordines, *ibid.* n. 2.

quæ ætate singuli Ordines suscipi possint, *ibid.* n. 6.

quo anni tempore Ordines conferri possint, *ibid.*

quænam sint ordinandorum conditiones, & qualitates, *sect.* 4.

Sacramenti Ordinis effectus.

quænam gratia per Sacramentum Ordinis conferatur, *sect.* 5. n. 1.

An per Ordinis Sacramentum character imprimatur, *ibid.*

quænam sint functiones cuiusque Ordinis propriæ, *ibid.* n. 2. 3. & 4.

Patrinus.

Quænam sint obligationes Patrini & Matrinæ erga infantem: quem ex sacro fonte susceperunt, *tract.* 1. cap. 2. *sect.* 7.

Peccatum.

quid sit peccatum, *tract.* 2. ca. 2. *sect.* 1. n. 1. & 2.

quænam sit ratio formalis peccati, *ibid.* n. 3.

An dentur quædam peccata mortalia & quædam venialia, *sect.* 2. n. 1.

Vnde peti debeat discrimen peccati mortalis, & venialis, *ibid.* n. 1.

An peccatum ex genere suo mortale possit fieri veniale, & è contrâ? *sect.* 3.

Vnde petenda sit specifica vel numerica distinctio peccatorum, *sect.* 4.

quid sit peccatum omissionis, *sect.* 5.

quænam sint causæ peccati, *sect.* 6.

quænam sint effectus, *sect.* 8.

Prefatio .

Quid nomine præscriptionis intelligatur, *tract. 2. cap. 4. sect. 7. § 1. num. 1.*

Quænam conditiones requirantur, ut aliquid præscriptionis titulo acquiratur? *ibid.*

Quantum temporis requiratur ad legitimam præscriptionem, *ibid. n. 2. & 3.*

Promissio .

An promissio antequam acceptetur, obligationem aliquam pariat? *tract. 2. cap. 4. sect. 7. § 7. n. 1.*

An promissio acceptata obliget sub peccato? *ibid. n. 2.*

An, & quando cesset obligatio illa promissionis acceptata? *ibid. n. 3.*

Purgatorium .

An sit aliquis locus purgatorius, in quo animæ post hanc vitam purgandæ detineantur? *in appendic. post. cap. 5. § 4. n. 1.*

Quænam animæ, & ob quas causas in purgatorio detineantur? *ibid. n. 3.*

Quæ, & quantæ sint pœnæ purgatorii, *ibid.*

Ubinam sit purgatorium, *ibid. n. 4.*

Quanto tempore animæ in purgatorio detineantur, *ibid.*

An animæ in purgatorio detentæ illinc aliquando egrediantur, & hominibus appareant, *ibid.*

Quibus modis animæ in purgatorio detentæ iuari, & subleuari possint, *ibid.*

Religio .

Quid sit Religio, *tract. 1. cap. 4. sect. 1. § 5. n. 1.*

Qui sint actus proprii virtutis Religionis, *ibid.*

Quænam sint peccata Religionis opposita, *ibid. n. 2.*

Reservatio casuum .

An Pontifex Romanus in tota Ecclesia & unusquisque Episcopus in propria diœcesi casus aliquos suo peculiari iudicio reservare possint, *tract. 1. c. 5. sect. 17 n. 1.*

An peccata venialia, aut mortalia parè intèrna reservari possint, *ibi.*

An sint aliqui casus de iure Episcopo reservati, *ibid.*

Quinam sint casus Romano Pontifici reservati, *ibid. num. 3.*

An reservatio illa interdum cesset, & ob quas causas, *ibid. n. 2.*

Quis possit à casibus reservatis absolvere, *sect. 18.*

Restitutio .

Quid per restitutionem intelligatur, *tract. 2. cap. 4. sect. 7. § 14.*

Quisnam restituere teneantur, *ibid. quæst. 1.*

Cui restituendum, *quæst. 2.*

Quid, quando, & quo ordine restituendum, *quæst. 3.*

Quænam causæ à restitutione excusent, *quæst. 4.*

Romanus Pontifex.

An inter legistatores Ecclesiasticos Romanus Pontifex primum & supremum locum teneat, *tract. 2. cap. 3. sect. 5. §. 1. n. 1.*

An in materia fidei alijsque rebus ad mores & disciplinam Ecclesiasticam spectantibus Romanus Pontifex sit supremus Legislator & iudex. *ibid. n. 2.*

An ad Romanum Pontificem pertineat Concilia generalia conuocare, ijsque vel per se, vel per Legatos præsidere, §. 1.

Sacramentum.

Quid nomine Sacramenti intelligatur, *tract. 1. c. 1. sect. 1. n. 1.*

Quid sit propriè Sacramentum, *ibid.*

Qua ratione Sacramenta nouæ legis à Sacramentis legis Mosaicæ distinguantur, *ibid. n. 2.*

Quot sint Sacramenta nouæ legis à Christo instituta, *sect. 7.*

Quæ sit necessitas Sacramentorum nouæ legis, *ibid.*

Sacramentorum materia & forma in genere.

An Sacramenta nouæ legis consent rebus tanquam materia, & verbis tanquam forma? *sect. 2. n. 1.*

Quid nomine materiæ remotæ & formæ in Sacramentis intelligatur? *ibid.*

An materia & forma in Sacramentis simul existere debeat? *ibid. num. 2.*

Quid nomine materiæ remotæ & materiæ proximæ in Sacramentis intelligatur? *ibid. n. 3.*

An ad conficienda Sacramenta determinatæ res & determinata verba requirantur, *sect. 3.*

Vnde petenda sit determinatio rerum & verborum in Sacramentis? *ibid. n. 2. & 3.*

Quenam mutatio in rebus aut in verbis Sacramenti validitatem impediat? *ibid. n. 4.*

Sacramentorum effectus.

An Sacramenta nouæ legis gratiam conferant? *sect. 4. n. 1.*

An gratiam illam conferant virtute aliqua & efficacia propria? *ibid. num. 2.*

An gratiam conferant ex opere operato, & quomodo hoc intelligi debeat? *ibid. n. 3.*

An gratiam illam producant physicè, an moraliter, *ibid. n. 4.*

Quam gratiam Sacramenta nouæ legis conferant, *sect. 5. n. 1.*

An præter gratiam sanctificantem habitualement, conferant etiam quædam auxilia gratiæ actualis, & quæ, *ibid. n. 2.*

An conferant auxilia illa gratiæ omnibus suscipientibus? *ibid.*

An Sacramenta nouæ legis qualem gratiam conferant? *ibid. n. 3.*

An per aliqua Sacramenta imprimatur caracter, & quid sit caracter ille,

ille, *sect. 6. n. 1.*

An caracter ille sit indelebilis? *ibid. n. 2.*

Quenam Sacramenta caracterem imprimant, *ibid. n. 3.*

Sacramentorum Minister.

An primarius & præcipuus Sacramentorum minister sit Christus? *sect. 8. n. 1.*

An præter Christum sint alij Sacramentorum ministri ab ipso instituti, & qui? *ibid.*

An Angeli Sacramenta secundum legem ordinariam ministrare possint? *ibid.*

An in ministro Sacramenti requiratur potestas, & quæ, *ibid. n. 2.*

An in eodem requiratur intentio? *ibid. n. 3.*

Quenam intentio ad Sacramenti validitatem necessaria sit? *ibid. n. 4.*

Quenam aliæ dispositiones requirantur in ministro, ut non modò validè, sed etiam licitè Sacramentum administret? *ibid. n. 6.*

An liceat à malis ministris Sacramenta recipere? *ibid. n. 8.*

Sacramentalia.

Quid nomine Sacramentalium intelligatur, *tract. 2. cap. 5. sect. 9. n. 3. & 4.*

Quot sint Sacramentalia, *ibid.*

An & qua ratione per Sacramentalium vsum peccata venialia remittantur? *ibid.*

Sacrificium.

Quid sit propriè Sacrificium? *tract. 1. c. 4. sect. 11. §. 1. n. 2.*

An soli Deo Sacrificium offerri debeat? *ibid.*

Quenam ad sacrificij rationem pertineant? *ibid.*

Sacrilegium.

Quid sit sacrilegium? *tract. 2. c. 4. sect. 1. §. 5. n. 14.*

Quot sint species sacrilegij? *ibid.*

Satisfactio.

Quid nomine satisfactionis intelligatur? *tract. 1. c. 5. sect. 23. n. 2.*

Quæ sit & quotuplex satisfactio sacramentalis? *ibid. n. 2.*

An remissa per absolutionem sacramentalem peccati culpa, remaneat aliquando poena aliqua temporalis à poenitente luenda? *ibid. n. 3.*

An per aliqua bona opera Deo satisfieri possit? *ibid.*

Quibusnam operibus possit satisfieri? *sect. 23.*

Quid in satisfactione imponenda Confessarius observare debeat? *sect. 24.*

Quæ sit obligatio poenitentis ad satisfactionem illam à Confessario impositam acceptandam & implendam? *sect. 25.*

Scandalum.

Quid per scandalum intelligatur? *tract. 2. cap. 4. sect. 5. §. 5. n. 4.*

Quid sit scandalum actiuum vel passiuum? *ibid. n. 5.*

An

- An possit scandalum actiuum esse sine passiuo, & è contra? *ibid.*
 An scandalum actiuum sit speciale peccatum? *ibi id.*
 An spiritualia bona, ad propriam vel proximi salutem necessaria vel utilia, dimitte debeant, ad euitandum scandalum passiuum aliorum? *ibid. n. 6.*

Simonia.

- Simoniz peccatum vnde dictum sit? *in appendic. de statu clerical. art. 3. q. 2. n. 1.*
 Quotuplex sit simonia? *ibid. n. 2.*
 Quid sit simonia mentalis, conuentionalis, realis? *ibid.*
 An sit aliqua Simonia iure diuino, & aliqua alia iure humano Ecclesiastico prohibita? *ibid. n. 3.*
 Qua ratione simoniz peccatum dignosci possit? *ibid. n. 4.*
 An sit simonia mercedem recipere pro munere docendi scientiam, aliquam naturali industria comparabilem? *ibid.*
 An Sacerdotes qui pro celebrationibus Missarum, exequijs defunctorum, alijsque similibus ministerijs stipendium seu honorarium accipiunt committant Simoniam? *ibid. n. 5.*
 An sit simonia aliquid dare vel recipere pro dote puellę vitam religiosam profitentis? *ibid.*
 An sit simonia vasa sacra vendere velemerere? *ibid. n. 6.*
 An resignatio Beneficij in fauorem alicuius, vel cum reservatione pensionis, sit simoniaca? *ibid. n. 7.*
 An simoniz reperiatur in permutatione beneficiorum? *ibid.*
 Quęnam sint pęnę contra Simoniacos constitutz? *q. 3.*

Sortes.

- An sortibus diuinarijs vti sit illicitum? *tract. 2. cap. 4. sect. 1. § 5. num. 6.*
 An sit illicitum vti sortibus consultorijs? *ibid. n. 8.*
 Sub quibus conditionibus vti liceat eiusmodi sortibus? *ibid.*
 An & qua ratione licitum sit vti sortibus diuisorijs? *ibid.*

Spes.

- Quid sit spes? *tr. 2. c. 4. sect. 1. § 2. n. 1.*
 An licitum sit spem in aliqua creatura collocare? *ibid. n. 1.*
 An extet aliquod pręceptum de spe in Deum concipienda? *ibid. n. 4.*
 In quibus casibus pręceptum illud obliget? *ibid. n. 5.*
 Quęnam sint peccata spei opposita? *ibid.*

Sponsalia.

- Quid sponsaliorum nomine intelligatur? *tract. 1. cap. 8. sect. 6. num. 1.*
 Quęnam requirantur ad validitatem sponsaliorum? *ibid.*
 Quę sit sponsaliorum obligatio, & quibus modis dissoluantur? *ibid. n. 2.*

An ad absoluenda sponsalia opus sit autoritate Iudicis Ecclesiastici? *ibid.* n. 3.

Superstitio.

Quid sit superstitio? *tract. 2. c. 4. sect. 1. §. 5. n. 1.*

Quot sint species superstitionis? *ibid.* n. 3.

Suspensio.

Quid sit suspensio? *tract. 2. c. 6. sect. 2. §. 2. n. 1.*

Quotuplex sit suspensio? *ibid.*

An qui suspensionem violat in exercitio solemnium alicuius Ordinis sacri, incurrat irregularitatem? *ibid.*

Quænam suspensiones in iure latæ frequentius incurrantur? *ibid.*

A. 2. 3. & 4.

Tentatio Dei.

Quid sit tentatio Dei, & quale peccatum? *tract. 2. cap. 4. sect. 1. §. 5. num. 13.*

Quot modis peccatum illud committatur? *ibid.*

An sit tentare Deum, necessitate aliqua causa rationabili urgente auxilium aliquod extraordinarium ab eo postulare aut expectare? *ibid.*

Tonsura Clericalis.

An usus Tonsuræ Clericalis sit à primis Ecclesiæ temporibus? *in append. de statu Clerical. art. 2.*

An prohibitum sit Clericis comam relaxare aut nutrire? *ibid.*

Qualis debeat esse tonsura Clericalis? *ibid.*

Vana observatio.

Quid sit vana observatio, & in quo differat à diuinatione? *tract. 2. c. 4. sect. 1. §. 5. n. 9.*

An vana observatio sit peccatum mortale? *ibid.*

Quot sint species vanæ observationis? *ibid.* n. 10. & 11.

Votum.

Quid sit votum? *tract. 2. c. 4. sect. 2. §. 3. n. 1.*

Quotuplex sit votum? *ibid.* n. 3.

Quænam sint personæ voti emittendi capaces? *ibid.* n. 4.

Quid de votis impuberum & religiosorum censendum sit? *ibid.* n. 5.

Quæ sit voti obseruandi obligatio? §. 4. n. 1.

An executio voti circa peccatum differri possit? *ibid.* n. 2.

An aliquis possit voto alterius obligari? *ibid.*

An aliquando liceat votum interpretari, & qua ratione? *ibid.* n. 3.

Quot modis cesset voti obligatio? *ibid.* n. 4.

Quæ sit differentia inter irritationem & dispensationem voti? *ibid.*

An sit in Ecclesia potestas dispensandi in votis? *ibid.* n. 5.

Quibus personis potestas illa competat? *ibid.*

Quænam vota reseruata sint summo Pontifici? *ibid.*

Quæ-

- Quænam sint iustæ rationes dispensandi in votis ? *ibid.* n. 6.
 An prælatus possit secum ipse dispensare in proprijs votis ? *ibid.*
 An vouens possit propria autoritate commutare votum suum ?
ibid. n. 8. & 9.

Usura,

- Quid usuræ nomine intelligatur ? *tract.* 2. *cap.* 4. *sect.* 7. §. 12. n. 1.
 Quid sit usura mentalis, formalis, palliata, &c. *ibid.*
 An omnis & quæcunque usura sit peccatum ? *ibid.* n. 2.
 An in censibus & cambijs usura reperiatur ? *ibid.* n. 4.
 An ratione damni emergentis aut lucri cessantis licitum sit aliquid
 exigere in mutuo, vltra principalem sortem. *ibid.* n. 5.
 An idem liceat ratione periculi, cui mutuans pecuniam exponit ?
ibid. num. 6.
 An idem licitum sit in pœnam dilatæ solutionis ? §. 13. n. 1.
 An licitum sit mutuanti pignus frugiferum accipere pro assecura-
 tione pecuniæ mutuatæ ? *ibid.* n. 2.
 An licitum sit inire societatem cum altero, ea conditione, vt saluo
 capitali lucrum aliquod certum quot annis recipiatur ? *ibid.* n. 3.
 4. 5. & 6.

CATECHESIS CHRISTIANA EX IIS,
quæ in vtraque huius operis parte continentur, bre-
uiter & methodicè concinnata, & ad com-
modiorem Catechismi praxim ac-
commodata.

Cum Vniuersa Catechismi Christiani Doctrina communiter
ad quinque capita soleat reuocari; videlicet ad fidem, spem,
charitatem, officia iustitia Christiana, & Sacramenta,
quibus continentur omnia quæ à quolibet Christiano ad salutem
æternam consequendam credi & præstari debent: Idcirco breuiter
hic adnotabimus ea quæ super vnoquoque illorum quinque capi-
tum, in varijs huius Medulla Theologica locis explicata reperiri-
tur, ut ex ijs tanquam ex fontibus vberioribus, quisque haurire
possit, quæ vel ad propriam, vel ad aliorum institutionem necessa-
ria aut utilia esse existimauerit.

C A P V T P R I M V M.

De Fide.

Fides est virtus supernaturalis Theologica, qua homo
firmiter assentitur ijs, quæ Deus reuelauit, & per
Ecclesiam credenda proposuit; siue illa scripta sint, siue
non sint.

Vide explicationem illius definitionis. *par. 1. tract. 1. cap. 1. sect. 1.*

Quotuplex sit fides, *ibid.*

Quid sit fides actualis, quid habitualis, quid item explicita vel im-
plicita, formata vel informis, viua vel mortua, *ibid.*

An fides sit necessaria ad salutem necessitate præcepti, vel medijs,
sect. 2. & 3.

An sit ad salutem necessarium aliquorum mysteriorum fidem ex-
plicitam habere, & quorum, *sect. 4.*

An, & qua ratione extrema fidei confessio sit ad salutem neces-
saria, *sect. 5.*

An fuerit necessarium condi Symbolum aliquod fidei, quod præci-
pua fidei capita complecteretur, *cap. 2. sect. 5.*

Symbolum Apostolorum.

Credo in Deum Patrem Omnipotentem Creatorem
celi & terræ.

Et in Iesum Christum Filium eius vnicum Dominum no-
strum.

Qui conceptus est de Spiritu Sancto , natus ex Maria Vir-
gine.

Passus sub Pontio Pilatò, cruci fixus, mortuus & sepultus.

Descendit ad inferos, tertia die resurrexit à mortuis.

Ascendit ad cælos , sedet ad dexteram Dei Patris omnipo-
tentis .

Inde venturus est iudicare viuos & mortuos.

Credo in Spiritum Sanctum .

Sanctam Ecclesiam Catholicam, sanctorum Communionē.

Remissionem peccatorum .

Carnis resurrectionem .

Vitam eternam . Amen .

Credo ,

Quomodo actus fidei sit in praxim redigendus, *cap. 3. sect. 9.*

In Deum .

Quomodo distinguantur credere Deum, credere Deo, & credere in
Deum ? *cap. 1. sect. 1.*

De Vnitate, æternitate, immensitate Dei, alijsque eius perfectioni-
bus & attributis. *Vide. tr. 2. c. 1. 2. & 3.*

Patrem ,

De Mysterio Trinitatis. *tr. 3. de Trinitate, cap. 1.*

De Persona Patris. *cap. 2. sect. 1.*

Quomodo loquendum sit de Mysterio Trinitatis. *sect. 8.*

Omnipotentem .

De Efficacitate diuinæ voluntatis. *tract. 2. cap. 2. sect. 8.*

Crea-

Creatorem.

Qua ratione Deus sit causa efficiens rerum omnium. *tr. 4. c. 1. sect. 1.*
 Quod solius Dei proprium sit, creare. *ibid. sect. 2.*

Celi & terræ.

An mundus Vniuersus, vel creatura aliqua fuerit vel esse potuerit
 ab æterno; Et an omnes Creaturæ initium aliquod suæ duratio-
 nis habuerint? *ibid. sect. 3.*

Quandonam Angeli creati sint? *tr. 4. c. 2. sect. 1.*

Fueruntne Angeli creati in cœlo Empyreo? *ibid. sect. 2.*

An sint nouem Ordines Angelorum. *sect. 9.*

Fuerunt ne Angeli creati in gratiæ statu? *cap. 3. sect. 1.*

Quodnam fuerit bonorum Angelorum meritum, & malorum de-
 meritum? *ibid.*

An sint aliqui Angeli ad custodiam hominum à Deo deputati *sect. 3.*

Quænam sint officia Angelorum custodum erga homines. *ibid.*

Quomodo homines à Dæmonibus impugnentur? *sect. 6.*

Quid de creatione hominis sentiendum sit? *c. 4. sect. 1.*

Qua ratione homo dicitur creatus ad imaginem & similitudinem
 Dei? *ibid.*

Qualis fuerit status innocentiae, in quo primus homo conditus est,
sect. 2. 3. 4. & 5.

De lasu & peccato primi hominis. *cap. 5. sect. 1.*

De peccato originali, & eius effectibus. *sect. 2. 3. 4. & 5.*

Et in Iesum Christum,

Quandonam facta sit impositio nominis Iesu. *tr. 5. cap. 7. sect. 2.*

Quæ & quanta sit excellentia nominis Iesu, *ibid.*

Quid significet nomen Iesu, *ibid.*

Quare Iesus dictus sit Christus, *ibid.*

Filium eius vnicum,

De persona Filij, quæ est secunda in Trinitate, *tract. 3. cap. 2. sect. 2.*

Dominum nostrum,

De Regia Christi dignitate, & eius dominio supremo in omnes
 creaturas. *tract. 5. cap. 7. sect. 8.*

De adoratione Christo debita. *cap. 8. sect. 1.*

Qui

Qui conceptus est de Spiritu sancto.

De veritate mysterij Incarnationis. *tract. 5. cap. 1. sect. 1. 2. & seq.*

An conueniens fuerit Incarnatio Verbi diuini ? *sect. 5.*

An fuerit ad reparationem Generis humani necessaria ? *sect. 6.*

Quomodo loquendum de Mysterio Incarnationis ? *c. 3. sect. 1. & seq.*

Qua ratione Christus dicitur conceptus de Spiritu sancto. *c. 7. sect. 1.*

Natus ex Maria Virgine.

De Natiuitatis Christi Mysterio. *eodem cap. 7. sect. 1.*

De perpetua Virginitate Mariæ Virginis. *ibid.*

De Sanctitate & excellentia eiusdem Mariæ Virginis. *cap. 8. sect. 3.*

Qua ratione Maria Virgo verè & propriè dicatur Mater Dei. *ibid.*

De Baptismo, & miraculis Christi Domini. *cap. 7. sect. 3.*

Passus sub Pontio Pilato, crucifixus, mortuus & sepultus

De Passione & morte Christi. *cap. 7. sect. 4.*

Quid Christus per Passionem & mortem nobis meruerit ? *c. 6. sect. 4.*

An Christus pro omnibus mortuus sit ? *sect. 5.*

Qua ratione Christi merita nobis applicentur. *ibid.*

Descendit ad Inferos,

De Christi Domini ad inferos descensu. *cap. 7. sect. 5.*

Tertia die resurrexit à mortuis,

De Christi Domini Resurrectione. *sect. 6.*

Ascendit ad celos,

De Ascensione Christi Domini ad Cælos. *sect. 7.*

Sedet ad dexteram Dei Patris omnipotentis,

De Christi Domini sessione ad dexteram Patris. *ibid.*

Inde venturus est iudicare vivos & mortuos.

De Iudiciaria Christi Domini potestate. *sect. 9.*

An potestatem illam iudiciariam in morte cuiusque exercent? *ibid.*

Credo in Spiritum Sanctum ,

De persona Spiritus sancti. *tract. 3. cap. 2. sect. 4.*

Sanctam Ecclesiam Catholicam ,

Quenam sit vera Ecclesia, & quibus notis dignoscatur? *tract. 1. cap. 2. sect. 4.*

De Romano Pontifice summo totius Ecclesie Pastore, *part. 2. tract. 2. cap. 3. sect. 5. §. 3.*

De Concilijs Generalibus , quæ Ecclesiam vniuersam repræsentant. *ibid. §. 2.*

De Episcopis alijsque Ecclesie Prælati. *ibid. §. 3.*

Sanctorum Communionem ,

Quid per Sanctorum Communionem intelligatur. *part. 2. tract. 2. cap. 6. sect. 2. §. 1.*

Remissionem peccatorum ,

De remissione peccatorum per Sacramentum Baptismi & Pœnitentiæ percipiendâ. *part. 2. cap. 2. sect. 6. & cap. 5. & sect.*

Carnis Resurrectionem ,

Qua ratione Christi resurrectio sit causa nostræ Resurrectionis. *part. 1. tract. 5. cap. 7. sect. 4.*

De Corporum resurrectione & glorificatione. *tract. 6. cap. 5. sect. 6.*

Vitam æternam ,

In quo consistat vita & beatitudo æterna. *tract. 6. cap. 5. sect. 6.*
quænam sint aureolæ Beatorum. *ibid.*

De clara & intuitiua diuinæ essentiae visione. *tract. 2. cap. 6. sect. 1. 2. & seq.*

Deus velit omnes homines saluos fieri. *tract. 6. cap. 2. sect. 5.*

An loco inferni, & damnatorum pœnis. *part. 2. tract. 2. cap. 2. in digress. post sect. 2.*

Romanus Pontifex.

An inter leges Ecclesiasticos Romanus Pontifex primum & supremum locum teneat, *tract. 2. cap. 3. sect. 5. §. 1. n. 1.*

An in materia fidei alijsque rebus ad mores & disciplinam Ecclesiasticam spectantibus Romanus Pontifex sit supremus Legislator & iudex. *ibid. n. 2.*

An ad Romanum Pontificem pertineat Concilia generalia conuocare, ijsque vel per se, vel per Legatos præsidere, §. 1.

Sacramentum.

Quid nomine Sacramenti intelligatur, *tract. 1. c. 1. sect. 1. n. 1.*

Quid sit propriè Sacramentum, *ibid.*

Qua ratione Sacramenta nouæ legis à Sacramentis legis Mosaicæ distinguantur, *ibid. n. 2.*

Quot sint Sacramenta nouæ legis à Christo instituta, *sect. 7.*

Quæ sit necessitas Sacramentorum nouæ legis, *ibid.*

Sacramentorum materia & forma in genere.

An Sacramenta nouæ legis consent rebus tanquam materia, & verbis tanquam forma? *sect. 2. n. 1.*

Quid nomine materiæ remotæ & formæ in Sacramentis intelligatur? *ibid.*

An materia & forma in Sacramentis simul existere debeat? *ibid. num. 2.*

Quid nomine materiæ remotæ & materiæ proximæ in Sacramentis intelligatur? *ibid. n. 3.*

An ad conficienda Sacramenta determinatæ res & determinata verba requirantur, *sect. 3.*

Vnde petenda sit determinatio rerum & verborum in Sacramentis? *ibid. n. 2. & 3.*

Quænam mutatio in rebus aut in verbis Sacramenti validitatem impediat? *ibid. n. 4.*

Sacramentorum effectus.

An Sacramenta nouæ legis gratiam conferant? *sect. 4. n. 1.*

An gratiam illam conferant virtute aliqua & efficacia propria? *ibid. num. 2.*

An gratiam conferant ex opere operato, & quomodo hoc intelligi debeat? *ibid. n. 3.*

An gratiam illam producant physicè, an moraliter, *ibid. n. 4.*

Quam gratiam Sacramenta nouæ legis conferant, *sect. 5. n. 1.*

An præter gratiam sanctificantem habitualement, conferant etiam quædam auxilia gratiæ actualis, & quæ, *ibid. n. 2.*

An conferant auxilia illa gratiæ omnibus suscipientibus? *ibid.*

An Sacramenta nouæ legis qualem gratiam conferant? *ibid. n. 3.*

An per aliqua Sacramenta imprimatur character, & quid sit character ille,

ille, *sect. 6. n. 1.*

An character ille sit indelebilis? *ibid. n. 2.*

Quænam Sacramenta characterem imprimant, *ibid. n. 3.*

Sacramentorum Minister.

An primarius & præcipuus Sacramentorum minister sit Christus? *sect. 8. n. 1.*

An præter Christum sint alij Sacramentorum ministri ab ipso instituti, & qui? *ibid.*

An Angeli Sacramenta secundum legem ordinariam ministrare possint? *ibid.*

An in ministro Sacramenti requiratur potestas, & quæ, *ibid. n. 2.*

An in eodem requiratur intentio? *ibid. n. 3.*

Quænam intentio ad Sacramenti validitatem necessaria sit? *ibid. n. 4.*

Quænam aliæ dispositiones requirantur in ministro, ut non modò validè, sed etiam licitè Sacramentum administret? *ibid. n. 6.*

An liceat à malis ministris Sacramenta recipere? *ibid. n. 8.*

Sacramentalia.

Quid nomine Sacramentalium intelligatur, *tract. 2. cap. 5. sect. 4. n. 3. & 4.*

Quot sint Sacramentalia, *ibid.*

An & qua ratione per Sacramentalium vsum peccata venialia remittantur? *ibid.*

Sacrificium.

Quid sit propriè Sacrificium? *tract. 1. c. 4. sect. 11. §. 1. n. 2.*

An soli Deo Sacrificium offerri debeat? *ibid.*

Quænam ad sacrificij rationem pertineant? *ibid.*

Sacrilegium.

Quid sit sacrilegium? *tract. 2. c. 4. sect. 1. §. 5. n. 14.*

Quot sint species sacrilegij? *ibid.*

Satisfactio.

Quid nomine satisfactionis intelligatur? *tract. 1. c. 5. sect. 23. n. 2.*

Quæ sit & quotuplex satisfactio sacramentalis? *ibid. n. 2.*

An remissa per absolutionem sacramentalem peccati culpa, remaneat aliquando poena aliqua temporalis à poenitente luenda? *ibid. n. 3.*

An per aliqua bona opera Deo satisfieri possit? *ibid.*

Quibusnam operibus possit satisfieri? *sect. 23.*

Quid in satisfactione imponenda Confessarius observare debeat? *sect. 24.*

Quæ sit obligatio poenitentis ad satisfactionem illam à Confessario impostam acceptandam & implendam? *sect. 25.*

Scandalum.

Quid per scandalum intelligatur? *tract. 2. cap. 4. sect. 5. §. 5. n. 4.*

Quid sit scandalum actiuum vel passiuum? *ibid. n. 5.*

An

- An possit scandalum actiuum esse sine passiuo, & è contra? *ibid.*
 An scandalum actiuum sit speciale peccatum? *ibi d.*
 An spiritalia bona, ad propriam vel proximi salutem necessaria vel vtilia, dimitti debeant, ad euitandum scandalum passiuum aliorum? *ibid. n. 6.*

Simonia.

- Simoniz peccatum vnde dictum sit? *in appendic. de statu clerical. art. 3. q. 2. n. 1.*
 Quotuplex sit simonia? *ibid. n. 2.*
 Quid sit simonia mentalis, conuentionalis, realis? *ibid.*
 An sit aliqua Simonia iure diuino, & aliqua alia iure humano Ecclesiastico prohibita? *ibid. n. 3.*
 Qua ratione simoniz peccatum dignosci possit? *ibid. n. 4.*
 An sit simonia mercedem recipere pro munere docendi scientiam aliquam naturali industria comparabilem? *ibid.*
 An Sacerdotes qui pro celebrationibus Missarum, exequijs defunctorum, alijsque similibus ministerijs stipendium seu honorarium accipiunt committant Simoniam? *ibid. n. 5.*
 An sit simonia aliquid dare vel recipere pro dote puellę vitam religiosam profitentis? *ibid.*
 An sit simonia vasa sacra vendere velemere? *ibid. n. 6.*
 An resignatio Beneficij in fauorem alicuius, vel cum reservatione pensionis, sit simoniaca? *ibid. n. 7.*
 An simonia reperiatur in permutatione beneficiorum? *ibid.*
 Quęnam sint poenę contra Simoniacos constitutz? *q. 3.*

Sortes.

- An fortibus diuinatorijs vti sit illicitum? *tract. 2. cap. 4. sect. 1. §. 5. num. 6.*
 An sit illicitum vti fortibus consultorijs? *ibid. n. 8.*
 Sub quibus conditionibus vti liceat eiusmodi fortibus? *ibid.*
 An & qua ratione licitum sit vti fortibus diuiforijs? *ibid.*

Spes.

- Quid sit spes? *tr. 2. c. 4. sect. 1. §. 2. n. 1.*
 An licitum sit spem in aliqua creatura collocare? *ibid. n. 1.*
 An extet aliquod præceptum de spe in Deum concipienda? *ibid. n. 4.*
 In quibus casibus præceptum illud obliget? *ibid. n. 5.*
 Quęnam sint peccata spei opposita? *ibid.*

Sponsalia.

- Quid sponsaliorum nomine intelligatur? *tract. 1. cap. 8. sect. 6. num. 1.*
 Quęnam requirantur ad validitatem sponsaliorum? *ibid.*
 Quę sit sponsaliorum obligatio, & quibus modis dissoluantur? *ibid. n. 2.*

An ad absoluenda sponsalia opus sit autoritate Iudicis Ecclesiastici; *ibid.* n. 3.

Superstitio.

Quid sit superstitio? *tract. 2. c. 4. sect. 1. §. 5. n. 1.*

Quot sint species superstitionis? *ibid.* n. 3.

Suspensio.

Quid sit suspensio? *tract. 2. c. 6. sect. 2. §. 2. n. 1.*

Quotuplex sit suspensio? *ibid.*

An qui suspensionem violat in exercitio solemnium alicuius Ordinis sacri, incurrat irregularitatem? *ibid.*

Quænam suspensiones in iure latæ frequentius incurrantur? *ibid.*

A. 2. 3. 6. 4.

Tentatio Dei.

Quid sit tentatio Dei, & quale peccatum? *tract. 2. cap. 4. sect. 1. §. 5. num. 13.*

Quot modis peccatum illud committatur? *ibid.*

An sit tentare Deum, necessitate aliqua causa rationabili urgente auxilium aliquod extraordinarium ab eo postulare aut expectare? *ibid.*

Tonsura Clericalis.

An usus Tonsuræ Clericalis sit à primis Ecclesiæ temporibus? *in append. de statu Clerical. art. 2.*

An prohibitum sit Clericis comam relaxare aut nutrire? *ibid.*

Qualis debeat esse tonsura Clericalis? *ibid.*

Vana observatio.

Quid sit vana observatio, & in quo differat à diuinatione? *tract. 2. c. 4. sect. 1. §. 5. n. 9.*

An vana observatio sit peccatum mortale? *ibid.*

Quot sint species vanæ observationis? *ibid.* n. 10. & 11.

Votum.

Quid sit votum? *tract. 2. c. 4. sect. 2. §. 3. n. 1.*

Quotuplex sit votum? *ibid.* n. 3.

Quænam sint personæ voti emittendi capaces? *ibid.* n. 4.

Quid de votis impuberum & religiosorum censendum sit? *ibid.* n. 5.

Quæ sit voti observandi obligatio? §. 4. n. 1.

An executio voti circa peccatum differri possit? *ibid.* n. 2.

An aliquis possit voto alterius obligari? *ibid.*

An aliquando liceat votum interpretari, & qua ratione? *ibid.* n. 3.

Quot modis cesset voti obligatio? *ibid.* n. 4.

Quæ sit differentia inter irritationem & dispensationem voti? *ibid.*

An sit in Ecclesia potestas dispensandi in votis? *ibid.* n. 5.

Quibus personis potestas illa competat? *ibid.*

Quænam vota reservata sint summo Pontifici? *ibid.*

Quæ-

- Quænam sint iustæ rationes dispensandi in votis? *ibid.* n. 6.
 An prælatus possit secum ipse dispensare in proprijs votis? *ibid.*
 An vouens possit propria autoritate commutare votum suum? *ibid.* n. 8. & 9.

Vfura,

- Quid vfuræ nomine intelligatur? *tract.* 2. *cap.* 4. *sect.* 7. §. 12. n. 1.
 Quid sit vfura mentalis, formalis, palliata, &c. *ibid.*
 An omnis & quæcunque vfura sit peccatum? *ibid.* n. 2.
 An in censibus & cambijs vfura reperitur? *ibid.* n. 4.
 An ratione damni emergentis aut lucri cessantis licitum sit aliquid exigere in mutuo, ultra principalem sortem. *ibid.* n. 5.
 An idem liceat ratione periculi, cui mutuans pecuniam exponit? *ibid.* num. 6.
 An idem licitum sit in pœnam dilatæ solutionis? §. 13. n. 1.
 An licitum sit mutuanti pignus frugiferum accipere pro assicura-
 tione pecuniæ mutuata? *ibid.* n. 2.
 An licitum sit inire societatem cum altero, ea conditione, vt saluo
 capitali lucrum aliquod certum quot annis recipiatur? *ibid.* n. 3.
 4. 5. & 6.

CATECHESIS CHRISTIANA EX IIS,
 quæ in vtraque huius operis parte continentur, bre-
 uiter & methodicè concinnata, & ad com-
 modiorein Catechismi praxim ac-
 commodata.

Cum Vniuersa Catechismi Christiani Doctrina communiter
 ad quinque capita soleat reuocari; videlicet ad fidem, spem,
 charitatem, officia iustitia Christiana, & Sacramenta,
 quibus continentur omnia quæ à quolibet Christiano ad salutem
 æternam consequendam credi & præstari debent: Idcirco breuiter
 hic adnotabimus ea quæ super vnoquoque illorum quinque capi-
 tum, in varijs huius Medulla Theologica locis explicata reperiri-
 tur, ut ex ijs tanquam ex fontibus vberioribus, quisque haurire
 possit, quæ vel ad propriam, vel ad aliorum institutionem necessa-
 ria aut utilia esse existimauerit.

C A P V T P R I M V M.

De Fide.

Fides est virtus supernaturalis Theologica, qua homo
 firmiter assentitur ijs, quæ Deus reuelauit, & per
 Ecclesiam credenda proposuit; siue illa scripta sint, siue
 non sint.

Vide explicationem illius definitionis. *par. 1. tract. 1. cap. 1. sect. 1.*

Quotuplex sit fides, *ibid.*

Quid sit fides actualis, quid habitualis, quid item explicita vel im-
 plicita, formata vel informis, viua vel mortua, *ibid.*

An fides sit necessaria ad salutem necessitate præcepti, vel medijs,
sect. 2. & 3.

An sit ad salutem necessarium aliquorum mysteriorum fidem ex-
 plicitam habere, & quorum, *sect. 4.*

An, & qua ratione extrema fidei confessio sit ad salutem neces-
 saria, *sect. 5.*

An fuerit necessarium condi Symbolum aliquod fidei, quod præci-
 pua fidei capita complecteretur, *cap. 2. sect. 5.*

Symbolum Apostolorum.

Credo in Deum Patrem Omnipotentem Creatorem
celi & terræ.

Et in Iesum Christum Filium eius unicum Dominum nostrum.

Qui conceptus est de Spiritu Sancto, natus ex Maria Virgine.

Passus sub Pontio Pilato, crucifixus, mortuus & sepultus.

Descendit ad inferos, tertia die resurrexit à mortuis.

Ascendit ad celos, sedet ad dexteram Dei Patris omnipotentis.

Inde venturus est iudicare vivos & mortuos.

Credo in Spiritum Sanctum.

Sanctam Ecclesiam Catholicam, sanctorum Communionem,
Remissionem peccatorum.

Carnis resurrectionem.

Vitam eternam. Amen.

Credo,

Quomodo actus fidei sit in praxim redigendus, *cap. 3. sect. 9.*

In Deum.

Quomodo distinguantur credere Deum, credere Deo, & credere in Deum? *cap. 1. sect. 1.*

De Unitate, æternitate, immensitate Dei, aliisque eius perfectionibus & attributis. *Vide. tr. 2. c. 1. 2. & 3.*

Patrem,

De Mysterio Trinitatis. *tr. 3. de Trinitate, cap. 1.*

De Persona Patris. *cap. 2. sect. 1.*

Quomodo loquendum sit de Mysterio Trinitatis. *sect. 8.*

Omnipotentem.

De Efficacitate diuinæ voluntatis. *tract. 2. cap. 2. sect. 8.*

Crea-

Creatorem .

Qua ratione Deus sit causa efficiens rerum omnium. *tr. 4. c. 1. sect. 1.*
 Quod solius Dei proprium sit , creare. *ibid. sect. 2.*

Celi & terræ .

An mundus Vniuersus , vel creatura aliqua fuerit vel esse potuerit
 ab æterno ; Et an omnes Creaturæ initium aliquod suæ duratio-
 nis habuerint ? *ibid. sect. 3.*

Quandonam Angeli creati sint ? *tr. 4. c. 2. sect. 1.*

Fueruntne Angeli creati in cœlo Empyreo ? *ibid. sect. 2.*

An sint nouem Ordines Angelorum. *sect. 9.*

Fuerunt ne Angeli creati in gratiæ statu ? *cap. 3. sect. 1.*

Quodnam fuerit bonorum Angelorum meritum , & malorum de-
 meritum ? *ibid.*

An sint aliqui Angeli ad custodiam hominum à Deo deputati *sect. 3.*

Quænam sint officia Angelorum custodum erga homines. *ibid.*

Quomodo homines à Dæmonibus impugnentur ? *sect. 6.*

Quid de creatione hominis sentiendum sit ? *c. 4. sect. 1.*

Qua ratione homo dicitur creatus ad imaginem & similitudinem
 Dei ? *ibid.*

Qualis fuerit status innocentiae , in quo primus homo conditus est ,
sect. 2. 3. 4. & 5.

De lasu & peccato primi hominis. *cap. 5. sect. 1.*

De peccato originali , & eius effectibus. *sect. 2. 3. 4. & 5.*

Et in Iesum Christum ,

Quandonam facta sit impositio nominis Iesu. *tr. 5. cap. 7. sect. 2.*

Quæ & quanta sit excellentia nominis Iesu , *ibid.*

Quid significet nomen Iesu , *ibid.*

Quare Iesus dictus sit Christus , *ibid.*

Filium eius vnicum ,

De persona Filij, quæ est secunda in Trinitate, *tract. 3. cap. 2. sect. 2.*

Dominum nostrum ,

De Regia Christi dignitate , & eius dominio supremo in omnes
 creaturas. *tract. 5. cap. 7. sect. 8.*

De adoratione Christo debita. *cap. 8. sect. 1.*

Qui

An potestatem illam iudiciariam in morte cuiusque exerceat? *ibid.*

Credo in Spiritum Sanctum ,

De persona Spiritus sancti. *tract. 3. cap. 2. sect. 4.*

Sanctam Ecclesiam Catholicam ,

Quænam sit vera Ecclesia, & quibus notis dignoscatur? *tract. 1. cap. 2. sect. 4.*

De Romano Pontifice summo totius Ecclesiæ Pastore, *part. 2. tract. 2. cap. 3. sect. 5. §. 3.*

De Concilijs Generalibus , quæ Ecclesiam vniuersam repræsentant. *ibid. §. 2.*

De Episcopis alijsque Ecclesiæ Prælati. *ibid. §. 3.*

Sanctorum Communionem ,

Quid per Sanctorum Communionem intelligatur. *part. 2. tract. 2. cap. 6. sect. 2. §. 1.*

Remissionem peccatorum ,

De remissione peccatorum per Sacramentum Baptismi & Pœnitentiæ percipienda. *part. 2. cap. 2. sect. 6. & cap. 5. & sect.*

Carnis Resurrectionem ,

Qua ratione Christi resurrectio sit causa nostræ Resurrectionis. *part. 1. tract. 5. cap. 7. sect. 4.*

De Corporum resurrectione & glorificatione. *tract. 6. cap. 5. sect. 6.*

Vitam æternam ,

In quo consistat vita & beatitudo æterna. *tract. 6. cap. 5. sect. 6.*
Quænam sint aureolæ Beatorum. *ibid.*

De clara & intuitiva diuinæ essentiæ visione. *tract. 2. cap. 6. sect. 1. 2. & seq.*

Deus velit omnes homines saluos fieri. *tract. 6. cap. 2. sect. 5.*

An loco inferni, & damnatorum pœnis. *part. 2. tract. 2. cap. 2. in digress. post sect. 2.*

CA T E C H E S I S

C A P V T S E C V N D V M.

De Spe.

Spes est virtus supernaturalis Theologica, qua homo fidelis in presenti quidem sæculo bona salutaria; in futuro verò ipsam æternam beatitudinem, à Deo cum fiducia per Christi merita, expectat.

Vide explicationem illius definitionis, *part. 2. tr. 2. cap. 4. sec. 1. §. 2.*
Omnia verò, quæ à Deo sperare & postulare possumus & debemus continentur in septem petitionibus orationis Dominicæ, quæ sequitur.

Pater noster qui es Cælis.
Sanctificetur nomen tuum.
Adueniat Regnum tuum.
Fiat voluntas tua sicut in cælo & in terra.
Panem nostrum quotidianum da nobis hodie.
Et dimitte nobis debita nostra, sicut & nos dimittimus debitoribus nostris.
Et ne nos inducas in tentationem.
Sed libera nos a malo.

De oratione, *part. 2. tract. 2. cap. 4. sect. 1. §. 3.*
Quid sit, & quotupliciter fiat oratio? *ibid.*
An oratio necessaria sit ad salutem? *ibid.*
Quo tempore fieri debeat oratio? *ibid.*
Quis possit & debeat orare? *ibid.*
Ad quem debeat dirigi oratio, seu quis debeat orari? *ibid.*
Pro quibus orandum sit? *ibid.*
Quomodo sit orandum?
Quænam in oratione sint postulanda? *ibid.*
Quis sit singularum petitionum orationis dominicæ sensus? *ibid.*
Orationi dominicæ communi Ecclesiæ vsu subiungitur salutatio Angelica, cum precatiuncula quæ sequitur.

Aue Maria, gratia plena, Dominus tecum, benedicta tu in mulieribus, & benedictus fructus ventris tui, Iesus. Sancta Maria, Mater Dei, ora pro nobis peccatoribus, nunc & in hora mortis nostræ, Amen.

De

De cultu sanctissimæ Virgini Mariæ exhibendo, *part. 1. tract. 5. cap. 8. sect. 3.*

Vide explicationē singulorū verborum salutationis Angelicæ, *ibid.*

CAPVT TERTIVM.

De Charitate.

Charitas est virtus supernaturalis Theologica, qua Deus summè super omnia diligitur propter seipsum, & proximus propter ipsum Deum.

Vide illius definitionis explicationem, *part. 2. tract. 2. cap. 4. 1. sect. §. 4.*

An & qua ratione charitas sit virtutum forma? *ibid.*

Qua ratione charitas sit amor perfectæ amicitiae? *ibid.*

Quinam sint actus charitatis elicitī, & qui imperatī? *ibid.*

Quomodo intelligi debeat illud dictum S. Bernardi, quod *modus diligendi Deum est diligere sine modo*? *ibid.*

An charitas vnico mortali peccato deperdatur? *ibid.*

Quale sit præceptum de diligendo Deo, & quo tempore obliget? *ib.*

Quænam peccata charitati aduersentur? *ibid.*

De charitate proximi, *vide sect. 4.*

Quænam personæ sint ex charitate diligendæ? *ibid. §. 1.*

An vnusquisque teneatur ex charitate diligere seipsum *ibid.*

Quid nomine proximi intelligendum sit? *ibid.*

Qua ratione diligendi sint inimici? *ibid.*

Quis ordo in charitate seruandus sit? *§. 2.*

An licitum sit quantumlibet paruum peccatum committere, ad maximum aliquod bonum spirituale alteri procurandum? *ibid.*

An & qua ratione vnusquisque teneatur plus diligere seipsum, quàm proximum? *ibid.*

De actibus charitatis erga proximum *§. 3.*

De eleemosyna corporali, *ibid.*

De eleemosyna spirituali seu de correctione fraterna? *§. 3.*

Cum verò præcipuus charitatis actus sit observatio diuinæ legis, dicente Christo (Qui habet mandata mea & seruat ea, ille est qui diligit me. *Ioan. 14.*) ideò agendum est hic de decalogo seu de præceptis diuinæ legis, quæ in scriptura recensentur his verbis.

Decalogi præcepta.

Ego sum Dominus Deus tuus.

I. Non habebis Deos alienos coram me. Non facies tibi sculptile vt adores illud.

II. Non assumes nomen Domini Dei tui in vanum.

III. Memento vt diem Sabathi sanctifices.

IV. Honora Patrem tuum & matrem tuam, vt sis longæuus super terram, quam Dominus Deus tuus daturus est tibi.

V. Non occides.

VI. Non mæchaberis.

VII. Non furtum facies.

VIII. Non loqueris contra proximum tuum falsum testimonium.

IX. Non concupisces vxorem proximi tui.

X. Non domum, non agrum, non seruum, non ancillam, non bouem, non asinum, & vniuersa quæ illius sunt.

Ego sum Dominus Deus tuus; non habebis Deos, &c.

Vide explicationem primi præcepti, *part. 2. tract. 2. cap. 4. sect. 1.*

Quidnam primo illo præcepto circa virtutes fidei, spei, aut charitatis præcipitur aut prohibetur? *ibid. §. 1. 2. & 3.*

Quid eodem præcepto circa virtutem Religionis, illiusque actus præcipitur aut prohibetur, §. 4.

Quot modis peccetur in primum decalogi præceptum. §. 5.

Non assumes nomen Domini, &c.

Vide explicationem secundi præcepti, *sect. 2.*

De iuramento, quot modis fiat, & qua ratione licitum sit aut illicitum. *ibid. §. 1.*

De blasphemia, quid sit & quot modis committatur? §. 2.

De voto, quid sit, & quotuplex, §. 3.

Quænam personæ votum emittere possint? *ibid.*

Quæ & quanta sit voti obligatio, & quibus modis cessare possit? *ibid. §. 4.*

Quot modis peccetur in secundum decalogi præceptum, *ibid. §. 5.*

Memento ut diem Sabbathi sanctifices .

Vide explicationem huius tertii præcepti, *sect. 3.*

Quænam requirantur ad debitam festorum dierum sanctificationem?

§. 1.

Quænam sint opera servilia, à quibus abstinendum sit diebus festis?

ibid.

An præter illa quæ servilia sunt, sint aliqua alia opera diebus festis prohibita, & quæ? *ibid.*

Quidnam adhuc præter abstinentiam ab operibus servilibus requiratur ad festorum dierum sanctificationem, *ibid.*

Quænam dispositiones requirantur ut quis Missæ sacrificio debitè ac religiosè intersit? *ibid.*

Quot modis peccetur in tertium decalogi præceptum *ibid.* §. 2.

Honora patrem tuum & matrem tuam, &c.

Vide explicationem huius quarti præcepti, *sect. 4.*

Quænam sint officia & obligationes filiorum erga parentes, & inferiorum quorumcunque erga Superiores? *ibid.* §. 6.

Quænam vicissim sint officia & obligationes parentum erga filios, & Superiorum quorumcunque erga inferiores? *ibid.*

Quot modis peccetur in quintum decalogi præceptum? *ibid.*

Non occides.

Vide explicationem huius quinti præcepti, *sect. 5.* §. 1.

An liceat occidere vel mutilari seipsum? §. 2.

An sint aliquæ causæ iustæ, ob quas liceat alterum occidere vel mutilare? §. 3.

Quot modis peccetur in quintum decalogi præceptum §. 4.

Quænam restitutio, ob alterius occisionem vel mutilationem sit facienda? *ibid.* §. 5.

Non mechaberis.

Vide explicationem huius sexti præcepti, *sect. 6.* §. 1.

Quot sint luxuriæ species? *ibid.*

Quot modis peccetur in hoc sextum præceptum? §. 1.

An aliqua restitutio quandoque facienda sit ob violationem huius præcepti? §. 3.

Min 3

Non

Non furaberis.

Vide explicationem huius septimi præcepti, *sect. 6.*

Quænam requirantur ad iustitiam seruandam in varijs contractibus
v.g. in emptione, venditione, mutuo, locato, & alijs, vid. *ibid.* §.
6. 7. 8. 9.

Quidnam prohibeatur hoc septimo præcepto? §. 10.

Quot modis peccetur in illud? §. 11.

Quibus modis peccatum vfuræ committatur? §. 12.

Quænam restitutio facienda sit ob violationem huius præcepti? §. 14.

Non loqueris contra proximum tuum, &c.

Vide explicationem huius octauæ præcepti? *sect. 8.*

Quid sit mendacium, & quotupliciter committatur? *ibid.* §. 1.

Quid sit detractio, & quot modis committatur? §. 7. & 8.

Quid sit iudicium temerarium? §. 9.

Quot modis peccetur in hoc præceptum? 10.

Non concupisces vxorem proximi tui.

Non domum, non agrum, &c. nec vniuersa quæ illius sunt.

Vide explicationem noni & decimi præcepti, *sect. 9.*

Quænam concupiscentia his duobus præceptis prohibeatur? *ibid.*

Quot modis in illa duo vltima decalogi præcepta peccetur? *ibid.*

Præter diuina Decalogi præcepta, sunt etiam alia præcepta Ecclesiæ, quæ à quolibet Christiano cum omni reuerentia suscipi, & humiliter ac fideliter seruari debent; dicente Christo, illum, qui Ecclesiam audire, ipsique obedire noluerit, habendum esse tanquam ethnicum & publicanum.

Sunt autem quinque præcipua Ecclesiæ præcepta cuique Christiano, & scitu, & obseruatu necessaria.

I. Statutos ab Ecclesia festos dies celebrato.

II. Sacrum Missæ officium diebus festis reuerenter audito.

III. Ieiunia certis diebus temporibusque indicta seruato.

IV. Peccata tua propria Sacerdoti tuo annis singulis confitetur.

V. Sa-

V. Sacro sanctam Eucharistiam ad minimum semel in anno, idque circa festum Paschæ sumito.

Vide explicationem primi & secundi præcepti Ecclesiæ, supra in explicatione tertij præcepti decalogi, *par. 2. tr. 2. cap. 4. sect. 3.*

Vide explicationem tertij præcepti quod est de Ieiunio, *cap. 5. sect. unic.*

Quænam personæ ad ieiunium obligentur? §. 2.

Quot modis in hoc tertium Ecclesiæ præceptum peccetur? §. 3.

Vide explicationem quarti præcepti Ecclesiæ? *tract. 1. c. 5. sect. 8.*

Vide explicationem quinti præcepti eiusdem Ecclesiæ? *c. 4. sect. 8.*

C A P V T Q V A R T V M .

De Officijs Iustitiæ Christianæ .

Iustitiæ Christianæ nomine nihil aliud intelligitur quam animæ mundities & rectitudo : hoc est ab omni labe peccati saltem mortalis puritas, & verum ac sincerum pietatis ac bonorum operum studium .

Ex quo infertur, quod etiam ex sacris litteris discimus, duo esse præcipua Christianæ iustitiæ officia .

Primum est, declinare à malo, id est peccatum quodcumque sollicitè deuitare ;

Et ad hoc explicandum est .

Quid sit peccatum ? *Vid. part. 2. tract. 2. cap. 2. sect. 2.*

Vndenam actus humanus bonitatem vel malitiam moralem desumat, *cap. 1. sect. 3.*

Quid sit conscientia, quid Synderesis, *sect. 5. §. 1.*

Quæ sit obligatio sequendi dictamen conscientiæ, §. 2.

Quid de conscientia scrupulosa sentiendum sit, §. 4.

In dubijs quid agendum, §. 5.

Quænam sint peccata mortalia aut venialia, *cap. 2. sect. 2.*

Qua ratione peccata mortalia & venialia inter se dignoscantur, *sect. 3.*

De peccatis omissionis & commissionis, & varijs eorum gradibus, *sect. 5.*

Quænam delectatio sit peccatum ? *ibid.*

Quænam sint causæ peccatorum? *sect. 6.*

Qua ratione ignorantia sit causa peccati, vel à peccato excuset?
sect. 7.

Quinam sint effectus peccati? *sect. 8.*

Secundum officium Iustitiæ Christiane est facere bonum, id est opera bona, & coram Deo meritoria exercere.

Et ad hoc videndum,

In quo consistat iustificatio hominis? *part. 1. tr. 6. c. 4. sect. 1.*

Quænam dispositiones requirantur ad iustificationem? *sect. 5.*

An aliquis citra reuelationem certo scire possit se esse iustificatum?
sect. 1.

An homo possit velle aut facere bonum aliquod sine gratia? *cap. 1. sect. 7.*

An homo Iustificatus indigeat aliquo gratiæ actualis auxilio ad operandum bonum, & ad finalem perseverantiam? *eod. cap. 1. sect. 9.*

An cuilibet homini detur gratia sufficiens ad salutem? *cap. 2. sect. 4.*

An possit homo aliquid à Deo mereri? *cap. 5. sect. 1.*

Quænam condiciones requirantur ad meritum? *sect. 3. & 4.*

Quænam res tadant sub meritum. *sect. 5.*

Quis iustus sibi, quid alijs mereri possit? *sect. 6. & 7.*

C A P V T Q V I N T V M.

De Sacramentis.

CVM Sacramenta sint eo fine diuinitus instituta, ut nobis conferant gratiam, sine qua nec Deo placere, nec opera illi placita exequi possumus; idè post virtutum Theologicarum, & Iustitiæ Christiane Doctrinam, populus Christianus de ipsis Sacramentis instrui maximè debet, ut nouerit quid de illis credere teneatur, & qua ratione se ad illa debitè & fructuosè recipienda disponere possit, ut illorum virtute ac efficacia gratias illas obtineat, quæ ad iustificationem consequendam, & ad virtutes exercendas sibi necessaria est, atque in primis de ipsis Sacramentis in genere, tum de iisdem in particulari agendum est.

De Sacramentis in genere.

Sacramentum est signum aliquod sensibile, quod ex institutione Dei Sanctitatis & Iustitiæ tum significandæ, tum efficiendæ vim habet.

Vide explicationem huius definitionis, *par. 2. tr. 1. cap. 1. sect. 1.*

Qua ratione Sacramenta nouæ legis differant à Sacramentis legis naturæ & Legis Mosaiæ? *ibid.*

An Sacramenta nouæ legis conferant gratiam? *sect. 4.*

An præter gratiam sanctificantem, dona Spiritus Sancti, & virtutes infusas, Sacramenta nouæ legis conferant quædam gratiæ actualis auxilia? *sect. 5.*

An gratiam illam, & auxilia conferant omnibus suscipientibus? *ibid.*

An Sacramenta nouæ legis æqualem gratiam conferant? *ibid.*

An per aliqua Sacramenta character imprimatur? *sect. 6.*

Quid sit ille character, & an sit indelebilis? *ibid.*

Quenam Sacramenta characterem imprimant? *ibid.*

Quot sint Sacramenta nouæ legis? *sect. 6.*

De Baptismo.

Baptismus est Sacramentum nouæ legis à Christo institutum, in quo per exteriorem corporis ablutionem aqua naturali factam sub præscripta verborum forma, confertur gratia.

Quod Baptismus sit Sacramentum à Christo institutum *Vid. par. 2. tr. 1. cap. 2. sect. 1.*

Quo tempore à Christo institutum sit? *ibid.*

Quæ differentia inter sit Baptismus Ioannis, & Baptismus à Christo institutum? *ibid.*

An Baptismus ad salutem necessarius sit? *ibid.*

Quid sit Baptismus in voto susceptus, & an sufficiat? *ibid.*

Quæ differentia inter Baptismi fluminis, fluminis, & sanguinis? *ibid.*

Quæ sit materia propria Baptismi? *sect. 2.*

An aquæ artificiales sint aptæ ad conferendum Baptismum? *ibid.*

Qualis & quanta ablutio ex aqua naturali ad Baptismum requiratur? *ibid.*

Quenam pars corporis ablui debeat? *ibid.*

Quæ sit forma Baptismi, seu sub quibus verbis baptisus conferri debeat? *sect. 3.*

An

- An expresse mentio & inuocatio trium personarum sanctissimæ Trinitatis necessaria sit ad baptismum validè conferendum? *ibid.*
 Quis possit baptismum conferre? *sect. 4.*
 An in casu necessitatis quilibet siue fidelis, siue infidelis, siue vir, siue mulier baptismum conferre possit?
 Quis baptismum suscipere possit? *sect. 5.*
 An licitum sit baptizare infantes inuitis parentibus infidelibus. *ibid.*
 Quænam dispositiones requirantur in adultis, qui baptismum suscipere volunt? *ibid.*
 Vtrum infans nondum natus possit in vtero materno baptizari? *ibid.*
 Vtrum monstra baptizari debeant? *ibid.*
 Vtrum adulti amentes sint baptizandi? *ibid.*
 Quinam sint effectus Baptismi? *sect. 6.*
 An per baptismum fiat remissio non modò culpæ, sed etiam totius poenæ peccatis debitæ? *ibid.*
 An per baptismum character imprimatur? *ibid.*
 An per Circumcisionem in veteri lege conferretur remissio peccatorum? *ibid.*
 Vide explicationem cęremoniarum baptismi? *sect. 7.*

De Confirmatione.

Confirmatio est Sacramentum nouæ legis à Christo institutum, in quo virtute vñctionis Chrismatis ab Episcopo factæ, & verborum ab eo prolatorum, gratia in Baptismo accepta augetur, & perficitur; & robur confertur ad fidem Christi interiùs retinendam & exteriùs profutendam.

Quod Confirmatio sit Sacramentum à Christo Domino institutum? *vide cap. 3.*

Quonam tempore institutum fuerit? *ibid.*

An Chrisma ex oleo Oliuarum & balsamo confectum, sit materia huius Sacramenti? *sect. 2.*

Cur Chrisma istud debeat esse ab Episcopo benedictum? *ibid.*

An vñctio Chrismatis debeat fieri in fronte? *ibid.*

An manu seu digito Episcopi vñctio illa fieri debeat? *ibid.*

Quænam sit forma huius Sacramenti, seu quænam verba ab Episcopo proferri debeant, cum illud Sacramentum confert? *ibid.*

Quinam sint huius Sacramenti effectus? *sect. 3.*

An complementum & perfectio gratiæ Baptismalis sit proprius huius Sacramenti effectus? *ibid.*

An

An per hoc Sacramentum imprimatur caracter? *ibid.*

Quenam dispositiones requirantur ad hoc Sacramentum validè & fructuosè recipiendum? *sect. 4.*

Quenam sit obligatio recipiendi hoc Sacramentum? *ibid.*

Vide explicationem cæremoniarum Confirmationis? *sect. 5.*

De Eucharistia.

EVcharistia est Sacramentum nouæ legis nobilissimum & excellentissimum, in quo sub speciebus panis & vini, continetur verum corpus, & verus sanguis Iesu Christi, & per illius dignam sumptionem gratia confertur ad sanctificationem & perfectionem animarum.

Quibus nominibus hoc Sacramentum à sanctis Patribus frequentius nuncupetur? *cap. 4. sect. 1.*

Quare vocetur (Eucharistia) & quid hoc nomen significet? *ibid.*

An Eucharistia sit Sacramentum à Christo institutum? *sect. 2.*

In quo propriè consistat Sacramentum Eucharistiæ? *ibid.*

Quenam sit materia apta ad conficiendam Eucharistiā? *sect. 3.*

Quenam sit forma consecrationis? *sect. 4.*

Quis sit verus & proprius sensus verborum consecrationis? *ibid.*

Quid in hoc Sacramento per verba consecrationis efficiatur? *sect. 5.*

An corpus Christi sit verè & realiter præsens in Sacramento Eucharistiæ? *ibid. § 1.*

An fiat transsubstantiatio seu conuersio totius substantiæ panis & vini in substantiam corporis & sanguinis Christi? *§. 2.*

An Christi corpus sub speciebus sacramentalibus existens, videri possit ab oculo corporeo? *§. 3.*

Quid censendum sit de apparitionibus miraculosis, quæ aliquando contingunt in Sacramento Eucharistiæ? *ibid.*

Quinam sint effectus Sacramenti Eucharistiæ? *sect. 6.*

An hoc Sacramentum conferat aliquando primam gratiam à peccato mortali iustificantem? *ibid.*

Quenam sint gratiæ speciales, quæ per hoc Sacramentum conferuntur? *ibid.*

An peccatorum venialium remissio, & à peccatis mortalibus præseruatio sit huius Sacramenti effectus? *ibid.*

An corporis resurrectio, & vita æterna sit huius Sacramenti effectus? *ibid.*

An expediat frequenter hoc Sacramentum percipere? *ibid.*

Quenam dispositiones requirantur ad dignam huius Sacramenti per-

perceptionem ex parte animæ ? *sect. 7. §. 1.*

Quænam ex parte corporis ? §. 2.

Quænam sit huius Sacramenti percipiendi necessitas & obligatio ?
sect. 8.

De Sacrificio Missæ.

Missæ nomine significatur actio illa religiosa, diuinitus instituta, per quam Christi Domini corpus & sanguis, sub speciebus panis & vini, à Sacerdote, cum sacris quibusdam ritibus ab Ecclesia præscriptis, consecratur, & in verum ac propriè dictum sacrificium offertur, & ab ipso offerente sumitur.

Quid nomen (Missa) significet ? *Vid. sect. 11. §. 1.*

Quid sit Sacrificium ? *ibid.*

An in Missa verum & propriè dictum sacrificium offeratur ? *ibid.*

§. 1.

Quinam sint huius sacrificij effectus ? §. 3.

An sacrificium Missæ sit non modo Latreuticum & Eucharisticum, sed etiam propitiatorium & impetratorium ? *ibid.*

Qua ratione Missæ Sacrificium offerri possit etiam pro temporalibus bonis à Deo impetrandis ? *ibid.*

An Missæ Sacrificium effectus suos infallibiliter producat ? *ibid.*

An sit æqualis efficientiæ, siue à bono, siue à malo Ministro offeratur ? *ibid.*

Pro quibus personis sacrificium Missæ validè offerri possit ? §. 4.

De Pœnitentia.

Pœnitentia est Sacramentum à Christo Domino institutum, quosdam hominis pœnitentis, & Ministri absoluentis actus complectens; quo, ab hoc, ille Deo reconciliatur, & à peccatis post baptismum commissis absoluitur.

Pœnitentiæ nomen sumitur aliquando pro virtute morali, aliquando pro Sacramento nouæ legis; vide vtriusque illius acceptionis differentiam, *cap. 5. sect. 1.*

Pœnitentiæ Sacramentum à Christo institutum esse probatur. *ibid. sect. 2.*

Quæ sit necessitas Sacramenti Pœnitentiæ ? *ibid.*

Qua

Quia ratione peccata actualia post Baptismum commissa dicantur esse materia Sacramenti Pœnitentiæ?

Quinam pœnitentis actus requirantur ad hoc Sacramentum? *ibidem.*

Quid sit contritio perfecta, & quo pacto ab attritione distinguatur? *sect. 8.*

Vtrum contritio perfecta necessaria sit ad Pœnitentiæ Sacramentum fructuose percipiendum, an vero attritio ad id sufficiat? *ibid. 9.*

Qualis debeat esse attritio illa, quæ ad Sacramentum pœnitentiæ digne recipiendum sufficiat? *sect. 10.*

Vtrum Confessio Sacramentalis ad peccatorum remissionem consequendam ex Christi Domini institutione necessaria sit? *sect. 11.*

Quid sit proprie Confessio Sacramentalis? *ibid.*

Quænam personæ & quo tempore obligentur ad Confessionem Sacramentalem faciendam? *sect. 12.*

Quænam condiciones ad Confessionem debite faciendam requirantur? *sect. 13.*

Quænam debeat esse integritas Confessionis? *sect. 14.*

Quænam peccatorum circumstantiæ in Confessione adhiberi debeant? *ibid.*

Quis sit legitimus Minister Sacramenti pœnitentiæ? *sect. 16.*

Quid de casuum reservatione censendum sit? *sect. 17.*

Quæ sit obligatio secreti seruandi in confessione? *sect. 20.*

In quibus casibus confessio nulla sit, & ideo iteranda? *sect. 20.*

Quid sit satisfactio Sacramentalis? *sect. 22.*

Quibus operibus Deo satisfieri possit? *sect. 23.*

Quæ sit obligatio pœnitentis circa satisfactionem acceptandam? *sect. 25.*

De Indulgentijs & Purgatorio.

CUm per Indulgentias condonetur pœna peccatis quoad culpam remissis debita, pro qua satisfactio esset exoluenda, & in Purgatorio post vitam pœna illa luatur, pro qua satisfactio in hac vita non esset exoluta, ideò Doctrinæ de satisfactione rectè subiungitur ea, quæ est de Indulgentijs & Purgatorio.

Quid per nomen Indulgentiæ intelligatur? *in appendic. post sect. 25. §. 1.*

An in Ecclesia extet Thesaurus ex satisfactionibus Christi & Sanctorum superabundantibus compositus, vnde applicandæ fidelibus Indulgentiæ proferuntur? *ibid.*

An thesauri illius dispensatio Ecclesiæ à Christo credita sit? *ibid. quæst.*

Quinam sit Indulgentiarum effectus? *ibid.*

Quotuplices sint Indulgentiæ? *ibid.*

Ad quem pertineat concedere Indulgentias? §.2.

Quænam dispositiones requirantur in eo, qui indulgentiarum fructum percipere intendit? §.3.

Quid purgatorij nomine intelligatur? §.4.

Vndenam constet esse Purgatorium? *ibid.*

Vbinam sit Purgatorij locus? *ibid.*

Quanto tempore illic animæ detineantur? *ibid.*

Quibus modis animæ illic existentes iuvari possint? *ibid.*

De Extrema Vnctione.

EXtrema Vnctio est Sacramentum à Christo institutum, in quo virtute vñctionis super infirmi corpus à Sacerdote factæ, adiunctis certis precibus, gratia ipsi infirmo confertur, ad resistendum tentationibus dæmonis, & ad ægritudinem patienter tolerandam, imò & ad sanitatem pristinam, si eius saluti conducatur, recuperandam.

Quod Extrema Vnctio sit Sacramentum à Christo institutum, *Vid. cap.6. sect.1.*

Quis sit proprius huius Sacramenti minister? *ibid.*

Quis sit proprius huius Sacramenti effectus? *ibid.*

Quinam sint effectus extremæ Vnctionis? *sect.3.*

Quis suscipere possit hoc Sacramentum, & quæ in eo dispositiones requirantur? *sect.4.*

Quænam sit obligatio recipiendæ Extramæ Vnctionis? *ibid.*

De Ordine.

ORdo est Sacramentum à Christo institutum, quo confertur potestas, ad exercendas ministeriorum Ecclesiasticorum functiones; & gratia ad easdem dignè & fructuosè obeundas.

Quod Ordo sit Sacramentum à Christo institutum? *vid. cap. 6. sect.1.*

De varijs Ordinum gradibus, *Vid. ibid.*

De Tonsura Clericali, *ibid.*

Quis

Quis Sacramentum Ordinis suscipere , quis illud conficere possit ?
sect. 3.

Quænam dispositiones requirantur in ijs, qui sunt promouendi ad
Ordines ? *sect. 4.*

Quinam sint effectus Sacramenti Ordinis ? *sect. 5.*

An per Sacramentum Ordinis imprimatur character ? *ibid.*

Quænam sint functiones cuiusque Ordinis propriæ ? *ibid.*

De Matrimonio .

Matrimonium est Sacramentum à Christo institutum,
quo vir & mulier vinculo indissolubili vniuntur ,
& eisdem gratia confertur, vt status coniugalis officia debi-
tè implere , & onera conuenienter ferre possint .

Quod Matrimonium sit Sacramentum , *Vid. cap. 8. sect. 1.*

Quænam requirantur ad hoc , vt Matrimonium validè & licitè
contrahatur , *sect. 2. & 3.*

Quinam sint Matrimonij effectus , & quæ officia coniugum reci-
proca , *sect. 4.*

Quænam sint Matrimonij impedimenta ? *sect. 5.*

De sponsalibus , & eorum validitate , & dissolutione. *sect. 6.*

F I N I S .

THE UNIVERSITY OF CHICAGO
LIBRARY

100 EAST 57TH STREET
CHICAGO, ILL. 60637

TEL: 773-936-5000
FAX: 773-936-5001

WWW.CHICAGO.EDU
WWW.LIBRARY.CHICAGO.EDU

OPEN: MON-FRI 9-5 PM
SAT 10-5 PM
SUN 12-5 PM

ADULTS: \$10.00
STUDENTS: \$5.00
CHILDREN: \$2.00

GROUPS: \$10.00
SPECIAL EVENTS: \$15.00

RESERVATIONS: 773-936-5000
CANCELLATION: 773-936-5000

ADMISSION: 773-936-5000
TICKETS: 773-936-5000

CHICAGO, ILL. 60637





-5-1-11.

